



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>















# INSTITUTIONES THEOLOGICO DOGMATICO CANONICO HISTORICO MORALES

*Iuxta Sacram Scripturam, Canones, S.S. Patres, Celebrioresque D.D.  
& Ecclesiasticæ Historiæ & Disciplinæ Scripturæ exarata.*

A B A T R E

ANTONIO MARIA BORANGA

ORD. S. HIERONYMI

CONGREG. B. PETRI DE PISIS

S. THEOL. LECT. IUBIL. EXPROV. ET TRIBUNALIS  
S. INQUISITIONIS CONSULTOR.

T O M U S IV.

*Complectens Tractatus de Sacramentis in genere, & in specie de Baptismo,  
Confirmatione, & Eucharistia.*



VENETIIS MDCCLXVI.

---

APUD SIMONEM OCCHI  
SUPERIORUM PERMISSU, AC PRIVILEGIO.

1. d. 82.

108. 1. 1

# I N D E X

## TRACTATUUM, CAPITUM, ET PARAGRAPHORUM

IN HOC QUARTO TOMO CONTENTORUM.

### TRACTATUS

De Sacramentis in Genere.

#### CAPUT I.

De Sacramentis Novæ legis.

- §. 1. **D**E Nomine Sacramenti. pag. 1  
 §. 2. De figuro. 3  
 §. 3. De existentia Sacramenti. 4  
 §. 4. Sacramenti definitio. 5  
 §. 5. De causis institutionis Sacramen-  
 tum. 6  
 §. 6. De existentia Sacramentorum in diversis  
 hominum statibus. 7  
 §. 7. De Sacramentis in statu legis natu-  
 ræ. 8  
 §. 8. De Sacramentis legis scriptæ. ibi.  
 §. 9. De Sacramentis novæ legis gratia, seu  
 Evangelicæ. 9  
 §. 10. De differentia Sacramentorum veteris  
 & novæ legis. ibi.  
 §. 11. De Circumcisione. 15  
 §. 12. De Sacramentorum novæ legis materia  
 & forma. 16  
 §. 13. De verbis, quibus tamquam forma sa-  
 cramenta novæ legis perficiuntur. 19  
 §. 14. De divisione formæ Sacramentorum. 21  
 §. 15. De unione, qua requiritur inter mate-  
 riam & formam Sacramentorum ad eorum  
 valorem. 23  
 §. 16. De institutione seu determinatione mate-  
 ria & forma, num facta sit a Christo Do-  
 mino in omnibus Sacramentis. ibi.  
 §. 17. De mutatione, quæ fieri potest in  
 materia tum formæ in Sacramentis. 25  
 §. 18. De usu materia, vel formæ dubie vel  
 probabilis tantum in Sacramentis perficien-  
 dis. 27  
 §. 19. De repetitione formæ supra eandem  
 materiam. 28  
 §. 20. De causa efficiente Sacramentorum. ibi.

#### CAPUT II.

De Ministris Sacramentorum novæ legis.

- §. 1. Quinam sui minister Sacramentorum no-  
 væ legis. 31  
 §. 2. De intentione ministri. 32

- §. 3. De qualitate intentionis necessaria in  
 Ministro ad Sacramenta valide peragen-  
 da. 43  
 §. 4. De Fide, & Probitate requisita in Mi-  
 nistro ad veritatem seu valorem Sacramen-  
 ti. 46  
 §. 5. De qualitate Ministri quoad fidem &  
 probitatem ad licitam Sacramentorum con-  
 fessionem, & administrationem. 47  
 §. 6. De Ministro, qui conficit Sacramentalia  
 in peccato mortali. 50  
 §. 7. De debito Ministri servandi diligenter ac-  
 cidentiales ritus, seu ceremonias usitatas ab  
 Ecclesia in Sacramentis conficiendis, & ad-  
 ministrandis. 51  
 §. 8. De reatu illius, qui sacramenta simu-  
 laret, seu fidei consecraret, aus ministrare-  
 ret. ibi.  
 §. 9. An licite Sacramentum ministrari possit  
 indigno. 52  
 §. 10. An liceat petere vel recipere sacramen-  
 tum ab indigno Ministro. 53  
 §. 11. De subiecto Sacramentorum, & de  
 eius dispositione requisita ad sacramenta vi-  
 te suscipienda. 55  
 §. 12. De dispositionibus in suscipiente sacra-  
 menta quoad eius intentionem, seu consen-  
 sum. ibi.  
 §. 13. De dispositionibus requisitis in susci-  
 piente, ut licite sacramenta recipiat cum  
 fructu. 58  
 §. 14. An collatio gratiæ primæ fieri possit per  
 Sacramenta vivorum, & secundæ per Sa-  
 cramenta Mortuorum. 59

#### CAPUT III.

- §. 1. De virtute & efficacia Sacramentorum  
 eorumque effectibus, ac modo, quo anas-  
 tur. 60  
 §. 2. De primo Sacramentorum effectu, scilicet  
 de Gratia. ibi.  
 §. 3. De modo, quo Sacramenta sua anas-  
 tatica gratiam producant, nempe ex opere  
 operato. 61  
 §. 4. An qualitas causalitatis Sacramento-

TMD



# VI INDEX TRACTATUUM

rum, qua gratiam efficiunt, physica sit, vel moralis.	62
§. 5. De Gratia actuali, seu Sacramentali.	63
§. 6. De necessitate ferri propositi utrendi congruenter ad finem recepti Sacramenti, ut fructuose Sacramentum recipiatur.	64
§. 7. De mensura Collationis gratiae per Sacramenta, idest num Sacramenta semper conferant aequalem gratiam.	ibi.
§. 8. De causalitate Sacramenti in vobis quoad gratias sacramentales, idest num illas conferat.	66
§. 9. De Sacramentorum reviviscencia.	ibi.
§. 10. De dispositione requisita ad reviviscencia Sacramenti.	68
§. 11. De secundo Sacramentorum effectu, idest de Charactero.	69
§. 12. De numero Sacramentorum novae Legis.	70
§. 13. De proprietatibus Sacramentorum, idest de eorum ordine, dignitate, & necessitate.	72
§. 14. De Sacramentorum necessitate, & fine eorum institutionis.	73
§. 15. De fine, seu de causis unde consensus fuit sacramenta institui.	74
A P P E N D I X	
De Ceremoniis Sacramentorum, aliisque Ecclesiasticis Ritibus, seu de Sacramentalibus.	
§. 1. De Ceremoniis Sacramentorum.	75
§. 2. De iis, quae in Ritibus solemnioribus solent adhiberi.	77
§. 3. De Sacramentalibus.	80
T R A C T A T U S	
De Baptismo.	
§. 1. De nomine ac definitione Baptismi.	84
§. 2. De divisione Baptismi secundum usum Ecclesiasticum, & Sacramentalem.	85
§. 3. De tempore, quo Christus Dominus instituit Sacramentum Baptismi.	87
§. 4. De differentia Baptismi Christi a Baptismo Ioannis.	89
§. 5. De tempore, quo Baptisma Christi coeperit obligare.	90
§. 6. De materia Baptismi.	91
§. 7. De divisione materiae Baptismi.	94
§. 8. De modis quibus fieri potest ablutio in Baptismi collatione.	95
§. 9. De forma Sacramenti Baptismi.	98
§. 10. De vocibus formae, quae necessario exprimenda sunt ad Baptismi validitatem.	101
§. 11. De Ministro Sacramenti Baptismi.	103
§. 12. De solemniori ordinario Baptismi Ministro.	104

§. 13. De Subiecto Baptismi.	107
§. 14. De iur <sup>to</sup> baptizandi filios indorum, Infidelium, Haereticorum, & Mancipiorum contra eorumdem Parentum voluntatem.	110
§. 15. De Menstris quando Baptismi sint subiectum capax.	112
§. 16. De filiis excommunicatorum, num baptizandi sint.	113
§. 17. De Baptismo mortuorum, & Campanarum.	ibi.
§. 18. De necessitate Baptismi post Evangelii publicationem.	116
§. 19. De Baptismi necessitate etiam quoad filios fidelium.	118
§. 20. De necessitate Baptismi praeposendi aliis Sacramentis.	119
§. 21. De Baptismi dilatione.	121
§. 21. De Baptismi effectibus.	126
§. 22. De Charactero Baptismi, & de Baptismo non reiterando.	129
§. 23. De dispositionibus ad suscipiendum Baptisma requisitis.	131
§. 24. De loco, & tempore, quibus Baptisma conferebatur.	133
§. 25. De obligationibus baptizatorum.	136

## A P P E N D I X

### De Ceremoniis Sacramenti Baptismi.

§. 1. De ceremoniis, quae precedebant Baptismum.	ibi.
§. 2. De ceremoniis, quae comitabantur Baptismum.	137
§. 3. De Ceremoniis, quae subsequerentur Baptismum.	138
§. 4. De supplendis ceremoniis praetermissis in Baptismo.	140

## T R A C T A T U S

### De Sacramento Confirmationis.

§. 1. De notione, & variis Confirmationis nominibus.	141
§. 2. De vera, & propria natura Sacramenti, quam habet Confirmatio; & de iis, qui circa eam veritatem errant.	142
§. 3. De tempore, & modo, quo Christus Dominus Sacramentum Confirmationis instituit.	144
§. 4. De materia remota Confirmationis.	ibi.
§. 5. De essentiali ratione manus impositionis tamquam partialis materiae remotae in Confirmationis Sacramento.	145
§. 6. De essentiali ratione Chrismatism tamquam partialis materiae remotae Sacramenti Confirmationis.	146
§. 7. De necessitate mixture olei, & Balsami, ac utriusque Episcopalis benedictionis.	148

- §. 8. De materia proxima Sacramenti Confirmationis. 149  
 §. 9. De Forma Sacramenti Confirmationis. 150  
 §. 10. De ministro Sacramenti Confirmationis. 152  
 §. 11. De administratione Confirmationis per simplicem Sacerdotem sanguinem extraordinarium Ministrum. 163  
 §. 12. De subiecto confirmationis. 154  
 §. 13. De dispositionibus requisitis in suscipiente Sacramentum Confirmationis. 155  
 §. 14. De effectibus Sacramenti Confirmationis. 156  
 §. 15. De necessitate Sacramenti Confirmationis. 158

## APPENDIX

## De Ceremoniis Sacramenti Confirmationis.

- §. 1. De Ceremoniis Confirmationem antecedentibus. 161  
 §. 2. De Ceremoniis, quae Confirmationem comitantur. 163  
 §. 3. De Ceremoniis subsequentibus Confirmationem. 164  
 §. 4. De usu sacri Chrismatis in variis benedictionibus. ibi.  
 §. 5. De ceremoniis quae respiciunt Christum. ibi.

## TRACTATUS

## De SS. Eucharistiae Sacramento.

## CAPUT I.

## De Eucharistia prout est Sacramentum.

- §. 1. De nomine & natura S. Eucharistiae. 165  
 §. 2. De Figuris Eucharistiae in veteri Testamento ac eius definitione. 168  
 §. 3. In quo consistat ratio sacramenti in Eucharistia. 169  
 §. 4. De duplici modo, quo spectari potest Eucharistia, in fieri scilicet, & in facto esse. 170  
 §. 5. De materia Sacramenti Eucharistiae. 172  
 §. 6. De materia remota Eucharistia, quae est panis, & vinum, necnon de eius quantitate, & praesentia. 174  
 §. 7. De pane azimo, & fermentato; & de pane azimo adhibendo in usu sacrae Eucharistiae. 178  
 §. 8. De vino, quod est altera materia pars Eucharistiae. 180  
 §. 9. De modica aqua vix admittenda pro Calicis consecratione. 181  
 §. 10. De forma, seu de verbis consecrationis huius sacramenti. 183  
 §. 11. De sensu formae Eucharistiae, seu de vera, & reali praesentia Corporis, & Sa-

guinis Christi in hoc sacramento. 186

- §. 12. De modo, & actione, quo Christus Dominus fit praesens in Eucharistia, seu de Transubstantiatione panis, & vini in ipsius corpus, & sanguinem. 188  
 §. 13. De quantitate corporis Christi in Eucharistia. 190  
 §. 14. De iis, quae in Eucharistiae sacramento sunt ex vi verborum, & quae per concomitantiam. 191  
 §. 15. De communicatione summorum specierum sacramentalium corporis, & sanguinis Christi. 192  
 §. 16. De iis, quae sequuntur ex conversione panis, & vini in Christi corpus, & sanguinem. 193  
 §. 17. De gestatione sacramenti S. Eucharistiae in processionibus, ipsius festo, & de eius publica expositione. 194  
 §. 18. De effectibus S. Eucharistiae. 195  
 §. 19. De obicibus, qui effectus S. Eucharistiae impedire possunt. 198  
 §. 20. De Ministro Sacrae Eucharistiae. 199  
 §. 21. De subiecto Eucharistiae, id est de personis capacibus huius Sacramenti. 202  
 §. 22. De malis sceleribusque inquinatis. ibi.  
 §. 23. De pueris aliisque usu rationis carentibus. 204  
 §. 24. De energumenis, surdis, ac mutis & idiotis. 205  
 §. 25. De condemnatis extremo supplicio. 206  
 §. 26. De hominibus scelestis, qui tempore mortis penitentes se praeforant. ibi.  
 §. 27. De mortuis. 209  
 §. 28. De necessitate communionis Eucharistiae. ibi.  
 §. 29. De obligatione sumendi Sacramentum Eucharistiam ex necessitate precepti divini, & Ecclesiastici. 211  
 §. 30. De tempore quo obligat divinum preceptum communionis Eucharistiae. 215  
 §. 31. De precepto Ecclesiastico sumendi sacramentum Eucharistiam. ibi.  
 §. 32. De frequentia sacrae Eucharistiae communionis. 217  
 §. 33. De communione sub utraque specie. 219  
 §. 34. De dispositionibus requisitis ad sacramentum communionem. 223  
 §. 35. De dispositionibus corporis pro sumenda sacra Eucharistia. 227  
 §. 36. De iis quae praestanda sunt in ipsa communionem, & post communionem. 230

## CAPUT II.

## De Eucharistia prout est Sacrificium. 1

- §. 1. De sacrificio generatim. 232  
 §. 2. De iis, quae spectantur in sacrificio. 235

# VIII INDEX TRACTATUM ETC.

§. 3. De nomine, & existentia veri & proprie dicti Missæ sacrificii.	237
§. 4. De eo in quo ratio missæ sacrificii consistat.	241
§. 5. De sacrificio missæ ut propitiatorio, & de causis ac personis pro quibus est offerendum.	247
§. 6. De iis pro quibus offerri potest missa sacrificium.	248
§. 7. De missis vulgo dictis privatis, quæ sine adstantium communione parantur.	251
§. 8. De causâ finali sacrificii Missæ.	252
§. 9. De effectibus sacrificii missæ.	254
§. 10. De modo, quo operatur hoc sacrificium, scilicet an ex opere operato, an ex opere operantis.	255
§. 11. De valore sacrificii Missæ.	256
§. 12. De Missæ proprietatibus, scilicet de eius necessitate ex parte sacerdotis celebrandi, ex parte populi conveniendi, & communicandi.	259
§. 13. De applicatione Missæ faciendâ a Parrocho pro populo.	260
§. 14. De debito fidelium communicandi ad divinum Missæ sacrificium.	263
§. 15. De debito fidelium communicandi sacramentaliter in Missa.	264
§. 16. De Missa Conventuali in Cathedralibus Ecclesiis, Collegiatis, & Conventualibus, necnon de eius applicatione pro Benefactoribus.	265
§. 17. De honorario, seu stipendio Missarum.	266
§. 18. De iis, quæ a Sacerdotibus in receptione honorarii sunt observanda.	268
§. 19. De incommodis, quæ orta sunt ex honorario pro Missæ celebratione.	275
§. 20. De fundationibus Anniversariorum, & Missarum.	277
§. 21. De Missarum reductione.	280
§. 22. de fructu applicando a Sacerdote si, a	

quo stipendium accepit, ac de eius sacrificii applicatione.	282
§. 23. De Altari privilegiato.	283
§. 24. De dispositionibus requisitis in celebrando ad missæ celebrationem.	285
§. 26. De dispositionibus quæ ex parte audientium Missam requiruntur, & quinam audiendi sint.	286

## A P P E N D I X

### De ritibus Missæ.

§. 1. De tempore & loco, quibus liceat Missam celebrare.	289
§. 2. De quotidiana Missæ celebratione.	290
§. 3. De loco ad Missam celebrandam.	293
§. 4. De forma antiquorum Templorum, seu Ecclesiarum.	296
§. 5. De Oratoriis privatis.	297
§. 6. De Altaribus ad sacrificandum.	298
§. 7. De Missæ Ceremoniis.	302
§. 8. De ceremoniis, quæ Missam præcedunt,	ibi.
§. 9. De Vestibus Diaconorum, Stola scilicet, & Dalmatica.	304
§. 10. De vestibus sacris.	306
§. 11. De corporalibus, aliisque sacris linamentis.	307
§. 12. De Corporum usu in Missæ sacrificio.	308
§. 13. De Thuro, seu incenso.	ibi.
§. 14. De Ceremoniis, quæ Missam comitantur.	310
§. 15. De Missæ ipsiusque partibus.	411
§. 16. De partibus omnibus Missæ integræ, idest tam Catechumenorum, quam Fidelium.	313
§. 17. De secunda parte Missæ, quæ incipit ab Offertorio.	316
§. 18. De Canone, qui est tertia pars Missæ.	317
De Agapis.	319

# TRACTATUS DE SACRAMENTIS IN GENERE.

**O**mne studium, sollicitudo, ac œconomia Ethicæ Christianæ versatur in regulis, præceptisque tradendis, ut ad horum normam Ecclesiæ fideles mores suos componendo æternæ salutis semitas percurrant. Cum hoc tamen sine adminiculo divinæ Gratiae perfici nequeat, ut monuit Christus Dominus Ioannis cap. 15. *Sine me nihil potestis facere*; valde apposite doctrinæ Moraliū præceptorum subsequitur doctrina de Sacramentis, quæ sunt uberrimi fontes fecundati pretioso Christi sanguine, qui ex eius latere in sua passione effluxit; unde affluenter opportuna cœlestis Gratiae subsidia percipere possumus. Quare fortiter clamando invitat Dominus per Prophetam, ut omnes qui sitiunt perpetuam spiritalis vitæ felicitatem, currant ad huiusce- modi fontes, ubi vivissimæ, ac exuberantes supernæ Gratiae & Christi meritorum aquæ manant salientes in vitam æternam, quæ sine auri, & argenti pretio, quavisve alia commutatione cuique ita exhibentur, ut ad plenam satietatem cum vino quoque & lacte attingi valeant: *Omnes sitientes venite ad aquas: & qui non habetis argentum, properate, emite & comedite. Venite, emite absque ullo argento, absque ulla commutatione vinum & lac.* Hinc alio in loco promittit idem Propheta, quod accedentes ad hosce suavissimos Christi fontes saluberrimas aquas magna cum exultatione percipient: *Haurietis aquas in gaudio de fontibus Salvatoris.* S. quoque Ioannes ad gratis ex hisce fontibus cœlestes salutis aquas attingendas ita sollicitè vocat Apocalypsis 22: *Veniat, & qui vult, accipiat aquam vitæ gratis.* Hæ sunt illæ vivæ aquæ, quas nobis divina dispensat misericordia in suis Sacramentis, ex quibus qui biberint, sic saturabuntur, ut non sitiant in æternum. Acturi igitur de tam insigni beneficio, quod Deus in suis Sacramentis nobis præparavit, ut melius eximæ utilitates, quæ ex talibus instrumentis ad nos derivant, deprehendantur, priusquam singulorum excellentiam expendamus, eam quæ iisdem generatim acceptis convenit, operæ prærium est breviter explanare.

## C A P U T I.

### De Sacramentis Novæ Legis.

#### §. I.

#### De nomine Sacramenti.

**S**acramenti nomen ductum videtur a re sacra, & secreta; a re sacra, idest a verbo sacrandi, utpote quod consecrat, promovet, seu initiat ad res sacras, seu divino cultui; a re vero secreta, quia arcanum continet, seu quid occultum. Idcirco quod Sacramentum dicitur apud Latinos, Mysterium apud Græcos appellatur.

Hæc autem voces Sacramenti, ac Mysterii sunt in usu etiam apud Scriptores prophetas, & apud ipsos quoque nescio quid continent religionem redolens, ac maiestatem reverentiamque spirans. Nam latina vox Sacramenti accipitur x. apud eos Scriptores pro pignore, seu pecunia, olim ab utroque litigantium apud Pontifices deposita, & erat veluti multa

contra eos, qui causa ceciderant in pœnam iniustæ litigationis; ita ut qui iudicio vice- rat suum depositum recipiebat, victus ve- ro relinquere debebat apud Pontificem, & cedebat publico ærario. Hoc autem pecu- niæ seu pignoris depositum Sacramentum dicebatur, vel quia sacro in loco asservaba- tur, vel quia mutuum illam sponsonem vio- lare grave erat nefas, vel quia sacri Mini- stri illa alebantur. Ita Varro l. 4. *de lingua latina*, & Ioachim Stephanus *de iurisdic- veter. Græc.* cap. 4.

Secundo sumitur pro illa obligatione, qua per iuramentum quod concipitur, ac fieri solet invocato sacro quodam Numine, quis alicui servitutis vinculo se obstringit; quæ ratio obligationis primitus in morem inducta fuit a Romanis, & peculiariter respectu eorum qui militari Reipublicæ servitio nomen suum dabant. Etenim antequam horum nomina militum ordini adscriberentur, iure- iurando, seu quodam certo religioso ritu præscriptis verbis concepto, ad fidem Rei- publi-

A

publi-

publicæ pro eius defensione præstandam operam obstringebantur; ita ut deferere non poterant Milites militaria Reipublicæ insignia, sed ea sequi tenebantur quocumque Senatus, Populusque Romanus, aut eorum Duces, seu Consules iussissent, ac proinde nihil poterant contra Rempublicam moliri, imo neque furari: & huiusmodi militum obligatio iuramento firmata dicebatur Sacramentum militare, ipsique milites *Sacramentarii* vocabantur. Livius l. 3. ac 12. Vegetius l. 2. *de re milit.* cap. 5. aliive. Postea ex usu etiam Sacror. Canonum hæc Sacramenti vox retenta est ad omne quodcumque iuramentum, ut patet ex Decret. Gratiani 22. q. 4. cap. *Qui Sacramentum* & q. 5. cap. *Parvuli*.

Quo-  
modo no-  
men Sa-  
cramenti  
sumptum  
apud au-  
ctores sa-  
cros.

Verum apud Auctores Sacros nomen Sacramenti peculiarem accepit significationem, & hanc triplicem. Etenim Ecclesiastici Auctores utuntur hoc nomine ad significandam rem sacram, non quamlibet, sed sublimem, arcanam sive latentem, idest rationem quandam Religionis nonnisi initiandis communicandam, ut nefas sit eam aliis evulgare: & de hac sæpenumero habetur in Scripturis Canonicis & alibi; quam rem Græci vocant *Mysterium*. Et in hoc sensu accipitur in hisce Scripturæ locis Sap. 2. *Nescierunt Sacramenta Dei*. Matth. 13. *Vobis datum est nosse mysteria regni Cælorum*. Ephesior. 1. *Ut notum faceret Sacramentum voluntatis sue*. Unde articuli omnes, seu capita Religionis nostræ & fidei, generatim Sacramenta dicuntur & mysteria: sic 1. ad Timoth. 3. *Incarnatio verbi dicitur magnum pietatis Sacramentum*. Imo extenditur etiam ad res non sacras, quas tamen non evulgare religio est, ut de Secreto Regis habetur Tobie 12. *Sacramentum Regis abscondere bonum est*.

Iuxta hanc Sacramenti significationem ea ecclesiasticæ doctrinæ capita sive ad fidei dogmata, sive ad Eucharistiæ, aliorumque Mysteriorum consecrationem, ritus, & celebrationem spectantia, quæ PP. primis Ecclesiæ sæculis Gentibus celabant, ne eorum irrisioni, sive contemptui exponerentur, Sacramenta dici consueverunt, quæ nos usitatus mysteria appellamus: & hanc disciplinam arcani multo tempore in suis primordiis servavit Ecclesia, ut ait S. August. in Psalm. 103. *serm. 1. n. 14. Opera enim nostra bona videntur & Pagani, Sacramenta vero occultantur illis*. Et ita alii frequenter loquuntur. Hinc deprehendimus quare olim PP. de Trinitatis mysterio, de Eucharistiæ frequentatione, necnon de aliis christianæ Religionis ar-

canis parce, ac tanta verborum obscuritate locuti fuerint, ut nimirum sacro initiati baptismo, commissa sibi mysteria assequerentur, eaque profanis, seu infidelibus occulta remanerent. Et hoc passim in Patribus qui prioribus sæculis floruerunt.

Verum nomen Sacramenti sumptum in promiscua significatione cum mysterio, nempe prout dicit rem sacram sed obscuram, arcanam, ac latentem, usitatum invenimus etiam apud profanos Scriptores. Nam ab ipsis quoque arcana Religionis mysteria seu Sacramenta vocabantur sacra opertanea, seu operta, a silentio scilicet, quo sua sacra obtegi & velari curabant; & mysteria apud Ethnicos erant proprie initiationes; unde initiati ab arcanorum doctrina appellabantur *Mystra*, & ab hisce mysteriis arcebantur profani, cum apud illos piaculum esset res sacras non initiatis aperire. Hinc invaluit in Mysteriis peragendis illa formula *Procul hinc ite profani*.

Secundo, Sacramentum & mysterium ipsum significat Symbolum, seu signum rei arcane & occultæ; & in hoc sensu Apocalip. 1. dicitur Sacramentum septem stellarum, & cap. 17. Sacramentum Mulieris, & bestię, cuius in fronte ut habetur v. 5. scriptum erat *mysterium*, idest signum, seu significatum septem stellarum mulieris & bestię. Ac in hoc sensu ait D. August. Epist. 138. alias 5. n. 7. *Signa cum ad res divinas pertinent Sacramenta appellari*.

Gentiles quoque in hoc sensu usi sunt nomine mysterii, ac Sacramenti, cum solerent sua exponere sacrilega mysteria aliquibus signis seu symbolis, ut habetur ex Eusebio l. 2. *Præparatio*. Evangel. cap. 3. ubi ait. *Hæc sunt sacrorum symbola Talus, Pilla, Throcus, Turbo, Speculum, Vellus*.

Tertio Sacramenti nomen significat signum rei sacræ latentis, sed sacramtis, sive instantis hominem divino cultui; in qua significatione vox Græca *Mysterium* reperitur apud Dionysium *de Ecclesia. Hierarch.* cap. 1. Et in hoc sensu nomen Sacramenti usurparunt Tertullianus, Lactantius, Ambrosius, Hieronymus, Augustinus epist. 138. olim 5. ad Marcellinum, & epist. 98. olim 23. ad Bonifacium, & l. 15. *de Civit. Dei* cap. 26. ait: *inde Sacramenta manarunt, quibus initiantur*. Et S. Thom. 1. 2. q. 102. art. 5. in corpore ait: *Sacramenta proprie dici illa, quæ adhibebantur a Dei cultoribus ad quamdam consecrationem, per quam scilicet deputabantur quodammodo ad cultum Dei*.

In hac postrema significatione, nempe pro signo

signo rei sacrae sacrantis, & iniciantis, secundum praesentem institutum nomen sumitur Sacramenti. Nam ita acceptum omnia complectitur tum veteris, tum novae legis Sacramenta, tamen magis proprie conveniat Sacramentis legis novae, in qua peculiariter Sacramenta vocantur ea signa, quae sic imaginem gerunt gratiae invisibilis, ut sint etiam ex Christi institutione ipsius gratiae causa. Haec enim signa non solum rem abditam, atque occultam significant, sed etiam continent, atque efficiunt.

Hoc nomen Sacramenti attributum nostris sacris signis praestitum sanctificantibus, quod semper in tali usu retentum fuit in Ecclesia, non placet Novatoribus. Obmurmurant enim, & praecipue Ulricus, Zuinglius, hoc Sacramenti nomen non inveniri in Scripturis, & qui eo utuntur pessumdare monitum Apostoli 1. Timoth. 6. ubi ita admonet; *devota profanas vocum novitates*. Verrum falso calumniantur usum huius vocabuli apud Orthodoxos, cum revera nomen Sacramenti novum non sit, utpote quod habeatur & in Scripturis, ut constet ex textibus supra iam relatis, & comprobatur ipsius usus in Ecclesia catholica ex antiqua Patrum Traditione. Commonet autem Apostolus ut evitentur profanae vocum novitates, quibus Haeretici fidem commaculant, non vocabula nova, quae in usu sunt recepta ad fidem contra emergentes haereseis stabilendam.

## §. II.

## De Signo.

Cum Sacramentum sit res sacra in genere signi, ut ad faciliorem intelligentiam res elucidetur, operae praetium duxi aliquid circa naturam, & differentias finis Sacramenti definitioni praemittere. Signum definitur a S. August. initio librorum de Doctrina Christiana: *res quae ad significandum aliquod adhibetur*; & melius meo videri l. 2. eiusdem operis cap. 1. ubi ait; *signum est res, quae praeter speciem quam ingerit sensibus, aliud aliquod ex se facit in cognitionem venire*. Sic viso fumo cognoscimus ibi subesse ignem, viso vestigio deprehendimus animal transisse, cuius est vestigium.

Signum vero aliud est naturale, quod ob aliquam similitudinem, aut intrinsecam relationem, quam habet cum re quam significat, naturaliter sine ulla divina, vel humana institutione rem demonstrat, ut fumus ignem, &c. Aliud arbitrarium, quod ex divina vel humana institutione rem aliquam

innuit; sic hedera, vel ramus domui appensus signum est arbitrarium; quia ex solo hominum usu significat ibi esse vinum vendibile. Et haec alia sunt, quae habent analogiam ac proportionem cum re, quam significant, ut productio Evae praefiguravit Ecclesiae institutionem; & signa huius generis secundum S. Augustin. sunt nostra Sacramenta. Si enim (ait S. D. epist. 23. nunc 98. n. 9. ad Bonifacium) *Sacramenta quaedam similitudinem earum rerum quarum Sacramenta sunt non habent, omnino Sacramenta non essent*. Alia sunt dumtaxat significativa, seu speculativa, ut loquuntur scholae; sicuti de ramo domui appenso diximus; alia obsignativa, quemadmodum sigillum regium obsignat confirmatque chirographum; alia dignitatis exhibitiva, vel muneris, ut baculus & annulus qui praebetur Episcopo, vel Abbati, regale Diadema ei qui in Regem inauguratur; alia commemorativa, quae in memoriam rem praeteritam revocant, ut agnus paschalis apud Iudaeos commemorans egressum ab Aegypto; alia demonstrativa rem praesentem, sed occultam exhibentia, ut Communio Eucharistica animae communicans spirituales refectorem; alia prognostica, quae rem futuram praesignificant, ut ingressus Pontificis in veteri lege, in Sancta Sanctorum praesignificans Christi Domini ascensionem in Coelum; alia communitaria quae pii officii suscipientem admonent, ut circumcisio carnalis Iudaeos admovebat, desideria carnis esse rescindenda; alia tandem sunt signa practica, & efficacia, qualia contendunt Theologi Orthodoxi esse Sacramenta contra Novatores, qui non minus erronee, quam pertinaciter sustinent, omne Sacramentum sive novae, sive veteris legis esse signum commemorativum divinae promissionis, quam non solum in memoriam revocat, sed etiam confirmat: unde secundo eos Sacramenta dicenda sunt sigilla potius & pignora, quam signa practica, cum in eorum sententia sola fides iustificet.

Sacramentum est 1. signum exteriori sensibus obiectum, cum sit symbolum distinctionis, & religionis, ut ex S. August. l. 12. contra Faust. cap. 12. *In nullo enim nomen religionis seu verum, seu falsum coagulari homines possunt, nisi aliquo signaculo, aut Sacramentorum visibilibus consortio colligantur*. 2. Est signum rei sacrae, non cuiuslibet, sed sacrantis, seu active iniciantis hominem divino cultui; & in hoc distinguitur Sacramentum ab omni alio signo. 3. Est signum non naturale, sed ex Dei instituto,

tuto, cum omnis eius vis & efficacia a libera ipsius Dei instituentis voluntate pendeat. 4. Est signum fixum, ac perpetuum in Religione, quod non habeat finire nisi cum ipsa Religione. Hinc ritus Circumcisionis, & Agni Paschalis dicitur Gen. 17. Exod. 12. scædere, & cultu sempiterno observandus, idest durante Moyſis lege; & Eucharistia consignata est Ecclesiæ celebranda in memoriam Christi ut 1. Corinthior. 11. donec ipse veniat, idest usque ad mundi finem. 5. Est signum habens proportionem seu analogiam cum re significata, ut ex S. August. epist. iam cit. ad Bonifacium 98. alias 23. Sic ablutio externa in baptismo recte internam animæ a peccatorum maculis exprimit. 6. Denique est signum practicum & efficax sanctitatis aut exterioris, & legalis, ut in lege veteri, vel interioris in anima, ut sunt Sacramenta legis novæ.

Verum Sacramenta non solum 1. significant gratiam, vel futuram, ut vetera, vel præsentem, ut nova, exhibent, ac signant; sed signant etiam passionem Domini, ac mortem, quæ est causa gratiæ, vel futuram, vel præteritam, & vitam æternam, quæ est effectus gratiæ & ut futura præfiguratur. Et hæc tria in aliquibus Sacramentis novæ legis, v. g. in Baptismo, & Eucharistia distincte significantur; in aliis vero implicite saltem, & confuse.

Idem per Sacramenta nostri admonemur officii, tum erga Deum, ut memores accepti beneficii non amplius peccemus, ut *quomodo Christus resurrexit . . . . . ita & nos in novitate vitæ ambulemus*; ut ait Apost. Rom. 6. tum erga proximum, ut mutuum cum ipso servemus charitatem, quia omnes fratres sumus, & unius capitis Christi membra 1. Corinthior. 12. *in uno spiritu omnes nos, in unum corpus baptizati sumus*.

### §. III.

#### *De existentia Sacramenti.*

Sacramentum essentialiter in genere acceptum significat, ac denotat gratiam, & quamdam sanctitatem; seu est signum demonstrativum efficax & practicum gratiæ & cuiusdam sanctitatis, quam producit in suscipiente. Et hoc constat tum ex Scriptura tum ex SS. PP. quorum est constans doctrina, Sacramenta sanctificare, iustificare, initiare, consecrare, ut Apostolus ad Titum 3. *Salvos nos fecit per lavacrum regenerationis*. Ioan. 6. *Qui manducat hunc*

*panem vivet in æternum*. Act. 8. *Imponent manus super illos & accipiebant Spiritum Sanctum*. Ita D. Paulus Hebræor. 9. Unde ex his patet, Sacramenta signare, seu esse signa alicuius sanctitatis sive interioris per gratiam sanctificantem, qua anima interior renovatur & iusta efficitur, ac sancta, & Deo grata, ut in lege nova; sive exterioris & legalis, nempe per consecrationem ac initiationem divino cultui.

Tametsi contendant aliqui Theologi, Sacramentum ex sua generica ratione esse solummodo signum interioris gratiæ, ipsius vero gratiæ efficientiam seu productionem pertinere ad specificam eorum differentiationem; probabilius tamen videtur, Sacramenta etiam in genere accepta signa esse practica efficacia, & productiva alicuius sanctitatis, sive interioris, si ad legem gratiæ, idest novam pertineant, sive exterioris, si ad veterem; ita ut nullum sit Sacramentum, quod revera aliquam sanctitatem ex se non producat. Nam si sacrificia, cæremoniæ legis Moſaycæ signa erant gratiæ dandæ in lege gratiæ, nec aliter dici potest non fuisse Sacramenta proprie dicta, nisi quia nullam sanctitatem conferebant; sequitur ergo, essentialiter esse cuilibet Sacramento etiam in genere considerato, ut sit signum practicum alicuius sanctitatis.

Unde sequitur, Sacramentum sumptum in genere esse univocum Sacramentis tum novæ legis, tum veteris, cum non solum idem habeant nomen, sed rationem quoque plane eandem, eodem nomine significatam. Etenim in eo conveniunt, quod utraque sint signa practica sanctitatis. Differunt vero quatenus vetera sanctitatem nonnisi exteriorem, ac legalem conferebant, dum sacramenta legis novæ, quæ longe nobilior est veteris, interiorem producant. Ita homines, & bruta univoce in nomine animalis conveniunt; differunt autem per rationalitatem, & irrationalitatem, quæ sunt specificæ eorum differentię.

Nec officit paritas, quam alterius sententiæ patroni obiciunt ex nomine *sani*, quod est analogum respectu coloris, pharmaci, & animalis. Nam hoc nomen hiæ convenit præcise quod in singulis licet diversimode sanitatem significat. Ex opposito vero nomen Sacramenti non præcise attribuebatur Sacramentis veteris legis, quia sanctitatem interiorem dandam per Sacramenta legis gratiæ significarent, alias manna figura gratiæ per Eucharistiam conferendæ, transitus maris rubri signum remissionis peccatorum per

per baptismum obtinendæ, dicenda essent Sacramenta. Sacramenta enim legis Moysæ non erant Sacramenta, nisi quia directe sanctitatem exteriorem & legalem signabant, ac conferebant; nam per se vere initiabant, consecrabantque hæbreos ad divinum cultum, adeo ut mundi, ac sancti a consecratione in se facta denominabantur, non vero a signanda sanctitate aliquando per Christi Sacramenta conferenda, sicuti calor dicitur sanus per ordinem ad sanitatem animalis; licet cæteroquin exterior eorumdem Sacramentorum sanctitas, sanctitatem interiorem dandam in Ecclesia adumbraret. Idcirco Sacramenta veteris legis immediate signa erant sanctitatis legalis, & exterioris, cuius erant causa, mediate vero sanctitatis interioris, prout exterior initiatio, & consecratio quæ fiebat in lege veteri signum erat sanctitatis interioris quam consequebantur etiam Iudæi, non quidem vi ipsius exterioris signi, sed vi & merito ipsorum devotionis, & perfectæ dispositionis.

## S. IV.

*Sacramenti definitio.*

Tametsi Sacramentum accurate definiri nequeat secundum suum esse physicum; potest tamen, si secundum Theologorum morem, spectetur moraliter. Nam hac ratione est totum quoddam destinatum ad significandam & efficiendam hominis sanctificationem.

Sacramentum igitur moraliter consideratum, & generice sumptum, & prout convenit etiam Sacramentis veteris legis, est *signum sensibile gratiæ sanctificantis permanentis a Deo institutum*. Sacramentum vero novæ legis est *signum sensibile sacrum permanentis a Christo Domino institutum ad significandam & producendam gratiam ex opere operato*.

Dicitur *signum*, quia dicit nos in cognitionem rei alterius; nempe gratiæ sanctificantis. Signum *sensibile*, idest externum & sensibus subiectum: nam quod est occultum, nec speciem aliquam ingerit sensibus, signum appellari nequit; cum enim homo anima & corpore conflet, per res sensibiles debet pervenire ad cognitionem invisibilem, ut ait D. Chrysost. homil. 83. in Matth. & D. Thom. 3. p. 2. q. 60. art. 4. *Quia connaturale est homini, ut per sensibilia perveniat in cognitionem invisibilem*. Item quia Sacramentum est Symbolum distinctionis & Religionis, in qua, siue vera sit, siue falsa, coagulari homines non possunt, ait D. August. l. *Instit. Theol. Moral. Tom. IV.*

19. *contra Faustum cap. 11. nisi aliquo signaculorum, vel Sacramentorum visibilibus consortio colligentur.*

Dicitur *sacrum*, idest cuius usus sit actus religionis, & ad Dei cultum pertinens. Hinc lignum vitæ in statu innocentiae, transitus Israelitarum per mare rubrum, Manna, Serpens æneus, licet significarent gratiam per Christum conferendam; quia tamen ista non ordinabantur ad divinum cultum, sed usus eorum erat mere profanus, ut mannæ ad alendum, transitus maris rubri ad fugiendum ab Ægyptiis &c. non erant Sacramenta.

Dicitur *permanentis*; quia cum Sacramenta sint symbola distinctionis & religionis, tamdiu durare debent, quamdiu religio. Hinc immolatio Isaac, illapsus Spiritus Sancti in forma columbæ in Christi baptismo, & sub linguarum ignearum figura in die Pentecostes; & insufflatio Christi in discipulos Ioan. 20. & locutio pedum, non fuerunt verò Sacramenta, quia non erant signa permanentia.

Dicitur *a Christo Domino institutum*; quia Sacramenta sunt signa arbitraria, nec naturaliter significant, sed ex instituto. Advertit tamen S. August. Epist. 98. alias 23. Sacramenta habere aliqualem similitudinem cum effectu, quem producant; *Si enim non haberent, ait, omnino Sacramenta non essent*. Dicitur institutum a Christo Domino; quia cum virtus Sacramentorum sit spiritualium donorum effectrix, non nisi a divina potestate, quæ sola dare potest Sacramentis virtutem conferendi gratiam, institui valent, siue immediate, siue mediate per Iesum Christum, qui cum homo simul, & Deus sit, Sacramenta legis novæ instituit, & exinde Sacramenta legis novæ hoc proprium habent, ut licet Christus dignatus sit ministros suos ea conferre, nomine tamen Christi suscipientibus sunt ministranda. Sicuti Ioan. 1. *Hic est, qui baptizat in Spiritu Sancto*. Quare cum Christus non instituerit tonsuram Clericalem, aquam benedictam, aliasque caeremonias, quæ sunt de puro iure Ecclesiastico, non sunt Sacramenta.

Dicitur *ad significandam gratiam*; cum essentiale sit omnibus Sacramentis gratiam interiorem significare, siue immediate ut nova, siue mediate, ut vetera. Defectu huius conditionis Sacrae Imagines non sunt Sacramenta; quia gratiam non significant. Triplex autem gratia Sacramentalibus Symbolis designatur, idest gratia præsens, quæ animam exornat, & sanctificat, scilicet iustitia, remissio peccatorum, aliaque Dei dona, qui-



quibus digne suscipiens cumulat; gratia inde accepta dominicæ incarnationis, Passionis, Mortis, Resurrectionis, quam in veteribus signabant fœdus, Dei promissio, & liberatio a servitute; gratia denique futura scilicet gloria, & sempiternæ vitæ consecutio. Unde Sacramenta iuxta D. Thom. q. 60. art. 3. sunt & dici possunt signa demonstrativa, commemorativa, prænnunciativa.

Dicitur *et producendam gratiam*; quia licet omnibus Sacramentis in quocumque statu sit essentialia aliquam sanctitatem, sive internam sive externam producere; Sacramenta tamen legis novæ gratiam internam, & sanctificationem quam significant, immediate efficiunt, cum vetera gratiam tantummodo prænnunciarent, nec aliam sanctitatem ex se conferrent nisi externam & legalem. Nam Baptismus revera peccata diluit, homines regenerat & renovat Spiritui Sancto. Hinc Sacrificium non est Sacramentum; quia primario non ordinatur ad sanctificandum hominem, sed ad supremum Dei Dominium agnoscendum.

Dicitur *ex opere operato*; quia Sacramenta seu applicatio huiusmodi signi exterioris ex instituto & meritis Christi per se, non tamen naturaliter, idest ex naturali eorum virtute, seu physice & tamquam causa principalis (ut nobis falso imponunt Novatores) sed tamquam per causam instrumentalem habent vim & efficaciam ad producendam gratiam, sive moraliter, sive physice, in suscipiente tamen disposito; quæ dispositio requiritur ne obex ponatur gratiæ; quæ associari nequit cum peccato.

Hæc autem definitio omisissis aliis, quæ habentur de Sacramentis, & præcipue novæ legis, sive ex Ugone Victorino, sive ex Magistro sententiarum, sive ex Catechismo Romano & Concilio Tridentino de prompta, quæ omnes vel explicite, vel implicite idem sonant & continent, apertissime id docet, quod divinarum Scripturarum docent testimonia, quæ talem gratiæ collationem, idest vim animæ sanctificandæ ac iustificandæ expresse in Sacramentis præcipue novæ legis asserunt, ut de renovatione spirituali, & iustificatione per baptismum habetur Marci 16. *Qui crediderit & baptizatus fuerit, salvus erit*, & de animæ nutritione per S. Eucharistiam Ioanna. 6. *Qui manducat meam carnem, & bibit meum sanguinem habet vitam æternam*; & sic alibi, ut clarius res aperiretur, ubi de Sacramentorum novæ legis efficacia; ita ut ex ipsa Scriptura clarissime constet Sacramenta non esse mera signa, ac nuda, & va-

cua sigilla, seu testimonia divinæ promissionis ad fidem tantummodo erga Dei promissionem excitandam & fovendam, ut volunt Novatores, cum baptismus in infantibus omni prorsus usu rationis carentibus, nullam fidem actualem excitet, ac proinde dici nequit eius fidei imbecillitatem per baptismum sustentari. Unde ex se corrumpunt omnes definitiones, quas Sacramentis effingunt Lutherus, Calvinus, Kemnitius, Sociniani, alique Novatores, quibus statuunt Sacramenta esse nuda signa inefficacia, & egena, quibus vel Christianus distinguitur a Iudæo, & Gentili ut volunt Sociniani, vel ad obsignandam, confirmandamque divinæ gratiæ promissionem, ad sustinendam fidei nostræ imbecillitatem, ac pietatem nostram erga Deum excitandam, ut Lutherani & Calvinistæ.

### S. V.

#### *De causis institutionis Sacramentorum.*

Varie sunt causæ quare institui oportuit Sacramenta, quarum tres præcipue enumerantur a Magistro Sententiarum post Ugonem Victorinum l. 1. p. 9. ut in Estio desinit. 1. §. 2.

Primo nempe propter humiliationem; ut dum homo ex Dei iussu sensibilibus se submittit, ac in iis se exercet, eius edometur superbia, qua peccando Deo subiaci renuit, ac ideo ex obedientia humilitas commendatur: etenim, quia dum rectus, ac sapiens esset institutus, spiritualibus inhærere contempsit, iusto Dei iudicio per sensibilia reducit ad spiritualia.

Secundo ut erudiretur; nam cum talis sit hominis conditio, ut per sensibilia invisibilia percipias, apposite instituta sunt Sacramenta veluti exteriora signa, quibus admoneremur de rebus spiritualibus, quas illa significant; ut ex D. Chrysostomo homil. 83. in Matthæum, & ex Ecclesiæ oraculo dum orat, *ut dum visibiliter Deum cognoscimus, per hunc in invisibilem amorem rapiamur*. Tertio pro hominis exercitio, quod utile & salubre homini in Sacramentis proponitur, ut in tali implicatione detentus vanam noxiamque occupationem evitet.

Aliæ etiam sunt causæ prædictis adiciendæ, ac proinde quarta causa erit, ut magis ad ea credenda, quæ nobis promissa sunt impelleremur. Unde sicut in veteri lege Deus promissiones suas multis variisque signis confirmavit, ac populus ille nudis verbis minus crederet; ita etiam in nova cum

Chri-

Christus remissionem peccatorum, iustitiam, Spiritum Sanctum, vitam æternam promitteret, signa quædam sensibilia instituit, quibus eum, quasi pignoribus obligatum haberemus, & ita eum futurum fidelem in promissis nullatenus hæsitaremus.

Quinta, ut Sacramenta essent quædam notæ & symbola, quibus fidelium societas inter se colligata ab aliis diversæ Religionis distingueretur, ut constat ex D. Augustini testimonio in præcedenti paragrapho allato.

Sexta ut per Sacramenta veluti voces quædam in conspectu hominum visibiliter fidem nostram profiteamur iuxta Apost. Rom. 10. *Corde enim creditur ad iustitiam, ore autem confessio fit ad salutem*; nam sicut ore, ita signis aliis externis divinitus ad significandum institutis, veluti quibusdam visibilibus, & contrastrabilibus verbis id consentaneum est fieri, ut ex D. August. contra Faustum l. 19. cap. 10. & alibi.

Septima & hæc est præcipua causa institutionis Sacramentorum novæ legis, ac eis propria, ut hisce veluti peccatorum nostrorum remediis, infirmitatis nostræ subsidiis, & instrumentis nostræ sanctificationis, seu iustificationis uteremur. Ita S. Ambros. l. de Sacrament. cap. 4. & S. August. l. 4. contra Donatist. cap. 21. & seq.

Quare cum tam multiplex sit Sacramentorum usus & institutionis ratio, merito, ut iam patet, eos anathemate damnat Concil. Trid. qui volunt nostra novæ legis Sacramenta instituta esse solummodo ut fidem nostram nutriant, ac foveant.

## S. VI.

*De existentia Sacramentorum in diversis hominum statibus.*

Nota quadruplicem considerari ac constitui hominum statum. Primus dicitur status innocentie, qui perduravit a creatione primi hominis usque ad ipsius lapsum. Secundus qui cæpit a lapsum primi hominis usque ad legem scriptam sub Moyse, & dicitur status naturæ, non quod homines solo naturæ ductu se regerent; cum certum sit neminem posse recte vivere, ac salutem consequi sine Dei gratiæ adiutorio; sed dicitur status naturæ; quia homines per illud tempus sine legis scriptæ adminiculo, sed sola Dei inspiratione vivebantur. Tertius vero est status legis scriptæ, qui perduravit a lege data per Moysen usque ad Christi adventum. Quartus tandem est status legis

Evangelicæ seu gratiæ in quo vivimus & qui usque ad Mundi finem permanebit.

Circa statum innocentie controversitur inter Theologos, num in hoc statu fuerint Sacramenta, vel si permansisset Adam in gratia, saltem instituenda fuissent. Verum cum Scriptura & Traditio, quæ duo in rebus dubiis lumen nobis præbere valent, nunquam meminerint alicuius Sacramenti pro illo statu instituti, nec si Adam in eo perseverasset instituendi, iure merito quamplurimi celeberrimi Theologi, inter quos D. Thomas eiusque interpretes, alique ex tali silentio collegerunt tamquam ex evidenti signo, nullum extitisse in illo statu Sacramentum; neque futurum fuisse, etiamsi Adam perseverasset; hisce etiam ducti rationibus, nempe quia cum homo in tali statu soli Deo perfecte subiiceretur, congruum erat ut immediate gratiam ab ipso acciperet. Deinde Sacramenta instituta sunt ad remedium animæ, & medicinam; unde hisce opus non erat in eo statu, in quo nullus animi morbus irrepserit. Item sacramenta instituuntur ad recipiendam gratiam, servandam, vel augendam; in illo autem statu gratia sine tali subsidio collata fuerat, & cum homines in tali statu bene instituto, & gratia suffulto, in quo inferiores potentie prorsus rationis imperio subiciebantur nihil passi fuerint noxæ cupiditatis, sensuumque luctaminis, absque sensibilibus elementorum adminiculo acceptam iustitiam poterant custodire, ac ideo per liberum arbitrium in hac perseverando, ut fecerunt Angeli boni, in hac pariter proficere potuissent.

Nec officit quod in contrarium obicitur, nempe Matrimonium Adæ cum Eva institutum fuisse in statu innocentie, quod ab Apostolo dicitur *magnum Sacramentum*. Item quod si status innocentie perdurasset, æque ac Adam poterant posteri peccare, ac proinde aliquo opus erat remedio. Idem quod in statu innocentie fuisset Religio; unde opus erat, ut circa hoc docet S. August. antea cit. quod aliquo signaculorum confortio in religionis nomen homines illi condnarentur. Igitur videtur, quod etiam in tali statu fuissent Sacramenta.

Sed facile his omnibus respondetur, videlicet quod Matrimonium Adæ in tali statu institutum improprie ab Apostolo dicitur Sacramentum, quatenus signum erat rei sacræ figuratæ, coniunctionis scilicet Christi cum Ecclesia; non vero propriè, hoc est, signum sacrans suscipientes; tunc institutum enim

erat ad solum naturæ usum, idest ad humanum genus propagandum, non vero ad sanctificandum, cum revera Adam & Eva per suum Matrimonium nec sanctificati, nec initiati fuerint ad divinum cultum. Et in talimodum proprio ac latiori sensu lignum vitæ, & somnus Adami dicuntur Sacramenta, propter mysticas eorum significationes, quia nempe lignum vitæ significabat sapientiam, somnus Adæ iuxta D. August. adumbrabat mortem Christi in Cruce pendentis. Quid vero factum fuisset peccante aliquo ex Adæ posteris, cum nihil sit revelatum, nihil statui potest; *Quis enim cognovit sensum Domini?* Rom. 11. forte Adamo perseverante, eius posteris in gratiam fuissent confirmati. Forte si aliqui ex eis peccassent, absque misericordia, sicuti Angeli, pœnas fuissent. Et supposito quod Deus peccantibus remedia præparasset, ad statum non spectasset innocentie, a quo illi supponuntur excidisse. Ad illud vero de signaculi necessitate ad coadunationem hominum in unum nomen religionis illius status, satis erat ut coadunarentur in illo statu per sacrificia, per quæ homo non creaturis, sed soli Deo subiicitur.

## S. VII.

*De Sacramentis in statu Legis naturæ.*

Num vero extiterint Sacramenta in statu legis naturæ, qui fluxit a lapsu Adæ usque ad legem datam per Moysen & iuxta computum chronologicum annos complectitur 2513. nihil habetur, neque ex Scriptura, neque ex Traditione. Fuit quidem instituta Circumcisio exeunte statu naturæ, nempe tempore Abrahami: verum hæc non tam pertinet ad statum legis naturæ, quam ad statum legis scriptæ; etenim Circumcisio erat professio sollemnis legis Moysaycæ, ut Apostolus ad Gal. 5. Verum S. August. l. 5. *contra Iulianum* censet, aliquid fuisse in lege naturæ pro parvulis Sacramentum in remedium Originalis peccati; & hoc remedium erat professio fidei in Christum venturum aliquo signo sensibili expressa, per quam parvuli Deo a parentibus, vel ab aliis offerbantur, & consecrabantur. Prorsus tamen latet quale fuerit hoc signum ante Abrahamum, ut ait S. August. l. 2. *de Nupt. & concupiscent.* cap. 11. *Superioribus temporibus omnino latuit Sacramentum iustificationis ex fide.*

Nec officit huic sententiæ quod habet D. Greg. l. 4. *Moral.* cap. 2. nempe apud veteres quod apud nos aqua baptismatis, egisse

pro parvulis solum fidem, pro maioribus virtutem sacrificii. Et D. Tho. 3. p. 4. q. 70. art. 4. ad 2. quod non requirebatur eo tempore aliquod signum protestativum huius fidei. Nam SS. Greg. & Thom. hic discrimen exponere intendunt inter fidei professionem quam Adulti per se mittebant per aliquem usum cæremoniarum, puta sacrificii, & professionem fidei pro parvulis ab aliquo elicitam, quæ nullis cæremoniis erat vestita, non quod talis actus fidei interior sufficeret; quia cum per illam fidem parvuli Deo initiarentur ad verum Dei cultum, & in unum coadunarentur Religionis nomen, certe professio illa aliquo sensibili externo signo erat exprimenda. Unde dici potest S. Gregorium intellexisse solum fidem aliquo sensibili signo exterius expressam satis fuisse, non vero interiorem fidei actum.

Ad emundandam vero maculam peccati Originalis, sive actualis requiritur in Adultis fides formata charitate, ac proinde illa professio fidei non operabatur nisi ex opere operantis. Etenim privilegium est Sacramentis proprium novæ legis, ut per se & virtute propria, seu ut aiunt Theologi, *ex opere operato* iustitiam sanctificationemque in suscipiente producant.

Ex hoc tamen colligi nequit, quod fides illa non esset verum Sacramentum respectu adultorum, quasi nihil in eis operaretur, dum est essentiale cuilibet Sacramento esse signum practicum sanctitatis; nam semper operabantur illa Sacramenta sanctitatem legalem, consecrabantque fidelem ad verum Dei cultum, sicuti ex eorum institutione immediate eis conveniebat.

Ad mundandam tamen maculam originalis peccati in parvulis satis erat actus fidei informis: Etenim ex D. Thoma in 4. dist. 1. q. 2. art. 6. ad 2. Fides parentum non iustificabat infantem in quantum erat actus personæ, sed quatenus respiciebat suum obiectum (nempe Christum Dominum) quod erat medicina totius naturæ, in quo habebat quamdam similitudinem cum Sacramentis nostris, in quantum iustificabat ex opere operato, non ex opere operantis. Qui tamen fusius circa hoc exoptet, adeat Theologos Dogmaticos & inter cæteros Tournely, ac P. Berti.

## S. VIII.

*De Sacramentis legis scriptæ.*

Dubium ullum occurri nequit quin in lege veteri scripta extiterint Sacramenta aliqua, & quidem a Deo instituta, cum in divinis Scri-

Scripturis hoc expresse habeatur; hinc apud omnes Catholicos hoc extra omnem controversiam positum est. Colligitur enim ex veteri testamento multos ritus, & caeremonias sensibiles, idest multa signa sensibilia a Deo instituta fuisse ad populi Israelitici sanctificationem; signa nempe, quibus gratia, & animarum sanctificatio praesignabatur, & nihil frequentius habetur in Conciliis, ac scriptis Sanctorum Patrum, quam collatio seu comparatio Sacramentorum veteris legis cum novae legis Sacramentis, & praecipue in Concil. Florent. in decret. Eugenii ad Armenos, & Trident. sess. 7. can. 2. Nec absolum videri potest, Sacramenta, quae sunt remedia peccatorum institui potuisse ante adventum Christi eiusque passionem: etenim prout erant symbola futuri Reparatoris debebant eius adventum praecedere, nec passio Salvatoris erat efficiens causa illorum Sacramentorum, sed causa finalis, quae sola intentione effectum praedit: gratia vero quam Deus elargebatur Redemptorem praestolantibus; non efficiebatur ab illis Sacramentis, sed Deus illam conferebat intuitu meritum Christi, ac futurae eius passionis. Idcirco PP. antiqui eiusdem gratiae & redemptionis consecuti sunt complementum tantummodo, quando Christus advenit, praetium solvit, & omnem gratiam post Adae praevagationem hominibus collatam acerbissima morte, ac summa personae dignitate promeruit. P. Berti hic in fine cap. 2.

Quot vero fuerint Sacramenta in veteri lege incertum est, & cum de singulis sacrificiis iudicari nequeat, num omnia instituta essent ad populi israelitici sanctificationem; hinc circa numerum eorundem Sacramentorum nihil certi definiri potest. Plura certe fuere, ut docet D. August. l. 19. *contra Faustum* cap. 13. quia praeter circumcisionem, agnum paschalem, consecrationem sacerdotum, & levitarum, quamplurima in libro Levitici recensentur sacrificia, quae ut plurimum erant Sacramenta, utpote quae non tantum instituta erant ad supremum Dei dominium recognoscendum, sub quo respectu erant sacrificia, sed etiam ad expiandum, & sanctificandum populum, qua ratione erant Sacramenta.

## §. IX.

*De Sacramentis novae legis gratiae, seu Evangelicae.*

Tametsi ita certum sit extare a Christo Domino instituta in lege nova Sacramenta,

ut nemo in dubium revocet non solum Catholicorum, sed nequidem haereticorum, si ex his illos paucos excipias, qui cum autem solo interiori Spiritu agi, nullo sensibili utuntur signo, nihilominus breviter censui horum etiam existentiam sub oculis legentis ponere. Et revera tum ex Scriptura, tum ex Traditione ita rem clare expressam habemus, ut insanum esset hoc negare. Et ne longius quam par sit res protrahatur relinquimus hic utriusque adducere testimonia, utpote quae iam sint afferenda, dum de essentia, numero, effectibus horum Sacramentorum sermo habebitur. Unde satis hic erit solas adducere rationes, quare etiam in lege gratiae instituenda essent Sacramenta; videlicet quia nunc quoque occurrebat, ut saepe antea iam notavimus, homines in veram Christi religionem aliquibus sensibilibus signis esse coadunandos. Et sicuti non secus ac homines, qui vixere in unoquoque priorum statuum, in hac quoque lege gratiae sunt eiusdem infirmæ naturæ, hinc æque ac illi aliquo instrumentali egent subsidio divinæ gratiae, quo fiant, & erigantur, ac perficiantur. Unde semoris veteribus Sacramentis, quia, quod praesignabant, praenunciabantque impletum est, alia instituenda erant, & profecto instituta sunt, imo ut sapientissime docuit S. August. l. 19. *contra Faustum*, *virtute maiora*, quia gratiam non tantum promittunt, sed etiam conferunt, *utilitate meliora*, quia non tantum a perditione subtrahunt, sed simul ad regnum perducunt salutis; *actu faciliora*, quia non perficiuntur mutilatione carnis, mactatione pecudum, oblatione munerum, sed humilitate cordis, communibus elementis, liberali dispensatione; *numero pauciora*, quoniam innumeris expiationibus, poenitentia substituta est, tantisque Arcæ & mensæ mysteriis, Panis, dumtaxat Eucharisticus. Quot vero numero sint nostra Sacramenta suo loco dicitur, ubi in particulari de eorum numero sermo habebitur.

## §. X.

*De differentia Sacramentorum veteris, & novae legis.*

Nota quod hic non agitur de sola differentia Sacramentorum legis gratiae a Sacramentis veteris legis quoad externos eorum ritus, & caeremonias, numerum, aut facultatem utendi, aut signi claritatem, aut obiecti amplitudinem, aut temporis duratio-

tionem, cum ne quidem Novatores negent, respectu horum omnium titulorum, & uberioris diffusionis gratiæ, Sacramenta legis Christi vetera excedere. Difficultas vertitur inter Orthodoxos circa eorum differentiam quoad vim & efficaciam. Novatores ex falso suo principio, videlicet solam fidem iustificare, Sacramentis tum veteris legis, tum novæ vim omnem tollunt sanctificandi, nec aliam eis efficaciam concedunt, nisi ad excitandam suscipientis fidem, ac sustentandam, cum hoc solo discrimine, quod ad hunc effectum nostra sint magis apta, faciliora &c. quæ, aliaque ab ipsis in favorem, ac laudem nostrorum Sacramentorum exposita sunt ad fucum imperitis faciendum, nec non ad eludenda Sacrarum Scripturarum Sanctorumque Patrum testimonia; quæ discrimina non respiciunt nisi accidentales circumstantias, ritusque exteriores, minime vero naturam nostrorum Sacramentorum ac essentiam, ut Calvinus l. 4. institut. cap. 4. §. 14. 17. Quod cum deprehenderit Ludovicus le Blanc Novatorum prædicator, suum deseruit in hac parte Magistrum, & agnovit ac fassus est in suis thesibus Sedannonsibus, Sacramenta novæ legis esse per se causam instrumentalem sanctitatis.

Verum cum ne nos quidem negemus, fidem ad iustificationem requiri, non prætermittendum hic censui exponere, quod diversus est ab illo hæreticorum sensus noster, circa usum fidei in iustificatione nostra, quæ nobis non admittitur tamquam causa iustificans in Sacramentis, sed ut præcipua necessaria dispositio, quæ idoneos nos reddit ad iustificationem in hisce percipiendam, quatenus nempe per hanc passio, & mors Christi nobis applicatur, ut nobis profit ad iustitiam & salutem; idest per hanc fidem incipit homo dispositivè fieri particeps meritum Christi, quæ nobis in cruce paravit; quia tamen remedium Christi in morte sit potentissimum adversus peccatum, nihil tamen prodest, nisi per media a divina sapientia designata, & præcepta nobis applicetur.

Hæc porro applicatio non in indivisibili, idest non in una re consistit. Nam si insinatur homini fides, qua credat vera esse quæ divinitus revelata sunt, & promissa, atque illud in primis, impium a Deo iustificari per eius gratiam, per redemptionem, quæ est in Christo Iesu, ut PP. Trid. Concilii declarant sess. 6. cap. 6. Deinde per fidem acceptam homo incipit etiam ipse sibi admo-

vere propositam medicinam in Christi morte, nempe de peccatis dolendo, sperando veniam, Deum per Christum invocando, vitam in melius commutando, ac media suscipiendo a Deo præscripta.

Quare prima applicatio meritum Christi, qua donatur fides, non fit per fidem, sed singulari operatione Spiritus Sancti prævenientis hominem, ac ab infidelitate convertentis. Omnis autem subsequens applicatio fit quidem per fidem, tamquam per radicem, non vero ita, quasi fides sola sufficiat ad iustitiam comparandam, sed necesse est ut adhibeantur etiam cætera remedia ad hunc finem instituta, inter quæ præcipua sunt Sacramenta. Sicuti igitur mors Christi nobis applicatur per fidem, nec tamen per ipsam solam fidem eiusdem mortis Christi participes efficiamur, nisi ex eadem fide Deum per Christum invocemus, ut docet Apost. Rom. 10. ita nec per fidem & invocationem participes adhuc efficiamur, nisi & Sacramentis a Deo per Christum Dominum institutis ad hoc & præscriptis, utamur. Etenim singula horum habent suam partem, & ordinem in nostra iustificatione. Nam per fidem medicinam cognoscimus, per spem eam desideramus, per invocationem ad eam appropinquamus, per poenitentiam a morbo recedimus, per vitæ mutationem ad sanctitatem accedimus &c. tandem per Sacramentum veluti quoddam efficax poculum & salutare, medicina hauritur, morbus expellitur sanitasque restituitur. Unde quæcumque virtutum opera præcedunt Sacramenta, sunt præparationes, seu dispositiones quædam ad iustitiæ effectum ac beneficium ex Christi morte, ac proinde non statim iustos nos reddunt, sed præparati per hæc & dispositi accedere debemus ad Sacramenta, tamquam ad fontes, ex quibus iuxta Christi Domini institutum spiritalem animæ salutem, iustitiamque exaurire, seu extrahere debemus.

Et hoc negotium clarissime elucidatur exemplo corporalium Christi miraculorum. Etenim qui a Christo sanabantur, plerumque prius tempore credebant posse Christum hoc efficere, hinc ut id faceret invocabant, seu precabantur. Nec eo ipso tamen sanitatem recipiebant, sed postea vel imperio, vel tactu, vel lotione, vel aliqua alia cæremonia sanitatem Christus Dominus eis impertiebat; & quia fides & oratio eos veluti præparabant, ac disponebant, atque aptos reddebant accipiendæ sanitatis; hinc eis dixit; *Fides tua te sanum fecit.* Simili ferme modo

fides,

Fides, oratio, poenitentia, aliave pia opera, quæ Sacramenta præcedunt, quia hominem præparant disponuntque ad iusticiam per Sacramentum recipiendam, merito dictum est Act. 13. *Fide purificari corda*; Rom. 10. *Quicumque invocaverit nomen Domini salvus erit*; & Ezechiel. 18. *eum qui egerit poenitentiam vidurum*. Sic enim voluit Deus salutem nostram ordine quodam, & per plura media, causasque diversi generis operari paulatim, ac ab imperfecto ad perfectum adducere. Totum hoc videri potest cap. 6. & 7. sess. 6. Concil. Tridentini.

Et hoc patenter habetur etiam ex D. August. qui q. 2. ad *Simplicianum* dicit, fieri in nobis per fidem ante Baptismum inchoationes quasdam conceptionibus similes, *sed non modo contipi*, inquit, *verum etiam nasci opus est per regenerationis Sacramentum*. Quare patet evidentissime, quam hallucinantur Novatores in sua doctrina de iustificatione per fidem, nempe fidei inseparabiliter coniunctam esse peccatorum remissionem, ac proinde non tribui posse Sacramentis; cum prorsus adverfetur Scripturæ, & Traditioni, præcipue cum Marci 16. non dicat solum Christus Dominus; *Qui crediderit salvus erit*, sed *qui crediderit, & baptizatus fuerit, salvus erit*: idest ad salutem præter Fidei dispositionem requiritur baptisma, quod salutem efficiat. Hinc semper agnovit Ecclesia vim sanctificandi non in fide præcedenti, quæ est radicalis dispositio, sed in subsequenti Sacramento, cui Christus Dominus tanquam instrumentali causæ vim contulit sanctitatem efficiendi in suscipiente. Idcirco fatetur in symbolo Constantinopolitano remissionem peccatorum fieri per solum baptismum ut ibi habetur; *Confiteor unum baptismum in remissionem peccatorum*; & eo vel maxime patet, quod in parvulis qui baptismo initiantur nulla adhuc est fides; & nemo ex Adultis qui prius non credat ad salutarem baptismi lavacrum admittitur. Ita Estius. Non igitur Fides, quæ prærequiritur in iis qui capacitatem habent credendi, sed Sacramentum quod subsequitur iustificat.

Circa vero differentiam veteris, & novæ legis Sacramentorum quoad vim & efficaciam, non solum discrepant Orthodoxi, & Hætherodoxi, quorum postremi, ut vidimus contendunt vim iustificandi a Sacramentis eliminari, sed inter ipsos etiam Catholicos DD. diversimode tamen; cum hi unanimes vim, efficaciamque sanctificandi in Sacramentis fateantur; sed non conve-

niunt statuendo quomodo nova Sacramenta a veteribus differant quoad eorum vim & efficaciam. Nam censent multi aliter statuendum esse de circumcisione, ac de reliquis Mosaycæ Legis Sacramentis. Alii Mosaycis Sacramentis omnem penitus virtutem, etiam ex opere operantis, tametsi cum fide, & charitate suscepta quoad animæ sanctificationem detrahere videntur, ut Magister Sententiar. lib. 4. dist. 3. ait enim; Deus ea imposuisse in servitutem, non in iustificationem, & ut figura futuri essent. Alii ex opposito volunt in Sacramentis legis Mosaycæ datam fuisse gratiam, non solum ex operantis merito, sed ulterius etiam, idest ex opere operato. Ita Paludanus in 4. distin. 3. q. 5. Durandus in eandem distin. q. 5. qui enim docet, in veteri lege alia fuisse Sacramenta vere, & proprie, alia improprie & solum quodam latiori sensu, cuiusmodi fuere quædam sacri fidei, oblationesque, & hæc asserit ex se fuisse vacua omnino & sterilia, priora vero partim efficacia, partim non efficacia pro diversa eorum conditione. Nam quæ destinata erant ad effectum, qui sine gratia poterat obtineri, quales erant legales purificationes, expiationesque, ista gratiam non conferebant; quæ vero ordinata erant ad effectum, qui sine gratia obtineri nequit, hæc ex Dei placito & ordinatione gratiam moraliter conferebant; cum tamen aliter iudicet de Sacramentis legis naturæ, quæ cum censeat non fuisse vera Sacramenta, idcirco gratiam ait in eo statu per modum meriti, ac suffragii totius Ecclesiæ fidem suam parvulo applicantis, non autem per illud Sacramentum, fuisse a Deo concessam. Refertur ab Estio, & Tourneleio etiam sententia Ugonsi Viatorini; nimirum Sacramenta vetera gratiam ex opere operato contulisse, non quidem per se & primario, quia nullam habebant annexam Dei promissionem, sed per accidens, & secundario propter fidem, cuius erant signa, protestativa; Sacramenta vero Christi per se, ac primario gratiam hanc conferre vi ipsius institutionis Christi; & hæc opinio videtur Estio magis accommodata conciliandis in speciem oppositis tum Scripturæ, tum SS. Patrum testimoniiis circa præiens argumentum, eamque sequitur Tournele. Estius &c.

Verum inter hæc duas DD. Orthodoxorum contrarias sententias, una quarum negat omnimode vim sanctificandi ex opere operato veteribus Sacramentis, affirmat altera saltem per accidens & secundario, mediam

ex-

sententia Scho-  
la circa  
differen-  
tiam Sa-  
cramen-  
torum  
veteris,  
& novæ  
legi.

excogitavit S. Thomas, quæ etiam est aliorum vulgo Theologorum, videlicet vetera Sacramenta, excepta Circumcisione, de qua non una est omnium sententia, vim habuisse sanctificandi ex opere operantis, seu suscipientis, seu Sacramenta vetera ex se non habuisse virtutem, & efficaciam; sed totam eorum vim sanctificandi, idest fructuum, qui a suscipiente percipiebatur, processisse ab ipsius suscipientis aut ministrantis fide, ac devotione; & hic in omni alio casu, ut nunc respectu Sacramentalium est huius propositionis sensus, idest conferri gratiam ex opere operantis. Nostra vero Christi Sacramenta gratiam tribuunt, & iustificationem ex opere operato, videlicet Sacramentum ipsum, seu applicationem signi exterioris, non quidem naturaliter & tamquam principalem physicam causam (ut falso nobis imponunt Novatores) sed ex instituto, & meritis Christi per se tamquam per causam instrumentalem habere vim, & efficaciam ad gratiam, sive sanctificationem producendam sive moraliter, sive physice in suscipiente disposito, si sit adultus. Nec ullaatenus movere nos debet inutilis Novatorum calumnia, quod barbarus sit hic sermo, & contra grammaticæ regulas; nam Ecclesia plerumque illas spernit non curans quanta eloquentia, sed quanta evidentiâ doceat, ac consecravit hunc loquendi, tametsi barbarum a Scholis inventum, quia sublata omni æquivocatione ita clare distinguit virtutem Sacramenti, a fide suscipientis.

Dixi 1. *sive physice, sive moraliter*; quia est mera Scholarum controversia, num Sacramenta novæ legis gratiam physice, sive moraliter producant, quam nec Concilium Lateranense IV. nec Eugenius IV. in decreto pro Armenis, nec Concil. Tridentinum attigere.

Dixi 2. *disposito*; quia proprium est cuiusvis formæ, ut præcedat in subiecto in quo recipi debet sua conveniens dispositio; sicut enim licet ignis ex se, seu natura sua sit dispositus ad comburendum, nihilominus prærequiritur in ligno sua dispositio, sine qua non combureret; sic Sacramenta novæ legis, tametsi per se efficacia, non operantur tamen, nisi in suscipiente extent fides, pietas, cæteræque præquisitæ dispositiones, ut aperte declarat Trident. Concilium.

Dixi 3. *si sit Adultus*; quia Sacramentum novæ legis nullam in infantibus prærequirit dispositionem. Si enim voluntas primi parentis potuit eis nocere cum usum nondum

haberent propriæ voluntatis, convenientissimum fuit, pietatem & sollicitudinem S. Matris Ecclesiæ eis prodesse etiam non cooperatoribus. Hæc Habertus hic.

Quod circa hoc de Fide præcise credendum statuere visum est Patribus Concil. Tridentini; fuit 1. Sacramenta novæ legis differre plquam ritu externo a veteribus Sacramentis. 2. Gratiam continere, eamque conferre ex opere operato, ut videre est in Canonibus 2. 6. & 8. Sess. 7. Cæterum scholarum disputationi reliquit circa efficaciam veterum Sacramentorum quoad productionem gratiæ vel ex opere operato, vel ex opere operantis. Nihilominus tamen declarando, ac definiendo nostra Sacramenta differre a veteribus non solum ritu externo, videtur mens fuisse Concilii, differre vi & efficaciam; ac proinde facile ex tali definitione colligi potest, Sacramenta veteris legis non produxisse gratiam ex opere operato; etenim non differrent si vetera, sicut nova, gratiam ex opere operato produxissent. Hinc sanius videtur sequi sententiam D. Thomæ quæ hoc propugnat, & eo vel maxime quod & Catechismus Romanus part. 2. n. 27. hanc docet, & Eugenius IV. hanc in suo Decreto post Concil. Florent. anno 1439. tamquam doctrinam Ecclesiæ Romanæ Armenis credendam proposuit. Habert. Unde sit huius sententiæ probatio.

Quod Sacramenta novæ legis producant gratiam ex opere operato manifestissime constat ex Scripturæ testimoniis, quæ talem vim de nostris Sacramentis prædicant. Et enim docent nos per Sacramentum Baptismi regenerari, salvos fieri, exuere veterem hominem, obtinere remissionem peccatorum, sanctificari, mundari, &c. ut Ioann. 3. *Nisi quis renatus fuerit ex aqua & Spiritu Sancto &c.* ad Tit. 3. *Salvos nos fecit per lavacrum regenerationis, & renovationis Spiritus Sancti*; Ad Galat. 3. *Quicumque in Christo baptizati estis, Christum induistis*. De Confirmatione habetur Act. 8. *Tunc imponebant manus super eos, & accipiebant Spiritum Sanctum*. De Eucharistia Ioannis 6. *Qui manducat meam carnem, & bibit meum Sanguinem habet vitam æternam*. De Pœnitentia Ioann. 20. *Quorum remiseritis peccata remittantur eis*. Et sic aliis in locis habetur etiam de cæteris Sacramentis. De Extrema Unctione Iacobi 5. De Ordine 2. ad Timothe. 1. De Matrimonio vero licet non expresse habeatur quod gratiam conferat, colligitur tamen ex cap. 5. Ephesior. ubi dicitur *Magnus Sacramentum*, & ex Traditione, ut iam

iam suo loco explicabitur. Quid igitur clarius exoptari potest, ut Sacramentorum novæ legis deprehendatur efficacia?

Quare nemo non videt, esse inania Novatorum subterfugia dum respondent, illas esse figuratas locutiones, quæ baptismum comparant aquæ lavacro; Sacramenta in tantum peccata dimittere, quatenus fidem excitant. Nam dato etiam hæreticis, Christum & Apostolos tropice ac figurate locutos fuisse de Baptismo, iam patet, in hoc positam fuisse rationem figuræ, ut sicuti aqua naturalis virtute sua lordes carnis abluit; ita salutare lavacrum virtute Spiritus Sancti inquinamenta extergit peccatorum, & sicuti qui nascitur usu lucis potitur, ita qui baptismate regeneratur, splendore perfunditur sanctitatis. Deinde non solum Spiritui Sancto regenerationem & purgationem tribuunt Scripturæ, sed Spiritui Sancto & aquæ baptismatis; *Nisi quis renatus fuerit ex aqua, & Spiritu Sancto* &c. Spiritui Sancto quidem præcipuam virtutem sanctificationis, aquæ vero instrumentalem sanctificat. Et hoc contingit eo ferme pacto, quo Christus verbo, contactu, sputo, digito, habitu fecit miracula; effectrix horum causa fuit Divinitas, verba autem, digitus, sputum, habitus fuerunt eorumdem miraculorum instrumenta. Nec Sacramenta iustificanc fidem excitando, cum fides tamquam dispositio præsupponatur in adulto suscipiente, & in puero ob usus rationis carentiam nulla excitetur fides. Huiusce generis faciles habentur responsiones ad eludendam Novatorum fraudem in suis cavillationibus super alia Sacramenta.

Et hoc constat etiam ex eo quod iam antea notatum fuit ex Scriptura & Patrum Traditione, Sacramenta vetera fuisse egena & vacua, nostra vero plena & efficacia; illa extitisse figuram & umbram; ista esse corpus seu rem ipsam, & veritatem; priora Salvatore promississe, posteriora dare salutem; & nunc præ cæteris aliis Patribus, satis sit brevitatis gratia unam adducere D. Ambrosii auctoritatem ex l. 1. de Sacrament. cap. 4. n. 11. ubi ait, quod qui baptismo regeneratur, per hunc fontem transit a peccato ad vitam, a culpa ad gratiam, ab inquinamento ad sanctificationem; qui per hunc fontem transit, non moritur, sed resurgit. Et e quidem si spiritualis Sacramentorum effectus est peccata remittere; id certe non pendet ab hominum merito, sed ab ipsorum Sacramentorum virtute, quam habent a Spiritu Sancto ex Christi merito, & insti-

tutione independenter ab hominum fide & merito.

Quod vero Sacramenta & sacrificia veteris legis vim, ac efficaciam non haberent ad gratiam ex opere operato; sed hanc, internamque sanctitatem ex solo opere operantis, seu ex merito, & pia dispositione ministrantis aut suscipientis produxisse, amplissime patet ex pluribus Scripturæ testimoniis, & præcipue ex D. Paulo, ex quo habemus ineffaciam, & insufficientiam Sacramentorum veteris legis ad efficiendam internam animæ sanctificationem, ex eo provenisse, quia non erat eis annexa, sicuti nostris, huiuscemodi gratiæ promissio, ut Hebræor. 8. *Melius sortitus est ministerium, quanto & melioris testamenti mediator est, quod in melioribus re promissionibus sanctum est.* Unde propter talem insufficientiam ac ineffaciam, ad internam sanctificationem in hominibus producendam, Sacramenta & Sacrificia veteris legis definit & vocat egena, & vacua elementa, ex se non valuisse, ait, nisi ad externam carnis legalem sanctitatem seu munditiam conferendam, minime vero internam, peccata auferendo per gratiæ in anima efficientiam; exinde propter eorum inutilitatem fuisse reprobata ut habetur in Epist. ad Galat. cap. 4. *Quomodo convertimini iterum ad infirma & egena elementa, quibus de novo servire vultis; & cap. 7. ad Hebr. reprobatio quidem fit præcedentis mandati, propter infirmitatem eius & inutilitatem.* Et quod vetera Sacramenta per se non conferrent nisi externam mundationem, legalemque sanctificationem, non internam conscientiæ, & animæ a peccatis, patenter, exponit cit. Apostol. in eadem epist. ad Hebr. cap. 9. ubi ait: *si enim sanguis hircorum & zeyrorum, & cinis vitulæ aspersus inquinatos sanctificat ad emundationem carnis, (ecce sanctas externæ legalis), quanto magis sanguis Christi, qui per Spiritum Sanctum semetipsum obtulit, immaculatum Deo, emundabit conscientiam nostram ab operibus mortuis?* Ex Patribus vero qui unanimes hoc docent satis sit brevitatis gratia ut pro omnibus adducatur Chrysostomus in sua Orat. de baptismate Christi, ubi expressis terminis nostra habetur sententia, ac doctrina; ibi enim ita ait; *In daica expiatio nequaquam a peccatis liberabat, sed a corporis sordibus tantum; nostra vero talis non est, nam & a peccatis liberat, & animam abstergit, & Spiritus gratiam largitur.*

Porro interna sanctificatio, quam etiam iam



iam conferebant per accidens vetera Sacramenta, non causabatur nisi ex opere operantis, idest ex merito fidei, pietateque dispositionis vel administrantis, vel suscipientis Sacramentum. Hoc probant 1. Scripturæ testimonia. Nam Genes. 4. dicitur *Deum respexisse ad Abel, & ad munera eius, ad Cain vero, & ad munera eius non respexisse*, cuius causa discriminis exponitur ab Apostolo ad Hebræos 11. quia nempe fide plurimam hostiam Abel, quam Cain obtulit Deo. Hæc enim fides procul dubio efficit quod Levit. 1. *holocaustum, & oblatio dicuntur esse suavisissimi odoris Domino*; cum de Sacrificiis sine hac fide, sed solo carnali animo a Iudæis oblati protestatus sit ipse Deus per Isaiam cap. 1. ea ipsi displicuisse. *Ne offeratis*, inquit, *vitæ sacrificium frustra: incensum abominatio est mihi. . . manus enim vestre sanguine plene sunt*. Vetera igitur sacrificia ac Sacramenta non iustificabant nisi per fidem ut clare exponit D. Thom. 1. 2. q. 103. art. 2. *offerebantur* (ait S. D.) *sacrificia quædam in veteri lege, non quia ipsa sacrificia a peccato mundarent, sed quia erant protestatio fidei, quæ a peccato mundat*.

Et hoc etiam ex ratione theologica facile constat; certum est enim quod actus religiosi tunc Deo grati sunt & gratiæ meritorii, quando fide, ac charitate exercentur. Igitur cum offerre sacrificia, & Sacramenta suscipere actus essent religiosi a Deo in lege præscripti, quando fide, & charitate exercebantur, procul dubio grati erant Deo, & apud illum meritorii ipsius gratiæ; quam dandam in lege evangelica significabant, ac promittebant. Insuper, quia antiquis Patriarchis, & Prophetis, cæterisque sanctis viris veteris ætatis, non solum temporalis, & caduca huius vitæ felicitas, sed etiam spiritalia bona, & æterna in Cælo promissa fuere in præmium fidei, obedientiæ, & observantiæ mandatorum Dei. Nam Abrahæ, & eius descendantibus ita Deus pollicitus est Genes. 15. 1. *Protektor tuus sum, & merces tua magna nimis*. Ergo &c.

Quam vero genuina sit hæc D. Thomæ doctrina de veteris, ac novæ legis Sacramentorum differentia, facile ex hoc cognoscitur; quod vetera gratiam conferre non potuissent ex opere operato etiam per accidens & secundario, ut secunda vult sententia. Quia vel sanctificatio tribuitur fidei tantum, & tunc est ex opere operantis, vel fidei & Sacramento, cuius fidei signum erat protestativum, & tunc necesse est ut fa-

teantur eiusmodi Sacramentis annexam fuisse Dei promissionem gratiæ, idest ut quoties ex fide adhiberentur, certissime Deus ad dandam gratiam moverent, & tunc vitalis promissionis necesse est ut agnoscant vim cum fide habuisse illa Sacramenta, conferendi gratiam etiam primario, & per se. Et si alias sentiant, ut D. Bonaventura, nempe tale pactum non extitisse, in aliud incidunt incommodum, nempe vetera Sacramentorum vim habuisse conferendi gratiam ex opere operato, sine ullo Dei pacto, & promissione, quod quidem non videtur facile posse conciliari cum communi Theologorum.

Quod si obijciatur, Scripturas modo omnino eodem loqui de Sacramentis veteris legis, ac novæ; nam Levit. 4. & alibi ita habetur; *Orabit pro eo Sacerdos, & dimittetur ei, & propitius erit Dominus, & sanguis pro animæ piaculo est*. Unde generatim idest de Sacerdotibus tum Sinagogæ, tum Ecclesiæ, ad Hebræos 5. dicitur: *Omnis namque Pontifex ex hominibus assumptus, pro hominibus constituitur in his, quæ sunt ad Deum, ut offerat dona & sacrificia pro peccatis*. Itidem iidem fere verbis exponit sacer contextus efficaciam utriusque legis Sacramentorum; cum de manu impositione non secus legatur in nova Lege Actor. 4. *Tunc imponebant (adde Apostoli) manus super eos, & accipiebant Spiritum Sanctum*; ac in veteri Deuteronom. 34. ubi sic legitur; *Repleta est Iosue Spiritu Sapientiæ, quia Moyses posuit super eum manus suas*; quæ particula quia causalitatem seu efficientiam significat. Et tales contextus habentur etiam de aliis.

Verum facile diluitur oppositio ex allatis textibus, nempe non loqui Scripturas de Sacramentis utriusque Testamenti universaliter & absolute, cum revera nullibi legatur in Scriptura de nostris Sacramentis, sicuti de veteribus, quod sint egena, vacua, ac inutilia elementa: & si aliquando eodem modo loquuntur universaliter de utrisque, loquuntur de munditia tantum externa & legali, quam revera conferebant ex opere operato, non vero de munditia interiori, & gratiæ sanctificantis, quæ non conferebatur nisi ex opere operantis. Ad illud vero de manuum impositione facta Iosue ex Dei iussu per Moysen, & ad alia huiusmodi, patet responsio ex eo, quod talis manuum impositio, sicuti etiam quamplurima alia quæ obijci possent, ut Manna, aqua de rupe featuriens, non erant Sacramenta;

cum

com non essent ritus sacri, & permanentes, sed quædam cæremoniæ transeunt, quæ pertinebant ad gratiam miraculorum non infrequentem apud Israelitas. Qui vero fufius rem deprehendere desideret, adeat Theologos, qui ex professo hoc tractant ut Est. Sylv. Tournel. P. Berti, Hab. alique; quia cum præfens institutum sit, principia tantum moralia exarare, de his illud tantum exhibemus, quod satis sit ut Lector aliquid etiam ex dogmaticis, quæ huc spectant prælibare possit.

## §. XI.

*De Circumcisione.*

Non defunt qui ritum, seu usum Circumcisionis statuunt in more fuisse ante Abrahamum apud alias Gentium nationes, ut notat Euseb. Præparat. Evangel. l. 1. p. 38. edit. Vigerii, ubi ait, Saturnum omnium primam sibi, & commilitonibus suis pudenda circumcidisse, ac exinde negant a Deo fuisse institutam, & ab Abrahamo suum traducere initium. Hærodotus l. 2. cap. 36. & 104. Diodorus Siculus l. 1. pag. 17. tradunt hunc ritum circumcidendi prius excoGITatum fuisse, ac institutum ab Ægyptiis, inde vero ad Chelcos, Arabes, Iudæosque transisse. Verum Iosephus l. 8. Antiquit. Iudæic. cap. 10. n. 3. quem postea communiter secuti sunt Ecclesiæ Patres, ac Interpretes, etiam Heterodoxi, propugnat cum cæteris Iudæis, contra Herodotum quem refellit, Abrahamum primum omnium fuisse circumcisum, ac proinde ab eodem refert, ac sustinet Hebræos suos descendentes, & minime ab Ægyptiis, & Pheniciis Circumcisionem virilium accipisse ac didicisse, affirmans tamquam rem omnibus compertam, nullos alios in Palestina circumcidi, nisi Iudæos. De hoc ita certum est in Theologorum scholis, ut nulla unquam oborta sit de tali re difficultas, sed unanimes supponunt, primum hominum ex Dei mandato circumcisi Abrahamum. Inquirunt quidem, num Circumcisio instituta fuerit tamquam signum tantum discernendi Hebræicum populum a cæteris gentibus, num vero tamquam gratiæ symbolum, vel Sacramentum ad maculam originalis peccati delendam. Propugnat S. Thomas, & eius discipuli contra plurimos, Circumcisionem institutam fuisse ad utrumque, nempe & in signum quo Iudæi ab aliis discernantur, & æque ac nunc Baptisma, etiam in remedium originalis peccati. Qui tamen hoc su-

stinent, & habent Circumcisionem in ratione Sacramenti, in hoc discrepant, quod quidam volunt per hoc signum seu Sacramentum deletum fuisse Originale peccatum ex opere operato, quidam solum ex opere operantis ut D. Thom. & eius schola contra alios plures. Viguerunt olim inter Theologos qui Circumcisionem, ut remedium Originalis culpæ agnoscebant, varietate opinionum, quas refert D. Thom. 3. p. q. 62. art. 6. ad 3. quarum 1. erat per Circumcisionem condonatum fuisse peccatum, non collatam gratiam. 2. collatam quidem gratiam quoad remissionem peccatorum, sed non quoad alios effectus. 3. datam gratiam quantum ad remissionem peccati, & observantiam legis, non vero ad repressionem cupiditatum. 4. datam fuisse gratiam, quantum ad remissionem peccati, sed non quantum ad consequendam Dei benevolentiam, quæ opiniones valde absurdæ & falsæ videntur; quia quidquid causa est remissionis peccati, necessario causa est gratiæ & vitæ æternæ; & quod causa est vitæ æternæ, necessario est causa mediorum, quæ conferunt ad vitam æternam, ut est divina benevolentia, observantia mandatorum, cupiditatum repressio. Tournel. His igitur omis- sis tota contentio erit circa præsentem opinionem.

Sed ante sententiæ probationem prænotandum occurrit, duo ad mentem D. Thomæ attendenda esse in Circumcisione. Primum videlicet ipsummet Circumcisionis signum in Abrahamo institutum; secundum professionem fidei in Messiam venturum, quam diximus iam inspiratam in statu naturæ ad peccatum originale delendum; & hanc fatendum usque ad Christi adventum permanisse, cum non aliud remedium esset apud Hebræos pro mulieribus, & pro parvulis ante octavum diem decedentibus. Porro ex dictis constat, non fuisse Circumcisionem singulare signum statutum ad illam professionem emittendam, sed potius fieri pro parvulis per quoslibet nutus, & pro adultis per qualiacumque sacrificia. Unde postquam instituta est Circumcisio, illa communiter usi sunt parentes ad fidem illam pro parvulis profitendam. Et sic Originale peccatum deletum fuit in Circumcisione, non quidem virtute circumcisionis, sed virtute professionis fidei, quæ in ritu illo pro parvulis eliciebatur.

Huic potius sententiæ videtur adhærendum, eo quod divinæ Scripturæ magis cohæreat. Etenim Genes. 17. in Hebræo, & in

In Vulgata editione legitur simpliciter; *Masculus cuius præputii caro circumcisa non fuerit, delebitur anima illius de populo*; ubi non habentur illa duo vocabula, nempe *octavo die*, quæ cum legeret D. August. in Cod. Græco non genuino, suam hisce verbis sententiam nitebatur. Quare cadente principio, quod erat sententiæ basis, atque fundamentum, procul dubio ipsa quoque corruit opinio, ac proinde iuxta veram huiusce textus lectionem, præceptum Circumcisionis sub pœna capitis solos respiciebat adultos, si pactum Circumcisionis irritum facerent, scilicet si se, aut suos circumcidere neglexerint. Et quod talis sit illius Scripturæ sensus, deprehenditur tum ex contextu citati capitis, tum ex cap. 4. Exodi, ubi habetur, quod quia Moyses neglexit suum circumcidere filium, non infantem, sed patrem ipsum Deus occidere voluit. Insuper Apostolus hoc comprobat cap. 3. & 4. in Epist. ad Romanos, ubi probare contendit, fidem iustificasse, non vero Circumcisionem; nam cap. 3. ait; *Quæ utilitas Circumcisionis? & subdit, multum per omnem modum. Primum quidem, quia credita sunt illis eloquia Dei*. Unde secundum Apostolum hoc erat præcipuum Circumcisionis munus, nec verbum ullum addit, ex quo colligi possit eam peccatum remisisse, quod est longe maius. Imo sequenti cap. ex professo probat, Circumcisionem hanc non habuisse efficaciam; sic enim loquitur; *Beatus vir, cui non imputavit Dominus peccatum; beatitudo ergo hæc in Circumcisione tantum manet, an etiam in præputio? non in Circumcisione, sed in præputio*.

Circumcisio non applicabatur Mulieribus, nec maribus ante octavum diem, ad quem sane multi non perveniebant morte præoccupati. Item per quadraginta annos, quibus Iudæi commorati sunt in deserto, omissa est Circumcisio, Iosue 5. Et non alia certe ratione, nisi quia cum tantum instituta esset ad distinguendum genus Abrahæ ab aliis nationibus, supervacanea videbatur, donec populus Iudaicus prorsus seiunctus erat in deserto ab omni alia gente.

Non est tamen difficile sententiam D. August. cum hac D. Thomæ, quæ eidem est opposita, conciliare, videlicet per Circumcisionem deletum fuisse in veteri lege peccatum Originale, sicuti nunc in lege gratiæ deletur per baptismum, si hoc factum fuisse dicatur, non vi ritus externi Circumcisionis, qui ad hunc effectum a Deo non

fuerat institutum, sed ratione professionis Fidei. Habert.

#### Corollarium.

Ex hætenus dictis inferet Habertus Sacramenta veteris & novæ legis ita per specificas differentias definiri posse. Sacramentum veteris legis est *signum sensibile sacrum a Deo permanentiter institutum ad producendam per se sanctitatem legalem, solumque significandam interiorem*. Et hæc definitio convenit Sacramentis etiam legis naturæ. Sacramentum novæ legis est *signum sensibile sacrum a Christo Domino permanentiter institutum ad producendam per se, & ex opere operato sanctitatem interiorem*.

Igitur in duobus potissimum differunt Sacramenta nova, a veteribus. 1. quia sunt instituta a Christo Domino, ut infra dicitur. 2. quia gratiam sanctificantem, iustitiamque conferunt ex opere operato.

Cæterum cum Sacramenta sensibilia sint, non secus ac res aliæ sensibiles, ac materiales, dupliciter considerari possunt, videlicet metaphysice secundum genus & differentiam, & physice secundum partes physicas, ex quibus essentialiter constant; hinc duplex etiam est eorum definitio, ut videre est in homine, qui metaphysice definitur, *animal rationale*, & physice *unum totum, compositum ex anima & corpore organico*; sic etiam duplex est Sacramentorum definitio; alia secundum genus & differentiam, cuiusmodi sunt mox altatæ definitiones; alia secundum partes, ex quibus Sacramenta componuntur. Licet tamen Sacramentum non sit totum proprie physicum, cum eius partes non sint substantiales, incompletæ & realiter unitæ, nec faciat unum per se; est tamen unum morale conflatum ex quibusdam partibus, de quibus agendum. Habert.

#### S. XII.

##### De Sacramentorum novæ Legis materia & forma.

Circa rem hanc nullus habetur respectus ad Sacramenta veteris legis, cum in posterum nulla horum sit habenda ratio, eo quod nihil circa hæc inquirendum maneat, sed solummodo ad Sacramenta novæ legis, cum de hisce tantum deinceps sermo habendus sit. Et primo examini subiiciendæ sunt partes, ex quibus hæc constant Sacramenta.

Tametsi in definitione Sacramenti positæ sit solummodo res sensibilis, non una tantum

Definitioes sacra-  
menta-  
rum ve-  
teris le-  
gis, &  
novæ.

tum est hæc res, licet unum tantum signum constituat. Nam *Sacramenta omnia essentialiter tribus præcipue perficiuntur, videlicet rebus tamquam materia, verbis tamquam forma, & persona Ministri conferentis cum intentione faciendi quod facit Ecclesia, quorum si aliquid desit Sacramentum non perficitur.* Ita Concil. Florentinum in Decret. de *Sacramentis*. Et hoc constat etiam ex perpetua Traditione, & praxi Ecclesiæ. Hic tamen nomine materiæ non tantum intelligendum est, materiam proprie dictam requiri in omnibus Sacramentis, quæ videlicet sit elementum, sive res aliqua corporea, visibilis, atque tractabilis, ut in Baptismo, Confirmatione, & Extrema Unctione, sed satis est, si in Sacramentis aliquid assignetur quod materiæ habeat quamdam rationem, & sic in eodem Concil. Florent. atque etiam Tridentino actus poenitentis dicuntur esse quasi materia Sacramenti Poenitentiae. Quamvis vero elementum ex institutione divina habeat suam quoque significationem, nihilominus tamen addenda sunt verba, ut eam veluti astringant atque determinent, ut apertior ac distinctior rei, quæ geritur significatio fiat, cum verborum inter omnia signa maxime proprium sit, aliquid certum, ac determinatum significare.

Cum igitur elementum & verbum se habeant in Sacramentis quomodo in rebus, natura, vel arte compositis, materia & forma, nempe ut partes essentielles; ita manifestum est utrumque ita pertinere ad veritatem & substantiam Sacramentorum, ut si alterutrum desit, vel in aliud commutetur, Sacramenti veritas non subsistat.

Dicuntur etiam Sacramenta per tria supra relata perfici, non autem componi, aut constitui; quia minister eiusque intentio non ingrediuntur compositionem Sacramenti; licet tamen sint quid ipsis intrinsicum, ac pertinens ad eorum causam efficientem, de quibus infra. Sacramenta igitur novæ legis ex duobus tantum constant, scilicet rebus tamquam materia, & verbis tamquam forma. Et licet dicat Florentinum Concil. omnia Sacramenta, & essentialia sit omni Sacramento cuiusque status, constare ex rebus, eo quod omne Sacramentum constare etiam verbis; siquidem multa erant in lege veteri, ut Circumcisio, agni Paschales, Consecrationes Pontificum, ac Sacerdotum, quæ absque præscripta ver-

borum forma celebrabantur; quia verba sunt signa expressiora, minime convenientia statui legis veteris, in qua Mysteria sub umbris latebant: fateri tamen oportet, quod in quorundam Sacramentorum celebratione verba adhibebantur.

Dicitur loco cit. Concilii Florent. *rebus tamquam materia, & verbis tamquam forma*, & hoc per analogiam ad compositum physicum, in quo pars imperfectior, & minus determinata dicitur materia, & actus quo destinatur materia ad tale esse, dicitur forma. Materia enim, puta ligni, est indeterminata, vel ad formam ignis, vel ad formam ligni; aut cineris ac ideo ad illud vel illud esse; & per formam ignis determinatur ad esse ignis, & per formam ligni ad esse ligni. Ita aqua per se indifferens ad abluendum vel refrigerandum, seu ad emoliendum, determinatur ad abluendum significandum per verba: *Ego te baptizo.*

Methodus vero explicandi partes Sacramentorum per materiam, & formam incognitum fuit ante ortum scholasticæ Theologiæ; e placitis enim Peripateticæ Philosophiæ, quæ invaluerant in scholis philosophicis, hic loquendi modus fluxit ad Scholas Theologicas, quamvis tamen non scholas omnes statim præoccupaverint. Priusquam Methodus hæc a Theologis usurpata fuerit; nihil de ea habent scholæ Magistri, ne ipse quidem Petrus Lombardus dictus Magister sententiarum, nec Ugo Victorinus; quia licet & isti interdum aut formam, aut materiam Baptismi nominent, non tamen id dicunt philosophorum sensu; neque enim de forma per ordinem ad materiam, aut de materia per ordinem ad formam verba fecisse videntur, sed per materiam totum sensibile intelligebant quo constat Sacramentum; per formam vero more Iurisperitorum certas verborum formulas seu conceptiones intelligebant, quas & Iudices in formula iudiciorum, & ministri Ecclesiastici in Sacramentorum administratione observare tenentur. Unde partes Sacramentorum, quæ postea a Scholasticis appellari cœperunt, materia & forma, a veteribus Scriptoribus dicebantur *res Sacramentorum*: sic Tertull. l. de *Præscrip.* cap. 40. ait, *Demonem in suis Idolorum Mysteriis res Sacramentorum divinarum amulari*. Primus inter Scholasticos, qui partes Sacramentorum cœpit appellare materiam, & formam distincte fuit Gulielmus Antisiodorensis in sua summa Theologica anno 1210. Et ab eo tempore summo consensu Methodus hæc recepta fuit, & publico et-

iam Ecclesiæ usu consecrata tam in cit. Decret. Eugenii IV. tum in Concil. Trident. sess. 14. cap. 3. Nomine igitur materiæ Sacramenti intelligitur illud omne sensibile quod magis confuse gratiam significat, sive illud sensibile sit res quædam, seu substantia, qualis est aqua in Baptismo, Unctio in Confirmatione, panis, & vinum in Eucharistia &c. sive sit quædam actio, aut ex parte ministrantis, aut ex parte suscipientis Sacramentum, qualis est manus impositio in Ministro Confirmationis & Ordinationis, & Contritio, confessio, satisfactio in pœnitentia. Per formam vero veniunt non tantum verba proprie dicta, quæ ore proferuntur, sed id omne venit quod in Sacramento rem sensibilem arctius, & clarius restringit ad significandam gratiam sanctificantem, sive illud verbum sit vocale, sive non, ut sunt v. g. nutus & similia signa, quæ S. August. l. 2. de doctr. Christi. cap. 3. appellat verba visibilia, quia videlicet verborum vice funguntur, & verba possunt appellari a nobiliori signorum genere, quod est verbum, ut ibi docet D. Augustinus. Quod quidem in Matrimonii Sacramento locum habere potest, cum contrahens matrimonium usu vocis privatus, solo nutu consensum exterius demonstrare valet; saltem in eorum opinione qui mutuum consensum huius Sacramenti formam esse affirmant. In Sacramento pariter Pœnitentiæ satis est ad illius materiam ut confessio, & contritio aliquo exteriori signo, seu nutu declaretur; quare Sacramentalis absolutio impendi tolet moribundo, qui improvisa vi morbi oppressus voce confiteri non potest, sed gestu aliquo, vel nutu suum testatur de peccatis dolorem.

Materia  
Sacra-  
mento-  
rum du-  
plex.

Materia autem duplex est, alia remota circa quam versatur actio ministri, & est res quæ adhibetur in Sacramento efficiendo, ut aqua in Baptismo, alia proxima, & est usus ac applicatio talis rei, seu materiæ remotæ, ut ablutio in Baptismate.

Quod vero Sacramenta omnia novæ legis perficiantur rebus tamquam materiæ, verbis tamquam forma, hoc constat ex Scripturis. Habetur enim de Baptismo Ephes. 5. *Mundans (Ecclesiam) lavacro aque in verbo vite*. Unde S. August. tract. 8. in Ioann. ait: *Accedit verbum ad elementum, & fit Sacramentum; Detrahe verbum, quid est aqua nisi aqua*. Et sic de aliis Sacramentis divinæ Scripturæ non obscure manifestant, ut quando indignant impositionem manuum, Sacram unctioem, panem vinumque Eucharisticum, mutuam Coniugatorum con-

ventionem, assensumque reciprocum, peccatorumque detestationem, quæ satis est hic tantum innuere, quia iam in singulis Sacramentis exponendis suæ proferrentur auctoritates eorum materiam comprobantes, ac formam. Unde ne aliquid hic desideretur, præcæteris satis erit ut unum vel alterum referatur D. Augustini testimonium ex tract. 80. in Ioann. n. 3. ubi ait; *Unde ista tantum virtus aquæ, nisi faciente verbo*. Et infra; *Mundatio igitur nequaquam fluxo, & labili tribueretur elemento, nisi adderetur in verbo &c.*

Nec officere potest huic veritati silentium verborum consecrationis apud antiquiores Scriptores; quia ut iam alias dictum fuit, tali utebantur illis temporibus œconomia ut occultarent gentibus religionis nostræ mysteria; ita ut non solum res celarent quæ in se spectatæ communes sunt nulloque tectæ velamine, sed ritus consecrationis & præsertim verborum formam, ut habemus ex Innoc. I. in priori sua Decretal. Volum. Sacrorum Conciliorum 2. pag. 1245. de Sacramento Confirmat. n. 3. ubi sacro memorato Chrismate. *Verba autem, inquit, dicere non possum, ne magis prodere videar, quam ad consultationem respondere*. Et n. 8. explicata materia Extremæ Unctionis ait; *Reliqua vero quæ scribi fas non erat, cum adfueris, interrogati poterimus edicere*. P. Berti. Ecce ergo etiam ex Traditione veritas clare comprobatur.

Tam certa est veritas de materia, & forma Sacramentorum, ut Dæmon in superstitionis initiationibus sive ad affectandam divinitatem, sive ad æmulationem, sive ad contemptum nostrorum divinorum mysteriorum in sacrificiis idolorum ac Gentilium mysteriis easdem fere res eisdemque ritus imitatus fuerit, quos a Christianis in suorum Sacramentorum usu observari noverat. P. Berti 101. Tournel. 18. ut habetur ex S. August. l. 4. de Trinit. cap. 10. Tertull. l. de præscrip. cap. 40. Iustinus Apolog. 2.

Dicit forsitan aliquis: Eucharistia non constat verbis tamquam forma. Respondeo non constare Eucharistiam verbis tamquam forma si consideretur in facto esse; constat vero verbis si consideretur in fieri; cum tunc verbis Domini perficiatur. Habert.

## S. XIII.

*De verbis, quibus tamquam forma Sacramenta novæ legis perficiuntur.*

Gravis versatur controversia inter Catholicos, & Novatores, num verba quibus perficiuntur Sacramenta, sint concionatoria tantum & promissoria, ac proinde inefficacia, & habeant tantum significationem, an vero consecratoria sint, & efficacia. Ex falso principio quod sibi præfixerunt Novatores, quod per solam fidem promissionum Christi iustificemur in Sacramentis suscipiendis; minime vero per signi, seu Sacramenti applicationem, sequuntur alia incommoda & absurda contra Sacramentorum virtutem, nempe Sacramenta spirituales gratias non conferre, & exinde verba Sacramentorum nullam habere efficaciam, sed nudam significationem, idest eadem verba solummodo nos instruere, divinas confirmare promissiones, atque nos certiores reddere, quatenus per fidem Deo intime coniungimur; ac proinde non credentes Sacramenta non accipere, idest non manducare Dominicum corpus in Eucharistia. Idcirco verba Sacramentorum pronuntianda esse eo modo, qui aptus sit ad generandam fidem, & promissa obsignanda, & per consequens Sacramenta conficienda esse verbis vernaculis, seu captui cuiuscumque accommodatis, utpote quæ magis ad instruendum sint apta.

Tribuentes igitur Novatores omnem vim iustificandi Fidei, tenent verba in Sacramentis conficiendis prolata, perinde se habere, ac se habet prædicatio Evangelii, nimirum nobis Christi gratiam proponere, illam polliceri, ad Christi fidem nos excitare, non autem immutare materiam illam sensibilem, idest verba esse tantum concionatoria non vero consecratoria. Nam verbum concinatorium & promissorium, est verbum quod proferatur per modum concionis ad excitandam fidem & devotionem: Verbum vero consecratorium non præcise ordinatur ad erudiendam plebem, cum sæpe proferatur ignoto idiomate; sed ad sanctificandum, & consecrandum, tum materiam, puta aquam in Baptismo, quatenus accedente verbo percipit virtutem sanctificandi; tum ipsum suscipientem. Verbum enim & materia simul iuncta ipsum consecrant, & sanctificant. Hicce positis pro veritate catholica sit.

Verba quæ Sacramentorum formam continent non sunt promissoria, aut concionatoria, sed solummodo consecratoria; ut con-

stat ex divinæ Scripturæ testimoniis, & ex constanti Scriptorum Ecclesiasticorum loquendi usu, qui verba Sacramentorum non appellant conciones, instructiones, promissiones, sed consecrationes. Nam 1. Corinth. 10. huiuscemodi Sacramentorum verba, dicuntur verba *benedictionis*. *Calix benedictionis cui benedicimus nomine communicatio sanguinis Christi est?* Verbum vero benedictionis idem est apud nos, ac consecrationis. Item in eadem epist. dicuntur verba *invocationis*: *Numquid in nomine Pauli baptizati estis?* idest invocato nomine Pauli. Quo sensu Act. 22. habetur; *Exurge, & baptizare, & ablue peccata tua, invocato nomine ipsius*. Dicuntur verba *vite*: *mundans eam (Ecclesiam) lavacro aquæ in verbo vite*.

Inter Patres vero qui semper eodem sensu loquuntur de formis, seu verbis Sacramentorum, habetur S. Augustinus qui l. 3. de Baptis. cap. 10. ait: *Baptismus Christi verbis evangelicis consecratus & per adulteros & in Adulteris sanctus est*. Et S. Ambrosius l. 4. de Sacrament. cap. 4. ait: *ubi accessit consecratio, de pane fit caro Christi*. Et S. Gregor. Nilfenus orat. Catech. cap. 37. inquit: *Dei verbo sanctificatum panem in corpus Dei verum transmutari credo*. Et sic semper de huiuscemodi verbis loquuntur Patres.

Et hoc ratio quoque evincit; quia cum Sacramenta legis novæ non sint instituta præcise ad fidem promissionum obsignandam excitandamque, hominemque qui ea symbola suscipiat, nec obicem ponat, per se, & ex opere operato sanctificent, ac Deo devoteant, quod iam antea notavimus fieri per novæ legis Sacramenta; hinc finis primarius, proximus, & immediatus verborum Sacramentalium novæ legis, nec est nec esse potest, ut divinas nobis obignent promissiones, fidemque in nobis excitent, sed ut coniuncta materiæ, & materiam consecrent, & symbolum per eadem verba materiamque constitutum, per se ex opere operato suscipientem Dei consecrent cultui, ac sanctificent; idcirco verba Sacramentalia non sunt promissoria & concionatoria, sed vere consecratoria. Et equidem verba quibus Sacramenta perficiuntur, nullas clare, & expresse continent divinas promissiones, ut attendenti facile patet in verbis præcipue Baptismi. Dicitur enim in hoc efficiendo, & ministrando *Ego te baptizo, in nomine Patris*; quæ verba cum effectum præsentem commovent, eumque divina virtute producant, non sunt promissoria iuxta hæreticorum sensum, sed vere consecratoria: nam

verba ego te baptizo in nomine Patris &c. non exprimunt gratiæ conferendæ promissionem, sed designant, efficiuntque præsens animarum lavacrum, atque Spiritus regenerationem. Igitur hæc verba non sunt promissoria, ut volunt Hæretici, sed vere iuxta Ecclesiæ sensum consecratoria.

Item promissio gratiæ non est facta in divinis Scripturis credentibus tantum, sed credentibus qui Sacramenta suscipiunt. Nam Marci 16. habetur; *Qui crediderit, & baptizatus fuerit salvus erit.* Ecce non dicitur tantum; *Qui crediderit salvus erit*, sed statim subiungitur, *& baptizatus fuerit.* Unde licet in Adulto fides, ut dispositio ad Baptismi sanctificationem requiratur, formalis tamen effectus sanctificationis tribuitur gratiæ per susceptum Baptismum collatæ, quæ sanctificatio ita proprius est Baptismi effectus tamquam causæ, non vero Fidei, ut etiam sine fide sanctificet Baptisma, quomodo sit in parvulis, qui defectu ulus rationis fidei concipiendæ sunt incapaces. Unde verba Sacramentorum non sunt promissoria gratiæ collatæ credentibus, sed collatæ credentibus, qui digne, idest rite, & recte dispositi digne Sacramenta suscipiunt. Dixi *digne suscipiunt*, quia Christus Dominus non absolute promissit credentibus vitam æternam, sed dummodo ipsius obediant præceptis, dummodo baptizentur, Sacramentum sui corporis digne suscipiant. Hallucinantur ergo, imo simul mentiuntur, maximamque Deo iniuriam irrogant quique censent evangelicis verbis, quibus Sacramenta consecrantur, gratiam fide sola consequendam promitti. Ita P. Berti 112.

Item Ecclesia ut cetera sit, ac secuta de veritate seu validitate Baptismi collati non attendit ad fidem, doctrinam, instructionemque Ministri, nec ad fidem qua baptizatus baptismum suscepit, sed ad materiam, & ad formam ipsius baptismi collati, nempe an in alterutro facta sit adulteratio, seu immutatio; idest an rite sicuti oportet, ut validum sit baptismus, adhibuerit Minister legitimam materiam, & formam, vel non, ita ut baptismus nullus, & invalidus ob talem defectum sit iudicandus. Ita Concil. Nicænum General. I. can. 19. Paulianistarum, & Laodiceum can. 8. Cataphrygarum Baptismum reprobavit.

Igitur verba Sacramentorum non sunt concionatoria in Eterodoxorum sensu, sed perfecte consecratoria, ut catholica docet Ecclesia. Requiritur quidem concio respectu adultorum ante baptismum, iuxta illud Mat-

thæi 27. *Docete omnes gentes*, ut disponantur per fidem aliosque actus virtutum a Concilio Tridentino expositos sen. 6. cap. 6. sed non est pars Sacramenti, ut patet, sicuti supra diximus in parvulis, quibus dum baptizantur inutilis foret concio, cum eam nec audire, nec intelligere valeant.

Nec ullatenus hic valet quod hic respondet Calvinus, nempe quod intelligent quando ad ætatem pervenerint; quia possunt morte præoccupari, ac proinde ad illam ætatem non pervenire, & sic nec intelligere, nec credere; & tamen fatetur ipse Calvinus non frustra esse baptizatos, in quo sibi contradicit, quia cum iudicet non minus esse necessariam fidem ad essentiam baptismi, quam aquam; si vult baptismum nullum esse sine aqua, quomodo potest baptismum in sua sententia valide adstruere in parvulis sine fide.

Nec eum salvat responsio, quod si concio captum infantis non attingat, attingit tamen auditum, & captum adstantium. Nam 1. validus est baptismus collatus ab infideli ministro sine testibus; 2. nec fides, nec infidelitas testium prodest, aut obest baptismum suscipienti.

Obiiciunt 1. illud 1. Petri cap. 3. ubi Apostolus loquens de arca, in qua pauci salvati sunt, nempe octo animæ tantum, subiungit: *Quod & vos nunc similis formæ salvos facit baptismus: non carnis depositio sordium; sed conscientia bonæ interrogatio in Deum:* hic enim, notat Lutherus, in textu Græco pro *interrogatione* habetur *pañum*, seu *stipulatio*; idcirco infert, verba Baptismi esse ad excitandam fidem promissionum Dei, & confirmandum pactum quod anima init cum Deo.

Negatur consequens. Locus enim citatus cæteroquin obscurissimus, idcirco valde intellectu difficilis, in duplici sensu explicari potest. 1. videlicet ut Apostolus probet ex testimonio conscientia iam post Baptismum pacatæ, nostrum Baptisma longe differre a ludæorum purificationibus, in quibus sordes tantummodo carnis tollebantur, cum in Baptismo conscientia ipsa sua tranquillitate & fiducia, quam habet ad Deum testetur peccatorum maculas vere elui, ac mandari. 2. ita, ut noceat Apostolus sponsores, quæ a primis sæculis fieri consuevere a baptizandis, ut ex Tertull. habemus l. de Corona Milit. cap. 3. *Sub Antifistis manu*, ait, *confestimur nos renunciare Diabolo, & pompæ, & Angelis eius*; hinc Baptismus solet appellari a Patribus sponso salutis, qua iniciandus re-

renunciat Diabolo, omnibus eius operibus pompisque, ac pollicetur se impoſterum Chriſtum ſecuturum. Verum neſcio quid ex hoc inferre poſſint in ſui erroris patrocinium Novatores cum potius hoc teſtimonium arma nobis præbeat ad eundem errorem impugnandum: docet enim expreſſis verbis, Baptiſmum nec ſalvare, ſicut aqua ſalvas fecit ab aquis diluvii octo animas; æra vero non per fidem promiſſionum ſed per ſeipſam familiam Noe ſalvam reddidit.

Obiicitur 2. modum loquendi SS. PP. de Sacramentis, qui ea vocant *ſignacula pignora*, & præcipue illud D. Auguſtini tract. 80. in Ioannem ubi ait: *Iam vos mundi eſtis, non propter Baptiſmum, quo loti eſtis, ſed propter verbum quod locutus ſum vobis*. Igitur Sacramenta non ſanctificant, ſed per fidem promiſſionem, quorum ſunt arrhæ, ac ſignacula, unde verba Sacramentalia ex S. Auguſtini doctrina ſunt mere concionatoria, neutiquam conſecratoria.

Reſp. verum quidem eſſe, ſicuti nos quoque fatemur, Sacramenta noſtra eſſe ſignacula ſignificantia, & obſignantia res ſacras, & pignora divinarum promiſſionum. Nam Deus exhibet in Sacramentis quod promiſit; v. g. in Euchariftia dat corpus ſuum, ſuamque carnem, quam pollicitus eſt dandam Ioann. 6. In Baptiſmo conſert Spiritum Sanctum in quo prænnunciaverat Præcurſor fideles fore baptizandos Matth. 3. Nullus tamen SS. Patrum tradidit, iſta nobis conferri in Sacramentis, prout per verbum concionatorium fidem excitavit. Ad textum vero D. Auguſtini reſpondeo, S. Doctorem ibi dicere verbum mundare in Baptiſmo, non quia dicitur, ſed quia creditur, id eſt non prout eſt quid naturale, & ſonus tranſiens, ſed quatenus eſt verbum Chriſti ſupernaturale ſola fide apprehenſibile; *Aliud enim eſt* (ait S. D.) *ſonus tranſiens, aliud virtus manens*; non ita tamen ut velit mundationem fieri per verbum in Baptiſmo, quatenus actu creditur quod per ipſum ſignificatur: nam S. P. eſt totus ut probat, nec infidelitate miniſtrantis, nec defectu rationis in infante Baptiſmi effectum impediri.

#### §. XIV.

##### *De Diviſione Formæ Sacramentorum.*

Formæ Sacramentorum nulla agnita fuit apud veteres diviſio, ita ut ante octavum ſæculum una tantum forma abſoluta agnoſceretur: idcirco nulla in Scripturis quæ illud ſæculum præceſſerunt invenitur men-

*Inſtit. Theol. Moral. Tom. IV.*

tio formæ conditionalis, ſicuti celebres Theologi huius ætatis obſervarunt, ut Tourneſius, Eminentiſſ. Gotti, Iuveninus, aliive. Imo præter quam quod nullam inveniant mentionem illis temporibus de forma conditionali, ex gravibus etiam momentis colligunt, tunc minime adhibitam fuiſſe formam hanc in Eccleſia. Nam sæpe exorta prioribus ſæculis difficultate circa validitatem alicuius baptiſmi, nunquam invenimus factum fuiſſe recurſum ad rebaptizandum cum forma conditionali. Sed vel omiſſa eſt rebaptizatio, vel ſi grave erat fundamentum iudicandi baptiſmum ob aliquem ſubſtantialem defectum fuiſſe invalidum, facta eſt rebaptizatio cum uſu formæ abſolutæ, ut videre eſt apud graves Theologos, præcipue Iuvenin, Tourneſ. Berti hic. Ereværa cum tale dubium propoſitum fuerit, id eſt quid in incertitudine Baptiſmi num colati fuerit S. Gregorio Magno ſabente 6. ſæculo, reſpondit, hiſce de quibus talis habetur incertitudo, ut nec ex ſcriptis, nec ex textibus veritas deprehendi queat, conferendum eſſe baptiſmum; nulla facta mentione formæ conditionalis: *Nec talis dubitatio* (ait) *ruina fidelibus fiat; quoniam non monſtratur iteratum quod non certis indiis offenditur riſe perfectum*. Ita habetur in Epistol. ad Felicem Episcopum Meſſanæ, quæ n. eſt 32. l. 12. Indiſt. 7. nunc 17. l. 14. Indiſt. 7.

Verum eruditi Theologi affirmant, formam conditionalem obtinuiffe octavo ſæculo vertente, ſervatam quoque alicubi, ac ab Alexandro III. probatam fuiſſe ſæculo 12. communiter tamen in occidentali Eccleſia receptam fuiſſe ſæculo 13. ſedente Sum. Pontifice Gregorio IX. anno ſcilicet 1227. qui Decretalem Alexandri III. retulit in corpus iuris canonici; quæ Decretalis hiſce verbis concipitur; *De quibus dubium eſt, utrum ſint baptizati, an non, omnimode abſque ullo ſcrupulo baptizentur, his tamen verbis præmiſſis: Non te rebaptizo, ſed ſi nondum baptizatus es, baptizo te in nomine Patris &c.*

Ab eo vero tempore, uſque in hodiernum diem conſtanti praxi in Eccleſia ſervatur. Quare trita nunc eſt celebriſſima formæ Sacramentalis diviſio in abſolutam, & conditionalem. Prior indicat abſolute actionem Sacramentalem; ut hæc verba, *Confirmo te*. Poſterior exponit eandem actionem Sacramentalem præpoſita conditione, ut habetur; *Si non es baptizatus, ego te baptizo in nomine Patris &c.* Et de hac conditionali examinabitur, quibus in circumſtantiis Miniſter eam adhibere teneatur.



Forma conditionalis, ut notat Iuveninus, ante centum ab hinc annos adhibita fuisse videtur in dubio tantum de Sacramentis, quæ imprimunt characterem. DD. enim, qui a Decreto Alexandri III. usque ad Concil. Tridentinum de re hac egerunt, iis locis, quibus asserunt formam conditionalem adhibendam esse, non memorant nisi tria Sacramenta characterem imprimentia, Baptismum scilicet, Confirmationem, & Ordinem, aliorumque procul dubio mentionem fecissent, si forma conditionalis etiam in illorum administratione fuisset in usu. Verum a centum fere ab hinc annis, etiam in Sacramentis, quæ possunt iterari, formæ conditionalis usus obtinuit. Etenim præcipue in administratione Sacramenti Pœnitentiæ quando dubium est, vel ex parte subiecti, seu quando oritur morale dubium, an subiectum sit illius capax, ut si fidelis improviso morbo obmutescat; vel ex parte Ministræ, qui dubitat, an verba omnia essentialia protulerit; in duplici hoc casu formam conditionalem adhibendam esse contendunt, videlicet ob debitam Sacramento reverentiam, & ne is qui bona fide ad ipsum accessit, necessaria forsan illius acceptio- ne privetur.

Notat hic Iuveninus, quod quando dubium exoritur de subiecti idoneitate ad Sacramentum recipiendum, & in Rituali illius Ecclesiæ non sit præscriptus usus formæ conditionalis, secundum sententiam aliquorum Theologorum non infimæ notæ eam non esse adhibendam, eo quia quisque debeat se conformare in Sacramentorum administratione Rituali Ecclesiæ cui adscriptus est, ut nil addat, nec minuat. Verum hoc in re tanti momenti, sicuti & Sacramentorum collatio a qua salus pendet æterna, ut inter Sacramenta, quæ non imprimunt Characterem est Pœnitentia, quæ post Baptismum est secunda salutis tabula post naufragium, ut iuxta mentem Theologorum loquar, qua infirma pœnitentis contritio, seu attritio perficitur iuxta eorundem assatum per Pœnitentiæ Sacramentum fidelis ex attrito sit contritus, mihi nimis aspera videtur. Etenim sic hæc forma conditionalis universis obtinuit in Ecclesiâ, & a pluribus sæculis in universali Ecclesiâ per summos Pontifices in suis Decretalibus inclusa ut lex in corpore Iuris Canonici ordinata est saltem implicite, dum huiuscemodi formam statuunt pro aliis Sacramentis, quæ imprimunt Characterem, sine ulla exceptione illorum, quæ characterem non imprimunt, & tacite sem-

per a S. Sede approbata remanlit; nimis durum videtur, quod ob nimis rigidam eorum opinionem, qui in aliqua Ecclesiâ censuerunt non ponendam esse in illius Rituali, fideles illius Ecclesiæ privandi sint beneficio facto iam universali, cum tanto spiritualis eorundem salutis discrimine.

Ad hoc tamen, ut forma conditionalis adhibeatur, non satis est, ut qualicumque habeatur suspicio; sed ut omnes sentiunt loquendo de Baptismo, præcipue Estius in 4. distinct. 4. §. 15. necesse est ut post diligentissimam, & accuratissimam inquisitionem habeatur moralis certitudo, quod antea non sit Baptismus collatus. Dixi *post diligentissimam, & accuratissimam inquisitionem*; quolibet enim prudens dubium supponit prævium, & diligens examen. Unde reprobat Estius ibidem usum, seu potius abusum quorundam, qui passim, ac sine discrimine Infantes ab Obstetricibus, propter vitæ periculum baptizatos, iterum sub conditione baptizant, non aliam dubitandi causam habentes, quam quod muliercula forte, vel intentione deficere, vel in verbis proferendis hallucinari potuerit, cum tamen Obstetricæ testetur, se rite totum mysterium peregis- se; contra quem abusum graviter scribunt Dominicus Soto in 4. distinct. 3. art. 6. Petrus de Palude dist. 6. q. 4. Tournel. 42. Et hoc de aliis quoque Sacramentis characterem imprimentibus est procul dubio asserendum. De Pœnitentia pariter si quis subito morbo correptus nec voce, nec signo peccata, animique dolorem manifestare queat, idem dicendum est, nempe talem moribundum sub conditione absolvendum esse. Nam & Clemens VIII. referente Homebono in Commentario ressolutor. *de examine Ecclesiastico* l. 1. Tract. 7. cap. 18. labentem e fabrica templi Vaticani hisce verbis absolvit; *Si es capax, absolvo te &c.* Si vero pœnitens sit compos sui, & certam materiam absolutionis ponat, sine conditione est absolvendus; quoniam forma absolutionis innovatæ confessioni, & iterato contritionis actui applicata non iterat Sacramentum numero idem, sed aliud constituit. Licet enim peccata eadem sint, innovantur actus pœnitentis, qui pœnitentiæ vera materia sunt, & novæ materiæ novam formam sine ulla culpa potest Sacerdos applicare. Quod si audita confessione, pœnitentem proximis verbis doceat, & commonefaciat, hæsitæque animo, an absolutionis verba protulerit, tunc ne irrita hæc sit, & nulla, & ne Sacramentum irreverentia aliqua polluat, consultum erit sub

con-

conditione absolutionem impendere hoc patet: *Si non es absolutus Ego te absolvo &c.* Nam docet Dominicus Soto, in Sacramentis, quæ iterari possunt, non opus esse tanto examine, sicuti in illis, quæ characterem imprimunt, ut adhibeatur forma conditionalis. In Pœnitentia enim (ajunt DD.) minus dubium, modo fundatum sit, satis est, ut sub conditione forma possit iterari, v. g. cum Minister certus non est, an eam debite protulerit.

## §. XV.

*De unionem, quæ requiritur inter materiam, & formam Sacramentorum, ad eorum valorem.*

Ad validitatem Sacramenti requiritur ut materia, & forma simul coexistant, seu requiritur moralis eorum similitudo, quæ secundum significationem verborum, sufficiat tum ad veritatem formæ, tum ut verba cadere censeantur sub talem materiam, & unum signum totale cum illa constituere. Sic in Baptismo requiritur talis coniunctio, ut dum minister verba profert, censeatur moraliter etiam lavare. Et hæc moralis unio satis est, quia Sacramentum est compositum quoddam morale ab hominibus conficiendum, ac proinde more humano; & maior unio sæpe non est moraliter possibilis; quapropter Sacramenta sæpe irrita forent, si hæc maior partium unio exigeretur.

Hæc unio vero diversa est, pro diversa Sacramentorum ratione. Etenim maior requiritur in Baptismo ob formam, quæ actualem explicat ablutionem, & maior etiam in conficienda Sacra Eucharistia, eo quod forma sit demonstrativa Corporis, & Sanguinis Christi Domini sub panis, & vini speciebus, quorum substantiam destruit.

Sacramentum tamen Pœnitentiæ non requirit tam strictam unionem; cum institutum sit per modum iudicii, in quo sententia non statim examen causæ sequitur. In Matrimonio unius consensus potest tamdiu alterius sequi consensum, quamdiu hic moraliter perdurare censeatur, non secus ac in aliis contractibus; quia in natura contractus fundatur. Nihilominus tamen in praxi materia, & forma Sacramentorum, quantum fieri potest simul iungendæ sunt.

## §. XVI.

*De institutione, seu determinatione Materie, & formæ, num facta sit a Christo Domino in omnibus Sacramentis.*

Quia in aliquibus Sacramentis sunt nonnulla signa, seu symbola, ac verba quædam, quorum nulla sit in divinis Scripturis mentio; immo quæ Ecclesia aut Græca, aut Latina non semper adhibuit; v. g. in Scripturis, nullibi legitur de Unctione chrismatis, & istorum verborum, *Signo te signo Crucis &c.* ubi de Sacramento Confirmationis, quod collatum invenimus ab Apostolis per solam manuum impositionem, Act. 8. Item nulla mentio instrumentorum, ac verborum; *Accipe potestatem &c.* in Sacris Ministrorum Ordinationibus peragendis, immo hæc numquam Ecclesia Græca adhibuit, nec semper hisce antiquitus usa fuit Latina. Hinc duplex orta est controversia inter Theologos; prima nempe, num huiusmodi materia, & forma sit Sacramento essentialis, an accidentalis dumtaxat, & integrans. Secunda, an & quando Christus Dominus singulorum Sacramentorum materiam, formamque determinaverit. Omissa prima, quæ suo loco resolveretur, de secunda solummodo hic sermo habebitur, quæ ex priori ortum duxit. Sed pro clariori intelligentia

Observandum 1. res, verbaque Sacramentorum duplici modo a Christo Domino determinari potuisse, nempe in genere, & in specie. In genere si præscripserit tantummodo assumendum esse signum aliquod exterius, aptum, & idoneum ad finem significandum instituti Sacramenti, & dederit Ecclesiæ facultatem eligendi ac determinandi tale signum. In specie vero, si ipsemet Christus Dominus signum illud notaverit, ac determinaverit cum lege, seu præcepto, ut illud semper adhibeatur, ut aqua in Baptismo, panis, & vinum in Eucharistia. Et quod dicitur de materia Sacramentorum, illud quoque intelligendum de verbis, quæ eorum formæ rationem habent. Quocumque autem modo Christum Dominum eam formam determinasse velis, sive formaliter, id est quoad sensum tantum, & significationem, non vero quoad sonum & idioma; seu materialiter, scilicet quocumque idiomate conferatur baptismus in nomine Patris &c. erit ratus & validus. . . .

Observandum 2. Materiam nostrorum Sacramentorum aliam in re quadam, seu sub-

stantia physica consistere qualis est aqua Baptismi, Oleum Confirmationis, panis, & vinum in Eucharistia &c. aliam in actione quadam morali, ut sunt actus pœnitentis in Sacramento Pœnitentiæ, consensus mutuus contrahentium, in Sacramento Matrimonii. Observant autem Theologi istud esse discriminis inter materiam Sacramenti physicam, & moralem, quod physica nullatenus a legibus Ecclesiæ dependeat, ut rata sit, ac verum efficiat Sacramentum; e contra moralis his legibus subiaceat, ita ut si illæ observatæ non fuerint nullum sit Sacramentum, sed irritum. Sic post receptum Concilii Tridentini Decretum irritans Matrimonium clandestinum, mutuus consensus contrahentium datum clanculum, & contra leges Ecclesiæ nullus est, irritumque facit Matrimonium, non quia mutata sit materia a Christo Domino instituta, sed quia personæ redduntur inhabiles ad contrahendum.

Lutherus lib. de Captivitat. Babilonica docuit, Baptismum urgente necessitate conferri posse etiam in lacte, & alio quocumque liquore; sed postea suum errorem retractavit, utpote contrarium expressis verbis Evangelii Ioann. 3. *Nisi quis renatus fuerit ex aqua*, &c. Theodorus Beza pariter censuit ubi deest copia panis, & vini, recte celebrari Eucharistiam in communi cibo, & potu, qui supplet vicem panis, & vini. Sed contra hunc errorem statuitur x. de fide esse, Christum Dominum determinasse saltem in genere materiam, & formam omnium Sacramentorum. Nam de fide est, Sacramenta omnia novæ legis a Christo Domino fuisse instituta ut definiit Concil. Tridentinum sess. 7. can. 1. & clarius patebit quando sermo fiet de causa seu auctore Sacramentorum. Igitur etiam certum erit, eorum partes, materiam scilicet & formam saltem in genere instituisse, ac determinasse, suisque Apostolis præcepisse, ut signa quædam adhiberent apta ad significandos hos, & illos effectus, ad quos producendos instituta sunt Sacramenta.

2. Constat ex fide catholica, quod Christus Dominus aliquorum Sacramentorum, nempe Baptismi, & Eucharistiæ materiam & formam in specie determinavit. Et clare patet ex Evangelio; nam de aqua Baptismi materia habetur Ioann. 3. *Nisi quis renatus fuerit ex aqua* &c. De forma vero legitur Matthæi 28. *Euntes in mundum universum docete omnes gentes, baptizantes eos in nomine Patris &c.* Nec interest, quod Christus Dominus expresse non dicat, verba hæc pro-

nuncianda esse in baptizando; cum certum sit ex constanti Ecclesiæ traditione, quod pronuciari debeant, & ideo Ecclesia olim reiecit baptismum Cataphrigium, & Paulianistarum, quia in illo non adhibebantur verba Evangelica, sine quibus consecrari nequit Baptisma. De Eucharistia quoque habetur Lucæ 22. *Accepto pane* (Iesus) *gratias egit, & dedit eis, dicens; Hoc est Corpus meum*, tum subdit; *hoc facite in meam commemorationem*.

Advertendum vero, formam duorum prædictorum Sacramentorum a Christo determinatam fuisse non materialiter, ratione phrasos & idiomatum, sed formaliter, & ratione sensus. Etenim validum est Baptisma collatum a Græcis hisce verbis. *Baptizetur servus Christi in nomine Patris &c.* Ex opposito vero certum est formas aliorum quinque Sacramentorum non ita fuisse determinatas, sed Christum reliquisse Ecclesiæ, ut determinaret quæ oratio adhiberetur pro Confirmatione, Ordine, & Extrema Unctione, quæ verba proferrentur pro Sacramento Pœnitentiæ & Matrimonii, dummodo verba essent, quæ sufficienter explicarent illorum Sacramentorum effectus; nam Græci aliis verbis, ac Latini confirmant, & ordinant.

Adhuc tamen gravis remanet difficultas circa Sacramentorum materiam, videlicet num Christus Dominus hanc materiam determinaverit in specie pro unoquoque Sacramento. Et circa hoc celebris versatur inter Theologos controversia. Plures enim, ut Magister sententiarum, Alexand. de Ales, S. Bonavent. S. Thomas, aliive etiam ex recentioribus putant Christum in specie, non tantum in genere, determinasse materiam eorum Sacramentorum, quæ dum in terris degeret non solum instituit, verum etiam contulit; cæterorum vero, quæ ipse hic non contulit, nonnisi generatim determinasse, relinquendo Apostolorum arbitrio, & Ecclesiæ, res, verbaque seligere; quæ apta essent ad significandum Sacramenti effectum; ita tamen ut postquam alicubi Ecclesia unam materiam, aut formam præ alia elegerit, ea neglecta irritum sit Sacramentum. Idcirco in illorum sententia, si Latinus in Ordinatione utatur Græcorum materia, nulla erit Ordinatio. Verum cum prior videatur opposita sententia hinc.

Resolvitur, materiam omnium Sacramentorum a Christo fuisse in specie determinatam, & hanc statuit Iuveninus ut probabilior, utpote quæ magis consona videatur,

tum Scripturæ, tum Concil. Tridentino. Definivit enim Concilium, Ecclesiam posse cæremonias, quæ in Sacramentorum administratione adhibentur, immutare, non vero eorum substantiam, qualis præcipue esset materia; *Salva* (ait S. Synodus) *eorum substantia*. In Scripturis porro non minus legitur materiam in specie a Christo assignatam, ac statutam, Sacramentorum Baptismi, & Eucharistiæ, quam etiam aliorum Sacramentorum; nam manus impositio pro Confirmatione assignatur Act. 8. his verbis; *Tunc imponebant manus super illos*; & pro Ordinatione tum Diaconorum Act. 6. *Orantes, imposuerunt super eis manus*; tum Præbyterorum, & Episcoporum 1. ad Timoth. 4. *Noli negligere gratiam quæ est in te, quæ data est tibi. . . . cum impositione manuum Præbyterii*. Item Oleum pro Extrema Unctione, Iacob. 5. Confessio peccatorum pro Sacramento Pœnitentiæ Ioann. 20. Mutuus consensus viri, ac mulieris pro Matrimonio, Ephes. 5. Et hoc confirmat etiam constans usus utriusque Ecclesiæ, tum Latine, tum Græcæ, quæ semper in cuiuscumque Sacramenti consecratione, & administratione adhibuere materias cuiuscumque Sacramenti expositas in Scriptura. Idcirco corrui fundamentum oppositæ sententiæ. Etenim ideo hanc opinionem ipsius fautores amplexi sunt, quia contra rei veritatem visum est ipsis, Latinos, & Græcos in administratione Confirmationis, & Ordinationis diversa uti materia, quod falsum est, ut suo loco videbimus.

Nec valet quod respondent ad illud Concilii Trident. nempe ibi loquutum fuisse Concilium de aliquibus, non de omnibus Sacramentis. 1. quia Concilium opponit Sacramenta Cæremoniis, atque generatim statuit, has, non illa posse immutari. 2. quia ubi lex non distinguit, nec nobis distinguere licet.

Obiiciunt ex dictis, formas omnium Sacramentorum non esse a Christo Domino determinatas, igitur nec materiam. Resp. negando consequentiam; & divina Christi auctoritas Sacramentorum voluntas, a qua hoc dependebat, affert genuinam disparitatis rationem. Ex plenissima enim, quam tenet dispositione, materiam Sacramentorum determinare voluit, non vero formas. Et hoc constat, tum ex Scriptura, quæ uti vidimus designat materias, non vero formas singulorum Sacramentorum; tum ex constanti usu Ecclesiæ. Sacrarum Scripturarum interpretis, quæ distinctis materiis, non iisdem for-

mis dum usa est, licet eundem sensum exprimentibus, singula Sacramenta consecravit. Et congrua huiusce diversitatis ratio afferri potest, quod res non ita pendent ex usu hominum, ac verba. Cætera vero quæ hic obiici possent, resolventur suo loco, quando singillatim agemus de Sacramentis.

## S. XVII.

*De mutatione, quæ fieri potest, tum materie, tum formæ in Sacramentis.*

Mutatio formæ, vel materiæ in Sacramentis dupliciter contingere potest, substantialiter, & accidentaliter. Mutatio substantialis materiæ censetur esse, quando materia re, & nomine eadem non remanet, sed quoad speciem, vel usum in aliam mutatur, idest secundum suam naturam, & secundum communem æstimationem & usum differt ab ea, quam Christus Dominus instituit, & adhibet Ecclesia; ita ut in ordine ad usus communes, & prout sub tali nomine accipitur, nec sit, nec communiter pro eadem, quæ antea erat, reputetur; ut si vinum fiat acetum; vinum enim nec est, nec communiter habetur eiusdem speciei, & naturæ cum aceto. Item vinum, aqua expressa ex floribus, herbis, fructibus &c. & quivis alius liquor, non sunt physice eiusdem speciei, ac naturæ cum aqua naturali, & elementari. Quoad usum communem humanum materia substantialiter mutatur, quando non est eiusdem rationis, & naturæ, ac ea quam homines communiter ad talem effectum adhibent; unde cum homines communiter non utantur ad lotionem aqua congelata, nec massa cruda ad vescendum pro nutritione; hinc & aqua congelata quoad communem usum hominum non est eiusdem rationis ac aqua naturalis, & elementaris soluta, & fluens; idem dic de massa cruda respectu panis. Quare nullum esset Baptisma, quod ministraretur in vino, aqua ex floribus, herbis expressa, vel in alio liquore, vel cum aqua congelata; nulla consecratio in aceto, massa cruda, &c. quia in his intercederet mutatio substantialis materiæ, vel quoad physicam materiæ naturam, vel quoad communem hominum usum.

Mutatio vero accidentaliter materiæ fit quando materia est eadem re, & nomine eam ea quam Christus Dominus instituit, sed non adhibetur eodem modo, seu nonnulla eius corrumpuntur accidentia, ut si vinum sit solum acens, non vero acetum; si ex commixtione parvulæ quantitatis vini,

vel

vel alterius rei in aqua, aliquantulum tantum color & sapor immutaretur, vel calida sit, vel frigida, clara, vel turbida, maris, vel fontis, sit panis azimus, vel fermentatus &c.

Mutatio autem Substantialis formæ contingere potest, vel non adhibendo verba vocalia, ubi essentialiter requiruntur, ut re ipsa in omnibus Sacramentis requiruntur, excepto Matrimonio; vel si ex mutatione, transpositione, adiectione verborum non remaneat idem verborum sensus a Christo Domino institutus. Hinc si Arianus in baptizando diceret; *Ego te baptizo in nomine Patris maioris &c.* mutatio esset substantialis, quia omnino corrumpere sensum verborum, ut declaravit Concil. Nicenum I. quia non exprimeret Sanctissimæ Trinitatis Mystrium, quod Christus exprimendum instituit Matthæi 28. ac proinde irritum redderet Baptismum.

Mutatio vero tantum accidentalis formæ inæredit, quando in verbis adhuc remanet idem sensus, ut si quis in baptizando, post Sanctissimæ Trinitatis invocationem addebat sequentia verba, *Q. B. Virgo te adiuvet*, cum tali enim mutatione accidentaliter validum ratumque esset Baptisma.

Mutatio in verbis formæ, ut observant Theologi, facilius contingere potest variis modis, & primo per simplicem mutationem, quæ tripliciter fingi potest; scilicet ratione *admirati*; & hæc mere accidentalis est, ac plane indifferens ad rationem Sacramenti. Nam quocumque idiomate, seu lingua perficiatur Sacramentum, nihil refert ad eius validitatem, dummodo integra Christi seruetur institutio, id est integre idem sensus formæ habeatur. Caveat tamen Minister Sacramentorum, ut in eorum administratione alio utatur sermone, quam qui publico, & communi usu Ecclesiæ est receptus. Vel ratione aliquibus *synonymæ vocis*, & quando ipse synonyma sit eiusdem significationis, mutatio est tantum accidentaliter, ut si loco, *Ego te baptizo*, dicat *lavo* vel *tingo*. Non ita tamen res se haberet, si aliud verbum substitueretur diversæ, sive non æque distinctæ, aut claræ significationis, ut si loco verbi, *Ego te baptizo* diceretur *pargo*, *mando*, vel *refrigero* in nomine Patris &c. tunc enim mutatio foret substantialis, cum annuatio peccatorum in hoc Sacramento fieri debeat per modum ablutionis. Idem ita esset, si quis nomine colectivo, id est nomine totius Trinitatis baptizaret, quia iubetur hoc facere in clara, & distincta invocatio-

ne trium Trinitatis personarum. Vel ratione *modi indicativi*, vel *imperativi*, *absoluti*, vel *deprecativi*; & tunc pariter mutatio esset accidentaliter, ac proinde nullatenus nocens integritati Sacramenti. Nam æque validum est Baptisma Latinorum, qui actionem exprimunt verbo indicativo, *Ego te baptizo*, ac Grecorum qui verbo imperativo, *baptizetur talis &c.* Similiter vera est absolutio in Sacramento Pœnitentiæ, cum Latinorum facta per verbum absolutum, quam Grecorum per deprecativum.

Secundus modus mutationis verbarum formæ fit per simplicem corruptionem eorundem verborum; & hoc dupliciter contingere potest, vel ex sola ignorantia, & hæc dicitur simplex corruptio, vel animo inducendi novum errorem. In primo casu Zacharias Papa censuit Baptismum non esse irritum. Nam interrogatus a Bonifacio Episcopo Moguntino 8. sæculo, de Baptismo ob ignorantiam latini idiomatis collato per hæc verba; *Ego te baptizo in nomine Patriæ, Fælia &c.* respondit epist. 6. cit. cap. *Retulerunt distinct.* 4. de *Consecrat.* quod si baptizans ita baptizavit ex sola ignorantia romani sermonis infringens linguam, non animo inducendi novum errorem, non poterat consentire ad novum baptismum.

Advertendum vero, ut posita intentione inducendi novum errorem corruptio verborum formæ irrisit Sacramentum, duo requiri, quorum si alterutrum desit, ratum nihilominus erit Sacramentum. Primum ut sensus formæ revera sit ambiguus; nam si sit apertus, & intentio prava, non officiet Sacramento, ut patet ex Baptismo ab Arianis collato, qui tametsi rite non sentirent, ac docerent Filium non esse Patri æqualem, id est eiusdem substantiæ cum Patre, atque eo sensu verba Baptismi proferrent, attamen validus erat Baptismus, quia nihil immutabant circa formam, quæ nullam habet ambiguitatem. Secundum, ut error Ministri ita exterius exprimitur, ut verbaque ambigua in talibus proferantur circumstantiis, ut non nisi in pravo sensu intelligi debeant. Igitur balbutiens, qui corrupte pronunciat formam, valide conficit Sacramentum; quia ex communi hominum usu, forma sic expressa idem significat, ac alia prolata ab eo qui non est balbus. Sic Hab. 55.

Quocumque tamen mutatio sive substantialis, sive accidentaliter caute fugienda est; quia si fiat cum advertentia, tunc culpa non caret, & quidem gravissima, si mutatio sit substantialis, ut patet ex S. Basilio de Sp.

Sac.

*Sancto cap. 12.* Imo etiam accidentalis, si mutatio sit notabilis, & absque necessitate; siue hoc contingat circa materiam, siue in forma Sacramentorum, ut constat ex Concilio Tridentino sess. 7. can. 13. quia fieret contra præceptum Ecclesiæ, & usum eius vim legis habens in re gravi, quæ ad religionem pertinet. Unde Missale Romanum *de defectu* ait, eum gravissime peccatum, qui aliquid formæ Eucharistiæ detraheret: quod dicendum si mutatio sit etiam levis, quando fieret ex contemptu, vel ex animo inducendi usum contrarium ritui Ecclesiæ, aut ex simili schismatica intentione. Nam tunc contemnitur Ecclesiæ, & Spiritus Sanctus, qui eam regit, & cuius instinctu ea instituit. Item si fiat cum scandalo, & periculo errandi in substantialibus. Ita ex Doctoribus, qui addunt, hæc seclusis, mutationem accidentalem posse esse venialem ob levitatem materię.

## §. XVIII.

*De usu materię, vel formę dubię, vel probabilis tantum in Sacramentis perficiendis.*

Circa hoc prius observandum, quod in duplici circumstantia occurrere potest, ut Minister Sacramenta perficiat, vel urgente necessitate salutis proximi, puta si mortis periculum immineat, vel extra casum huiusmodi necessitatis. In primo casu, cum Sacramenta pro hominibus ad hunc finem a Christo Domino instituta sint, & meliori modo, quo fieri potest spirituali proximi indigentis salutis sit subveniendum, si deficiat materia certa, Minister licite potest, imo debet usi materia etiam dubia; quia prudenter dubia remedia applicantur, quando certa desunt, & indubitata, cum spes aliqua salutis ex illorum usu mediorum oritur, ac moraliter apparet. Extra vero casum necessitatis, & multo magis si materia certa haberi potest, qui utitur materia dubia, peccat mortaliter, ut constat ex D. Augusti. qui l. 1. *de Baptismo* cap. 3. Graviter (inquit) peccat in rebus ad salutem animę pertinentibus, vel eo solo, quod certis, incerta proponeret. Et hoc ratio ipsa manifestissime demonstrat, videlicet, quia talis dubia materia, dubiam reddit veritatem Sacramenti, quod fieri nequit, dum necessitas non urgeat, & eo magis si certa suppetat, sine gravi eiusdem Sacramenti iniuria. Advertant igitur Pœnitentię Ministri quot criminibus se implicant, qui ad solam pœnitent-

iam confessionem attendunt, eosque promiscue absolvunt, nulla habita ratione doloris, seu contritionis saltem imperfectæ id est attritionis, quam non solum dubiam, sed potius nullam deprehenderent, adhibita diligentia, quam Sacramentorum Ministri adhibere tenentur.

Hinc sequitur, quod extra proximi necessitatem, teneantur Sacri Ministri sub mortali in iis, quæ pertinent ad efficaciam, & valorem Sacramentorum sequi in praxi sententiam tutiorem, relicta opposita, tametsi probabiliori. Nam alioquin exponeretur sine ulla necessitate Sacramentum nullitati, cum valor & efficacia Sacramenti pendeat a sola Christi Domini institutione, & nullatenus ab hominum opinione quantumvis probabilis, quæ immutari nequit, & supplere id quod Christus Dominus voluit esse necessarium ad valorem, & effectum Sacramenti. Neculationis ignorantia etiam invincibilis, licet exaret a culpa, supplere potest defectum rei, quæ ad valorem Sacramenti requiritur. Igitur si opinio etsi probabilis falsa sit, ut esse potest, & nisi re ipsa ponantur, ac adsint omnia, quæ Christus instituit, ac exigat, Sacramentum erit invalidum, & sine effectu.

Quare qui utitur materia, vel forma etiam probabiliori, relicta tutiori, dum necessitas non urgeat, vel securam habere possit, graviter peccat tum contra Religionem, Sacramentum absque necessitate periculo nullitatis, & inefficacię exponendo, quod est gravis iniuria, & Sacramento, & Christo ipsius Sacramenti authore, actionem eius nomine exercendo, eo modo, quo probabile est, non haberi Sacramentum, nec proinde effectum Sacramentalem; tum contra charitatem, quia sine iusta causa proximum exponit periculo iacturę maximi spiritualis boni, quod in valido Sacramento percipitur; tum contra iustitiam si Minister sit Pastor, eo quod proximus ius habeat, ut Sacramentum modo quantum fieri potest certo, & infallibili ei ministraretur, quando ad illud suscipiendum accedit; & ad hoc tacite se obligat minister, dum ad ministrandum accedit. Hinc damnata fuit ab Innocentio XI. propositio, quæ n. est 1. *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi advetet lex, conventio, vel periculum gravis damni incurrendi.* Hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.

Et ob easdem rationes tenetur etiam sus-

sciens sequi in praxi sententiam tutiorem, probabili relicta opposita in iis, quæ requiruntur ex parte ipsius ad valorem Sacramenti; quia videlicet exponeret Sacramentum periculo nullitatis, & inefficiæ, quod grave est sacrilegium.

Urgente tamen gravi proximi necessitate non minus ac, cum materia dubia, ( certa deficiente ) cum materia, ac dispositione etiam probabili tantum, Sacramentum administrare potest Minister, imo & debet. Quia lex Charitatis præcipit, ut proximo in extrema necessitate, meliori quo possumus modo subveniamus, idest etiam probabili, quando per tutiorem hoc præstare non valemus. Nec tunc ulla irrogatur iniuria Sacramento, aut ipsius auctori; quia cum Christus Dominus instituerit Sacramenta pro hominum salute, vult ut in concursu periculi utriusque, magis consulamus salutem proximi, quam reverentiæ Sacramenti, ac proinde etiam cum periculo nullitatis Sacramenti probabilem tantum, sed tutiorem tamen, quando ad manus haberi potest, adhibendo. Et equidem charitatis lex, religioni prævalet.

Hoc profecto locum habet in Sacramentis tantum, quæ sunt necessaria necessitate medii, ut sunt Baptismus, & Pœnitentia; quia non licet ullum Sacramentum exponere periculo nullitatis, nisi addit in homine periculum æternæ salutis. Idcirco numquam licet uti materia dubia in Sacramentis Eucharistiæ, Ordinis &c. Hactenus P. Antoine.

### §. XIX.

#### *De repetitione formæ supra eandem materiam.*

Non licet supra eandem materiam formam repetere, nisi prudens, ac rationabile exurgat dubium de validitate formæ iam prolatae, vel de eius prolatione; quia cæteroque frustra adhiberetur altera formæ prolatio, & non sine gravi irreverentia Sacramenti. Et si extet huiusmodi dubium, forma iteranda est sub conditione, ne irritum maneat Sacramentum cum illius irreverentia, & proximi damno. Dixi *dubium prudens, & rationabile*; quia dubium imprudens, quale solet esse in scrupulosis non sufficit, sed contemnendum est. Nam ex se mortale est prolationem formæ Sacramenti, sine necessitate, super eandem materiam innovare, cum hæc secunda formæ prolatio inutilis sit, nec sine virtuali, & inter-

pretativa irrisione ita frustranee proferri potest.

### §. XX.

#### *De causa efficiente Sacramentum.*

Nota. Triplex solet assignari a Theologis potestas Sacramenta instituendi. Primam dicunt potestatem auctoritatis, seu potestatem principalem, & independentem, nullique communicabilem creaturæ; cum Creatura sit essentialiter dependens, ita ut non competat Christo Domino nisi ratione divinitatis; unde hæc propria est Dei, & importat virtutem conferendi sensibilibus signis vim effectivam producendi gratiam. Secundam appellant potestatem excellentiæ, quæ quidem instrumentalis est, sed instrumenti cum divinitate coniuncti, & est propria Christi ut hominis propter unionem hypostaticam humanitatis cum Verbo. Tertiam vocant pure ministerialem sive delegatam Ecclesiæ Ministris, quæ non extenditur nisi ad ministranda Sacramenta iam divinitus instituta, ut illa parent, efficiant ac dispensent. Quocirca triplex est causa efficiens Sacramentorum novæ legis; prima & quidem principalis est solus Deus, ut iam antea dictum est in definitione Sacramentorum in genere; secunda est Christus Dominus ut homo est. Tertia est Minister Christi in Sacramentis administrandis.

Potestas porro excellentiæ quatuor complectitur dotes. 1. quod Sacramenta operentur per meritum illius, cui competit talis excellentia. 2. quod illius nominis invocatione Sacramenta celebrentur. 3. quod ipse habeat auctoritatem Sacramenta instituendi, & de facto instituerit. 4. quod Sacramentorum effectum solo voluntatis nutu, & independentem a quocumque externo ritu conferre possit.

Quantum attinet ad potestatem auctoritatis, pro certo tenendum, non posse ulli creaturæ communicari: sola enim suprema causa potest talem virtutem tribuere elementis, ut tangat corpus, & animam sanctificet; quia cum gratia sanctificans animam, sit divinæ participationis naturæ, arrha Spiritus Sancti, & celestis hæreditatis pignus, nonnisi summus Deus extollere nos potest ad consortium divinitatis, nobisque Spiritum Sanctum, & gloriæ, quæ pendet a Dei beneplacito, & promissione, pignus arrhamque tribuere.

Circa potestatem vero excellentiæ non potest certe communicari quoad omnes effectus puræ Creaturæ; cum nulla pura crea-

tura mereri possit de condigno alteri creaturæ peccatorum remissionem, nec pro ea plene satisfacere, eo quia ad hoc requiratur meritum infinitum, cuius capax non est pura Creatura; & competit Salvatori Christo Domino ob prærogativam unionis hypostaticæ ipsius humanitatis cum Divinitate: ex quo factum fuit, ut meritum ipsius redderetur infinitum, ac proinde capax, ut omnia gratiarum præstantissima dona omnibus Adæ posteris de condigno promereretur.

Non repugnat tamen communicari puræ creaturæ potestatem excellentiæ quoad reliquos effectus, ut cum D. August. tract. 5. in Ioannem, S. Thoma q. 64. art. 4. tenent fere omnes Scholastici; ait enim D. August. loco cit. *Possit Dominus noster Iesus Christus, si vellet, dare potestatem alicui servo suo, ut daret Baptismum, tamquam vice sua, & transferret a se baptizandi potestatem, & tantam vim daret baptismo translatum in servo, quantam vim haberet Baptismus collatus a Domino &c.* Neque enim in hac Potestate aliquid apparet, quod contradictionem importet, vel veram creaturarum superet conditionem; quia si creatura ex accepta Sacramenta institueret, ipsa tamen creatura gratiam non efficere; sed Deo largiente illam sensibili signo alligaret, quod satis esse videtur ad Sacramenti institutionem. Possit etiam Creatura sine visibili Sacramentorum medio gratiam cæteris impartiri, non quidem tamquam causa principalis, sed tamquam instrumentum a suprema dependens.

Circa vero Sacramentorum novæ legis institutorem nemo umquam Theologorum ambigere ausus est, Christum Dominum fuisse horum omnium auctorem, cum hoc de fide catholica teneat, ac doceat Ecclesia. Sola difficultas fuit olim, idest ante Tridentinum, ut notat Bellarminus l. 1. *de Sacram. in genere* cap. 23. inter Scholasticos, num Sacramenta omnia immediate, vel mediate, idest mediante Ecclesia instituerit Christus Dominus; & non perpauci fuerunt insignis notæ, qui volebant aliqua mediate solummodo instituisse, inter quos fuerunt huius sententiæ Hugo Viç. l. 2. *de Sacramen.* pag. 25. cap. 2. Magister Sentent. l. 4. dist. 23. Alensis, S. Bonaventura in 4. dist. 7. art. 1. q. 1. Nam, hi dicunt, Sacramentum Confirmationis institutum fuisse in Concil. Meldensi post mortem Apostolorum. Pariter Alensis q. 14. art. 3. S. Bonaventura dist. 17. art. 1. q. 3. ac Marfilus in 4. q. 14. videntur asseruisse, Sacramentum Pœnitentiæ

non a Christo Domino, sed ab Apostolis institutum fuisse. Verum licet res ita sit de eorum sententia quoad Sacramenta Confirmationis & Extremæ Unctionis, quoad Pœnitentiam tamen verissime dici nequit hanc fuisse eorundem sententiam, cum Alensis aperte doceat q. 14. art. 3. Pœnitentiam institutam fuisse a Christo Domino, tam quoad materiale, nempe quoad illud quod se tenet ex parte pœnitentis, quam quoad formale, idest quoad illud quod est absolutio, & potestas clavium. S. autem Bonaventura ait, *formale confessionis idest potestatem absolvendi per se institutam fuisse a Christo Domino: materiale vero idest accusationem peccati a Christo fuisse tantummodo infusam.* Parum tamen hoc refert. Etenim neque Confirmatio instituta est a Concil. Meldensi (quod ut incertum habetur apud Gregorium a Valentia, qui tom. 4. pag. 529. scripsit non reperiri) in quo can. 44. 45. 46. agitur de consecratione, & inunctione Chrismatis, non autem de institutione illius Sacramenti, ut habetur Tom. 7. Concil. pag. 1833. & D. Iacobus unctionem infirmorum cap. 5. commendavit, præcepitque, ac iuxta Trident. sess. 14. promulgavit, non autem instituit.

Quidquid tamen sit de opinione Theologorum, qui præcefferunt Concil. Tridentinum, certum est, quod postquam idem Concil. sess. 7. can. 1. definivit omnia Sacramenta novæ legis a Iesu Christo Domino nostro instituta esse, nemo prorsus ex catholicis Doctoribus ausus est oppositum sentire, litterisque mandare. Imo cum ex definitione Concil. Tridentini colligi videatur Christum Dominum immediatum auctorem fuisse omnium Sacramentorum, & ex inde hæc facta sit communissima scholarum sententia, nimis audax esset hoc impugnare. Cum autem hæc immediata omnium Sacramentorum institutio spectare ad fidei decreta non consentiant Scholastici celebriores; hinc affirmant alii, hoc esse de fide tenendum, ut Bellarminus cit. loco; Becanus, Valq. DuHamel, aliive, negantibus aliis, affirmando hoc a Patribus Tridentinis non fuisse definitum, ut Estius in 4. dist. 1. §. 16. Suarez, aliive. Hisce vero positis sit.

De fide credendum est, Christum Dominum, sive immediate per se, sive mediate & per Ecclesiam Sacramenta omnia novæ legis instituisse. Ita enim definivit Concil. Tridentinum sess. 7. can. 1. *Si quis dixerit Sacramenta novæ legis non fuisse omnia a Iesu Christo Domino instituta... anathema sit.*

Ille

Sacra-  
mento-  
rum in-  
stituto-  
rem Chri-  
stum Do-  
minum  
auctorem  
esse  
sacramen-  
torum.



Ille enim instituit sive mediate per Ecclesiam, sive immediate & per se Sacramenta omnia, qui materiam, formamque omnium Sacramentorum, sive speciatim, sive generatim, quod factum fuisse a Christo antea iam diximus, determinavit. Igitur patet, omnia legis novæ Sacramenta, sive immediate, sive mediate Christum Dominum institutorem, auctorumque habuisse.

Non est tamen de fide secundum aliquos Doctores, Christum Dominum immediate, & per se omnia legis novæ Sacramenta instituisse. Etenim non est de fide, Christum Dominum determinasse in specie materiam, & formam omnium Sacramentorum, nec Patres Tridentini inseruerunt cit. canone adverbium *immediate*, ne damnare viderentur sententiam aliquorum Theologorum, qui ante & post ipsum Concilium docuerant, ac docent Christum Dominum reliquisse arbitrio Ecclesiæ determinare materiam, & formam aliquorum Sacramentorum, ac proinde cum hæc in specie determinaverit in Sacramentis Baptismi, & Eucharistiæ, tenent esse de fide, Christum Dominum Baptismi, & Eucharistiæ Sacramenta immediate, ac per se instituisse.

Verum licet Concilium Trident. explicite non definierit Christum Dominum Sacramenta omnia legis novæ immediate instituisse, verosimilius certe & magis consone Scripturæ & Tridentino sentiunt ii, qui volunt nostra Sacramenta omnia immediate a Christo Domino fuisse instituta, tametsi non prorsus aperte ex divinis Scripturis hoc colligatur. Primo quia Apostoli, in apostolicis litteris appellantur dispensatores, non vero auctores Sacramentorum. Di enim Paulus 1. Corinth. 3. v. 5. ait: *Sic nos existimet homo ut ministros Christi, & dispensatores mysteriorum Dei*. Ita & D. Petrus epist. 1. cap. 4. v. 10. Secundo quia ex definitione citata Concilii hoc patet, dum in ea fide erendum proponit sub poena anathematis, Christum Dominum Sacramenta instituisse; unde licet non dicat *immediate*, hoc facile ex tali definitione deducitur. Nam *instituer*, idem est & significat, ac *decernere*, *erudire*, *inchoare* &c. ut notat hic P. Bereti. Statuere enim, & inchoare est prima institutio; promulgare autem, quod factum fuit per Apostolos, atque erudire, institutionem supponit. Tandem Christus Dominus, ut supra ex Scripturis demonstratum est, omnium Sacramentorum materiam in specie determinavit. Unde consequitur omnia nostra Sacramenta immediate instituisse.

se. Et quidem si Deus immediate instituit veteris legis Sacramenta, tametsi essent ege-na atque infirma elementa; multo magis dicendum est, per se instituisse Sacramenta legis novæ, quæ perfectiora sunt, & symbola cælestium donorum efficientia.

## C A P U T II.

*De Ministro Sacramentorum novæ Legis.*

## §. I.

*Quinam sit Minister Sacramentorum novæ Legis.*

**I**mpudentissimus quidem est error Lutheri, qui lib. *de abroganda Missa* ausus est dicere, non solum omnes fideles, at Angelos, imo etiam Dæmones posse legitime administrare Sacramenta; ita ut præcipuos Ministros, ad hoc divinitus designatos excludat ab Ecclesia Dei; dum sectæ etiam superstitiosæ Gentilium pro suis falsis Mysteriis suos habuere Ministros, & Deus in instituenda synagoga per Moysen in lege veteri voluit ut Sacerdotes, & Levitæ, idest præcipui Ministri consecrarentur, qui antecum in tabernaculo, Sacrificia, aliæque sacra ministrarent. Contra quem errorem dicimus cum Estio in 4. dist. 1. §. 21. non ita instituta esse Sacramenta novæ legis, ut vel sine Ministro celebrari queant, vel quodlibet eorum indifferenter, & promiscue a quolibet possit administrari; Sed Ministrum omnino requirunt, eumque certum, iuxta divinam ordinationem ad hoc designatum, ac consecratum: & si hoc desit, vel irrita est, & nulla, vel non legitime sit actio Sacramentalis. Ita definire PP. Concil. Florentini sess. 7. cap. 10. *Si quis dixerit (ita habetur in cit. cap.) christianos omnes in verbo, & omnibus Sacramentis administrandis habere potestatem, anathema sit*. Nec solum damnatur hoc canone quod dicebat Lutherus, omnes Christianos esse æqualiter Sacerdotes, sed quod etiam addebat, non licere tamen cuicumque Christiano eadem uti potestate, nisi accedat consensus communis, aut vocatio maiorum, ut habetur in eius libro *Captivitas Babilonica*, cum ipsius sententia duos includat errores; falsum enim est, quemlibet Christianum pollere sacerdotali potestate verbi, & administrandi Sacramenta, cum talis potestas non sit communis omnibus christianis, sed iis tantum competat, qui eam Ecclesiastica ordinatione acceperunt; ac ea uti debeant non ad præscri-

ptum communitatis, sed ex mandato & voluntate Praefectorum Ecclesiae. Contra quem sit.

Solus ho.  
mo via-  
tor mini-  
ster Sa-  
cramen-  
torum.

Solus homo viator iuxta catholicam Ecclesiae doctrinam est ordinarius Sacramentorum Minister. Nam videmus ex Scripturis, solis hominibus Christum Dominum potestatem contulisse ministrandi Sacramenta, Matthaei 28. *Docete omnes gentes, baptizantes eos in nomine Patris &c.* Lucæ 22. *Hoc facite in meam commemorationem.* Ioann. 20. *Quorum remisistis peccata &c.* & Apostolus ad Hebræos 5. *Omnis Pontifex, ait, assumptus est ex hominibus.* Et ex Traditione constat hoc dictum 1. fuisse hominibus ad exclusionem Angelorum; nec animabus a corpore solutis hoc dictum invenimus, ut clare habetur in D. Chrifostomo l. 3. de Sacerdot. *Neque enim ad illos (idest, ut habet ante, Angelos) dictum est, quaecumque ligaveritis &c.* & hoc ex ipsa etiam evincitur ratione. Cum enim Ecclesia visibilis sit, & signis etiam sensibilibus ad populi Christiani unionem fovendam Christus Dominus alligaverit virtutem sanctificandi, congruum erat, ut etiam Sacramentorum ministerium hominibus in corpore viventibus committeretur. Insuper Sacramenta constant etiam verbis humano modo prolatis, quæ ita ab Angelo, & anima e corpore seiuncta efformari nequeunt. Et revera status viatoris continetur in conditionibus, quas SS. PP. in ministro Sacramentorum requirunt. Imo Apostolus ipse Hebr. 5. hoc exigit, dum ait de huiusmodi Ministro; *Ex hominibus assumptus est... ut condolere possit iis, qui ignorant, & errant &c.*

Possunt tamen Angeli, & Beati in Cælo regnantes Sacramenta extraordinaria potestate conficere. Ita enim docet D. August. l. 2. contra Epist. Parm. cap. 15. n. 34. Et certe Deus non ita gratiam suam signis sensibilibus alligavit, ut nequeat alia ratione illam impertiri. Igitur, ait loc. cit. S. Thomas, *non ita alligavit Sacramentale ministerium hominibus viatoribus, ut illud committere non possit Angelis, ac animabus Beatorum.* Varia autem de hoc extant verissima exempla, quod Angeli non solum ministrarint, imo etiam confecerint Sacramenta. Nam Sacra Synaxi, seu communionem Dominici Corporis refecerunt præter alios complures D. Agnetem Politianam, Marcum Eremitam, Bonaventuram insignem Ecclesiae Doctorem &c.

Non quilibet tamen homo Christianus est Sacramentorum Minister, excepto Baptismo

in casu necessitatis, in quo etiam Mulieres hoc ministrare possunt; sed ii solummodo, qui ecclesiastica ordinatione potestatem receperunt, idest Sacerdotali Ordini sunt initiati. Et patet ex eo quod in Ecclesia admitti debeat presbyterorum ministerium, & Sacramentum Ordinis, cum doceat Apostolus ad Ephesios 4. constitutos esse in Ecclesia Pastores, & Doctores a plebe diversos; in opus ministerii, in ædificationem Corporis Christi; & ad Hebræos 4. eum honorem vultu bi tantum vindicare posse, qui vocatur a Deo tamquam Aaron; & lect. 20. v. 28. ait idem Apostolus quod Spiritus Sanctus posuit Episcopos regere Ecclesiam Dei. Insuper non omnibus fidelibus, sed solis Apostolis dictum est Ioann. 20. *Quorum remisistis peccata &c.* & Matth. 18. *Quaecumque solveritis &c.*

Hoc quoque perpetua docet Traditio. In Concil. Nicæno I. Generali declarata fuit nulla, & irrita ordinatio Schizmat, quia Coluthus, qui manus ei imposuerat, non erat Episcopus. Presbyter non potest ordinare ex S. Hieronimo, & ex Concil. Meldensi. Ex quo sequitur non quemlibet etiam Sacerdotem esse cuiuslibet Sacramenti Ministrum; Nam, uti suo loco videbitur, quædam tantum ab Episcopo ministrari possunt, ut Confirmatio, & Ordo; quædam vero ab omnibus Sacerdotibus, ut Eucharistia, Absolutio, Extrema Unctio, Baptismus.

Nota 1. quod cum nomen homo sit promiscuum tum viro, tum mulieri, dum dicitur solus homo viator esse Sacramentorum ministerium, intelligitur de solis viris, non de homine masculini generis, & neutiquam de mulieribus. Constat enim ex perpetua traditione, & praxi Ecclesiae, mulieres omnino excludi a Sacra Ordinatione, & Ecclesiae ministerio.

Nota 2. quod etsi solus Deus tamquam principale agens operetur internum Sacramenti effectum, minister tamen suo modo, idest ministerialiter per modum instrumenti ad eundem effectum concurret, applicando videlicet formam materiam, & actionem Sacramentalem circa suscipientem exercendo. Neque enim agit minister tamquam merum instrumentum, cuiusmodi sunt instrumenta inanimata, quæ tantum moventur ab alio, sed ut instrumentum vivens, & animatum anima rationali, quod videlicet movere etiam se ipsum possit ex iudicio rationis ad opus, cuius efficiendi ministerium gerit: Unde effectus Sacramentorum recte ministro tribuitur. Dicitur enim remittere peccata Ioann.

Ioann. 20. gratiam per manuum impositionem conferre 1. ad Timoth. 4. Idcirco si revera ille est causa efficiens alicuius effectus, per cuius actionem effectus ille producit, profecto minister proprie est causa saltem instrumentalis Sacramentorum, cum per actionem Ministri, puta absolutionem, unctionem, gratia per se immediate producat.

Excipiendum est tamen Sacramentum Eucharistiæ, quod non consistit in usu, sicuti cætera Sacramenta, ideoque gratia in eo producit remote tantum per consecrationem, quæ est actio ministri; proxime vero per corpus Christi sub speciebus panis.

Dices: 1. Petri 2. dicitur omnibus Christianis; *Vos autem genus electum, regale Sacerdotium*. Igitur omnes Christiani sunt Sacerdotes. Respondeo, christianos omnes esse sacerdotes improprie, quomodo & Reges ad offerendas spirituales hostias, idest bona opera; quo sensu dicitur Psal. 50. *Sacrificium Deo spiritus contribulatus*: & laudes Dei vocantur Olee 4. *vituli labiorum*. S. enim Petrus desumpsit hæc verba ex cap. 19. Exodi, ubi diriguntur ad omnes filios Israel, qui certe non fuerunt omnes Sacerdotes proprie dicti, cum hic honor delatus esset solis filiis Aaron. Dicuntur quidem etiam christiani omnes Sacerdotes, quoniam sunt membra unius Sacerdotis, nempe Christi, ut ait S. Aug. l. 20. *de Civit. Dei* cap. 20. *Si omnes christianos dicimus, propter mysticum chrisma, sic omnes Sacerdotes*.

Ut autem minister Sacramentum legitime perficiat tria requiruntur, videlicet intentio, fides, & probitas.

## §. II.

### De intentione Ministri.

Nomine intentionis non aliud hic intelligitur, nisi voluntatis propositum, ac deliberatio, qua rem aliquam peragere intendimus, & volumus. Dixi *deliberata*, cum voluntas non exeat in actum, nisi prævia cognitione, & rationis iudicio, iuxta assatum, *ignoti nulla cupiditas*, seu ut aliud item communissimum, ac solemne Theologorum, *nil volitum, quin præcognitum*: Idcirco nulla intentio datur in dormiente, in amente &c. Item homicidium est præter intentionem, dum quis putans feram occidere, hominem interficit; neque mater intentionem haberet baptizandi, si sordes corporales infantis ablundo videret, Fili tivo te in nomine Patris &c. quia non cogitaret, nec cogitasset de

Sacramentali baptismo faciendo. Et hoc dicendum pariter de seniore Sacerdote, qui dum instruit iuniorem circa ritum Sacrificii Missæ celebrandi, accipit panem, ac verba profert consecrationis; quia cum totus sit ad mere repræsentandum quod fit ab Ecclesia in Sacrificio peragendum, non vero ad faciendum, quod per hos ritus Ecclesia facit, nec veniat in eius mentem Sacrificium offerre, hic procul dubio non consecraret. Hæc tamen deliberatio licet utpote ex animo proficiens semper interior sit, eam tamen ob externam actionem qua se prodit, *externam* aliquando appellamus.

Quoad intentionem Ministri in Sacramenti conficiendis hanc requiri tenent omnes catholici de fide contra Lutherum, qui negavit, intentionem Ministri requiri ad Sacramentum perficiendum. Id enim definit Concil. Tridentinum can. 11. sess. 7. hisce verbis; *Si quis dixerit in Ministris dum Sacramenta conficiunt, & conferunt non requiri intentionem saltem faciendi quod facit Ecclesia; anathema sit*. Et in hoc iam præverat Martinus V. in postrema Concil. Constantiensis sess. anno 1418. & Eugenius IV. in Decreto Armenis anno 1439. ubi *Sacramenta*, inquit, *tribus perficiuntur, materia, forma, & persona Ministri cum intentione faciendi, quod facit Ecclesia*. Et hanc doctrinam comprobant divinarum Scripturarum testimonia, ut habetur in Corinthior. cap. 4. *Sic nos existimet homo, ut ministros Christi, & dispensatores mysteriorum Dei*; & Ioann. 20. *Quorum remisistis peccata remittuntur eis, & quorum retinueritis &c.* Ex his igitur constat, Apostolos missos fuisse non tamquam meros nuntios, qui simpliciter referant ob signatum mittentis mandatum, sed tamquam dispensatores, & procuratores, qui prudenter & fideliter gerere debeant negotia Domini sui, ac proinde cum intentione proprie dicta. Et sic allatos textus intellexerunt, & explicarunt SS. PP.

Et equidem Christus Dominus instituit Sacramenta, ut humana actione, ac ideo humano modo perficerentur; hinc solos homines Sacramentorum Ministros constituit. Quare cum humana actio non fiat nisi voluntarie, & cum rationis advertentia, evidentissime sequitur, quod ad Sacramenta conficienda, & administranda, necessario concurrere debet intentio, seu voluntas Ministri, sicuti requiritur in hisce omnibus, quæ consistunt in actione humana, quæ perfici nequeunt sine voluntate, & intentione agentis.

Pot.

Porro hic observandum circa intentionem quæ requiritur in ministro Sacramentorum ad hæc peragenda, aliam requiri, ut Sacramentalis actio valeat, aliam, ut huiusmodi actio licite fiat.

Divisio  
actio-  
nis.

Hæc autem intentio generatim dividitur 1. in explicitam, seu expressam, qua aliquid in se distincte cognitum volumus: & in implicitam, seu confusam, qua aliquid solum confuse cognitum volumus, volendo scilicet aliquid sub quo, vel in quo continetur. 2. in directam, qua quis deliberat vult administrare Sacramentum, seu facere quod facit Ecclesia, adeo ut administratio sit obiectum immediatum actionis; & reflexam, qua quis reflectens supra administrationem iam directe intentam, novo, & distinctiori modo vult eandem administrationem, ut est Sacramentum, vel ritus ab Ecclesia frequentatus.

Intentio directa alia est operis, alia finis. Intentio operis ea est, qua quis vult simpliciter administrationem, seu caeremoniam ab Ecclesia frequentatam, nec cogitat de eius virtute, aut effectu, qui est sanctificatio suscipientis, imo forte illam inutilem existimat, & superstitiosam. Intentio finis est ea, qua quis intendit sanctificationem suscipientis Sacramentum.

Intentio vero operis, alia dicitur interior, seu mentalis; alia exterior. Exterior est ipsa actio deliberate facta iuxta ritum ab Ecclesia præscriptum. Interior est voluntas serio faciendi actionem exteriorem, & observandi ritum Ecclesiæ. Potest enim fieri, ut quis exterius videatur serio facere, quod facit Ecclesia, cum tamen intus in corde intendat dumtaxat mimice, & illusorie illud representare, & quod peius est baptizare in nomine Dæmonis, vel Idoli, licet exterius dicat, *Ego te baptizo in nomine Patris &c.*

Intentio interior sextuplex assignari solet; nempe actualis, virtualis, habitualis, interpretativa, absoluta, & conditionata. *Actualis* intentio ea est, qua quis actu vult conficere Sacramentum, puta baptizare, absolvere. *Virtualis* est actio, quæ sit virtute præcedentis actualis intentionis, quæ tamen transierit, censetur tamen adhuc moraliter permanere, quatenus agens, seu minister operatur. v. g. si Sacerdos actuali intentione consecrandi accedit ad Altare, & paulo post distrahitur, seu ex humana infirmitate, vel etiam ex quadam negligentia, intentio illa evanescit, prosequitur tamen Sacrificium, caeremonias perficit, ver-

*Instit. Theol. Moral. Tom. IV.*

ba consecrationis virtute actualis præcedentis intentionis profert; tunc actiones omnes ex actuali intentione præcedentes, dicuntur intentio virtualis. Intentio *habitualis* est propensio, seu inclinatio voluntatis, acquisita per actus sæpe repetitos, puta per frequentem Sacramentorum administrationem. Ex hæc intentio potest remanere in dormiente, amente, & ebrio. Intentio *interpretativa* est dispositio voluntatis, quæ talis est, ut interpretemus aliquem consensurum, aut facturum, si res proposita in eius mentem veniret, vel de ea moneretur. Sic dicitur, quod fidelis adustus, qui ex vi morbi, rationis usum amisit, habet intentionem interpretativam recipiendi Sacramentum Extremæ Unctionis, licet de eo nunquam cogitaverit, quia ex eius antea vita colligimus, eum tantum beneficium expetitum, si rationis usu non careret. Intentio *absoluta* est voluntas absoluta, qua simpliciter, & sine modificatione minister conficere vult Sacramentum. Intentio vero *conditionata* ea est, qua minister vult Sacramentum perficere sub conditione tantum; unde ait v. g. *Si non es baptizatus, ego te baptizo; Si es vere dolens, ego te absolvo.*

Verum cum obiectum, seu terminus intentionis illud ipsum sit, quod minister intendit, seu respicit, dum Sacramenta conficit, & ministrat, & ex doctrina Concilii Tridentini illud idem quod facit Ecclesia, seu opus, & actio Ecclesiæ; hinc sicuti intentio respectu sui ipsius in plura dividitur genera & species, ita in eadem actione, seu opere in quod tendit intentio, hæc distingui, seu spectari possunt, nempe 1. ritus exterior solus, ac pure materialis, nulla prorsus facta consideratione quod sit ritus Ecclesiæ, nec ulla præsupposita intentione, seu voluntate faciendi quod facit Ecclesia. 2. ritus ille, prout est ritus Ecclesiæ, quæcunque tandem Ecclesia concipiatur, & cum directa voluntate sive explicita, sive implicita, & confusa generatim faciendi, quod facit Ecclesia, abstracto ab eo quod sit verum Sacramentum, vel non, idest nulla facta attentione, seu consideratione, an talis ritus sit, vel non; verum Sacramentum. 3. ritus spectari potest ut est formaliter Sacramentalis, seu ut est verum sacramentum. 4. tandem respici potest ritus prout est causa efficax, seu productiva gratiæ sanctificantis, & ordinatur voluti ad finem ad æternam felicitatem consequendam.

Et circa hæc variaz fingi possunt hypoteses in ordine ad Ministrum utentem externo

Varia  
hypotes.  
ses circa  
Ec-

C

minis-  
trum a  
tentem  
externo  
ritu Ec-  
clesiæ.

Ecclesiæ ritu v. g. ablutione in baptismo &c. quarum 1. est si minister ritum hunc faceret non serio, sed per iocum, & irri-  
sionem externam manifestam, ut solent Mimi, & Hystriones, itaut solummodo fingere vellet, & reprehensare ritum; & in hoc casu cum aperta sit exterius, & manifestata ipsius irrisio, & iocus, ut iamcom-  
pertum, & in confesso est apud omnes, Sacramentum nec ratum esset, nec validum. 2. si de ritu Ecclesiæ nihil prorsus cogitans, constitutus v. g. in balneo, aquam supra puerum effunderet, cum verbis consuetis, ad sordes tantummodo corporis eluendas; & tunc pariter cum nullatenus intendat mini-  
ster facere ritum Ecclesiæ formaliter, ut est ritus Ecclesiæ, sed mere materialiter, & ad finem valde diversum ab eo quem sibi Ec-  
clesia proponit, nec in hoc casu quoque va-  
let Sacramentum. 3. si minister serio exte-  
rius, ac in debitis circumstantiis materia-  
lem, & externum Christi, & Ecclesiæ ri-  
tum debite impleveret, ac observaret, intus  
vero, & animo intentionem suam suspen-  
deret, ac cohiberet, aut etiam contrarium  
gereret, ac diceret intra se: Nolo ritum  
Ecclesiæ perficere, imo contrarium inten-  
do, & volo tantum, ritum illum exterius  
quamquam apparenter serio, fingere, simu-  
lare, ac representare.

Quid no-  
mine in-  
tentionis  
interne  
& exter-  
ne.

Quid autem sibi velit, & importet hæc  
distinctio intentionis internæ & externæ,  
iam supra explicatum fuit in divisione in-  
tentionis internæ, & externæ operis, nempe  
(cæteris ommissis explanationibus, quæ ab  
aliis traduntur) nomine intentionis externæ  
eam intelligi, per quam Minister exterius,  
& quidem serio, ac in debitis circumstan-  
tiis, externum Ecclesiæ opus perficit, tam-  
en intus, & animo statuat, vel ex ma-  
litia, vel ex ignorantia illud non perficere,  
sed tantum fingere, & simulare. Interna  
vero ea dicitur, per quam Minister non tan-  
tum exterius serio agit, sed etiam intus  
in animo vult simpliciter, ac generatim fa-  
cere, quod facit Ecclesia, quidquid tandem  
talis minister sentiat de Sacramento, vel  
de eius effectu, & fine, ac de Ecclesia ipsa;  
sive enim ea omnia reiiciat, sive admittat,  
perinde est ad substantiam Sacramenti, mo-  
do velit serio, intus, & apud se facere quod  
facit Ecclesia: Nam error privatus nocere  
nequit generali Ecclesiæ intentioni, nec con-  
sequenter obstat veritati Sacramenti. Hinc  
talis intentio dici solet intentio generalis &  
publica Ecclesiæ, seu ministerii, quam Mi-  
nister supponitur habere, quoties serio, &

ut ministrum Ecclesiæ decet, in debitis cir-  
cumstantiis ritum sacrum facit, ac obser-  
vat, quem Christus instituit, & adhibet Ec-  
clesia. Tournel.

Duplex autem circa ministri intentionem  
in Sacramentis perficiendis versatur difficul-  
tas. Una inter Orthodoxos, & Echerodo-  
xos; & hæc quoad intentionem in se; al-  
tera inter ipsos Orthodoxos DD. & hæc  
quoad qualitatem intentionis, cum cætero-  
quin circa illius necessitatem in se, utpote  
de fide, ii omnes conveniant.

Novatores præcipue Lutherus, & Kemni-  
tius cum iam supponant, iustificationem conse-  
qui per solam fidem in divinis promissis,  
contendunt, nullatenus necessariam esse in  
conficiendis Sacramentis ministri intentio-  
nem, nec internam, nec externam, ita ut  
vel desit, vel adsit etiam illusoria, vera  
nihilominus Sacramenta confici, ut habet  
Lutherus in l. de Captivitat. Babilonica; Non  
dubitem, inquit, si quis in nomine Domini  
suscipiat, etiam si impius minister non det in  
nomine Domini, vere baptizatum esse in no-  
mine Domini; non enim in conferentis tan-  
tum, quantum in suscipientis fide, vel usu,  
sita est virtus baptismi, sicut legitur exem-  
plum de quodam mimo per iocum baptizato.  
Similia habet Kemnitius part. 2. in examine  
ad can. 11. sess. 7. Concil. Tridentini, li-  
cet specie tenus adhærere videatur Conci-  
lio. Hisce cohæret Marcus Antonius de Do-  
minis l. 5. de Repub. Ecclesiastic. cap. 12.  
ubi ait; Hæc enim (idest Ecclesiæ intentio  
publica) actionem dirigit, non præsens (id-  
est privata) intentio Ministri. Et similia ha-  
bet n. 13.

Inter DD. vero catholicos, qui omnes ut  
dicebam, iam fatentur ut dogma catholi-  
cum necessitatem intentionis in Ministro ad  
Sacramenta perficienda, vertitur contro-  
versia quoad qualitatem intentionis ad Sa-  
cramenti validitatem; videlicet, num ad  
veritatem Sacramenti sufficiat exterior in-  
tentio iam explicata, seu num validum sit  
Sacramentum, si omnia, quæ ad ipsum spe-  
ctant rite, ac serio exterius observentur,  
licet minister interius aliud sentiret, idest  
sacrum ritum non peragere, nisi fiste, & il-  
lusorie.

Duo ex insignioribus Theologis, qui in-  
terfuerunt Concil. Tridentino, Salmeron  
nempe, & Ambrosius Catharinus ex celebra-  
rissimis Ordinibus alter Societatis Iesus, alter  
Prædicatorum, (quorum primum miserat  
Paulus III. ad idem Concilium, ut in eo,  
nomine ipsius, Theologum ageret; alter ve-

Seneca  
tia Au-  
brofii  
Cathari-  
circa ci-  
ternam  
ministri  
Sakra-  
mento-  
rum in-  
tentio-  
nem.

so sedit cum aliis PP. in Concil. ut Episcopus Minoritanus) dum eidem Concilio interessent, post editam can. 11. sess. 7. de necessitate intentionis in Ministro, anno scilicet 1547. censerunt, ac asseruerunt, sicuti alii ex insignioribus Theologis, qui ante idem Concilium floruerunt, ut Magister Sententiarum in 4. dist. 27. litt. C. Petrus a Palude, dictus Paladanus ex Ordine Prædicatorum, Angelus de Clavasio, Sylvest. aliive, sufficere ad valorem Sacramenti intentionem exteriori, eamque ipsam esse, quam Concil. Tridentinum necessariam declaraverat. Ambrosius Catharinus hanc suam sententiam publicam fecit Romæ in suo Opusculo quod typis mandavit anno 1547. eamque ibi asseruit nemine reclamante; imo Iulius III. ad Campensem Archiepiscopatum eum transfudit, quem sane honorem ei non contulisset, si eum Concil. Tridentini definitionis sensui refragari seu contradicere, non dicam arbitratus, sed solum suspicatus fuisset. Et amplissime favet Catharino testimonium Card. Pallavicini e Societate Iesu, qui l. 12. cap. 10. suæ Historiæ scribit can. 9. sess. 14. non esse expunctam Catharini, aliorumque sententiam, qui opinantur sufficere in ministro voluntatem serio agendi, nec obesse Sacramento, nisi iocum, quem, inquit, *Sacramentum suscipiens cognoscere potest*. Et in hac parte concordat cum Socru qui suam historiam stante adhuc Concilio exaravit. Quare est fere extra omnem controversiam, Concil. Tridentinum ita definisse contra Novatores, intentionem faciendi quod facit Ecclesia, necessariam esse ad veritatem Sacramenti, ut non attigerit questionem, in qua versamur, num intentio debeat esse interior, vel exterior sufficiat, sed liberæ id Scholarum concertationi reliquit. Nec aliud Eugenius IV. præscripsit Armenis in suo Decreto, ut colligitur ex S. Antonino, qui tempore Concilii Florentini, Florentinam regebat Ecclesiam, cum in 3. modo duas proponat S. Patrum opiniones tanquam probabiles circa intentionem Ministri, alteram quod interior sit necessaria, alteram quod exterior sufficiat. Quare ex æconomia Concil. Tridentini, quod dum præscripsit Hæreticorum sententiam excludentem necessitatem cuiusvis intentionis ad valide Sacramenta conficienda, silentio omnino præterierit sententiam Catharini de sufficientia externæ intentionis ad valorem Sacramenti, carere eam sub oculis Patrum ipsius Concilii ediderit, & evulgaverit, nemo æquus non videt, liberam esse ab omni

prorsus suspicione quod erroris seu sententiæ Etherodoxorum adhæreat, ut eam talem censuerunt PP. Concil. Tridentini ex testimonio Cardin. Pallavicini l. 9. cap. 6. Historiæ eiusdem Concilii, ubi ait, *Catharini sententiam Patribus suspectam non fuisse, nec illis fuisse in animo eam proscribendi*; & l. 12. postquam retulit verba Concil. Tridentini sess. 14. cap. 6. addit, *conici posse haud esse expunctam sententiam Catharini, aliorumque Theologorum opinantium, Sacramento, quod ratum sit, sufficere in ministro voluntatem serio agendi, & obesse tantum iocum, quem Sacramentum suscipiens cognoscere possit*.

Nota, hic non agi quomodo in praxi Minister Sacramentorum se gerere debeat, ut hæc sancta mysteria ea pietate, qua par est, non solum valide, sed licite etiam, idest religiose celebrentur, cum ii etiam, qui sequuntur, propugnantque Catharini sententiam, acriter pro debita Sacramentorum reverentia, ac veneratione contendunt, internam cum externa intentione a Ministro associandam esse, exprobrando ut immane facinus, & maxime Deo ipsiusque Sacramentis iniuriosum aliter agere; sed solum tanta agitur concertatio, ut deprehendatur, quid sentiendum de validitate Sacramenti si quando sic daretur, sicuti constat ab exemplis; quod iam fuisse tales improbi Ministri, qui ex odio, vel alio pravo fine, non horuerunt tentare Sacramenti nullitatem, intus in animo simulando, fingendo, licet peragerent sacrum ritum exterius serio, idest in omnibus suis circumstantiis; Et in hoc casu in sententiâ gravissimorum Theologorum, qui multo ante ita docuerant, dicendum cum Salmeronio, ac Catharino, talem actionem recipiendam esse pro vero, seu valido Sacramento, dummodo tamen ille minister intentionem haberit faciendi opus quod facit Ecclesia, ut huiusmodi actio censenda sit humana, dummodo prava eius intentio, aut simulatio ex modo serio exterius operandi cognosci nequiverit, nec a suscipiente, nec a quovis alio, qui eiusdem ministerio adfuerit.

Hanc sententiam, utpote gravibus inimicæ momentis, quamplurimi amplexi sunt celeberrimi, doctissimi que Theologi, & maxime Parisiensis facultatis Doctores, ac publici apud Sorbonam Professores; & nunc præcipue eff. valde frequens; & sicuti (cum aliena sit a periculo iterandi Sacramenta, quæ characterem imprimunt) Contensio, & meo videri optime quidem, non solum

men meliori S. Sedis iudicio, apparet; hinc fit:

Ad valorem Sacramenti ea in Ministro sufficit intentio, qua serio, & attente, vult, & intendit facere, quod facit Ecclesia, idest vult peragere ritum illum, qui in Ecclesia religiosus habetur, tamen si ritum illum interius impietate irrideat, vel infidelitate detestetur, ac proinde eundem solum fide, & simulate facere intendat, dummodo talis interna irrisio, & simulatio exterius non deprehendatur a suscipiente, vel ab alio qui huic actioni præsens adsit.

Nota, Ministrum in Sacramentis conficiendis & ministrandis non gerere privatam vicem suæ ipsius particularis personæ, sed publicam Christi, & Ecclesiæ, quorum Sacramenta sunt publica symbola, quibus homines coadunantur, ac colligantur in unum Religionis corpus, ac Deo consecrantur; Unde constat, Ministrum agere non suo nomine, sed nomine, & auctoritate Christi, & Ecclesiæ, ac proinde huiusmodi actiones Sacramentales non pendent a sola privata ipsius Ministri intentione, quæ ceteroquin ad talia opera exigitur; sed etiam & principaliter a publica intentione Ecclesiæ, quæ vult, ut tales ritus, si humana serietate in debitis circumstantiis peragantur, sint vera Sacramenta, prædita ea sanctitate, ac virtute productiva gratiæ, quam in eorum institutione Christus Dominus eisdem contulit. Quare tamen si ad substantiam operationis Sacramentalis concurrere debeat etiam intentio Ministri, tamquam causa publica instrumentalis ipsius Sacramentalis actionis, nequit tamen alia opposita sua privata intentione falsa & erronea, quæ extrinsecus ut talis non detegitur, inficere, & corrumpere opus Dei, & Ecclesiæ quod peragit; Ita ut sicuti valida est Scriptura Notarii, qui contractum ad legem, & formam a Principe præscriptam accurate describit, licet intus, & animo nollet eam valere; minister pariter Sacramentum vere conficit, quando serio, & cum omnibus requisitis illud extrinsecus peragit, quamvis Sacramentum perficere nolit.

Istæ enim duæ voluntates, *volo serio facere quod facit Ecclesia, & nolo facere Sacramentum, nisi simulate, & illusorie*, sese mutuo impugnant; & cum illud sit vere, & simpliciter volitum, & volitum ut tale, quando si ponatur, per quasdam circumstantias ad tale esse determinatur; hinc cum unio formæ cum materia Sacramentorum serio, idest humano prudenti modo facta in

datis circumstantiis, iuxta Christi institutionem, ac publicam Ecclesiæ intentionem, sit Sacramentum, quando talem unionem, seu actionem Sacramentalem intendat Minister, serio extrinsecus in suis circumstantiis peragere, velit, nolit, est verum Sacramentum, cum actio primæ intentionis in sua executione fiat simpliciter volita, ac proinde impeditiva alterius oppositæ, quæ remanet mera, & inefficax velleitas: Ita ut Minister in tali casu perinde se habeat, ac ille, qui statueret velle ignem applicare segeti, & nolle segetem comburere. Hisce igitur suppositis, sit.

Minister accedens ad actionem Sacramentalem peragendam cum simplici ac generali intentione, seu voluntate serio facienda, quod facit Ecclesia, & exterius, ut Ecclesiæ minister serio ritum Sacramentalem, seu unionem formæ cum materia, iuxta Christi institutum, & Ecclesiæ morem peragit, valide Sacramentum conficit, tamen si interius ex sua perversitate intendat non se gerere in tali actione tamquam Ecclesiæ Ministrum, nec per eandem actionem Sacramentum conficere, sed hoc fingere tantum, & simulare. Et hæc fuit sententia D. Augustini, qui l. 7. de Baptismo. contra Donatistas cap. 53. asseruit, imo tamquam principium suæ ætate certissimum supponit, valide baptizare in Ecclesia etiam fallaces, idest qui ficta intentione animi serio exterius agentes, eos qui adsunt celebrationi ritus, fallunt, dum tali sua extrinseca serietate agendi eos inducunt ad credendum, etiam interius ipsos se gessisse tamquam Ecclesiæ Ministros; utitur enim eo principio ut solvat casum de qui mimo, initio iocans, postea repente correptus, extra Ecclesiam catholicam serio recepit Sacramentum. Si (ait S. D.) *nihil interest ad integritatem Sacramenti in ipsa catholica Ecclesia, utrum id aliqui fallaciter, an veraciter agant, cum tamen hoc idem utrique agant, cur extra sit non video, quando ille, qui accipit, non simulatione palliatus, sed religione munitus est.* Ecce quomodo S. Augustinus supponit id quod in controversiam trahunt Recentiores, nihil nempe interesse ad integritatem Sacramenti internum agendi animum, modo idem exterius peræque serio prudenter agatur. Nec nomine Ministrorum fallacium intelligit S. August. eos Ministros etiam exterius simulantes, ut in mimo, aut habentes affectum ad peccatum, ut observat P. Iuvenius. Non primum, quia fallaces opponit baptizantibus in mimo; non secundum quia, fallaces opponit

vera-

veracibus, qui etiam extra Ecclesiam reperiantur; veraces autem veritate præparationis, seu non habentes affectum ad peccatum mortale extra Ecclesiam non reperiuntur. Igitur nomine *fallacium* intellexit Ministros, qui serio quidem exterius baptizant, sed interius, & apud se ipsos dicunt se nolle baptizare; ac proinde ex S. August. valet Sacramentum, quamvis Minister positive nolit interius illud conficere, modo se gerat exterius tamquam Ecclesiæ Ministrum, & formam serio cum materia coniungat. Et hanc suam sententiam clare explicat S. D. dum concludit quid agendum, si huiusmodi simulatio Ministri detegatur; nempe quod neutiquam renovandus sit Baptismus simulate, ac fiste collatus: sed Minister, qui ita improbe se gerit, excommunicatione mulctetur, vel poenitentia suum diluat reatum. *Et tamen* (ait S. P.) *si postea prodatur* (idest si occulta fallacia dantis, aut accipientis detegatur) *nemo repetit, sed aut excommunicatione puniatur illa simulatio* (dantis, seu accipientis) *aut poenitendo sanatur.*

Hanc sententiam, nempe valere Sacramentum collatum a Ministro, qui ex una parte vult serio facere actionem Sacramentalem, quam facit Ecclesia, & serio, ac prudenti modo exterius eam peragit, sed ex alia non vult in tali actione, nisi simulate, & fiste facere Sacramentum, videntur comprobasse etiam antiqui PP. Nam quotiescumque ortum fuit dubium, an baptisma, vel aliud aliquod Sacramentum valeret, imperarunt, ut vel absolute, vel sub conditione iteraretur; nunquam tamen leguntur idem statuisse de baptismo dato a Ministro, qui suam interius retinuit intentionem. Et enim pro valore Sacramenti solum mandarunt Patres, ut diligenter inquireretur, num baptisma collatum fuisset per distinctam trium Personarum invocationem; utrum materia subiecto, ut par est, fuisset applicata; an recipientes Sacramenta exterius contradixissent; utrum Minister exterius mimice ritum sacrum peragisset: an vero Minister suam intentionem interius retinuisset, nec ne, idest utrum interius voluisset tamquam Ministrum Ecclesiæ se gere, aut contrarium habuisset propositum, nulla omnino ratione id scire curarunt. In eo ex S. Augustino cit. l. & cap. de Baptismo, statuerunt, hoc nullatenus curandum, cum ibi S. D. confirmet, ac potius supponat, *tamquam præteritum Maiorum statutum* (determinatum) *nihil interesse ad integritatem*

*Instit. Theol. Moral. Tom. IV.*

*Sacramenti, utrum id aliqui fallaciter, aut veraciter agant.* Et revera PP. iudicarunt, valere baptisma datum etiam ab Atheo, dum graviter dubitare, ac suspicari non solum poterant, quin imo debuerant, num tales homines periti, ac cuiuslibet Religionis perduelles, quibus Mysteria Ecclesiæ fabulæ videbantur, suam intentionem retinuisent quoad religiositatem ritus Sacramentalis, & intus hoc sinxerint, ac simulaverint, licet serio, acrite illud exterius peregerint.

Insuper non minus requiritur intentio dantis, quam accipientis ad Sacramenti valorem, ut iam omnes fatentur, quia non minus humano modo conferri debent Sacramenta, quam recipi; sicut ergo Pontifices, ac Patres, ut Innocentius III. 3. part. Decretalium tit. 42. cap. *Maiores*, S. Thomas q. 68. art. 6. ad 2. aliique approbarunt validum baptisma exterius serio & spontanee, simulate vero interius, vel cum interna voluntatis reluctancia susceptum; quomodo validum non erit censendum, quando etiam Minister serio, & rite illud exterius conferat, licet intus simulet, seu renuat talem actionem, ut sacram, & sanctificantem, alicui subiecto applicare, dum quoad intentionem tam in dante, quam in suscipiente currit par ratio.

Hic asserere possem celeberrimos Theologos, qui floruerunt ante Concil. Tridentinum, ut Magistr. Sentent. Paludan. Angelum de Clavasio, Sylvestr. aliosque, quos adducit in favorem huius sententiæ P. Contensonus, eo quia ita sentirent; sed brevitatis gratia his omiſſis, quos iam Lector videre potest in P. Contensoni p. 191. hic mihi sufficiat asserere pro aliis omnibus auctoritatem D. Thomæ, qui 3. part. q. 64. art. 8. ad 2. versans difficultatem, quando stante necessitate Ministri possit haberi securitas, & scrupulus omnis ac sollicitudo ex suscipientis animo repelli, cum semper dubitare merito possit, num Minister veram habuerit perficiendi Sacramenti voluntatem: post expositas aliorum DD. sententias, illam quam meliorem approbat, sic exponit. *Et ideo alii melius dicunt, quod Minister Sacramenti agit in persona totius Ecclesiæ, cuius est minister, in verbis autem, quæ profert exprimitur intentio Ecclesiæ, quæ sufficit ad perfectionem Sacramenti, nisi contrarium exterius exprimitur ex parte ministri, vel recipientis Sacramentum.* Et postea art. 10. addit, incorruptam intentionem Ecclesiæ non posse interrumpi a corrupta Ministrantis intentione, non secus ac minister alicuius hominis



in dispensanda nomine illius elemosyna, non potest contaminare rectam intentionem Domini, cuius nomine eam dispensat, & art. 8. rem clarius exponit, dum ait: *Cum aliquis intendit derisorie aliquid agere, & talis perversitas tollit veritatem Sacramenti, præcipue quando suam intentionem manifestat.*

Et non obscure deducitur hæc assertio ab ipso Concil. Tridentino in sua definitione quoad intentionem Ministri in Sacramentis faciendis, quam habet can. 11. sess. 7. quam Patroni contrariæ sententiæ, ut ipsis favorem, contra hanc sententiam solent obicere; ait enim Concilium in cit. can. *Si quis dixerit, in Ministris dum Sacramenta faciunt, & conferunt, non requiri intentionem, saltem faciendi, quod facit Ecclesia; anathema sit.* Ecce quod tametsi Concilium præter materiam, & formam, requirat etiam in Ministro intentionem faciendi, quod facit Ecclesia; ex eo tamen non sequitur illatio, quam conantur deducere Adversarii, nempe, quod sicut Ecclesia intendit in tali unionem, quam facit Minister, formæ Sacramenti cum eius materia, facere cæremoniam sacram, ritumque illum exercere, ut est actio quædam formaliter Sacramentalis, ita si Minister intentionem illam malitia sua retineat, vel oppositam habeat, invalide conficiat Sacramentum: Quia, aiunt ipsi, per intentionem intelligit Concilium aliquid distinctum ab applicatione materiæ, & verborum prolatione; idest præter intentionem faciendi quemdam actum externum, illumque exterius peragendi, intentionem desiderat faciendi actum illum, ut est Sacramentum, seu interiorem voluntatem faciendi, quod Christus, & Ecclesia faciendum per Sacramenta intendunt. Verum si valeret hoc ratiocinium, sicuti per ipsos Adversarios Ecclesia in applicatione materiæ, & prolatione formæ, intendit facere cæremoniam sacram, ut est quædam sacramentalis actio productiva gratiæ, aliorumque effectuum supernaturalium, sequeretur, requiri etiam voluntatem sanctificandi homines; ita ut si Minister eam retineat, vel oppositam habeat, invalide conficiat Sacramentum, utpote non habens voluntatem faciendi quod intendit Ecclesia, nec interiorem voluntatem faciendi, quod Christus, & Ecclesia intenderunt faciendum per Sacramenta. Et tamen ipsi fatentur adversarii, ad valorem Sacramenti non requiri intentionem conferendi, vel recipiendi effectum Sacramenti, cum ea sit expers, qui sine necessitate Sa-

cramentum ab Hæretico suscipit, & tamen valide Sacramentum suscipit. Igitur per intentionem faciendi quod facit Ecclesia, exquisitam a Concilio in Sacramentorum Ministro, non potest intelligi voluntas efficiendi actionem ut Sacramentalem, illud efficientem, quod in tali actione Christus, & Ecclesia faciendum intenderunt.

In hoc ergo equivocant Adversarii, quod confundunt id quod facit Ecclesia, cum eo quod intendit Ecclesia. Quod facit Ecclesia, est ritus externus sacer in materia, & forma; quod intendit Ecclesia, est hominum sanctificatio, ad quam signa illa sunt instituta. Ad valorem autem Sacramenti requiritur ex Tridentino sola intentio faciendi quod facit Ecclesia, ut certissimum est apud Catholicos; (quam habere contendit eum, qui, quod facit Ecclesia, serio, & libere facit, & illud serio facere intendit) non vero intentio, quam habent Christus, & Ecclesia, quæ semper recta est, & immaculata, in Ministro sæpe corrupta.

Non tenet pariter quod circa intentionem a Concilio requisitam explicant alii, nempe intentionem faciendi ritum externum, qui Christianis religiosus est, non distinguui ab applicatione materiæ & formæ, ac verborum prolatione, in quibus ritus ille situs est; & sic, aiunt ipsi, non posse materiam applicari, nec verba proferri sine intentione faciendi ritum externum, in huiusmodi rebus, & verbis positum; & tamen Concilium Trid. præter applicationem materiæ, & verborum prolationem, requirit intentionem. Et revera manifestissimum est, materiam diversis modis posse applicari, formamque diversis modis proferri: Nam aliter applicat materiam, & verba proferit, qui modo iocoso, mimico, ludrico, & derisorio applicat, & proferit; hinc enim non intendit facere, quod facit Ecclesia, sed tale quid solummodo repræsentare, ut sit in pictura, vel in theatro; aliter qui accurate, & serio, & tamquam ex officio quod gerit, ea adhibet & ministrat; hic enim intendit facere quod facit Ecclesia, cum revera illud libere prudens faciat, nec quidquam eorum, quæ in Ecclesia fieri scit, prætermittat. Et hanc esse mentem in cit. can. 11. sess. 7. Concil. Tridentini, idem ipsum Concilium non obscure aperit sess. 14. can. 9. ubi declarat, Sacramentum non perfici, si Sacerdoti animus serio agendi desit, nec eum esse, nisi salutis suæ negligentissimum, qui Sacerdotem ioco absolventem cognosceret, & non alium serio agentem sedulo requireret.

Igitur

Igitur per intentionem faciendi quod facit Ecclesia intelligit S. Synodus *animum serio agendi*, qui deest, cum Sacerdos ioco absolvens cognoscitur. Ergo ad validi Sacramenti integritatem satis esse S. Synodus arbitrata est, si Minister serio operari extrinsecus appareat, tumque dumtaxat iocando animum Sacramento officere, cum iocularis, & ludicus Ministri agentis modus est recipientibus conspicuus, & patens. Sic P. Contensonus.

Nec desunt etiam gravia rationum momenta, quæ sententiam hanc comprobant, ac stabiliunt. Et equidem si Sacramentum datum a Ministro, qui se gerens exterius tamquam Ecclesiæ Ministrum, serio peragit ritum a Christo institutum, interius tamen non vult Sacramentum conficere, si Sacramentum ita datum non valeret, contingeret, voluntatem Ministri impedire posse, ne Sacramentum resulteret ex debita, ac seria coniunctione formæ cum materia, quod certe fieri nequit, eo quia, ut iam antea notatum est, Sacramentum ex Christi institutione nihil aliud sit, quam coniunctio formæ cum materia facta ab eo, qui se gerit exterius tamquam Ecclesiæ Ministrum: *Accedit verbum* (ait S. August.) *ad elementum, & fit Sacramentum*. Et hoc patet ex duplici capite, idest & ex parte ipsius Ministri, & ex iudicio, & praxi Ecclesiæ.

Ex parte Ministri, qui cum in Sacramentis peragendis, ac ministrandis non propriam privatam, sed publicam Ecclesiæ, & Christi personam sustineat, gerat, ac representet, ac non suo, sed Ecclesiæ nomine, & auctoritate sacramentales actiones peragat, sua profecto privata intentione falsa, & erronea, opus Dei quod tractat, nec impedire, nec inficere valet. Hoc eodem argumento, & gravi ratione S. August. contra Donatist. argumentabatur, eosque impugnabat.

Ex iudicio quidem, & usu Ecclesiæ, quæ ratum habet Baptismi Sacramentum verbis Evangelicis collatum non solum ab Hæretico, Iudæo, & Infideli, sed etiam ab Atheis, qui licet possint velle peragere ritus illos quos fieri conspiciunt a Christianis, quæ voluntas quæso vel formalis vel virtualis in his supponi potest se conformandi intentioni Christi, ac facere quod Christus instituit, quod facit, & intendit Ecclesia? Et revera tantum abest quod intendere possit Iudeus vel Paganus, quin imo cum hi nec credant Baptismum esse Sacramentum, idest rem sacram, sed sacrilegam supersti-

tionem: nec putent Christum potuisse sacras huiusmodi res instituere, & habent, ac irrideant Ecclesiam tamquam ludricam congregationem, ac superstitionem, ac credant baptismum supra meram corporis lotionem non addere nisi ludibrium, clare constat, hosce in Sacramento baptismi peragendo licet exterius serio agant, interius non habere nisi intentionem irrisoriam, fidam, & simulatam, seu irridendi in tali fictione rem sacram Christianorum. Quod eo magis dicendum de Atheis, cum impii isti homines non credant ullam Deitatem, & religionem, ac proinde non nisi ridiculam fictionem divinam Christi missionem, quam prædicant, creduntque Christiani. Unde si Sacramenta collata a viris omni profusus fide in ipsius Ecclesiæ sacra carentibus, ac proinde cum morali evidentiâ, quod collata sint cum irrisoria, simulata, ac fallaci intentione in tali actione sacramentali exercenda, Ecclesia nihilominus approbat, eo quia serio, ac prudenter exterius ea pegerint; quare non censendum erit validum Sacramentum, quod peragit Minister apparenter catholicus, & in Ecclesia catholica celebrans, quando rogatus serio illud conficit; & vi potestatis, & officii quod exercet, libere facit, licet intrinsecus impius, infidelis, Atheus, mysteriorumque derisor intus simulate & irrisorie actionem sacramentalem celebret: cum inter talem ministrum, ac allatos infideles, qui supponendi sunt ita celebrare, nulla omnino intersit disparitas?

Insuper Christus Dominus instituit Sacramenta in republica Christiana humano modo peragenda: cum Christianus cæteris ex hominibus, non ex Angelis sit constitutus, ac proinde voluit sacra ministeria peragi eo simili modo, quo ordinaria ministeria in rebus publicis valide exerceri solemne est, ut societas visibilis, & hierarchia aspectabilis firma consisteret, & segura. Quare sicuti in omni Republica bene ordinata ad valorem actuum, contractuum, ac iudiciorum non valet actio ludica, aut irrisoria, seu mimice facta, & sufficit omnino si serio fiat cum solitis formulis a Republicæ ministro designato: puta, nullius roboris est instrumentum, quod extrinseca irrisoria, vel ut Tyronem instruat publicus Notarius conficit; valet autem si rogatus a partibus prudens & sciens illud exaret, quamvis intus contrarium intendat, & velit, & sic &c. Similiter in Republica Christiana, tametsi Sacramenta, quæ a Ministro extrinsece irrisorie ac mimice peraguntur invalida sint, cum

non agat ut Ecclesiæ Minister, sed potius effingat, attamen dum extrinsece serio agit, quæ Christus instituit, & Ecclesia facit, tunc cum agat ut Minister Ecclesiæ, verum, ac integrum conficit Sacramentum, hoc ipso quod in illo officio constitutus, & postulatus facit: nec aliter se agere significet, nec ex modo agendi appareat. Ille enim in humanis, quibus Ecclesiastica munia commissa sunt, semper ut Minister ex officio agere censetur, qui, quæ sui muneris sunt, serio implet quidquid ille interius in contrarium sentiat, ut antea expositum fuit exemplo aliorum humanæ vitæ officiorum, præcipue famuli, qui serio nomine sui Domini, licet cum repugnantia voluntatis, elemosynam elargiri intendit &c.

Et hoc amplius etiam illustrat, & confirmat consuetudo Ecclesiæ, quæ cum solita fuerit iterare, aut absolute, aut sub conditione baptismata dubia, ea nempe, quæ non potuerunt probari per testes, vel quia suspecta fuerit eorum materia, aut forma, ut ex Concil. Carthaginen. V. & Zacchar. Pap. epist. 11. ad Bonifacium; numquam tamen consuevit Ecclesia iterare baptismum ob solam Ministri occultam intentionis retentionem, vel malignæ intentionis intus conceptæ, nec foris patentis perversitatem; modo tam Minister, quam suscipiens serio, & prudenter egerint quidquid in Ecclesia fieri consuevit. Igitur iuxta morem Ecclesiæ, Sacramenta illa valida censenda sunt, quæ exterius serio a ministris materiæ, & formis usitatis, servandis servatis, peracta sunt, tametsi interius retentione, aut perversitate intentionis irrita facere, aut ad nihilum redigere malitiose voluerint.

Hac ipsa de causa olim PP. in controversia Donatistarum, asserentium nullum esse baptismum extra Ecclesiam collatum, nihil disputarunt de debita Ministri intentione, an revera fuerit, vel non, solliciti solum de materia, & forma observari solita; num revera rite, & serio has applicaverint infideles, quidquid tandem in contrarium in tali applicatione præter intentionem illud faciendi, quod viderant fieri ab Ecclesia facere, vellent simulare &c.

Et equidem si valere deberet contraria opinio, 1. quod nemo posset esse certus de suo baptismo, cum sciri nequeat, an Minister suam retinuerit intentionem dicendo, *nolo baptizare*. 2. nemo certus esse posset se esse in vera Ecclesia; cum ita scire nequeat, an qui sunt in Ecclesia Ministri, & Pastores, sint vere Ministri, & Pastores; quia nemo scire potest, an

qui Pastores baptizarunt, & ordinarunt, potuerint habere intentionem eos non baptizandi, & ordinandi: ac proinde sequeretur ultra, quod vix perpetua Ecclesiæ visibilitas posset contra Eherodoxos demonstrari, cum in Adversariorum opinione nihil omnino certi de Ministrorum consecratione, ac fidelium baptismate statui possit.

Obiiciunt 1. Patroni oppositæ opinionis, nostram proscriptam esse ab Inquisitoribus Romanis sub Alexandro VIII. in censura propositionis eiusdem tenoris, quæ num. est 28. inter damnatas sub tali Pontifice, in qua ita habetur. *Valet Baptismus collatus a Ministro, qui omnem ritum externum, formamque baptizandi observat, intus vero in corde suo apud se resolvit: Non intendendo quod facit Ecclesia.*

Respondetur nostram sententiam penitus a damnata discrepare, & 1. quidem, quia in damnata propositione subiectum est indefinitum; dicitur enim: *Valet baptismus collatus a Ministro, qui omnem ritum externum, formamque baptizandi observat*; quæ propositio cum sit universalis, intelligitur tam de Ministro, qui in tali ritu exterius exercendo agit serio, quam de illo, qui agit mimice & illusorie: e contra nos Propositionem restringimus ad Baptismum datum a Ministro, qui exterius actionem sacramentalem serio peragit, & intus etiam hanc serio agere intendit. 2. propositio damnata, utpote æquivalens universalis, intelligi potest etiam de Ministro serio quidem exterius agente, sed a nulla circumstantia determinato ad agendum nomine Ecclesiæ, & sic omnino est falsa; e contra vero nostra restricta est ad Ministrum, qui cum ex circumstantiis extrinsecis, idest postulatione Sacramenti determinatur, ut se se exterius gerat tamquam Ecclesiæ Minister. Et equidem sapientissime Inquisitores damnavant propositionem nobis obiectam, quia sensu obvio, seu quem præferunt verba, ex quibus constituitur, suadet impium Lutheri dogma de validitate Sacramenti, quod Minister etiam exterius non serio, sed iocose contulit, quod damnavit Concil. Tridentinum. Ab hoc sensu Lutheri, quam aliena sit nostra sententia, ex ipsis terminis quibus constat, cuique attendenti evidenter patet. Tandem damnata habet, ministrum intus non intendere agere, quod agit Ecclesia; *intus vero* (ita ibi legitur,) *in corde suo resolvit; non intendendo quod facit Ecclesia*, quod est directe contra definitionem Concil. Tridentini sess. 7. can. 11. in quo canone statuit Concilium con-

contra Lutherum negantem quamcumque intentionem Ministri necessariam esse ad Sacramentum conficiendum, statuit inquam, ad validitatem Sacramenti requiri in Ministro *intentionem saltem faciendi quod facit Ecclesia*. Ex in hoc tam longe ab eadem nostra distat, ut quod ipsa negat, sit unum ex præcipuis principiis, quæ statuimus, ut non recedat opinio nostra a Catholico sensu, nempe, quod Minister intendat facere, quod facit Ecclesia, sicuti exigit irrefragabiliter cit. can. Tridentini.

Obiic. 2. Ex ipsa plurium saltem Sacramentorum institutione colligitur necessitas mentalis intentionis in Ministro, qui ea conficere statuit. Christus enim Lucæ 22. in sacrae Eucharistiæ institutione iussit, ut Ministri in sui memoriam eam consecrarent: *Hoc facite in meam commemorationem*. In consecratione Sacramenti Extremæ Unctionis præcipit S. Iacobus cap. 5. suæ Epist. catholicæ, Ministrum orare debere super infirmum, seu hoc Sacramentum conferendum esse per orationem a Sacerdote fundendam. *Inducat* (inquit) *Presbyteros Ecclesiæ, & orent super eum*. Non possunt autem Ministri agere in Christi commemorationem quando Eucharistiam conficiunt, nisi interius agere velint eius nomine, ac illius Ministros se exhibere, idest nisi velint intentioni Christi se conformare in Missæ celebratione; cum meminisse Christi in aliquo conficiendo Sacramento, sit velle eum imitari: quod fieri nequit ab eo, qui interius protestatur, se nolle eum imitari. Similiter in Extrema Unctione non potest Minister orare pro infirmo, dum non intendit pro illo orare, cum sine intentione mentali, seu interna, nulla sit oratio. Docent enim Theologi, eum non orare, qui verbis, quibus constat oratio, interius non attendit, dum ore ea profert. Igitur a fortiori si iisdem verbis per retentionem intentionis contradicat, eodemque instanti, quo exterius orat, dicat apud se ipsum, *nolo orare*, & similia.

Resp. ad primum, eum in commemorationem Christi agere, seu facere, qui, quod a Christo institutum est, libere serioque observat; non enim voluntarie faceret quod Christus faciendum imperavit, nisi illud sibi faciendum proponeret, seu quod idem est, vere intenderet. Unde cum Minister dum Missam celebrat, in subiectum panem verba Evangelica, *Hoc est corpus meum*, libere, & serio proferat, sequitur, velle etiam facere, quod Christus fecit, ac instituit. Etenim ex eo quod formam datæ applicat materiæ,

vult necessario eam applicare, sicuti & Christus fecit. Nec voluntas illa impeditur interna intentionis retentione: nam ea interna intentionis retentio, non est vera, & efficax voluntas, sed simplex velleitas non agendi Ecclesiæ auctoritate, & nomine Christi, ac proinde non obstat voluntati efficaci, quam habet gerendi se tamquam eiusdem Ministri in actione externa, quam postulat serio, & libere secundum divinam institutionem operatur.

Ad id vero, quod opponitur de requisito intentionis ad preces, quæ iuxta traditum a D. Iacobo loco cit. fundendæ sunt in collatione Extremæ Unctionis, respondetur cum Iuvenino; quod si valeret oppositum argumentum, simul probatum esset nullum fore Sacramentum Extremæ Unctionis, quando conferretur a Sacerdote, qui dum illud peragit, versaretur in actuali voluntate peccandi. Nam qui cum tali voluntate orat, proculdubio non orat, cum preces quando ad Sacramentorum consecrationem non pertineant, non operentur nisi ex pietate, seu ex opere operantis, unde necessario tunc pietatem præter mentis attentionem exigunt in orante. Oratio igitur, quæ ad Sacramenti formam non pertinet, prolata a Sacerdote cum animo non orandi, ex parte illius non est vera oratio, quæ illi potius valde est nocua, quam proficua, ut statuitur ubi agitur de oratione. Verum illa eadem oratio si, ut eius forma, spectet ad Sacramentum, est vera oratio Ecclesiæ, quæ per os sui Ministri quantumvis impii orat, quoties ille exterius se Ministrum Ecclesiæ exhibet. Et talem se exterius exhibet, & nomine Ecclesiæ, quoties in talibus datis circumstantiis sæpe iam antea notatis, utitur advertenter, & attente materia, & verbis, seu precibus, quæ ex præcepto, & usu Ecclesiæ secundum Christi institutionem ordinatæ sunt ad constituendum Sacramentum. Quare ultro fatemur in hisce orationibus, quæ pertinent ad formam Sacramentorum, necessariam esse Ministri intentionem, non quidem privatam uti in aliis suis privatis orationibus, quæ non sunt formæ ad aliquem Sacramentum spectantes, sed intentionem generalem, & publicam Ecclesiæ. In illo enim casu Minister non fundit preces illas, ut suas proprias, privataeque; sed ut preces publicas Ecclesiæ, seu ut partem Sacramenti. Illa autem publica intentio Ecclesiæ necessaria ad orationes spectantes ad formam Sacramenti exprimitur in Ministro, dum serio libere, & in statutis circumstantiis supra pro-

priam Sacramenti materiam formam profert. Hæc tamen intentio publica Ecclesiæ, qua in tali applicatione formæ supra materiam Sacramentorum iuxta Christi institutum intendit fieri ritum sacrum, seu Sacramentum, præsupponit privatam, seu propriam Ministri intentionem, quam exquirat Concil. Tridentinum in laudato can. 11. sess. 7. nempe voluntatem efficacem seriam, saltem faciendi opus illud, quod facit Ecclesia in Sacramenti peragendis; quam si serio libere in consuetis circumstantiis exterius exequatur Minister, velit ipse, vel nolit, per publicam Ecclesiæ intentionem tale opus quod sit, materiam applicando, formamque super illam proferendo, determinatur ad esse Sacramenti.

Unde in hoc falluntur adversarii, quod intentionem faciendi, quod facit Ecclesia, & faciendum Christus iussit, requisitam a Tridentino ad valorem Sacramenti, confundunt cum intentione se conformante intentioni Christi, & Ecclesiæ, seu faciendi quod intendit Christus, & Ecclesia; & quia non discernunt in pravo Ministro duplicem intentionem secum, seu ad invicem pugnantem; ac proinde supponunt nos negare, non exigi in Ministro intentionem, & hanc seriam, efficacemque faciendi quod facit Ecclesia, quando hanc ita a Ministro serio operante individuum, seu inseparabilem esse censemus, ut intentionem faciendi, quod facit Ecclesia, ille non possint non habere, qui, quod facit Ecclesia, serio, & libere facit; nec talem suam intentionem necessitate suppositionis necessariam, posse privatam aliam perversæ voluntatis intentionem extinguere. Imo dicam, quod cum actio Sacramentalis sit idem ac Sacramentum, eo ipso, quod intendit facere hanc actionem, & ex tali absoluta, & efficaci intentione serio, libere &c. exterius actionem exequitur, non obstante opposita intentione, qua statuit, nolle facere Sacramentum, per primæ executionem redditur hæc altera, ut alias diximus, inefficax pura velleitas, ac nulla, & sit sacramentum.

Instabis. Est communis sententia DD. omnium etiam Probabilistarum, in re præcipue Sacramentaria, quæ non pendet ab hominum opinione, sed ab una Christi institutione, sectanda esse tutiora, & a peccandi periculo remotiora. Et eo magis ita omnes sentire debent, quia damnata fuit ab Innocentio XI. 2. Martii 1679. propositio huic sensui contraria, quæ n. 1. est, & ita habet: *Non est illicitum in Sacramentis conse-*

*rendis sequi opinionem probabilem de valore Sacramenti, relicta tutiore.* Unde cum opinio nostræ contraria sit tutior, ac a peccandi periculo remotior, eam nostræ antepone, ac sequi, ut suæ salutis, & reverentiæ Sacramenti consulant, tenentur Sacramentorum Ministri.

Resp. si res ita se haberet, sicuti æquivocatio argumenti præferret, nulla melior argumentatio favere posset Donatistis, asserentibus ad Sacramenti integritatem fidem, sanctitatemque requiri, cum eos in re hac sequi sit tutius, & a peccandi periculo remotius. Ergo sententia Donatistarum aliis esset anteponenda. Quisnam quæso erit, qui hoc intendere audeat?

Mera igitur æquivocatione laborat argumentum, & ut videmus, non solum opposita sententia non est tuta, imo etiam certo periculo peccandi est exposita. Duo enim contraria sententia asserit, idest non solum teneri Ministros in omni sua intentione sese conformare intentioni Christi, & Ecclesiæ, sed insuper ita ad hoc teneri, ut si malitiæ suæ oppositum intendant, ac intendit Christus, & Ecclesia, Sacramentum irritum faciant, ac proinde Sacramentum de integro sit reperendum. Quod Ministri teneantur ex præcepto nihil privatim intendere, quod non sit consentaneum intentioni Christi, de hoc nulla est, aut fuit unquam inter catholicos Theologos controversia: aliud vero, quod subiungitur, scilicet quod si Ministri intus velint, quod adversetur intentioni Christi, & Ecclesiæ, Sacramentum sit nullum, ac proinde ita ab eis baptizatos, absolutos, confirmatos &c. denuo baptizandos esse, absolvendos, confirmandos; id penitus repugnat iudicio, & consuetudini Ecclesiæ, quæ semper sollicita in consulendo, quod respicit debitam Sacramenti reverentiam, quæ non minus graviter, quam faciliter læditur, ipsa sine valde gravi dubio de eorum validitate innovando, ob solam suspensionem de opposita Ministri intentione, non reprobavit, ut invalidum, baptismum collatum a Iudæis, Paganis, Hæreticis, imo etiam ab Atheis. Et si consuevit innovare Sacramenta etiam characterem imprimendi dubia, & suspensa, vel quia testibus comprobari non potuerit fuisse collata, vel prudens occurrerit suspicio, congruam materiam, solitamque formam adhibitam non fuisse; nunquam tamen ob suspensionem intentionis invenitur innovasse: ne innovando quod forsitan iam factum est, exponantur Sacramenta periculo irritationis, ac ideo gravi

gravi irreverentia. Idcirco nemo non vider, contrariam sententiam non esse remotiorem a sacrilegio iterati Sacramenti. A tale autem periculo maxime est aliena nostra sententia, cui satis esse videtur in Ministro ad Sacramenti validitatem intentio faciendi, quod facit Ecclesia, iuxta regulam Tridentini, consuetis rebus, & verbis adhibitis sufficienter expressa.

Cætera quæ obijci solent, & possunt, ex iam supradictis facile diluuntur; hinc censui nihil ulterius addere, ne res longius quam par sit, procrastinetur.

*Corollarium.*

Ex iam dictis constat manifestissime, quam caute procedendum sit in renovanda prolatione formæ supra eandem materiam, ob periculum quod cum maxima Sacramenti irreverentia irrita reddatur nova formæ prolatio, & irritum etiam Sacramentum; Quod si dubium rationabile oritur de validitate formæ iam prolatae, vel de eius prolatione, forma iterari debet sub conditione, ne Sacramentum cum illius irreverentia maneat irritum. Quocirca dubium imprudens, quale solet esse scrupulosorum, non sufficit, sed contemnendum est. Formam autem Sacramenti sine necessitate super eandem materiam repetere, ex se est mortale, eo quod hæc secunda forma sit supervacanea, nec sine virtuali, & interpretativa irrisione sic frustra potest proferri.

Item licet statuatur in nostra sententia, validum esse Sacramentum collatum a Ministro, qui etiam sola utitur externa intentione, ac proinde tutius esse ipsum non innovari, nihilominus cum consulendum sit quantum cautius fieri potest, Sacramentorum reverentia, & iuxta Ecclesiæ doctrinam, quæ contrarium damnat, in Sacramentis conficiendis tutior opinio sequenda sit; hinc sub mortali tenetur Minister, quodcumque ei occurrat aliquod peragere Sacramentum, habere veram intentionem non solum faciendi, quod facit Ecclesia, sed faciendi quod in tali opere iuxta Christi institutionem facere intendit Ecclesia, idest Sacramentum. Et enim Minister attendere debet tum ad ea, quæ ad validam, tum ad ea quæ ad licitum Sacramenti consecrationem requiruntur; quia sancta sancte tractanda sunt. Non requiritur tamen intentio faciendi, quod facit Ecclesia Romana, sed sufficit intentio faciendi, quod facit vera Ecclesia, quæcumque illa sit; imo etiam faciendi quod facit Ecclesia Lutherana, modo putetur vera, licet sit falsa; quia

tunc est implicita, & virtualis intentio faciendi, quod facit vera Ecclesia; neque error speculativus circa veram Ecclesiam, aut circa efficaciam, & effectum, aut Sacramenti institutionem, huius impedit valorem ex parte Ministri; nam hæreticus vere baptizat, & tamen non credit Ecclesiam Romanam veram esse Christi Ecclesiam.

§. III.

*De qualitate intentionis necessaria in Ministro ad Sacramenta valide peragenda.*

Ad Sacramenta valide peragenda non requiritur intentio expressa, & distincta conficiendi Sacramentum; sed sufficit implicita, & confusa, qua Minister intendat se velle facere id, quod facit Ecclesia, aut quod Christus instituit, aut quod per alium Ministrum fieri vidit, sive quod Christiani faciunt. Et hoc manifeste constat ex praxi Ecclesiæ non rebaptizantis eos, qui ab imperitis, rudibus, aut infidelibus cum debita materia, & forma baptizati fuere, tamen illi vel distincte non noverint, vel etiam prorsus ignoraverint quid sit baptisma, seu Sacramentum. Et tunc adest vera intentio faciendi quod facit Ecclesia, ut exquiratur a Conciliis Florentino, & Tridentino.

Intentio mere habitualis est prorsus insufficientis ad Sacramenta valide conficienda; quia huiuscemodi intentio, utpote quæ nullam in se habet advertentiam rationis, nullo modo influit ut causa in actionem Sacramentalem, cum vi illius intentionis talis actio non ponatur; ac proinde talis intentio se habet in consecratione Sacramenti non secus ac si non esset. Christus enim Dominus in Sacramentis instituendis statuit, ut Minister suam ministerialem potestatem humano modo, idest cum deliberatione exerceret, ita ut actio, qua fieret Sacramentum, esset etiam actio humana. Idcirco requiritur intentio libera in se, seu voluntas, quæ cum advertentia rationis, & libere applicando potestatem ministerialem ad usum, sit principium, & causa Sacramentalis actionis. Alias Sacramentum peragi posset etiam ab amente, dormiente, vel ebrio, in quibus adesse potest intentio habitualis, & illi nec libere, nec deliberato modo agunt. Tournel.

Nec valet dicere, quod S. Thomas 3. part. q. 64. art. 3. docere videatur, habitualement intentionem sufficere ad perfectionem Sacramenti. Nam S. D. alique antiquiores Theologi,

Intentio habitualis est omnino insufficientis in Sacramentis peragenda.

logi, *habitualement* vocarunt intentionem *virtualis*, ut patet exemplo, quod affert cit. loco de Sacerdote, qui ex intentione præhabita faciendi in baptismo, quod paulo post conferre debet, quod facit Ecclesia, docet, hunc perficere Sacramentum, etiam si in actu baptizandi non amplius de habita intentione recorderetur; sed hæc est eadem intentio, quæ nunc appellatur *virtualis*.

Nec sufficit intentio interpretativa.

Multo minus sufficere potest intentio interpretativa ad Sacramentum conficiendum, utpote quæ proprie non sit intentio, sed solum intentionis præsumptio, seu dispositio ad intentionem concipiendam, sive intentio, quæ esset, si res proponeretur. Porro intentio, quæ non est, ut iam patet, nihil efficere potest, ac proinde non potest esse principium actionis moralis, & humanæ, uti esse debet actio effectiva Sacramenti.

Nec valet argumentum, quod obiici potest de suscipiente, in quo sufficit intentio interpretativa; quia suscipiens Sacramentum passive se habet, minister vero active; & cum sit agens rationale, nequit rationabiliter operari, seu humano modo, ut dictum est, sine intentione. Habert.

Intentio vero actualis, tametsi optima sit, & Minister ob debitam Sacramenti reverentiam debeat esse sollicitus, curando, ut semper hanc habeat; illa tamen non est necessaria ad valide perficiendum Sacramentum.

Ad Sacramenta conficienda sufficit intentio virtualis

Sed ad huiusmodi opus sufficit *virtualis*, ut constat ex cit. loco S. Thom. 3. part. q. 64. art. 3. Hæc enim *virtualis* intentio est ipsamet *actualis*, non solum ut non revocata (quia hoc potest dici etiam de *habituali*, & tamen non valet) sed etiam moraliter perseverans in libera actione Ministeri, ex quo ab *habituali* distinguitur, & æque ac *actualis* humana censetur, & ideo apta ad Sacramentum conficiendum. Et hoc patet in exemplo Ministeri, qui vocatus ad baptizandum aliquem, licet dum pergit ad baptizandum, & etiam dum actu baptizat, de baptismo expresse non cogitet, vere tamen baptizat virtute illius *actualis* intentionis, sive directe, sive indirecte, quam habuit, cum ad hanc actionem peragendam profectus est. Perdurat enim adhuc in virtute, quatenus inducitur Minister ad iter suscipiendum, & formam cum materia consueto ritu coniungendam. Et hæc saltem communi omnium consensu requiritur, & satis est ad Sacramentum valide peragendum iuxta sententiam antea citatam D. Thomæ: de qua diximus laudato loco egisse, non vero de *habituali*.

Sufficiencia porro huius intentionis ad valide conficiendum Sacramentum comprobatur ex sensu, & praxi Ecclesiæ, quæ ut vera approbat Sacramenta sic collata. Et merito; quia Minister agens cum *virtuali*, agit modo humano, & rationabili, sicuti ex Christi institutione exigit actio Sacramentalis. Alias si requireretur intentio *actualis*, cum non sit in potestate hominis viatoris, propter naturalem instabilitatem suæ imaginationis, cohibere mentem, ut nunquam divagetur, ac continuo cogitet de opere, quod ex deliberata voluntate semel perficere suscepit, sequeretur, quod Sacramenta sæpe sæpius forent irrita. Unde cum non sit credibile, ut notat P. Antoine, Christum sic instituisse Sacramenta, ut sæpissime exponerentur nullitati, sicuti fieret, si ad illa exegisset a Ministro talem intentionem, quæ sæpe non est in ipsius potestate, propter illius animi evagationes, quas non solum frequentes, sed plerumque inevitabiles patitur homo; hinc iure merito iudicat Ecclesia, quæ divinæ Christi voluntatis est interpres, *virtualem* sufficere intentionem ad Sacramenta valide conficienda.

Intentio reflexa est intentio, qua Minister super administrationem iam directe intentam, novo, & distinctiori modo vult eandem administrationem, ut est Sacramentum, vel ritus ab Ecclesia frequentatus. Talis intentio non est necessaria ad Sacramentum conficiendum, tum quia talis necessitas colligi nequit ex ullo Scripturæ vel SS. Patrum testimonio; tum quia sine intentione reflexa prudenter agere potest Minister, & humano modo, imo & cum pietate implere suum ministerium. Nemo profecto crederet, eum sine recta intentione, & sine fructu sancto Missæ sacrificio adesse, qui audito postremo illius signo properavit ad Ecclesiam, sollicitus ne serius adveniret, tametsi non reflectat se recta mente adesse. Reiciant ergo scrupulos, quibus nonnulli anguntur Sacerdotes, quasi illi defecerit sufficiens, rectaque intentio, quia sine certa reflexione festinarunt ad baptizandum, vel absolvendum periclitantem. Habert.

Ad valorem Sacramenti profecto requiritur intentio directa, determinata, & absoluta actionis Sacramentalis. Requiritur intentio directa, qua velit Minister actionem Sacramentalem immediate, præcise, & secundum se; quia actio Sacramentalis debet esse actio moralis ac libera in se, & modo humano posita: quod fieri nequit nisi illa actio ponatur in intentionis libera; & directa.

Intentio reflexa minime necessaria est in Sacramentis conficiendis.

Ad valorem Sacramenti requiritur intentio directa, determinata, & absoluta.

**Æ.** Ideirco non valet baptisnus collatus ab ebrio, vel dormiente, licet antea prævideret se illum collaturum in tali statu. P. Antoi.

Non est tamen necessaria intentio directa finis Sacramenti, nempe gratiæ, seu sanctificationis per Sacramentum conferendæ, ut Sacramentum valide conficiatur: ita docet S. Thom. in 4. dist. 6. q. 1. art. 3. & in 3. part. Summæ q. 64. art. 6. ad 2. Si enim talis intentio exigeretur, non possent hæretici valide Sacramenta conficere, cum negent inesse virtutem ullam in Sacramentis sanctificandi, quod tamen dici nequit, cum baptisma ab eis datum ut validum Ecclesia approbet. Finis est quidem indirecte intentus in ipsa intentione Sacramenti, quod suum finem, idest gratiam dandam disposito continent.

Quid de  
intentione  
de con-  
dicionata.

Intentio conditionata de præterito, v. g. *Si non es baptizatus, ego te baptizo*, vel de præsentī; *Si es contritus, ego te absolvo*, non irritat Sacramentum; quia talis intentio transit in absolutam, adeo ut sensus sit, *quia non es baptizatus, ego te baptizo*.

Ad hoc tamen, ut intentio conditionata siue de præterito, siue de præsentī sufficiat ad Sacramentum valide conficiendum, necesse est ut conditio posita sit, priusquam forma applicetur materiæ, ita ut iam transierit in absolutam, vel illi æquivalet; quia sola intentio absoluta efficax est pro præsentī: voluntas enim conditionata, quamdiu talis est, suspensa manet, nihilque efficit; ita ut si dum forma applicatur materiæ, intentio Ministri non sit absoluta, aut absolutæ æquivalet, non efficit Sacramentum. Neque efficit postea; quia postea non erit amplius forma, & materia, qua Sacramentum peragi debet, & sine utraque earum confici nequit. Antoi.

Unde conditio de præterito, vel de præsentī appositā intentioni, si non impleta sit, irritat Sacramentum, utpote quæ intentionem destruat. Voluntas enim sub conditione non posita nulla est, cum non sit nisi dependenter a conditione. Ea ideo non irritat posita conditione, quia, ut iam dictum est, transit intentio in absolutam, siue absolutæ est æquivalens, cum non amplius suspensa maneat, sed revera extet.

Conditio  
futuro  
ritas sa-  
mens.

Conditio vero de futuro contingenti v. g. *Ego te absolvo ea conditione, quod resistamus fis*, semper irritat Sacramentum, utpote quæ suspendat præsentem intentionem, seu consensum ac voluntatem Ministri, donec impleta sit conditio, ac proinde efficit, ut

Minister hic, & nunc non habeat absolutam voluntatem conficiendi Sacramenti; unde sequitur, quod hic, & nunc Sacramentum non efficiat. Imo & ne quidem postea efficiet, quando impleatur conditio; quia tunc deerunt materia & forma, quæ iam transierunt, & sine eorum præsentia, idest absque eo quod hic, & nunc deliberata voluntate formam Minister applicet materiæ, nullatenus fieri potest Sacramentum, cum per talem applicationem exprimenda sit materiæ & formæ significatio, iuxta Christi institutionem. Excipiendum tamen ab hac regula Matrimonium, quod cum sit contractus elevatus a Christo ad rationem Sacramenti, non secus ac alii contractus valet sub conditione de futuro, quando ipsa conditio ponatur. Antoine.

Advertendum tamen, huiuscemodi conditiones de futuro ut plurimum non esse nisi modos, qui non suspendunt consensum; ut si Confessarius e. g. monendo poenitentem, ut caveat a lapsu, declaret se ei impartiri absolutionis beneficium ea conditione, quando relapsurus non sit, & absolute formam pronunciet; *Ego te absolvo &c.* In hoc casu non censetur absolvisse sub conditione, sed modum tantummodo præscripsisse poenitenti, quo animo, & proposito recipere debeat Sacramentum.

Nota non licere, ut fusius iam antea notavimus ubi de forma conditionata Sacramentorum, nisi in necessitate, conferre Sacramenta sub quavis conditione etiam de præsentī, & præterito, etsi posita sit conditio. Talis modus agendi est contra debitam Sacramento reverentiam, cum sit quædam nugatio, & contra usum Ecclesiæ, quæ ex quo coepit uti forma conditionali, nonnisi in prudenti dubio de validitate Sacramenti hanc adhibet, ut ex cap. 2. de Baptismo.

Intentio Ministri debet esse determinata ad certam materiam, & personam sine ullo substantiali errore; alias eius intentio non esset efficax, & effectrix Sacramenti, dum talis esse debet, ut Sacramentum vere conficiat; quia operationes versantur circa singularia, quæ sunt determinata. Et hoc patet ex ipsa Sacramentorum forma, quæ singularem designat personam, ut in baptismo, in quo ministratur in persona singulari. *Ego te baptizo*; & in Eucharistia, in qua conficienda designatur per formam singularis determinata materia: dicitur enim; *hoc est corpus meum*. Hinc si substantialis error intentionis caderet in hanc materiam, vel personam,



nam, & actio sacramentalis versaretur circa aliam, talis actio non procederet ex tali intentione, & ideo esset actio sine intentione, & consequenter nullum fieret Sacramentum, cum ad hoc peragendum requiratur intentio. Tournelleius. Valide tamen fieret Sacramentum, excepto Matrimonio, si error esset solum speculativus circa personam, puta si absolveres Petrum, putans esse Paulum; quia ordinarie est, & esse debet intentio conferendi Sacramentum personae praesenti; quam proinde intentionem servare quisque censetur, nisi expresse eam excludat, & sic tunc praeterea Minister intentionem applicat determinate ei, qui praesens adest. Quod si intendas praeterea absolvere Paulum, omnem aliam personam excludendo, non valet absolutio; quia actio ministerialis non exercetur circa aliam personam, cum eiusdem potestatis exercitium ab intentione Ministri dependeat, qui illam non nisi circa personam exercet, circa quam exercere intendit. Dixi *excepto Matrimonio*, quia eius valori opponitur error circa personam, cum obstat valori contractus, in quo Sacramentum fundatur. P. Antoi. Tournel.

Inquiri hic P. Antoine, an valeat Sacramentum, quando Minister habeat duas intentiones contrarias, quarum una repugnat eius valori: & respondet, quod si debita intentio praevaleat intentioni quae repugnat valori Sacramenti, Sacramentum est validum: quia tunc sola intentio praevalens est efficax, & altera inefficax, ac mera dispensantia. Secus vero, si intentio contraria praevaleat, ob eandem rationem, scilicet, haec efficax est, non altera. Si vero utraque aequalis sit, nihil tunc efficit Minister: quia aequaliter vult, & non vult facere Sacramentum, ac proinde non vult efficaciter illud facere. Porro illa intentio alteri praevalet, quae est magis absoluta, & aliam expelleret, si rem intentam impediret.

## §. IV.

*De Fide, & Probate requisita in Ministro ad veritatem, seu valorem Sacramenti.*

Magno ingeniorum nisu, ac contentione agitata fuit haec controversia tertio Ecclesiae saeculo inter Stephanum Papam ex una, & SS. Cyprianum Carthaginensem Episcopum, & Firmilianum Episcopum Caesariensem in Capadocia, reliquosque Affricanos, cum Orientalibus Episcopis ex altera parte,

qui omnes unanimos contra sensum Pontificis negabant, valida esse Sacramenta ab Haereticis, vel extra Ecclesiae unitatem a Schismaticis Ministris collata, ac proinde acriter contendebant, rebaptizandos esse, quos illi baptizassent, ut constat ex S. August. l. 6. de *Unic. Baptismo*, contra Petilianum, qui l. 3. de *Baptismo*, cap. 4. dicere non timuit, quod Stephani sententia erat quidem superior auctoritate Traditionis, inferior vero contraria pondere rationum. Eundem Cyprianum errorem initio 4. saeculi amplexati sunt Donatistae, quem extenderunt ad quemcunque etiam peccatorem Ministrum, sive publicum, sive occultum. Cyprianus non fuit auctor huius opinionis, sed eam accepit a suo praedecessore, immo confirmatam a Concilio aliquorum Episcoporum sub initio 4. saeculi. Donatistae ut sub pietatis specie reciperent consecrationem Caecilianus in Episcopum Carthaginensem factam a Felice Episcopo Aptungintano Sacrorum canonum tradidit, docuerunt, nullum esse, & irritum Sacramentum collatum ab haeretico extra Ecclesiam, vel ab improbo in sinu Ecclesiae, ut ait S. August. l. 2. contra *Crescentium* cap. 28. qui tamen victi a Catholicorum argumentis, se restrinxerunt ad solos peccatores publicos, ut refert idem S. August. l. 2. contra *Parmentianum* cap. 12. Eundem errorem amplexati sunt duodecimo Ecclesiae saeculo Apostolici, Valenses, & Albigenes, & sub finem saeculi 14. Hussitae, Wiclefitae, & 16. Anabaptistae, contra quos omnes sit.

Nec fides, nec probitas Ministri sunt necessarium requisitum ad valide Sacramenta conficienda, & sic sive haereticus, sive schismaticus extra Ecclesiam, sive improbus in sinu Ecclesiae, dummodo veram, propriamque cuiusvis Sacramenti materiam, formamque adhibeat, si excipias Sacramenta Poenitentiae, & Matrimonii, semper valide conficiuntur.

Dixi si excipias Sacramenta Poenitentiae, & Matrimonii; quia cum haec consistant in materia morali, speciali modo subiacent dispositioni Ecclesiae. Cum enim Sacramentum Poenitentiae institutum sit per modum iudicii, ideoque est quid morale, & ad iudicium exercendum requiritur in primis iurisdictio; & ita haec necessaria est ministro, tamquam iudici, ut sine ea absolutionis sententiam valide non conferat, ac proinde omnino potest Ecclesiam conferre hanc iurisditionem, aut denegare, si Ministro haereticum, aut schismaticum haec non conferat, vel collatum

laram revocet, tunc sane dici poterit, Sacerdotes sine fide ministrare non posse. Potestatis Sacramentum. Habet. Idemque dicito de Sacramento Massimonii, utpote quod cum sit species, seu ratio quædam contractus, ad cuius validitatem Ecclesia suas condiciones, ac solemnitates apponere potest: hinc sicuti statuere potuit nullum esse eiusmodi contractum inter consanguineos in quarto gradu, ita pariter sancire valet illud irritum fore, si Catholicus cum hæretico contrahat; & tunc in hoc casu necessaria esset fides ad Matrimonii celebrationem.

Quoad alia vero Sacramenta, si alia servanda servet Minister, defectus sui erroris circa Catholicam fidem, vel scissionis a corpore, & communione Ecclesie nihil impedit, quin Sacramentum valide conficiat. Et licet punctum istud Catholici dogmatis clare & expresse non legatur revelatum in divinis Scripturis, sed a sola ad nos derivetur perpetua Ecclesie Traditione; nihilominus cum aliis priorum temporum Patribus S. Augustinus demonstravit contra Donatistas, veritatem Sacramenti non pendere ex privata Ministri fide, vel probitate. Ex hanc Traditionem confirmat perpetua consuetudo, & praxis Ecclesie, præcipue Romanæ, quæ a tempore Apostolorum nunquam assueta fuit, rite ab hæreticis, vel schismaticis baptizatos rebaptizare. Dixi a tempore Apostolorum, cum neque alicuius Rom. Pontificis Decreto, neque Generalis alicuius Concilii canone inveniat hæc praxis aliquando instituta, sed ab initio per totam viguerit Ecclesiam, quæ nunquam plus requisivit in Ministro ad valorem Sacramentorum, nisi ut adhibeat debitam materiam, & formam, & habeat intentionem faciendi, quod Christus instituit, vel saltem quod facit Ecclesia. Hinc Concil. Tridentinum definivit præcipue de Baptismo sess. 7. can. 4. ut dogma fidei eius validitatem, etiam si conficiatur ab Hæretico, vel improbo Ministro habente intentionem faciendi quod facit Ecclesia.

Ex eadem Traditionis doctrina sequitur, quod sicuti, valide conficit Sacramenta Minister tametsi hæreticus, vel schismaticus, sic valide conficit, licet improbus, sive publicus sit, sive privatus. Ita sensit olim Ecclesia contra hæreticos, præcipue Donatistas, qui sustinebant a malis pollui Sacramenta, eorumque effectum impediri, adeoque docebant iterandum esse, tamquam non actum, quidquid ab ipsis, præcipue si fuissent hæretici, circa Sacramentorum consecrationem attentatum fuisset.

Multis Sacre Scripturæ testimoniis hæc Ecclesie veritatem comprobatur. D. August. quæ legi possunt præcipue in Eptio, quorum aliqua hic ab eodem afferuntur, quæ tamen brevitatis gratia prætermitto.

Et revera Sacramenta Ecclesie sunt Christi Sacramenta, idest quæ vim habent operandi, scilicet sanctificandi, a Christo Domino, non autem a meritis hominum, licet nonnisi per hominis ministerium voluerit Christus ea administrari, tamquam per causam nonnisi tamen instrumentalem, cuius qualitas, eo excepto quod ad rationem pertinet instrumenti, nihil confert effectui, non secus ac nihil confert curationi ægroti utrum corpus Medici sanum sit, vel ægrum, dummodo ea non prætermittat, quæ ad medendum, iuxta regulas suæ artis, ut necessaria exiguntur. Potestas enim conficiendi Sacramenta collata a Christo Ministris, est gratia gratis data, quæ non est impossibilis cum peccato. Alias cum fides, vel probitas sæpe sæpius desit in Ministris Sacramentorum, sæpe & de facili exposita essent Sacramenta nullitati, tum magno animarum detrimento, & sic Christus parum Ecclesie suæ providisset.

Qui ulterius super hoc desideret, adeat Theologos Dogmat. ut P. Berti, Tournet. Hab. Eptium, qui fusius de hoc pertrahant pro Theologo enim morali hæc satis esse censeo.

## §. V.

*De qualitate Ministri quoad fidem, & probitatem ad licitam Sacramentorum consecrationem, & administrationem.*

Communis est Theologorum sententia, ut licite Minister Sacramenta conficiat, necesse esse, ut sit in statu gratiæ; ita ut si cum conscientia labe mortali gravata, Sacramenta conficere audeat, graviter delinquat. Et hoc manifeste probant variae Scripturarum testimonia, ut Exodi 19. Sacerdotes, qui accedunt ad Dominum sanctificantur, ne percussat eos; & Levit. 21. Sancti erunt Deo suo; & non polluent nomen eius; incensum enim Domini, & panes Dei sui offerunt, & ideo sancti erunt. Et cap. 22. Omnis homo, qui accesserit de stirpe vestra ad ea quæ consecrata sunt, in quo est immunditia, peribit coram Domino. Ita hic loquitur, & alibi etiam Sacer textus de interna dispositione Sacerdotum veteris legis, ne illicite & culpabiliter ad sacra accederent ministeria Sacrificiorum &c. Unde argumentari

tari sic licet, quod si gravis poena, ad hoc ut sit iusta, gravem supponit culpam, si gravis culpa, ut ex poena comminata supponitur, erat Ministrorum veteris legis, si sine debita munditia conscientiae, & puritate accessissent ad celebranda illius legis Sacramenta, quæ umbræ erant dumtaxat, & figuræ nostrorum Ecclesiæ Sacramentorum: nemo non videt, quam grave scelus committant Sacerdotes legis evangelicæ, si accedant labe mortali inquinati ad Sacramenta conficienda, quæ talia reipsa sunt, & propter alias etiam circumstantias, tantæ sunt sanctitatis, & dignitatis. Testimoniis Scripturæ addi possent in confirmationem tam evidentis veritatis poene innumera SS. PP. Summorum Pontificum, & Sac. Canonum testimonia, ut August. Gregor. Magni, Bernardi, Angelici, Nicolai I. Pontificis ad consulti Bulgarorum cap. 7. Gregor. IX. de Temporib. ordinationum, Ritual. Rom. edit. iussu Pauli V. S. Carol. Borrom. Catechism. Rom. part. 2. n. 23. quorum verba brevitate gratia asserere prætermitto, utpote quæ videri possint ab eo, qui ita optaret in Hab. Tournel. P. Berti, & alibi. Unde Concil. Tridentinum sess. 13. cap. 7. admonet, ac iubet, ut nemo conficius mortalis peccati, quantumvis sibi contritus videatur, non audeat accedere ad sacram conficiendam, sumendamque Eucharistiam non præmissa sacramentali Confessione. Et si deficiat copia Confessarii, & necessitas urgeat, puta celebrandi, sine prævia confessione, quamprimum, idest sine ulla voluntaria mora, ut explicant ly *Quamprimum* Theologi, & Canonistæ, confiteatur.

Gravitas culpæ in illo, qui cum conscientia peccati læthalis Sacramenta conficit, secundum aliquos repetenda est a dignitate Sacramentorum novæ legis, & excellentia gratiæ sanctificantis, quæ ipsa Sacramenta ex opere operato producant. Unde inferunt, non incurri in novum crimen, qui cum tali labe Sacramentalia conficiat, Epistolam, vel Evangelium solemniter legat &c. quia per eiusmodi gratia sanctificans non confertur: quod nonnulli extendunt etiam ad ministracionem Eucharistiæ iam confectæ; quia tunc minister nec Sacramentum conficit, nec gratiam conferre, nisi remote, non secus ac laicus, qui Eucharistiam alteri porrigeret.

Verum licet hæc ratio augeat peccatum mali Ministri, non est tamen secundum aliquos adæquata; quia cap. *Quæsitum* non solum arcentur a ministrando Sacerdotes, qui

sunt in peccato, sed etiam inferiores Clerici a suis ministris, licet hæc non producant gratiam ex opere operato; tum quia etiam Sacramenta, & sacrificia veteris legis, tametsi egea, & vacua, munditiam requirebant in suis Ministris sub poena capitis.

Alii vero Theologi communiter volunt, gravitatem peccati indigne ministrantis repetendam esse, tum ex sanctitate Sacramentorum novæ legis, tum ex ipsius Ministri consecratione, & speciali deputatione ad sacra ministeria, quod reddit rationem adæquatam, & aperit viam sequenti disquisitioni.

*Exponitur sententia DD. respectu dispositionis pure ministrantium tum Sacramentorum, tum Sacramentalium, tum aliarum Ecclesiasticarum functionum, ut licite peragantur.*

Nota, duplicem esse Sacramentorum Ministrum; unum ut dicunt Theologi *solemnitatis*, idest qui ad hoc specialiter est consecratus ab Ecclesia, vel deputatus, ut Episcopus confirmans, Sacerdos absolvens; alterum *necessitatis*, qui nec ad hoc consecratus est ab Ecclesia, nec specialiter deputatus, ut Laicus baptizans in necessitate. Unde paucis exceptis, communiter concludunt, quod Minister solemnitatis Sacramentorum si seclusa ignorantia, inadvertentia, necessitate Sacramentum ministrat in statu peccati mortalis, sit gravis peccati reus, & est communis contra paucos. Habetur enim ex Apostolo ad Titum, Dispensatorem Dei debere esse sine crimine: Et ex cap. ultims. 15. q. 8. ubi Nicolaus I. ait; *Mali administrando se tantummodo lædunt*. Item ex Ritual. Rom. *Impure, & indigne Sacramenta ministrantes, in æternæ mortis reatum incurrun*. *Ad Sacramentorum administrationem non audeat accedere nisi corde penitens; & si habeat copiam Confessarii, & temporis, locique ratio ferat, convenit confiteri*. Magnam enim irreverentiam irrogat Christo, cuius, ut principalis eius Minister, vicem personæ gerit, & sanctitati Sacramentorum indigne in re gravi ea tractando, qui cum læthali macula audet res tam sanctas, nomine, & vice ipsius Christi ministrare. Et eo vel maxime, quod ratio ipsa sui status, & officii puritatem animi exigit in Sacramentorum ministracione, cum Sacerdos per gratiam sacro ipsius ordinationis institutus sit a Christo Domino publicus Ecclesiæ Minister, ad hoc, ut cum debita conscientiae dispositione digne ministrat Fidelibus Sacramenta, quæ sunt præcipua divinæ suæ gratiæ instrumenta.

Duplex  
Sacra-  
mento-  
rum Mi-  
nister.

menta, quibus suscipientes sanctificantur, eisdemque merita ipsius Christi Domini applicantur.

Dixi notanter *seclusa ignorantia, inadvertentia, aut necessitate*. Nam excusaretur, & invincibiliter ignoraret, se esse in statu mortalis reatus, vel propter animi turbationem ad suum statum non adverteret, vel si talis sit urgens necessitas, ut non detur locus contritioni, puta si iam moriturus absolvi, aut baptizari deberet. Nam cum in huiusmodi circumstantiis nequeat simul persolvere debita religionis, & charitatis, secundum præferendum est primo, eo quod non sint homines propter Sacramenta, sed Sacramenta propter homines. Verum quidem est, nunquam licere positive tractare irreverenter Sacramenta, hæc irridere, contemnere, puta hostiam consecratam proicere, pedibus concutere; licet tamen aliquando negative, nempe non exerceere erga eandem omnem reverentiam, quam debetur eorum sanctitati, quando homines cum periculo suæ salutis illis essent privandi. Et huiusmodi præsumitur Christi voluntas, cum propter hominum salutem Sacramenta institueris. Advertat tamen unusquisque, quod cum quolibet exiguo tempore donare valeat Deus contritionis gratiam, ideo non tam facile de temporis defectu sibi adulentur.

Quoad Ministrum vero necessitatis, licet non sit communis, probabilius tamen videtur, quod docent Vasquez & de Lugo, graviter peccare, etiam non consecratum, si cum conscientia lethalis peccati ex necessitate ministraret, vel conficiat, puta laicus baptizet. Nam allati textus, & PP. generatim omnes sine distinctione comprehendunt Ministros, sive consecrati sint, sive non, sive solemniter, sive non solemniter ministrantes. Insuper cum sanctitas Sacramentorum, & dignitas personæ Christi in cuius nomine etiam Ministri non consecrati agunt, & ministrant, non varietur ad variationem Ministri; sic eadem respectu cuiuscunque Ministri, sub gravi, & in re gravi est exigentia & meritum, ut sancte, & reverenter ab unoquoque tractentur, & ne Christo irreverentia irrogetur; quod non fit, quando Minister ea ministrat, & tractat cum conscientia peccati lethalis.

Quare baptizantes, absolventes, aut inuogentes in statu peccati lethalis tot numero peccata committunt; quot baptizant, absolvent, inungunt, utpote qui non solum ministrant, sed etiam conficiant sine inter-

*Instit. Theol. Moral. Tom. IV.*

na animi dispositione, nempe statim gratiæ, tametsi baptisimata, & absolutiones sibi immediate succedant, cum quolibet baptisma, & absolutio sint integra actio, & completa, idcirco a priori, vel posteriori prorsus independens.

Cum pariter certissimum sit, mortaliter peccare Sacerdotem, vel Diaconum, qui sacram Eucharistiam in statu læthalis culpæ ministraret, ut ex textibus, & rationibus antea allatis constat, nempe quod sancta sancte sint tractanda, & in gerenda Christi vice cum intima puritate animi reverenter erga Christi personam in ministrando eius nomine sit agendum: tamen non conveniunt Theologi in statuendo, num in eisdem S. Eucharistiæ administratione tot committantur peccata, quot sunt personæ, quibus in eadem actione eam Sacerdos administrat; an vero unicum peccatum pro qualibet vice, qua accedit ad eandem distribuendam, licet longo intervallo talis distributio progredietur, puta per quadrantem, & etiam per horam sine morali interruptione. Concedunt aliqui, Ministrum tot committere peccata, quot hominibus etiam continue Eucharistiam distribuit: Alii vero pœne communiter, & probabilius tenent, in omni Eucharistiæ distributione, quæ etiam pluribus sit sine ulla morali interruptione, non esse nisi unicum peccatum. Nam licet quælibet distributio sit actio physice completa, non secus ac in Sacramento Pœnitentiæ quælibet absolutio; tamen cum Eucharistia sit instituta per modum convivii, cui multi interfunt, plures successivæ, & non interruptæ distributiones ipsius Eucharistiæ, singulæ moraliter coalescunt in unicam totalem; nempe in unum idemque convivium. Si tamen distributiones essent moraliter interruptæ, una moraliter non esset idem cum alia, ac ideo plura essent peccata. Et quia quælibet distributio indigna ultra primam est circumstantia aggravans, cum solitarie sumpta sit grave peccatum; exprimens est in confessione numerus personarum, quibus facta est distributio, vel saltem si hoc fieri nequeat, tempus, plus, minusve distributionis.

Porro triplicis malitiæ mortalis in confessione aperiendæ reus est Sacerdos, qui in mortali celebrat, ac se ipsum communicat: scilicet indignæ confessionis, malæ ministrationis, & indignæ susceptionis, non minus ac si alteri indignè ministraret, & ab altero indigne susciperet. Ita P. Antoi. hic cum Suar.

Triplix malitiæ reus sit indignæ, etc. brans.

D

Con-

Quid de  
contra-  
hentibus  
matri-  
monium  
cum con-  
scientia  
mortalis  
peccati.

Contrahentes Matrimonium in statu peccati mortalis, in sententia eorum, qui volunt contrahentes esse Ministros, rei sunt duplicis culpæ mortalis, & quia tamquam Ministri Sacramentum indigni conficiunt, & quia tamquam subiecta illud indigne recipiunt. Et in hac sententia cum Parochus assistens non gerat vices Ministri, sed testis, non peccat mortaliter, si in statu culpæ læthalis assistat. Peccat quidem in sententia eorum, qui volunt Parochum esse huius Sacramenti Ministrum, & sic non peccant contrahentes, nisi ut subiectum suscipiens.

Quid de  
Diacono,  
& Subdiacono  
sua  
munia in  
mortalis  
exercentibus.

De Diacono, ac Subdiacono non conveniunt DD. Cogitant aliqui hos mortaliter delinquere, si cum labe mortali sua exercent munia, canendo scilicet solemniter Evangelium, vel Epistolam, Ita D. Thom. in 4. dist. 24. q. 1. art. 3. q. 5. & ratio est, quia eorum ministerium proxime accedit ad Sacram Eucharistiam conficiendam, ac ad illud specialiter consecrati sunt, & specialiter deputati. Ita Habert cum D. Thoma cit. & de Diacono Henno. Alii vero volunt hoc peccare solummodo venialiter, cum ipsis non videatur materia ita gravis, ut possit esse grave sacrilegium; cum eorum officia nec sanctitatem conferant ex opere operato, nec moraliter sint actiones Christi, nec eius nomine peragantur. Hanc sententiam docet Suarez disp. 26. ut probabilior, licet, nescio quomodo probabilior opposita hanc vocare possit, præcipue de Diacono, (quia de Subdiacono, qui remotius inservit sacre Eucharistie ministerio gravior vertitur controversia) cum pro ista non militet, neo ratio evidens, nec auctoritas sufficiens sit pro illa, & iuxta regulam morum, ubi agitur de salute, tutior pars est amplectenda. Cæteroquin ipse Suarez eos a mortali excusat, dummodo non habeant animum, & consuetudinem sic ministrandi, id est in malo statu; alioquin etiam per dictum Suarezium non facile essent excusandi a mortali, quia illa consuetudo, & propositum videtur oriri ex quodam contemptu vel formali, vel virtuali, & quia illud obiectum ita sumptum videtur satis grave. Antoi. Habert.

Quid de  
Clericis  
inferioribus  
sua  
officia in  
gravi culpa  
exercentibus.

Quod spectat vero ad inferiores Clericos, Acolythos nempe, Lectores, Ostiarios, & clericali tonsura initiatos, communis est Theologorum sententia, & fere certa, eos non peccare mortaliter, si cum læthali culpa sua munia exercent. Quia cum huiusmodi functiones iuxta hodiernum Ecclesiæ usum peragantur etiam a laicis, qui in

his hodie ministrant, non censentur agere tamquam Ministri consecrati, & ab Ecclesia specialiter deputati, & quia illa ministeria sunt remota a proprio actu sacrificandi, & censentur officia imperfecta respectu sacri ministerii. Peccant tamen venialiter, dum in solemnem, ac publico ritu illa exercent, quia proprie sunt actus Ordinis ad quem sunt consecrati.

Verum gravior est controversia de Concionatoribus, quæ tamen ex illo præcipue pendet, an munus illud ex iure divino sit proprium solius Episcopi, an etiam adiunctum sit ex ipso iure divino Præbiteratus ordini & officio, ut videtur Caietano, aliis quamplurimis contradicentibus, quia in ordinatione Presbyteri nulla huiusmodi ministerii fiat mentio, nec illud ad omnes Presbyteros spectet; sed his tantummodo incumbere possit ex Episcopi licentia, aut quia Beneficium possident, cui adiuncta est cura animarum. Unde ex hoc capite licet actio concionandi inter sacras actiones computetur, quia tamen non continet in se gratiam, nec ordini Sacerdotali secundum communionem est annexa, cum exerceri valeat etiam a Tonsuratis, absolute & per se dicendum est non peccare, saltem graviter, concionantem cum conscientia mortali labe polluta. Dixi absolute, & per se; quia hoc potest contingere per accidens, ratione malæ ædificationis, pravi exempli, seu scandali, si Concionatoris peccatum sit publice manifestum auditoribus, vel si dum est occultum, nullatenus se ad humiliationem, & poenitentiam excitet, ac proinde vel in aliis dedecore vitæ suæ, vel in se simulatione, & hypocrisis, sanctæ impediatur fructum prædicationis: in quorum utroque casu valde probabile est graviter peccare; cum in his casibus cadant super verbi Dei Ministrum exprobrationes divinarum Scripturarum, ut Psalm. 49. Peccatori autem dixit Deus; quare tu enarras iustitias meas, & assumis testamentum meum, per os tuum? & Lucæ 4. Medice cura te ipsum: & huc spectat illud D. Augustini l. 3. contra Epist. Petil. cap. 56. n. 68. Forma Sacramenti datur per baptismum, forma iustitiæ per Evangelium.

Quid de  
Concionatori-  
bus munus  
suum in lethali  
exercentibus.

## §. VI.

De Ministro, qui conficit Sacramentalia in peccato mortali.

Maior difficultas, quæ oriri possit circa Ministros Sacramentalium qui cum mortali labe ea conficiunt, est circa Episcopum conficien-

ficientem in tali statu sacrum chrisma, oleumque infirmorum, quem a mortali excusat P. Henno. Ego tamen libentius adhæreo P. Antoine, qui sustinet illum læthaliiter peccare, quia eius rationes me magis movent, nempe quod istæ consecrationes, & benedictiones fiant a Ministro ad id consecrato. Etenim per illas fit materia Confirmationis, & Extremæ Unctionis, in quibus gratia confertur partialiter intuitu materiæ sic consecratæ; cum chrisma, oleumque infirmorum non sit materia Sacramenti, nisi ut benedicta, & consecrata. Insuper in illis actionibus se profert, ut Christi Ministrum, eiusque personam immediate sustinet, idcirco gravem Christo irrogat iniuriam huiusmodi actiones in læthali exercendo, cum graviter eius dignitatem sanctitatemque lædat. Non currit igitur paritas, quam affert P. Henno de eo, qui coquit panem, vel exprimit vinum pro Eucharistia, cum hi hæc parent actione mere naturali, nec ullatenus sacra, & religiosa, nec in tali actione Christi vicem personamque gerunt, nec se habent ut eius Ministri, sicuti Episcopus in consecratione chrismatis, & olei infirmorum. Et talis consecratio est multo proximior Sacramento, & collationi gratiæ ex opere operato, quam consecratio Templi, Altaris, Calicis, aliorumque Sacramentalium. Quocirca non immerito dici potest, non peccare nisi ad summum venialiter, ob aliquam indecentiam, & irreverentiam, qui sine sanctitate munia aliorum Sacramentalium exerceat, nempe consecrationis Templi, Altaris, Calicis, Benedictionis Abbatis, Vestium Sacerdotalium, Aquæ lustralis, Candelarum, Cinerum, Palmarum &c. Item si in tali statu conferatur Tonsura, fulminetur excommunicatio, suspensio, vel ab his absolvatur, quia hæc omnia nec sunt Sacramenta, nec actiones Sacramentales; unde nec merita Christi dispensat Minister, nec agit eius nomine, cum hæc non ex iure divino, sed Ecclesiastico annexa sint Ordini, unde non requirunt saltem sub mortali statum gratiæ. Henn. P. Antoi.

Hic addendum est, quod gravissimum, ac sacrilegum scelus committit, qui non horrebit tentare Sacramentorum consecrationem, dum caret potestate Ordinis, vel etiam iurisdictionis, quæ etiam in aliquo requiritur necessario ad tale opus; quia gravem irreverentiam Christo infert, volendo gerere personam eius, & eius nomine aliquid sacrum peragere, cum per sacram ordinationem non sit ab eo, nec ab Ecclesia ad hoc deputa-

tus. Item suo impio facto, falsam doctrinam profitetur; & tandem in re valde gravi proximum decipit.

## §. VII.

*De debito Ministri servandi diligenter accidentales ritus, seu ceremonias usitatas ab Ecclesia in Sacramentis conficiendis & administrandis.*

Tenetur quilibet Sacer Minister accurate servare ritus receptos & approbatos ab Ecclesia catholica, consuetos adhiberi in Sacramentorum consecratione, vel administratione, ut non solum enorme scelus sit eos contemnere, sed nequidem omitti possunt pro libitu a Ministro, aut in alios novos per quemcunque Ecclesiarum Pastorem immutari, si ve substantialiter, si ve accidentaliter sine culpa, sicuti sub pœna anathematis credendum definivit, ac proposuit Concil. Tridentinum sess. 7. can. 13. Talis est etiam Ecclesiæ præceptum, simulque consuetudo, quæ vim obtinet legis. Etenim, dum Ecclesia modum præscribit administrandi Sacramenta, illum servari iubet, alias nihil esset firmum, ac stabile in divino cultu. Quod sane, utpote ad religionis virtutem pertinens, affert obligationem ex genere suo gravi, cum huiusmodi ritus sint religiosæ actiones institutæ ab Ecclesia ad decentem Sacramentorum administrationem, ad devotionem excitandam, ad sacram significationem. Hinc si sine urgenti necessitate, vel inadvertentia aliquid omittatur, est mortale, si omissio sit in re gravi, venialis si omissio sit in re levi. Semper tamen est mortale, si minima ceremonia omittatur ex contemptu eam ineptam reputando, inanem, aut aliquid simile, eo quia gravis iniuria irrogetur, & Ecclesiæ, & Spiritui Sancto, qui eam regit.

## §. VIII.

*De reatu illius, qui Sacramenta simularet, seu fiste ea conficeret, aut ministraret.*

Semper illicitum est sub mortali simulare, seu fingere consecrationem, & administrationem Sacramenti, ut constat ex cap. 7. de Celebrat. Missar. ubi dicitur gravius peccare, qui fiste, ac simulate Missam celebraret, quam qui in statu læthalis peccati celebraret. Hinc etiam Innoc. XI. damnavit proposit. quæ n. est 29. in qua si habetur: *Urgens metus gravis est iusta causa Sacramentorum administrationem simulandi.* Gravis enim est irreverentia contra Christum

Domini sic abuti verbis, ac rebus sacris ab eo institutis ad verum Sacramentum; hoc enim revera est illudere Christo, dum simulate fingit Minister se externe ipsius personam agere, quod simul etiam est mendacium in re gravissima: Nam proprio suo facto, & exercite talis se dicit agere in nomine, & persona Christi, idest baptizare, absolvere, consecrare, &c. dum scit hæc non fieri. Similiter est semper mortale simulare susceptionem Sacramenti. Nam defectus veræ intentionis illud suscipiendi, impedit effectum cuiusvis Sacramenti, etiam Eucharistiæ, imo valorem aliorum sex consistentium in actione transeunte. Ad valorem enim, & effectum Eucharistiæ necesse est, ut adultus eam suscipiens habeat veram intentionem, & animum saltem habitualem eam suscipiendi. Verum cum gravi iniuria inferatur Christo Sacramentorum auctori, irrita ea reddendo, & inania, idcirco huiusmodi defectus est grave sacrilegium.

Quare nunquam licitum reddi potest, nequidem ad evitandum quodvis malum quantumvis grave, ministrare scienter etiam consentienti, ac recipere hostiam non consecratam pro consecrata; ut, puta tempore Paschæ, vel in alia circumstantia ad scandalum tollendum, appareat quis sacramentum suscepisse Eucharistiæ pro Ecclesiæ præcepto adimplendo, vel in alia etiam circumstantia, ad vitandum de malo tamen occulto suscipientis suspensionem. Nam per se, & in re gravi malum est, proponere alteri adorandum cultu divino lætias puram creaturam, & apponere causam idololatriæ etiam materialis, sicuti in hoc casu contingeret, tum respectu adstantium hanc fraudem ignorantium, tum respectu illius, qui externe reverentia illam hostiam susciperet, sicque scienter externam committeret idololatriam; quod est intrinsece malum, non secus ac thus coram Idolo adolere, tametsi non plus quis intelligeret, quam se delectari illius obfactu, eo quia hoc sit cultu externo illud venerari, quod impium est, & sacrilegium.

### §. I X.

*An licite Sacramentum ministrari possit indigno.*

Nota 1. quod nomine indigni, & indispositi intelligitur Peccator, qui non se penituerit, vel excommunicatus non absolutus, postremo quorum ne ministrentur Sacramenta, comminata est etiam censura.

Nota 2. Peccatorem non penitentem alium esse publicum, alium occultum. Peccator vero publicus dupliciter talis esse potest; vel publicitate, seu notorietate iuris, quando aut per sententiam Iudicis, aut per ipsius confessionem, aut per testimonium depositionem talis in iudicio declaratus est; vel publicitate facti, quia scelus commissum sit in loco publico, ut nulla tergiversatione celari possit, cum per multos iam innotescat, vel cum eius fama ex sufficientibus indiciis orta iam pervenit ad multos, brevi ad alios perventura. Peccator vero occultus ille intelligitur, qui a sacro Ministro cognitus est talis, idest peccator solum cognitus in confessione. Hisce notatis sit.

Peccatori publico indigne petenti, seu quem scit Minister non penituisse, nec publicum scandalum removisse, nec publicum, sive private, sive occulte petat, non potest sacer Minister sine gravi culpa Sacramenta ministrare; quia cum quilibet dispensator teneatur fideliter, & prudenter dispensare iuxta voluntatem Domini sui, ut 1. Corinth. 4. *Hic iam queritur inter dispensatores, ut fidelis quis inveniat;* profecto infideliter dispensaret Minister ecclesiasticus, & contra voluntatem Domini sui, qui vetuit ne margaritæ proiciantur ante porcos, idest ne sancta præbeantur indignis; unde Minister præbens tali indigno Sacramentum, in re gravi deficeret oneri & officio, quod sibi incumbit, scilicet ne indignos ad Sacramenta admittat. Insuper talis Minister cooperetur indignæ, seu sacrilegæ receptioni suscipientis, cum nulla possit esse maior cooperatio ad recipiendum, quam dare voluntarie non solum, sed etiam sine ulla obligatione.

Dixi, quem scit Minister non penituisse, nec publicum scandalum removisse: Nam si sufficientia dederit veræ conversionis signa, & scandalum publicum sustulerit, tunc licite tali peccatori, sive publice, sive occulte petat, possunt ministrari Sacramenta, cum cessaverit ratio, quæ eum indignum, & incapacem reddebat, ut illa ipsi ministrarentur.

Exipe tamen ex hac regula Sacramentum Matrimonii, cum non convenient Theologi, nunc sint Ministri huius Sacramenti contrahentes, vel Sacerdos; nec peccat contrahens cum publico peccatore, necque peccato illius cooperatur; quia in ipso stat; ut saltem per contritionem se disponat, alias multa sequerentur inconvenientia, si contrahens deberet esse sollicitus de iustitia alterius contrahentis, ac multæ fraudes interponi

poni possent. Unde Ecclesia alicubi tolerat Catholicum contrahere cum Hæretica.

Peccatori vero occulto, qui solum ex confessione talis agnoscitur, indigne petenti, non solum licite potest, imo tenetur Minister Sacramenta administrare dum publice petit; imo etiamsi eum talem cognoscat extra confessionem. Et ratio primi est; quia ne confessio reddatur odiosa, & ne ab illa homines retrahantur, non licet uti extra Confessionem cognitione habita in confessione, sicuti fieret denegando Sacramenta cognito ex sola confessione indigno. Ratio vero secundi est, quia læderetur eius fama, cum gravi scandalo, dum aliquin quoad utrumque calum possit respicisse, cum in momento hoc contingere valeat. Et alias præcepta iustitiæ, & charitatis, quæ striatius urgent, quem præceptum solius religionis, violarentur. Et hæc est praxis Ecclesiæ, iuxta Christi exemplum, qui ludam, quem noverat indignum, non exclusit a sui corporis, & sanguinis communionem, ut peccatoribus occultis publice petentibus Sacramenta non denegentur. Docuit enim Christus suo exemplo, in tali casu danda esse, ne proximus infametur; & quia secus orirentur gravia scandala, incommoda, & perturbaciones. Quocirca cum Minister in tali casu dispenset ex obligatione, non cooperatur moraliter alterius crimini; nec externa receptio est per se mala, sed solum per accidens, nempe ex prava dispositione suscipientis, qui cum etiam in momento queat poenitere, esset bona, si vellet, actum contritionis eidem præmittendo.

Quod si peccator occultus occulte petat, vel solum coram iis, qui eius indignitatem norunt, potest, & debet minister Sacramenta denegare. Ita ex Rituali Romano, & hoc iuxta varios Doctores, tametsi eius indignitas ex sola Confessione sit nota, modo nullus alius adit; quia tunc nulla est revelatio confessionis. Multi tamen hoc negant; quia tunc esset quædam virtualis exprobatio, & commemoratio peccati, quod iure divino graviter est illicitum.

Ex dictis autem sequitur, Ministrum debere providere, ut suscipiens habeat dispositiones ad Sacramentum licite, & utiliter suscipiendum; ita ut non sufficiat, quod non sciat esse indignum, verum debet posse prudenter præsumere quod sit dignus, alioquin non est prudens, & fidelis dispensator, & se exponeret periculo ministrandi indigno, & privandi Sacramentum effectu saltem primario, nempe gratia sanctificante. In huiusmodi Theol. Moral. Tom. IV.

iusmodi tamen cautela attendenda est natura cuiuslibet Sacramenti, praxis Ecclesiæ, commune iudicium prudentum. Sic accuratior requiritur noticia dispositionis in Sacramento Poenitentiae; quia in hoc Confessarius est iudex in causa Dei, qui debet examinare conscientiam poenitentis, & eius dignitatem, aut indignitatem, ut possit debite ferre sententiam, & quia dispositio poenitentis requiritur ad valorem Sacramenti. Sic Sacramenta, quæ statim constituunt variis obnoxium obligationibus, ut Baptismus, Ordo, Matrimonium exigunt maiorem dispositionis indicium, probationemque. Hætenus P. Antoine.

Quoad excommunicatos vero alii sunt denunciati, aut manifesti Clericorum percussores; alii non denunciati, nec manifesti Clericorum percussores. Primis, quo usque absolvantur, vel verisimile præsumatur absolutos esse, Sacramenta nequit administrare Minister, absque eo quod præter mortalem culpam incurrat quoque excommunicationem minorem, & Interdictum ab ingressu Ecclesiæ, ut cap. *Significavit*, cap. *Cum desideris de sentent. Excommunicat.*

Quod si excommunicati sint denunciati a Papa, incurrit minister excommunicationem maiorem reservatam Papæ, ut ex cit. cap. *Significavit*, & Clement. 3. eodem titulo. Si vero essent excommunicati propter hæresim, vel quia fautores sunt hæreticorum, suspendendus esset ab officio, nec restituendus sine Papæ dispensatione.

Si autem administraret Sacramenta excommunicatis non denunciatis, nec manifestis Clericorum percussoribus, cum non obligetur talibus denegare ex vi censuræ, iuxta Extravag. *Ad vitanam*, sed solum ex generali ratione, quod indebite antequam absolvantur, accedant, non incurreret nisi mortale reatum, non autem censuram, ut Suarez, Vasquez, Bonacina, aliive.

## S. X.

*An liceat petere vel recipere Sacramentum ab indigno Ministro.*

Priusquam res discutiatur, advertendum, Ministrum improbum vel non esse toleratum, ut sunt iuxta Concil. Constantien. maiori innodati Excommunicatione, sivei hæretici, publici Clericorum percussores, nominatim per sententiam Iudicis declarati excommunicati, & suspensi, degradati, irregulares; vel esse toleratum, ut ille, qui

D 3 licet



licet sit peccator, vel etiam ipso facto excommunicationem incurrit, non est tamen nominatim per sententiam Iudicis declaratus excommunicatus vel suspensus, nec est notorius Clericorum percussor.

Ab improbo Ministro non tolerato licite petere, & accipere nequit Sacramenta, nisi constitutus in extrema necessitate, idest in periculo mortis, & tunc etiam ea tantummodo, quibus indiget ad suam spiritualem salutem, nempe Baptismum, vel Pœnitentiam, utpote ad illam necessitate medii necessaria. Et hoc constat ex D. Thoma in 4. dist. 24. q. 1. art. 3. quæstiuncul. 5. ad 3. ubi docet, illicitum esse petere, ac recipere ab improbo Ministro extra casum extremæ necessitatis Sacramenta, quando tamen eius indignitas, seu improbitas petenti, vel accipienti sit cognita; & sic duo concurrere debent ex S. Doctore, ut illicitum sit petere, aut accipere ab huiusmodi Ministro Sacramenta. Primum nempe, quod nulla sit necessitas petendi, aut suscipiendi. Secundum, quod constet Ministrum esse male dispositum, & cum prava dispositione ministraturum, alias in dubio, præsupponendus est bonus, quia nisi moveant indicia moraliter certa, charitas non cogitat malum, 1. Corinthior. cap. 13. Certa autem indicia difficilime haberi possunt, nisi Minister versetur, vel in proxima occasione, vel in diuturna consuetudine peccati, ut si v. g. Pastor sit ebrius, vel concubinaris, & notorie ineptus ad Sacramentorum ministerium.

Insuper veritas huiusce sententiæ confirmatur ex Ecclesiæ præcepto, quo vetat communicationem cum non tolerato, præsertim in rebus sacris; & ex eo, quod non licet petere ab aliquo id, quod sine peccato præstare nequit; quod sane fieret petendo a tali Ministro Sacramenta extra necessitatem. Hoc enim esset eum inducere, ac provocare ad malum. Et sicuti illicitum est petere, ita accipere ab aliquo, quod præbere non valet; quia hoc esset cooperare illius peccato, quod melius apertiusque fieri non potest, sicuti acceptando rem illicitam, sine qua acceptione non fit datio.

Quod vero liceat petere a Ministro improbo non tolerato in casu extremæ necessitatis, id docet manifeste D. Augustinus l. de Baptismo. cap. 11. ubi sic habet; *Si quem forte coegeris extrema necessitas, ubi Catholicum per quem accipias (Baptismum) non inveneris. . . per aliquem extra unitatem Catholicam possum acceperis.* Et ita de Sacra-

mento Pœnitentiæ definit Concil. Tridentinum sess. 14. cap. 7. In Ecclesia Dei semper custoditum fuit, ut nulla sit reservatio in articulo mortis, atque adeo omnes Sacerdotes quoslibet pœnitentes, a quibuscunque casibus, & censuris, absolvere possunt. Et ratio est, quia lex Ecclesiastica non præiudicat iuri naturali, & divino; & sicuti prohibere nequit, quod excommunicatus denunciatus succurrat naufraganti, aut famæ pereunti, multo minus id vetare potest relate ad constitutum in periculo æternæ damnationis.

Circa vero Ministrum improbum toleratum; ab hoc quoque, quando moraliter constet peccaturum ministrando, petere, vel accipere Sacramentum, si adsit alius probus, illicitum est iure naturali, & divino. Nam ex lege charitatis in Deum & proximum tenetur quisque impedire peccatum proximi quantum potest sine gravi proprio damno, & incommodo. Igitur nisi adsit aliqua necessitas, debet se quisque cavere a petendo, vel accipiendo Sacramenta ab eo, qui peccaturus deprehenditur conferendo. Et eo magis hoc quisque, quando sine suo gravi incommodo possit, evitare debet; quia alias sine iusta causa occasionem daret peccandi, ac proinde moraliter cooperaretur eius peccato, dum facile hoc impedire potest. Et licet paratus esset ministrare, te tamen non petente, aut recipiente, malam voluntatem non exequeretur, & sic hic & nunc non peccaret, & hoc numero sacrilegium non admitteret. Si iusta vero, & gravis adsit causa, seu aliqua necessitas, quæ tanta tamen requiritur, quanta ut licite petatur mutuum ab Usurario, iuramentum ab Infideli; tunc licitum est per se loquendo hæc petere, & accipere Sacramenta ab indigno tolerato, si alius desit, a quo hæc peti, & recipi queant. Dista autem necessitas adesse censetur, dum instet præceptum confitendi, aut sumendi Eucharistiam quindenna Paschali, aut recipiendi benedictionem Nuptialem, Extremam unctionem in morbo. Unde tunc licite quisque recipit Sacramenta a Parocho, tametsi excommunicato, & suspensio, sed tolerato; quia tunc petens & recipiens, si alius non adsit Sacerdos a quo illa spiritualia subsidia ei ministrantur, versatur in gravi necessitate.

Et eo magis tunc honeste, & licite petit, ac accipit, quia petit, & accipit rem ab eo, qui licet indignus & peccaturus prævideatur, pœnitere tamen potest hic, & nunc; unde si male ministret, imputandum est eius

eius malitiæ, non alterius petitioni. Et charitas non obligat impedire peccatum in proximo, quod idem impedire potest, dum viget necessitas ut eius opere utamur.

Nota, quod a malo Ministro, tametsi tolerato, qui aperte profiteatur errorem aliquem ab Ecclesia damnatum, vel renitens sit iudicio Ecclesiæ in materia fidei, non licet petere, nec accipere Sacramenta extracausam extremæ, aut saltem gravissimæ necessitatis, quia alias oriretur scandalum, ac periculum perversionis fidelis populi, eo quod auctoritas conciliaretur errori, & fides.

§. XI.

*De subiecto Sacramentorum, & de eius dispositione requisita ad Sacramenta rite suscipienda.*

Sacramentorum subiectum ita in Scholis appellatur, qui Sacramentum a Ministro recipit, seu suscipit, & capax est effectus Sacramenti recipiendi; & de isto suscipiente tria occurrunt examinanda, idest 1. quisnam sit capax suscipiendi Sacramenta; 2. quænam intentio requiratur in eo, qui ad Sacramentum accedit, & cuius generis; 3. quam animi præparatione, ad fructum Sacramentum percipiendum, quisque ea suscipere debeat.

Nunc igitur expendendum est, an solus homo viator sit moraliter capax sive mediate, sive immediate recipiendi Sacramenta novæ legis. Dixi *moraliter*, quia non agitur de physica capacitate, quam habet ut sensibiliter affici possit, per sensibiles illos ritus, puta ablui per aquam Baptismatis; sed de capacitate morali, quæ afficit animum, & ex Christi institutione adiunctas exigit circumstantias, & condiciones. Hisce habitis sit.

Solus homo viator de lege ordinaria est subiectum capax suscipiendi Sacramenta; certum hoc est, & commune. Et hoc patet ex variis momentis, idest tum ex Christi institutione, qui talia remedia pro spiritali profectu viatorum hominum instituere voluit, non secus ac eorumdem Sacramentorum Ministros, ut Hebræor. 5. *Omnis namque Pontifex ex hominibus assumptus, pro hominibus constituitur in iis, quæ sunt ad Deum*; tum ex ipsa ratione. Nam si Sacramenta sunt quædam visibilia signa, quibus homines in Dei cultum sub alicuius religionis nomine coadunantur, si singulæ novæ legis Sacramenta sunt salutis remedia, ac veluti canales, per quos cœlestis gratia ad

creaturas defluit, si sunt instrumenta per quæ ad finem supernaturalem pervenitur; si per hæc (ait Concil. Triden. sess. 7. in Proem.) *omnis vera iustitia, vel incipit, vel cepta augeatur, vel amissa reparatur*; hæc omnia certe non possunt convenire nisi hominibus viatoribus, qui soli corpore, & animo prædicti sunt, ac ideo indigentes & capaces symbolorum sensibilium, nec non gratiæ sanctificantis per ipsa sensibilia signa applicabilis. Non enim creaturis irrationabilibus convenire possunt, quæ gratiæ sanctificantis sunt prorsus incapaces. Non Angelis, nec hominibus defunctis beatis, & quia utrique sunt incorporei, & quia gratia sanari, aut confirmari non indigent, & cum omni culpa, & eius periculo careant, eo quia sint iam in termino, ubi adhærentes incommutabiliter summo Bono, inamissibiliter suam possident æternam salutem, proinde cum non valent nec ab ipsa deficere, nec in ipsa proficere, non possunt effectus percipere Sacramentorum. Non tandem Dæmonibus, & hominibus damnatis, & quia hi quoque sunt incorporei, & quia cum perdidissent perpetuo æternam vitam, ut nullatenus illam sperare possint, nihil pro eis valent Sacramenta, quæ sunt solius æternæ salutis instituta remedia.

Observandum tamen, non quemlibet hominem viatorem capacem esse cuiuslibet Sacramenti; & hoc vel ex libera Christi voluntate, vel etiam ex natura rei: Nam foeminae sunt absolute impotentes Ordinis, infantes Matrimonii, Pœnitentiæ, Extremæ Unctionis; imo cum Baptismus sit ianua omnium aliorum Sacramentorum, quilibet non baptizatus est incapax cuiusvis aliorum Sacramentorum.

§. XII.

*De dispositionibus in suscipiente Sacramenta, quoad eius intentionem seu consensum.*

Nota, quod circa dispositiones, quæ requiri possunt in suscepturo Sacramenta, quarum aliæ sunt pro valida, aliæ pro licita, seu pro effectus Sacramenti susceptione, hoc semper intelligitur de solis adultis; nam in infantibus, & perpetuo amentibus nihil requiritur, ut valide ea recipiant, quorum sunt capaces, scilicet ut recipiant Baptismum, Confirmationem, Eucharistiam, & forte Ordinem, de quo est quæstio. Est contra Lutherum, qui exigit in quolibet Baptismate iniciando fidem actualem; & contra Erasmus, qui in Præfat. Paraphrasis in Matth. docet, baptizatos in infanzia, si in adole-

sentia Baptismum suum non ratificent, habendos esse pro non baptizatis. Et hoc patet ex perpetua Traditione, & praxi Ecclesie, secundum quam baptizantur infantes in fide Ecclesie. Nam, ut ait D. August. serm. 294. olim 14. de verb. Apostol. cap. 11. *Qui peccavit in altero (Adamo), credit in altero, nempe in Ecclesia.* Et equidem si in hisce requireretur aliqua dispositio, quæ fieri nequit nisi per deliberationem voluntatis, eum ad hosce actus ob defectum usus rationis sint incapaces, salvari non possent, si in infanti ætate morerentur.

In adultis ad hoc ut valide Sacramenta suscipiant, necesse est, ut non solum non repugnent, idest renuant illa suscipere, nec pure negative se habeant, sed ut habeant aliquam positivam voluntatem, seu intentionem illa suscipiendi; & hæc sufficit excepto Sacramento Pœnitentie, in quo aliquid plus in suscipiente exigitur, ut infra. Est communis; & quoad primum probatur ex unanimi sensu Ecclesie, & ex sententia ac Decreto Innocent. III. Cap. *Maiores* de Baptismo, ubi expresse ait: *Ille, qui nunquam consensit, sed pœnitens contradicit, nec rem, nec characterem suscipit Sacramenti.* Ratio autem sententie est; quia cum certa Sacramenta, præsertim Baptismus, & Ordo gravia imponent suscipientibus onera, non videtur iustum, ut illis oneribus inviti graventur. Item quia incongruum est, notant Theologi, ut Deus ascribat suæ familiæ, ac filium suum constituat, & hæredem, qui talem esse renuit, & reluctat.

Quoad 2. vero, & 3. nempe, quod necesse sit, ut suscipiens non se habeat mere negative, sed debeat habere aliquam voluntatem, seu intentionem suscipiendi Sacramentum; hoc quoque comprobatur Traditio, sensus, & praxis Ecclesie, quam expressit in Concil. Carthaginen. III. anno 36. Carthaginen. IV. anno 396. can. 79. Arausic. I. anno 442. can. 12. ubi semper statuitur, ægrotos, qui usum vel linguæ, vel rationis amisserunt, non esse baptizandos, absolvendos, nisi constet ex testibus, eos prius voluisse baptizari, vel absolvi. Ita Rituale Rom. editum auctoritate, & iussu Pauli V. vetat, ne baptizetur adultus, qui ex morbo, aut ex alio fortuito eventu incidit in amentiam, qui dum esset rationis compos baptismum non petiit. Ex tali igitur praxi, & iussu Ecclesie non baptizandi, vel absolvendi ægrotos sine alicuius testimonio, qui patefaciat præcedens desiderium ægroti baptismum, vel pœniten-

tiam suscipiendi, colligitur ad evidentiam, sensum esse Ecclesie, requiri ad validam Sacramenti Baptismi, & Pœnitentie susceptionem positivam voluntatem, seu intentionem & assensum suscipientis Sacramenta recipiendi; tantum abest, quod in sententia Ecclesie satis esse possit voluntas negativa, quæ scilicet nec assentit, nec dissentit Sacramentum suscipere. Et a fortiori hoc trahi potest ad alia Sacramenta, quæ non sunt ita necessaria, sicuti Baptismus, & Pœnitentia. Duplici autem ratione hoc confirmatur: 1. quarum est, quod cum susceptio Sacramenti sit quædam initiatio, & consecratio, seu Religionis professio, certe sine voluntatis motu, seu deliberatione fieri nequit. 2. vero est ipsa Christi institutio, qui convenienter voluit, ut nullus adultus, qui usu careat rationis, sanctitatem, vel eius augmentum reciperet, nisi ipse in suam sanctificationem consentiat; idcirco noluit, ut in adulto sine sua voluntate, & consensu, Sacramenta, quæ instituit ad dandam, augendamque sanctitatem, valida essent. Et hanc eandem rationem assertit Concil. Tridentinum sess. 6. cap. 7. ubi de iustificatione loquens, ait: *Iustificatio, & renovatio interioris hominis per voluntariam susceptionem gratiæ & donorum.* Et ante Concilium ita docuit etiam S. Thomas 3. part. q. 68. art. 7. ubi ait, quod si in adulto deesset intentio suscipiendi Sacramentum, esset rebaptizandus. Quod vero talis voluntas, & intentio sufficiat ad valide suscipienda Sacramenta, puta Baptismus, ita ut non requiratur, ut eidem sit coniuncta fides, constat ex citata praxi Ecclesie, quæ semper approbavit Baptismus in hæresi receptum, & talis sententie fuit etiam S. August. in l. 1. de baptismo. cap. 24. ubi de fide sic ait: *Interest quidem plurimum ad salutis vitam, sed ad Sacramenti questionem nihil interest: fieri enim potest, ut homo integrum habeat Sacramentum, & fidem perverfam.*

Dixi excepto Pœnitentie Sacramento, imo adde etiam Matrimonio; quia actus pœnitentis, contritio scilicet, confessio, & satisfactio, sunt materiæ Sacramenti Pœnitentie. Unde cum sine materia, & forma, utpote partes essentielles Sacramenti, Sacramentum non perficiatur, illi actus necessario ponendi sunt a suscipiente, ut valide Sacramentum suscipiat; sic cum Sacramentum Matrimonii sit etiam species contractus, requiritur in contrahentibus consensus saltem virtualis. Nullus enim contractus perfici potest sine partium consensu.

Sed

Sed quia variaz sunt intentionis species, sicuti alias notavimus, actualis scilicet, virtualis, habitualis, & interpretativa; respectu Sacramentorum Baptismi, Pœnitentiæ, & Matrimonii, requiritur in suscipiente intentio saltem habitualis, quæ est præterita voluntas, seu præcedens desiderium non retractatum, alicuius rei consequendæ. Et hoc ex dictis de usu & praxi Ecclesiæ manifeste comprobatur, ex eo nempe, quod ad hoc ut moribundus ob rationis & sensuum destitutionem, nullatenus intentionem suam, ac desiderium circa Sacramentorum receptionem exponere valens, baptizetur, absolvatur, vel ungatur, non plus exigit Ecclesia, nisi quod constet de præterita eius voluntate, & desiderio Sacramenta illa recipiendi, ut habetur ex cit. Concil. Carthagin. & Arausic. nec non ex Ritual. Pauli V. Et revera nunquam usa est Ecclesia reiterare Baptismum, nec Ordinem in iis, qui eum in hæresi, vel cum læthali culpa susceperunt, ob solam voluntatem, licet præteritam, seu quam habuerunt hæc Sacramenta recipiendi. Dixi requiri *intentionem, ac voluntatem saltem habitualement*; quia cum per baptismum veluti proficeatur suscipiens religionem Catholicam, ac proinde ad ipsius religionis instituta observanda se obliget, necessario in illo supponi debet intentio seu voluntas saltem habitualis se subiiciendi, & obligandi talibus oneribus. Quod eo magis dicendum est de Sacramentis Pœnitentiæ, & Matrimonii, in quibus cum actus suscipientium rationem habeant materiæ, & partis essentialis, necesse est, ut quando hæc Sacramenta celebrantur, tales actus censeantur præsentis saltem moraliter. Hab. Antoi.

Ad validam aliorum Sacramentorum receptionem satis est intentio generalis, & interpretativa ea suscipiendi, secluso fortasse Sacramento Ordinis. Eo ipso enim quo quis baptizari voluit, Ecclesia semper est interpretata, voluisse simul cum Baptismo ius acquirere participandi omnibus gratiis, ac privilegiis, seu bonis omnibus, quæ suis fidelibus ex divina dispensatione potest, ac solet elargiri; nec aliquid plus exigit, quam Baptismum, catholicamque professionem, ut in aliquibus casibus eidem illa conferat Sacramenta, de quibus loquimur. Nam quotiescunque evenit, ut aliquis fidelis repentino morbo correptus, usum linguæ & rationis amiserit, ei ministravit Sacramenta Confirmationis, ac Extremæ Unctionis, licet antea illa non petierit; hoc solo con-

tenta pia mater, quod vota Baptismi evidenter per peccatum mortale non retractasset.

Dixi *secluso fortasse Sacramento Ordinis*; cum controversatur in Scholis, num valide infantibus conferri valeat, quod nonnulli sine certo tamen fundamento affirmant: nam liberum est cuique fideli amplecti quemlibet statum ipsi libuerit, Clericalem scilicet, vel coniugalem. Unde nullatenus potest, nec debet intelligi in professione Christianæ Religionis voluntas seu intentio interpretativa suscipiendi Ordines, utpote qui non sint necessarii singulis hominibus necessitate medii, nec præcepti ad æternam salutem, sicuti Confirmatio, Extrema Unctio &c. Quocirca valide conferri nequeunt Ordines infanti, imo neque adulto, qui actu nunquam suam intentionem expresserit de sacro Ordine suscipiendo.

Alii vero DD. distinguunt Christianos qui mediocri virtute contenti ad Evangelicam perfectionem non aspirant, a Christianis, qui toto corde ad illam contendunt, qui tamen ex sensu propriæ infirmitatis, ideoque ex Christiana humilitate sacro Ordine initiari reluctant; & statuunt in prioribus locum non habere voluntatem interpretativam, si agatur de sacra Ordinatione, ita ut sine actuali illorum præcedente voluntate, invalida esset ordinatio; valida vero esset secundum istos in posterioribus; quia (aiunt) eo ipso quod istiusmodi insignes pietate Christiani se totos Deo, ac eius cultui dicant, & consecrant, consensur saltem generali intentione, licet particulari fortiter resistent, acquiescere divinæ vocationi, cuius signa iam moraliter certa non desunt. Et huc spectant Ordinationes factæ invitis, quæ solent obici contra primam sententiam de aliqua intentione, seu voluntate requisita ad Sacramenta valide suscipienda, quibus exemplis demonstrare conantur etiam sine ulla præcedenti voluntate, seu intentione in suscipiente valide Sacramentum ei conferri. Dicitur enim de Flaviano Episcopo Antiocheno, ordinasse Macedonium Eremitam omnino reluctantem, ut tradit Theodoretus in Monastic. Hystor. cap. 13. S. Epiphanius pariter iniciavit sacro Ordine Paulinianum Fratrem D. Hieronymi tanta vi, ut etiam os eidem obstruerit, ne reclamaret, ut ipsemet testatur Epiphanius Epist. 60. Verum huiusmodi Ordinationes factæ fuere in viris pietate insignibus, & præcipue ornatis humilitate, qui propterea reluctabant, non absolute, cum essent Prælati Ecclesiæ ob-

se-

sequentissimi, sed solum ex humili sensu, quem de se ipsis habebant, idest quia censebant se indignos ad talia onera subeunda. Quare Flavianus, & Epiphanius ordinarunt hos, licet reluctantes voluntate particulari, non vero generali, qua totos se Deo consecraverant, & ob talem generalem intentionem, quam in illis intellexerunt Episcopi, non obstante illorum resistencia eos ordinarunt.

### §. XIII.

*De Dispositionibus requisitis in suscipiente, ut licite, Sacramenta recipiat cum fructu.*

Duplex est effectus Sacramentis omnibus communis; scilicet gratia habitualis, seu sanctificans, quæ plus, vel minus iuxta subiecti dispositionem, in eodem actu suscipiendi Sacramentum confertur. Alter gratiæ actuales, quæ intuitu Sacramenti suscepti opportuno tempore conferuntur ad finem cuiuscunque Sacramenti proprium obtinendum, dummodo suscipiens obicem non ponat cum suis peccatis: & hæc dicuntur gratiæ Sacramentales. Non loquimur hic de dispositione ad characterem; nam ad hunc recipiendum sufficit dispositio, idest intentio, quæ ad valide Sacramentum suscipiendum requiritur, cum status culpæ huic non opponatur, utpote qui non sit incompatibilis cum peccato, cum ob ipsum non deleatur ex anima, sicuti expellitur gratia quæ cum eo subsistere nequit.

Ad licitam cuiuslibet Sacramenti receptionem, 1. requiritur fides, sine qua, inquit S. Ambrosius l. 1. *de Spirit. Sancti*. cap. 3. vacuum esse omne mysterium; idemque dicito generatim de devotione, & pietate; quia sancta sancte tractanda sunt, & quia quo maior erit pietas, & devotio, tanto copiosior fructus percipietur, cum Sacramenta gratiam conferant secundum propriam cuiusque dispositionem, ut constat ex Concil. Tridentino sess. 6. cap. 7. 2. requiruntur illæ conditiones, seu dispositiones, quas diversa postulat Sacramentorum qualitas. Nam Sacramenta alia sunt mortuorum, & ita vocantur, quia conferunt primam gratiam, idest per ipsa reviviscunt homines a morte peccati ad vitam gratiæ, ut est Baptismus, & Pœnitentia; alia vero, ut sunt reliqua Sacramenta, conferunt secundam gratiam, ac ideo dicuntur Sacramenta vivorum, quia supponunt hominem, qui ea suscepturus sit, vivere ad gratiam.

Sacramenta mortuorum, idest Baptismus, & Pœnitentia, ut licite, seu cum fructu suscipiantur, non exigunt gratiam in recipiente, & si hanc in eo inveniant, ipsam augent, ut constabit melius suo loco. Sacramenta enim exigere nequeunt pro dispositione id, quod ex eorum institutione habent causare, idest quod ex sua institutione est eorum effectus, & fructus, qui in Sacramentis mortuorum est primæ gratiæ, seu vitæ spiritualis collatio, ad quod causandum sunt instituta; & exinde vocantur mortuorum, quia ordinarie conferuntur mortuis spiritualiter, seu peccato, ut gratiæ reviviscant. Cum igitur hæc Sacramenta instituta sint ad delenda peccata mortalia, necesse est, ut suscipiens se ad eorum effectum disponat per contritionem, seu supernaturalem attritionem, idest dolorem peccatorum, quæ commisit.

Ad hoc vero ut in aliis quinque Sacramentis gratia sanctificans recipiatur, requiritur in suscipiente præter intentionem habituales, status gratiæ, quia hæc ad differentiam duorum priorum instituta sunt, ut conferant augmentum gratiæ iis, qui iam gratiæ vivunt, idest sunt in statu gratiæ, & ideo hæc dicuntur Sacramenta vivorum. Unde ex sua institutione saltem primaria exigunt & supponunt, ut ea suscepturus gratiam iam acceperit, ut illi eandem augent.

Quare, qui conscientiam habet peccati mortalis, antequam ad Sacramenta vivorum accedat, tenetur sub gravi sibi statum gratiæ comparare. Alias poneret gratiæ obicem, ac proinde grave committeret sacrilegium; quia cum Sacramenta instituta sint a Christo Domino, ut signa suæ ipsius gratiæ efficaciam, qui in hisce recipiendis gratiæ obicem ponit, quantum in se est, conatur reddere, & de facto falsam reddit, & inanem eorum significationem, & dum sic abutitur Christi institutione, prædice eam irridet.

Oritur hic difficultas, num Sacramenta suscepturus, dum est in conscientia peccati læthalis, disponi debeat per præviam Confessionem, quantumvis se contritum esse censeat; & respectu Eucharistiæ, ut certum habetur, non obstante contritione licet perfecta, præmittendam esse dispositionem præviæ confessionis. Et hoc aliqui extendunt etiam ad alia Sacramenta contra quamplurimos, qui negant de iure communi id requiri. Nam & Concil. Tridentinum sess. 13. cap. 7. docet ad solam susceptionem Eucharistiæ præcipi Confessionem, nihil de aliis

Sacramenta mortuorum exigunt in suscipiente statum gratiæ.

Alia Sacramenta exigunt statum gratiæ.

aliis loquendo; imo solum hortatur Sponsos, ut ante Matrimonium confiteantur. Pontificale vero Romanum loquendo de adulteris confirmandis non dicit quod debeant, sed quod deberent prius confiteri, quod pariter nihil plus importat quam exhortationem. Et Rituale Rom. dicit solummodo de Sacerdote, quod non audeat accedere ad Sacramentorum administrationem, nisi prius poeniteat, si conscius sit se reum esse mortalis reatus. Et revera non ulla reperiuntur circa Sacramenta suscipienda aliter præceptum divinum, vel saltem commune humanum quod Confessionem præcipiat præmitti, ut sola contritio non sit sufficiens dispositio. Nihilominus tamen respectu Extremæ Unionis, eo quia sit complementum Poenitentiae, ex Christi institutione Confessionem requiri, dicendum est.

Verum cum ex Sacramento Poenitentiae maior habeatur gratiae certitudo, & melior dispositio, hæc est sufficiens ratio, quare concludi iure merito possit, Confessionem susceptioni cuiuscunque ex quinque Sacramentis vivorum præmitti debere. Talis enim est communis fidelium praxis, ut notat Catechismus Rom. p. 2.

Quoad gratias actuales Sacramentales, quas nempe Deus singulis Sacramentis ad cuiuscunque finem proprium obtinendum iunxit, ad hoc ut illæ recipiantur, duo requiruntur, videlicet 1. ut eo tempore, quo homo recepturus est talia auxilia, sit in statu gratiæ, cum hic effectus non concedatur, nisi ut iunctus gratiæ sanctificanti: qui vero est in peccatis, indignus redditur supernaturalibus donis, quocirca in illo statu nullum ius habet ad talia auxilia. 2. ut ipsi non ponatur obex per dispositionem actua-

lem hæc pariter talia sunt, & dicuntur, utpote quæ instituta fuere ad eos spiritualiter vivificandos, qui propter excidium peccati, vitæ supernaturali gratiæ mortui sunt. Sola remanet difficultas, si id per accidens efficere possint, quod negat Vasquez cum aliquibus aliis, contra communione, quæ tenet, Sacramenta mortuorum posse per accidens, seu indirecte secundam gratiam, & vivorum primam conferre; ut dum recipiens se ipsum probat, nec habet patrum sceleris vincibilem notitiam, vel bona fide credens se contritum, cum sit tantum attritus, recipit v. g. Confirmationem. Et ita inter alios expresse tradit D. Thomas q. 72. art. 7. ad 2. ubi sic habet; *Si etiam non perfectè contritus accedat, dummodo non scilicet accedat, per gratiam collatam in hoc Sacramento* (Confirmationis) *consequitur remissionem peccatorum*. Et hoc idem docet de Eucharistia q. 79. art. 3. de Extrema Unctione 4. dist. 23. q. 1. art. 1. Et ratio est manifestissima, quia Sacramenta ex vi suæ institutionis, ut docet Concil. Tridentinum, semper gratiam conferunt quando a recipiente non ponatur obex, quod non fieret; ac proinde proprium non sortirentur effectum, quem ex opere operato producant, si Sacramenta vivorum dum attritus se bona fide credens contritum, vel invincibiliter ignorans, seu non advertens se læthalis esse reum, ea suscipit v. g. Confirmationem, Eucharistiam &c. eidem primam gratiam non conferrent. Igitur ex vi suæ institutionis, indirecte tamen, mediate, & per accidens Sacramenta vivorum in huiusmodi casibus primam conferunt gratiam, idest spiritualement vitam. Ita etiam Poenitentia delet peccata, quæ invincibiliter ignorantur; alias enim non posset cætera remittere, quæ poenitens confiteretur.

Nec officit paritas, quam obiicit Vasquez inter panem naturalem, qui nutrit corpus, & panem supernaturalem idest Eucharistiam, & inter mortuum corpore, & peccatorem mortuum spiritu. Nam panis naturalis nutrit tantum; Eucharistia vero est panis vivus dans vitam, & continens Christum, eos, in quibus manet, vivificantem; mortuus itidem vita corporis nihil agit vitaliter, nec panem capit, idest non est aptus, ut percipiat panis alimentum; peccator vero, idest fidelis mortuus spiritu, actuali gratia præventus potest credere, diligere, & accipere panem vitæ, nec tantum premere dentibus Sacramentum, sed etiam cum animi præparatione illam carnem manducare, quæ est pro mundi vita.

Et

## §. XI V.

*An collatio gratiæ primæ fieri possit per Sacramenta vivorum, & secundæ per Sacramenta mortuorum.*

Inquiri hic solet, num fieri possit, quod Sacramenta vivorum conferant primam gratiam, mortuorum secundam; & cum præcipuus, ordinarius, ac ex primæva eorum institutione proprius effectus Sacramentorum mortuorum sit prima gratia, vivorum secunda; hinc certum est apud omnes, Sacramenta vivorum per se non posse primam gratiam conferre, cum ideo talia sint, & vocentur, quia supponunt susipientem spiritualiter vivere, mortuorum secundam; quia

Et ratio, qua evincitur Sacramenta vivorum conferre posse indirecte primam gratiam, militat etiam pro Sacramentis mortuorum quoad indirectam collationem secundæ gratiæ; videlicet, quod si Sacramenta ex vi suæ institutionis habent gratiam conferre ex opere operato, ubi non ponatur obex; cum Sacramenta mortuorum non possunt conferre primam gratiam ut ordinarie, & ex primæva eorum institutione eis convenit, ne suo priventur effectu, qui est gratiæ sanctificantis collatio, necesse est, ut secundam, idest augmentum ipsius gratiæ, conferant. Quocirca si contingat, adultum ex perfecta charitate iustificatum esse, priusquam accedat ad Baptismum, vel Pœnitentiam, quæ sunt duo Sacramenta mortuorum, procudubio Baptismus, & Pœnitentia in tali casu primam non conferunt sanctificantem gratiam, sed illius duntaxat incrementum, tamen in eo casu illa prima gratia non detur sine voto, seu desiderio reipia suscipiendi Sacramenta. Tournel.

## CAPUT III.

## §. I.

*De virtute, & efficacia Sacramentorum, eorumque effectibus, ac modo quo causantur.*

**I**N duas circa hoc incurrimus difficultates: 1. est de ipsa Sacramentorum vi, & efficacia, seu efficientia inter Catholicos, & Hæreticos, & hæc respicit ipsum Dogma fidei, quod tradit, Sacramenta novæ legis signa esse efficacia, idest ex virtute a Christo Domino ipsis collata, per se esse productiva gratiæ. 2. de modo, quo Sacramenta gratiam producant; & hæc versatur inter DD. Catholicos, cum non excedat limites scholasticæ controversiæ, quæ nihil lædit, sed omnino integram servat fidei doctrinam.

Cum Sacramenta novæ legis intuitu meritum passionis Christi, ex cuius latere in Cruce transfixo profuxerunt, ut tradit S. August. l. 14. de Civit. Dei cap. 26. & alibi, vim habeant caussandi in homine iustificationem, iuxta eorundem Christi Domini institutionem: hinc non sunt signa vacua, sicuti fuere Sacramenta veteris legis, sed efficacia, ita ut veram habeant causalitatem, qua ut veræ causæ instrumentales quidem, non secus principales (cum solus Deus sit talis causa) ex divina virtute a Christo Domino ipsis collata, gratiam, quam in se continent, causant in suscipientibus, atque

efficiunt, ut docet cum catholica Ecclesia D. Thomas q. 62. Ac primum quidem hic ostendit, Sacramenta novæ legis quadam ratione causam esse gratiæ sanctificantis, quod per Baptismum efficiamur membra Christi viventia iuxta illud Apostol. ad Gal. 3. *Quicumque in Christo baptizati estis, Christum induistis.* Et in aliis Scripturæ locis insinuat, gratiam dari per baptismum, dum dicunt homines mundari lavacro aquæ per impositionem manuum, virtute Spiritus Sancti roborari in Confirmatione &c. Et Concil. Constantinopolitanum aperte declarat ut articulum fidei in Symbolo, remitti, seu deleri peccata per baptismum; *Confiteor unum Baptisma in remissionem peccatorum*, quæ omnia veram important causalitatem.

Nec officit causalitati, quam Scholæ iuxta Ecclesiæ doctrinam nunc tribuunt Sacramentis, quod voces *causæ*, & *effectus* novæ sint, & ex Philosophia depromptæ, cum res per tales voces significatæ a Deo sint, & ideo valde antiquæ, ac proinde non minus licuit Theologis assumere istas voces, quam Patribus voces *consubstantialis hypostasis*, quæ æque a Philosophis excerptæ sunt.

## §. II.

*De primo Sacramentorum effectu, scilicet de Gratia.*

Duo sunt Sacramentorum effectus. Unus communis omnibus Sacramentis, & est gratia; alter tribus solis conveniens Baptismo scilicet, Confirmationi, & Ordini, & est character. Verum quia præter hominis iustificationem, seu sanctificationem, quæ est effectus vi divinæ institutionis communis omnibus Sacramentis, quodlibet Sacramentum suum proprium habet effectum secundum particularem finem ad quem fuit institutum; hinc alius est effectus gratiæ communis omnibus Sacramentis, & est gratia habitualis, seu sanctificans, quæ aut producit, ut in Sacramentis mortuorum, aut producta augetur, ut in Sacramentis vivorum; alius est effectus proprius cuiusque Sacramenti, & dicitur gratia Sacramentalis.

Gratia sanctificans, quæ est primarius effectus, & communis omnibus Sacramentis, & infunditur per Sacramenta dum ministrantur in suscipiente, ut ab actuali, seu sacramentali, quæ singulis Sacramentis propria est, & particularis, distinguatur, sæculo 12. cœpit appellari habitualis, quia hæc ad instar habitus est aliquid internum formale, inherens, distinctum ab actu fluentem,

re, & transitorio, ad instar habitus, tamdiu fixa permanens in subiecto, quamdiu per aliquam mortalem culpam cum qua est incompossibilis, non deturbetur, ac eiiciatur. Et hoc est de Fide catholica, ut iuxta doctrinam, & sensum Scripturarum definiuit Concil. Tridentinum sess. 6. cap. 7. contra Novatores, qui volebant iustificationem fieri per solam externam iustitiæ Christi imputationem, cum revera per hanc gratiam renovemur, perficiamur, & per Spiritum Sanctum inhabitantem habeamus æternæ hæreditatis pignus & arrham.

Hæc autem gratia habitualis, seu sanctificans, complectitur habitus supernaturales virtutum, tum Theologicarum, tum Moralium, tum dona Spiritus Sancti, quæ omnia in iustificatione, quæ per eam fit, cum ipsa infunduntur.

## S. III.

*De modo, quo Sacramenta sua causalitate gratiam producant, nempe ex opere operato.*

Ostendimus iam antea efficaciam, seu causalitatem Sacramentorum novæ legis, quæ diximus veras esse causas productivas effectuum, de quibus hic proxime egimus, Characteris scilicet, & Gratiæ: quia tamen incertum adhuc remanet, & obscurum, qualiter agant in efficienda nostra sanctificatione, ut nunc modus aperiatur, quo Sacramenta novæ legis gratiam, ut instrumenta efficiunt, sit.

Scholæ docent unanimes, ac sustinet Ecclesia Catholica, Sacramenta novæ legis gratiam ex opere operato, ut instrumenta Dei; producere contra Novatores, qui licet simularent aliquando nobiscum circa hoc convenire, re ipsa tamen non aliam agnoscunt in Sacramentis vim, & efficaciam, quam mere externam, & obiectivam ad movendam, excitandamque fidem, quæ per ipsos est forma, & causa iustificans, seu sanctificans.

Quamvis hæc phrasis *ex opere operato* nunc usitatissima apud omnes Scholas, & DD. Catholicos, ad ostendendam internam Sacramentorum vim, & efficaciam, neque in sacris litteris, neque in Veterum scriptis reperitur, cum primum usurpata legatur circa tempora Innocentii III. idest 12. sæculi ante D. Thomam, res tamen per illam significata antiquitati est notissima, ut ex patet D. August. contra Crescon. l. 4. cap. 10. qui ita scripsit; *Non eorum meritis a quibus ministratur, nec eorum quibus ministratur, constat Baptismus, sed propria san-*

*ctitate, atque veritate propter eum, a quo institutus est.* Nonne hæc locutio quoad sensum eadem prorsus est ac hodierna *ex opere operato*. Ridiculum autem est, quod opponunt Adversarii, hæc voces *ex opere operato* non esse latinas; quasi Ecclesiæ voces barbaræ auctoritate, & usu communi latina virtute donari nequeant, cum maxime Ecclesia, & Theologi inducere valent in usum voces, quando sint aliis aptiores ad rem aliquam significandam. Et nunc eo liberius, & omnino hæc locutio recipienda est, postquam PP. Tridentini Concil. de Sacrament. eam sibi adoptarunt definiendo, per Sacramenta novæ legis *ex opere operato* gratiam conferri. Causare autem gratiam *ex opere operato*, dicitur ad differentiam *ex opere operantis*, quod est quando effectus, seu gratia causatur ex meritis Ministri, vel suscipientis, qui aliquid operatur seu facit; hoc est ex opere isto, quatenus est operantis. Ex opposito vero causare gratiam *ex opere operato* est eam causare non ex meritis Ministri, vel suscipientis, sed ex vi, & ratione operis, seu actionis Sacramentalis, quatenus in persona Christi exercetur, eiusque merita moraliter continet; paucis verbis est causare gratiam supra dignitatem, & meritum tam Ministri, quam suscipientis, iuxta id quo ex S. August. ad Crescon. supra allatum est. Quare cum dicat Scriptura nos salvos fieri per Sacramenta, ut de Baptismo ad Titum 3. *Salvos nos fecit per lavacrum regenerationis, & renovationis Spiritus Sancti*; exuere veterem hominem, novum induere, ad Galat. *Quicumque in Christo baptizati estis, Christum induistis*; innovari Spiritu, regenerari, renasci, Ioann. 3. de Baptism. *Nisi quis renatus fuerit ex aqua, & Spiritu Sancto, sanctificari, mundari* etc. nemo certe non videt, omnia significare efficientiam, productionem ex intrinseca divinitus accepta instrumentali virtute Sacramentorum, vi ipsius actionis Sacramentalis, cui adiuncta sunt merita Christi, idest ex opere operato.

Porro quamvis Sacramenta habeant ex divina institutione, ut gratiam conferant ex opere operato, idest supra meritum Ministri, & suscipientis, non tamen putandum est, quod producant suum effectum in adultis independentem ab eorum dispositione debita, idest nullam in suscipiente præparationem, nullum bonum cordis motum requirant, sicuti sensui huius phrasis *ex opere operato* falso Catholicis affinxerunt Novatores. Nam manifestissima doctrina est, non solum impendenda non esse Sacramenta his;

qui



qui a peccatis recedere, vel infidelitatem de-  
serere nolunt; verum requiri ulterius in sus-  
cipiente ad hoc ut Sacramenta effectum suum  
producant, quamdam dispositionem consisten-  
tem in actibus quarundam virtutum, fidei  
præcipue, & poenitentiae. Hæc interim dis-  
positio esto per modum meriti saltem decon-  
gruo gratiam augeat, non est tamen effecti-  
va seu productiva gratiæ propriæ Sacramen-  
to, in quam non plus infuit, quam ficitas  
ligni in formam, seu in vim combustivam  
ignis; ac ideo tantum requiritur ad instar  
conditionis *sine qua non*, reddens subiectum  
capax ad ratiam, non secus ac in ligno re-  
quiritur siccitas ad recipiendum ignem.

Item ex dicta locutione, idest *ex opere ope-  
rato*, non significatur inesse Sacramentis vir-  
tutem aliquam creatam, qua mysticum effe-  
ctum operentur, seu producant, cum ut  
iam diximus, Sacramenta gratiam producere  
ex opere operato non aliud importat apud  
Catholicos, nisi quod Sacramenta valida sint  
eo ipso quod tale opus sit, non quidem, ut  
naturalis actio, sed ex divina institutione,  
& promissione, conditionata quidem quoad  
adultos, in quibus requiritur præparatio ad  
hoc, ut a Sacramento quod suscipiunt, gra-  
tia in ipsis producat. Et in hoc præcipue  
Sacramenta novæ legis, ut supra iam di-  
ximus, distinguuntur a Sacramentis veteris  
legis, quæ gratiam non efficiant ex opere  
operato, sed ex opere operantis, si excipias  
Circumcisionem, de qua controversia est in-  
ter DD.

## §. IV.

*An qualitas causalitatis Sacramentorum, qua  
gratiam efficiunt, physica sit,  
vel moralis.*

Gravis vertitur controversia inter Scho-  
las Catholicas circa rationem, qua Sacra-  
menta novæ legis gratiam efficiant, prout  
instituta sunt a Deo ut causæ instrumen-  
tales ad ipsius gratiam in hominibus efficien-  
dam, seu producendam; nunc scilicet hanc effi-  
cient, producantque ut causæ physice physica  
causalitate, sicuti ignis per physicam actio-  
nem, & influxum comburit lignum, & ita  
sentiunt Thomistæ, vel ut causæ morales,  
seu morali tantum causalitate, & efficien-  
tia; eo sermo patet quo contractus donatio-  
nis transfert dominium rei datæ, & sic, an me-  
rita Christi Domini salutem nostram operen-  
tur morali causalitate, & efficientia. Et ut  
res elucidetur, ne fiat ut forsitan laboremus  
in falso supposito, operæpretium est ut præ-

mittatur, quid sibi velit ratio causæ & caus-  
salitatis physice & moralis.

Causa physica ea est, quæ reali influxu,  
ac motu & reali actione attingit effectum,  
ut ignis calorem, Sol lumen, semen plan-  
tas legetesque producit. Unde causalitas  
physica Sacramentorum, si detur, in eo con-  
sistit, quod Sacramenta, tanquam divine  
omnipotentis instrumenta, ex vi & eleva-  
tione ipsius physice per realem sui præsen-  
tiam a parte rei concurrant ad productio-  
nem gratiæ independentem a quacumque æsti-  
matione. Causa vero moralis ea est, quæ  
dumtaxat intentionaliter movendo præstat,  
ut perficiatur effectus, sive moveat impe-  
rio, ut ludez, ac Princeps suo iussu homi-  
nem punit; sive consilio, & suatione, ut  
Consiliarius & Orator, sive signo aliquo, pu-  
ta sicut chirographo solutio debiti exigitur.  
Idcirco causalitas moralis Sacramentorum  
in sententia eorum, qui hanc statuunt in Sa-  
cramentorum actione, in eo stat, quod Sa-  
cramenta sint non quædam nuda signa, imo  
ne mere quidem talia, quibus positus Deus  
gratiam infundat, sed saltem veluti chiro-  
grapha continentia pretium meritorum Chri-  
sti, & authentica monumenta pacti, quo  
Deus ad applicationem Sacramentorum se  
ad infundendam gratiam quodammodo ob-  
stringit.

Cum hæc posterior communior sit apud  
Theologos, hinc cum videatur probabilior,  
hanc sequendo per securiorem viam incede-  
re censuimus.

Non enim maior causalitas, & efficacia  
adscribenda est Sacramentis, quam meritis  
Christi, a quibus Sacramenta omnem vim  
suam effectivam utique derivant, & quæ  
in ipsis Sacramentis operantur. Unde cum  
merita Christi sint causæ tantum morales  
gratiæ, quatenus nempe eorum intuitu Deus  
tamquam causa physica gratiam producit;  
ita dici debet etiam de Sacramentis.

Insuper operari sequitur esse; quocirca  
cum Sacramenta sint compositum morale,  
non physicum; nam verba v. g. absolutionis  
cum actionibus poenitentis non faciunt ali-  
quod totum physicum, sed morale, ut iam  
patet: igitur ipsa eorum conditio non fert,  
ut agant nisi moraliter.

Præterea, qui oppositum sentiunt, saltem  
fateri coguntur, quod Sacramentum, dum  
reviviscere dicitur, solum causet gratiam  
moraliter, cum ipsum tunc etiam physice non  
amplius extet. Et S. Augustinus inter Sa-  
cramentum dum confertur, & reviviscit,  
continuum ponit paritatem.

Sa-

Sacramenta gratiam continere, definiunt Concilia Florentinum, & Tridentinum sess. 7. can. 6. & hoc docuit multo ante etiam Hugo Victorinus l. de Sacrament. p. 9. cap. 2. ubi dicit, Sacramenta novæ legis ex sanctificatione continere invisibilem aliquam, & supernaturalem gratiam. Et cap. 3. ubi in Sacramentis veluti quibusdam vasis antidota spiritali homini porrigi testatur. Sensus autem huiusce doctrinæ explicat D. Thomas 3. p. q. 62. art. 3. gratiam nempe continere Sacramenta, non quia gratia sit in illis veluti in loco, aut in subiecto, neque ut in causa principali; sed partim ut in signo, partim ut in causa instrumentali. Et certe probabilius iuxta Victorinum Sacramenta gratiam continent, & vasa gratiæ dicuntur, quia Sacramenta, non iam ut vacua symbola nude signant gratiam, uti fiebat per Sacramenta veteris legis, sed insuper ut veræ causæ eam producunt, ac præbent, quoties ad ea recurritur; non sicut ac vas, aliquid deprompti liquoris, quem intra se continet, præbet, tamquam e vasis gratiam, quandocumque volumus, nobis depromere liceat. Ita Eftius.

## §. V.

*De Gratia actuali, seu Sacramentali.*

Quodlibet Sacramentum præter gratiam sanctificantem, seu habitualement, confert etiam gratias actuales, quæ Sacramentales dicuntur, & intuitu Sacramenti suscepti suo tempore adulti conferuntur ad obtinendum finem proprium cuiusque Sacramenti, nisi se illius indignos reddant. Unde merito dici potest cum Habert hic, gratiam Sacramentalem esse ius fundatum in gratia sanctificante per quodlibet Sacramentum collatam ad accipiendam opportuno tempore certa auxilia, idest actuales gratias, quibus homo finem possit obtinere Sacramenti. Supponamus v. g. quempiam cum debitis dispositionibus Sacramentum suscepisse Confirmationis, ac proinde augmentum gratiæ sanctificantis consecutum fuisse: gratia sic accepta titulus est confirmatio ad obtinendas a Deo actuales gratias, ut possit data occasione fidem intrepide profiteri; ad hoc enim institutum est hoc Sacramentum. Gratia igitur Sacramentalis non semper actu recipitur nisi in radice, dum administratur Sacramentum. Hoc maxime patet in infantibus, & in his, qui amisso usu rationis absolvuntur, vel unguntur. In illo enim statu non sunt capaces gratiarum actualium, utpotequæ sint

actus intellectus, & voluntatis divinitus excitati: ius tamen per Sacramentum acquisierunt ad illas suo tempore accipiendas, sic Habert. & alii.

Quare gratia Sacramentalis in hoc differt a gratia habituali, quod gratia sanctificans mox in totum datur, ubi Sacramentum suscipitur; gratia vero Sacramentalis non in totum, & semper confertur dum Sacramentum recipitur, sed postea suo tempore, quando est necessaria ad Sacramenti finem consequendum. Datur autem quodammodo gratia Sacramentalis dum Sacramentum debite suscipitur, idest in *actu primo*, in quantum scilicet datur ius ad illam, quando suo tempore opus erit, ut habeatur.

Et ut res melius elucidetur quoad differentiam gratiæ Sacramentalis a gratia habituali, seu sanctificante, quæ in Sacramentorum collatione confertur, observandum, gratiam spectari posse & quantum ad suam, ut inquit, entitatem, & quantum ad effectum seu virtutem per gratiam homini collatam. Si gratia consideretur priori modo, nulla occurrit distinctionis ratio, seu necessitas; sed satis est dicere hanc gratiam exornare animam, illi inhaerere, & pro diversa hominum dispositione augeri, vel minui, & hoc de fide tenendum est. Si vero spectemus gratiam quantum ad effectum, seu virtutem, quam confert, gratia Sacramentalis addit ad habitualement supremum auxilium ad consequendum cuiuscunque Sacramenti finem, qui finis, cum iuxta diversitatem Sacramentorum diversus sit, ita cuiusque Sacramenti est propria actualis gratia, ab illa alterius Sacramenti diversa.

Unde cum Baptismus ordinetur ad vitam catholicæ peragendam, gratia Sacramentalis Baptismi est auxilium ad conservandam animæ puritatem spiritali regeneratione acceptam, aliaque Sacramenta digne suscipienda. Confirmatio, quæ ordinatur ad constantem fidei professionem, habet pro sua gratia actuali speciale robur ad libere, & constanter profitendam fidem, contrariæque tentationes superandas. Eucharistia, quæ data est ad fovendam, augendamque charitatem, ad victoriam temptationum, ad præservationem culpæ, tum mortalium, tum venialium, habet pro gratia actuali virtutem ad perseverandum in charitate, & operibus pietatis &c. In Pœnitentia quia tendit ad maiorem peccatorum præcautionem, detestationem, satisfactionem, datur gratia ad satisfaciendum pro peccatis, & ad peccata in posterum vitanda. Extrema Un-

Differen-  
tia gra-  
tiæ actua-  
lis seu sa-  
cramen-  
talis ab  
habitua-  
li.

ctio,

Atque, quæ data est ad facilius resistendum Dæmoni, tunc maxime insidianti, læviusque tolerandas morbi molestias, subsidium præbet, ut levius dolores, laboresque morbi ferantur, & facilius obstitamus in illis angustiis Dæmonum conatibus. Gratia Ordinis, qui totus est ad sancte, & religiose obeunda munia, ad quæ quis per tale Sacramentum destinatur, est auxilium ad eadem divina Ecclesiæ officia, quæ sunt propriæ S. Ordinis functiones, rite decenterque peragenda. In Matrimonio tandem quod designatum est ad debitam proles procreationem educationemque, ad mutuum fovendum amorem, fidemque servandam, & onera conjugii constantius perferenda, confertur in actuali sua gratia speciale iuvamen ad carnis libidinem coercendam, fidelitatem thori servandam, pie prolem educandam, omniaque alia gravamina, & incommoda Matrimonii æquo animo sustinenda. Si igitur ad fines tam diversos nos conducere debebant Sacramenta, necesse erat, ut diversos gratiæ haberent effectus, ita ut ultra gratiam sanctificantem, quæ est communis in omnibus, alia etiam auxilia ab iisdem suo tempore haberentur.

Hic vero, notandum est, quod lapsus in læthalem culpam post acceptum Sacramentum amisit ius ad supernaturalia auxilia, quæ pertinent ad gratiam Sacramentalem, quando ob ingruentem tentationem eis indigeret: quia illa auxilia fundantur in gratia sanctificante, quæ per mortale peccatum amittitur, idcirco ius pariter ad eadem auxilia amittitur; imo ex Apostolo talem peccatorem manet *expectatio iudicii*, utpote qui filium Dei conculcaverit, & sanguinem testamenti pollutum duxerit, in quo sanctificatus est. Hebr. 10.

## §. VI.

*De necessitate serii propositi vivendi congruenter ad finem recepti Sacramenti, ut fructuose Sacramentum recipiatur.*

In Sacramentis vivorum ut fructuose recipiantur, requiritur in suscipiente adulto actuali, vel saltem virtuale serium propositum vivendi congruenter ad finem Sacramenti quod recipitur. Hinc in Sacramento Eucharistiæ nullam prorsus acquirunt gratiam Sacramentalem, qui illam sumunt sine congrua devotione ad fines Sacramenti. Igitur idem dicendum in aliis Sacramentis vivorum; indecens enim est a Deo conferri sanctificantem gratiam relate ad determina-

tos fines homini adulto, quin habeat intentionem congruenter cooperandi gratiæ. Igitur Deus Sacramentalem gratiam non confert sine tali serio proposito, saltem virtuali, vivendi congruenter ad finem Sacramenti.

Insuper si ad fructuose suscipiendum Sacramentum Pœnitentiæ, quod est Sacramentum mortuorum, requiritur serium propositum perseverandi in vita spirituali gratiæ per fugam peccatorum; cum Sacramenta vivorum dentur potius pro effectu, & pro sanctificatione vitæ, & moram, quod præstatur per auxilia gratiæ Sacramentalis, quam pro sanctificatione animæ, quæ iam sanctificata supponitur per alterum ex Sacramentis mortuorum, ut requiritur ad digne, ac fructuose Sacramenta vivorum suscipienda, quæ ut vidimus, ideo talia vocantur, quia supponunt susipientem iam vivere per gratiam; fructuose hæc recipi non possunt, quando non habeatur saltem virtualiter seria voluntas, seu propositum vivendi congruenter ad finem Sacramenti suscepti, nempe secundum eam vitæ sanctitatem, ad quam Sacramentum institutum est, & confertur.

## §. VII.

*De mensura collationis gratiæ per Sacramenta, idest num Sacramenta semper conferant æqualem gratiam.*

Cum mensura gratiæ, quæ confertur in Sacramentis, pendeat & a virtute ipsa Sacramenti, & a dispositione susipientis, qua sit, ut maior, vel minor gratia conferatur; hinc duplex hic exurgit difficultas 1. scilicet, an quodlibet Sacramentum quantum est de se, æqualem conferat gratiam. 2. an æqualem conferat, attenda dispositione maiori, vel minori susipientis.

Et quoad primam, certum est de lege ordinaria, Sacramenta solo numero distincta; ut duo Baptismata, æqualem ex se conferre gratiam. Sacramenta vero specie distincta, puta Baptismus, & Eucharistia, inæqualem conferunt gratiam.

Et quoad primum patet tum ex Concilio Tridentino sess. 7. can. 6. ubi definit, Sacramenta secluso obice conferre gratiam quam significant. Cum igitur duo baptismata eandem omnino gratiam significant, ideo eandem quoque conferunt: tum ex ratione, quia Sacramenta operantur non secus ac causæ naturales; unde sicuti duo ignes solo numero distincti æqualem producant calorem.

calorem; sic & duo Baptismata æqualem gratiam.

Dixi *lege ordinaria*; quia posset Deus conferre maiorem gratiam illi, quem prædestinavit ad maiorem gloriam (ait Scotus), verum ille uberior gradus non conferretur virtutis Baptismi, sed de speciali benevolentia divina.

Quoad 2. vero, hoc quoque constat ex cit. Tridentino, a quo circa aliquam Sacramentorum inæqualitatem fess. 7. can. 3. ita definitum fuit; *Si quis dixerit hæc: septem Sacramenta inter se ita esse paria, ut nulla rationis aliud sit alio dignius; anathema sit.* Unde si ex Tridentino datur inæqualitas dignitatis inter Sacramenta, cum nobilitas causæ oriatur ex eius perfectione, & perfectio ab amplitudine & elevatione eius virtutis in agendo, ita ut quo maiori & sublimiori posset causa agendi virtute, eo causa sit perfectior, & quo perfectior, eo nobilior; non immerito inferri potest, quod cum inter Sacramenta unum sit alio nobilior, unum etiam sit altero abundantius in sua gratiæ efficientia, ac inde Sacramenta specie distincta, saltem aliquis, inæqualem gratiam conferre.

Dixi *saltem aliqua* v. g. Eucharistia, & probabiliter Baptismus; nam cum de aliis nihil revelatum sit, nihil potest determinari: possent enim & alia specie differre, & tamen æqualem omnino gratiam habitualement causare, cum hoc dependeat a mera Dei voluntate.

Sacramenta solo numero distincta in subiectis, idest in suscipientibus æqualiter dispositis, ut in parvulis, æqualem conferunt gratiam, & inæqualem si recipientes inæqualiter sint dispositi, ita ut maiorem gratiam conferant iis, qui sunt melius dispositi. Et ratio est; quia Sacramenta sunt causæ necessariæ. Quare sicut ignis eodem modo applicatus duabus lampadibus, vel lignis similiter dispositis, utrumque similiter accendit; secus vero si inæqualiter sint disposita, puta si applicetur uno ligno humido, & alteri sicco, maiorem certe producat calorem in sicco, quam in humido, cum agentia præcipue naturalia operentur iuxta subiecti dispositionem; sic dici debet de Sacramentis, quæ voluit Deus secundum regulas naturalium agentium operari, ut proportionem, convenientiamque haberent cum subiectis naturalibus ut sunt homines, in quibus agere debebant.

Et hoc confirmat Concil. Trident. ubi docet a baptizatis recipi iustitiam secundum *Instit. Theol. Moral. Tom. IV.*

mensuram, quam Spiritus Sanctus præstat prout vult, & secundum propriam cuiusque dispositionem, & cooperationem.

Nota, maiorem gratiam melius disposito collatam esse ex opere operato, non ex opere operantis. Nam sicut inflammatio ligni sicioris, & calidioris non est a ligno, sed ab igne solo, sic maior gratia in suscipiente melius disposito est a Sacramento, non a dispositionibus quæ non sunt productivæ gratiæ. Ex his.

Collige 1. Ordinarie loquendo peccatorem recipientem Sacramentum mortuorum non recipere tantam gratiam, quantum recipit iustus recipiendo Sacramentum vivorum; quia raro tantam habet dispositionem inimicis, quantum amicus.

Collige 2. quod si adultus accederet ad baptismum cum affectu ad peccatum veniale, adhuc maiorem reciperet gratiam quam parvulus; quia cum ille supponatur habere actum fidei, doloremque formalem de peccato mortali, habet dispositionem, quam non habet parvulus: habet quidem peccatum veniale, quo caret parvulus; verum cum peccatum veniale non impedit gratiæ infusionem, non impedit eius intentionem. Quare sit, quod cum parvuli omnes nullam habeant dispositionem, gratiam omnes ex Baptismate consequantur æqualem.

Collige 3. Fieri posse, ut Sacramentum nobilior minus producat effectum, quam aliud minus nobile, si nempe hoc recipiatur cum longe maiori dispositione, quam illud. Verum quidem est causam imperfectiorem nunquam attingere effectum causæ perfectioris specie diversæ; quando hæ causæ ordinantur ad effectus specie diversos; secus vero quando ordinantur ad eundem effectum; & hoc patet in Sole, qui licet perfectior, tamen minorem calorem producit in mea manu, quam ignis vicinus, eo quod maior sit huius, quam illius approxinatio.

Collige 4. quod cum fructus Sacramentorum augeatur proportionate ad dispositionem recipientium, quisque satagere debet, & conari, ut meliori quæ possit dispositione se præparet, & ubi adhuc se tepidum viderit post tot Sacramentorum susceptiones, hoc suis indispositionibus est tribuendum.

## §. VIII.

*De causalitate Sacramenti in voto quoad gratias Sacramentales, idest num illas conferat.*

Sacramentum in voto est desiderium Sacramenti realiter suscipiendi; & hoc Sacramenti votum, seu desiderium duplex est, unum explicitum & formale, aliud implicitum, & virtuale. Votum explicitum Sacramenti illud est, quo quis expresse & formaliter intendit Sacramentum; sive interim alias dispositiones habeat, sive non, & ideo comparabile est cum peccato mortali. Votum vero implicitum, seu virtuale Sacramenti est illud, quo peccator antequam Sacramentum realiter suscipiat, id intendit, & efficit, per quod censetur velle realiter suscipere Sacramentum, licet de illo hic, & nunc non cogitet, ut si perfecte contreretur, aut Deum super omnia diligeret. Nam cum contritio, & actus amoris Dei super omnia ultima sit dispositio ad iustificationem, qui huiusmodi actus elicit, censetur ea omnia velle, adeoque, & Sacramenta, quæ salutem obtinendæ sunt necessaria. De tali voto habentur in Concil. Tridentino sess. 24. cap. 4. hæc verba; *Et si contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur, ipsam nihilominus reconciliationem ipsi contritioni sine Sacramenti voto, quod in illa includitur, non esse adscribendam.*

Quamvis votum Sacramenti cum actu perfectæ contritionis, sive charitatis, quæ iam in eo actu includitur, iustificet ex opere operantis; non confert tamen gratiam Sacramentalem, seu non confert gratiam sive habituales, sive actuales ex opere operato, ut conferret si de facto susceptum esset Sacramentum. Nam Scriptura non attribuit gratiam Sacramentalem voto Sacramenti, sed Sacramento reipsa, idest realiter suscepto, ut Ioann. 6. *Si quis manducaverit ex hoc pane, vivet in æternum*; & Marci 16. *Qui crediderit & baptizatus fuerit, salvus erit.* Non dicit enim Evangelium, qui voluerit manducare, & baptizari, sed qui *manducaverit*, & qui *baptizatus fuerit*, quod procul dubio idem importat & sonat opus operatum, quod non dicit Sacramentum in voto, sed dicit ad summum opus operandum: dico notater *ad summum*: quia non pauci, qui suscipiendi desiderium ostenderant, nunquam tamen susceperunt.

Insuper unum ideoque numero Sacramentum semel tantum, non bis suum confert effectum. Nam regeneratio ad spirituales vitam gratias quæ efficitur per Baptismum, non est nisi una, sicuti generatio vitæ naturalis, ad cuius similitudinem illa sit, semel tantum contingit. Si autem Sacramentum in voto gratiam Sacramentalem conferret, bis suum produceret, ac conferret effectum, & quando esset illius desiderium, & quando realiter illud susciperetur, cum propter præcedens desiderium nihil amitteret de sua virtute, & efficacia.

Tandem non est maior ratio, cur Sacramenta in voto gratiam conferrent, quam characterem imprimerent: unde cum hunc certe non imprimant, nec illam pariter fieri potest, ut conferant. Nec officit, quod Concilium Trident. dicat, reconciliationem non esse adscribendam contritioni sine Sacramento in voto: & D. Thomas docet pluribus in locis per Sacramenti votum recipi rem, & effectum Sacramenti, quasi Concilium, & D. Thomas attribuant Sacramento in voto vim eandem, ac Sacramento in re suscepto: cum Concilium significare voluerit, contritionem non iustificare sine proposito adimplendi præcepta, ac ideo suscipiendi baptismum, quem recipere iubemur, non quod votum seu desiderium Sacramenti eodem modo iustificet, ac Sacramentum realiter susceptum. Et D. Thomas ibi docet; per votum Sacramenti suscipi rem, effectumque Sacramenti quoad æquivalentiam, eo quia gratia habitualis sit eadem specie, & extra Sacramentum, & in Sacramento; non vero quoad modum susceptionis: quia Sacramentum realiter susceptum se habet ad gratiam ut causa instrumentalis, Sacramentum vero desideratum est pura dispositio, cui non potest attribui tanta virtus, quantum inest formæ ad quam disponit, & præparat.

## §. IX.

*De Sacramentorum reviviscencia.*

Sicuti Fides deficiente charitate, quæ est anima qua operatur, mortua dicitur, & informis iuxta illud Iacobi; *Fides sine operibus mortua est*; ita Sacramenta si in subiecto, idest in suscipiente deficiant necessaria dispositio ad gratiam, vel suscipiantur cum dispositione gratiæ contraria, veluti mortua remanent & informia, dum earent suo effectum, idest hominis sanctificationem, ad quam divinitus instituta fuerunt, & ordinata. Quare non controversatur inter Theologos

logos de Sacramento, an reviviscat quando invalidum sit, quod fieret illud suscipiendo sine intentione, cum certum sit non posse reviviscere quod nunquam vixit; sed de Sacramento fiste, idest cum obice, seu impedimento ipsius tantum effectui, scilicet gratiæ, idcirco valide suscepto (cum fictio in hoc sensu non impediat valorem) utrum recedente fictione, seu posita requisita dispositione recipiat suum effectum, ac reviviscat.

Hinc patet, quod nomine Sacramenti informis non aliud intelligitur, nisi Sacramentum cæteroque validum, seu essentialiter integrum, quod propter obicem suscipientis non confert effectum. Talis est v. g. Baptismus quem aliquis adultus suscipit cum affectu peccati mortalis; iste enim Baptismus est validus, irreiterabilis, characterem imprimens &c. gratiam tamen, quæ alias per ipsum data fuisset, non confert, quia cum peccato mortali illa consistere nequit.

Porro obex ad effectum Sacramenti duplex est. Positivus unus, & est dum quis accedit ad Sacramentum cum conscientia peccati mortalis, quod per contritionem non retraxit, ac proinde in ipsa Sacramenti indigna susceptione voluntarie in novam gravemque labitur culpam; alius negativus, seu privativus, quando quis bona fide, seu invincibiliter putans esse dispositum, vel saltem non indispositum, sicuti revera est, non cogitat se aptum reddere ad digne Sacramentum suscipiendum, & auferendo culpam si in ipsa sit, quæ est indispositus, vel requisitas ponendo dispositiones.

Reviviscentia autem Sacramenti, qua Sacramentum informe, & infructuosum, vivum redditur, & fructuosum, in eo consistit, quod Sacramentum valide, sed sine fructu propter impedimentum obicis susceptum, remoto postea per contritionem, aut confessionem obice, tunc eundem suum fructum seu effectum producat, quod propter obicem producere non potuit, dum actu suscipi contigit.

Quænam vero sint Sacramenta, quæ reviviscere valeant, non conveniunt Theologi; alii enim volunt nullum reviviscere, & ita sentit Ales; alii omnia excepta Eucharistia, & ita Caietanus cum aliis non paucis; alii sola Sacramenta imprimencia Characterem, Baptismus videlicet, Confirmationem, & Ordinem, & hæc videtur sententia SS. Bonaventuræ, & Angelici; aliorumve quamplurimorum; alii Baptismus tantum, & Po-

nitentiam, ut Durandus; alii tandem solum Baptismus, ut infra.

Baptismus sublato obice ipsius effectum gratiæ impediens reviviscere, non solum est sententia S. August. contra Donatistas l. 1. de Baptismo cap. 12. & S. Thom. q. 69. art. 10. & aliorum communis, sed etiam communi Ecclesiæ sensu id certum est; alias necesse foret in æternum perire, qui cum obice baptizatus est, quando est communis omnium sententia, Baptismus in re, vel in voto (saltem extra casum Martyrii) ut docet Concil. Tridentinum sess. 6. cap. 4. ad salutem necessarium esse necessitate medii, iuxta illud Evangelii: *Nisi quis renatus fuerit ex aqua, & Spiritu Sancto, non potest introire in regnum Dei.* Dixi in æternum periret, qui cum obice baptizatus est, si Baptismus per remotionem obicis non posset reviviscere; quia semel baptizatus, licet fiste, non potest amplius Baptismus in re suscipere, quia Baptismus est irreiterabilis, neque potest illum amplius habere in voto, quia cum illum iam antea in re susceperit, contingere nequit regulariter loquendo quod recipere desideret quod iam credit, certeque supponit se recepisse. Igitur necesse est ut salvetur per reviviscentiam Baptismi fiste suscepti, quatenus remoto obice per veram poenitentiam Baptismus habet suum effectum gratiæ, & iustificationis in suscipiente.

Collige 1. ex dictis, in Baptismi reviviscentia omnem conferri effectum, qui confertur per realem Baptismi susceptionem, adeoque ultra gratiam sanctificantem, remissionemque peccati originalis, omniumque actualium Baptismo priorum, & omnem tolli poenam tantummodo dictis peccatis debitam; quia sicuti non remittit Baptismus reviviscens peccata commissa in fista eius susceptione, & alia postea usque ad ipsius reviviscentiam commissa, ita nec auferit poenam temporalem ipsis debitam. Confert Baptismus reviviscens ius ad gratias actuales suo tempore conferendas, cum nulla sit ratio, cur dicatur potius ad unum effectum reviviscere quam ad alium.

Collige 2. quod cum gratia Sacramentalis conferatur proportionate ad dispositionem Baptismus suscipientis, in ipsius quoque reviviscentia maiorem, vel minorem eandem gratiam conferet, iuxta maiorem, vel minorem dispositionem quam habuerit, qui Baptismo obicem tollit.

Est valde verisimilis, & videtur etiam probabilior sententia quamplurium, qui existimant reviviscere etiam alia duo Sacramen-

De Ba.  
ptismi  
revivi.  
scentia.

Baptis.  
mus in  
sua reviviscentia  
quos confert &c.  
fectus.

Reviviscentia  
Sacramenti in  
no fiste.

menta, quæ characterem imprimunt, Confirmationem videlicet, & Ordinem, utpotequæ ob talem rationem, non secus ac Baptismus, sint irreiterabilia, & gratia propria illis Sacramentis est saltem valde utilis, imo dicerem etiam maxime necessaria; confirmato quidem ad hoc ut fidem, sine qua salvari non potest, conservet & profiteatur etiam cum propriæ vitæ periculo; Ordinato vero, ut digne sancteque sacri Ordinis sui ministeria in Ecclesia peragat. Ita enim cum multis sentit D. Thomas, ut expresse habet in 4. dist. 49. art. 2. & cum ipso etiam S. Bonavent. dist. 1. part. 1. art. 13. Et quidem cum Sacramenta omnia legis novæ ex se, & ex vi propriæ suæ institutionis sint productiva gratiæ, nisi ei apponatur obex, illam statim producant, si Sacramenta perseverant ad existendum in aliquo suo effectu, certe remoto obice, id est impedimento, gratiam illam efficiunt. Quare cum Sacramenta Characterem imprimunt licet transeuntia remaneant tamen virtualiter in effectu a se producto, id est in Characterem, qui ut indelebilis perseverat in suscipiente, semoto impedimento, id est obice, alterum suum effectum gratiam videlicet efficiunt. Etenim sicut ubi causa non amplius extat vel in se, vel in suo effectu, non valet amplius operari; ita ex opposito dum hæc permanenter in aliquo saltem virtualiter habetur, dummodo non impediatur, concurrentibus suis requisitis dispositionibus proprios effectus producat.

Alia igitur Sacramenta quæ non imprimunt Characterem, & quæ præcipue sunt facile iterabilia, ut Eucharistia, & Pœnitentia, cum neque existant in se, quia transeunt cum ipsa actione Sacramentali, neque in aliquo suo effectu, utpotequæ nihil relinquunt permanenter in anima, quamvis postea obex removeatur, neutiquam suum gratiæ effectum producant; causa enim quæ non existit in se, neque in alio, prius inhabilis est ad aliquod efficiendum; & hoc expresse habet D. Angelic. in 4. dist. 4. q. 3. art. 2. in respons. objectionis, quam paritate Eucharistiæ contra Baptismi reviviscenciam ita sibi proponit, videlicet quod sicuti recedente fictione non reviviscit Eucharistia, sic recedente fictione reviviscere nequeat Baptismus: cui objectioni ita respondet; *Ad tertium dicendum, quod in Eucharistia non imprimitur Character cuius virtute possit aliquis effectum Sacramenti percipere fictione recedente, & ideo non est simile. Et iam de Eucharistia saltem cum obice positivo su-*

cepta, sicuti etiam de Pœnitentia communis est non reviviscere, & quia facile hæc iterari possunt, & quia ut notat P. Bossuet, qui alias sentiret, fateri cogeretur illum qui ad venerabile Eucharistiæ Sacramentum sacrilege accessit, remoto obice tanto cumulationem gratiam recepturum, quanto plura sacrilegia perpetravit, atque adeo improbi-  
simum peccatorem unica confessione in fine vitæ debite facta evalurum maximum sanctum. Quid hoc magis si non horrendum, absurdissimum saltem excogitare posset?

Dixi de Eucharistia saltem cum obice positivo accepta; quia si quis cum obice tantum negativo suscipiat (existens bona fide se esse in gratia) probabile putant aliqui, illam sublato obice reviviscere. De Pœnitentia vero ut satis certum putatur, non reviviscere, cum saltem sit verisimile, nullam dari Pœnitentiam informem, quæ valida sit.

## §. X.

*De Dispositione requisita ad reviviscenciam Sacramenti.*

Si Baptismus suscipiatur cum obice negativo tantum, nec aliud peccatum lethale post baptismum commissum sit, requiritur, & satis est ad reviviscenciam Sacramenti attritio supernaturalis; quia non maior dispositio requiritur ad Baptismi reviviscenciam, quam ad eius susceptionem. Idcirco cum ad hanc sola supernaturalis attritio requiratur, hæc igitur sufficere debet ad eius reviviscenciam, ita D. Thomas. Dixi nec aliud peccatum lethale commissum post baptismum; quia in tali calu requiretur aut contritio perfecta, aut attritio cum Sacramento Pœnitentiæ. Si vero Baptismus suscipiatur cum obice positivo, tunc requiritur vel contritio imperfecta, id est attritio cum pœnitentia, vel contritio perfecta; quia peccatum fictionis positivæ est peccatum actuale posterius natura susceptione Baptismi; tale autem peccatum non remittitur sola contritione imperfecta, ut cum Concil. Tridentino docent omnes Theologi, nec etiam Baptismo, cum eius obiectum sit peccatum prius ipso Baptismo. Igitur requiritur vel contritio perfecta, vel imperfecta, id est attritio cum Sacramento Pœnitentiæ, cum non detur aliud medium. Ude sit tamquam pro regula generali, quod omne peccatum quod baptismum antecedit, per baptismum dimittitur, & omne quod Baptismus suo modo consequitur, ad tribunal Pœnitentiæ pertinet.

Ur

Ut vero reviviscant alia Sacramenta requirunt status gratiæ; quia non minorem requirunt dispositionem ut reviviscant, quam ut in eorum susceptione suum effectum conferant; non conferunt autem ex primaria sua institutione, nisi in subiecto id est in suscipiente sit prima gratia, utpoter quæ sint Sacramenta vivorum, quorum effectus est secunda gratia.

Nota, Baptismus in sua reviviscencia concurrere simul natura cum Pœnitentia ad unam eandemque gratiam, quæ quatenus baptismalis, est regenerativa, quatenus pœnitentialis, est iustificativa: quia ut ait D. Augustinus, tunc incipit valere Baptismus, ubi fictio veraci confessione recedit. Igitur ubi operatur vera confessio, operatur & baptismus. Insuper baptismus eodem instanti producit gratiam quo pœnitentia tollit peccatum fictionis, & eodem instanti quo Pœnitentia tollit peccatum fictionis, producit gratiam pœnitentialem; igitur simul, & semel Baptismus, & Pœnitentia operantur gratiam sibi proportionatam. Ec hæc gratia collata a Baptismo simul & Pœnitentia est maior, ac si collata esset a solo Baptismo, aut sola Pœnitentia, eo quia unum causalitatem alterius non impedit, & aliunde gratia Baptismi non opponatur gratiæ pœnitentiali, vel e contra, cum ambæ sint eiusdem rationis, ac proinde ubi simul operentur, necesse est, ut perfectiorem effectum operentur.

## §. XL

*De Secundo Sacramentorum effectū, id est de Characterē.*

Character est alter minus principalis Sacramentorum effectus; & hic quantum ad propositum, est signaculum quoddam spirituale, & indelebile in anima impressum, quo distinguitur homo ab aliis, & efficitur idoneus ad nonnulla, id est ad suscipiendum, vel aliis ministrandum, quæ sunt divini cultus, ut in Baptismo ad recipiendam alia Sacramenta, in Confirmatione ad professionem fidei, & in Ordine ad functiones ecclesiasticas obeundas. Huius frequens est mentio tum in divinis Scripturis, tum apud SS. PP. ut 2. Corinth. 1. *Qui unxit nos Deus, qui & signavit nos, & dedit pignus spiritus in cordibus nostris.* Et Ephes. 4. *In quo signati estis in diem redemptionis.*

Duo sunt, ut patet ex allata definitione, effectus Characteris. 1. distinguit hominem *Infinit. Theol. Moral. Tom. IV.*

baptizatum a non baptizato, Sacerdotem a laicis, id est ab aliis Characterem non insignitis. 2. consecrat, & deputat ad nonnulla officia Religionis. Nam per Characterem homo specialius ad divina consecratus accipit quodammodo aliquam potestatem seu capacitatem tum passivam suscipiendi, ut sit in Baptismo, tum activam conficiendi & administrandi Sacramenta, ut sit in Ordine.

Character autem ut post S. August. docet D. Thom. 3. p. q. 63. art. 3. *est signum participationis Christi Domini, cuius Sacerdotii configurantur fideles secundum Sacramentales Characteres, qui nihil aliud sunt, quam quædam participationes a Christo derivatæ.* Ec art. 5. ita habet; *Character sacramentalis est quædam participatio Sacerdotii Christi in fidelibus eius. . . . Sacerdotium autem Christi est æternum, & inde est quod omnis sanctificatio, quæ fit per Sacerdotium eius, est perpetua re consecrata manente; & prosequitur ad 2. Divinus cultus consistit, vel in recipiendo aliqua divina, vel in tradendo aliis; ad utrumque autem horum requiritur quædam potentia activa; ad recipiendum autem requiritur potentia passiva.*

Character dicitur *signum impressum in anima*, ut distinguatur tum a Characterē Circumcisionis, quo Iudæi, inquit S. Ioanni. Chrysostomus, in corpore veluti pecora secernebantur ab aliis nationibus, tum a notis, & insignibus, quæ Principum Ministri exterius in vestibus circumferunt, tandemque a Characterē Dæmonis, qui veluti signa Dei, ut loquuntur SS. PP. notat sacrilegos, qui ei se mancipant, ut habetur Apocalyp. 13.

Dicitur *indelebile*; tum quia nihil habet contrarium per quod destruat; nam peccatum opponitur gratiæ, non Characteri; tum quia potest etiam impius ferre Christi signaculum, sicuti desertor baltheum militis; unde neque in hac, neque in futura vita deletur, sed permanet in bonis, ut in Beatis in Cælum ad decorem, ornatum, ac præmium, id est ad maiorem eorumdem gloriam saltem accidentalem; remanet in malis, id est in damnatis in gehenna inferorum ad increpationis notam, & dedecus, ac proinde ad maiorem ipsorum confusionem; ita ut si quis rite baptizatus, confirmatus, ordinatus post mortem miraculose a mortuis suscitaretur, non posset amplius, nec licite, nec valide baptizari, confirmari, ordinari, alias hæc Sacramenta per se irreiterabi-

Altera  
Chara-  
cteris de-  
finitio.



rabalia, quando valide semel sunt collata, denuo reiterarentur.

Character imprimitur in his etiam, qui scite, idest sine requisitis dispositionibus, vel eum dispositione contraria susceperent, cum iam probatum sit, valida esse hæc Sacramenta in hæresi collata vel suscepta, licet non conferant Spiritum Sanctum, idest eius gratiam.

Tria sunt Sacramenta characterem imprimentia, nempe Baptismus, Confirmatio, & Ordo, ut definitum fuit a Concil. Tridentino sess. 7. can. 9. Quare autem in his tribus Sacramentis tantum, non in aliis quatuor imprimatur Character; causa primaria est voluntas Dei, ac Christi institutionis, quæ sufficienter nobis constat ex Traditione, atque Ecclesiæ auctoritate, & est quædam congruentia desumpta (ait Scotus 4. dist. 6. q. 30.) a Politia humana, in qua diversi ministri in domicilium cultus magni Principis constituti, diversis, certisque insignis notantur, quibus eorum manus dignoscatur, atque ipsi inter se assemulentur, & ab aliis distinguantur: ita in Christi familia sunt, qui per baptismum coaptantur in domum, & ulterius per chrisma ad fidem propugnandam redduntur idonei, & qui sacris initiationibus constituuntur divinum mysteriorum dispensatores, suis quique signaculis condecorati. Quia vero per cætera Sacramenta non deputatur homo ad speciale munus in Ecclesia peragendum, cum potius instituta videantur ad solam suscipiendum sanctificationem; hinc licet hæc conferant uberrima gratiarum munera, congruenter divina disposuit providentia, ut Characteris signaculum non imprimerent.

Hunc vero Characterem Sacramentalem sunt qui existimant esse qualitatem aliquam ab anima realiter distinctam, eique realiter superadditam; putant alii nihil super hoc a Tridentino Concilio, vel alibi definitum fuisse, idcirco negant Characterem esse huiusmodi qualitatem, dum volunt quidem illum esse signum aliquod spirituale re ipsa animæ impressum absque eo quod ab anima realiter distinguatur; non secus ac sigillum ceræ imprimitur sine productione novæ & distinctæ entitatis.

Quidquid tamen sit, questio ista parum spectat ad praxim vitæ christianæ, modo admittatur ut de fide credendum esse, dari hunc Characterem, ne incurramus errorem Novatorum, qui pertinaciter dogmatizant, Characterem nihil aliud esse quam scholasticum commentum encogitatum, ut ait in-

ter alios Kemnitius 2. part. examine Concil. Tridentini, sicut ante Kemnitium Lutherus, Calvinus, aliive huiusmodi furfuris sectarii conati sunt ostendere. Hanc veritatem de existentia Characteris, qui imprimitur per tria antea citata Sacramenta, docuit definiendo Concil. Trident. ut antea diximus cit. can. 9. & ante Tridentinum Eugenius IV. in suo Decret. pro Armenis. Et si evidenter deduci nequit probatio ex Scripturis ex cit. testibus Corineth. & Ephesiorum, id habetur tamen manifestissime ex Traditione, & præcipue ex S. August. l. 2. cap. 13. contra Parmenianum, ubi tam de Baptismo, quam de Ordine dicens, quod uterque dat homini quamdam consecrationem, concludit; *in Catholica Ecclesia utramque non licet iterare*; & similis Epist. 74. ad Ianuarium habet de Confirmatione, & alibi insuper tum de Baptismo, quam de Ordine.

Character vero si particulariter consideretur in singulis Sacramentis, in quibus imprimitur, verosimiliter dici potest Characterem Baptismi non aliud esse, quam signum, seu notam quamdam animæ impressam, per quam dignosci potest, quod homo sit baptizatus; & aptus sit, vel fuerit ad alia Sacramenta recipienda. Character Confirmationis videtur esse signum, seu tenera militis christiani parati ad alia Sacramenta meliori dispositione, ac pietate suscipienda, & fidem firmiori constantia profitendam. Character Ordinis tandem videtur esse nota aliqua, quo quis designatus, seu deputatus est, vel fuisse agnoscitur, ad Sacramenta, aliave Sacramentalia conficienda, ac ministranda.

## §. XII.

### *De numero Sacramentorum novæ Legis.*

Tametsi cum Catholicis circa Sacramentorum existentiam in lege evangelica conveniant etiam Heterodoxi, non conveniant tamen in numero, imo ita dissonant, ut non minus sint inter se, quam cum catholico dogmate discordes. Modo enim unicum tantum admittunt, ut Lutherus l. de Captivitate Babyl. ubi dicit non damnare septem Sacramenta, unum tamen esse proprie dictum, sed duo admittenda scilicet Baptismum, & Eucharistiam; & in alio loco eiusdem libri addit Pœnitentiam; alii duo proprie esse concedunt, ut Calvinus, & Philippus Melancthon, qui postea modo tria, ut in *Apologia Augustana*, & in posterioribus, modo qua-

quatuor, modo quinque agnoscit. Plerique Lutherani in suis Catechismis tria numerant Sacramenta, Baptismum scilicet, Eucharistiam, & Pœnitentiam. Zwinglius fatetur Baptismum, Cœnam, & Matrimonium. Verum communis, & magis apud ipsos recepta sententia est, Sacramenta esse duo tantum, idest Baptismum, & Cœnam, ut aiant Lutherus sub finem libri *de Captivitate Babilonis*. & Calvinus in *Antidoto* adversus sessionem 7. Concilii Tridentini. Quidquid autem sit de hæreticorum deliramentis, certum est Catholicos omnes propugnare unanimes numerum Sacramentorum esse septem, si excipias solum Durandum, qui licet dicat Matrimonium esse Sacramentum, negat tamen in producenda gratia convenire cum cæteris Sacramentis.

Septem esse novæ legis Sacramenta, Baptismum videlicet, Confirmationem, Eucharistiam, Pœnitentiam, Extremam Unionem, Ordinem, & Matrimonium constat ex ipsa Traditione, & communi pene omnium Ecclesiarum consensione. Ecclesiæ Orientales enim & Occidentales in multis cæteroquin discrepantes, & exinde a se invicem etiam communionem divisæ, semper in hac sententia convenire, & conveniunt, (quod est valde grave argumentum) numerum illum septenarium constitutum non esse a Romanis Pontificibus, ut calumniantur Novatores. Et hunc septenarium numerum Sacramentorum non solum agnovit Ecclesiæ temporibus Concilii Constantiensis in quo damnatus fuit articulus Iohannis Huis, quo assererat Sacerdotes catholicos infideliter sentire de septem Ecclesiæ Sacramentis; & Concilii Florentini. quod de hoc numero septenario docuit Armenos in Decreto pro ipsis edito; sed etiam multo ante, scilicet 400. circiter annis, in quadam Lucii III. Decretali, ut habetur extra de Hæreticis cap. *ad Abolendam*, in qua statuitur talis numerus credendus sub pœna anathematis, quem numerum licet aperte non explicet, ex eo tamen satis intelligi debet, quod remittit ad doctrinam & observationem Romanæ Ecclesiæ, quæ certe hac in re minime est obscura, ut notat hic Estius. Ita pariter sensere celebriores ex veteribus Theologis, Hugo nempe Victorinus, Petrus Lombardus, Magister sententiarum, qui tamquam certum ac definitum hunc septenarium Sacramentorum numerum suis scriptis tradidere. Et tandem contra Novatores definitum fuit a Concilio Tridentino sess. 7. can. 1. Ecclesiæ Sacramenta septem esse numero, nec plura nec pau-

ciora; ita enim in cit. can. hoc expressis verbis habetur; *Si quis dixerit Sacramenta novæ legis non fuisse omnia a Christo Domino instituta, & esse plura, vel pauciora quam septem.... anathema sit.*

Non desunt tamen testimonia divinarum Scripturarum, quæ non obscure hanc comprobant veritatem; nam licet nullibi expresse meminerit Scriptura huiusce septenarii numeri Sacramentorum, sicuti nec meminit binarii, ternarii, aut quaternarii, quem admittunt hæretici, implicate tamen hunc tradit, cum ex ea de singulis illorum, non tamen de ullo alio probari queat esse Sacramentum. Habetur enim de Baptismo Matthæi ultimo: *Euntes docete omnes gentes, baptizantes eos in nomine Patris & Filii & Spiritus Sancti*. De Confirmatione habetur Act. 8. *Tunc imponebant manus super illos, & accipiebant Spiritum Sanctum*. De Eucharistia Matth. 26. *Accipite panem, & benedixit, ac fregit &c.* & Ioann. 6. *Ego sum panis vivus, qui de Cælo descendi*. De Pœnitentiæ institutione, & ipsius vi gratiam conferendi legitur Ioann. 20. *Accipite Spiritum Sanctum: quorum remiseritis peccata remittantur eis*. De Extrema Unctione habetur Epist. Cathol. Iacobi cap. 5. *Infirmatur quis in vobis? Inducat Presbyteros Ecclesiæ, & orent super eum, ungentes eum in nomine Domini*. Ordinis meminit D. Paulus 2. ad Timoth. 1. *Admonet te, ut resuscites gratiam Dei, quæ est in te per impositionem manuum*. De Matrimonio denique Matth. 19. scriptum est; *Quod Deus coniunxit, homo non separet*.

Nec desunt rationes, & congruentiæ, quibus præter Christi Domini instituentis voluntatem, (quæ dum agitur de contingentibus liberis est præcipua ratio, & a priori) quibus suaderi potest novæ legis Sacramenta septem debuisse esse numero nec plura, nec pauciora. Nam sicuti in vita naturali corporis requiritur primo ut homo nascatur, secundo ut crescat, tertio ut nutriatur, quarto ut si ægrotet medicinam accipiat, quinto ut muniat contra hostes, sexto ut ab aliquo Superiore regatur, septimo ut per generationem speciem humanam servet; ita in vitâ supernaturali spiritus primum occurrit generatio, quæ fit per Baptismum; robor tribuit Confirmatio; alimentum, & nutritionem Eucharistia; si forte morbus acciderit Pœnitentia est remedium; quæ ex morbo manent, reliquæ, & infirmitates Extrema Unctione purgantur; regimen Reipublicæ Christianæ habemus ab Or-

dine; per Matrimonium tandem homines ad Dei cultum destinati propagantur.

Opponunt tamen Adversarii: numerus septenarius Sacramentorum non reperitur in Sacra Scriptura, nec apud ullum ex SS. Patribus, imo SS. Ambrosius & Cyrillus Hierosolymitanus, & alii, qui fidei rudimenta in suis catechesibus exponunt, non meminerunt nisi duorum, aut trium Sacramentorum, nempe Baptismi, Confirmationis, & Eucharistiæ; unde talis numerus est novitas, quam Scholastica Theologia orta 12. sæculo induxit.

Resp. 1. cum Haberto. Neque Scriptura, neque ulla Synodus ante Laodicænum tradidit contextum catalogum librorum Canoniorum; igitur non admittendus est. 2. Igitur satis est, ut sicuti iam hic factum fuit, quodlibet ex septem Sacramentis colligi possit ex variis Scripturæ locis.

Resp. 2. cum cit. Haberto. Sanctos PP. aliquando unius Sacramenti, aliquando duorum, vel trium mentionem fecisse, quia illorum instituti ratio aliud non exigebat; & sic dum his rationem tribuunt Sacramenti, alia, quorum illis tunc non erat occasio loquendi, ab eadem ratione non excludunt. Hinc SS. Ambrosius, & Cyrillus, qui Catechumenos instruendos susceperant, de Baptismo, Confirmatione, & Eucharistia tractant, quia solebant illis hæc tria statim ministrari. Sic Rabanus nono sæculo in opere *de institutione Clericorum* non meminit Sacramenti Matrimonii, quia ad Clericos non pertinet. Durandus quidem minus recte scripsit de Matrimonio; sed in hoc omnes ab ipso recedunt Theologi.

Opponunt 2. varia SS. Patrum testimonia, & præcipue S. Augustini, ex quibus colligitur, plura quam septem esse Sacramenta, aut certe alia a nostris Sacramenta recensentur. Sic enim August. l. 19. cap. 14. *contra Faustum* annumerat Sacramentum cum Baptismo, & Eucharistia etiam signum Crucis, & alibi adscribit inter Sacramenta exorcismos, infusiones, aliove ritus, qui fieri solent circa catechumenos; & insuper l. 2. *de Peccator. merit. & remiss.* cibum sanctificatum, qui tunc dari solebat Catechumenis, vocat Sacramentum. Item Alexand. II. epist. 1. Aquam benedictam, lotionem pedum, quam proprio exemplo Christus nos docuit, una cum S. Ambros. l. 3. *de Sacrament.* cap. 1. & Bernard. in sermon. *de cena Domini*, ut alii prætermittantur, vocat Sacramenta.

Resp. omnia illa quæ proferuntur ex SS. Patribus, nihil officere sententiæ catholicæ

de numero Sacramentorum restricto ad septem tantum supra relato, cum SS. PP. loquantur in allatis textibus non de Sacramentis, sed de his, quæ sunt simpliciter Sacramentalia, quæ non agunt ex opere operato, quin etiam pleraque ante baptismum conferuntur, neque sibi adiunctam habent gratiæ sanctificantis promissionem, nec constat instituta esse a Christo Domino, vel ab Apostolis. Dicuntur igitur Sacramenta secundum latiore significationem, quod sub iis lateant rex divinæ. Unde signum Crucis, unctio pectoris (ait Estius) benedictio Sacerdotalis, Episcopalis, exorcismi Dæmonum, variarumque rerum consecrationes, seu benedictiones, non sunt nisi Sacramentalia. Nullum enim horum ex divina institutione vim habet gratiam conferendi ex opere operato. Circa vero aquam benedictam, & lotionem pedum, dico quoad primam cum D.

Thom. hic art. 3. q. 65. art. 1. ad 6. nec esse, nec dici posse Sacramentum, utpote quæ non perducatur ad sanctitatem, sed solummodo ad illam disponat, cum non sit instituta ad significandam perfectionem sanctitatis humanæ, idest gratiam, sed solum ut significaret dispositionem ad illam, ac proinde citatos PP. nonnisi in lato sensu hanc vocasse Sacramentum. Quoad alteram vero, idest lotionem pedum, licet Sacramentum, & Mysterium appelletur, ut a SS. Ambrosio, & Bernardo, non appellatur tamen tale nisi late, idest extenso nomine Sacramenti ad quodcumque signum sacrum; non quod contulerit munditiam spirituales, vel peccatorum venialium remissionem, sed quia significabat, quod Apostolis, quantumvis mundi essent, remanebant nonnullæ maculæ purgandæ; ideoque nihil fovet Adversariis quod D. Ambros. eandem lotionem vocet mysterium, & subsidium sanctificationis, quæ fit post baptismum; non ita enim eam vocat, quia putaret eam esse proprii nominis Sacramentum, sed quia servabatur in Ecclesia Romana ut cæremonia sacra, & habuit ab initio illam significationem, de qua hic antea loquebamur.

### S. XIII.

*De proprietatibus Sacramentorum, idest de eorum ordine, dignitate, & necessitate.*

Duplex ordo, ut notat P. Iuvénin. distingui potest in Sacramentis, *Dignitatis videlicet, & Receptionis*. Prior delumi potest ab essentia, seu ab ipsa substantia, ex qua Sa-  
cra-

Duplex  
Ordo i  
Sacra-  
mentis

tramentum intrinsece constat, vel ab effectibus quos producit, vel a Mysterio quod reprehesentat, vel denique a Ministro, qui Sacramentum confert. Alter Sacramentorum ordo peti potest, vel ab antiqua disciplina, quæ olim obtinuit, vel a recenti, quæ nunc viget.

Quoad ordinem dignitatis in Sacramentis sancitum est a Concil. Trident. sess. 7. can. 3. Sacramenta non esse inter se paria, ut nulla ratione unum aliud dignitate non excedat, contra Hæreticorum placitum, præsertim Calvinistarum, & Lutheranorum, qui volunt Sacramenta esse inter se paria, ut ea excipiant, seu detrudant e numero Sacramentorum, quæ sicuti Baptismus, & Eucharistia in sacris libris non comendantur, ut docent in Antidot. Concil. Trident. Calvinus, & in Epistol. ad Senatum Pragensem Lutherus; & credibile est, paria eos fecisse Sacramenta, ut æquiparando Calvinus Eucharistiam Baptismo, facilius negare posset realem Christi præsentiam in Eucharistia, & utraque paria statuisse in suo dogmate Sacramenta, quoniam eodem Dei verbo, Dei fidem excitando, simili prorsus ratione, id est indifferenter omnia pari virtute proficiant ad hominum salutem, ita ut nullum Sacramentum operetur intrinsecus in anima sanctitatem. Quantum in hoc a veritate recedant Novatores patet a Sacramentorum natura, & effectibus. Et revera cum Sacramentum Eucharistiæ contineat Christum, idest ipsummet gratiæ auctorem, & fontem, procul dubio quoad substantiam, ex qua constat, excellit cætera, utpote quæ gratiam tantum in se conjiciant. Ratione vero effectus, quem proprium peculiaremque habent omnia alia Sacramenta, Baptismus dignior est cæteris, cum hic non solum culpam, verum etiam poenam totam simul, ac semel deleat. Unde post Baptismum præstat aliis Pœnitentia in recenciliatione lapsorum, quibus remittit peccata omnia post baptismum commissa. Confirmatio excedit aliis quantum ad gratiam, seu quantum ad ius, quod dat ad auxilia actualia necessaria ad fidem coram tyrannis consistendam. Extrema unctio superat omnia alia Sacramenta quantum ad peccatorum reliquias, quas ex Christi Domini institutione delet, ac diluit. Ratione tandem Ministri Sacramentum Ordinis aliis Sacramentis est præstantius, cum a solo Episcopo conferri possit, ut suo loco dicitur, cætera vero Sacramenta a Sacerdotibus, ipsaque Confirmatio ex Summi Pontificis dispensatione. Matrimonium denique alia ex-

cellit ratione mysterii, quod eo significatur, quod est unio Christi cum Ecclesia, iuxta illud Apostoli; *Sacramentum hoc magnum est, ego autem dico in Christo & in Ecclesia.*

Circa ordinem vero recipiendi Sacramenta, puta unum prius, vel posterius altero, certum est, ut constat ex Ecclesiasticis monumentis, non semper viguisse eandem disciplinam quoad ordinem ea ministrandi. Primo enim erat in usu baptizandis omnibus, sive Catechumenis, & adultis, sive infantibus conferre simul successive Baptismum, Confirmationem, & Eucharistiam. Et hoc perduravit in Ecclesia occidentali, sive latina per duodecim priora sæcula; & talis mos adhuc viget in Ecclesia Græca: sed non solum diversus fuit a præsentī disciplina ordo ministrandi Sacramenta, sed etiam in eis recensendis, ac in tabulis scriptura exponendo. Nam Londinense Concil. recenset Pœnitentiam ante Eucharistiam, & Matrimonium ante Ordinem. Ioannes Paleologus in *Confess. Fidei*, Pœnitentiam, & Unctionem Extremam statuit postremo loco; ordinem vero, seriemque, quæ nunc servatur in eis recensendis, statuerunt Magister sententiar. S. Thom. alique Scholastici, Eugenius IV. & Concil. Trident.

## §. XI V.

*De Sacramentorum necessitate, & fine eorum institutionis.*

Sacramentorum necessitate clarissime definitur ut dogma fidei Concil. Trident. sess. 7. can. 4. contra Novatores, asserentes, hominem iustificari per solam fidem in divinis Christi promissionibus, ideoque Sacramentis gratiam iustificationis non conferri, sed fidem damtaxat excitari. Ita enim habetur incit. can. *Si quis dixerit Sacramenta novæ legis non esse ad salutem necessaria, sed superflua, & sine eis, aut eorum voto, per solam fidem homines gratiam iustificationis adipisci, licet omnia singulis necessaria non sint; anathema sit.* De fide igitur tenendum est, quod licet fides disponat ad iustificationem, aliæ tamen causæ ad eandem concurrunt; at præcipue ut causæ instrumentales Sacramenta, quæ virtute sibi a Deo indita sanctitatem efficiunt, quæ vi si carerent, neutiquam necessaria essent ad salutem, cum etiam verbum Dei, & librorum sacrorum lectio fidem excitare possint, & nutrire.

Necessitas porro Sacramentorum dupliciter generatim distingui potest; una scilicet

Duplici  
Sacra-  
mento.

rum ne-  
cessitas  
& usus.

*institutionis*, & *existentiæ*; altera *usus*, & hæc idest necessitas usus pariter duplex est; altera quæ dicitur *necessitas mediæ*, altera quæ dicitur *præcepti*. Necessitas mediæ, idest finis ea dicitur, quæ res ita necessaria est ad finem assequendum, ut sine ipsa obtineri nequeat; talis est cibus, ac potus necessarius ad naturalis viæ conservationem, & huiusmodi necessitate necessarij sunt Baptismus, & Pœnitentia ad æternam vitam consequendam.

Necessitas autem præcepti ea dicitur, quæ res est necessaria non simpliciter, sed secundum quid, idest ut facilius, & securius finis consequatur. Huiusmodi est sobrietas in cibo, & potu ad sanitatem conservandam; & in spiritualibus ita necessaria sunt alia Sacramenta ad animæ salutem, vel sanitatem fovendam. Prior necessitas dici potest interna, quæ videlicet oritur ex natura ipsius rei necessariæ: altera vero externa, quæ oritur dumtaxat ex præcepto. Quare sicuti non omnia Sacramenta, ut ex Trid. c. can. singulis necessaria sunt ad æternam salutem; ita non omnia necessaria sunt eodem modo. Baptismus enim, & Pœnitentia, quæ duo instituta sunt pro his, qui lethali culpa inquinati nequeunt, nisi sanctificentur, æternæ vitæ fieri participes, hæc duo, inquam, Sacramenta sunt necessaria necessitate mediæ, idest sunt medium necessarium, sine quo neque gratiam Sacramentalem, neque cœlestis regni hæreditatem consequi valeamus. Baptismus quidem parvulis, alijsve originali labe inquinatis, quia hic continet gratiam regenerantem; & Pœnitentia quæ continet gratiam reparantem, pro iis iis qui receptans in baptismo sanctificationem a qualibus criminibus amiserunt; ac ideo vocatur Pœnitentiæ Sacramentum secunda tabula post naufragium. Cætera Sacramenta sunt ad augendam gratiam instituta, necessaria tantummodo necessitate præcepti, idest suscipienda eo tempore, quo urget præceptum divinum, vel ecclesiasticum, ut Confirmatio quoad Neophitos ingruente persecutione, Exerema Unctio & Eucharistia imminente vitæ periculo, si tamen in singulis hijs casibus facultas suppetat suscipientibus illa recipiendi. Verum si universa Ecclesia spectetur, Ordo quoque habet absolutam necessitatem, idest mediæ, cum sine Sacrorum Ministrorum ordinatione neque consecrari possit corpus Dominicum, neque in hac rerum divinarum constitutione lapsis absolutionis beneficium impendi. Nihilominus tamen nec Ordo, nec Matri-

monium singulis sunt necessaria, cum homo libertate præditus nequeat nisi iusta causa impellente, neque sacro Ordine, neque Matrimonii vinculo constringi. Matrimonium eatenus necessarium est, quatenus Ecclesiæ filii debent cum sanctitate nuptiarum dare operam filiis procreandis.

Verum licet in proposito necessitatis Sacramentorum attigerimus eorum necessitatem internam, idest absolutam sive mediæ, & externam scilicet præcepti; non est tamen hic nostrum institutum de illa agere, sed potius cum Tourneleio agemus de necessitate institutionis, & existentie, non quidem simplici, & absoluta, quæ soli Deo convenit, sed hypothetica, & relativa ad finem supernaturalem. Immo nec hoc inquiratur, nam ex hypothesi quod Deo placuerit gratiam homini conferre, fuerit omnino necessarium institui Sacramenta, cum certissimum sit, virtutem Dei non esse ita alligatam, ut absolute nequeat Deus per semet ipsam sine ullo Sacramentorum instrumento gratiam conferre. Unde inquiratur dumtaxat de necessitate congruentiæ, ac cuiusdam sapientis æconomie, videlicet an consentaneum fuerit, & divinæ providentiæ, & naturæ hominis, ut per quædam externa signa supernaturale beneficium gratiæ suæ hominibus Deus largiretur.

#### S. XV.

*De fine, seu causis, unde consentaneum fuit Sacramenta institui.*

Varie sunt rationes, quibus insinuat convenientia institutionis Sacramentorum, & 1. est, ut eraderemur iuxta conditionem, & exigentiam imbecillitatis ingenii nostri; quia cum nonnisi per res sensu perceptas ad intelligenda spiritualia deducamur, sapienter instituta sunt signa sensibilia, seu Sacramenta, veluti quædam externa documenta, quibus ad cœlestia erigeremur, ac divinam in nostras animas virtutem aliquo modo comprehenderemus. 2. ut firmior redderetur fides nostra; ita ut sicuti in veteri lege Deus multis, variisque signis promissiones suas confirmavit, ut firmius eis populus fidem haberet, sic in lege nova opus fuit, ut Christus Dominus signa quædam sensibus subiecta instituendo, quasi quibuscumque pignoribus, se veluti nobis obligatum statueret, atque ita confirmaret suas promissiones de ventis peccatorum danda pœnitentibus, iustitia infusione Spiritus Sancti, & æterna vita iustis reddenda. 3. ut per hæc sacra signa, ac eorum usum,

usum, veluti per quasdam visibiles voces si-  
dem nostram publice, idest in hominum con-  
spectu profiteremur. 4. ut his tamquam in-  
strumentis ad humilitatis exercitia sanave-  
tur, ac edomaretur mentis nostrae superbia,  
dum sensibilibus signis se subiacere cogitur,  
atque ab illis dependeret tamquam necessa-  
riis mediis, & instrumentis ad salutem æter-  
nam consequendam. 5. quia ita exigebat  
externa distinctio fidelium, & Ecclesiae co-  
adunatio, ac societas; nam hiis sensibilibus  
Religionis symbolis fideles ab infidelibus dis-  
tinguerentur, & quibuscumque societatis  
vinculis inter se ipsos coadunantur, ac conne-  
duntur in unum Religionis Christianae no-  
men, ut notat S. August. l. 19. cont. Faust.  
cap. 11. In nullum quippe, ait S. D. religio-  
nis nomen seu verum, seu falsum coagulari  
possunt homines, nisi aliquo signaculorum,  
vel Sacramentorum visibilium consortio colli-  
gentur. Tandem eo sine Christus Dominus  
Sacramenta instituit, ut per hæc sacra Sym-  
bola veluti per canales sanguis illius e celo  
ad nos deflueret, ad producendam in anima-  
bus nostris sanctificationem, per quæ (ut  
alias notavimus,) dicunt PP. Tridentini  
scilicet. 7. omnis vera iustitia vel incipit, vel  
capta augetur, vel amissa reparatur. Et hæc  
fuit præcipua ratio, seu causa, & finis in-  
stitutionis Sacramentorum, quæ ideo sic  
definiuntur: Sacramentum est res sensibus  
subiecta, quæ ex Dei institutione sanctificatis,  
& iustitiæ tum significanda, tum efficiende  
vim habet.

## A P P E N D I X.

De Cæremoniis Sacramentorum, aliisque  
Ecclesie Ritibus, seu de  
Sacramentalibus.

### S. I.

De Cæremoniis Sacramentorum.

**C**irca vocabuli *cæremonia* significationem,  
profani Scriptores qui de illis agunt, Stra-  
bo scilicet, Valerius Maximus, Livius apud Vol-  
sium in Etymologico Cæremoniarum, ut ha-  
berit in P. Berti, putant derivatum a Cæ-  
re Thuriarum oppido, ubi, dum Galli Romam  
tenuere, assertam putant æternam ignem,  
commoratasque Vestales. Hinc Livius l. 7.  
Hist. appellat Cærem. *Receptaculum Romano-  
rum sacerdotum*. Scaliger vere deducit Cære-  
moniam ab antiqua dictione *cærus*, idest im-  
bus, bonus, non secus ac. sanctus dicitur a  
sanctitate, prudens a prudentia. Hinc non

pauci scribunt, cæremoniam sine diphthongo,  
sicuti hi etiam, qui hoc nomen a Cerere de-  
rivant, ut Philoxenus. S. vero Augustinus  
l. 2. *Retradist.* cap. 39. ac S. Isidorus l. 6.  
etymolog. cap. ultim. trahunt hoc vocabu-  
lum *cæremonias* a carendo, eo quod obser-  
vantes carent his rebus a quibus abstinere.  
Hinc cæremonia erat apud Iudeos carere car-  
ne suina, vota Nazæeorum aliorumve, qui  
vino aliarumque rerum ex voto carebant.  
Repetunt nonnulli e Cælo l in r commu-  
tato, ut in *carulus*; sed Viacomiti, aliis-  
ve, qui de re hac pertractant, magis arri-  
det etymologia tradita a S. Augustino. Ve-  
rum Cæremonia sunt omnia sacra; quæ  
apud Græcos *orgia* vocantur, ut ait lauda-  
to loco S. Isidorus, tametsi *orgia* proprie ef-  
sent sacra Patris, idest Bacchi.

Cæremonia rotte definitur: *Actus exter-  
nus religionis, quid ad honorem Dei, orna-  
tum, & pompam cultus divini, Sacramento-  
rum dignitatem, ac reverentiam ad hominum  
utilitatem refertur.* Unde quicquid ad cul-  
tum Dei pertinet, generali appellatione di-  
ci potest cæremonia. Bellarminus l. 2. de  
Sacram. in gen. cap. 29. pariter cæremoni-  
as iuxta quatuor genera causarum; nam  
in sacris actionibus quedam instituta sunt a  
Christo, quedam ab Apostolis, quedam ab  
Ecclesia, quedam etiam a natura indita,  
ut Cælum respicere, manus tollere, tunde-  
re pedes; & hæc distinguuntur a causa ef-  
ficien-  
te, seu ab institutore; ea quoque si  
rem vel causam materiale inspiciamus,  
aut personam spectant, aut tempus, aut  
modum, aut rem ipsam v. g. oleum, pa-  
nem, aquam, vestes &c. ... A causa for-  
mali dividit laudatus Bellarm. cæremonias  
in eas quæ vel immediate sunt Dei cultus,  
ut Sacrificium, oratio, adoratio, vel ad  
Dei cultum disponunt, ut ieiunium, vel coe-  
libatus; vel divini cultus sunt instrumenta,  
ut templa, calices, aræ. Sumitur ulterius  
cæremoniarum partitio ab effectu, vel fine.  
Nam aliquæ institutæ sunt ad sanctifican-  
dam hominem, ut Sacramenta, aliquæ ad  
quosdam spirituales effectus, ut exorcismus,  
aquæ lustralis asperio; aliquæ ad ornatum,  
& mysticam significationem, ut cereorum  
lumina. Neophitorum vestis, Sacerdotum,  
Glericorumque indumenta.

Hic tamen nomine cæremoniarum intel-  
liguntur ritus Ecclesiastici instituti a Chri-  
sto, vel ab Apostolis, vel ab Ecclesia, ut  
sacra decentius, & maiori cum solemnitate  
peragantur, ita ut cæremonias non Sacra-  
menta, aliasve res dicamus, sed modum,  
ordi-

Definitio  
Cære-  
monia.

Divisio  
Cære-  
monia-  
rum.

ordinemque res sacras decenter, accurate, magnifice, certis servatis regulis, rebusque adhibitis tractandi, atque perficiendi: & quoniam hic agimus de Sacramentis, res postulat, ut cœremoniæ quæ ad Sacramenta tum in specie, tum in individuo pertinent, exponantur.

Nota, cœremonias alias præcedere, alias comitari, alias subsequi eorundem Sacramentorum administrationem; & unaquæque laudem suam habet, & utilitatem. Nam quæ præcedunt præparant ad gratiam, quæ comitantur eam clarius expriment, ac quasi oculis subiiciunt; quæ vero subsequuntur, in ea iam percepta hominem firmitus confirmant. Communioni tamen vocabulo cœremoniæ Sacramentorum dicuntur Sacramentalia, quia pertinent ad ritum, seu modum ministrandi Sacramenta. Quæ autem cœremoniæ servantur in unoquoque Sacramento, suis in locis tradetur; nunc enim universim expendenda sunt restitudo institutionis cœremoniarum, utilitas in earundem usu, & culpa in ipsarum omissione. His adduntur quædam annotationes circa ea, quæ in pluribus, ac fere omnibus functionibus Ecclesiasticis adhibentur, ut sunt sacræ vestes, clericorum cantus, accensio cereorum, thurificatio, cum hæc omnia calumnientur, & improbent hæretici, ut ritus superstitiosos, quibus solutis breviter aliqua addentur de Sacramentalibus.

De Eccle. sic potest. statuendi cœremonias. Ecclesiam habere potestatem instituendi cœremonias sentiunt Catholici omnes, ac probant contra Novatores ex continua perpetua universalis Ecclesiæ praxi, & ex aliis monumentis, quæ fusi sunt potestatem a Deo accepisse promovendi exteriorem ipsius cultum, ornandi Sacramenta, instruendi fideles, ac eos ad pietatem informandi; ad quæ omnia maxime conferunt cœremoniæ; & eo vel maxime quod alias Ecclesia minorem haberet potestatem, quam Sinagoga, quæ novos ritus, ac festivitates instituere potuit, ut factum fuit in institutione novi diei festi a Mardocheo Esth. 9. & alterius tempore Iudith. ut habetur in cap. ultimo Iudith. Evincunt DD. hanc Ecclesiæ potestatem ex ipso Apostolo in sua 1. ad Corinth. 11. ubi pollicetur, se ordinaturum in suo adventu quæ ad celebrandam Eucharistiam spectant; *Cætera autem cum venero disponam*, quem in locum S. August. Epist. 54. alias 118. ad Iannar. refert morem ministrandi Eucharistiam solis ieiunis, addens institutos esse ab Apostolis ritus quosdam toto terrarum orbe servandos, cuiusmodi sunt annua solemnitas Dominicæ passionis, resurrectionis,

& ad Cœlum ascensionis, & quicquid constituitur ab universa, quacumque se diffundit, Ecclesia; deinde inquit cit. Pater, etiam post Apostolorum ætatem quædam instituta, quæ per loca terrarum, regionesque variantur, ut Sabbati ieiunium, Eucharistiæ certis diebus frequentatio. Unde ex S. August. tria inferuntur contra Sectarios, scilicet præter Sacramentorum institutionem quam tradit Scriptura, ipsa saluberrime retineri, quæ ad ulum, ac dignitatem pertinent ipsorum Sacramentorum, & ex his quædam esse, quæ ubique terrarum servat Ecclesia, nec ulla morum diversitate variantur, & hæc tradita esse ab Apostolis, idcirco a nemine prorsus violanda; quædam & quamplurima vigere in particularibus tantum Ecclesiis, quæ etsi relate ad universam fidolium multitudinem liberas habeant observationes, tamen servanda sunt pro eorum inter quos vivitur, societate. Hæc autem sacrarum cœremoniarum institutio comprobatur a Patrum traditione. S. Iulianus Martyr proximus temporibus Apostolorum meminit in sua Apolog. 2. multarum cœremoniarum pertinentium ad confessionem, & administrationem Eucharistiæ. Tertull. 3. sæculo scribit l. de Baptism. secundum Ecclesiæ consuetudinem dari baptizatis lac, & mel ad degustandum consuevisse. Sic S. Cyrillus Hierosolymit. Sacramentale S. Gregorii, S. Isidor. Alcuinus, Rabanus, Amalarius, & alii mentionem faciunt rituum, qui nunc etiam in Ecclesia servantur. Ex his omnibus manifestissime patet, quod si usus cœremoniarum opponitur verbo Dei, sicuti garriunt Novatores, Religio Christiana defecit in ipsis incunabulis, Ecclesia Catholica nunquam exitit nisi adultera, 55. quoque Patres perierunt in eius sinu; quod quam absurdum sit, nemo non videt.

Tantum enim abest, ut cœremoniæ, seu ritus, quibus in divinis officiis, & Sacramentorum administratione utitur Ecclesia, opponantur verbo Dei, quin etiam minime probat Ecclesia cœremonias, quæ verbo Dei opponuntur, nec in eis quibus utitur, agnoscat præcipuum cultum, qui Deo impendi debeat; item fatetur ab his non pendere efficaciam Sacramentorum, ac eas vim non habere sanctificandi, sicuti Sacramenta.

Ecclesiam vero in cœremoniarum institutione provide, ac prudenter se gessisse, constat ex Trident. Concil. sess. 22. cap. 5. ex quo docemur, exterioribus ritibus commendari divinarum mysteriorum maiestatem, mentesque fidelium per visibilia Religionis

&

& pietatis signa excitari ad altissimarum rerum contemplationem. Hic enim finis est, quare Ecclesia caeremonias instituit. Hinc clare sequitur, sacras caeremonias institutas fuisse ob mysticam & symbolicam significationem, non ut excogitavit Claudius de Vore Monachus Cluniacensis, ob ministrorum commodum, regionumque consuetudinem.

Et equidem in Ecclesiasticis caeremoniis attendendam esse spirituale significationem, patet ex divinae consilio providentiae, quo inspirat Deus suae Ecclesiae quomodo colendus sit non solum ad sui gloriam, sed ad nostram quoque maximam utilitatem. Hinc in veteri Testamento non sine occultae rei significatione inspiravit Abeli, ut ei offerret primogenita gregis, horumque adipem, ut docet S. August. Epist. 49. alias 102. Sic praescripsit Abrahamo Gen. 15. victimarum conditionem easque immolandi ritus, iubens scilicet vacam triennem, capram primam &c. Sic Iacob ut erigeret lapidem in titulum, ac super hunc oleum funderet quod ait S. August. l. 16. *de Civit. Dei* cap. 32. non fuit dumtaxat monumentum visibis, sed propheticum signum, *pietatisque ac spiritualis pinguedinis argumentum*. Insuper in lege scripta caeremoniarum omnium Auctor fuit, ut demonstratur in lib. Levitici. Nec sine mysterio Christus dedit Apostolis Spiritum Sanctum insufflando, demonstrans tali signo, quod ille a se quoque procedat, ut docent S. August. tract. 121. in Ioann. & Cyrillus Alexandr. l. 13. cap. 5. Incensum symbolicum esse orationis, altare throni Dei, candidum byssinum iustificationis, & gratiae habemus in Apocalypsi. Ex his igitur constat sacrarum caeremoniarum institutionem symbolicam esse, mysticam & spirituale, ac proinde nobis utilem, dum nobis inserviunt ad conciliandam maiestatem, & reverentiam mysteriis nostrae Religionis, ad promovendam in nobis pietatem, ac excitandam nutriendamque fidem nostram, utpote quae notitiam mysteriorum veluti sub oculis nobis ponunt, subiiciuntque, denique ad excitandam in corde tenerum quemdam Religionis & amoris Dei affectum. Iam enim a nostro capto semota sunt fidei mysteria, ut nisi indumentis quibusdam veluti circumvestita ob oculos ponantur, mentis attentionem facile fugiant.

Sacra caeremonia. Sedulo observandas esse, nec sine culpa omitti posse definit Concil. Trident. sess. 7. can. 13. Si quis dixerit receptos, & approbatos Ecclesiae

*catholica ritus in solemnibus Sacramentorum administratione adhiberi consuetos, aut contemni, aut sine peccato a Ministris pro libito omitti, aut in novos alios per quemcumque Ecclesiarum Pastorem mutari posse; anathema sit.* Et equidem in veteri lege caeremoniarum transgressio crimen erat adeo grave, ut Nadab, & Abiud, qui adhibuere ignem non sacrum in oblationibus Levit. 10. a caelesti igne extincti fuerint, & sic de aliis alibi habetur. Cum igitur non minori sanctitate polleant legis novae mysteria, ritus eorum contemnere, ac omittere est iniuria gravis Altissimo, quae vindicem eius indignationem valde irritat.

Advertendum tamen Tridentinum Concil. consulto iussisse observantiam sacrarum rituum in solemnibus Sacramentorum administratione, quia urgente necessitate sufficit, si materia, & forma Sacramentorum adhibeantur. Quocirca soluta remanet calumnia haereticorum, qui eo nomine caeremonias aspernantur, quod ita a nobis servantur, quasi existimemus gratiam illis promoveri, & iustificationem; hunc enim effectum tribuimus Sacramentis, non autem ritibus, quibus ea conficiuntur, & administrantur. Imo asserimus insuper, non omnem rituum transgressionem esse lethalem culpam, sed secundum caeremoniarum conditionem. Nam, si sint magni momenti, ut essent in celebratione Missae sacrae vestes, lumina, oblatio hostiae, aut calicis elevatio, & adoratio aliaque id genus, certe dicimus absque gravi peccato praetermitti haec non posse, nisi excusaret gravis inadvertentia. Si vero accidentales sint, & levis momenti, ut non abluere manus ante sacrificium, ac similia, nisi adsit contemptus, & scandalum, erit tantum levis culpa.

## §. II.

*De iis quae in ritibus solemnioribus Ecclesiae solent adhiberi.*

Ecclesia in solemnibus Sacramentorum administratione, & divini actione sacrificii primum utitur vestibus sacris, & bene, & religioni consonum, quidquid contra talem usum garriant haeretici. Nam & Aaron, ut habemus in sacris Scripturis ex divina ordinatione Exodi 28. ad divina illorum temporum ministeria, in gloriam & decorem in veste sancta accessit, & Samuel electus est a Deo ut deserviret in templo accinctus Ephod lineo ex 1. Reg. 2. quo in suo



suo ministerio utebantur etiam Levitæ; & talis ritus sacrarum vestium in sacris peregrandi antiquus est in Ecclesia, ut testatur Nazianzen. Orat. 2. ubi meminit Sacerdotalis stolas, & vetustissimi canones Concil. Laodicensi, qui præscribunt Clericis, ne sine oratio psallant, vel legant in Ecclesia; & sic habetur etiam ex aliis antiquioribus monumentis, ex quibus habetur S. Ioannem Evangelist. Laminum seu vitam Pontificalem adhibuisse, ut ex Polycrate Ephesino refert Eusebius histor. Eccl. cap. 24. & Stephanus, qui sedit in Pontificatu tertio Ecclesiæ sæculo, constituit, ut in Ecclesia Sacerdotes & Levitæ sacris vestibus uterentur. Et sic quamplurima alia habentur documenta, quæ brevitatis gratia omittuntur.

Usus habet Ecclesia in ritibus solemnioribus, & Ecclesiasticis officiis psalmodiæ, & cantus, & imprudenter hunc arguunt sectarii; & hic est antiquissimus, & valde conveniens, ac confert ad Dei cultum; quia ex S. August. Psalmi sunt linguæ, qua universalis Ecclesia laudes Dei celebrat, ac nos excitant ad laudandum Deum in somnibus, in psalterio, & cithara, in cordis & organo, ut dicitur in Psalm. 150. Et si usus psalmodiæ & cantus damnabilis esset in Ecclesia, David quoque damnandus esset, nec non Levitæ, & innumeri cantores Templi Salomonis, qui psalmis, & canticis Deum laudarunt. Hinc Apostolus hortatur Ephesior. 5. ut laudes Deo canamus in psalmis, & hymnis: *Loquentes vobis metipsis in psalmis, & hymnis, & in canticis spiritualibus, cantantes, & psallentes in cordibus vestris Domino.* In quem locum ait S. P. Hieronymus; *Sic cantet servus Christi, ut non vox cantantis, sed verba placeant, quæ leguntur.*

De initio  
usur  
Organorum  
in Eccle-  
sia.

Organa tamen, & cætera musica instrumenta primis Ecclesiæ sæculis in Ecclesia videntur incognita. Fideles quippe in cryptis, & speluncis sine multo apparatu sacra celebrabant. Primus Organorum usus communius tribuitur temporis Vitaliani Papæ circa annum Domini 660: ut refert Platina, Eignatelli; & Fortunatus Pictaviensis meminit usus organorum sæculo 6. l. 2. can. 1. Alii tamen ut Grosoli in Istagog. vult cepisse audiri organa tempore Damasi Papæ, qui creatus fuit Pontifex anni 367. Verum usus organorum non fuit universaliter receptus, quin sæculo 13. organa visa sunt S. Thomæ parum congruentia Christianorum moribus, ut habet in sua Sum. 22. q. 19. art. 2. ad 4. Hinc nonnullæ congregationes Regulares strictioris observantiæ organa & alia

instrumenta musica non admittunt in suis Oratoriis, qui ritus servatur etiam in Capella Papali, & in Metropolitana Lugdunensi, in utraque quarum canitur sine organi usu. Posterioribus vero sæculis Concilia tolerarunt, solumque prohibuerunt, ne profana sacris admisceantur, quales sunt concentus, qui voluptatem magis quam devotionem provocant, & omnia instrumenta, quæ ad choreas, ludos theatrales, & mundanas sæculi pompas inservire consueverunt. Cantus ad pietatem fovendam semper fuit in usu apud Christianos, ut colligi potest ex Tertull. qui cap. 2. Apologet. refert Plinium Iuniorum ad Traianum retulisse, quod inquirens in mores Christianorum nihil de his comperit præter obstinationem non sacrificandi, & cœtus antelucanos ad canendum Deo. Quam vero efficax sit cantus in divinis officiis adhibitus, expertus est S. August. ut refert in Confessionibus suis, ubi sic Deum alloquitur; *Quantum feci in hymnis & canticis tuis: suavis sonantis Ecclesiæ tuæ vocibus commotus acriter.* Quantum vero diligenter cavenda sit sensuum delectatio quæ mentem deprimit, monet idem S. D. l. 10. Confess. cap. 33.

Cantus vero ac alii ritus, ut sapienter, ac prudenter Ecclesia instituit, in latino idiomate celebrandi sunt, exceptis locis, quibus visum est antiquitus posse adhiberi maternam, ac vernaculam eorum linguam, ut contingit apud Græcos, & Illiricos, qui in divinis officiis proprio utuntur idiomate, utpote quod non minus, quam latinum decori sacrarum conveniat. Unde immerito nos de tali usu inculpant Novatores. Nec una ratio movit Ecclesiam, ut sola apud nos latina lingua Sacramenta administrarentur, aliaque sacra celebrarentur. Et primum quia ita congruit Ecclesiæ unitati, quæ exigit, ut ad Romanam Ecclesiam cæterarum caput, & Magistram venientibus eadem forma, a communiori idiomate societatis symbola præbeantur, alias tot adhibendæ essent linguæ, quot sunt Ecclesiæ membra, quod certe non servaret unionis vinculum, sed potius confusionem pareret, ut monet Apostolus 1. ad Corinth. Igitur valde accommodata est lingua latina, utpote quæ in toto occidente a pluribus edificatur, vernacula vero vix a quocunque extraneo; imo in eodem Regno ac Provincia, ut in Gallia, diversa sunt idiomata, Parisienium nempe, Aquitanorum, Avernarum &c. Insuper in quacunque lingua decursu temporis, incurfione barbarorum, populorumque mixtione frequen-

quenter occurrit mutatio; ex quo sequitur quod plura verba, & nomina fiant obsoleta, quæ proinde reddunt sermonem barbarum, & contemptibilem, sicque si nostra mysteria illo idiomate celebrarentur, contemptui essent exposita. Item hoc probat Ecclesiæ praxis; quia & Græci uno semper in suis Liturgiis usi sunt idiomate, licet ipsi pro regionum varietate variis dialectis loquantur, & in præsentem saltem popularis plurimum differt a litterali; & latini pariter nunquam latinam linguam deseruere irruentibus in Latium Barbaris, & adolente lingua itala & ad venustatem tandem qua nunc pollet perducta. Imo hæc est praxis ipsorummet Novatorum, ac proinde in ipsos vertitur calumnia, utpote qui frequentent & ipsi conventus religiosos suæ sectæ, tametsi ut plurimum lingua ignota celebrentur. Galli Calvinistæ dum peregrinantur in Germania & Anglia, conveniunt cum Gallis, & Germanis ad divina officia, quamvis lingua illis magis ignota quam latina persolvantur. Iniuste igitur incolpant Ecclesiam, quod latina lingua celebremus nostra mysteria, lingua latina pluribus impervia. Non intelligunt equidem idiotæ & rudes quid dicatur in Evangeliiis, Epistolis, Psalmis, aliisque sacris, dum a Sacerdotibus inter sacra peragenda leguntur; sed habent in Ecclesia Pastores & Parochos mysteria exponentes, ut mandavit S. Tridentina Synod. sess. 22. cap. 8. & absque eorum interpretatione, seu explicatione, sacra litteræ lingua vernacula prolatae adhuc ignaris essent obscurissimæ, pluribusque sacra mysteria non assequentibus offusciculo: præstat ergo unam latinam linguam cum Sacerdotum explicatione adhibere, quam vernaculas multas, ait P. Berti, cum privati spiritus præsumptione.

Usitur Ecclesia Candelis, seu cereis accensis in divinorum officiorum celebratione, utpote ad horum condectentiam valde congruis. Si ad veterem legem convertamur, inveniantur lucernæ ardentes in Sanctuario, ad quem finem ordinavit Deus, ut fabricaretur candelabrum cum septem lucernis, quæ semper arderent in Sanctuario, ut Exod. 25. Levit. 24. 3. Reg. 8. In iis autem, quæ ad divinum cultum pertinent, eadem semper habenda est ratio. Cereorum autem, & Lampadarum usum in Ecclesia Christi ex variis monumentis colligitur antiquissimum esse, cum plurima de re hac habeantur Patrum testimonia, ut Nazianzen. Orat. 4. seu in vectiva 2. in Iulianum, S. P. Hieronym. l. 2. adversus Vigilantium. Nec solummodo ad

expellendas nocturnas tenebras usum luminum induxit Ecclesia in divinorum Officiorum celebratione, sed præcipue in typum ac symbolum spiritualis luminis, ut notat S. P. Hieronymus. Hinc designati fuerunt Clerici in Ecclesia, dicti Acolyti, quod idem sonat ac ceroferarii, quorum munus esset lumina, ac cereos accendere in Ecclesia, ut constat ex Concil. Carthagin. IV. celebrato anno 398. can. 6. ubi eorum ordinatio describitur ab Archidiacono, *accipiat ceroferarium cum cereo, ut sciat se ad accendenda Ecclesiæ luminaria mancipari, & hoc habetur in Sacramentar. Gregorii de Acolyti ordinatione, ex Innocent. III. Alcuino, Rabano, Ruperto, & aliis, & ad hanc finem preparata semper fuere candelabra in Ecclesia.*

Thuris quoque usum amplexa est Ecclesia in sacrorum celebratione; & hoc usum est suo tempore etiam Synagoga, ut non minus habetur testimonium in veteri testamento, præcipue in Exodo & alibi. Nec tamen eo utitur Ecclesia, ut caeremonia iudica, nam omnes cum illo statu legis expirarunt, sed quatenus est symbolum orationis Psalm. 140. carumque virtutum, quarum gratia *Christi bonus odor sumus* ex 2. ad Corinth. 2. Per antiquum est in Ecclesia usus thus adolepti, ut qui pertrahant de rebus Liturgicis, ostendunt ex can. 3. inter Apostolicos, ex Autore operis *de Ecclesiastica Hierarchy. cap. 3. & ceteris Concil. Chalcedon.* Hoc item demonstrant antiqua thuribilia; unde ex his colligitur antiquissimus in Ecclesia usus thurificandi. Anastasius memorat inter dona a Constantino Ecclesiæ Lateranensi collata duo thimiamaria ex auro purissimo ponderis triginta librarum, & donum aromaticum ante altaria annis singulis libr. 250. aliud quoque thuribulum memorat donatum ab eodem Constantino Basilicæ S. Petri ex auro purissimo gemmis ornatum.

Nec minimum officit quod opponunt Novatores ex cap. 1. Isaia, ubi Dominus ait; *incensum abominatio est mihi*; siquidem per Isaia testatur Dominus, se oblationes, & sacrificia aspernari, si manus offerentium pleas sint sanguine, nec quiescant perverse agere, ut ibidem dicit Propheta, & explicat Nazianzen. in 3. Orat. contra Iulianum. Restat nunc, ut aliquid dicamus de Sacramentalibus.

De usu  
Thuris  
in divi-  
nis cele-  
bratis  
Officiis.

## §. III.

## De Sacramentalibus.

Quid no-  
mine Sa-  
cramen-  
talium.

Sacramentalia sic appellantur, vel ex eo quod soleant adhiberi ad Sacramenta efficienda, vel ministranda, ut effusio Crucis, benedictiones, Orationes Ecclesiae; vel ex eo quod aliqualem sequantur & imitentur virtutem Sacramentorum, ut aspergio aquae lustralis, usus rerum benedictarum ab Ecclesia, Confessio generalis, unctio peccatoris, & huiusmodi; & communiter sex enumerantur, ad quae cetera reducuntur, & continentur sequenti versiculo.

Orans, tinctus, edens, confessus, dans, benedicens.

Orans indicat orationem dominicam, quae est quotidiana oratio Fidelium, nempe *Pater noster* &c. cap. de quotidianis de Penit. dist. 3. *Tinctus* significat asperzionem aquae lustralis, de qua habetur in cap. *Aquam de consecr. dist. 3.* Huc reducitur unctio caeremonialis in Regem, & similes unctiones: item impositio cineris benedicti. *Edens* intelligunt aliqui dignam S. Eucharistiae, imo cuiuslibet Sacramenti susceptionem. Verum hoc non tam videtur spectare ad Sacramentalia, quam Sacramenta, & hinc alii per *ly Edens* intelligunt devotam manducationem panis benedicti, & huiusmodi. *Confessus*, qui & exomologesis ab antiquis dici solet, intelligitur confessio, quae publice fit die Iovis in coena Domini, & etiam, ut communiter, Confessio generalis, quae in hunc finem ab Ecclesia est instituta, ut dicatur in principio Missae, atque sub Prima, & Completorio. *Dans* denotat elargitionem elemosynae. *Benedicens* designat benedictionem Episcopalem, vel Abbatis consecrati alios benedicens.

Cum autem Oratio Dominica, & elargitio elemosynae non sint ritus ab Ecclesia instituti, sed opera moralia, de his non est hic differendi locus.

Quomodo Sacra-  
mentalibus  
gratiam  
produ-  
cant.

Sacramentalia producant quidem sanctitatem, sed non ex opere operato; nam talis vis, & efficacia propria est Sacramentorum, quae Ecclesia instituere nequit, ut iam patet ex dictis. Sacramentalia vim habent ex precibus Ecclesiae impetrandi gratias actuales quibus applicantur. Si enim privati per oleum, aquam, panem, &c. a se benedicta salutare effectus aliis obtinuerunt, ut de plurimis Sanctis fidem facit Ecclesiastica Historia, a fortiori ipsamet Ecclesia, in qua Sancti omnes continentur,

praestare id poterit. Fideles ergo precibus Ecclesiae adiuti dum pie illa Sacramentalia adhibent, facilius doloris & contritionis, sive amoris Divini motum concipiunt, quo vel delent peccata, vel in gratia crescunt; idcirco sequitur, Sacramentalia nonnisi ex opere operantis, & remote sanctitatem producere.

Usus Sacramentalium antiquissimus est. Et quoad benedictiones, in lege etiam naturae Sacerdos Melchisedech benedixit Abraham Gen. 14. In lege scripta praescriptae Deus Numer. 6. Sacerdotibus Aaronicis formam benedicendi Israelitis, ac promisit se eorum benedictiones confirmaturum; *Et ego benedicam eis.* In nova lege ritus Ordinationis Presbiterorum ostendit eis competere potestatem benedicendi, eamque Ecclesia precibus suis, & suffragiis commendat his verbis: *Consecrentur manus istae, ut quidquid benedixerint, benedicatur.* In Concil. Agathensi initio 6. Saeculi prohibentur Presbyteri benedicere plebem, & poenitentes, ut potestas illa propria conservetur Episcopis. A tempore Apostolorum ad haec usque tempora benedixerunt Presbyteri cum Latini tum Graeci, eorumque benedictiones nonnunquam Deus miraculis confirmavit; & Imperatores ipsi pro magno beneficio habuerunt si ab Episcopis benedicerentur.

Inter ea, quae benedicuntur, est aqua lustralis; & huius benedictio duplex est tum apud Latinos, tum apud Graecos; Solemnior quae in Ecclesia latina celebratur pridie Pascha, & Pentecostes ad fontem baptismalem; apud Graecos vero in festo Epiphaniae, quae ab ipsis Theophania dicitur; alia minus solemnis, quae fit ab utraque Ecclesia Orientali scilicet, & Occidentali diebus Dominicis. Nequit dubitari quin prior benedictio fontis baptismalis sit traditionis Apostolicae, cum antiquiores PP. illius meminerint. De tempore vero institutionis alterius benedictionis res est valde incerta, nec conveniunt inter se Theologi. Alii institutam volunt a S. Alexandro, qui vixit primo saeculo, sedique initio secundi, & ex eius decretali suam confirmant sententiam. Verum Decretales 4. saeculo antiquiores, tamquam suppositae a quodam Isidoro Mercatore, quia primus huiusmodi Decretales Pontificum Episcopi in lucem edidit, communiter reiiciuntur. Bellarminus l. 3. de cultu Sanctorum cap. 7. contendit in ea Decretali usum aquae benedictae tantum praecipui, institutum vero esse ab Apostolis. Sed dato etiam quod Ecclesia, non Apostoli, bene-

Usus Sa-  
cramen-  
talium  
antiquis-  
simus.

D: ben-  
dictionem  
aquae lu-  
stralis.

benedictionem hæc instituerit, satis est illam esse antiquissimam, ut constat ex Sacramentariis Latinis, & Græcorum Euchologiis. Ex hac aqua benedicta sive sit una, sive altera, semper mos fuit in universa Ecclesia tum latina, tum græca, ut fideles ex aqua sive solemniori, sive minus solemniori ritu benedicta secum domum deferrent ad aspergendos cibos, agros, pecora, eorumque stabula, & ad arcendas a propriis domiciliis Dæmonum infestationes, sicuti constat, & ex Græcorum Euchologiis & ex ordine Romano, edito a P. Mabillonio, & ex aliis veteribus monumentis, cum hac sola differentia, quod alibi ut in l. 7. *Capitularium* præscribitur, ut aqua solemnitus benedicta extrahatur, antequam infundatur Christana; alibi vero, ut in ordine Romano, post ipsius Christum infusionem. Usus aspergendi aqua lustrali est antiquissimus, nec iam indutus in Ecclesiam iuxta sensum Ethnicorum, qui pariter suam lustralem adhibere, cum minime credamus, sicuti ipsi opinabantur, huiusmodi aquæ lustratione castimoniam præstari; sed hoc agimus, quia symbolum est interioris ablutionis, & per Ecclesiæ præces sanctificata valet ad expellendos Dæmones, supernamque obtinendam benedictionem. Viri eruditissimi demonstrant, istam asperfusionem esse institutionis Apostolicæ, ut Baronius ad annum Christi 132. n. 3. Card. Bona de reb. Liturgic. l. 1. cap. 20. Bellarm. l. 3. de cultu Sanctor. cap. 7. Blanchinus, & alii hic relati a P. Berti, eo quia deprehenditur, hanc asperfusionem semper in Ecclesia obtinuisse, nec prima institutio invenitur. Nam de huius aquæ asperfusionem mentionem faciunt Sinelsius Epist. 121. apud Menandrum in Sacramentarium Gregorii, Theodoret. l. 5. cap. 21. Histor. Ecclesiast. ubi etiam refert a Marcello Apamænorum Episcopo asperfusionem aquæ benedictæ fugasse Dæmones; imo plura huiusce generis mira collegerunt Altacerra, Petrasanta, Gresserus, quos hic refert laudatus P. Berti; qui in his observat, neminem istorum commemorare ritum illum tanquam novum, & sua ætate receptum; & exinde concludit, ad nos ex Apostolorum traditione devenisse. Habert.

Eulogiarum, seu panis benedicti frequens mentio habetur apud Scriptores IV. Sæcul. & plures afferunt decretum Miltiadis qui præcepit, ut oblationes consecratæ distribuerentur per Ecclesias, eas *fermentum* appellans. Confueverunt olim fideles in signum, seu symbolum communionis sibi invicem mit-

tere Eulogias, ut constat ex can. 14. Concil. Laodicensis, quo inhibetur, ne sancta instar Eulogiarum in festo Paschæ ad alias Parochias transmittantur; & can. 82. vetat Eulogias ab hæreticis accipere. Panis benedicti, seu Eulogiarum meminit S. August. l. 2. de peccator. meritis. cap. 26. Paulinus Episc. Nolanus in fine epist. 25. inter Augustinianas. In Concil. Aquisgranensi cap. 64. anno 817. sancitum est pro Monachis, ut Eulogiæ fratribus, qui eo die non communicaverint, per manus Sacerdotis in Refectorio distribuerentur; quod etiam Hincmarus præstandum sancivit omnibus laicis. Usus Eulogiarum adhuc viget in Ecclesia Græca, apud quos comeduntur a ieiunis non communicantibus, ut Eucharistiæ privationem utcumque compensent: Eulogiæ etenim sunt in supplementum Eucharistiæ, quæ dicebatur *fermentum*; quia sicuti fermentum totam massam pervadit, sic Eucharistia Fidelibus distributa omnes in unum copulat, ac propterea in signum unionis ministerio Acolythorum ad Presbiteros urbanos mittebatur, ut constat ex epist. Innocent. I. ad Decentium Episcopum.

Verum refrigescente fidelium devotione obsolevit usus domum Eucharistiæ asportandæ, quin Concil. Laodicense illud prohibuit can. 14. Quocirca usus Eulogiarum, sive panis benedicti substitutus est tum apud Græcos, tum apud Latinos; unde cum specialem benedictionem accipiat ad spirituales effectus, servandamque unionem, quæ inter fideles debet esse maxima, præbendus non est animalibus, pro quorum pabulis alias benedictiones instituit Ecclesia; imo nonnisi religiosa mente tanquam quid sacramentale sumendus est, & non miscendus cum prophanis cibis, cauteque servandus; ne pereat iuxta decretum Hincmari; *Micas* (inquit) *ne incaute defluant, accipiat (Presbyter) panem illum sanctum fidelibus distribuens*.

Sacramentale, seu ritus Confessionis publicæ, sed generatim in cœna Domini, & continuo percipiendi a Sacerdote, vel ab Episcopo si adsit, benedictionem, quæ vulgo dicitur *absolutio*, est umbra, & repræsentatio ritus antiquioris, secundum quam publici Pœnitentes initio Quadragesimæ e templo eiekti hac die reconciliabantur, palamque absolutionis beneficium perfecta iam pœnitentia consequabantur. Nihil profecto est in hac cæremonia, licet non admodum antiqua, quod merito reprehendere possint Sæctarii: in hac enim Fideles palam se confitentur peccatores, a Deo veniam petunt,

pro illis Ecclesia suis suffragiis intercedit, eosque per Ministrum suum benedicit; quæ omnia plane religionem sapiunt, & impellunt ad poenitentiam, sanctiorisque vitæ consilium.

De bene-  
dictione  
Cinerum.

Sunt alæ benedictiones, quas Hugo Victorinus connumerat inter Sacramentalia; unde de his quoque breviter aliquid dicere censui, ac primo de benedictione Cinerum, quibus Cineribus benedictis significatur contritio, humilitas, poenitentia. Hinc ut Deum placatum redderent David, Esther, Iudith, Ninivitar, cinere se consperferunt; cinere excitatur mortis recordatio, unde dixit Rupertus l. 4. de *Divinis Offic.* cap. 10. *Cinere capita nostra aspergimus, ut nostram obis calamitas ad memoriam revocetur*; idcirco in aspergendis Fidelium frontibus facris cineribus die Cinerum, futuram consolationem in primævam pulverem, seu cinerem per eorum mortem ipsis in mentem revocat Sacerdos; *Memento homo, quia pulveris es, & in pulverem reverteris.* Hæc consuetudo aspergendi cineribus capita Fidelium die Cinerum orta est ex antiquo ritu cinere aspergendi tali die Poenitentes, qui ritus evasit postea communis omnibus, quod confirmatur can. 63. Concil. Agathensis, quod iubet, ut initio Quadragesimæ recipiantur cinerum conspersiones.

De bene-  
dictione  
Palmarum.

Alter ritus in Ecclesia habetur benedictionis Palmarum, quæ fit in ultima Dominica Quadragesimæ, quæ ideo dicitur *Dominica palmarum*, & hic ritus est antiquissimus, nec alias ab 8. tantum sæculo, ut scribit P. Martene cap. 20. de *Antiq. Eccles. disciplin.* ut viri docti observarunt ex Sacramentario Gregorii, eiusque per antiquo codice Regine Svecorum, in quo mentio fit huius cæremoniæ, nec non ex vetustissimo Calendario edito ab ipso Martene volum. 8. A. necd. & eiusdem iudicio ante quintum sæculum exarato, ubi pag. 72. notatur *Dominica in Palmis, & Statio ad S. Ioannem in Lateranis.* Multa profecto continet mysteria hæc cæremonia benedictionis Palmarum; primum quorum est triumphalis ingressus Christi Domini Salvatoris nostri in Ierosolymam, ut habetur cap. 21. Matthæi; alterum pacis, & gratiæ, ad quam dominica Pascha præcedente poenitentes & baptizandi festinabant; quare illa dies in ordine Romano appellata est *Dominica indulgentiæ*, & apud Alcinum aliove *Pascha competentium.* Illius triumphi Salvatoris sunt palmæ, huius vero pacis rami olivarum. Isidorus l. 17. Etymolog. cap. appellat oleam *pacis insignem*,

ut figuratur in ramusculo huius arboris quem columba portavit in arcam, ut habetur Geneleos cap. 8.

Ritus insuper habet Ecclesia benedicendi Cereum Paschalem, quam cæremoniam quoque commemorat Hugo Victorinus. Hanc statutam a Zosimo electo ad Pontificatum anno 417. volunt Sigebertus in *Chron.* Leo Ostiens. l. 3. *Chron. Cassin.* cap. 31. & qui de Ecclesiæ ritibus scribere, Amalarius, Rupertus, aliive. Observat tamen Baronius ad ann. 418. n. 17. & cum ipso permulti alii, benedictionem Cerei Paschalis Zosimo antiquiorem esse in Ecclesia. Etenim Anastasius, & liber Pontifical. tradunt, Zosimum statuisse, ut Cereus qui accendi tantum solebat in principalioribus Basilicis, benediceretur in singulis quoque Parochiis. Accenditur autem Cereus Paschalis, ob mysterium Resurrectionis Christi, sicuti habetur cap. 9. Concil. Toletani IV. necnon ob Evangelicæ fidei, & gratiæ splendorem.

Ritus quoque viget in Ecclesia consecrandi, seu benedicendi per Sum. Pontificem cereas imagines, quæ vulgo appellantur *Agnus Dei*, eo quod supra tali cera imprimitur figura agni. Improbe obmurmurant contra hunc ritum, quoque Sectarii, inter quos Hospinianus, & Apostata Vergerius, quorum primus ait in Apophoretis derivasse a sigillariis, quæ sibi invicem mittebant Romani in Saturnaliorum Festo: alter nauseam sentit, quia Romanus Pontifex pronunciat, coram cum agno impresso (inquit ille tom. 1. in fine) delere peccata *ut sanguinem Christi.* Agit de ritu ceras consecrandi Panvinus, in quo refutant doctissimi recentiores, quod ait, invaluisse ritum hunc postquam desuit usus administrandi in Paschate solemnem Baptismum, ac proinde post IX. sæculum. Sed videtur P. Berti, Panvinus asserere, quod remansit ritus iste sublatum antiquiori, quo baptizatis dabatur *cera candidissima cum imagine agni, confecta ex Chrismate, oleo Sancto, cereis paschalibus*; & de solemni ritu benedictionis pertrastare, non de antiquiori institutione, quæ saltem sæculo V. vigeat: quod comprobandum protulit olim Vincentius Bonardus in *Opuscul.* Itala lingua conscripto pag. 32. per ceram Sacram, sive *Agnum Dei* repertam anno 1544. in Sarcophago Mariæ Augustæ Coniugis Imperatoris Honorii, quæ e vivis decessit circa medium V. Sæculum. Et hoc argumento utitur etiam Benedictus XIV. felicissimæ recordationis in absolutissimo opere de canonizatione SS. tom. 4. part. 2. cap.

De bene-  
dictione  
Cerei Pas-  
chalis.

De bene-  
dictione  
Cerei  
um quæ  
vulgo ap-  
pellantur  
Agnus  
Dei  
summus  
Pontifex.

cap. 20. n. 12. His ergo agnis abolita est, non confirmata iuxta Baronium, supersticio Gentilium, amuleta, bullasque gestantium. Vergerii vero falsissima est calumnia. Agnos enim, de quibus agitur, symbolum esse Christi qui nos proprio redemit sanguine, recte ait Rom. Pontifex, qui hanc ceram consecrat, benedicit, & dispensat; & omnes Catholici asserunt symbolum esse Christi, qui nos proprio sanguine redemit; ac agnis iisdem virtutem sanctificandi minime tribuimus, non solum meritariam illam ac summam, quæ est in Christi morte, sed nec instrumentalem, quæ propugnatur in Sacramentis. Hi Agni Dei benedici solent solemniter a Sum. Pontifice pontificaliter induto variis Cæremoniis primo anno sui Pontificatus infra octavam Paschæ, consecrantur autem in eorum benedictione oleo sacro, & Chrismate. Gregorius XIII. circa hos agnos edidit Constitutionem incipientem *Omni certe*, in qua sub pœna Excommunicationis nemini reservatæ omnes cuiuscumque gradus, & conditionis afficientis prohibet, ne similes Agni Dei inaurantur, pingantur ullo colore, nullo modo venales fiant ratione benedictionis, sed solummodo ob valorem techæ in qua includuntur, vel ratione tantummodo ceræ, ex qua sunt constructi. Illicitum est pariter eos liquefacere cum alia cera, ut sic possint multiplicari, nisi ad hoc habeatur speciale privilegium, quod concessum est Monachis S. Mariæ Tuliensis, ut tamen ipsi soli, & non alii renovare possint Agnos Dei. Tangere seu contrectare Agnos Dei non licet nisi Clericis in sacris constitutis, ut colligitur ex cap. *Sacratas* dist. 23. usus tamen obtinuit, sicuti notat Sanchez, Diana, & alii passim, ut etiam Laicis & foeminis liceat eos tangere, eo vel maxime si fiat ex devotione, & pietate, vel ut ponantur in aliqua capsula, vel techæ aurea, vel argentea, vel huiusmodi.

Habetur item in Ecclesia ritus benedicensi Candellas in die festo Purificationis B. M. V. Tribuunt quidam hunc ritum Sergio Rom. Pontifici, qui Cononi successit anno 687. sed Sergius tantum statuit, ut eo die haberentur Litaniz: Ante Sergium vero de hoc ritu, ac festo sermonem habuere Sophronius Hierosolymitanus, Idelphontus, Toletanus, & Eligius Noviamensis Episcopus. Quidam cum Baronio in notis ad Martirolog. Roman. huius cæremoniæ auctorem faciunt Gelasium successorem Felicis III. anno 498. eo quia Gelasius sustulerit Lupercalia, ut constat ex erudito eius Commentario ad-

versus Andromachum. tom. 4. Conciliot. Omnes iam concedunt Lupercalia facta fuisse mense Februario; imo ab his dici Februarium, notat S. August. l. 18. *contra Faustum* cap. 3. Est enim februare idem ac *lustrare*, *expiare*, *purum reddere*: Lupercalia vero idem sunt ac Lustrationes, quibus pelle hirci, vel capræ dissecta, Urbs lustrabatur, lorisque inde factis cælsæ mulieres opem ferente lunone facilius concipere, & parere credebantur. Sed refellitur hæc sententia ab eruditissimis viris, ex quo Gelasius scribat quidem contra Lupercalia, sed de Purificatione Virginis, candelarumque benedictione nullam mentionem facit. Lupercalia celebrabantur decimaquinta Februarii; unde nihil est in hac cæremonia quod respondeat Lupercalibus. Menardus vero, Angelus Rocca, & alii permulti, a quibus non dissentit Benedictus XIV. Notificat. in Festum Purificationis 26. verosimilium putant, institutam esse cæremoniæ hanc contra Lustrationes Amburbales, quibus Ethnici ut iusta perfolverent Diis Manibus, urbem accensis facibus februabant. Sic affirmant Rabanus l. 2. de *Institut. Clericor.* cap. 33. & Innocent. III. serm. 1. de *Purificat.* Rabanus quidem scribit, institutam esse hanc cæremoniæ adversus lustrationes Februus sacras, & Innocentius adversus cultum Cereris, quæ fertur accensis facibus quæsisse Proserpinam raptam a Plutone; & revera Februus, Pluto, Deus lustrationum, sunt unum & idem. Hæc de ritus institutione. Nos autem candelas accensas ferimus, ut sicuti Simeon accepit in ulnis suis puerum Iesum, & superno lumine agnovit latentem in eo maiestatem, sic nos quoque ceræ gestantes carnis fragilis, ac labentis symbolum, supernum gratiæ lumen imploramus, ut ad imitationem Virginum prudentum lampade castitatis accensa sponso occurramus.

Alias insuper habet Ecclesia cæremoniæ, Recensentur a. liz Ec. lesiz cæremo. niz. ut consecrationes Templorum, & altarium, quæ variis cæremoniis peraguntur, utendo sacro chrismate, quo utraque variis crucis signis inunguntur, uti dicitur agendo de ritibus Sacramenti Confirmationis, & usu chrismatis: Consecrationem sacrorum vasuum, calicis nempe, & patenæ, quibus divinum peragitur Sacrificium, pyxidis, in qua sacra servatur Eucharistia, ostensorii, in quo exponitur publicæ adorationi Venerabile Sacramentum; & in horum quoque consecratione adhibet sacrum chrisma; Item benedictionem campanarum cum usu pariter sancti olei chrismatis, quæ consecra-

secratio dicitur etiam improprie baptizatio.

De Cere-  
monia  
lotionis  
pedum  
Fer. 5. in  
coena Do-  
mini.  
Aliam tandem caeremoniam facere solet Ecclesia, nempe lotionem pedum Fer. 5. in Coena Domini ad imitationem Christi Domini, quam tali die ipse peregit ad exemplum & exercitium humilitatis, cuius est signum maxime expressivum & conveniens: *Exemplum dedi vobis*, (ait Christus discipulis) *ut sicut ego feci, ita & vos faciatis*. Insuper in tali pedum lotionem discipulis significare voluit purgationem etiam a venialibus ante sumptionem sacrae Eucharistiae, ut indicant illa verba Christi; *qui locus est non indiget nisi ut pedes lavet, sed est, mundus*

*totus*; quae purgatio acquiritur non per talem lotionem quasi ipsa per se vim habeat venialia purgandi seu remittendi, aut gratiam sanctificantem conferendi, sicuti Sacramenta, quod nequidem in Discipulis vi sua fecit, sicuti notant Theologi, sed per orationem, & virtutes humilitatis, & charitatis, quae in tali lotionem exercentur. Sylvius, P. Berti, & alii.

Extat in Ecclesia ritus quoque benedicendi seu consecrandi oleum Chrismatis, infirmorum &c. qui fit per Episcopum Fer. V. in Coena Domini. Sed de hoc sermo erit, ubi de ritibus Sacramenti Confirmationis.

## TRACTATUS DE BAPTISMO.

**E**xpedit ab iis, quae iuxta stylum Theologicae Scholae breviter egimus de generali ratione Sacramentorum, ea examinanda suscipimus, quae eorumdem singillatim naturam respiciunt: & primum de Baptismo agemus, qui cum nobis initium conferat spiritualis vitae per regenerationem, (per tale enim Sacramentum ad spirituale vitam renascimur) idcirco primum est Sacramentorum, quod recipere possumus, & ad alia percipienda cum viam aperiat, dicitur a Theologis *ianna Sacramentorum*. In naturali generatione, quae sit parentum opera, ad corporalem, terrenamque vitam nascimur: per supernaturalem vero, quam in nobis operatur Baptisma, renascimur ad vitam spiritualem & divinam. Per primam generationem efficimur filii hominis: per posteriorem filii Dei, & Regni caelestis haeredes. Primus homo (ait Apost. 1. Corinth.) *de terra terrenus: secundus homo de caelo caelestis*. De hoc itaque Sacramento, quo renascimur, abluimur, divini Spiritus participatione donamur, & de antiqua peccati propagine in novam generationem, & vitam transimus, facti nova creatura, novum figmentum, pertractare aggredior.

### §. I.

*De nomine, ac definitione Baptismi.*

Si nominis *Baptismi* ethymologiam, significationemque inspicimus, cum sit deductum

a Graeco vocabulo *mergo*, ac *tingo*, immersionem, ac tinctionem significat; quia nempe qui olim baptizabantur penitus aquis immergebantur, ac tingebantur: nec immersio hic sumitur pro simplici immersione in aquis, seu madefactione, sed pro immersione, quae rei immerse sit simul lotio, seu ablutio; & in tali significatione accipitur a Graecis *baptizare*, idest abluere, ac lavare. Idemque significat in legalibus baptismis, de quibus sacrae loquuntur litterae. Unde nomen Baptismi dupliciter considerari potest, & secundum significationem grammaticalem, & secundum significationem Ecclesiasticam, & Sacramentalem.

Nomen Baptismi apud Sacros Scriptores variis usurpatur significationibus, & quatuor praecipue, ut observat Tournelleius, videlicet in significatione mere litterali, & communi; in caeremoniali, seu legali; in metaphorica, seu figurata, sive ut dicitur ab aliquibus accommodatitia; in Ecclesiastica, & Sacramentali.

Baptismus iuxta litteralem vim nominis nihil plus importat, quam ut antea dicebam cum verbo Graeco, immersionem, & intinctionem, ducta hac significatione ab usu vulgari totum mergendi in aquis quod lavare quis velit. Et in hoc sensu baptizata dicuntur quaecumque ablutiones etiam prophanæ, ut usus balneorum 2. Esdr. 4. lotiones calicum, aliorumque huiusmodi vasorum. Secundum significationem legalem, Ba-

Baptismi vocabulum in divinis Scripturis significat lotiones illas caeremoniales, quae iuxta legis praescriptum frequenter fiebant ab Hebraeis; unde Baptistae appellantur a S. Iustino in Dialogo cum Triphone: hinc ortum duxit haereticis Hemerobaptistarum, eorum nempe, qui ut habet S. Epiphanius haereticorum 17. tam vere, autumno, quam aetate, atque etiam hyeme quotidie lavant. De usitatissimis Indorum baptismatibus, seu lotionibus loquitur Evangelium D. Marc. cap. 7.

Baptismus vero S. Ioannis fuit hic quoque caeremonialis, sed divinitus ipsi inspiratus, ut eiusdem usu viam sterneret, pararetque ad Baptismum Christi per poenitentiam, ad quam & ipsum Baptisma, & Ioannes baptizans suis praedicationibus hortabatur.

In sensu accommodatio, seu metaphorico, & figurato utitur Scriptura 1. ad significandam animi afflictionem, quae non secus ac aqua vehemens, mergit hominem, ac absorbet. Et in huiusmodi sensu ait Christus Lucae 12. *Baptismo autem habeo baptizari*, hoc est pati debere, & cruciari. Hinc Poenitentiae & Martyrii tum propter dolorem quem utrumque sibi habet annexum, videlicet animi contritionem Poenitentia, corporis cruciatum Martyrium, tum propter virtutem quam habent diluendi peccata, unde aquae ablutioni assimilantur, Baptismi nomen accommodatur, & Poenitentia dicitur Baptismus flaminis, & Martyrium sanguinis, & ut clarius suo loco.

Insuper adhibetur in sensu figurato vocabulum Baptismi in divinis Scripturis ad significandam abundantem, ac copiosam divinae gratiae effusionem, ut Actor. 1. dictum fuit SS. Apostolis; *Vos autem baptizamini Spiritu Sancto non post multos dies*; & Matth. 3. S. Ioannes ait de Christo Domino; *Ipsae vos baptizabit Spiritu Sancto*. Comparatur autem virtus Spiritus Sancti igni ob vim purgandi efficacissimam, veterumque nozarum consumptricem, necnon ob figuram linguarum ignearum, in quarum forma in die Pentecostes Apostolis illapsus est. Porro omnes illae figuratae significationes Baptismi desumuntur ex analogia, seu similitudine quam habent, vel cum materia, vel cum effectibus nostri Baptismi Sacramenti. Tandem usu Ecclesiastico, & Sacramentali Baptismi nomine significatur illa lotio, ac ablutio sacra, mystica, & religiosa, qua quis aqua tingitur, seu baptizatur in corpore, ut spiritu regeneretur, & renascatur; & hoc est baptisma illud, quod vulgariter dicitur

*Instit. Theol. Moral. Tom. IV.*

*fluminis*, quo membra efficitur Christi, filii Dei adoptivi, & Ecclesiae, idest Christiani, de quo habetur Matth. 28. illud Christi ad Apostolos: *Euntes docete omnes gentes baptizantes eos in nomine Patris &c.* & Ioannis 3. *Nisi quis renatus fuerit ex aqua, & Spiritu Sancto, non potest introire in regnum Dei.*

Hic autem Baptismus varia insuper sortitur nomina ratione materiae, formae vel effectuum. Nam ex parte materiae appellatur aquae lavacrum, ut Ephes. 5. Ex parte formae denominatur sigillum, signaculum, obsignatio fidei, arrha haereditatis, Sacramentum Trinitatis, Sacramentum fidei; tum quia per Baptismum homo adscribitur inter fideles, tum quia in baptismate sive perse, si sit adultus, sive per Patrinum, si sit infans, fidem solemniter proficitur, ac in hoc Sacramento SS. Trinitas expresse invocatur. Ratione effectuum, hunc vocat D. Paulus ad Titum 3. *Lavacrum regenerationis, & renovationis*, dicitur ablutio peccatorum Actor. 22. *Vita novitas*: Rom. 6. *Sanctificatio* 1. Corinthior. 1. *Sepultura veteris hominis cum Christo in mortem*; *illuminatio, unctio Spiritus Sancti &c.*

Variae habentur figurae in divinis Scripturis de nostro Baptismo, quas omnes secundum observationes antiquorum PP. enumerat Catechismus Romanus, ut Diluvium Noeticum, quod peccatores delendo corruptum mundum primaevae restituit integritati, transitus maris rubri, quo Populus Israeliticus liberatus fuit a duro servitute Aegyptiorum iugo; ablutio Naaman Syri in Iordane ad leprae emundationem, Circumcisio, & Baptisma Ioannis.

## S. II.

*De Divisione Baptismi secundum usum Ecclesiasticum, & Sacramentalem.*

Baptismus vero secundum postremam aliam significationem huiusce nominis, idest iuxta illius usum Ecclesiasticum, ac Sacramentalem, seu prout est ablutio ad Religionem pertinens, proprie & rigore unicus est, ut Ephes. 4. *Una fides, unum Baptisma*; & hoc de fide proficitur Ecclesia in Symbolo. Nihilominus triplex Baptisma distingui solet a Theologis, videlicet Baptismus sanguinis, qui est Martyrium; flaminis, qui est Baptismus in voto, seu Baptismi desiderium, & fluminis idest aquae, & est primum legis novae Sacramentum, de quo differere hic sumptimus.

F 3

No-



Quid Ba-  
ptismus  
sanguini-  
s.

Nomine Baptismi sanguinis intelligitur Martyrium, quod dicitur Baptismus, non quia sit Sacramentum, sed per quandam analogiam ad Baptismi Sacramentum. Nam sicut Baptismus ablundo corpus liberat ab omni reatu culpæ & pœnæ; ita Martyrium in corpore consummat mundat animam ab omni culpa, & pœna ex opere operato, & hoc per singulare Dei privilegium.

Quid Ba-  
ptismus  
fluminis.

Baptismus vero fluminis, idest Spiritus Sancti, qui flamen dicitur, est votum, seu desiderium Baptismi cum actu amoris Dei super omnia, aut contritionis cum proposito suscipiendi Baptismus: & per hunc actum sufficienter quis disponitur ad suscipiendam gratiam, quo veluti quadam lotionem ab omni peccatorum sorde anima abluitur, non secus ac Martyrio: Baptismi desiderium & Martyrium Baptisma vocantur, & utrumque metaphorice; quia in casu necessitatis, ubi non est facultas suscipiendi baptismum aque, animam mundant a peccato, ut infra dicitur; & sic sunt quedam metaphorice ablationes. Dicuntur etiam ambo Baptismata in voto, propter desiderium huius Sacramenti in utroque conceptum; unde melius denominarentur votum Baptismi: quia cum non sint sacri ritus externi a Christo Domino instituti, non sunt vera Sacramenta. Non desunt tamen, qui negent, & est maior pars, in Martyrio non requiri votum Baptismi fluminis, utpote quod sit remedium peccati Originalis, & per se æquivalens Baptismo, & huius capaces sunt etiam infantes, ut patet in Innocentibus ab Herode interfectis.

Quid Ba-  
ptismus  
fluminis.

Baptismus tandem fluminis, idest aque, est Baptismus proprie dictus, & qui solummodo est realiter, ac vere Sacramentum quod Characterem imprimit. Et in hoc alia duo Baptismata differunt a Baptismo fluminis, quod illa non sint vere & proprie Sacramenta, nec imprimant Characterem, sicuti Baptismus fluminis. Imo etiam Baptismus fluminis differt a Baptismo fluminis, & sanguinis, quia ille non semper ex voto, sicuti alii duo, omnem pœnam remittit.

Hoc autem Sacramentum Baptismi fluminis, seu aque, non solum ac cetera Sacramenta in genere institutum fuisse immediate a Christo Domino, satis superque constat ex sacris litteris; ut habetur expressis verbis Matth. 28. *Docete omnes gentes, baptizantes eos in nomine Patris, & Filii, & Spiritus Sancti*: & quia institutum voluit Christus Baptismum, ut unicum, & singulare remedium ad primam regenerationem,

præcipue ex morte Originalis peccati, ut sine ipso in re, vel saltem in voto in adultis consequi omnino non posset æterna salus, ait Ioann. 3. *Nisi quis renatus fuerit ex aqua, & Spiritu Sancto, non potest intrare in regnum Dei*.

Et hoc patet 1. ex ipsa ratione, seu conditione Sacramentorum novæ legis, videlicet ex eo quod esse debeant ritus externi a Christo Domino instituti. 2. ut illi ritui facta sit promissio gratiæ sanctificantis. 3. ut extet præceptum de illo observando. Hæc autem omnia concurrunt in nostro Baptismate de quo loquimur, nempe & ritus abluendi aqua sub invocatione SS. Trinitatis; & promissio gratiæ sanctificantis, cum talis ablutio regeneratio dicatur in Spiritu Sancto; & mandatum ablationem illam observandi: ait enim; *Docete . . . baptizantes* &c. imo hæc cum tanta præcipitur necessitate, ut sine ipsa in re, vel in voto nemo cælestem patriam ingredi queat. Nemo igitur non videt nostrum Baptisma esse verum legis novæ Sacramentum, æque ac alia a Christo Domino instituta. Et eo vel maxime quod hoc comprobatur ex perpetua ac constanti Ecclesiæ traditione, quæ semper ritum baptizandi observavit, & in hoc ipsi quoque Novatores conveniunt, licet discrepent in assignanda intrinseca Baptismi ratione.

Verum ex proxime dictis manifestissime patet, quam longe a vera natura Sacramenti Baptismi aberrant heterodoxi, dum essentiam Baptismi constituent in quodam nudo signo, quo Deus nobiscum agit, ac in gratiam suam recipit, ut Melancthon; vel quo iniciamur, & coopramur in Ecclesiæ societatem, ut Christo insiti inter filios Dei censeamur, ut Calvinus; vel quo sola adumbratur remissio peccatorum in nomine Christi, eiusque nomen aperte profiteamur, & in ipsius Religionem quodammodo associamur, ut nihil tamen nobis detur, ut autumant Sociniani. Nam in unoquoque horum sensu Baptismus nihil plus est quam quoddam otiosum signum, ac cæceremonia vacua omni efficaci virtute ad producendam gratiam sanctificantem in anima suscipientis; quod opponitur doctrinæ Scripturarum, quæ pluribus in locis testatur de Baptismi efficacia ad animarum sanctificationem per gratiæ efficientiam, & collocationem. Unde

Sacramentum Baptismi definitur a Catholicis, & primum a S. Thoma cum Magistro sententiarum: *Ablutio exterior facta sub præscripta verborum forma*. Ab aliis vero, &

Definit  
Baptism  
iuxta  
Cathol  
cos.

et  
cetera-

coherenter communi vulgo Theologorum, & Concil. Trident. definitur; *Sacramentum regenerationis per aquam cum expressa Sanctissime Trinitatis invocatione*. Et hæc definitio videtur magis accurata, & perfectior; tum quia habetur in Sacris litteris, partim nempe ex cap. 3. Ioann. partim ex Apostol. ad Tit. 3. & ad Ephes. 5. partim ex S. Matth. 28. tum quia omnes Baptismi partes explicat.

Dicitur 1. *Sacramentum*, quod est genus. 2. dicitur *regenerationis*, quæ vox exprimit differentiam distinguentem baptismum tum a Sacramenti veteris legis, tum etiam ab aliis legis novæ; quia per solum Baptisma proprie spiritualiter renascimur. Dicitur 3. *per aquam*, tamquam materiam. Dicitur eandem *cum expressa Sanctissime Trinitatis invocatione*, quibus verbis forma Baptismi exprimitur. Et ex his colligitur, Sacramentum Baptismi non esse aquam prout est res permanens, sed usum ipsam, nempe exteriorem ablationem, ac ipsius aquæ applicationem.

## §. III.

*De tempore, quo Christus Dominus instituit Sacramentum Baptismi.*

Ex Scripturis & Traditione colligi nequit præcisum tempus, quo Christus Dominus Sacramentum Baptismi instituerit. Hinc Theologi in varias, oppositasque circa hoc abierunt sententias. Advocant aliqui Baptismi initium a tempore, quo Christus Dominus in Cœlum ascensus dixit Discipulis suis; *Euntes docete omnes gentes baptizantes eos &c.* id est post Christi mortem; & non pauci etiam inter Patres ita opinati sunt, ut S. Chrysost. homil. 28. in Ioann. Theophylact. Rupert. Tertull. & cum illis omnes hi etiam, qui cum Melchiore Cano l. 8. de Locis Theologic. volunt Apostolos non cum alio Baptismo baptizasse ante Christi mortem, nisi cum Baptismo Ioannis, contra alios, qui licet ultro concedant baptizasse eosdem Apostolos etiam ante Christi mortem ipsius Christi Baptismo, sustinent tamen esse prorsus incompertum quando Baptismus sit a Christo institutus. Alii, inter quos Estius, existimant, tunc institutum esse Baptisma, quando Christus Dominus ait Nicodemo; *Nisi quis renatus fuerit ex aqua, & Spiritu Sancto, non potest introire in regnum Dei*. Alii tandem probabilius, & hæc sententia est communior, repetunt Baptismi institutionem inchoatam, seu aequaliter falsam ab ipso Chri-

sti Baptismate per Ioannem in Iordane. Et hanc tenent cum Magistro sententiarum in 4. dist. 3. ac D. Thoma 3. p. q. 66. art. 2. Thomistæ, Bellarminus, Suarez, & pens omnes moderni, inter quos Duhamel, Ludovicus Habert, Tournel. q. 3. art. 1. & huic utpote probabiliori adhærendum cenfeo.

Probabilius est Baptismi Sacramentum institutum esse a Christo Domino ante eius Passionem, quando in Iordane baptizatus fuit a Ioanne. Et hoc videtur valde coherens Scripturis, & id quamplurima SS. Patrum testimonia suadere videntur. Et quoad priorem partem multum hæc comprobatur illud Ioannis 3. ubi habetur, Christum per suos Discipulos, id est eorum ministerio baptizasse: Cum autem nullatenus credibile sit eos baptizasse Baptismo Ioannis, merito dicendum quod Discipuli baptizarent Baptismo Christi; inquit enim eo loci S. Evangelista; *Quamquam Iesus non baptizaret, sed Discipuli eius*. Unde si Christus ex testimonio Ioannis baptizabat in baptismate quod ministrabatur a suis Discipulis, non alium certe baptismum ministrare deberant Discipuli, quam Baptisma Christi, & nequaquam Ioannis; alias non dicendus esset Christus baptizare per Apostolos, sed Ioannes, quod aperte citato Scripturæ testimonio adversatur. Et hoc præclare confirmat inter alios PP. S. August. tract. 15. n. 3. in Ioann. ubi ait: *Baptizabat enim (Christus) quia ipse mundabat, non baptizabat, quia ipse non tingebat. Præbebant Discipuli ministerium corporis, præbebat ille adiutorium maiestatis*. Quid explicatus in hoc proposito exoptari potest? Similia habet Cyrillus in Ioann. pag. 156. ubi etiam advertit, nunquam Ioannem per aliorum manum suam contulisse Baptisma. Et hoc apertissime evincitur, ut advertit Habert, ex invidia Discipulorum Ioannis propter Baptismum quem Discipuli Christi ministrabant, ut habetur in cit. cap. 3. Ioann. Nam si Discipuli Christi baptizassent Baptismate Ioannis, non Christi, dictus fuisset per eosdem Christi Discipulos baptizasse, & tunc nulla fuisset ratio. Discipulis Ioannis querelarum, invidiæ, & dissidii contra Christi Discipulos propter Baptismum quem ministrabant. Igitur ex hoc sequitur ad evidentiam, quod Discipuli Christi baptizarent alio baptismate a Baptismo Ioannis, ac proinde baptismate Christi, cum non alterius baptismi fiat mentio in Scripturis. Insuper absurdum est dicere, Christum per suos Apostolos baptizasse etiam ante suam Passionem in aqua tantum, id est Ioannis Baptismo; tum

Senten-  
tia de  
tempore  
institu-  
tionis  
Baptismi.

quia ipse Ioannes clare exposuit turbis differentiam inter suum baptismum, & baptismum Christi, quia ipse baptizaret in sola aqua, & Christus in aqua simul, & Spiritu Sancto; *Ego baptizavi vos aqua* (ita habetur Marci 1.) *ille vero baptizabit vos Spiritu Sancto*; tum quia de his qui ante Passionem Christi baptizati fuerant ab eius Discipulis, non legitur denovo fuisse baptizatos, sicuti ii qui Baptismum Ioannis acceperant, ut testatur Scriptura Actor. 19. Hinc S. August. l. de Unit. Eccles. cap. 21. & alibi, unum, idemque facit Baptisma datum a Petro ante Christi Passionem, & a Paulo post, & utrumque vocat Baptismum distinctum a Baptismate Ioannis. Imo passim inculcat contra Donatistas, post Ioannem fuisse rebaptizatum, non item post Iudam, qui procul dubio nonnisi ante Christi Passionem, & Christi Baptismo baptizaverat. Item Christus ante suam Passionem dedit Apostolis Eucharistiam, Lucæ 22. & ordinem Sacerdotii, ut constat ex Concil. Trident. sess. 22. can. 2. ubi ita definit; *Si quis dixeris illis verbis: Hoc facite in meam commemorationem, Christum non instituisse Apostolos Sacerdotes, ut ipsi alique Sacerdotes offerrent Corpus, & Sanguinem suum; anathema sit.* Non est autem credendum Christum hoc fecisse in Apostolis nondum baptizatis, ac ideo baptismum nondum instituto, cum hic sit ianua ad reliqua alia Sacramenta novæ legis, & primum prioritate institutionis, & necessitatis, ut docet Concil. Florentinum in Decret. Unionis Armenor. Et revera Christus Dominus lavans pedes Discipulorum Ioann. 13. dixit Petro; *Qui lotus est, non indiget nisi ut pedes lavet, sed est mundus totus*, quam mundiciem Petrus, & alii Discipuli accepisse non poterant nisi a baptismate Christi quo baptizabatur aqua, & Spiritu Sancto. Et revera vetus est Traditio, Petrum fuisse a Domino baptizatum, & a Petro omnes alios Discipulos, ut Euthimius in Evangel. pag. 324. Evodius apud Nicephorum l. 2. cap. 3. pag. 334. & alii. Igitur Baptismus Christi institutus fuit antequam ipse, & Discipuli eius baptizarent, ac proinde ante eius Passionem.

Quoad alteram vero partem nempe quod inchoate saltem, & aliquantulum institutus sit Baptismus Christi, quando ipse in Iordane baptizatus fuit a Ioanne, tamen certum non sit, magnam tamen habet probabilitatem, tum quia tunc adumbratum fuit mysterium SS. Trinitatis, cuius explicita prolatio est forma huius Sacramenti; Nam in eo

sensibiliter apparuerunt, scilicet manifestæ factæ sunt tres Trinitatis Personæ, ut ex S. August. trac. 6. in Ioann. audita est vox Patris, & in ea voce, quæ de Cælo audita est, demonstratus est Filius, ut Lucæ 3. *Vox de Cælo facta est; tu es Filius meus dilectus: in te complacui tibi*; visus est Spiritus Sanctus in specie columbæ; tum quia in tali Christi Baptismate mundata, sanctificata, consecrata fuit aqua, ut unanimes docent SS. PP. quæ est materia Sacramenti Baptismi, ad hoc ut ius, seu virtutem haberet sanctificandi eos, qui aqua Baptismatis tingerentur. Unde sapienter arguit D. Thom. q. 66. art. 2. tunc institutum fuisse Baptismi Sacramentum; *Tunc* (ait S. D.) *videtur aliquod Sacramentum institui, quando accipit virtutem producendi suum effectum: hanc autem virtutem accepit Baptismus, quando Christus est baptizatus: unde tunc vere baptismus institutus fuit quantum ad ipsum Sacramentum.* Quod autem suo Baptismate huiusmodi virtutem aquis contulerit Christus, evincitur ex antiquis Patribus. S. enim Ambros. l. 2. in Lucam n. 83. inquit; *Baptizatus est, ergo Dominus non mundari volens, sed mundare aquas, ut abluta peccata carnis Christi, quæ peccatum non cognovit, Baptismatis ius haberent.* Et S. Maximus Homil. 6. de Epiphani. tom. 6. Bibliothecæ PP. pag. 12. ait: *Baptizatus Iesus non sibi, sed nobis baptizatus, non ut purificetur aquis, sed ut aquas ipse sanctificet: baptizatus novus homo, ut novi Baptismatis constituat Sacramentum.* Et sic alii. Confirmat sententiam Evangelica Hystoria, in qua Discipuli nunquam leguntur, ut notat exauditus P. Berri, ante baptismum Iesum baptizasse, id vero fecerunt Ioanne adhuc superstite, & initio Dominicæ prædicationis: profecto videtur eo tempore, quo Christus ad Iordanem venit, Baptismus ab eo consecratus, & institutus, siquidem antea non erat, & posthac solemniter ritu ministrabatur. Valde igitur probabile est Baptismum institutum fuisse a Christo Domino inchoate, seu aliquantulum ante suam passionem, quando a Ioanne baptizari voluit in Iordane, ita ut nihilominus dubium inaneat, quo præcise tempore sit complete institutus.

Varia opponuntur huic sententiæ, & præcipue, Baptismo Christi publicari mysterium SS. Trinitatis, quod ante Passionem vetule Christi Discipulis exulgare. Matth. 17. ubi de Transfigurationis mysterio habetur; *Namini dixeritis visionem, donec Filius hominis a mortuis resurgat.* In Baptismo dari Spiritum

tem Sanctum, qui datus non est nisi post resurrectionem, ut constat ex cap. 20. Ioannis, cum hoc donum sit effectus Passionis. Baptismum haurisse suam efficaciam a Christi Passione, ex cuius latere cum sanguine, & aqua fluxisse Sacramenta, ait S. August. tract. 120. in Ioann. Baptismum Christi non significare Passionem futuram, sed præteritam, alias coincideret cum Sacramentis veteris legis:

Resp. 1. Myſterium SS. Trinitatis publicari obscure, ſicuti factum fuit in Baptismate Christi ad Iordanem, non vero clare & diſtincte illud explicando: tres vero Perſonas realiter diſtinctas in unitate naturæ ſubſiſtere, in tali ſenſu veritum fuit a Chriſto ſuis Diſcipulis propagare hoc myſterium ante ipſius reſurrectionem. Resp. 2. in Baptismate non datum eſſe Spiritum Sanctum ſenſibiliter cum tanta effuſione; & portento, ut factum fuit in die Pentecoltes, ſed inſenſibiliter; quis enim ſibi perſuadere poteſt Chriſtum Dominum miniſtraſſe Euchariſtiam ſpiritu vacuam. 3. S. Ioannem Baptiſtam, & omnes alios iuſtos, qui eum præceſſerunt, fuiſſe ſine Spiritu Sancto inhabitante. Porro quavis Baptiſmus præceſſerit Paſſionem Chriſti, ex ea tamen etiam futura tamquam ex cauſa morali, & meritoria hauriri poteſt vim ſuam moralem gratiam cauſandi; non ſecus ac profeſſio Fidei tempore legis Moſaice, ut diximus dum ageremus de Sacramentis in genere, virtutem habebat ex influxu futuræ paſſionis, aliorumque meritorum Chriſti venturi ad cauſandam iuſtificationem in fidelibus Sinagogæ. Resp. ad ultimum, Baptiſmus utique inſtitutum eſſe ad ſignificandam Paſſionem Chriſti præteritam, quod dum actu inchoate inſtituebatur, nondum eſſet Paſſio conſummata, id erat mere per accidens; quinimo cum iam proxima eſſet, poterat haberi tamquam moraliter præſens; niſi etiam dicere velimus, quod cum tota Chriſti vita non fuerit niſi Paſſio, revera dici poſſit Paſſionem Chriſti, dum inſtituebatur Baptiſmus, quoad aliquam partem fuiſſe præſentem. Sacramenta autem veteris legis principaliter, imo unice inſtituta ſunt ad ſignificandam Paſſionem Chriſti futuram, eaque conſummata expiarent.

## S. I V.

*De differentia Baptiſmi Chriſti a Baptiſmate Ioannis.*

Quod quammaxime differat Chriſti Domini Baptiſmus, a Baptiſmate Ioannis, manifeſte patet ex illo Act. 19. ubi habetur, quod baptizati baptiſmo Ioannis, iuſſi ſunt baptizari Chriſti Baptiſmate, quod certe factum non fuiſſet, ſi hæc duo Baptiſmata valde inter ſe quoad virtutem non diſcrepaſſent. Hinc triplici ex capite inter ſe differunt.

Primo Baptiſma Ioannis non erat Sacramentum, niſi ſumpto Sacramenti nomine in ampla ſignificatione, ideſt pro quolibet ſigno myſtico, ut inter alios ſentit D. Thom. 3. p. q. 38. art. 1. Nam de conditione ſeu natura Sacramenti eſt, quod ſit ſignum firmum, ac permanens, & Baptiſma Ioannis brevi perduravit intervallo, uno videlicet, aut altero anno, ut reſert D. Auguſtinus l. 5. de Baptiſm. cap. 9. *Accepit Ioannes Baptiſmum non diu manſurum, ſed quantum ſatis eſſet ad parandam viam Domino.* 2. Baptiſmus Ioannis conferebatur ſine invocatione Trinitatis; imo ſine ulla formæ prolatione, ut vult hic Ludovicus Habert. Hortabatur quidem Ioannes inſitandos, ut crederent in eum, qui poſt ſe erat venturus, ſed inverſimile eſt, uſum fuiſſe verbis hiſce hortatoriis tanquam forma, dicendo nempe; *Ego te baptizo in nomine venturi Meſſie*, cum de hac formula ſileant Scripturæ, imo alio Patres loquuntur ſenſu, nec Chriſto, quem Ioannes baptizavit, conveniebat. Inſuper neceſſe non erat uti formula ad confecrandam materiam nullius efficientiæ ad producendam gratiam. Et conſeſſo etiam (notat P. Berti) quod illa forma uteretur Ioannes in ſuo Baptiſmate, maxime adhuc differt a Baptiſmo Chriſti; quia lavacrum collatum in nomine *venturi Meſſie*, gratiam pollicebatur, non eam impertiebatur, adminiſtratum vero in nomine *Chriſti advenientis* proximam redemptionem non conſummatam, perfectamque præſerebat; baptizati autem in nomine Chriſti quem iam mortuum ſepultum ac redivivum credunt, completæ redemptionis fructum, ac præſentem regenerationis gratiam percipiunt.

Tandem, ait P. Berti, Baptiſmus Chriſti differt ab illo Ioannis, eidemque præſtat, quod maiorem ſcilicet habeat efficaciam, ac valeat ad culpæ abluſionem, dum baptiſma Ioannis vi ſua non confert niſi legalem, corporalemque munditiam, remiſſionem autem

tem peccatorum ratione solummodo poenitentia, fideique susipientium. Et hoc discrimen prædicavit, ac aperte exposuit ipse Ioannes populo, dum professus est, quod suum Baptisma ablueret, & ad poenitentiam excitaret, Baptismum autem Christi pertingeret animum, eoque gratia Spiritus Sancti perfunderet, ut habetur Matth. 3. *Ego quidem baptizo vos in aqua in poenitentiam; qui autem post me venturus est, fortior me est . . . . . ipse vos baptizabit in Spiritu Sancto, & igni.*

Verum Novatores, ne cogantur Sacramento Christi tribuere virtutem producendi gratiam, hoc negant discrimen inter Baptismum Christi, & Baptismum Ioannis, exponentes, Baptismum Christi in Spiritu Sancto iuxta allatum textum Matth. 3. fuisse cum in die Pentecostes apparuerunt super Apostolos dispersitæ linguæ tamquam ignis, seditque Spiritus Sanctus supra singulos; quod probant etiam ex Lucæ 3. qui sicuti S. Matthæus, Spiritum simul, & ignem commemorat. Sed quam futile sit hoc commentum, non obscure patet. Nam licet verum sit mirabilem illum illapsum Spiritus Sancti appellari metaphorice Baptisma, & Ioannem intendisse animum etiam ad effusionem Spiritus Sancti in igneis linguis; negari tamen nequit Ioannis sermonem non esse accipiendum etiam de Baptismo aquæ, nec ullum aliud Baptisma proprie dictum dare Spiritum Sanctum, cum utrumque innuat dicens; *In Spiritu Sancto, & igni.* Et si concedantur Spiritum & ignem ad unam tantum pertinere Spiritus effusionem, itaut sensus sit: ille baptizabit vos Spiritu Sancto in linguis igneis elapso, ut hic contendit Grotius, sequitur, etiam verba illa Ioan. 3. *Nisi quis renatus fuerit ex aqua, & Spiritu Sancto &c.* uni conuenire Baptismati; & si uerum non seungant energiam Spiritus a linguis igneis, ita nec separare debent energiam ipsam a Baptismate aquæ quæ ex virtute Spiritus Sancti vim habet regenerativam; iuxta cit. textum; *Nisi quis renatus fuerit ex aqua &c.* Et de hoc aquæ Baptismo docuere PP. ut inter alios Cyrillus in Ioannem, quod sit in Spiritu Sancto, & igni, quatenus sicuti aqua lebeti infusa, & ad ignem applicata calefaciendi vim induit, ita, inquit citatus P. per Spiritus efficacitatem sensibilis aqua ad divinam quandam, & ineffabilem vim transformatur. Et catholica veritas de aquæ Baptismo eo vel maxime certa redditur, & innegabilis, quod omnibus factum sit præceptum, ut renascan-

tes ex aqua, & Spiritu Sancto, quod intelligi nequit de Spiritu Sancti descensu in die Pentecostes, qui descensus Spiritus Sancti in igne nequit spectare omnes, sed solos Discipulos Christi Hierosolymis congregatos. Igitur ut quis sive adultus, sive parvulus ingreditur ad regnum Cælorum, baptizari debet, & accipere Spiritum Sanctum in alio symbolo, quam in symbolo ignis. P. Bersi.

Alia insuper afferri possent discrimina inter utrumque Baptisma, quæ brevitatis gratia relinquuntur exponenda Dogmaticis, quibus potius enucleare hæc spectat.

## S. V.

## De tempore, quo Baptisma Christi cœperit obligare.

Quamvis ante Christi mortem, ipse Baptisma institutum sit; quia tamen leges positivæ, cuius naturæ est lex Baptismi, non obligant priusquam per eorum publicationem ad hominum notitiam perveniant; hinc Baptismi præceptum, ut D. Bernardus qui rem hæc pertrastavit epist. 77. ad Hugonem, contra quosdam, qui volebant Baptismi præceptum obligare statim ac dictum fuit a Christo Domino; *Nisi quis renatus fuerit &c.* post multa concludit, ex eo tempore tantum cœpit obligare, ex quo ad hominum potuit pervenire notitiam. Ex qua Bernardi disputatione intelligitur, quod generalis obligatio huius præcepti consecrata fuerit generalem eius promulgationem; particularis vero obligatio particularem manifestationem, qualis facta fuit Nicodemò, & Discipulis Christi ante ipsam passionem. Et hæc expositio coheret & ipsi D. Bernardo, qui illam Christi Domini sententiam, *Nisi quis &c.* legem, præceptum, edictum appellat, adhuc, idest ante promulgationem, absconditum, & secretum.

Nec ex hoc ullum sequebatur incommodum humani generis salutis, quia licet renasci ex Spiritu semper necessarium fuerit ad salutem, modum tamen renascendi, qui est per aquam, non fuit necessarius ante eius institutionem, & promulgationem, cum iam alius modus haberetur vel Circumcisionis apud Israeliticum populum, vel fidei in venturum Messiam respectu seminarum Hebræorum, masculorum eiusdem nationis ante diem octavum, unicuiusque sexus, ac ætatis aliarum Gentium. Unde præceptum de Baptismo vim accepit necessitatis partim ex abolitione alterius mediæ, videlicet Circumcisionis, quæ penitus cessavit quoad omnia sua.

suam vim ex quo lex Evangelii sufficienter fuit evulgata; partim ex insufficienti manifestatione eiusdem præcepti. Unde concludendum, tunc Baptismum generaliter obligare cepisse, postquam sufficiens facta fuit Evangelii promulgatio, dum simul cum lege Evangelii prædicabatur lex Baptismi, veluti ipsius Evangelii pars. Quare Concil. Triden. asserit, post Evangelii promulgationem, iustificationem fieri non posse sine Baptismo, vel eius voto. *Esquiss.*

## S. VI.

## De materia Baptismi.

Materia Sacramenti Baptismi, sicut extra omne dubium, ut dogma Fidei universa tenet, & semper tenuit Ecclesia, est aqua naturalis. Et hæc veritas constat tum ex Scripturis, tum ex perpetua & clarissima Traditione utriusque tam Orientalis, quam Occidentalis Ecclesiæ. Ioann. enim 3. habetur; *Nih. qui renatus fuerit ex aqua & Spiritu Sancto &c.* Act. 8. *Ecce aqua, quis prohibet me baptizari.* Et D. Paulus Ephes. 5. ait; *Mundans sacro aqua in verbo vite.* Item Petrus Act. 10. effusa visibiliter super familiam Cornelii Spiritus Sancti gratia dixit: *numquid aquam quis prohibere potest, ut non baptizentur hi, qui Spiritum Sanctum acceperunt sicut, & nos?* Eadem aqua baptizavit Christus Dominus, qua ipse baptizatus fuerat a Ioanne in Iordane, ut constat eum ex SS. PP. qui communiter docent, ut antea dicebamus, aquam ex contactu Sacratissimi corporis accepisse vim sanctificandi; & ex controversia orta inter Discipulos Ioannis ob similitudinem baptismi Christi cum Baptismo Magistri. Et hanc materiam Baptismi in aqua naturali multis symbolis præsignavit Deus, ut agnoverunt eximii Ecclesiæ PP. inter quos S. Ambrosius *de Mysteriis* cap. 3. tom. 2. qui ait; prænnunciatam fuisse Spiritus Sancti virtutem aquæ Sacramento collatam, & ab origine mundi, dum Spiritus Dei ferebatur super aquas, & in aquis Diluvii, quibus terra a carnali immunditia expurgata fuit, & in mari, & in nube, & in aquis Iordanis, quando in his a lepra mundatus fuit Naaman Syrus. Sed & hanc præcipue præsignificavit in aqua, quæ cum sanguine miraculose effluxit ex Christi transverberato latere post eius mortem, ut communiter interpretati sunt omnes PP. Hanc porro inconcussam doctrinam fidei, quæ cum Ecclesia ipsa ortum suum agnoscit, præcipue *Ecumenica Concilia*, Florentinum scilicet,

in Decret. de Sacramentis, & Tridentinum sess. 7. can. 2. *de baptismo* docuere, ac definire, aquam esse istius Sacramenti materiam. Unde recte revera S. August. quoad Baptismum Tract. 3. in Ioannem ait: *tolle aquam, non est Baptismus.*

Aqua igitur naturalis idest vera proprie non metaphorice est res determinata a Christo Domino pro necessaria Baptismi materia, ut ex allatis, imo aliis quamplurimis ulterius documentis, quæ brevitate gratia referre omitto; apostissime constat; ac ideo universalis Ecclesia edocta a Spiritu Sancto, ac exemplum & doctrinam Christi institutoris, atque Apostolorum, qui primæ huiusce Sacramenti vere ministri, secuta, perpetuo usa est aqua proprie dicta, idest naturali, seu elementari, tamquam prorsus necessaria ad Baptismum conficiendum, imo quoscunque damnavit, qui aliter ausi sunt sentire, ac opinari.

Quare & ex iudicio Ecclesiæ damnantis qualcumque sententia quæ catholicæ adversarentur doctrinæ quod proprietatem aquæ in Baptismo adhibendæ, & ex hætenus dictis manifestissime patet, quam graviter aberrarint olim Manichæi, qui reiciebant ut vanum Baptismum collatum in aqua, rati, quod aqua esset a malo principio; Seleuciani, Hermiani, & Iacobitæ, qui male ad heteram interpretantes textum illum Ioannis; *ipse vos baptizabit in Spiritu, & igne* (dum metaphorice est intelligendus de gratia & charitate, quæ ad instar ignis cor inflamat, accendit, sursum rapit ac peccatorum rubege absumit) reiciebant aquam cum Manichæis, & baptizabant in igne stigmatizando baptizandos in fronte, vel gonis ferro candente, aut alio huiusmodi modo qui revera ignoratur; ac eisdem sententiæ fuerunt etiam quidam Manichæi sæculo 12. dicti Cathari: Pauliniani, qui materiam omnem a Baptismo excludebant, volebantque illum in sola consistere verborum prolatione: Flagellantes 13. sæculo, qui ex verbis Ioannis. *Hic est* (idest Iesus Christus) *qui venit per aquam, & sanguinem;* (quæ intelligi debent, Christo crucifixo, ex cuius terebrato latere fluxit aqua, & sanguis) eliciebant sanguinem cum flagellis ex ventis baptizandorum, eosque baptizabant.

Paret item, longe errasse illos quoque, qui convenientes quidem circa communem, ac ordinarium usum aquæ in baptismo, volebant tamen in casu necessitatis conferri posse baptismum in quovis alio liquore, in vino scilicet, lacte &c. & huius sententiæ fuisse etiam

etiam Lutherus, & Theodorus Beza, ut de priori habetur in suis colloquiis Sympoliacis cap. 17. & de secundo in sua 2. epist. ad Filium.

Nomine vero aquæ naturalis intelligitur aqua dumtaxat elementaris, ea videlicet, quæ ex communi usu loquendi passim simpliciter sine ullo addito, *aqua* dicitur, ut est marina, pluvialis fluvium, fontium &c. si-ve calida sit, si-ve frigida, si-ve dulcis, si-ve salsa, si-ve colorata, sulphurea, ferruginosa, si-ve pura, & clara, si-ve turbida, seu mixta luto, aut re alia, in tali tamen inferiori quantitate, ut natura aquæ non immutetur, & æstimationem ac usum aquæ retineat; item ea, quæ hyemali & pluvioso tempore ex lapidibus defluit, vel ex panno madido, aut ex luto expressa sit, nec non ea quæ ex glaciæ, grandine, vel nive resolvitur, cum omnes huiusmodi vere ac proprie sint aqua, & vulgari notione pro vera, & naturali aqua habeantur, & aquæ naturalis nomine vocentur, ac proprium usum aquæ obtineant. Idemque est de lixivio & vaporibus in operculo ollæ denatis, & similibus, quamdiu nempe secundum hominum æstimationem nomen, usumque aquæ retinent.

Quocirca sequitur 1. aquam ex herbis, rosis, aliisque floribus, vel fructibus expressam, licet lavet, non esse aquam naturalem, nec talem communiter vocari, ac pro tali haberi. Idcirco saltem extra casum necessitatis certe non esse materiam aptam Baptismo, cum Christus Dominus non nisi aquam simpliciter naturalem, ac proprie dictam statuerit pro materia huiusce Sacramenti: huiusmodi autem succi non magis proprie dici possunt aqua, quam vinum ex uvis expressum. Idemque dicito de vino lymphato, saliva, sputo, lacrymis, sudore, aliove simili humore, de cervisia, ptisanâ, iusculq, de liquore ex vitibus defluente: Nam istæ non sunt aqua proprie dicta, & elementaris. Neque valet Baptisma collatum in glacie, nive, pruina, aliisque similibus nondum resolutis, utpotequæ in hoc statu non sint aqua naturalis, & usualis, quæ scilicet etiam nunc usum aquæ retineat, & possit proxime corpus abluere; alias non verificarentur illa formæ verba; *Ego te baptizo*, hoc est abluo. Et hoc dicendum quoque de aqua, cuius tanta sit permixtio, ut potius censeatur corpus mixtum, quam aqua.

Sequitur 2. iuxta S. Thomæ doctrinam hic art. 7. in qualibet aqua qualitercumque

transmutata, dummodo species aquæ non immutetur, posse baptismum administrari. Species autem aquæ non solvitur, nisi quando liquidis quantitas, qui aquæ admiscetur, superet quantitatem aquæ; Unde sequitur, ut inferat cit. S. D. (speciem aquæ non solvi Chrismatis admixtione, carni decoctione, si-ve aliorum huiusmodi, nisi fiat tanta, aut tanta contingat resolutio rei alterius in aqua, ut liquor ex tali mixtione ita factus sit crassius, ut plus constet de alia, quam de ipsius aquæ substantia.

Opponi hic solet casus relatus a Nicephoro l. 3. Hystor. cap. 37. de Hæbreo vita periclitante baptizato cum arena defectu aquæ, quem Baptismum comprobavit Deus miraculose, baptizatum ab iis firmitate sanando. Similiter de Stephano III. circa annum 754. qui non improbavit Baptismum collatum a quodam Presbytero in vino, de quo consultus fuit Pontifex, imo iudicavit infantes ita baptizatos, in tali Baptismo relinquendos esse. Resp. nihil ex his contra nos. Nam allatum miraculum non fuit comprobatio validitatis Baptismi, sed compensatio ardentis ipsius Baptismi voluntatis, ac proinde non est adscribendum validitati Baptismi, sed divinæ clementiæ intuitu pietatis, & fervoris, quo cum simplicitate sic petebatur Baptismus, ac conferebatur. Hinc Dionysius Alexandrinus (ut testatur idem Nicephorus) iussit Iudæum istum aqua baptizari. Illud vero Stephani a non paucis habetur supposititium, aut saltem dubium, quia Scriptores contemporanei nullam de casu huiusce Baptismi faciunt mentionem, & qui de eo loquuntur, alii attribuunt responsum Siricio, alii Stephano III alii Stephano Tournacensi. Verum supposita etiam hystoriæ veritate, responsum Pontificis respicit solum Presbyteri actionem, ait Habert, de qua erat quæstio, & iudicat in talibus circumstantiis non mereri pœnam excommunicationis. Ad illud vero de infantibus quod in tali Baptismo debeant permanere, volunt Eruditi, verba illa inserta fuisse, vel saltem librorum culpa mendum hoc irrepsisse. Verum quidquid sit, non Ecclesiæ quæ semper tenuit non in alio liquore, quam in sola aqua baptismum esse ministrandum, sed Pontificis causam defendimus, ne scilicet videatur cum tam insigni errore recessisse a communi cæterorum Pontificum sententia, qui omnes decreverunt non minus aquam, quam Sanctissimæ Trinitatis invocationem, necessariam esse ad Baptismi validitatem.

Dixi antea de aquis, seu liquoribus expressis

pressis ex herbis, ac floribus, saltem extracatum necessitatis non esse materiam aptam baptismo; quia Christus Dominus statuit solam aquam naturalem pro Baptismi materia; & licet aquæ expressæ usum aliquem aquæ retineant, communiter tamen dubitatur, an sub nomine naturalis aquæ comprehendantur, ac proinde non sine gravi culpa tali dubia materia, dum certa haberi potest, quis uti valet in Baptismi consecutione. In casu tamen extremæ necessitatis, seu in gravi mortis periculo, quando certa materia, id est naturalis aqua haberi nequit, tunc licitum est uti, imo adhibere tenemur qualemcumque dubiam materiam sub hac conditione, *si hac materia sit sufficiens*, & ad hoc sufficit etiam tenuis probabilitas, ait hic P. Antoine, ut esset in supradictis liquoribus expressis, aliisque, quæ speciem aquæ præseferunt, ipsiusque usum retinent; quia in necessitate subveniendum est proximo eo meliori modo, quo fieri possit. Quocirca in extrema necessitate iuxta multos baptizare tenemur etiam in aqua ex sale resoluta, in cervisia valde tenui &c. sic tamen, ut si baptizatus supervixerit, iterum baptizandus sit sub conditione; *Si non ex baptizatus &c.*

Verum tamen si quæcumque naturalis aqua, seu elementaris, & proprie dicta, sit vera materia ad validam Baptismi administrationem iuxta Christi Domini auctoris Baptismi institutionem, nihilominus ex Ecclesiæ instituto ad licitam huius Sacramenti collationem adhibenda est aqua ad hunc finem benedicta, in Sabbato sancto vel vigilia Pentecostes, sacro chrismate permixta, quæ in sacro Fonte mundo nitida, ac pura diligenter servatur, ut ex Ritual. Rom. tit. *de Baptism.* ita ut si quis extra casum necessitatis in quo haberi non posset aqua benedicta, in aqua non benedicta seu prophana solemniter baptizaret, ex communi sententia graviter delinqueret contra præceptum, usumque Ecclesiæ, & debitam huic Sacramento reverentiam.

Hæc autem Ecclesiæ praxis ex Apostolorum traditione derivare colligitur, ex eo quod illius initium non legatur, & de ea veteres Patres loquantur, ut præcipue D. Dionysius, qui floruit Apostolorum temporibus; & inter posteriores PP. meminerunt de hac baptismalis Fontis benedictione S. Basil. 1. *de Spirit. Sancto* cap. 27. S. Cyprian. epist. *ad Iannarium*, S. Ambrosius 1. 1. *de Sacramento* cap. 2. S. August. Homil. 27. & 30. aliive. Licet tamen differant Græci a Latinis, quod hi his in anno aquam baptis-

malem faciunt, & Græci quoties ministrandus est Baptismus; eandem tamen consecrationis formam usurpant, ut constat ex Euchologio, quam a mille & amplius annis adhibent. Hæc. Quod si contingat apud Latinos, ut aqua baptismalis corrumpatur, vel effluat, seu quovis alio modo deficiat, Parochus denuo in Fonte bene nitido, & mundo solita formula novam aquam consecrat. Si fuerit congelata curetur ut liquefiat; & si partim fuerit congelata & partim soluta, aut nimium frigida, poterit ipsi admisceri parum naturalis calidæ in vase ad hoc parato, ut aliquantulum calefiat, ne infantulo noceat, ac ea uti ab baptizandum; ita ex Ritual. Rom.

Nota. Ritus benedicendi aquam baptismalem quoad modum, non fuit semper idem; nam uti habetur ex Patribus, prioribus quinque sæculis erat magis simplex, consistens in aliqua Oratione, in signo Crucis, & invocatione Sanctissimæ Trinitatis, aut Iesu Christi; Auctor enim Constitutionum Apostolicarum loquens de hac cæremonia ait, quod Sacerdos pergens ad aquam baptismalem eam benedicit, Deum invocat, ac laudat, gratias ei reddit, ipsumque adorat. Post quintum sæculum, & præcipue tempore S. Gregorii Magni additæ fuere aliæ cæremoniæ, quando iam inducta erat in usum infusio Chrismatis in aqua baptismali in modum Crucis cum eadem aqua immixti, & immersio Cerei Paschalis cuius incertum est initium. Infusione tamen chrismatis completur benedictio, ita ut tunc temporis erat talis benedictio aquæ baptismalis fere eadem ac ea quæ hodie est in usu. Hæc autem cæremonia fiebat magno apparatu, ut haberetur de his omnibus in antiquo Sacramentario Gregoriano. Post benedictionem aquæ ministrabatur Baptisma, sed prius tamen, sicuti nunc etiam est in usu, Sacerdos aspergebat aqua benedicta omnes adstantes, & quisque libere poterat de ea in vasis accipere, domumque deferre, ac pie uti ad domos aspergendas, arva contra turbines, aliasque infortunia; implebantur pariter ex ea pila ad fores Ecclesiæ, quæ post redditam Ecclesiæ pacem ex quo consperunt publicæ templâ edificari, ubique ponebantur, ut signum essent purificationis ingredientibus, qui hac aqua frontem sibi tingebant; aut præservationis egredientibus. Talis tamen usus fiebat antequam hæc aqua benedicta adhibita fuisset ad baptizandum, imo tantum cursu temporis excrevit erga hanc aquam reverentia, ut vetitum fuerit, ne quis.



quis de ea acciperet post Sacri Chrismatis mixtionem, ut habetur ex Hugone Menardo in suis annotationibus in Sacramentario Gregoriano cap. 73. l. 2. Ita P. Chardonus in sua historia de Sacramentis.

Nota quod quando S. Patres ita loquuntur de effectibus & necessitate aquæ benedictæ in collatione Baptismi, ut totam sanctificationis vitam eidem videantur tribuere, ut inter alios S. Cyrillus Hierosolymit. dum ait; *quod sicuti id quod super altare profanum offertur, quamvis ex se simplex, sit immundum Dæmonum invocatione, sic e contra aqua, quæ ex se est simplex elementum, invocatione Spiritus Sancti, Iesu Christi, & Patris vim acquirit sanctificandi*: quando PP. ita loquuntur, loquuntur potius de usu ipsius aquæ cum forma Baptismi in collatione huius Sacramenti, quam de aqua ut benedicta, vel si de hac eos loqui velis, loquuntur enaphasi oratoria, ut extollant non virtutem quam habet etiam aqua pura, idest non benedicta, sed eiusdem aquæ benedictæ dignitatem; alias loquerentur contra communem Ecclesiæ sensum, quæ semper sensit, & docuit, validum esse Baptisma etiam in aqua non benedicta collatum, sicuti Christus Dominus instituit. Nam benedictio aquæ baptismalis instituta, & ordinata fuit ab Ecclesiâ ad hoc ut maiorem excitaret in populis devotionem, ac reverentiam erga Baptismi Sacramentum.

### S. VII.

#### De Divisione Materię Baptismi.

Non secus ac in aliis Sacramentis, quæ in usu seu actuali eorum administratione consistunt, in Baptismo quoque, qui eiusdem est conditionis, duplicem agnoscunt Theologi materiam, quarum unam *remotam* vocant, & hæc est ipsa elementaris aqua; *proximam* alteram, & est ipsius aquæ actualis usus, seu ipsius aquæ ad corpus baptizandi passiva applicatio, nempe ipsius actualis ablutio. Dicitur aqua naturalis materia *remota* Baptismi, eo quod aqua de se sit magis adhuc indeterminata, remotiusque ad baptismum se habeat, quam ipsa ablutio. Hanc vero divisionem inter materiam proximam, & remotam, quæ communiter obtinuit apud omnes Theologos, Farvacquez nostri ævi celeberrimus Theologus censet alienam esse a mente Conciliorum & Patrum, qui unicam tantum materiam, idest aquam præcisè sine ulla distinctione remotæ, & proximæ agnoscunt & prædicant in Baptismi

Sacramento, eo quia aquæ applicatio sive immersio, sive infusio, sive aspersio, non sit materia Baptismi, sed actio baptizantis. Nihilominus tamen talis distinctio non sine maximo fundamento inducta est in usum a Theologis. Nam si a Philologis omnibus calamus dicitur ante descriptionem instrumentum descriptionis in actu primo, seu remotum, licet unice determinatus sit ad descriptionem; in actuali vero descriptione instrumentum in actu secundo, seu proximum; sic non est minor ratio quod aqua ante applicationem dici possit *materia remota*, & in applicatione *proxima*, utpote quæ ante applicationem non ingrediatur in compositionem Baptismi; imò indifferens sit ad Baptismum & ad alios usus; in applicatione vero ingrediatur formaliter. Et sic res se habet in materia aliorum Sacramentorum, nempe quod res antequam applicetur dicatur materia *remota* Sacramenti, *proxima* in applicatione.

Materia igitur *proxima* Baptismi est ablutio, scilicet applicatio passiva, & immediata aquæ ad corpus, ut censetur moraliter ablui. Nam illud est materia *proxima* Baptismi, quod cum forma intrinsece concurrat ad constituendum Baptismum. Cum igitur concurrat aqua ita applicata ad Baptismi compositionem, ut iam per se patet, hinc est *proxima* ipsius Baptismi materia. Hæc autem baptismalis ablutio, seu aquæ applicatio super corpus fieri debet a Ministro successive, successive orta ex motu locali aquæ ad corpus, vel corporis ad aquam, ut communiter DD. quia talem instituit Christus ablutionem, ut homo dici possit moraliter ablutus, quod sane fieri nequit sine successivo aquæ contactu. Unde

Sequitur 1. nullum esse Baptisma dum quis una, aut altera aspergitur gutta, si aqua non defluat, cum talis dici queat aliquantulum, seu leviter madefactus, non vero ablutus; sicuti etiam si quietus quis sisteret in aqua profus immersa; quia tunc non fit ablutio, quæ significat motum aliquem, vel aquæ ad corpus, vel corporis ad aquam. 2. hunc motum fieri debere ab ipso baptizante, alias dicere non posset, *ego te baptizo*.

Sequitur 3. Resolutionem nivis, aut glaciæ factam solummodo in corpore baptizati, non esse ablutionem, quæ sufficiat ad Baptismum; quia tunc materia aquæ cum fiat mediante calore baptizati, censetur fieri potius ab ipso baptizato quam a baptizante; idcirco in praxi ante baptismationem debet Minister eam resolvere.

Sequi-

Sequitur 4. non valere Baptismum, dum quis videns puerum labentem, aut proiec- tum in puteum, seu flumen, formam ordi- nariam super ipsum proferat; quia cum talis ablutio procedere censeatur non a viden- te, sed ab alio, falsa esset forma; imo etiam si forma esset prolata ab eo qui proicit puerum in aquam; quia tali projectione dici non posset quod illa puerum ablueret, sicuti revera hoc posset dici, si eum proiceret cum funiculo. Hinc validum conficeret baptisma Minister, qui submitteret infantem aquæ e recto defluenti; quia tunc submittere cen- setur moraliter abluere; quod tamen in pra- xim duci nequit non urgente necessitate.

Sequitur 5. Non requiri ad Baptismum, ut pars corporis abluta reddatur a sordibus libera; quia licet hoc requiratur ad munda- tionem corporis, non requiritur tamen ad mundationem spiritus, ad quam sola sufficit ablutio, sive corpus mundetur, sive non.

## 4. VIII.

*De modis, quibus fieri potest ablutio in Baptismi collatione.*

Ablutio baptismalis tripliciter fieri potest, immersione videlicet trina, vel unica, in- fusione, & asperzione; prima quarum nempe immersio fit per demersionem totius cor- poris in aquam in quam adulti per se de- scendunt; altera idest infusio per infusionem aquæ supra corpus, vel super aliquam ipsius partem. Tertia tandem per projectionem a- quæ super unum, vel plures, ut contingit quando a Sacerdote aspergitur populus, vel aliquid aliud aqua benedicta. Quia Christus Dominus Baptismum instituit, ac fieri insit ad modum ablutionis, cum ad hoc requira- tur, ut non sctus ac panni mundandi, res abluenda aqua madefat, & ad hoc melius conferat rei abluendæ immersio in aquam; imo Christus Dominus per immersionem a Ioanne Baptismum acceperit; hinc ab Apo- stolis, primis huius Sacramenti Ministris, conferri cœpit Baptisma per immersionem, & hanc trinam in aqua in nomine trium Trinitatis Personarum, ut comprobatur ex canone 50. Apostolorum, in quo statuitur deponendum esse Sacerdotem qui trinam o- mitteret immersionem, ac unam tantum fa- ceret in memoriam mortis Christi. Hic au- tem mos perduravit usque ad quartumdecim- um sæculum, & ultra.

Num vero immersio ita necessaria sit ad valorem Baptismi, ut alii duo modi, infusio scilicet, & aspergio non sufficiant, contro-

vertitur inter Græcos Schismaticos, & La- tinos. Contendunt enim illi contra Eccle- siam latinam trinam immersionem necessa- riam esse saltem ex divino præcepto. Hinc factum fuit, ut Marcus Ephesinus soluto Florentino Concilio, in quo conventum fue- rat inter Græcos, & Latinos, ut unaquæ- que Ecclesia suum ritum servaret in Baptis- mi collatione, Græca scilicet trinam im- mersionem, Latina infusionem, in sua En- cyclica ad omnes Orbis Episcopos redarguit Occidentales, quod duo admiserint Baptisma- ta contra illud Apostol. Ephesior. 4. *Unum Baptisma.*

Varie sunt rationes quibus Græci suam protegunt sententiam, idest Baptismum apud Hebræos secundum suam etymologiam signi- ficare immersionem; Christum Dominum per immersionem baptizatum fuisse a Ioanne, ut Matth. 3. *Baptizatus autem Iesus conse- sim ascendit de aqua.* Per immersionem Apo- stolos baptizasse. Baptismum celebrari in signum mortis, ac sepulturæ Christi, ut Roman. 6. Tandem censendum esse divini- tus traditum (notat Vincentius Lyrinensis) quod ubique & ab omnibus fuit semper ser- vatum, qualis est immersio in Baptismate conferendo, cuius praxis servata est a tem- pore Apostolorum usque ad Sæculum 13. in Ecclesia Latina, & in Græca adhuc serva- tur. Item SS. Patres expresse docent tri- nam immersionem præceptam fuisse a Chri- sto Domino. Ita S. Chrysostom. homil. *de fi- de*, Summus Pontifex Pelagius cap. *Multi* dist. 4. de consecrat. Theodoretus l. 4. *Hæ- reticar. Fabularum* cap. 3. qui arguit Euno- mium de subversione ritus Baptismi a Chri- sto præcepti, ac ab Apostolis traditi, dum ait, opus non esse, ut baptizandus ter im- mergatur, aut Trinitas invocetur. Verum hisce non obstantibus indubitatum est, im- mersionem sive trinam sive unicam necessa- riam non esse ad validitatem Baptismi, nec necessitate Sacramenti, nec divini præ- cepti, sed sufficere posse tum infusionem, tum asperionem. Et in hoc nobiscum conve- niunt etiam Novatores, qui baptizant per infusionem.

Contra Græcorum sententiam nunc com- munitè sustinent moderni Theologi, im- mersionem nullatenus necessariam esse, sed suf- ficere infusionem, vel asperionem ad vali- dam Baptismi collationem. Et hoc probant variis exemplis etiam priorum quando inve- nitur adhibita asperio, & infusio in colla- tione Baptismi, & primum exemplo D. Pe- tri, qui cum uno die baptizaverit tria mil- lia

lia hominum, & altera quinque millia, in tanta multitudine, & brevi spatio temporis certe nonnisi asperſione, vel ſaltem inſuſione hoc peragere potuit. Item S. Laurentii, qui, ut notat P. Martene, baptizavit Romanum militem, aqua ex urceo effuſa, ut referunt acta martyrii, & exhibet etiam nunc pictura pervetuiſta poſita in Baſilica S. Laurentii in agro Verano, ubi exponitur Romanus tali modo ſuſcipiens lavacrum a S. Laurentio. Sic Gratianus, Bacchus lunior, Luidgerius Episcopuſ, ut ex eorum actis comprobatur, notat quidam Eruditus Scriptor, quod Baptiſmum recipere per inſuſionem. Et ſic de aliis etiam habetur, puta de baptizatis in carcere, ut cuſtos carceris, & domus eius a D. Paulo, Act. 16. & præcipue de Clinicis, ideſt de iis, qui diſferentes Baptiſmum ad ultimam ægri tudinem, decubentes baptizabantur in lecto inſuſione certe, vel aſperſione, & neutiquam immerſione, quæ in talibus circumſtantiis fieri non poterat. Horum autem Baptiſma ſemper habitum fuit validum, & ratum, ut ex S. Cypriano, qui de hoc Baptiſmo in Epistol. apud Pamelium 79. ait; *nec quemquam movere debet quod aſpergi, vel perfundi videntur ægri cum gratiam Dominicam conſequuntur, quando Scriptura Sancta per Ezechielem Prophetam loquatur, & dicat; & aſpergam ſuper vos aquam mundam*. Nec unquam ſancivit Eccleſia, ut ſi convaleſcerent iterum tingerentur: imo Concilium Neocaſarienſe can. 12. ad annum 314. aliaque poſteriora tale Baptiſma approbarunt, tamen vetuit, baptizatos in ægri tudine ordinari in Presbiteros; nam hoc factum fuit, quia videntur potius initiati neceſſitate, quam ægri tudine, ſive quod officia Sacerdotii explere non poſſent, quos ignaros fidei elementorum baptiſmum ſuſcipere ægri tudo coegiffet.

Et ratio maniſeſta ſuffragatur noſtræ ſententiæ, nempe quod exiſtimarunt veteres modum abluendi reſpicere dumtaxat diſciplinam, ſeu ſolemennem Baptiſmi adminiſtrationem, in quo pro temporum, locorum, perſonarumque diverſitate admitti poteſt mutatio, cuius conditionis iidem veteres eſſe cenſuere immerſionem baptiſmalem, ut conſtat ex eorum teſtimoniis, præcipue Tertulliani l. de Penit. cap. 6. S. Cypriani cit. Epistol. ad Magnam circa Baptiſma Clinicorum per inſuſionem, aliorumque. Et revera cum ad veritatem Baptiſmi requiratur vera ablutio, & hæc contingat ſive Baptiſmus conſervatur per immerſionem, ſive vel

inſuſionem, vel aſperſionem, patet ad evidentiã, quod hi modi pertineant non ad valorem Sacramenti Baptiſmi, ſed ad diſciplinam, ac proinde ſine ullo præiudicio validitatis Sacramenti variari poſſint, dummodo vera forma, & reliqua, præcipue quoad naturam aquæ ſerventur.

Nota Traditiones alias eſſe quæ ſpectant ad regulam Fidei, & hæc inviolate ſunt cuſtodientiæ; alias quæ ſpectant ad ritum, & diſciplinam, & hæc pro temporum viciffitudinis mutationi ſeu variationi ſubiiciuntur.

Dicit forſan aliquis: Cornelius Papa conſultus a Fabiano Antiocheno, qui baptizaverat per aſperſionem, innuit ſe de tali Baptiſmo dubitare. Reſpondetur, Pontificem dubitaſſe de hoc Baptiſmo non quoad valorem, ſed quoad ipſius effectum, quia ille baptiſmum petierat in extremis, qui baptiſmum ſanus contemplerat.

Corruunt igitur rationes ſupra allatæ Græcorum pro neceſſitate immerſionis, & trinæ ad validitatem Baptiſmi. Et 1. illa duſta ab Ethimologia, quia Baptiſmus ſecundum Ethimologiam, & uſum nominis apud Iudæos importat, ſeu ſignificat ablutionem, ut antea diximus, quocumque modo fiat, non præciſe immerſionem, ut patet tum ex cap. 7. Marci, ubi lotiones turcorum, & lectorum dicuntur Baptiſmata; leſti certe per immerſionem non abluebantur; tum ex cap. 25. Matth. ubi arguuntur Diſcipuli, quod manus non lavent quando manducant.

Item ſecunda ex Baptiſmo Chriſti Domini per immerſionem; quia Chriſtus Dominus ſecutus eſt communem morem Iudæorum, ſicuti ſecundum eorum morem celebravit Euchariftiam in vino aqua mixto, & in pane azimo, qui ſolus illis diebus in uſu erat apud Iudæos. Unde Chriſtus Dominus Baptiſmum inſtituit in immerſione, & Euchariftiam in azimo tamquam in circumſtantiis non pertinentibus ad ſubſtantiam illorum Sacramentorum, ſed reliquit diſpoſitioni Eccleſiæ, vel retinere, vel commutare. Ec hæc reſponſio militat etiam contra tertiam deducam ab ordinario Apoſtolorum uſu, & praxi. Dixi *Ordinario*, cum ut iam vidi mus de D. Petro, & Paulo, baptizaverint etiam per inſuſionem.

Quarta pariter ex illò Apoſtoli Rom. 6. Nam ibi Apoſtolus alludit quidem ad immerſionem, quæ illa ætate erat in uſu, ſicuti nunc Concionatores ex veſte alba qua veſtiuntur recenter baptizati, probant eos exuiſſe veterem hominem, & novum induiſſe,

le, sed neutrum signum pertinet ad essentiam Sacramenti, quandoquidem illa sufficienter exprimitur per ablutionem qua significatur peccati destructio, & gratiæ sanctificantis infusio.

Quinta tandem de divino præcepto, quod arguit ex universali usu, patet prorsus insubsistens; quia secundum antiquiores PP. immersio, & trina, præcepta est a Christo Domino ratione rei significatæ, non vero præcise ratione sui. Canon vero Apostolicum statuens deponendum esse Presbyterum, qui semel in Baptismo mergit, non per hoc declarat nullum esse baptismum sine trina immersione collatum, sed tantummodo deponi eam non adhibentem, propterea quod nonnulli baptizabant non in nomine Trinitatis, sed in nomine Christi mortui pro nobis, & ad hunc ritum inducendum utebatur una tantum immersione. Sed hic veritatem difficultas potius super numerum immersionum, quam super ipsam immersionem, utraque quarum ut hætenus ostendimus, non est necessaria ad substantiam Sacramenti, ita at, dummodo cætera quæ ad essentiam pertinent huiusce Sacramenti, adferantur, semper validum est sive fiat per immersionem, sive per infusionem, aut asperisionem, sive hæc unica sit, sive trina, cum neuter horum rituum pertineat ad essentiam Baptismi, ad quam sola & vera ablutio requiritur quocumque modo fiat, sive semel, bis, aut ter, cum explicita invocatione Personarum SS. Trinitatis.

Acriter propugnaverunt PP. prioribus sæculis, ut divinitus traditam, trinam immersionem in Baptismo, ut retunderent præsumptionem illorum Hæreticorum, qui negantes Trinitatem Personarum, ritum immutaverunt in baptismate, omittendo in ipsius collatione Divinarum Personarum invocationem; unde in sustinenda trina immersione vindicare volebant Apostolicam Traditionem de tali Divinarum Personarum invocatione in Baptismo administrando, non ostendere trinam immersionem præcise ratione sui esse divinitus præscriptam, sed tantummodo ratione significationis, hoc est Christum voluisse, ut tres Divinæ Personæ necessario essent in Baptismo exprimendæ. Habert.

*De Variatione ritus in Baptismo conferendo.*

Circa 14. Sæculum, vel 15. prorsus immutatus fuit ritus conferendi Baptismum relicta immersione, quæ fere universim usque ad illa tempora perduraverat. Et primum

*Instit. Theol. Moral. Tom. IV.*

monumentum quod huiusce variationis invenit P. Martene valde in antiquis Ecclesiæ ritibus versatus, est Concil. Ravennæ celebratum anno 1311. quod concedit Ministro, ut libere possit conferre Baptismum in utroque modo, scilicet & immersione, & infusione, cum cæteroquin in permixtis Pontificalibus, ac Ritualibus tum antiquis, tum modernis, uno excepto cuiusdam Galliarum Ecclesiæ, in omnibus invenerit præscriptum ritum trine immersionis. Immo non obstante libera concessione Concil. Ravennat. pro ulu infusionis, nulla contingit immutatio; quia, ut refert D. Baillet, usus immersionis perseveravit in Ecclesia usque ad 15. Sæculum, quando infusio communiter inducta fuit in usum, & statutum fuit, ut hæc pariter ad exemplum immersionis fieret tripliciter.

Ratio autem quare immersioni substituta fuerit infusio, prætendit cit. Baillet, quod fuerit magna difficultas pro debitis præcautionibus in sæminarum Baptismo, ut incontaminatus servaretur religiosus pudor. Sed hæc est ratio nimis infirma, cum antea per tot sæcula, quando in multo numero baptizabantur mulieres, adultæ, & statim post homines, nullum contigerit inconveniens; unde multo minus hoc suspicari poterat circa sæculum 15. quando perraro contingebat etiam in magnis civitatibus adultas sæminas baptizare, & fere nunquam eodem casu, quo homines adulti. Gaspar vero Iuveninus alias affert rationes maioris momenti, quare Ecclesia post tot sæcula amplexa sit ritus baptizandi infusione, relicta immersione, & eam præcipue, quæ non est levis, ut prospiceretur incolumitati tenellorum infantium, aliisque incommodis, quæ inevitabilia in continuatione illius ritus videbantur.

*De qualitate ablutionis, & parte abluenda.*

Certum est, quod non indifferenter sive immersione, sive infusione nunc baptizare licet, sed quisque tenetur servare suæ Ecclesiæ consuetudinem, quæ sicuti advertit D. Augustinus in epist. 54. ad Iannarium n. 2. quando fidei non opponatur vel morbus, semper est servanda; & Baptisteriorum forma scilicet servanda est, idest baptizando per infusionem ubi talis est consuetudo, & figura Baptisterii suæ Ecclesiæ accommodata solæ infusioni, & e contra.

Non sufficit 1. ad Baptismi valorem, quod aqua attingat vestes, aut capillos baptizandi, sed necesse est, ut corpus eius perfundatur, alias non ipse, sed eius vestes,

G

&

& capilli ablui dicerentur. Idcirco ad veram abluitionem requiritur contactus physicus, & immediata aquæ applicatio ad id quod abluatur; unde non sufficit aquam applicare panniculis, nec utero materno in quo adhuc detinetur infans, nec secundinæ, quæ est pellicula qua subinde involuti nascuntur infantes, cum hæc non sit pars corporis infantis, sed eius involucrium. Quare in præxi curandum est quod aqua in ea copia adhibeatur ut ad cutem perveniat, & qui baptizatur, merito, & secundum hominum æstimationem censetur ablutus. 2. debet abluina ex præcipuis corporibus partibus, maxime vero caput in quo omnes sensus vigent, ex quo proinde principium animalis vitæ manifestatur, cum secundum Philosophos residet rationalis anima in ea cerebri glandula, quam Anatomici vocant *Conarium*, excipiens animales spiritus, rerumque corporearum imagines. Hæc autem ablutio assanis est immersioni, quia ita videtur homo ablui aquæ, dummodo in quadam copia super caput eius effluat. Unde sic legitur in Rit. Rhem. 1599. *debet fieri trina immersio super caput eius*. Idcirco sequitur, dubium esse Baptisma in quo abluatur manus vel pes infantis, imo etiam aliqua pars notabilis, ut brachium, pectus &c. & graviter peccaret, qui extra casum necessitatis non ablueret caput, quia exponeret Sacramentum periculo nullitatis. Unde Rituales communiter docent, in tali casu renovandum esse sub conditione; quia ex priori abluitione infans videtur ablutus, secundum quid, non simpliciter. Habent.

In casu tamen necessitatis, puta si ex materno utero emitteret fetus manum unam, pars quæ apparet, perfundenda est secundum Ritualis Romani præscriptum, tit. *de Baptizand. parvul.* ubi hæc habentur. *Nemo in utero matris clausus baptizari debet, sed si Infans caput emisit, & periculum mortis imminet, baptizetur in capite, nec postea si vivus evaserit erit iterum baptizandus. At si aliud membrum emisit, quod vitalem indicet motum in illo, si periculum impendat, baptizetur, & tunc si natus vixerit, erit sub conditione baptizandus. Si vero ita baptizatus deinde mortuus prodierit ex utero, debet in loco sacro sepeliri.* Similia habet S. Thom. q. 68. art. 11 ad 4. Ex hac præscriptione intelligimus, non constare de validitate Baptismi si alia a capite pars abluatur; quandoquidem forma conditionalis adhibenda non est nisi re diligenter perinvestigata probabilis sublit dubita-

rio, ut monet cit. Ritual. tit. præcedenti.

An vero in Baptismate facto per immersionem requiratur emersio, discrepant Theologi, affirmantibus aliis, aliis vero quamplurimis negantibus, & hæc probabilior videtur, ac verior. Nam ad veram abluitionem requiritur solum immediata, ac successiva aquæ corpori applicatio, orta ex motu locali, vel aquæ supra corpus, ut sit infusio & aspersio, vel corporis super aquam, & in aquam, ut in immersione, si ve postea fiat emersio, vel non. Et revera nec Christus unquam hanc emersionem ad valorem baptismi requisivit, sed tantum abluitionem, nec fieri potest in Baptismo, qui hodie confertur per infusionem, cum in hac nulla possit intervenire emersio. Quocirca inferunt Theologi validum esse Baptismum infantis, quem quis in fluxum, aut puteum proiicit animo eum baptizandi, simulque emergendi, modo formam debitam profert priusquam aquis infans suffocetur; quia, aiunt, tunc adiunt materia, forma, & intentio, sicuti ad valorem Sacramenti requiritur. Quidquid tamen sit de veritate huius sententia, certum est, non licere infantem sic proicere, etiam si aliter baptizari nequeat, & timeatur statim moriturus; quia hoc esset directe innocentem occidere, cum hæc immersio sit per se, & directe occisiva infantis; ad abluitionem autem per accidens ex sola intentione mergentis dirigitur.

Nota quod si quis proferat formam, debet etiam abluere, ac abluitionem cum prolotione formæ coniungere, id est forma proferri debet dum fit ablutio; alias forma esset falsa, & ideo Baptisma nullum. Non est tamen necesse, quod prolatio formæ comiteatur omnes tres immersiones, aut infusiones, si tres fiant; sed satis est ut cum alterutra, si ve prima, si ve secunda, si ve tertia copuletur, & tunc si intra unam solam abluitionem absolvatur forma, tunc alia abluitiones se habent per modum partium integralium, ut quandoque contingit in Extrema Unctione, ubi etiam unctiones omnes adhibentur. Sedulo tamen curandum, ut effusiones &c. cum ipsa forma absolvantur simul moraliter.

## S. IX.

### De forma Sacramenti Baptismi.

Non secus ac contra Materiam Baptismi, contra eius Formam quoque in varios lapsi sunt errores Hæterodoxi, quibus formam huiusce Sacramenti a Christo Domino traditam

For  
profe  
renda  
ab ab  
care.

tam infecerunt, ut Gnostici, Marcitæ, Montanistæ, Sabelliani, Paulianistæ, Photiniani, Eunomiani, Elcefei, Menandriani, nonnulli Bonosiacorum, Arianorum, & etiam recentiorum, ut Lutherus, Zuinglius. Et enim vel admittebant hi Trinitatem in divinis, & formam adulterarunt, vel mutando propria Divinarum Personarum nomina quæ præscribuntur in forma tradita a Christo Domino, vel creatas personas divinis adiungendo, ut Gnostici, Marcitæ, qui teste S. Irenæo l. 1. cap. 21. alias 18. baptizabant in nomine ignoti Patris universorum, in veritate matris omnium, in eo qui in lesum descendit, in unione, & redemptione, & communione virtutum; vel negabant Trinitatem, & quasdam sibi formulæ secundum impium eorum dogma sibi fabricarunt, ut Ariani, qui cum negarent Filium esse unum Deum cum Patre, idest Patri consubstantialem, hac forma utebantur: *Ego te baptizo in nomine Patris per Filium* (quasi instrumentum, & creaturam) *in Spiritu Sancto*. Denique licet Novatores adhibeant eandem apud nos usitatam formam, errant tamen quam maxime circa eandem, dum existimant illam minime esse necessariam, cum putent sola fide apprehendi iustitiam, nec alias conferri vi Sacramenti. Unde ait Zuinglius l. de vera, & falsa Religione; valere Baptismum quocumque modo conferatur sine ulla prolatione formæ; quia baptizari in Dei nomine nihil aliud importat, quam per fidem in Deum inseri. Et similia habet Lutherus l. de Captiv. Babilon. cap. de Baptismo, ubi ulterius contendit, quod si Baptisma quis in nomine Dæmonis conferret, & baptizatus in nomine Domini reciperet, valeret Baptismus. P. Henn.

Quidquid tamen sit de Hæreticorum delictamentis, certissima est & de fide ea forma, quam Ecclesia in baptizando perpetuo & constanter servavit, nempe; *Ego te baptizo in nomine Patris, & Filii, & Spiritus Sancti*, tametsi aliqua accidentaliter diversitate exprimitur a Græcis, ac a Latinis; videlicet pro eo quod dicitur in Ecclesia Latina, *Ego te baptizo*, dici soleat in Græca, *baptizetur*, seu *baptizatur servus Christi*, addito etiam nomine eius qui baptizatur.

Hanc autem formam tenet Ecclesia acceptam ex Apostolica Traditione iuxta præscriptum Christi Domini ad Discipulos post resurrectionem, quibus ait Matth. 28. *Euntes docete omnes gentes, baptizantes eos in nomine Patris, & Filii, & Spiritus Sancti*. Verum quidem est, quoddam recentiores pu-

tare, hanc formam non habere Ecclesiam ex Scripturis, sed ex sola Traditione, eo quia censeant, verbis illis Christi Domini non significatum esse quæ verba in baptizando adhibenda sint, sed solum præceptum fuisse, ut in nomine, seu virtute Trinitatis baptizarent. Veteres tamen differentes de verborum necessitate, ex laudato loco Matth. plerumque probationem deprecunt, inter quos S. Basilius cap. 12. de Spirit. Sancto. S. August. l. 3. contra Donat. cap. 10. 14. & l. 7. cap. 53. dicens, Baptismum non esse ratum, nisi verbis Evangelicis consecratum. Imo Ecclesia ex allatis verbis semper intellexit baptizandum esse sub formâ supra allegata.

Quare necessario, & essentialiter requiritur, ut in forma Baptismi fiat expressa invocatio Sanctissimæ Trinitatis, ita ut invalidum sit Baptisma, si absque distincta divinarum Personarum invocatione conferatur; & hoc patet ex supra allato Matth. textu, ubi præcipit Christus Dominus suis Discipulis, ut baptizarent in nomine Patris, & Filii, & Spiritus Sancti. Et hoc etiam communi consensu Patres omnes tradidere, inter quos expresse docet S. August. l. 6. de Baptismo. cap. 25. dari certam evangelicam verba, non alia utique quam ista; *In nomine Patris &c.* ut habet l. 3. cap. 15. sine quibus *consecrari non potest*: & sic loquuntur alii PP. cum Græci tum Latini, quorum testimonia brevitatæ gratia hic congerere prætermitto. Hoc docet perpetua praxis universalis Ecclesiæ, Græcæ scilicet, & Latinæ, utraque quarum non alia forma ab initio usque ad præsentem diem consuevit Baptismum administrare, imo semper reiecit hæreticorum baptismum sine invocatione SS. Trinitatis collatum, & illud approbavit in quo sit talis divinarum Personarum distincta invocatio. Sic Concilium Nicænum ratum habuit Baptisma Novatianorum, irritum Paulianistarum, & canon 49. Apostolorum veluti interpretans de forma verborum laudatum locum Matth. 28. reiecit baptismum in morte Domini collatum, ita subiungens: *Non enim dixit nobis Dominus: in morte mea baptizate, sed euntes docete omnes Gentes baptizantes eos in nomine &c.*

Hanc vero universalis Ecclesiæ sententiam de invaliditate Baptismi collati sine expressa invocatione Sanctissimæ Trinitatis, confirmat ipsa Apostolorum praxis, qui ut ipse Christus Dominus præceperat, nonnisi sub distincta Divinæ Trinitatis Personarum invocatione Baptisma contulere. Ex quo pa-

tet, quod non solum nunc, sed nunquam ratum fuit Baptisma sine Trinitaris invocatione. Docent enim PP. & nominatim Basilus l. *de Spiritu Sancto* cap. 12. ex Christi præcepto, & immobili traditione acceptam hanc formam in Ecclesia retineri; præceptum intelligunt datum Matth. 28.

Unde iure merito maior celebriorum Theologorum pars, contra plures alios insignis pariter notæ, sustinent, Apostolos nunquam Baptismum in solo Christi nomine contulisse; & sic non solum nunc ratum esse non posse, ut volebat Caeteranus, sed nunquam ratum fuisse Baptisma collatum in solo Christi nomine, omnia distincta Divinarum SS. Trinitatis Personarum invocatione; & hoc patet tum ex Scriptura, tum ex SS. Patribus priorum sæculorum. Ex Scriptura plane, cum Act. 19. miratur Paulus quod Ephesii respondissent, se nescire, an esset Spiritus Sanctus, ita eos interrogavit, *In quo ergo baptizati estis?* Unde clare innuit D. Paulus, morem fuisse apud Apostolos baptizandi invocando Spiritum Sanctum, ac proinde alias simul duas personas.

Verum quidem est, quod variis in locis divinæ Scripturæ dicuntur Apostoli baptizasse in nomine Christi Domini, ita ut videantur sola huiusce nominis invocatione Baptismum ministrasse, sicuti habetur expresse Act. 8. & 19. Rom. 6. ubi dicitur; *Quicumque baptizati sumus in Christo Iesu, in morte ipsius baptizati sumus*; & Act. 22. commemorat Paulus, sibi dixisse Ananiam: *Baptizare, & ablue peccata tua invocato nomine ipsius*, scilicet Christi; & ita pariter sensisse videntur aliqui ex Patribus, inter quos S. Ambrosius, qui l. *de Spirit. Sanct.* asserit, Eunuchum baptizatum in Christo consecutum fuisse plenum mysterium. Sic D. Bernardus, qui sæculo 12. interrogatus de puer, quem ob periculum mortis laicus baptizaverat dicens; *Baptizo te in nomine Dei, & veræ Crucis*, responder Epist. 43. alias 340. his verbis: *Ego vero hunc Baptismum puto; nec sonum vocis veritati Fidei, & pietati intentionis præiudicare debuisse*. Habert. Verum ut advertit hic Estius, ipsa sermonis nonnulla varietas satis admonet, non hic significari certam verborum formulam, qua uti fuerint Apostoli in baptizando. Deinde subiungit, quod ex aliquot aliis locis, præcipue Act. facile intelligi potest, quod ea phrasis *in nomine huius*, vel *illius* significet virtutem, auctoritatem, meritum, aut nomen pro re nominata. Sic Act. 4. Petrus

significat se in Christi virtute sanare infirmum: *In nomine Iesu Christi surge, & ambula*. Sic auctoritas explicatur Ioannis 5. & 10. ubi Christus dicit se venisse, & operari in nomine Patris sui. Meritum significatur Act. 10. his verbis; *Remissionem peccatorum accipere per nomen eius omnes, qui credunt in eum*. Nomen porro sæpissime accipitur in divinis litteris pro re nominata, ut Act. 4. *Non est aliud nomen sub Cælo datum &c.* Quatuor igitur modis intelligi potest Apostolos baptizasse in nomine Christi, videlicet vel per virtutem eius, vel eius auctoritate, vel per meritum eius, vel in ipso Christo, idest baptismo Christi, in quo sensu loquitur Paulus allegato loc. Rom. 6. *Quicumque baptizati sumus in Christo Iesu &c.* & secundum aliquem ex his modis intelligenda sunt allata testimonia, non alias, quod pro forma Baptismi usi sint invocatione ipsius nominis tantum, relicta invocatione divinarum Personarum Trinitatis. Et sic etiam intelligendi sunt PP. qui tali phrasi loquuntur, ut apposite ait. S. Augustinus l. 3. contra Maximum cap. 17. *Qui in nomine Iesu iussi sunt baptizari, intelliguntur non baptizati nisi in nomine Patris, & Filii &c.*

Ad testimonium autem D. Pauli Act. 22. *Baptizare, & ablue &c. invocato nomine ipsius*. Respond. invocationem non esse referendam ad baptizantem, sed ad baptizandum, ut ex Græco, sicut notat Estius, clarum est.

Ad illud D. Ambrosii respondet Habert, ipsum clare requirere l. *de Mysteriis* cap. 4. ad veritatem Baptismi in Ministro expressam trium divinarum Personarum invocationem; quare ne sibi contrarius videatur loco supra laudato cæteroquin valde difficili, dicendum eo loci non de baptizantis, sed de baptizati fide loqui, velleque solum, baptizandum, ut effectum Sacramenti consequatur, debere credere mysterium SS. Trinitatis; & hanc suam fidem satis exprimere, si interrogationibus Ministri respondeat, quod credit in Patrem, vel in Filium, vel in Spiritum Sanctum, quia nominando unam personam satis intelligitur alias credere.

Ad epistolam tandem D. Bernardi Resp. passim haberi ut spuriam, ac veris furtim adiectam; & admissio etiam quod sit genuina, quid privata huius S. P. opinio contra torrentem Patrum aliter sentientium? Et eo vel maxime, quod S. D. ita modeste singularem suam opinionem protulit, ut eam sapientiorum iudicio subiiciat; *sine præiudicio*, inquit, *sanctus sapientis*.

Unde

Unde improbabiliter sentire videntur, qui volunt; Apostolos saltem initio suæ prædicationis post acceptum Spiritum Sanctum, ut nomen Christi illustrius, amabiliusque redderent, divina dispensatione sic baptizasse, ut solum Christi nomen exprimerent; quandoquidem huiusce dispensationis nullum nec in Scripturis, nec in Traditione extat vestigium, cum ex opposito manifestissimum sit in Evangelio præceptum factum a Christo Domino Discipulis baptizandi in nomine Divinarum Trinitatis Personarum. Non enim opus erat exprimere inter baptizandum Christi nomen, ut cognitum fieret, & venerabile, cum non desissent alia media, & fere infinita ad hunc finem, puta quod ad huiusce nominis invocationem claudigressum, cæci visum, ægri sanitatem, mortui vitam reciperent; imo illud etiam consequerentur Apostoli assidua prædicatione fidei Christi Redemptoris, & catechismo, ac instructione, qua antecedenter ad Baptisma de tali fide in Christum baptizandos edocebant. Eñius.

Dicit aliquis, Si ex eo quod Christus præcipit baptizantes baptizare in nomine Patris &c. tenemur exprimere in Baptismo tres divinas Personas; cum Scriptura præcipiat, ut omnia faciamus in nomine Iesu Christi, tenebimur exprimere in Baptismo vocem hanc *in nomine Iesu Christi*. Resp. negative: Primum enim præceptum est Sacramentale de forma Sacramenti, quæ in verbis consistit, partemque constituit Sacramenti: secundum autem est morale, de intentione, seu fine, quem operans proponere sibi debet in suis operibus, & qui sine verbis haberi potest.

Solet hic opponi responsum Nicolai I. ad consulta Bulgarorum, in quo videtur asserere, validum esse baptisma in solius Christi nomine collatum. Verum respondent Theologi, S. Pontificem obiter loquentum fuisse in sua responsione veluti Doctorem privatum, & sic errori fuisse obnoxium; & ipse S. Thom. aliive fatentur, in hoc negotio errasse, reslo nihil interea in re hac, ut Pontifex, determinaverit.

### S. X.

*De vocibus formæ, quæ necessario exprimendæ sunt ad Baptismi validitatem.*

Certum est 1. præter distinctam divinam Personarum prolationem, exprimendam esse in forma Baptismi, saltem indirecte, actionem baptizantis, idest vox *baptizo*, aut alia æquivalens; & hoc definitum fuit ab Alexandro III. Extrav. de Baptism. eiusque effectu cap. 3. ubi resolvit, eum qui ter immergens puerum relinquit *Ego te baptizo*, licet dicat *in nomine Patris &c.* non baptizare; & Alexand. VIII. proscripsit propositionem, quæ n. est 27. *Valuit aliquando Baptismus collatus sub hac forma: in nomine Patris &c. prætermisiss illis: Ego te baptizo.* Et ratio est; quia cum immergitur in aquam, vel aquæ supra caput infusio, sit indifferens tam ad abluendum, quam ad refrigerandum, ut censeatur lotio potius, quam refrigeratio, debet ad hoc per formam determinari, ac ideo in ea exprimenda est actio Baptizantis, & non refrigerantis, ut significetur aquam ad abluendum adhiberi; & eo vel maxime quod Ecclesia ex verbis Christi *baptizantes eos* illam actionem semper apprehendit necessario esse exprimendam.

Dixi saltem indirecte; quia in hac Græcorum forma approbata a Florentinó: *Baptizatur talis servus Christi*, non ponitur directe persona baptizantis. Idcirco invalida esset hæc Baptismi forma; *Baptiza Petrum*; quia nec directe, nec indirecte exprimitur persona baptizantis. Probabiles tamen videntur (licet in praxi vitandæ) sequentes formæ; *Baptizet te Christus*; *baptizeris a Christo*; nam tametsi videatur tota actio Christo attribui, satis colligitur ex circumstantiis etiam ministerialiter attribui baptizanti.

Græci usi sunt forma antea laudata, *baptizetur, vel baptizatur talis servus Christi* ad refellendam superbiam Hæreticorum, seipso primarios Ministros, vel etiam auctores Sacramentorum constituentium, ut colligitur ex S. August. l. 30. Homil. 23. Latini vero, quia de Christo principali omnium Sacramentorum auctore orthodoxe semper senserunt, activum quoque loquendi modum semper retinuerunt.

Item exprimenda est persona baptizandi, & quidem in actu signato ait P. Henn. per pronomen *te*, aut æquivalens; & est communis DD. ac omnium Catholicorum doctrina, qui talem expressionem habent de essentia formæ, ut irritum censeant Baptismum, ubi hæc deficiat expressio. Et hoc colligitur ex cit. loco Matth. *Baptizantes eos*, & ex Ecclesiæ praxi, & traditione. Idcirco Florentinum in Decret. alias citato, ut indicaret necessariam esse signatam personæ baptizandæ expressionem, non habet simpliciter: *Baptizetur servus Christi*, sed *baptizetur talis servus Iesu Christi*. Alexander item III. exeunte 12. sæculo in suo Decret.

G 3 de



de Baptismo, & eius effectu hoc definivit his verbis ; Si quis puerum ter in aqua immerferit in nomine Patris &c. non dixerit ; Ego te baptizo in nomine &c. puer non est baptizatus : & hoc confirmat etiam supra allegata præscriptio Alexand. VIII. poposit. 27.

Dixi aut æquivalens : unde non impediret Baptismi validitatem, licet praxi Ecclesiæ graviter forsan obliganti adversaretur, qui diceret ; Baptizo te præsentem, baptizo Petrum ; baptizo hunc : a me baptizaris. Item si adulationis, aut honoris causa diceret : Baptizo Dominationem vestram, ac similia.

Nota ; quod licet Græcorum forma valida sit, ut constat ex Florentino Concil. quod eam approbavit, peccaret tamen Latinus si ea uteretur ; sicuti etiam peccaret Græcus si formam latinam adhiberet : quia uterque adversaretur ritui, ac consuetudini suæ Ecclesiæ, quæ cum sit altera lex, graviter obligat in re gravi, sicuti est variare formam Sacramentorum contra legitimum ritum Ecclesiæ in qua versatur.

Si relinquatur particula in, puta si dicatur, baptizo te nomine Patris &c. forma nulla est, & invalida, ut cum communi docet Henn. quidquid in contrarium sentiant Coninch, alique, putantes quod iam subintelligatur ; quia omisio vocis in variat omnino sensum, ac insinuat Ministrum baptizare vice Patris &c. cum baptizare debeat in auctoritate Patris.

Idemque dicito de suppressione particulæ copulativæ &, ut si pro forma dicatur : Ego te baptizo in nomine Patris Filii Spiritus Sancti, cum sublata tali particula non satis exprimatur distinctio Personarum, quæ omissa non subsistit Baptisma ; nec sufficienter suffragaretur, etiam si per connata unam Personam ab alia seiungeret, ut v. g. in nomine Patris, Filii, Spiritus Sancti. Ita sentiendum est post Iræneum, Chrysostomum, Gregorium, quia falsam dubietatem parit, ac proinde huiusmodi formæ expressio est vitanda. Omittens vero Amen non peccaret, quia licet in Rituali Leonis X. legatur : tamen nec in verbis Christi, nec in Rituali Romano hæc vox reperitur.

De variatione verborum formæ, quæ ipsam invalidare possit.

Nota variationem formæ fieri posse vel immutatione verborum, vel detractioe, vel transpositione. In his omnibus contingit formam manere eandem secundum substantiam, & vitari. Si enim mutatis verbis additis, detractis, transpositis idem sensus servatur,

consentur manere forma integra, ac ideo valida ; si vero sensus mutetur, non est forma eadem, ac. proinde est invalida : & hanc doctrinam melius exempla illustrabunt. Primo si verba sumantur synonyma, ut Græca, vel Hebraica, vel Gallica pro latinis non vitatur forma. Neque item si quis diceret ; Ego te ablavo, vel tingo in nomine &c. latinum nomen substituens pro Græco.

Si autem quis baptizet in nomine Genitoris, & Geniti, & Spirati seu flaminis, seu procedentis ab utroque, putant quidam ratum esse baptisma, eo quod pro synonymis communibus habeantur. Communior tamen sententia est, non fore validum, eo quia proprie non sint synonyma, utpote significantia Personas non ut Personas, idest non sub ratione subsistentium, seu personarum, sed proprietatum.

Item si quis diceret in nomine Patris maioris, Filii secundum humanitatem minoris, non vitaretur forma, sed additione quadam extenderetur, & explicaretur ; multoque minus vitaretur dicendo In nomine Patris Omnipotentis, & Filii Redemptoris, & Spiritus Sancti Paracliti.

Si quis addat baptizando conditionem, quæ non existit, puta dicendo, Si ego sum omnipotens, vel si tu es sine peccato, nullum fit Baptisma. Idem si quis copulativam coniunctionem mutet in disiunctivam dicendo ; In nomine Patris, vel Filii, nullum est Baptisma. Si interponat quis verba impertinentia, quæ ad alium sermonem diverant, si tanta non sint, ut non tollant continuationem sermonis inchoati, quoad eius significationem integra manet forma ; si vero secus, non remanet.

Si quid autem eorum subtrahatur, quod, ut iam diximus antea, ad substantiam formæ requiratur, iam evidens est nullatenus effici Baptisma. Quod si ex quadam linguæ præcipientia vel sermonis imperitia omittatur littera, vel syllaba, non per hoc destruitur forma, cum hoc sufficiat ad exprimendum conceptum, licet tamen reverentia Sacramenti postulet, ut integre, & distincte verba pronuncientur. Unde mutatio quæ oritur ex sola sermonis incongruitate, non destruit formam, dummodo tanta non sit, ut ex verbis percipi non possit sensus per ea significatus ; & ita declaravit Zaccharias Pontifex in suo rescripto ad Bonifacium, ut refert Gratianus de Consecrat. distict. 4. cap. Retulerunt.

Transpositio autem verborum per se non vitat formam, ut si dicatur In Patris, & Fi-

Triplici.  
ter muta.  
ri seu va.  
riari pos.  
est forma  
Baptis.  
mi.

*Filii, & Spiritus Sancti nomine ego te baptizo*; nec similiter si Personarum inter se ordinem convertas; quia tametsi conveniens sit, quod in prolatione ordo Personarum secundum originem servetur, & si secus faciat, graviter minister peccet, id tamen necessarium non videtur ex parte Sacramenti, quia personæ quocumque ordine nominatæ sunt unum efficiens principium in Baptismo, & sub ea ratione ibi nominantur. Quod si transpositio sensum immutet, non iam censetur forma suam substantiam, valoremque retinere.

Adiunt aliæ quoque mutationes circa formam, veluti si dicas, *in nomine Patris &c.* quæ mutatio non corripit formam: si vero dicatur *in nomina, vel in nominibus Patris, & Filii &c.* tunc & Magister, & S. Thom. ac plerique alii credunt sensum formæ corrumpi, & invalidari, dividendo potestatem in Deo, quæ per nomen significatur: Secus vero si dicatur; *In nomine Patris, & in nomine Filii, & in nomine Spiritus Sancti*, quia post unum idemque vocabulum *nomen* omnium trium Personarum iter repetitum idem intelligitur ac si dicatur; *in nomine Dei Patris, & Dei Filii, & Dei Spiritus Sancti*, ubi non plures Dei, sed unus Deus intelligeretur. Intuper dicere quis posset: *Ego te baptizo in Patre, & Filio, & Spiritu Sancto, aut in nomine Patris per Filium, & Spiritum Sanctum*, vel *in nomine Patris, & Filii, & Spiritus Sancti, & B. Mariæ Virginis*, aut alterius quartæ personæ, aut in fine addendo, *& inæqualium personarum*. Primo modo validus videtur Baptismus tali forma collatus eo quod servetur expressa invocatio Trinitatis, nec quicquam erroris immisceatur, nisi forte quis putet Trinitatis unitatem per *nomen* significatam necessario exprimendam esse, de quo quidem non habetur certa probatio. Secundo autem modo validus non apparet ex miraculo aquæ disparentis, quod refert Nicephorus l. 19. cap. 35. Tercio modo pariter si fiat invalide, sit propter adiunctionem erroris, quo præcedentium verborum sententia subvertitur. Estius

Invalida esset pariter forma, si omissa Personarum distincta invocatione baptizaret quis in nomine solius Trinitatis, ita ut diceret; *Ego te baptizo in nomine Sanctissimæ Trinitatis*; quia ex sæpe laudato testimonio Matth. 28. præceptum habetur a Christo Domino, baptizandum esse invocatione singularum Personarum divinæ Trinitatis; *Baptizantes eos in nomine Patris &c.* & talis, ut vidi-

mus, est Traditio, & perpetua praxis universalis Ecclesiæ.

## §. XI.

*De Ministro Sacramenti Baptismi.*

Non discrepat in hoc puncto a Catholicis inter Novatores Lutherus, sed recedit Calvinus, qui, ut habetur in eius libro Institut. cap. 15. §. 20. & sequent. in quovis etiam extremæ necessitatis casu vult solos Ministros Ecclesiæ ordinatos ad hoc & vocatos, posse Baptismum conferre, & huic consonat Beza q. 140. de Sacram. & hic perniciosissimus sive etiam error, sive solus usus invaluit apud Græcos Schismaticos, ut ex Arcudio cap. 11. de Bap. ductos forsitan, ut notat hic Habert, ex illo quod scribit S. Basilus in sua Epist. ad *Amphilochium*; quod sane testimonium in hac parte nullum est, eo quia adhæreat errori Cypriani, & Firmiliani contra Stephanum Papam.

Nota 1. hic non agi de Ministro primario Baptismi, qui, ut iam vidimus dum ageremus de Sacramentis in genere, est Christus Dominus principalis omnium Sacramentorum Minister, sed de secundario, & hic iuxta Ecclesiæ sententiam, & praxim duplex est, unus dicitur solemnitatis, & ordinarius; alter necessitatis, & extraordinarius. Minister solemnitatis ille intelligitur, qui cum solitis Ecclesiæ cæremoniis publice, ut Minister ad hoc ordinatus, Baptismum ministrat. Necessitatis vero, & extraordinarius, qui urgente necessitate, idest in casu mortis imminenti, dum prompte haberi non potest Minister ordinarius, Sacerdos scilicet, vel Diaconus, sine solitis cæremoniis private baptizat.

Nota 2. Aliud esse baptizare valide, aliud baptizare licite. Primum enim tantum importat quod ponantur requisita ad substantiam Baptismi, videlicet legitima forma, & materia, præcendendo a culpa, quam quis possit incurrere in baptizando, ut contingeret si laicus baptizare vellet, dum adest Sacerdos & Pærochus. Secundum vero importat quod ponantur requisita ad baptismum sine peccato, ut contingit in Ministro ordinario baptizante sine conscientia peccati mortalis, vel in extraordinario baptizante in casu necessitatis ob defectum Ministri ordinarii. Hisce prænotatis sit.

Quilibet homo viator, qui usum habet rationis, capax proferendi formam, & adhibendi materiam, sive vir sit, sive mulier, fidelis, aut infidelis, aut hæreticus, baptizatus

Aliud baptizare valide, aliud licite.

vel non, valide in omnicasu; & in casu necessitatis, si ordinarius deficiat Minister, licite etiam, sine tamen solemnitate, baptizare potest. Nam hæc fuit Christi voluntas, quæ nobis manifestatur ex Scriptura, Patribus, & Conciliis, & ex perpetua Ecclesiæ praxi. Ex Scriptura utique; quia Apostoli baptizarunt adhuc laici, priusquam nempe ordinarentur. Ioann. 4. D. Paulus baptizatus fuit ab Anania, qui a pluribus creditur laicus. Ex Traditione, eo quia Nicolaus I. in sua responsione ad Bulgaros docet, validum, ratumque esse Baptismum collatum a Iudæo, & Pagano. Et plura Concilia approbaverunt ut validum Baptismum etiam a laico collatum, ut inter alia Lateranense IV. quod cap. *Firmiter* de summa Trinitate, §. *Una vero*, ita habet; *Sacramentum Baptismi a quocumque rite collatum proficit ad salutem*. Et Concil. Florentinum in Instruptione Armenor. distinctius rem explicat dum ait; *In casu autem necessitatis non solum Sacerdos, vel Diaconus, sed etiam Laicus vel Mulier, imo etiam Paganus, & Hæreticus baptizare potest*. Idemque definit cap. *Quodam*, Gaud. 1. c. 1. n. 97. Hinc præcipitur Pastoribus, ut instruant Obstetrices de servandis in Baptismo in casu necessitatis ab ipsis conferendo. Ly vero in casu necessitatis notat, validam & licitam a quocumque Baptismi collationem; de valida vero etiam extra casum necessitatis docet perpetua Ecclesiæ praxis, quæ dum legitima adhibita fuerit materia, & forma, semper approbavit Baptisma collatum ab Infideli, & Hæretico, vetando ne huiusmodi Baptismata iterarentur, ut contra S. Cyprianum & Firmilianum acriter sustinuit Stephanus Papa. Et equidem valde congruum erat, ut dum ageretur de Sacramento tantæ necessitatis, sine quo in re, vel in voto adulti, in re autem parvuli desiderium Baptismi concipiendi incapaces, æternam salutem consequi nequeunt, redderetur omni meliori modo facilis, ac commodæ eius administrationi.

## §. XII.

*De solemniori ordinaria Baptismi Ministerio.*

Solus Sacerdos, sive Episcopus sit, sive Presbyter est ordinarius Minister Baptismi solemniter conferendi, Diaconus vero extraordinarius.

Et quoad primum patet ex illo Matth. 28. ubi videtur, Christum Dominum deman-

dasse munus baptizandi solis Apostolis, eorumque in Sacerdotio successoribus; ait enim Apostolis: *Docete omnes gentes, baptizantes eos &c.* Verum cum solemniter baptizare, sicuti & alia Sacramenta ministrare, sit actus spiritualiter pascentis, & hoc officium non omnibus Sacerdotibus indiscriminatim conveniat, sed iis quibus utpote ad hoc destinatis commissum est populorum regimen, quales sunt Pontifex, Episcopus, aliive inferiorum Ecclesiarum, seu Parochiarum Rectores, seu Parochi; hinc ex usu etiam loquendi hi dici solent ordinarii solemnitis Baptismi Ministri, qui ex eorum deputatione ad munera pastoralia præter potestatem ordinis sicuti habent alii Sacerdotes, eam simul teneant potestatem, quæ dicitur *iurisdictionis*, qua alii Sacerdotes carent; ac proinde isti sine gravi culpa nequeunt Baptismum solemniter ministrare, & etiam extra casum necessitatis id nequeunt, nisi de licentia, vel delegatione Sacerdotis principalis, qui est Parochus: quod verum est etiam de ipso Parocho baptizante eum qui sit alterius Parochiæ, imo Parentes ipsi sine gravi culpa non possunt infantem ad aliam Parochiam baptizandum deferre; quin tenentur directo Ecclesiæ præcepto proprium assumere. Peccaret itidem graviter cathecumenus si ab alio quam a loci Parocho baptismum peteret; quia niteretur modo inordinato Baptismum obtinere, & præsertim quia induceret alium ad rem sibi illicitam. Ac propterea optime præscriptum legimus in Ritual. Rom. solemnitis baptismi Ministrum esse Parochum, vel alium Sacerdotem a Parocho, vel Ordinario loci delegatum; ex hoc enim intelligimus, sicuti antea iam notatum fuit, ad Baptismi ministerium requiri iurisdictionem aliquam saltem indirectam, ipsosque baptizandos debere esse suo modo baptizantibus subditos.

Et ratio est valde manifesta; quia cum per Baptismum ingressus pateat in Ecclesiam, fiatque solemnis professio Christianæ Religionis, de iure ad illum spectat ianuam, aditumque aperire, & fidelium cœtui copulare, qui sacra illi præstet societati. Hinc cum olim, prioribus scilicet nascens Ecclesiæ sæculis, non alii essent Pastores, seu principales cum iurisdictione Sacerdotes, nisi soli Episcopi; hinc ipsi soli solemniter baptizabant, ipsique in tali ministerio assistebant Sacerdotes, & solum de eorumdem Episcoporum licentia, vel iussu aliquando baptizabant, sicuti constat ex Palladio in vita S. Ioannis Chrysostomi.

Et

Et hoc demonstrat vetus œconomia circa Baptisteria, quorum unum tantum erat in Civitatibus, & hoc prope Ecclesiam Cathedralē, ut demonstrat inter alios Lupus de *Appellat. Eccl. African.* cap. 28. ac proinde nonnisi in illa Ecclesia Civitatis ubi sedebat Episcopus, fundatum erat Baptisterium, cuius antiquitatis vestigia adhuc perseverant in variis Italiæ Civitatibus, ut Patavii, Tarvisii, Bononiæ, Pisis, Florentiæ, Parmæ, & ibi, excepto nunc Patavio, in solis Cathedralibus Ecclesiis sacro tinguntur infantes lavacro. Non enim alia congruentia assignari potest, quod in solis Cathedralibus extarent Baptisteria, nisi quia soli Episcopi baptizabant. Hoc comprobatur etiam ex epistol. Edelensi ad Photium, & Eustachium, quæ extat in actibus Concilii Chalcedon. Actio. 10. in qua rogantur ut imminenti Paschali festivitate ad propriam sedem Ibam remitterent: quia ipsius præsentia opus erat *propter Catechismos, & propter eos qui digni sunt S. Baptismate.*

Verum succrescente numero Fidelium etiam extra Civitates, in villis quoque, & in Pagis fundatæ sunt Ecclesiæ, erecta Baptisteria, præfecti Presbyteri, qui sacra populis ministrarent, ac ideo ad eorum officium, & ordinem pertinet præesse, ut monet Episcopus dum sacram celebrat Ordinationem; *Præbiterum oportet præesse*, igitur, & baptizare, aut aliis officium illud delegare erga subditos. Idcirco peccaret simplex Sacerdos, qui videlicet non sit Pastor, si inconsulto Episcopo, vel Parocho alienum parochianum baptizaret.

Dices. Constat ex Florentino Concil. & Catechismo Rom. rit. de Baptism. n. 23. & ex D. Thom. 3. part. q. 67. art. 2. Sacerdotes omnes esse ministros non delegatos, sed ordinarios ex officio Sacramenti Baptismi. Nam si Presbyteri instituti sunt ad consecrandam Eucharistiam, ideoque ad illa quoque ministranda per quæ eiusdem Eucharistiæ quilibet particeps esse possit; sunt igitur instituti etiam ad conferendum Baptisma, quod est principale, & indispensabile requisitum ad participandum de Eucharistiæ Sacramento. Igitur quilibet Sacerdos est ordinarius, non tantum delegatus baptismi Minister. Resp. negando consequentiam. Hinc auctoritas Florent. Concil. ac Catechismi Romani facile conciliari potest cum aliis oppositis monumentis, quæ docent, quilibet Sacerdotem non esse ordinarium Baptismi Ministrum, si dicamus Sacerdotes omnes habere vi ordinis, ut præsent Christianæ ple-

bi, ideoque & doceant, & baptizent, & Sacramenta omnia (excepto Ordine, & Confirmatione) ministrent; sed hac in re attendendam esse Ecclesiasticam politicam, & Antistitum iurisdictionem. Quare dum Episcopi olim baptizabant, non poterant id numeris arripere Presbyteri, uti & modo non possunt si adsit Parochus, vel alter ab eo delegatus. Alias ius alienum in re gravi præsertim contra debitam gubernationem, ordinem, & usum Ecclesiæ propria auctoritate usurpare conarentur, ac proinde graviter delinquerent.

Diaconi sunt Ministri extraordinarii Baptismi solemnitis; idest non ex officio, sed ex delegatione tantum, seu ex speciali Episcopi, vel Parochi commissione possunt solemniter baptizare si adsit necessitas. Ita DD. communiter. Habetur enim Act. 6. eos assumptos ac designatos fuisse ad hoc ministerium. Quamobrem Ecclesia istum antiquum morem respiciens in Ordinatione Diaconorum inter alia dicit, *oportet Diaconum prædicare, baptizare &c.* hoc eodem enim modo conceditur Diacono dum ordinatur, potestas baptizandi, sicut prædicandi; sed ex commissione Episcopi potest solemniter prædicare; igitur ex tali commissione solemniter baptizare.

Dixi notanter si adsit necessitas, quæ tamen non debet esse extrema, sed rationabilis prudenti iudicio Ordinarii determinanda, puta si Baptismus ob Sacerdotis absentiam, seu infirmitatem differendus esset per octo aut novem dies, imo videtur ad id sufficere magna etiam Ecclesiæ utilitas. Hinc credibile est, Apostolos ob continuum occupationem in prædicatione, & multitudinem baptizandorum, commississe Diaconis baptizare, ut de Philippo Diacono legitur Act. 8. baptizasse Simeonem Magum, & Eunuchum Reginæ Candacis. Iuluper aliquando Diaconi rexerunt Parochias, cuius rei adhuc remanet aliquod vestigium in Diaconiis, seu Ecclesiis tituli Diaconalis Romæ, & sunt tituli nunc Cardinalitii. De tali Diaconali regimine Parochiarum aperte loquitur can. 77. Concil. Milevitani ann. 305. *Si Diaconus, ait canon, regens plebem sine Episcopo, vel Presbytero aliquos baptizaverit, Episcopus eos per benedictionem perficere debet.*

Quod si Diaconus extra casum necessitatis, nec iussus ab Episcopo, aut Parocho solemniter baptizet, alienum ius, munusque sibi vindicat, ac ideo secundum communionem Theologorum sententiam non solum mortaliter delinquit, sed sit etiam irregularis,

Diaconi  
sunt Mi-  
nistri ex-  
traordi-  
narii Ba-  
ptismi so-  
lemnitis.

ris, ut colligitur ex l. 5. Decretal. tit. 28. cap. 3. ubi ita habetur. *Si quis baptizaverit, aut aliquod divinum officium exercuerit non ordinatus, propter temeritatem abiiciatur de Ecclesia, & nunquam ordinetur.*

Num vero Diaconus baptizans in necessitate sine prævio placito, aut commissione Episcopi, vel Parochi, possit solemnitates adhibere, non conveniunt Theologi, negantibus aliquibus, aliisve affirmantibus, & his assentiendum videtur, ut ait P. Henn. ob Gloss. in cap. *Diaconus* dist. 93. dicentem: *uli necessitas exigat, & Presbyter est absens, potest Diaconus iure suo baptizare*, ubi *ly iure suo* denotat potestatem vi ordinationis respicientem Baptismum solemnem, & tunc etiam præsumitur tacita Episcopi licentia; præterquam quod non plus in necessitate concederetur Diaconis, quam Laicis, dum Diaconis ex vi suæ ordinationis convenit ministerium baptizandi.

Tamen & Sacerdos, & Diaconus indigeant licentia Superioris ad baptizandum; data tamen inter utrumque est differentia; quia Diacono non conceditur facultas baptizandi nisi tanquam Ministro, & assistenti Sacerdotis, & id solummodo ex causa urgente. Sacerdoti vero concedi potest eadem facultas ad placitum, sine ulla causa tanquam Ministro, qui vi suæ Ordinationis habet potestatem baptizandi, quam facultatem Sacerdos delegatus alteri subdelegare potest, non item Diaconus.

Inter Diaconum vero, & alium inferiorem Clericum, & Laicum in ordine ad collationem Baptismi hæc intercedit differentia, quod Laici, vel inferiores Clerici, dum ipsis baptizare permittitur, nunquam possunt adhibere solemnitates, quas adhibere possunt Diaconi, saltem dum baptizant ex commissione &c. Præterea inferioribus Clericis, Laicisve nunquam licitum est baptizare nisi imminente extrema necessitate. Diaconis vero id munus committi potest ex causa urgente, quæ tamen minor sit extrema necessitate.

Adverte circa baptizantes in necessitate servandum esse ordinem inter præsentem: nempe Clericus præferendus est Laico, inter Clericos superior inferiori, non bigamus bigamo, vir femine, fidelis infideli; temper tamen cæteris paribus, idest dum non lædatur pudor, vel ritus Baptismi a viro non ignoretur: quia quando cætera non sunt paria, hic ordo servandus non est; imo necesse est ut invertatur; puta si Clericus ita imperitus sit, ut suspicari merito possit quod

baptizet invalide, præferendus est ei peritus Laicus: Obstetrix etiam, aut alia perita femina præferenda est Parocho, qui infantem non omnino editum sine indecentia non potest abluere: censetur enim talis casus necessitatis. Item si Parochus pretium exigeret pro baptismo, posset Diaconus, aut alius inferior etiam Laicus simoniam vitaturus baptizare.

Quod si in articulo necessitatis adesset Obstetrix cum solo Parocho excommunicato, Parochus erit præferendus, qui vi sui officii ius habet baptizandi, quod isto in casu non censetur ab Ecclesia ei ademptum. Præferenda est tamen Obstetrix sufficienter edocta de requisitis ad baptizandum viris ignaris, ac minus hac in re versatis.

Si cæteris paribus ordo non servetur, idest præsentem viro baptizet femina, præsentem Clerico laicus &c. non conveniunt Theologi circa quale peccatum committatur, cum velint alii esse mortale, alii tantum veniale, eo quia nullus eorum sit proprius Minister Baptismi, adeoque nulla interveniat iuris violatio, nec censeatur tanta fieri Sacramento irreverentia, ut sit mortalis. Quod si Laicus, vel etiam Clericus baptizare præsumat coram Sacerdote, cui id ex officio incumbit, certe esset gravis iuris violatio, ac proinde culpa committeretur mortalis. Quod itidem dicendum est, si infidelis præferatur fidei, hæreticus catholico, excommunicatus non excommunicato, quia in tali casu gravis irreverentia fieret Sacramento, & esset quidam ipsius Sacramenti contemptus.

Nota 1. quod si in necessitate omissæ sint solemnitates, cessante necessitate suppleri debent, ut constat ex Pastoralis Romano, & ex constanti Ecclesiæ praxi. Quoad exorcismos vero, moderatio adhibenda est iuxta præscriptum Ritualis Romani.

Nota 2. quod Parochus extra necessitatis casum licite non potest baptizare domi infantes, sed debet eos baptizare in Ecclesiis baptismalibus iuxta statuta sacrum Canonum. Excipi tamen solent filii Regum, & Principum ex privilegio, quod ipsis concedit Ecclesia, ut ex Clementina *de Baptism.* In hac tamen exceptione non veniunt communiter totorum Toparchæ, quorum pueros si extra necessitatem clam domi baptizet Parochus, peccat mortaliter.

Si autem quærat, num duo, vel plures contentiose eundem infantem baptizantes, valide baptizarent? Resp. quod si singuli materiam formamque debitam adhiberent & cum

cum requisita intentione totam simul sacramentalem actionem absolvent, evidens est valide baptizare, non secus ac plures Sacerdotes in eorum ordinatione consecrant eandem materiam cum Episcopo; nihil enim tunc concipi potest deesse ad valorem, & unus esset in hoc casu Baptismus quoad effectum. Dicitur quod singuli isti baptizarent valide; nam nemo non videt, Baptismum tali modo inordinate & idcirco illicite conferri. Advertendum tamen, (uti dicendum esset de Consecratione) quod si unus ante alium actionem baptismalem absolveret, id est compleret, hic solus valide baptizaret, vel alter nihil efficere, nisi gravissimum rebaptizationis crimen, cum baptismus supponatur ab alio iam collatus.

Non valet Baptismus, si ab uno Ministro adhibeatur materia, ab altero forma proferatur. Nam Christus Dominus verbis illis *baptizantes eos &c.* satis superque demonstrat formam ab eo proferendam esse, qui materiam ministrat; alias falso diceret *Ego te baptizo, seu abluo*, cum revera hoc non faceret. Quocirca Ecclesia solet rebaptizare eos, qui baptizati sunt apud eos sectarios, apud quos mos sit, ut unus e suggestu proferat formam, alter inferius abluat.

Similiter invalidus, vel certe in praxi dubius habendus est baptismus, qui collatus esset a pluribus dicentibus, *Nos te baptizamus*, & graviter peccarent, qui hoc ritum baptizare præsumerent. Hoc enim esset contra Ecclesiae usum, imo contra institutionem Christi Domini, qui sicuti unus est, ita unum voluit in unoquoque Sacramento Ministerium. Et hæc est sententia D. Thomæ 3. p. 467. art. 6.

Potest quidem unus sub ea forma *Ego vos baptizo* plures valide baptizare, non tamen licite extra casum necessitatis, qualis esset naufragii, incendii, ruinae &c. ac per hoc diversificaretur forma Ecclesiae, quia plurale non est nisi singulare geminatum. Ita D. Thom. q. 67. art. 6. ad 2.

Pater aut Mater cum alius desit, possunt prolem suam baptizare; quia Christus & Ecclesia neminem a lege charitatis excludunt, ut expresse declarat Ioann. VIII. epist. 58. ad Anselmum Episcopum Lemoviensem: imo in tali casu non privatur baptizans iure petendi, aut reddendi comparti debitum, ut exprimitur ibidem; quia in casu necessitatis propriam prolem baptizando non contrahunt parentes inter se cognationem spirituales, quam contrahit baptizans cum parentibus baptizati; quapropter seclu-

sa necessitate graviter prohibentur Parentes propriam prolem baptizare, & suscipere c. 1. & 4. can. 30. q. 1. quia contraherent inter se spirituales cognationem, quæ usum impedit Matrimonii; & quia alius debet esse pater carnalis, alius spiritualis.

Sacerdos nequit ex quadam indiscreta urbanitate cedere ius suum in casu necessitatis laico præsentanti, nec hic posset licite baptizare; quia iniuriam saltem negativam faceret Sacerdos suo Ordini & Baptismi Sacramento.

Nemo potest valide se ipsum baptizare dicendo: *Ego me baptizo in nomine Patris &c.* quia si hoc fieri posset, exponeretur vel in Scriptura, vel in Patribus, vel in Conciliis, vel in Ritualibus, aut in Catechismis, cum res adeo utilis, & necessaria latere non debeat homines, qui aliquando ob Ministri defectum periclitantur. Imo habetur determinatio Innocentii III. cap. *Debitum* de Baptismo, & eius effectus, præcipiens ut rebaptizetur Iudæus, qui dum esset in articulo mortis constitutus, se ipsum baptizaverat; & rationem reddit, nempe quia inter baptizantem, & baptizatum dari debet distinctio. Addit quidem, quod si ille Iudæus mortem subiisset, salutem invenisset vi baptismi fluminis, non vero fluminis.

Insuper Baptismus cum sit spiritualis generatio, non magis potest quis se ipsum baptizare, quam generare. Hinc Christus Dominus non se ipsum baptizavit, sed a Ioanne baptizari voluit, & Apostolis præcipiens Baptismi collationem ait; *Baptizantes eos*, id est homines a vobis distinctos, non vos ipsos. Henn.

### 5. XIII.

#### De Subiecto Baptismi.

Per solutis quæ Ministerium Baptismi respiciunt, examinanda suscipiantur, quæ ad Baptismi subiectum pertinent. Et primum si inspiciamus Christi institutionem, & ipsius generale Baptismi præceptum Matth. 28. *Docete omnes Gentes baptizantes eos &c.* ut per tale remedium originalis expiaretur in filiis Adæ reatus per carnalem generationem contractus, certissimum est, omnes Adæ posteros, id est omnes homines viatores nondum baptizatos, sive masculos, sive feminas, sive parvulos sive adultos, sive ex parente fideli, sive infideli, sive amentes, sive mentis compotes, sive natos ex semine viri, sive non, esse subiectum capax baptismi; quia omnes homines viatores sunt ca-

Omnes  
filii Adæ  
sunt su-  
iectum  
capax ba-  
ptismi.

paces

paces regni celestis; verum non sunt illius capaces (secluso martyrio) nisi mediante baptismo ut Ioann. 3. *Nisi quis renatus fuerit ex aqua &c.* Igitur omnes homines viatores sunt subiectum capax Baptismi; neminem enim Christus Dominus a gratia huius Sacramenti, excepit cum generaliter dixerit sine ulla restrictione ac respectu de toto humano genere: *Baptizantes eos.*

Verum ex hoc quod Baptismus institutus est ad expiandam originale labem, qua omnes Adami descendentes infecti nascuntur; suboritur difficultas de Virgine Deipara, an capax extiterit Baptismi, ita ut potuerit baptizari, & revera baptizata fuerit, cum ut pie creditur, nulla originali culpa fuerit infecta; sicuti etiam legitur de aliis ut de Geremia, & Ioanne Baptista, qui in utero matris fuerunt sanctificati. Afferunt multi, nec Deiparam, nec aliam innoxiam creaturam fore baptizandam, cum docuerit S. August. de *Prædestinat. Sanctior.* cap. 13. n. 25. *In eis qui nullum habent omnino peccatum, falsus est Baptismus, qui in remissionem traditur peccatorum.* Verum hic S. D. loquitur de primario Baptismatis effectu, idest de remissione originalis culpæ, quam negabant Pelagiani, non de secundo, qui est initiatio & cooptatio in Christi Ecclesiam, atque visibile signaculorum consortium; quarum rerum intuitu potius propendit eruditus P. Berti, salvo tamen ait ipse meliori iudicio, in infirmativam partem, nempe B. V. Deiparam sacra fuisse unda perfusam, tamen si nulla originali labe infectam; sicuti tamen si non pepererit suscepto semine, neque immunda fuerit ob sanguinis menstrui defluxum, legem Moysis nihilominus implevit, templum adeundo, par turturum offerendo, aut duos pullos columbarum, servando tandem aliarum puerperarum consuetudinem. P. Berti.

His tamen prætermisissis quæ parum refert scrutari, operæ pretium est expendere, quæ in hac materia multo maioris sunt momenti, nempe an pueri ante usum rationis sint Baptismi capaces, ita ut possint, ac debeant baptizari. Gravissimam circa hoc habent Catholici cum hæreticis controversiam, cum permulti eorumdem contra Ecclesiæ Catholicæ sensum negaverint infantes ante usum rationis capaces esse Baptismi, & præcipui ex illis sunt Valdenses, Petro-Brusiani, sic dicti a Petro de Brui, qui negarunt sæculo 12. ex epist. 240. conferri posse Baptismum parvulis. Ita senserunt etiam Cathari, Anabaptistæ. Ex recentioribus complures con-

tendunt olim neminem baptizatum fuisse nisi ætate iam adulta, neque invicte probari posse, vetustam, ac initium habere ab Apostolis consuetudinem ministrandi Baptismum infantibus ante rationis usum.

Solet hic error tribui etiam Tertulliano. Verum non negavit Tertullianus parvulos Baptismi esse capaces, sed existimavit differendum usque ad adultam ætatem, qua per se respondere possint. *Quod... necesse est*, inquit l. de *Baptismo* cap. 18. *... sponsores... periculo ingertis*: ubi agnoscit morem antiquum secundum quem Sponsores, seu Patrimi fidei iuebant pro parvulis, quos baptizandos offerebant.

Parvulos esse capaces Baptismi, de fide credendum proponit Ecclesia, ita ut nec eorum adulta ætas sit expectanda. Et hoc constat ex perpetua Ecclesiæ Traditione, & praxi, quam confirmat Concil. Tridentinum sess. 7. canon. 12. & 13. & hoc tradit etiam S. August. l. 10. de Gen. ad litteram cap. 23. *Consuetudo* (ibi ait S. D.) *Matris Ecclesiæ in baptizandis parvulis nequaquam spernenda est, neque ullo modo superflua reputanda, nec omnino credenda, nisi apostolica esset traditio.* Nec sola Traditio hoc docet, sed ipsa etiam Scriptura, quæ licet aliquantulum obscura in hac parte, ex Ecclesiæ tamen interpretatione ab ipsis primis suis temporibus satis clare explicatur. Christus enim Dominus præscripsit unicuique, & absolute baptismum tamquam medium omnibus necessarium, ne a Regno Dei excludantur, nempe ad suam æternam salutem consequendam, ut habetur Ioann. 3. *Nisi quis renatus fuerit ex aqua & Spiritu Sancto, non potest introire in regnum Dei*, quod Ecclesia dictum intelligit a Christo Domino etiam de infantibus, ut eis hoc remedium applicetur. Et quod talis fuerit in laudato textu intentio Christi Domini & voluntas, patet ex sollicitudine quam habuit Dei providentia erga infantes Hebræorum, dum indefinite, & universim præcepit Circumcisionem Gen. 17. ne anima incircumcisi deleteretur de populo suo. Unde si Circumcisioni voluit Deus, ut subiicerentur etiam infantes, sic dicendum quod voluerit ut in Ecclesia infantes quoque baptismo regenerarentur, cum tam Circumcisio, quam Baptismus fuerint instituti ad delendum originale peccatum, ut colligitur ex Scriptura & SS. Patribus, & sicuti capaces erant infantes ut Circumcisionem reciperent, ita nunc etiam capax est regenerationis quicumque in lucem mundi prodit; & ideo post illa verba: *Nisi quis*  
*rena-*

De fide  
est par.  
valos ca.  
paces el.  
se ba-  
ptismi.

*renatus fuerit* &c. addit; *Quod natum est ex carne, caro est, & quod natum est ex Spiritu, Spiritus est*, demonstrans quod renasci possit spiritu, quisquis natus est ex carne.

Nec officit, quod infantes non habeant fidem, quam Christus Dominus in baptizandis exquirat, dum dicit; *Docete &c.* . . . *baptizantes &c. & qui crediderit, & baptizatus fuerit salvus erit*, quia fides requiritur in eis, qui edoceri possunt, ut sunt adulti, ad quos convertendos misit Christus Apostolos; *Euntes docete &c.* & sic exponit D. Hieronym. cap. ultim. Matthæi. Sed & parvuli ipsi dum baptizantur, aliquo modo credunt, in alio scilicet, sicut in alio peccare. Nec aliud plus Christum in parvulis baptizandis exigere, docet nos perpetua Ecclesiæ traditio.

Quamvis tamen primævis temporibus solum Ecclesia extra necessitatem, ob iustas rationes, quæ revera nobis non innotescunt, ut plurimum differre infantibus baptismum usque ad adultam ætatem, ab ipsis tamen Apostolis mos cœpit eos baptizandi etiam extra casum necessitatis, ut non obscure colligitur ea Act. 16. 15. ubi legimus baptizatam integram familiam domumque Lydiæ purpurariæ, & versu 33. domum totam Custodis carceris; & D. Paulus sicuti ipse testatur Corinth. 16. baptizavit Stephanæ domum; ac proinde in hisce casibus profecto baptizati fuere etiam parvuli, cum, sicuti sapienter advertit P. Berti, in tota domo & familia comprehendantur etiam parvuli. Hanc utique Apostolorum praxim semper secuta est Ecclesia, prout melius ei visum est congruere, sicuti Patrum comprobatur perpetua Traditio S. Irenæus temporibus Apostolorum proximus sic scribit l. 2. cap. 39. *Omnes per se ipsum (Christus) venit salvare: omnes, inquam, qui per ipsum renascuntur in Deo, infantes, & parvulos, Juvenes & Seniores.* Et auctor libri *de Eccl. Hierarch.* cap. ultim. ait; divinæ, ac spiritualis generationis participes fieri etiam pueros, qui nondum divina mysteria percipiunt. His accedit auctoritas D. Augustini, qui circa hoc ita urget Traditione contra Pelagianos ferm. 10. *de verbis Apostoli.* nunc 176. n. 2. *Hoc Ecclesia semper tenuit, hoc a maiorum fide percepit, hoc usque in finem perseveranter custodit;* & superiori ferm. 174. n. 9. morem baptizandi parvulos appellaverat, *antiquam fidei regulam.* Praxis igitur baptizandi infantes semper viguit in Ecclesia, licet quamplurimis infantibus differret Baptismum usque ad adultam ætatem; multos tamen in pue-

ritia etiam sine necessitate, prout ipsi visum est, baptizavit.

Parvuli nullo modo nati, idest prorsus in materno utero inclusi, ut nec caput, nec aliquam sensibilem partem ex materno alvo emittant, cum aqua immediate perfundi nequeant, non sunt baptismi capaces, ac ideo valide baptizari nequeunt, quia vere ablui non possunt. Nec sufficit si corpus matris abluatur; quia cum infans non sit aliqua materni corporis pars, sed propria distincta persona a matre; ita abluta matre ille censeretur nequit vere ablutus; unde Pastoralia passim prohibent Baptismum in tali casu administrari.

Verum adsunt aliqui ex recentioribus, inter quos P. Henno, Gabriel Gualdus, alii-ve, qui volunt, in puerperio dum Mulier parere nititur, & interdum nonnullis antea diebus aperiri uterum cœperit, & etiam infantium involucria discindi, adeo ut Obstetrices, sive expertus Chirurgus manu vel aliquo instrumento siphunculo deducere possint ad puerum usque aquam, non quidem frigidam, quia hæc matrem necaret, sed calidam, perfundendum esse salutari lavacro, sub conditione tamen, cum sint in negotio nimis incerto, ut eo meliori modo quo fieri potest, licet incerto remedio, ipsius æternæ consulatur salutis, ita vero ut si postea in lucem prodeat, denuo sub conditione baptizetur. Qui vero rem melius videre cupiat, adeat P. Berti, qui rem in contrariam tamen sententiam fusius pertractat.

Nota 1. quod si moriatur Mater, antequam partum edat, idest adhuc gravida, statim aperienda esset, ut inde extrahatur proles, & baptizetur, nisi constet non vivere. Non tamen ut provideatur salutis spiritali fœtus, vivens aperienda est Mater, quæ partum emittere nequit, præsertim si ex tali aperiitione Medici de eius vita desperarent, cum nunquam fas sit aliquem etiam periclitantem occidere, ut alteri subveniatur. Nam nec ipsa mater, nec quis alius habet dominium directum in propriam vel alterius vitam, ut iam dictum fuit suo loco. Ita Ludovicus Habert, & alias laudatus P. Berti cum aliis.

Nota 2. Quod si ad mortem condemnata esset mulier gravida, executio usque ad partum suspendi debet; imo ne ex desperatione, aut tristitia matris fœtui aliquid mali contingat, ipsa quoque sententia eo usque est differenda.



## S. XIV.

*De iure baptizandi filios Iudeorum Infidelium, Hæreticorum, & Mancipiorum contra eorumdem Parentum voluntatem.*

Nota 1. hic non agi de validitate baptismi, cum certum sit ratum esse Baptisma ubicumque, & a quibuscumque sub vera forma, idest verbis Evangelicis collatum sit, nec voluntas parentum omnino requiritur, ut possit infans regenerari, cum hoc sit opus Spiritus Sancti, *intrinsecus operantis beneficium gratiæ*, & infans absolute, idest per se Baptismi sit capax.

Nota 2. Cerrissimum esse licite baptizari posse parvulum natum ex Infidelibus parentibus in extremo: iam vitæ discrimine constitutum, dummodo id fieri queat sine ullo christianæ plebis detrimento, & mors sit certo secutura: quia tunc abique eo quod ius patrium violetur, & aliqua Sacramento iniuria inferatur, parvulus aliquoquin periturus ad spiritualem æternamque vitam regeneratur.

Nota 3. pariter indubitatum esse, filios infidelium ad usum rationis perventos, & baptismum petentes licite baptizari, cum in iis quæ spectant ad ius naturale, & divinum, & præcipue ad suam spiritualem salutem, tunc incipiant esse sui iuris, & potestatis, habeantque liberi arbitrii exercitium. In dubio autem de sufficienti usu: rationis, differendus est baptismus, donec constet; & tunc egredi debent e domo parentum si aliter christiane vivere nequeant, aut sit periculum quod a parentibus subvertantur.

Nota 4. Infideles alios esse Hæreticos, qui post baptismum fidem turpiter deseruerunt, alios Paganos, Gentiles, Iudeos, Mahumetanos qui Christi fidem nunquam professi sunt, seu qui nunquam per baptismum in gremium, seu societatem Ecclesiæ intravere. Et de his omnibus hic agere suscipimus. Sic igitur.

Parvuli Hæreticorum & Apostatarum filii: nondum usum rationis adepti, etiam subditi Principibus infidelibus, licite invitis, & reluctantibus parentibus baptizari possunt. Cum enim Parentes per baptismum quod susceperunt, sint Ecclesiæ subditi, iustissimis potius cogi possunt ad eius leges servandas, & eam præcipue deserendi suam prolem in Ecclesiam ad baptismum. Igitur licite subtrahi possunt eorum filii suæ potestati, ut sacro regenerentur lavacro, rebusque fidei instruantur. Nunquam enim Ecclesia impro-

bavit, imo commendavit Imperatorum, aliorumque Principum edicta lata in hoc proposito contra Hæreticos. Cautè tamen procedendum est in tali negotio, quando hæretici subdantur Principi infideli; & sic subtrahi non debent nec possunt si ideo Religio periclitaretur; nam ad hoc ut malum evitetur maius, minus permitti debet.

Mancipiorum pariter filii: infantes contra suorum parentum voluntatem licite possunt, imo debent baptizari invitis eorumdem parentibus, si isti sint Christianorum servi, idest si Christiani sint eorum dispartici Domini; quia cum ipsi infantes & eorum parentes sint sub Dominorum absoluto iure, ac dominio, sine ulla iniuria possunt Domini eos parentibus subtrahere; ita ut iure gentium vendi possunt a Domino, manumitti, inter liberos affilci, ac proinde sine ulla iniuria parentum a patria ipsorum potestate separari; quia postquam servitus invasit, pueri etiam parentum curæ relictii, Dominorum tamen potestati, ac dispositioni subiiciuntur, ita ut pro libitu tamquam de re sua disponere possint, ac ideo licite curare valent, imo dicam etiam ex charitate tenentur eos baptizare ac in fide erudire, & educare. Servi autem, seu mancipia sunt, vel nativitate dum nascuntur ex ancillis, seu mancipiis; vel iure gentium, idest ex captivitate, ut sunt ii, qui iure belli capti sunt, qui ita in victoris potestatem cadunt, ut ei fas sit illos parentibus eripere, & etiam vendere; vel iure civili dum homo liber maior viginti annis sese venundari patitur ad pretium participandum. Sic Iustinian. *de iur. Personar. tit. 3.*

Filii vero Infidelium, qui nec politice quidem Christiano Principi subiiciuntur, reluctantibus, & invito utroque eorum parente licite baptizari nequeunt nisi in evidenti mortis periculo. Nam vel filii iam baptizati subtraherentur parentibus, ut a periculo subversionis removerentur, & tunc gravis eis fieret iniuria, cum parentes ius habeant filii a natura concessum apud se retinendi liberos: nondum rationis usum, ac ideo nec propriam voluntatem habentes; vel relinquenter in manu, & directione parentum, & tunc Sacramentum evidenti exponeretur periculo profanationis, & baptismi subversionis ac apostasiæ; quia filii curæ parentum relictii secundum eorum sectam ab ipsis instruerentur, & educarentur; imo ex sola etiam cum parentibus cohabitatione, & consortio eorum edicerent superstitionem, ac sequerentur.

Varia Infidelium genera.

Filii Hæreticorum etiam invitis parentibus baptizari possunt.

Filii servorum, apud Dominos Christianos relictis parentibus, possunt, & debent baptizari.

Filii Infidelium invitis parentibus baptizari nequeunt.

Eni-

Iniuria fieret parentibus filios ab eis auferendo; quia licet iure, quod habent in filios educandos, abutantur, cum tamen nec Ecclesiam, nec christiano Principi subiiciantur, non debent ab ipsis illo iure privari.

Dixi 1. *reluctante, & invito utroque eorum parente*; quia si alteruter, seu etiam sola Mater, quæ christiana sit, consentiat, infans invito parente infideli licite baptizabitur; quia tunc præstatur consensus ab eo qui ius habet naturale in puerum, cum & ipsa mater ius habeat instituendæ proles, & prævalere debet assensus qui cedit in favorem religionis, maximamque pueri utilitatem. Ita statuit Concil. Tolet. 4. c. 6. Et quod, dicitur de consensu unius parentis, intelligendum est etiam de illorum consensu, quibus ob mortem patris cura competit neporum parentum, ideoque baptizandus esset infans, matre infideli, pagana scilicet vel iudæa reluctante, si ita velit avus paternus substituens loco patris demortui in paternam curam nepotis. Sic censet Sylv. q. 68. art. 12. qui simul advertit id a Gregorio XIII. statutum fuisse.

Dixi 2. *nisi in evidenti mortis periculo*. In hoc enim casu consulitur sempiternæ salutis infantis absque eo quod iniuria ulla inferatur Sacramento, quod profanationi ita non exponitur, & paternæ parentum potestati, ac iuri, cum mors potius quam Baptismi ministrator genitoribus filios eripiat, & aliunde urgeat præceptum charitatis. Verum id fiat si possit, incisus parentibus ad vitandam perturbationem. Idem ob rationem eandem extendit Layman ad filios infidelium in proximo mortis periculo, vel in alio etiam casu baptizatus parentibus re ipsa invitis, vel incisis, convalescat, & adolescat, tunc secluso periculo religionis Christianæ, & scandalo abstrahendus est a parentibus ut erudiat, & educetur in fide Christiana. Ita definit can. 60. Concil. Tolet. 4. & ita habetur cap. Iudæor. 28. q. 1. Et ratio est, quia cum Christo sint regenerati, curandum est ne paterno detineantur errore. Et hoc maxime incumbit Ecclesiæ, quæ iam per baptismum acquisivit iurisdictionem in eum, ac ius ad eum christiane instruendum, & in christiana vita instituendum; imo & ipse debitum contraxit ad discendæ Christianæ legis, ac servandæ, quod plane præstare nequit commorando apud parentes infideles, superstitionis professiones. Nec opponi potest ius paternæ potestatis adversus iniuriam, qua tunc affice-

retur Sacramentum, Ecclesia, & Deus hominum conditor, & reparator.

Dixi *seclusa* &c. quia bonum religionis, & multorum præferendus est bono privato. Nam si ex hoc oritur essent seditiones, scandala, odia, persecutiones contra Ecclesiam &c. si res christiana, uno verbo, revera inde passura esset dispendium, & ob id leges huic paterni iuris violationi obstarent, relinquendi essent huiusmodi infantes in manu parentum, nec liceret in talibus circumstantiis ab ipsorum custodia, & potestate atque educatione eos arripere, ac separare, Bossu. 30. n. 18.

Quod dicitur de filio infidelium morti proximo, quod tunc licite invitis parentibus baptizari potest, intelligendum est quoque de infantibus, qui a contubernio parentum ita separantur, ut cesset omnino usus patris potestatis; puta si a piratis capiantur Turcarum triremes, eaque vesti ad nostra trahantur littora: nam hoc in casu liberi parentibus suis perierunt.

Advertendum hic tamen, quod si iniuria, ac per vim filius separaretur a Patre, e.g. puerulus Iudæus furtim ab homine Christiano sublatus domi retineatur, puer parentibus foret remittendus; quia per illam violentam separationem nihil sui iuris patria amisit potestas.

Gravior tamen difficultas quæ in negotio hoc versatur, est, num filii Iudæorum aliorumque infidelium non baptizatorum qui Principibus Christianis civiliter tantum, id est non serviliter subduntur, licite baptizari possint invitis Parentibus. Et in hoc discipulat S. Thomas a Scoto, dum contra Scotum sustinet non licere. Et hæc sententia divinæ Christi Domini institutioni videtur magis consona. Christus enim Dominus non præcepit Apostolis, ut aliquem sacro initiarent Baptismo reluctante & invito, sed iussit ut prædicarent gentibus Evangelium, & credentes baptizarent. Matth. ultimo. Neque dicas id intelligi ac valere de adultis, qui usum habeant propriæ libertatis, non de parvulis, qui donec usum habeant rationis, sunt aliorum iuris, ac potestatis. Verum si cogi nequeunt adulti ut baptizentur, nec baptizandi erunt, qui ipsis subiiciuntur: Altes enim vis inferitur non in propria duntaxat persona, verum etiam in his, qui ad eius pertinent potestatem. Unde si fas esset baptizare infantes invitis parentibus, liceret quoque vi adultos ad fidem suscipiendam compellere: quare Estius utramque quæstionem cognatam appellavit. Et equidem

dem subiectio quam habent parentes infideles christianis Principibus, eis non admittitur quod habent educandi, & retinendi apud se suam prolem. Insuper potestas secularis nec ex se, neque ex Ecclesie concessione sibi arrogat, ut ad huiusmodi negotium se extendat, idest baptizandi filios infidelium, qui sibi civiliter dumtaxat sunt subiecti. Non ex se; quia potestas secularis ex se nullum ius habet circa supernaturalia, cuiusmodi est susceptio Baptismi; non ex Ecclesie concessione; quia cum Ecclesia nullam iurisdictionem habeat in non baptizatos, nequit hanc alteri, seu Principibus super eosdem communicare, sicut concedere potest in Baptizatos. Nemo enim dare potest, nisi quod habet. Et hoc comprobat constans usus ipsius Ecclesie, quæ ut observat S. Thomas 2. 2. q. 10. art. 12. nunquam egit apud Imperatores, aliosve Principes etiam Religionis Christiane ampliandæ studiosissimos, ut eiusmodi infideles eorum politico Dominio civiliter tantummodo subditos, compellerent fidem catholicam amplecti, eiusque sacra suscipere, suosque parvulos iisdem initiare; imo improbavit, si aliqui ex Principibus Christianis minas aliquando pœnasve pro re hac adhibuerint ad cogendos infideles sibi civiliter subditos ad Christianam Religionem amplectendam, ut patet ex Gregor. Magno l. 1. epist. 45. & ex Concil. Tolet. IV. quod sanxit, ne quis Iudæus, seu quisquam alter infidelis ad fidem cogatur.

Quare nullius sunt momenti exempla, quæ pro opposita sententia afferri solent; quia si sine alio iure quam civilis subiectionis impulerunt aliqui Christiani Principes suos infideles subditos ad catholicam fidem, fuerunt illi ab Ecclesia improbat; & alii hoc non sola ratione civilis dominii fecere contra statuta Concil. Tolet. sed secundum iura, quæ habet Ecclesia contra Apostatas, & Hæreticos, idest eos compellendo ad se subdiendum legi Ecclesie, a qua per apostasiam recesserant; vel hoc præstiterunt erga belli captivos, ut contigit, quando Carolus Magnus devictis Saxonibus perditionibus, ut apostatas a catholica religione iure belli cogere potuit, allicientia tamen benignitatis, prudentum prædicatorum opera potius quam vi, ut in gremium redderent Ecclesie, & eorum infantes sacro regenerandos lavacro exhiberent, teste Alcuino in sua Epist. 7. ad Carolum Magnum, cuius erat familiaris, & in eius comitatu, in qua Epistola Imperatori gratulatur ob

clementiam quam erga Saxones exercuerat.

Alias, idest ex sola ratione dominii politici in infideles, nequeunt Principes licite efficere ut contra eorum voluntatem ipsorum infantes baptizentur, & eorumdem cura eos privare; quia ut rationem reddidit D. Thomas art. 20. *Quamdiu . . . usum rationis non habet puer, non differt ab animali irrationali. Unde sicuti bos, & equus est alienigenus, ut utatur eo cum voluerit secundum ius civile sicut proprio instrumento, ita de iure naturale est, quod filius antequam habeat usum rationis, sit sub cura parentum. Unde contra iustitiam naturalem esset, si . . . a cura parentum subtrahatur, vel de eo aliquid ordinetur in vitis parentibus.*

Nec valet quod dicit contraria sententia, Baptismum esse de iure divino, cui credere debet ius paternum in filios: Quod parentes teneantur iure divino tum sibi, tum filiis providere de medio ad salutem necessario, cum Deus illis concefferit potestatem in filios in ædificationem, non in destructionem, ut 2. Corinth. 13.

Nam 1. falsum est quod ius naturale cedere debeat positivo Dei præcepto; cum non solum utrumque sit divinum, cum Deus sit auctor etiam legis naturalis: sed naturale est magis necessarium quam positivum, ac ideo in concursu, naturale est præferendum: Hinc est quod Uxor, & filius familias implere non debent votum repugnante marito, aut patre, licet obligatio voti sit de iure divino. Ad aliud vero, mandavit quidem Deus unicuique de proximo suo, scilicet ut periclitanti subveniatur fraternæ charitatis correctione, & iuxta S. Gregorium prædicationis, & exhortationis suavitatem, non vero violentia, coactione, nisi sit Superior. Porro Ecclesia, ut antea notavimus, nullam habet iurisdictionem in non baptizatos, & Principes Politici eam habent tantummodo in temporalibus, ut paulo antea diximus, quæ nullatenus extenditur ad ea, quæ sunt ordinis supernaturalis. Hæcenus Habet.

## §. XV.

*De Monstris, quando Baptismi sint subiectum capax.*

Si unquam contingat, mulierem parere monstruosum foetum, inspicere debet Minister, an naturam, speciemque præferat humanam, quod potissimum dignoscitur ex capite, utpote quod sit suprema corporis pars, in qua sensus omnes vigent, ratioque in eo resi-

residet, & præcipue animus ipse immortalis; ut sentiunt philosophi; & tunc ei dandum est Baptisma semel tantum, si non habeat nisi unum solum caput; quod si duo habeat capita, & duo pectora, non tamen ita bene distincta, ut certum non sit esse duas personas tunc unum primum debet baptizari absolute, & alterum postea sub hac conditione; *Si non es baptizatus ego te baptizo* &c. Si autem monstrum habeat plura capita, & plura pectora bene distincta, tunc profecto sunt totidem animæ, ac ideo plures distincti homines, ac proinde omnes sigillatim sunt baptizandi. Si tamen urgeat extrema necessitas, abluantur simul pronomine plurali sub hac forma: *Ego vos baptizo* &c. Si vero dubitetur num homo sit, vel brutum, baptizetur sub conditione; *Si tu es homo Ego te* &c. sed in tali casu si non imminet mortis periculum, monet S. Carolus prius consulendum esse Episcopum. Monstrum vero quod nullatenus humanam speciem præferret minime est baptizandum. Sic Ritual. Rom. Antoi.

## S. XVI.

*De Filiis excommunicatorum num baptizandi sint.*

De Filiis autem excommunicatorum nulla occurrere potest difficultas quod sint baptizandi, cum minime in re hac dubium vertatur; quia ut ratiocinatur D. August. in Epist. ad Auxilium hoc est discrimen inter corporalem, & spiritualem poenam, quod corporali poenæ aliqui, qui divina continent præcepta, subiiciuntur etiam cum omnibus, qui eiusdem impietatis participes non fuerunt, quin ad terrorem viventium aliquando mortalia copora perimuntur, quandoque utique moritura: At spiritualis poena infligi non potest, nisi ob proprium peccatum, ut habetur Ezechiel. 18. 20. *Anima quæ peccaverit ipsa morietur.* Hinc cit. D. inter non recte anathematizari pro patris peccato filium, pro Mariti Uxorem, pro Domini servum; ac hortatur Auxilium ut certis rationibus, vel Scripturarum testimoniis ostendat, quomodo, si puer eodem tempore, quo universa domus est anathemate obligata, nascatur, non ei possit per lavacrum regenerationis in mortis periculo subveniri; testatur se nunquam id facere ausum fuisse: & hæc S. August. Doctrina relata est in canon. cap. Si babes 24. q. 3. n. 1. Imo nec in generali interdicto inhiberi Baptisma constat ex cap. Quoniam de sentent. excommunicat. Insit. Theol. Moral. Tom. IV.

in 6. atque ex citatis in cap. *Quod in te de Panis. & remed.* Ea autem ratio S. D. clare ostendit, quam imperite Farellus Erronum filios non intingeret, nisi prius ad omnem impietatem obnegandam adigerentur parentes, ut ipse scripsit ad Calvinum, & quam impie Gerardus Vossius disput. 15. th. 7. contenderit, non posse filios sine profanatione Sacramenti ad Baptisma admitti, nisi mundi fuerint utriusque, aut alterutrius parentis ratione; nemo enim spiritali regeneratione privandus est propter aliena scelera. Hactenus P. Berti.

## S. XVII.

*De Baptismo mortuorum, & Campanarum.*

Quamvis hæc duo baptismata non sint certi momenti pro theologo morali, nihilominus ne talis etiam eruditio hic esset desideranda hæc non omittere censui, quorum primum idest mortuorum iam antea improbatum fuit in antiquis hæreticis, & hic improbandum suscipitur; alterum nempe campanarum propugnandum est contra Hæreticos recentiores, qui de hoc nos arguunt. Duplex circa hoc invaluit erroneus ritus, & maxime reprobandus; unus apud hæreticos Cerinthianos, & Marcionitas, quorum caput Cerinthus vivebat Apostolorum temporibus; & hic erat baptizandi vivos pro mortuis, ut ex Irenæo l. 3. adversus hæreses cap. 3. & Eusebio l. 3. Hist. Eccl. cap. 22. alter Caraphrygarum. Hi erant sequaces errorum Pseudo prophetæ Montani exorti tempore Antonii Pii circa annum Christi 156. iuxta S. Epiphani. hærel. 48. qui mortuos ipsos baptizabant; sed qua ratione, aut intentione ad huius vanissimum ritum induci fuerint est prorsus incertum, sicuti etiam incertum est, & controversitur inter Scriptores an revera baptizarent mortuos, aut, sicut Cerinthiani, vivos pro mortuis. Si enim mortuos baptizare in consuetudinem traxerint aliqui ante Cerinthi excogitatum errorem, ut putant, aliqui ex verbis illis Apostoli 1. Corinth. 15. *Alioquin quid facient qui baptizantur pro mortuis, si omnino mortui non resurgunt? Ut quid baptizantur pro illis?* Est valde probabile, usum huiusmodi ritus inductum fuisse ex usitatissimis lotionibus Phariseorum apud quos fertur morem fuisse receptum, ut si quis mortuus esset legaliter immundus, alter pro ipso ablueretur, & huiusmodi fiebat cæremonia, ne immunditia noceret mortuis, simulque fides futuræ excitaretur resurrectionis quæ negabatur a Sædúcæis.

H

Vc-

Verum quidquid sit de ratione, quæ moverit tales Hæreticos ad hunc morem inducendum, certissimum est, baptizare mortuos, vel vivos pro mortuis, erroneum esse ac prorsus damnable, ut patet ex Cod. canonum Ecclesiæ Africanæ cap. 18. ubi sic legitur; *Placuit, ut corporibus defunctorum Eucharistiam non detur; Scriptum est enim; Accipite, &c. cadavera autem nec accipere possunt, nec edere, & ne iam mortuos homines baptizari faciat Præbiterorum ignavia*, sive ut haberetur in Collecti. Concilior. can. 6. Concil. III. Charchaginen; *Cavendum est ne mortuos baptizare posse fratrum infirmitas credat*. Et hoc ratio ipsa ad evidentiam demonstrat. Nam mortuorum cadavera participare nequeunt divinæ gratiæ beneficium, & spiritualis regenerationis, quæ fit per Baptismi Sacramentum, cum destituta sint rationali anima, in qua huiuscemodi spiritualis operatio peragitur, nequitiam in corpore. Ideo enim actio Baptismi dicitur spiritualis regeneratio gratiæ, quia fit in anima, quæ anima, non vero corpus, cui competit sola vita, & mors naturalis, mortua est peccato per originale iniustitiam in Adamo contractam. Nec solum corpus mortuum baptizari nequit, sed ne quidem vivum sacro tingi potest lavacro pro mortuo; quia cum renascencia ex aqua & Spiritu Sancto fieri debeat in eo, qui natus ex carne, in ea vivit, & in eo qui sacro abluatur lavacro; cum in forma baptismi dicatur: *Ego te baptizo*, baptismus acceptus a vivo nullo modo valere potest mortuo, pro quo ille summat: Alias si Baptismus a vivo acceptus pro mortuo, posset talem mortuum ad gratiam vivificare, posset similiter sacra Pœnitentiæ absolutio accepta pro mortuo in læthali crimine, posset, inquam, eundem mortuum iustificare & salvare, quod nec dicunt posse fieri ipsi Adversarii Etherodoxi: igitur nec Baptismus, cum utriusque Sacramenti par sit ratio; cum Sacramentum quodcumque non proficit ad sanctificationem nisi solis suscipientibus. Præterquamquod defunctis absque Baptismo, & ideo ab Ecclesiâ alienis, nihil iuvare possunt suffragia, quæ viventes ipsis applicant.

Quoad textum vero antea cit. Apostol. 1. Corinth. 15. quem huc explicare remissus alioquin quid facient, qui baptizantur pro mortuis? sciendum varias esse eiusdem textus PP. ac Theologorum interpretationes alatas & ab Estio in Paulum, & a P. Calmet Tom. 2. pag. 203. & tres sunt precipui momenti. Prima nempe eorum, qui asse-

runt ex consuetudine aliquorum, qui viventes baptizabantur pro mortuis, demonstrare Apostolum futuram corporum resurrectionem argumento, quod dici solet *ad hominem*, non illam consuetudinem approbando, sed illa dictæ resurrectionis fidem astruendo, & confirmando, & hanc propugnat P. Calmet. Altera est eorum, qui censent D. Paulum loqui de iis, qui decumbentes in lecto & morti proximi suscipiunt baptismum, & re ipsa declarant, se baptizari pro mortuis, idest ut Baptismus sibi proficit vita functis, & pro eo statu, ad quem accelerant; quod pariter ad adstruendam probandamque resurrectionem est invictum argumentum & de hac legatur Estius loco cit. & Gerardus Vossius. Tertia tandem eorum est, qui interpretantur ly *pro mortuis* pro corporibus morti obnoxiiis, ut verborum Apostoli sensus sit, si futura non est carnis resurrectio, cur in spe, & fide resurrectionis ea baptizant, quæ ita morti addicta sunt, ut nunquam sint immortalitate donanda. Sic interpretatus est verba illa D. Chrysostomus Homil. 40. in 1. ad Corinth. ubi observat S. D. baptizandos regitatis verbis Symboli; *Credo carnis resurrectionem* in hac fide regenerari. Hoc ergo (ibi ait) in memoriam revocans Paulum dicebat; *si non est resurrectio pro mortuis (idest corporibus) cur baptizaris? Propter hoc enim baptizaris, quia mortuum corpus resurrecturum credis, & mortuum non mansurum: & hæc Chrysostomi tertia interpretatio verborum Apostoli est cæteris præponenda.*

Circa vero Campanarum Baptisme, quem ut dixi reprobant Novatores ut supersticiosum ritum, ut Magdeburgenses Centur. 10. cap. 6. Vossius, aliive apud Ioannem Georgium; nobis satis erit breviter salutare, quæ contra talem ritum illi nobis obiciunt. 1. videlicet quod Ioannis XIII. inventor fuerit huius ritus, qui primus omnium anno 968. sacris caeremoniis consecravit Lateranensis Ecclesiæ Campanam. 2. eundem ritum proscriptum fuisse a Carolo Magno in suis Capitularibus pag. editionis Moguntinæ 266. ubi habetur quod *clerus non baptizans, nec charitas per perticas pendat propter grandinem*. 3. quod Campanæ sunt omnino Baptismatis incapaces. 4. quod ridiculum videtur, ac supersticiosum in Campanarum baptismo ea omnia adhibere, quæ in hominis baptismo usurpantur, ut est nominis impositio, inundio, lavacrum, candida vestis, nec non Patrinerum præsentia, quæ omnia, ut videbimus, sunt maxime infirma, inutilia,

ha, ac nullius momenti ad exturbandum hunc sacrum Ecclesiae ritum.

Sed non inutile erit prius elucidare, quæ respiciunt initium usus æris campani in Ecclesia. Certum est quod quovis tempore post redditam Ecclesiae pacem, ex quo saceris religionis officii publica erigi cœperunt templa, signo aliqui fideles congregati fuere ad normam veteris legis, in qua tubis argenteis, & ductilibus populus convocabatur, ut Numer. 10. & his in Ecclesia substitutæ fuere Campanæ, ut scribit Albinus Flaccus *de divinis officiis*, quorum usus, cum tam cito inductus non sit, aliquo alio signo primis Ecclesiae sæculis vocabantur fideles ad Ecclesiam: quale tamen fuerit incertum est: illud certe erat sonorum, ut refert S. Ephrem Edessæ in Ecclesia Diaconus Parnesi 43. & alii Græci. Antequam Ursus Participatius circa annum 865. dono mitteret campanam ad Michasem Imperatorem, solebant vocare ad Ecclesiam modo lignea tabula, quam malleis pullabant, sicuti hodie consuevit Ecclesia a feria V. maioris hebdomadæ quando suspenditur sonus æris campani usque ad Sabatum Sanctum, & appellabatur *hymandrum*, modo vero lamina ferrea malleo pariter percussa, & vocabatur *Hagiosfidrum*, ut habet Hieronymus Magius opuscul. *de tintinnabulis* Ecclesia tamen occidentalis multo ante Campanis utebatur, ut meminit Auctor Ordinis Romani tit. *de Sabato Sancto*: S. Audenus in vita S. Elisi scripta circa annum 650. Quis vero usum Campanarum induxerit est prorsus incertum; alii ut Polydorus Virgilius l. 6. *de rerum invention.* cap. 12. Pavinus in Epitom. Rom. Pontific. aliique hunc tribuunt Sabiniano assumpto ad Petri sedem anno 604. alii S. Paulino Episcopo Nolano, ac propterea dictæ sunt *Campanæ* & *Nolæ* ab eadem urbe, *Nolæ*, & est vulgaris, & communior opinio. Utraque tamen reicitur. Prima, quia citati Scriptores nullum proferunt illius assertionis momentum. Altera, quia nullus veterum, qui mentionem faciunt de S. Paulino, imo nec ipse Paulinus in Epist. ad Severum, describens partes omnes Basilicæ, quam erexerat; verbum ullum fecerunt de hac inventione; & addunt vocabulum *Nolæ* tribus fere sæculis ante Paulinum usum fuisse a Quintiliano, ut observat Sandinus. Nihilominus cum argumentum petatur a nominum ethymologia *Nolæ*, & *Campaniæ* censet P. Berni non esse condemnandum, cum certe non nisi a Campania vocabulum Campanæ sit derivatum.

Ut igitur Hæreticorum argumentis satisfiat, respondetur, Ioannem XIII. non fuisse institutorem consecrationis Campanarum, cum consentiant recentiores talem ritum esse Ioanne XIII. antiquiorem, & hoc probant ex Ritualibus libris editis ante eundem Pontificem, ut habet Card. Bona *de rebus Liturgicis* cap. 12. Martene *de antiquis Ecclesiae ritibus* l. 2. cap. 2. & alii; & concessio etiam, quod Ioannes XIII. fuisset auctor illius ritus, nihil evincerent adversarii, cum Ecclesia plenam teneat potestatem novos ritus instituendi. Non imposuit igitur Ioannes nomen suum Campanæ Lateranensi, ut aiunt Vossius, & Baleus, sed consecravit Campanam illam imposito ei S. Ioannis nomine, ritu iam antea instituto. Ad 2. vero, dico reprobasse Carolum Magnum consecrationem Campanæ peractam superstitioso quodam ritu non recepto ab Ecclesia, ut advertit Victor Amerbachius apud Roccam pag. 163. quamvis norma fidei non sit repetenda a capitular. Carolin. Ad 3. pono, benedictionem Campanæ dici Baptismum lato sensu, prout idem est ac ablutio, non Baptismum verborum formæ, ac Sacramentum gratiæ productivum. Non enim baptizantur Campanæ quasi fidei, & gratiæ sint capaces, sed ut nos quadam sacra voce ad Ecclesiam convocemur, & benedictione æris sonantis intelligat populus se invitari ad fidei verbum, confortetur in Domino convocatus, pietas augeatur in eo, & devotio, procul pellantur omnes insidiæ inimici, fragor grandinum, impetusque tempestatum, cuius finis causa ex verbis ipsius Pontificalis Roman. & cap. 4. Concil. Colon. advertimus Campanas consecrari. Ad 4. tandem dicimus in Campanarum Baptismo non adhiberi formam, quæ Sacramentum instituit, sicuti non Sacramentum instituunt formæ aliarum benedictionum, puta Candelarum, aquæ lustralis, sacrorum vasorum &c. nec in tali Baptismo adhibetur instructio, catechismus, ut bene notat Bellarminus l. 4. *de Rom. Pontific.* cap. 12. Imponitur vero Campanæ nomen, ut quasi voce alicuius Sancti Christiana Plebs convocetur; benedicitur, & inungitur, quemadmodum lapis; ait Durantus l. 1. cap. 22. quem Iacob erexit in titulum, nempe quia consecratur in Dei cultum: extergitur linteo mundo in sacri olei venerationem: admittuntur denique in quibusdam locis, ut Cataloniæ (ac ideo non ubique, nec ex Pont. Roman. præscriptione) in tali Baptismo Patrini, ut Sacri Æris Campani, idest ipsius

Sacrationis præsent custodes, atque eas pulsent iuxta Ecclesiæ consuetudinem, ac finem talis ritus. Ita P. Berti cum quo hætenus.

## §. XVIII.

*De necessitate Baptismi post Evangelii promulgationem.*

Nota, necessitatem duplicem esse, sicuti antea iam diximus, alteram *medii*, seu finis; alteram præcepti. Hinc Baptismus, & Pœnitentia sunt Sacramenta necessaria necessitate *medii* ad salutem. Et hoc probat a priori Christi Domini institutio, vi cuius continent, ac conferunt gratiæ spiritualis effectum, qui per se ita necessarius est, ut sine illo nemo possit salutem æternam obtinere. Unde nemo salvari valet sine gratia, quæ vel regeneret in Baptismo, vel reparatur in Pœnitentia. Quocirca in rebus huiusmodi, nec ignorantia, nec impotentia excusant, ita ut licet non sit reus violati præcepti, qui baptismi præceptum invincibiliter ignorat, vel ipsi parere nequit; gratiam tamen Baptismo annexam non percipit, nisi in casumartyrii, vel contritionis; & tum negative, ut iuxta phrasim loquar Theologorum, propter gratiæ illius defectum, tum positive propter peccatum sive originale, sive actuale non dimissum, ille æternæ damnationi est obnoxius.

*Necessarium cum quisque teneatur adhibere media omnia necessaria ad salutem consequendam, ea quæ necessaria sunt necessitate mediæ, sunt necessaria etiam necessitate præcepti, non tamen ut suam habeant necessitatem ex præcepto, nisi, ut dicitur, præsuppositivè; imo ex necessitate quam habent ex propria conditione sit, ut ex præcepto quoque sint necessaria. Tournel.*

Necessarium vero necessitate præcepti illud dicitur, quod sine peccato omitti nequit, & in eiusmodi rebus excusat ignorantia, vel impotentia. Unde observatio præcepti necessaria sit necessitate mediæ respectu illius, qui capax est præcepti, quod observare teneretur; & observatio præcepti est necessaria negative ad salutem, idest ne propter transgressionem præcepti saluti impedimentum ponatur.

*Nota 2. dupliciter aliquid posse esse necessarium, vel in re, vel in voto. Illud est necessarium in re quod secundum se, & necessario adhiberi debet, ita ut nihil sit, quod eius vicem suppleat. Illud vero est necessarium saltem in voto, quod necessario*

debet adhiberi, vel secundum se, vel in eius defectum secundum aliquid eius vicem tenens propter suam eminentiam, & eius votum, vel implicitum, vel explicitum continens.

Circa necessitatem Baptismi varii in varios errores Hæretici impegerunt. Alii enim damnantes, vel reiicientes usum Baptismi, ut prioribus sæculis Caiani, Quintiliani, Manichei, Seleuciani &c. Alii negantes originale peccatum, ut Pelagiani Sæculo 5; alii autumantes Baptismum ut merum externum Symbolum nullius præsidii ad salutem, ut Wiclefus, Zuinglius, ex recentioribus, Calvinus negarunt Baptismum necessarium esse necessitate mediæ, sed ad summum præcepti. Alii vero, ut Sociniani negarunt etiam præceptum baptismi, nempe Christum hunc præcepisse, sicut docent Catholici ex cap. Matthæi 28. His notatis sit.

Baptismi Sacramentum post sufficientem Evangelii promulgationem quibuscumque generaliter necessarium est necessitate mediæ ad salutem in re, vel saltem in voto. Et adultis, qui usum habent rationis, ac liberi arbitrii, est necessarium etiam necessitate præcepti; & hoc est de fide. Dixi *saltem in voto*. Nam quando Sacramentum percipi nequeat, tunc Baptismus flaminis, vel Sanguinis, idest martyrii, qui dicuntur Sacramentum in voto, ut suo loco res clarius exponetur.

Illud plane necessarium est necessitate mediæ, sine quo haberi nequit remissio peccatorum, & præcipue peccati originalis, & regeneratio in vitam spiritualem, quæ absolute omnibus hominibus sunt necessariae ad æternam consequendam beatitudinem, in quam nihil coinquinatum ingredi potest; & nonnisi ut merces merito gratiæ supernaturalis sempiterna regni Dei retribuitur felicitas. Quare cum huiusmodi effectus ab ullo homine obtineri nequeant sine susceptione baptismi, ex quo baptismus institutus fuit, & promulgatus, aperissime consequitur, Baptismum necessarium esse necessitate mediæ ad beatam vitam consequendam; quidquid delirando excogitaverit Pelagius, qui ut eluderet illud Christi testimonium; *Nisi quis renatus fuerit &c. non potest introire in regnum Dei* distinguendo beatam æternam vitam a regno Dei, dixit, sine baptismo haberi posse beatam vitam & æternam, sed ad regnum Dei perveniri non posse sine Baptismo; cum talis copiosa distinctio vitæ beatæ a regno Dei, omnino divinis opponatur Scripturis, quæ pro uno, eodemque, &

etrum

trumque tradunt, ut contra eandem fictam distinctionem demonstrat D. August. serm. 14. de verb. Domini nunc 294. Quod enim Christus Dominus regnum vocat Matth. 25. v. 34. nominat vitam æternam v. 46. ibunt (ait) *hi in supplicium æternum, iusti autem in vitam æternam.*

Quod verò Baptismus ad generationem & proinde ad salutem necessarius sit, clarissime testatur Christus Dominus alias laudato loco Ioann. 3. *Nisi quis renatus fuerit ex aqua, & Spiritu Sancto non potest introire in regnum Dei;* quæ Domini verba semper accepit Ecclesia pro aqua Baptismi, eiusque necessitate, & constanter docuit in tali sensu esse intelligenda, & semper sollicita curavit, ut hoc Sacramentum tanquam necessarium ab omnibus suscipiatur, nec unquam pro Christianis habuit, ac recognovit, qui sacro Baptismatis lavacro tincti non essent. Hinc S. Fulgentius de fide ad Petrum cap. 3. ait; *Ex isto tempore, quo Salvator noster dixit, si quis renatus non fuerit &c. absque Sacramento Baptismatis, nec regnum cælorum potest quisquam accipere, nec vitam æternam.* Quid clarius desiderari potest contra distinctionem Pelagii beatitudinis a Regno Dei, & pro necessitate absoluta Baptismi ad vitam æternam in Dei regno, quod est cælum, obtinendam.

Et hoc confirmat SS. Patrum perpetua Traditio, & auctoritas. Ita enim loquitur S. Augustinus tract. 11. Et 12. in Ioannem, Epist. 57. l. 1. ad Simplicium: q. 2. l. 4. contra Donatist. & alibi S. Ambrosius l. 2. de Abraham cap. 11. ubi verba Ioan. sic exponit; *Itaque nullum excipit, non infantem, non aliquem præventum necessitate.* S. Hieronymi contra Vigilant. & aliorum penes innumera de hac Ecclesiæ veritate habentur testimonia.

Quare damnavit Ecclesia cum Manichæis quoscunque alios, qui venenum converterint contra Baptismi virtutem, ac necessitatem. Et præter Concilia Charchagin. IV. & Milevit. hanc inconcussam tradidere doctrinam recentiora, Florentinum scilicet in Decreto Armen. & Trident. sess. 6. cap. 4. & 7. & sess. 7. can. 3. de Baptismo ubi sic definit; *Si quis dixerit Baptismum liberum esse, hoc est non necessarium ad salutem; Anathema sit.*

Et ut magis manifestiorem redderet Christus Dominus sensum suæ sententiæ Ioann. 3. nempe ibi loqui de irrefragabili Baptismi necessitate; rationem etiã addidit per illa alia verba; *Quod natum est ex carne,*

*caro est; quod natum est ex Spiritu, Spiritus est,* quasi diceret: cum omnis homo carnalis, & peccato obnoxius nascatur ex Adam; Spiritualis & iustus, ideoque salvus fieri nequit, nisi per Spiritum Sanctum renascatur; siquidem caro se ipsam spiritalem efficere nequit; hinc restat, ut ad illud administrandum confugiat, per quod Spiritus Sanctus instituit, & sine quo non vult, homines facere spirituales. Et hoc est lavacrum baptismalis aquæ; quare consequens sit, debere unumquemque ex Spiritu Sancto per illam aquam renasci. Ita Estius

Occurrit hic exponendum num seperari possint aliquæ exceptiones a generali Christi sententia; *Nisi quis renatus fuerit &c.* in gratiam parvulorum, qui ob impossibilitatem, aut alias causas ad Baptismum pervenire non potuerunt; sicut sperandum censent aliqui Recentiores, inter quos refert hic Ludovicus Habert Gabrielem Biel, ac Gersonum, qui in Concione habita in festo nativitatis B. M. V. in Consilio Generali Constantiensi, hortabatur parentes, Deum orare pro pueris in utero materno morituris. *Quis enim scit, inquit, si forte exaudiat?* Sic etiam sensit Card. Caietanus in 3. part. D. Thomæ ad art. 11. q. 68. qui docuit infantes in utero matris periclitantes salvari posse per baptismum susceptum in voto parentum, modo SS. Trinitas invocetur, & parvulus benedicatur, seu Deo offeratur. Huic Caietani sententiæ peperit Concil. Trident. nec audire voluit, qui eam proscribendam asserabant, referente Pallavicino in sua Histor. Ait enim Caietanus q. 68. art. 11. in 3. part. D. Thomæ. *Dicendum, sub conditione tamen, parvulos in uteris matris periclitantes posse salvari, sicut dictum est de infantibus, qui non possunt baptizari.* In proposito tamen huiusce privilegii, licet videatur multum favere, quod Deus sua omnipotentis misericordia sine ullo Sacramento per specialem favorem salvare possit quod vult; tamen cum nihil de hoc habeatur a Scriptura, nec a Traditione, non videtur quomodo hoc speciale privilegium sperari possit. Immo ex D. August. epist. 118. alias 23. nullatenus est sperandum; ait enim S. D. *ex arbitrio nostro salus æterna sine Christi baptismo non mittenda infantibus, quam non promittit Scriptura divina humanis omnibus rationibus præferenda;* & alibi; *Noli credere, noli docere (cum pertinacia) infantes antequam baptizentur morte præventos pervenire posse ad indulgentiam peccatorum, si vis esse Catholicus.* Hinc Pius V. iussit ex-



pungi illam sententiam ex commentariis Caietani, utpote contrariam doctrinæ Ecclesiæ, quæ nunquam pro infantibus sine baptismo defunctis oravit; imo eos ita ex sua communione fidedium exclusit, ut ne quidem sepulturam Christianorum ipsis unquam concesserit. Et ideo Concil. Trident. sententiam Caietani expendere noluit, quia, ut testatur cit. Pallavicin. eius materia non pertinebat ad controversias, ad quas sapientias Patres convenerant.

Est etiam quod Deus extraordinarie nonnullis infantibus salutem concesserit sine baptismo, ut ab aliqua refertur Historia, & exinde laudati Theologi divinam epixius implorandam misericordiam pro parvulis in utero perituris suaserint; constans nihilominus persistit catholica veritas, Baptismum institutum esse a Christo Domino ut unicum, ac singulare remedium ad originalem delendam culpam, & æternam salutem in cœlesti regno consequendam. Sic alimenta absolute necessaria dicuntur vitæ corporali, tamen si Deus aliquos sine cibo extraordinaria providentia in vita servaverit. Quocirca patet ad evidentiam, quod qui privilegium istud non baptizatis pollicentur, humano quodam affectu decipiuntur, cum non solum Concilia, & PP. sed. divina etiam Scriptura aliud, si consulatur, respondeat.

Pars altera vero, quod Baptismus necessarius sit Adultis, qui liberum habent rationis usum, etiam necessitate præcepti, facile probatur. Etenim Adulti sufficienter instructi, statim ac possint cum debitis dispositionibus tenentur ex iure divino Baptismum suscipere; tum quia ratio naturalis dicat, & charitas exigit, ut quisque consulat propriæ salutis, ac proinde adhibeat media, quæ ad consecutionem huiusce finis sunt necessaria; ita ut, si ea media negligat, ac contemnat, non secus ac qui omnem cibum reliceret vitæ corporis, esset hic vitæ animæ homicida, ac ideo graviter peccaret; tum quia quisque tenetur ex Christi præcepto ingredi Ecclesiam per Baptismum, qui est eius ianua, & fidem suam profiteri, quæ præcepta obligant ad non diu differendam eius observantiam, sed de huiusce debiti dilatione melius infra.

Dixi *Adultis*, quia parvuli ob defectum usus rationis, ac propriæ voluntatis non sunt capaces præcepti. Quocirca, si sine Baptismo ii decedant ex hac vita, non damnantur tanquam præcepti transgressores, id est non præcipit propter omissum Baptismum, sed propter originalem maculam. Et hoc ex-

tenditur ad infideles negativos; hoc est ad illos, qui de Christo, eiusque Evangelio nihil quidquam unquam audire potuerunt; hi quoque pereunt, non quia baptizati non sunt, sed quia moriuntur in suis peccatis.)

### §. XIX.

#### *De Baptismi necessitate etiam quoad filios fidei.*

Inter errores Calvini hic etiam recensetur, quem habet in l. 4. suarum Institutionum. cap. 16. ubi negat fidelium liberis necessarium esse baptismum, & hoc variis Scripturæ textibus per captiosam, malamque interpretationem abutendo firmare nititur; inter quos adhibet illud Gen. 17. ubi Deus fœdus statuit cum Abraham his verbis: *Statuam pactum inter me, & te, & inter semen tuum post te in generationibus suis facere sempiternum, ut sim Deus tuus, & seminis tui post te*, hæc autem promissio, aiunt ipse, & eius sequaces, spectat ad filios baptizatorum, ut etiam constat ex D. Paul. Rom. 11. ubi ait: *quod si delibatio sancta est, & massa, si radix sancta est, & rami*, & 1. Corinthior. 7. v. 14. *Sanctos vocat filios qui, oriuntur etiam ex alterutro coniuge fidei, per quem alter infidelis sanctificetur, Sanctificatus enim est vir infidelis per mulierem fidelem, & sanctificata est mulier infidelis per virum fidelem, alioquin filii vestri immundi essent, nunc autem sancti sunt*. Idcirco concludunt Novatores cum suo Pseudo-Magistro Calvino, quod filii, qui ex fidelibus parentibus, id est baptizatis orti sunt, per solam fidem sipe visibili Sacramento æternam promissionem poterunt adipisci; igitur nullo indigent salutare lavacro. Contra quos sit.

Ecclesia universalis perpetuo, ac constanter docuit sacrum baptismi lavacrum omnibus quibuscumque hominibus, nequidem liberis Christianorum exceptis, esse necessarium, ut spiritualis regeneratio gratiæ in eis operetur, & via ad æternam vitam consequendam eis aperiat. Et hoc constat manifeste 1. ex Scriptura in sæpe laudato testimonio Ioann. 3. *Nisi quis renatus est*, ita universim se extendit hic textus ad omnes singillatim homines, ut locus ullus exceptioni, aut alienæ interpretationi omnino non relinquetur, & valde mirum videtur quomodo potuerint, & possint Novatores super sensum huiusce textus sic allucinari. 2. ex Ecclesiæ Traditione, quæ semper tenuit, ac asseruit, non posse parentes Christianos alio-

me-

medio providere suorum filiorum salutem, nisi per Baptisma. Hinc SS. Patres graviter monuerunt parentes, ut solliciti sint, ut sui filii sacro regenerentur lavacro, ac maxime improbarunt, damnaruntque, ut reos spiritualis hominis perditionis illos, ex quorum negligentia contingeret, infantem sine baptismo ex hac vita excedere; ut inter alios declamat contra huiusmodi parentes æternæ spiritualis vitæ filiorum suorum proditores S. Cyprianus epist. 59. ad Fidum. Et ut claudatur omnis aditus adversariorum cavillationi, quæ cæteroquin nullum profus habet locum, dicimus, S. Cyprianum non oburgare parentes infideles, quod tanto bono suos privent filios, baptismum eis conferri denegando, dum in citata epistola parentes fideles alloquatur

Consulendus vero est S. August. qui l. de dono perseverant. cap. 12. n. 13. luget miseram sortem parvulorum, qui e vita rapiuntur, dum pii Parentes ipsis subvenire festinant. Clare colligitur in re hac versari etiam alios Patres erga parentes fideles, ex quorum negligentia fiat, ut filii e vita decedant sine baptismo, vitamque proximæ æternæ, amittant; Quod etiam, ait S. D. aliquando parvulis infidelium filius potuit ne irem in damnationem, & filius fidelium non potuit subveniri? Habet.

Facilis autem est responsio textibus, quos ex Scriptura opponit Calvinus. Nam in 1. quem desumit ex Gen. 17. ibi Deus solum promissit Abraham, quod eius posteris sibi futuri sint in peculiarem populum. Quod autem hæc promissio non intelligenda sit in ordine ad gratiam, advertere debuit Calvinus, non paucos successores Abraham fuisse reprobos, ut Rom. 9. observat S. Paulus. Non qui filii carnis hi filii Dei, sed qui fide sunt promissionis, imo hoc fortius est argumentum pro catholica sententia, cui certe nihil apte reponere potest Calvinus, nempe quod Iudæi procreati ex semine Abraham non erant participes sempiterni fœderis, nisi accepto signo circumcisionis. Unde cum Circumcisio symbolum esset Baptismi, & aggregatio populo Dei, ac participatio sempiterni fœderis, ac promissionis, figura coaptationis fidelibus salvandis in Cælorum regno promissæ a Christo credentibus, & baptizatis. Qui crediderit, & baptizatus fuerit salvus erit; & sit divinum fœdus cum Ecclesia in Lege gratiæ, sequitur ad evidentiam, quoscumque homines, etiamsi orti sint a parentibus fidelibus, & iustis, non fieri filios promissionis, nec reputari in se-

mine, nisi per expolationem carnis sint conscripti Christo in baptismo; & sicut debebat anima pueri incircumcisi de populo Dei ob legis præscriptum; Masculus, cuius præputii caro &c. ita excluditur a regno Dei quisque non est regeneratus baptismo iuxta Christi Domini testimonium toties laudatum Ioann. 3. Nisi quis &c. Ad 2. verba illa Apostol. Rom. 9. & si radix sancta &c. intelligenda sunt de religione Christiana; illa autem & rami de filiis fidelium baptismo regeneratis, qui sancti dicuntur ob renascentiam spiritualem, & Sacramenti virtutem. In textu tandem cap. 7. 1. Corinthior. Apostolus non loquitur de sanctitate proprie dicta; nam maritus infidelis profecto non fit formaliter, & directe sanctus per cohabitationem cum uxore fidei, & e contra, sed dispositive tantum, & indirecte, quatenus conversatio cum uxore fidei disponit illum ad fidem, & sic fit candidatus fidei; ut scribit S. Hieronym. l. 1. contra Iovinianum; idcirco eodem modo intelligendus est Apostolus de liberis; non enim desunt exempla parvulorum, quos ait S. August. ad christianos faciendas voluntas unius (parentis) evicerat. Et in hoc sensu interpretatur hunc textum Tertul. l. 1. de anim. cap. 39.

## S. XX.

-De necessitate Baptismi præponendi aliis Sacramentis.

Quod hic discutiendum proponitur est, num necesse sit suscepisse baptismum, ut alia Sacramenta quis & licite, & valide suscipere queat.

Et 1. certum est, & commune apud omnes Theologos, ad licitam susceptionem Sacramenti necessario præsupponi, quod susceptum sit Baptisma; & hæc est doctrina Concil. Florentini in Decret. Union. in quo Baptismus vocatur vitæ spiritualis ianua, quod profecto non verificaretur si Confirmatio, sive aliud Sacramentum licitum esset suscipere ante baptismum; quandoquidem per illud primam spiritualem vitam consequi posset. Et hoc temporalis vitæ ordine comprobatur. Etenim eodem sermone pacto, quo homo prius nasci debet corporaliter, quam in vita corporali nutriatur, abgeatur, & roboretur; sic pari passu dicendum fieri debere in vita spirituali, videlicet prius ad illam nasci debere spiritualiter per baptismum, quam in eadem vita spirituali confirmetur, crescat, confortetur &c. quod fit per Confirmationem, Eucharistiam &c. Sicuti vero

Baptismus necessario prærequiritur, seu præsupponendus est aliis Sacramentis, ut licite alia recipiantur; modo inquirimus, num sit etiam necessario præsupponendus ad hoc ut recipiantur valide.

Dicimus necessario Baptismum præsupponi aliis Sacramentis, ut valide suscipiantur, excepta saltem Eucharistia, quæ licet infructuose, valide tamen suscipitur etiam a non baptizato. Sic tenent SS. Patres, ac sentiunt communiter Theologi omnes, uno, vel altero ex recentioribus excepto. Et hoc 1. patet ex cap. *Veniens* de Presbitero non baptizato, ubi Innocentius III. mandat, ut Presbiter, qui deprehenditur, quod non sit baptizatus, baptizetur, & iterum ordinetur: quia, ut ait, taliter legitur constitutum in Concilio apud Compendium; Si autem Ordo non baptizato collatus valeret, Presbiter ille non amplius ordinandus esset. Quando invalidus est Ordo, invalida utique erit etiam Confirmatio, invalidum Matrimonium, cum par in omnibus sit ratio, & conditio. 2. ex SS. Patribus Baptismus est fundamentum, & ianua omnium aliorum Sacramentorum: Unde cum non stante fundamento omnia superedificata corruant; hinc sine præcedente baptismo nulla sunt alia Sacramenta, nulliusque ingredi potest in Ecclesiam, & eius corpori tamquam membrum copulari. Et hoc aperte docet S. Thomas in 4. dist. 24. q. 1. art. 2. quæstiuncul. 3. ubi ait; *Per characterem autem baptismalem efficitur homo receptivus aliorum Sacramentorum; unde qui characterem baptismalem non habet nullum alterum Sacramentum recipere potest.*

Si enim etiam tenuiter, sic arguit insignis Theologus scotista P. Henno, probabile esset, valere Sacramenta etiam ante Baptismum, ordinasset Ecclesia, vel faltem alicubi hæc praxis usitata legeretur, ut in defectu aquæ, si hoc unquam contingeret, ut non difficiliter contingere potest, præberetur Eucharistia, sive aliud Sacramentum baptizari petenti. Hoc autem non solum nullibi invenimus usitatum fuisse, sed ne quidem fuit consultum; aut a quovis Doctore doctrinaliter opinando traditum usque ad recentissima tempora, quando ab uno vel altero Theologo hoc audiri cœpit, auctoritas quorum numero iam paucissimorum, ut nemo non videt, nullam vim aut fere nullam, ac pondus habere potest contra communissimum sensum SS. Patrum, Theologorum omnium cuiuscumque classis tum præteriti, tum currentis ævi, & quod maximi est momenti

ipsum Ecclesiæ, quæ in rebus fidei constituta est a Christo Domino magistra, & iudex, a cuius iudicio, & sensu fideles omnes & indocti, & docti pendere debent. Hæc enim nunquam hoc edocuit, nec ut verum censuit, ut perpetuus eius usus, & etiam iudicium manifestissime demonstrat, cum, sicut supra notavimus ex Innoc. III. in cap. *Veniens*, si contigerit aliquem recepisse Sacramentum aliquod inprimis Characterem sine Baptismate, absolute ait, ut baptizetur, & postea iterum Sacra in eo fiat Ordinatio, quia nullam tenuit, quæ ante baptismum erat peracta, ut habetur in eodem cap. *Veniens* de Presbitero non ordinato.

Quare si non est recedendum a communi DD. sententia, nisi ex gravi fundamento, aut saltem rationabili (quo prorsus carent recentissimæ opinionis Patroni) alias singularitatis, & temeritatis nota incurritur, multo longe minus recedendum erit a sententia, iudicio & praxi Ecclesiæ, cuius sententia utpote universalis fidelium iudicis, & magistræ latissime prævalet cuiuscumque auctoritati & iudicio.

Opponunt autem Adversarii 1. cum S. Dionysio, qui dubitanti, an valeret suum Baptisma, ita respondit teste Rufino l. 7. Histor. Ecclesiast. cap. 8. *Ei sufficere... quod Eucharistia recipiens donum responderet Amen, ex quo per singula potuisset ipsa Sacramentorum virtute purgari.* Cohortabatur igitur (sequitur Dionysius) eum debere considerare fidei suæ, & conscientia iam purgatæ quod tamdiu in Sacramentis nobis iam participes fuisset. 2. ex Innoc. III. supracitato, qui, licet mandaverit reordinandum Sacerdotem illum, ostendit tamen probabilem esse sententiam docentem illo casu ordinem valere; nam, postquam rationes hinc & inde ibi exposuit, ait; *In hoc dubitabili casu quod tutius est sequi mandamus, quatenus ipsum per singulos ordines usque ad Sacerdotium promoveri procurare.*

Respond. ad auctoritatem D. Dionysii. Non dixit ex quo purgatus est, vel ex quo potuit purgari virtute Sacramenti, sed ex quo purgari potuisset, si valuisset Baptisma, de quo dubitatur. Quod autem addat, ei confidendum se esse purgatum, eo quod in Sacramentis participasset, non est mirum, quia vix fieri potest, ut tamdiu participans Eucharistiæ non fuerit purgatus ex opere operantis propter dispositiones ad tantum suscipiendum Sacramentum toties adhibitas. Hinc respond. 2. S. Dionysium sic locutum fuisse non ad probandam Eucharistia

sue virtutem respectu non baptizati, sed ad diluendum scrupulum illius, quem Dionysius credebatur ceteroquin baptizatum, cum fateatur ipse adversarius, eum non rebaptizasse, quod proculdubio fecisset, si vel minimum de valore Baptismi dubitasset. Ita Henno.

Ad illud vero Innocentii; respondeo, Pontificem per ly *in hoc dubitabili casu* non dubitare, an valeat Ordo ante Baptismum collatus, cum resolvendo immediate ante ex Concil. Compediendi esse repetendum, resolvat esse nullum; sed dubitare an Sacerdos ille, quem maioris securitatis gratia rebaptizari iusserat, fuisset baptizatus; quia natus ac commoratus erat inter fideles, ut ait postea, *presumitur baptizatus, nisi argumentis quasi evidentibus contrarium probetur*. Quocirca sensus verborum Innocentii est hic: Nos in casu dubitabili de collatione baptismi tutius sequentes, ordinando nempe presatum rebaptizari, mandamus, ut eum ad Sacerdotium per singulos ordines promovere procures, *quia non intelligitur reitratum, quod ambigitur factum*, id est quia propter dubium primi Baptismi, secundus censetur primus, adeoque ante illum irritos fuisse Ordines collatos. Percurratur Glossa, omniaque in ea diligenter expendantur, & dubitari non poterit hanc fuisse Innocentii mentem.

Dices 1. Capdens se vere esse baptizatum per contritionem perfectam sanctificatur, accedit ad S. Eucharistiam, nihil certe impedit, quominus, huius Sacramenti fructum percipiat, cum capax sit augmenti gratiæ.

Respond. esse quidem capacem augmenti gratiæ, non vero per Sacramentum recipiendæ, cum Sacramenta non operentur, nisi in subiecto capaci.

Dices 2. Baptismus quando dicitur ianua Sacramentorum semper intelligitur in re, vel in voto: igitur valere possunt alia Sacramenta etiam ante realem Baptismi susceptionem. Eodem enim modo Baptismus dicitur ianua Sacramentorum, sicuti in Decret. Unionis dicitur vitæ spiritualis ianua; sed certum est etiam in voto esse vitæ spiritualis ianuam: Igitur sicuti per Baptismum etiam in voto consequi potest æterna vita, ita per Baptismum etiam in voto tantum suscepto potest percipi effectus aliorum Sacramentorum. Igitur Sacramenta valere possunt vi solius Baptismi in voto, nempe etiam antequam re suscipiatur.

Respond. neg. ant. & eius probationem. Certum est enim ex sensu communi Eccle-

sie, Baptismus aliter esse ianuam vitæ spiritualis, & aliter ianuam aliorum Sacramentorum. Nam cum doceat Ecclesia in Patribus, in Conciliis, in Ritualibus, & Catechismis &c. sufficere ad iustificandum Baptismum fluminis, ubi desit fluminis, consequenter docet, posse etiam baptismum in voto ianuam esse vitæ spiritualis; nullibi autem nobis insinuat ne quidem implicite, Baptismum in voto esse ianuam Sacramentorum. Satis est Baptismus in voto, ut consequamur vitam æternam; quia hæc non plus exigit quam statum gratiæ; non sufficit tamen ad suscipienda alia Sacramenta, eorumque fructum, quia hæc requirunt Baptismum realiter susceptum.

## S. XXI.

## De Baptismi dilatione.

Quod hic agendum suscipitur refertur & ad adultos respectu sui, & ad parvulos respectu parentum, quibus incumbit procurare suis parvulis, ut suo tempore sacro tinguantur lavacro.

Mos deferendi baptismum viguit antiquitus, & non solum quoad adultos, quibus serius Evangelicæ veritatis lumen effulsit, sed etiam quoad quosdam, qui iam catholica fide erant imbuti, quorum non pauci Christianis parentibus progeniti erant; & inter personas illustres nominis recensetur Constantinus, qui licet agnovit Christum, eiusque fidei animum dederit ante annum 312. non nisi anno 324. Romæ, si credere velimus Baronio, per S. Sylvestrum, Nicomediz, si assentiamur Eusebio, aliisve, sacrum Baptismi lavacrum suscepit paulo ante mortem, quæ contigit anno 337. Ad sui genitoris exemplum Constantius baptizatus est Antiochiæ circa suæ vitæ finem anno 361. Theodosius quoque tinctus fuit baptismali lavacro dum gravi morbo decumberet Thessaloniciæ, a quo tamen morbo convaluit. S. Ambrosius paulo ante Ordinationem, S. Augustinus anno trigesimo, S. Paulinus Nolanus Episcopus anno quadragésimo secundo, & sic de quâ plurimis aliis illustribus viris habetur in Ecclesiast. Historia, quod matura ætate baptismum susceperunt, quem morem innumeri ex omni alia conditione tenuere, quod, ut initio notavi, contingebat extraneam necessitatem non solum in adultis etiam professione fidei iam provectis; verum in fidelium parvulis etiam, quibus genitores nullo imminente periculo ad adultam ætatem Baptismum protrahebant.

De more antiquo  
sacerdoti Ba-  
ptismi.

Non

Ratio  
praxis  
differendi  
Baptismum  
infanti-  
bus ex-  
tra mor-  
tis peri-  
culum  
ad ma-  
iorem  
aetatem.

Quare  
adulti  
fide in-  
structi  
differunt  
Baptis-  
ma.

Non sine gravibus rationibus procul dubio hoc veteres facere debuerunt, quorum tamen nihil compertum habemus, non levis ac contingit in pluribus aliis, quos attingit erant in usu. Nihilominus tamen non extra propositum dici potest respectu parvulorum adhibitam fuisse hanc praxim, sicuti existimant Estius, & P. Berti differendi Baptismum infantibus extra mortis periculum, usque ad adultam aetatem, ut possent, ait Estius, & intelligere mysteria baptismi, & ipsi pro se respondere, & percepti Sacramenti simul & sponsionis factae semper postea meminisse, & hac ratione futurum quoque, ut sponsores minori periculo se obiciant; & ob hanc rationem hunc morem approbavit Tertull. l. 1. *de Baptismo* cap. 18. Idemque consilium placuisse videtur etiam Gregor. Nazianzeno ut sententiam suam explicat in orat. 40. quae est in S. Baptisma. Quoad adultos, vero, quando hi etiam sufficienter instructi erant de Christianae religionis mysteriis, ac praeceptis est eorum fide iam imbuti quare tam diutius baptizari distulerint, in quibusdam censeri potest hoc contigisse forsitan, quia erant perterriti ex falsa Novatianorum sententia, qui ex male intellecto Apost. ad Hebraeos 6. colligebant nullam spem veniae iis superesse, qui semel illuminati, & accepta baptismi gratia iterum deliquissent. Differabant etiam bene morati timentes nostrae infirmæ naturae imbecillitatem, usque ad valde profectam aetatem, in qua sperabant ob minorem passionum artum facilius posse in accepta Baptismi gratia usque ad mortem permanere. In aliis vero causa talis dilationis probabiliter esse debuit voluptuosa eorum vita, ob quam potuerint in flore aetate valedicere illecebris, & aetiori vivendi genere obstringi; sicuti in moribus suorum initiatorum exigebat Baptismus; unde tamen differabant hi, ut in extremo vitae periculo infirmi in lecto baptizarentur, ex quo vocati fuere *Clivsi*, idest baptizati in lecto infirmi decumbentes, quod maxime a SS. Patribus suis approbatum.

Quidquid tamen sit de veterum consilio in differendo suis infantibus baptismum (quod consilium iam non placuerat etiam prioribus saeculis S. Cypriano, quem cum nihil commoverint allatae rationes, ut loquar cum Estio, constantissime sustinuit cum sententia aliorum sexaginta octo Episcoporum contra quendam, qui volebat infantes non baptizandos ante octavum diem ex horum ortu, ut citius etiam, quo fieri posset, baptiza-

rentur) Laudabilissimum est, & antea etiam fuit Ecclesiae praxis, ut parvuli omnes quoad fieri potest quamprimum baptizarentur, ne inter tot praesentium scella ista aetate vitae discrimina contingat, quempianam mori destitutum tam necessario originalis peccati remedio, & eo magis, quod si expectaretur ad suscipiendum adultam aetatem, non pauci male educati, ac voluptatibus dediti, aut recusarent omnino baptizari, aut in aetatem usque aetatem, sicuti iam quando hoc fieri consueverat, non in patris contigit, ut antea notavi, baptismum protraherent, ne cito carni, & mundo valedicere compellerentur. Denique ut per hunc morem protefteretur Ecclesia fidem suam, quae credit parvulos etiam propria fide destitutos aliena tamen fide posse salvari, & ne cedere videatur Anabaptistis, qui paedobaptismum, idest Baptismum parvulorum proflus eliminatum volunt tamquam inutilem, inefficacem, ac omnino supervacaneum.

Quocirca iure merito dici potest ob tant graves rationes, graviter teneri parentes filios suos brevi post eorum ortum tempore procurare Baptismum, ita ut mortaliter precense si diutius eundem differant; quia consuetudo universalis Ecclesiae baptizandi parvulos brevi post eorum nativitatem tempore, vim habet legis graviter obligantis, ob materiam gravitatem; & ex decretis particularium Ecclesiarum tenentur ad exequi intra triduum, vel quatrimum, prout ab Ecclesia propria praescribitur. Imo in aliquibus diocesis excommunicantur ultra octavum, aut nonum diem differentes; & merito; quia praeterquam quod indecens est, ac christiano indignum diu relinquere filium summancipium Diaboli, & inimicum Dei; tali dilatione eos exponunt periculo mortis, quae facilius contingit in ista debilitata aetate, quam in adulta, ac ideo perpetuae damnationis.

Adulti porro sufficienter instructi tenentur ex iure divino baptismum initiari statim ac moraliter possunt cum debitis dispositionibus, ut diu non differant; quia quisque tenetur ex iure divino, & naturali, in oetiam ex charitate sibi salutem procurare, adhibendo media, quae ad eam sunt necessaria. Item quisque tenetur ex Christi praecepto esse membrum Ecclesiae in eam per baptismum ingrediendo, non solum ut in ea morietur, sed etiam ut in ea vivat; quapropter unusquisque tenetur non solum periculo mortis, sed statim ac commode fieri potest suscipere Baptismum. Et certe aliunde

Quando  
temeretur  
Pa-  
rentes  
filios suos  
Baptis-  
mum  
procu-  
rare.

Quando  
temeretur  
adulti  
prius  
pess  
mum.

tempore rationabiliter assignari nequit; quia sicuti ridiculum esset velle militare finitio bello, ita forte irrationabile militiam christianam, in qua tenetur quilibet adscribi, tantum ingredi velle finitis huius vitæ bellis, ac periculis.

*De Baptismo Sanguinis, & Flaminis, quando suppleant vices Baptismi fluminis.*

Iam vidimus in divisione Baptismi eria esse Baptismata; unum proprie & formaliter, quod appellatur fluminis, idest Baptisma, quod fit in aqua naturali, & est primum Ecclesiæ, seu legis novæ Sacramentum; alia duo improprie, & virtualiter scilicet quæ virtutem suppleant, & vices veri, & proprii Baptismatis quando huius receptio impediatur; & unum dicitur Sanguinis, & est Martyrium, alterum flaminis idest desiderii coniuncti cum Charitate. De primo hactenus, nunc de alijs duobus breviter agamus.

Baptismus Sanguinis est martyrium ante susceptionem Baptismi fluminis cum huiusmodi voto saltem implicito perlatum; Baptismus vero Flaminis est perfecta cordis contritio includens votum saltem implicitum Baptismi fluminis, & de utroque hic demonstratur supplere vices, diverso tamen modo, veri Baptismatis quoad effectum primum, nempe gratiæ sanctificationis, seu iustificantis consecutionem; verum quoad alterum effectum videlicet Charitatem certum est, illos non supplere, cum iuxta Trident. Synod. ille non imprimatur, nisi per Sacramenta iterabilia, & nouer ex illa est verum Sacramentum.

Baptismus Flaminis, idest Baptismi votum cum perfecta charitate coniunctum in calu necessitatis, idest quando impediatur suscepcio Baptismi fluminis supplere vices Baptismi aquæ quoad gratiæ intentionem in Adultis, non autem in parvulis, qui nec charitatis actum, nec votum Baptismi concipere possunt. Et hoc quoad primum partem patet, ac probatur ex Scripturis, ubi æterna salus promittitur credentibus in Deum & sperantibus, nec non cum ardenti diligentibus charitate, ut habetur Iacobi 2. Actor. 2. & ad Rom. 10. *Omnis quicumque invocaverit nomen Domini salvus erit*; Psalm. 30. *Cor contritum, & humiliatum Deus non despicies*; Lucæ 2. *Pax hominibus bonæ voluntatis*. Ex his enim constat remissionem peccatorum cum fide, & conversione ad Deum esse coniunctam, si voluntas humana Sacramenta ardentem exoptet, eaque ob deficientiam materiæ, vel ministerii se ipsa recipi nequeant. Et consolo-

ne divinis Scripturis loquuntur etiam de virtute huius baptismi SS. Patres inter quos S. August. ita habet l. 4. *de Baptismo* cap. 22. n. 29. *Non tantum passionem pro nomine Christi id quod in Baptismo deest supplere posse, sed etiam fidem conversionemque cordis, si forte ad celebrandum mysterium Baptismi in angustiis temporum succurri non potest*. Ita S. Ambrosius in orat. de obitu Valentiniani Imperatoris ante Baptismum, & S. Bernard. in epist. ad Hugonem Victorinum.

Dices ex S. Ambrosio l. de iniciand. cap. 4. *Credis catechumenus, sed nisi baptizetur remissionem peccatorum non potest obtinere*. Ita S. August. tract. 23. in Ioann. S. Fulgentius l. de Fide ad Petrum cap. 3. & alii sic loquuntur.

Resp. dist. Anteced. *Nisi baptizetur &c.* SS. Patres loqui de Baptismo vel actu, vel in voto, non vere de Baptismo in solo actu, vel de voto, quod non excludat voluntatem peccandi, nec sit in charitate perfectum. Sic generatim dicimus, lapsos post baptismum portare sarcinam peccatorum donec eam deposuerint beneficio clavium, quævis ex eis aliqui operibus bonis sese disponant; quia raro perfecta contritio Sacramentum præcedit, quanto magis igitur hoc dicendum de iis qui, de die in diem differunt; alii ad annum, alii ad extremum vitæ, interimque propriis indulgentiæ concupiscentiis. Præter similes orat catechumenorum causa, hisce exceptis, qui tamen respectu aliorum erant parvae, qui ad regenerationis gratiam se perabant; ceteri enim baptismum differre ad quoslibet annos, aliquando ad ultimam ætate, ut si in ea spes resurgere recuperanda sanitatis, etiam in morbo baptizari negligebant, quasi per Baptismum peccandi tempus amitterent. Contra huiusmodi procrastinationes sæpissime invehant PP. quin Ecclesia a Sacris Ordinibus eos arcebat, qui a nomine Græco dicebantur Clinici, idest ablati in lecto periculose decumbentes; & Ecclesia, ut huic malo per terrorem efficaciter mederetur, prohibuit præcipue in Concilio, Bracarensi pro iis procrastinantibus si in catechumenatu decederent, ne sacrificium offereretur, sicut nunc privat eos ecclesiastica sepultura.

Diximus Baptismum Sanguinis, & flaminis non supplere eodem modo Baptismum fluminis; quia votum, seu desiderium Baptismi 1. non extenditur ad parvulos qui, cum non habeant usum liberum rationis, & arbitrii,

trii, non sunt capaces ullius actus 2. non supplet in adultis nisi sit charitate perfectum : 3. etiam si charitate perfectum non tollit, nisi extraordinarie omnem pœnæ temporalis reatum, quemadmodum Baptismus in re susceptus. Contra vero Martyrium supplet etiam in parvulis, tollit ex opere operato etiam in adultis omnem reatum sive culpæ, sive pœnæ temporalis, vincensque statim coronat; unde S. August. serm. 159. alias 17. de verb. Apostol. ait; *iniuria est . . . pro Martyre orare, cuius nos debemus orationibus commendare.* Et hoc est certissimum ex Scriptura. Nam 1. Matth. 10. dicitur; *Qui me confessus fuerit coram hominibus, confitebor, & ego eum coram Patre meo, & cap. 16. Qui perdidit animam suam in hoc mundo in vitam æternam custodis eam.* 2. perpetua. Traditio, ac communis fidelium consensus, nec non unanimis SS. Patrum sententia pariter hoc comprobant. Nam Ecclesia a primis sæculis semper venerata SS. Martyres Innocentes ab Herode in odium Christi interfectos, utpote qui fidem nostram loquendo, sed moriendo confessi sunt; *Isidororum memoria* (ait Origines homil. in varia evangelii loca) *semper ut dignum in Ecclesiis celebratur, ut ipsa Betlehem, in qua natus est Dominus primitias Martyrum obtulisse videatur;* & S. Cyprian. epist. 73. ad Iulianum; *Catechumenos pro Christo occisos non privari Baptismi Sacramento, utpote qui baptizentur gloriosissimo, & maximo Sanguinis Baptismo.* Et S. August. de iisdem Catechumenis ita habet l. 13. de Civit. Dei cap. 7. *Quicumque non percepto regenerationis lavacro pro Christi confessione mortuatur, tantum eis valet ad dimittenda peccata, quantum si abluerentur sacro fonte Baptismate; qui enim dixit: Si quis non renatus fuerit &c. alia sententia non minus generaliter dixit; qui me confessus fuerit coram hominibus &c.*

Dices nihil valere ad propositum de iustificatione per Martyrium sine Baptismo exemplum infantium, quos interfecit Herodes; quia illi salvati sunt beneficio Circumcisionis, quam receperant, non martyrii. Igitur nunc quoque salvare non potest, nisi Baptisma.

Resp. negando anteced. Nam Herodes occidit pueros omnes Bethlemiticos; unde eos etiam, qui non pertingerant octavum diem, ut recipere potuisset Circumcisionem, & tamen omnes ut sanctos, ac salvos veneratur Ecclesia. Unde martyrium iuxta sensum Ecclesiæ sanctos fecit omnes generatim infantes ab Herode interfectos, & salvos eos quoque fecit, qui cum non pertigissent ad

octavum diem non erant adhuc circumcisi; igitur horum exemplo iustificare potest Baptisma videlicet sanguinis, non secus ac Baptisma fluminis.

#### De Martyrii natura, ac essentia.

Martyrium si stemus etymologiæ vocabuli, quod Græcum est, latine importat, ac dicitur testimonium, ut legimus Matth. 24. *In testimonium omnibus gentibus.* Unde Martyr idem proprie significat ac testis, ut Act. 1. habet versio nostra, *Eritis mihi testes;* & Apocalyp. 1. *Qui est testis fidelis.* Quare, qui propter Christi testimonium mortem obire, martyres appellantur. Præclare enim huius vocabuli explicationem comprobat S. August. Serm. 9. in Psal. 118. n. 2. Testimonia græce martyria nuncupantur, quo verbo utimur iam pro latino: unde illos, qui propter testimonium Christi diversis passionibus humiliati sunt, & usque ad mortem pro veritate certarunt, non Testes, quod latine utique dicere possemus, sed græce Martyres appellamus. Ad hoc vero, ut omnis tollatur ambiguitas, quæ oriri potest ex distinctione, quam quidam faciunt inter *Confessores, & Martyres*, ut Confessores censendi sint, qui coram Tyrannis confessi Christum tormentis superstititer tranquille ultimum clausserint diem; & Martyres, qui ad mortem usque cum suppliciis decertabant; nunc autem Confessores eos dicimus, qui sine martyrio, singulari virtutum exercitio Deum confessi sunt. *Martyres* vero alii designati vocantur, quibus mortis sententia indicta est; consummati alii, qui vitam in tormentis fortiter conficiunt: alii vindicati quorum felix exitus discussus, & approbatus est ab Ecclesia, ut celebris nostri ævi scriptor erudit l. 1. de *Servorum Dei Beatificatione.* Antiquitus Martyrum nomine donabantur ii etiam, qui quacumque ex causa innoxii necabantur, ut habet P. Mabillonius Præfat. 2. in Sæculum 3. Benedictinorum de Carolo cognomento *simplex* & de aliis. Dicta fuere pariter Martyrum templa in martyrum memoriam erecta, & altaria illorum cineribus imposita ab eorumdem Martyrum nomine, ut habent S. Hieronymus advers. Vigilant. S. August. l. 23. de Civit. Dei cap. 10. aliæ.

Martyrium vero de quo loquimur, ut est Baptismus Sanguinis supplens vices Baptismi fluminis ex praxi Ecclesiæ est *mors vera, aut mortale supplicium, seu cruciatus propter fidem Christi aut veram virtutem perpassus, & in odium eius a Tyranno illatus.*

Dict-

Quid  
nomine  
Martyr.  
rii.

In quo  
differant  
Marty-  
res a  
Confes-  
sibus.

Dicitur 1. *mors vera* ad innuendum, Martyres non efficere solum Martyrii quantumvis efficax desiderium. Dicitur 2. *Supplicium, seu cruciatus*: non iam quia necesse sit, ut Martyr dolore sentire debeat, sed quod causa sit doloris, quidquid postea sit, quod Athleta ex Dei dispositione nihil omnino sentiat. Dicitur 3. *mortale* ita ut in rigore vere Martyres non sint, qui vulnera quidem receperunt pro Christo, non tamen lethalia, idest apta ad mortem inferendam: non est tamen necesse, ut ex lethali vulnere mors sequatur, sed quod secuta fuisset, si Deus miraculose morti non obstitisset. Unde & tres pueri immissi in ardentem fornacem, & S. Ioannes Evangelista in ferventis olei dolium vere fuerunt Martyres. Dicitur 4. *propter fidem Christi*; idcirco Hæretici morientes pro tuendis falsis dogmatibus non sunt Martyres, tametsi pro asserendis mysteriis Trinitatis, Incarnationis, alteriusve articuli veræ fidei mortem inter cruciatus subirent, cum illa omnia fide credant humana, dum ad verum Martyrem constituendum requiritur, ut patiat quis mortem propter mysteria, & ea credere debeat divina fide, & supernaturali. Dicitur 5. *aut veram virtutem* nempe exercendam, vel exercitam. Hinc qui moriuntur pro servanda castitate, vel Ecclesiastica tuenda libertate, uno verbo pro aliquo religionis exercitio, vel aliquo præcepto divino, vel Ecclesiastico servando, hi, cum verum testimonium Deo, seu Christo exhibeant quatenus profuso sanguine Dei legem, & Christi doctrinam de virtutibus traditam approbant, sunt veri Martyres. Dicitur 6. *persepassus*, seu toleratus, videlicet sine resistencia; quia resistens occumbendo censetur potius victus, quam victor. Quocirca occisi in bello fidei ab Hæreticis, vel infidelibus licet multum mereantur, non sunt vere Martyres. Non sunt tamen excludendi, qui aliquantulum resistant; non malum persecutori inferendo, sed solummodo lethale ictum vel fugiendo, vel quovis alio modo caute declinando ex naturali terrore mortis. Dicitur tandem & *in odium eiusdem illatos*; quia si supplicium ob quamvis aliam causam tametsi iniustum inferatur, non erit verum Martyrium; quia ut docet D. August. serm. 2. in Psalm. 34. *Martyrem non pœna (supple sola) sed causa facit: pœna enim communis est Latroni, & Martyri, sed causa dispar.*

Colligitur ergo ex dictis tres esse præcipuas causas veri Martyrii; 1. videlicet efficiens, seu Tyrannus, ac persecutor Chri-

stianæ fidei, a quo quis ob testimonium Christi, & fidei cruciatus patiat, & mortem. Dixi *ob testimonium fidei*, quod est præcipuum requisitum ad constituendum verum Martyrem, & quo deficiente deficit vera martyrii ratio. 2. motiva, sive ad martyrium impellens, nempe fides sive christianæ Religionis universim, quam fidelis profiteatur coram Pagano, sive alicuius eiusdem articuli, quem propugnet Catholicus contra Hæreticum; quia, ut iam diximus, Martyres Christi testes sunt, ut Astor. 1. Alia martyrii causa est cuiuscunque virtutis officium, quod Deus requirat, idcirco virtutem illam exercens, & vitam pro eius defensione tradens, præfice, & factus testatur, se verum Deum profiteri, eiusque cultum tenere. Quocirca *Beati* vocantur Matth. 5. *qui persecutionem patiuntur propter iustitiam*. Hinc inter martyres recensetur S. Ioannes Baptista occisus *pro lege quidem veritatis* (ait S. August. in Psalm. 140. n. 26.) *pro equitate, pro iustitia; sed non tamen pro illo nomine, quo christiani sumus*. 3. Finalis idest Dei gloria ad quam ut alibi, ubi de fine, iam diximus. Dixit olim de falsis Martyribus S. August. epist. 185. n. 8. *Insaniant, qui dividunt membra Christi, & exsufflant Sacramenta Christi, & de persecutione gloriantur, & iactant fallaciter innocentiam suam, & quam non possunt a Domino accipere, ab hominibus quærunt Martyrii gloriam.*

#### De Dispositionibus ad Martyrium.

Inter dispositiones, quæ requiruntur ad Martyrium 1. est Baptismus sive in re, sive in voto, idest si Baptismum recipere ei impediatur habeat saltem ipsius efficax votum, ut iam antea notavimus 2. consensus in mortem saltem habitualis, aut interpretativus, idque ob motum honestum, & pium, cum nemo exercere possit actum virtutis, ut est etiam Martyrium nempe fortitudinis in Adultis, nisi in illum aliquo modo consentiat, dum omnis actus virtutis debet esse moralis, adeoque voluntarius. Dixi *in Adultis*; quia martyrium in parvulis non est actus fortitudinis formaliter, sed solum materialiter in quantum exhibet passionem, quod alii exhibent professione. Dixi *saltem habitualis, & interpretativus*, quia non plus, ait hic P. Henno, requirunt DD. itaut si Titio in Deum credenti, virtutemque exercenti commineatur mors, nisi desistat, & perseveret, tametsi nihil de Martyrio cogitans, si etiam dormiens occidatur, Martyr occumbit: nam qui vult id, ex quo prævideat effectum aliquem secu-

Varie  
disposi-  
tiones  
ad mār-  
tyrium  
requisitæ  
recensē-  
sentur:



secuturum, censetur velle & effectum, nisi aliud obstat. 3. Ecclesiae unitas, ut ex S. Cypriano l. de unit. Ecclesiae, ut ex S. August. epist. 185. Et revera sicuti olim extra arcam Noe, sic nunc extra Ecclesiam, quae figurata fuit per arcam, non datur salus. Hinc Schismatici Martyrio coronari nequeunt. *Quisque extra Ecclesiae unitatem, (ait S. Cyprianus) occidi potest, coronari non potest.* In Martyre praeterea requiritur Charitas, non quidem habitualis, nec adeo vehemens, quae secum trahat gratiam sanctificantem, sed quae dicat aliquem sincerum affectum erga Deum, ut cum aliis docet Sylvius. Quantum vero spectat ad Ecclesiae iudicium, ipsius vitae profusio, qua nullam rem homo habet pretiosiores, est maximum Charitatis argumentum.

Quod si Martyr antea in culpam lapsus sit, ut Martyrii fructum consequatur necessesse est, ut dolorem habeat supernaturalem saltem attritionis suorum peccatorum, & si adsit copia Confessarii, per Poenitentiae Sacramentum reconcilietur, quae Sacramenti Poenitentiae reconciliatio intelligitur de Martyre Baptizato, non de Catechumeno, qui, ut diximus, ante Baptismum non est capax alia Sacramenta recipiendi. Si autem deficiat copia Confessarii, satis est ut conteratur de patrato crimine, nec ullatenus sive lapsus, sive iustus sit Sacramenta Dei contemnat, cum ex S. August. l. 4. de Baptism. cap. 22. *Non est interioris hominis pietas, ubi contemnitur Sacramentum.* Quod vero dolor de commissis peccatis requiratur ad fructuose subeundum Martyrium patet ex Trident. sess. 14. cap. 4. ubi docet, dolorem quovis tempore necessarium ad remissionem actualium peccatorum obtinendam. Igitur etiam tempore Martyrii. Haec autem dispositiones non sunt necessariae in parvulis, qui vel recens nati sunt, vel etiam in uteris matrum in odium fidei trucidantur, & hoc constat ex alias iam dictis.

### S. XXI.

#### De effectibus Baptismi.

Varii sunt Baptismi effectus, qui ceteroquin ad duo generatim capita revocantur, ad gratiam videlicet, & ad Characterem per Baptismum productum, in quibus duobus omnes alii Baptismi effectus continentur. Verum priusquam de iisdem agamus opere pretium est, ut consuetum morem servando prius errores, quos in hac re excogitarunt Heterodoxi, quorum alii peccant per defe-

ctum, alii vero per excessum, reconsecramur.

Per defectum contra Baptismum errarunt Origenistae, Massiliani, Pelagiani, quorum primi dixerunt peccata per Baptisma tegi, sopiri, non tolli, & eradicari; alii vero nihil suscipientibus prodesse, & praecipue quoad Pelagianos, qui negantes dari peccatum Originale, consequenter tolli per Baptismum negabant.

Errorem Origenistarum ex recentioribus sequutus est Lutherus, cui adhaesit fere omnino Calvinus, dum in Antidoto Concil. Trident. sess. 5. ait *Quia delictus reatus, peccatum non extinctione, sed imputatione nullum est.*

Errarunt per excessum Sociniani existimantes, ita peccatum radicitus per Baptismum evelli, ut nunquam repullulare possit; ideoque legitime Baptizatum non posse peccare. Item Novatores, seu Pseudoreformati, qui hoc effectus Baptismo assignunt 1. quod baptizatus non possit etiam si velit gratiam amittere, quantumcumque peccet, nisi nolit credere 2. quod liberat ab omni lege tum divina, tum humana 3. quod solvit ab omni votorum obligatione. 4. quod sola Baptismi memoria iustificat a culpis, quae sunt post Baptismum. His erroribus tot opposuit canones Concil. Tridentinum sess. 7. de Baptismo, ut notat hic Tournel. Hi omnes errores fortiter refelluntur a Theologis suo loco, & praecipue a Bellarmino l. 2. de Bapt. cap. 12.

Primus tamen effectus, quem catholica Ecclesiae doctrina tribuit Baptismo est gratiae interioris sanctificantis collatio ex opere operato, per quam baptizatus regeneratur spiritaliter, & renascitur, ac innovatur, 1. Corinth. 6. *sed abluti estis, sed sanctificati estis, sed iustificati estis in nomine Domini nostri Iesu Christi, & in Spiritu Dei nostri*, ita alloquitur baptizatos Apostolus. Unde Concil. Trident. sess. 6. cap. 7. sic concludit contra Pseudoreformatos; *Iustificatio non est sola peccatorum remissio, sed & sanctificatio, & renovatio interioris hominis . . . dum per Spiritum Sanctum charitas Dei diffunditur in cordibus eorum, qui iustificantur, atque ipsi inhaeret.*

2. Baptismus mundat, quantum est de se, ac delet, & remittit omne peccatum sive originale, sive actuale antea commissum, dummodo in adultis non ponatur obex. Est communis de Fide contra Origenistas, aliove iam notatos Aeterodoxos contrarium sentientes. Et apertissime hunc Baptismi effectum

De prim.  
Baptismi  
effectu.

Enim testantur Scripturæ, & Traditio. Habetur enim Rom. 8. *Nihil ergo nunc damnationis est illis, qui sunt in Christo Iesu; & Act. 2. ait D. Petrus: Baptizetur unusquisque vestrum in remissionem peccatorum, & canitur in Symbolo Constantinopol. Confiteor unum Baptisma in remissionem peccatorum, & similia leguntur in aliis quamplurimis Scripturæ locis. Hæc autem peccatorum remissio est plena, & perfecta; quia peccata omnia quantumvis multa, & enormia condonantur, & unumquodque omnino, & perfecte remittitur sine alicuius pœnæ reservatione. Ita enim docet etiam perpetua Traditio, quæ allatos Scripturæ textus in hoc sensu explicat; ait enim inter alios PP. S. August. Enchirid. cap. 64. *Hæc ergo magna indulgentia . . . . incipit hominis renovatio, in qua solvitur omnis reatus, & ingeneratus, & additus.**

Adverte tamen, Adulteros, non solvi ab omni reatu pœnæ temporalis per Baptismum, nisi fuerint ad id sufficienter dispositi, qui enim abluitur cum affectu ad aliquod peccatum etiam levissimum, donec eum penituerit ligatus remanet reatu illius culpæ, ac consequenter reatu pœnæ illi debitæ. Hinc Ecclesia consuevit, non statim Cathecumenos regenerare, sed diuturnis penitentiarum, aliarumque virtutum exercitationibus ad gratiam præparabat, ut diceretur. Nec officit exemplum Apostolorum, qui sine ulla mora baptizabant; quia ita stupenda erat populorum conversio, ut recensenda describeretur Act. 4. inter miracula.

Mundati vero per Baptismum ab omni prorsus peccati labe, & spiritualiter regenerati, ac penitus renovati in animas per justificationem, quam nobis contulit tam præciosum gratiæ sanctificantis donum, divinæ confortes efficimur naturæ, ut loquitur D. Petrus, & inter PP. S. Leo; *Divinæ confortis factus natura* constituiamur in esse divino, ac proinde Filii Dei evadimus non per depurationem externam, & moralem, ut fit in adoptione humana, sed per communicationem eiusdem Spiritus; *Misit Deus Spiritum filii sui in corda vestra.* Et Rom. 8. *Accipitis Spiritum adoptionis filiorum, in quo clamamus Abba (Pater) ipse enim Spiritus testimonium reddit Spiritui nostro, quod simus filii Dei: membra evadimus Christi cui iungimur tanquam capiti 1. Corinth. 15. Templum Spiritus Sancti, & organa; in quibus non solum inhabitat sicut Dominus in domo sua, sed sicut anima in proprio corpore, quod vivificat, & agit; unde oritur meri-*

tum, & valor actionum baptizati: Dei hæredes, cohæredes autem Christi, ut Rom. 8. Verum quia, ut aiunt Philosophi, operari sequitur ad esse, infunduntur cum gratia sanctificante virtutes, & Spiritus Sancti dona, veluti quædam eius appendices, & facultates supernaturales, ac divinæ, quibus baptizatus fit expeditior ad officia omnia pietatis, & intuitu gratiæ adoptionis renatos auxiliis necessariis adiuvat Deus, ut vitam, quæ filios Dei, & hæredes regni eius decet, instituunt. Et hæc auxilia sunt gratiæ actuales, quæ dicuntur Sacramentales ad illum finem, idest sanctæ, ac christianæ vitæ ducendæ accommodatæ, ideoque in opportunis circumstantiis conferendæ. Ex quo Baptismus nos Christo tanquam membra coniungit, sequitur per, illum nobis patere viam ad reliqua Sacramenta, & quodammodo ex illo, tanquam ex incorporatione in Ecclesiam, ac novæ generationis primordiis conferri nobis gratiam ad evitanda peccata, & si in ea prolabamur, capari per Penitentiam; sed hanc futuram fuisse inutilem, nisi Baptismus ipsum, vel saltem votum eius supponeret. *Quid enim prædesse penitentia* (ait S. August. in Epistol. ad Bonifacium 90. nunc 185.) *nisi Baptismus frequeretur, vel postea, nisi præcederet, & alibi; Neque enim aliquid prædesse non baptizato dicere, dimittit nobis debita nostra &c.* Per Baptismum enim ius accipimus ad alia Sacramenta, tanquam ad paterna bona.

Licet Baptismus omnes peccatorum pœnas deleat, non delet tamen peccatorum penalitates, ut sunt concupiscentiæ motus, corporis infirmitas, necessitas moriendi, miseria &c. ut ex ipsa constat experientia: etenim homo per baptismum non restituitur integritati status innocentis, quæ præter gratiam sanctificantem complectebatur subordinationem partis inferioris cum superiore; immortalitatem in corpore, & immunitatem a quacunque miseria; initiatus enim quacunque gratia sanctificante ornatus patitur, membrorum inobedientiam, & corporis miseria. Verum huiusmodi mala non sunt in eo pœna proprie dicta; quia caret reata omnium malorum, nec remanent ad peccati vindictam, sed ad virtutis exercitium, ut docet Concil. Trid. sess. 5. can. 5. Unde notat hic P. Henno ob triplicem præsertim rationem remanent in baptizatis illæ penalitates. Primo ad virtutis exercitium, & coronæ augmentum. Secundo ad maiorem humiliationem, ac nostræ a divino auxilio indigentis recognitionem. Tercio, ut homo

Quæ in Baptismo cum gratia infunduntur

Baptismus non delet Penalitates peccatorum.

considerando lapsus sui testimonium, magis agnosceret Redemptionis beneficium.

Si forte quis ob Contritionem charitate perfectam cum voto Sacramenti Baptismi, effectum Baptismi, idest internam renovationem cum remissione peccatorum consequeretur ante susceptum Baptismum in re, & etiam extra casum Martyrii, & necessitatis, ut contigit in Cornelio; adhuc tamen per ipsum regenerationis lavacrum, quod nemo contemnere debet, plura gratiarum emolumenta perciperet, nempe characterem baptismalem, incrementum gratiæ, plenam remissionem poenæ, quam nemo sine reali Baptismi susceptione consequi potest, in altera vita subeundæ, maiorem conscientiæ tranquillitatem externam sui visibilis incorporationem invisibili Christi Ecclesiæ; nam quamvis per gratiam iustificationis antea perceptam quispiam sit incorporatus Christo, vivumque eius membrum effectus, non tamen ab Ecclesia inter fideles, & membra Christi reputabitur, priusquam Sacramento Fidei sit imbutus Ita Ektius. Item ius perciperet ad cætera Sacramenta, quibus Fideles in unum Religionis nomen coadunati, roborati in fide nutriuntur; sanantur, alioque passionis Christi Domini fructus uberrimos consequuntur, quæ omnia sunt Sacramentalis gratiæ, idest aliorum Sacramentorum effectus, quorum singuli cum deriventur a suo proprio Sacramento, tanquam rivuli a suo fonte, sine reali Sacramenti Baptismi susceptione haberi nequeunt, cum Baptismus in voto non suppleat vices Baptismi in re, nisi quoad primum suum effectum, remittendi scilicet peccati, & conferendi gratiam iustificationis.

Nota 1. quod licet iuxta Concil. Tridentini definitionem sess. 6. cap. 7. gratia sanctificans minuatur, & augeatur secundum mensuram, quam Spiritus Sanctus partitur singulis prout vult, & secundum propriam cuiusque dispositionem, & cooperationem; nihilo tamen minus in baptismo tum in parvulis, tum in Adultis æqualis habetur effectus non solum quoad characteris impressionem, & peccatorum remissionem, si ab adultis ob ex non apponatur, sed etiam quoad gratiæ sanctificantis perceptionem, ut ostendit S. Cyprianus exemplo mannae, quæ ab omnibus æqualiter, videlicet ad mensuram gomor, colligebatur Exod. 16. & hoc ratione etiam comprobari potest; quia videlicet effectus Baptismi magis pendet a consorrente, quam a suscipiente, quemadmodum generaliter effectus quicumque magis dependet a causa

efficiente, quam a materia. Unde cum inæqualitas Ministrorum nihil efficiat ad inæqualitatem effectus Baptismi, ita nec inæqualis dispositio susipientium quicquam efficiet. Estius. Hoc tamen intelligendum est de effectu Baptismi per se, idest de eo, ad quem præcipue est institutus, qui est spiritualis regeneratio, non vero de effectibus accidentalibus, ad quos non est Baptismus institutus, & quos divina virtus aliquando extraordinarie in Baptismo operatur, puta liberatio aliqua a Dæmone obsidente: hi enim effectus non sunt plane in omnibus æquales, cum dispensentur secundum occultam divinæ providentiæ dispositionem.

Nota 2. quod Baptismus tum in hæresi, tum in schismate, tum in ipsa Ecclesia catholica ficte, idest cum obice peccati susceptus, recedente fitione per poenitentiam, peccata omnia, quæ ipsum præcesserunt, poenitus tollit; peccata vero Baptismum subsequuta delentur per poenitentiam. Et hoc constat tum ex doctrina S. Augustini l. 3. de Bapt. cap. 13. l. 1. similiter de Baptismo contra Donatistas cap. 28. tum ex ratione: etenim peccatum Originale, cæteraque ante Baptismum, & simul cum perceptione Baptismi commissa non subiacent clavibus Ecclesiæ; nam Sacramentum Poenitentiae non est per se institutum in remedium peccati Originalis, aut actualium, quæ Baptismum præcedunt, sed eorum tantum, quæ subsequuntur, ac proinde vocatur a Theologis secunda tabula post naufragium, secundum Sacramentum mortuorum, quo revivuntur homines ad gratiam ex morte peccati, in quam lapsi sunt post Baptismum. Unde cum remittantur eiusmodi peccata iuxta S. August. cit. recedente fitione, necesse est per Baptismum remitti. Commissa vero post Baptismum delenda sunt per poenitentiam, aut per contritionem perfectam: quia Sacramentum Poenitentiae, non vero Baptismi a Christo institutum est in remedium peccatorum, quæ post Baptismum commissa sunt; ista enim subiacent Ecclesiæ clavibus; quod dicendum videtur etiam de peccato ipso fitionis, quo quis Baptismum suscepit, cum tale peccatum natura sit posterius Baptismo, adeoque verum sacrilegium ex indigna Baptismi susceptione, ac proinde perfecta charitate, vel Poenitentia expiandum Tour.

## §. XXII.

De Charactere Baptismi, & de Baptismo  
non reiterando.

Alter Baptismi effectus est character, de quo iam egimus ubi de Sacramentis in genere. Duo tamen propria Characteris baptismalis hic addenda sunt, 1. nempe Characterem baptismalem non solum distinguere, sed etiam ornare, & illustrare baptizatum; nam est quodam inigne eximie dignitatis, quam per baptismum conferatur est, ut observat S. Ioann. Chrysostom. homil. 2. in Epist. ad Ephes. non enim signamur sicut antiqui Israelitæ nota corporalis Circumcisionis veluti pecora, & bruta, sed tanquam filii Spiritus Sancti ante nobis promissi. 2. Character baptismalis est potentia veluti passiva recipiendi alia Sacramenta non ex Ecclesiæ disciplina, ut contra Maldonatum reclamant omnes Theologi; sed ex divina institutione, ut constat ex cap. Si quis de Presbytero non baptizato, ubi decernit Pontifex primo esse baptizandum, deinde reordinandum. Hab.

Iam vidimus loquendo de Sacramentis in genere, ubi de iis qui imprimunt Characterem inter quos recensimus Sacramentum Baptismi, de quo nunc agimus, non esse iteranda. Unde longe a veritate aberrant & Marcionitæ, qui teste Epiphanio hæresi 42. tertio eundem hominem baptizabant, nempe semel in infantia, & bis in adulta ætate si in peccata actualia fuisset prolapsus, & Donatistæ qui alium adhibebant Baptismum pro iustis, alium pro impiis; ut ex S. August. l. 2. contra Petilianum cap. 27. & qui nunc etiam redeunt ad fidem quam deservere rebaptizant, ut faciunt quidam Anabaptistæ.

Non desuere ex Catholicis etiam, qui censuerunt rebaptizandos esse hæreticos, quando ad veram Ecclesiam e sua secta converterentur, inter quos ita sensit labente sæculo 2. Agripinus Carthagenensis Episcopus, ut tradit S. Epiphanius in suo libro brevis catholicæ fidei expositionis n. 23. Voluit aliqui eiusdem sententiæ fuisse Tertullianum, quem tamen a hac suspitione aliqui vindicant, cum ea quæ in tali proposito ab eo tradita leguntur sint valde obscura. Certum quidem est, quod sub finem tertii sæculi versata fuit acris controversia inter Cyprianum Carthagenensem Episcopum, Firmilianum Cæsareæ in Capadocia ex una parte, & Stephanum Pontificem Romanum ex alia, Infit. Theol. Moral. Tom. IV.

contra quem strenue illi decertarunt propugnando Hæreticos ad Ecclesiam Romanam conversos esse rebaptizandos. Verum cum etiam ab initio tenuerit Ecclesia baptizatos ab Hæreticis non rebaptizandos, si ad catholicam fidem convertantur, prævaluit veritas quam fortiter defendit Stephanus, ac proinde firmam eam semper inter Catholicos remansit. Quocirca

Dicendum cum Ecclesia catholica, Baptismum de quo constat valide receptum esse, unquam nec valide nec licite iterari posse, & hoc est de fide, utpote quod clare comprobatur tum a Scriptura, ut Ephes. 4. habetur, quod sicut unus est Deus, una fides, ita unum sit etiam Baptisma. *Unus Dominus* (ait ibi Apostolus) *una fides, unum Baptisma*, & legitur in Symbolo *Confiteor unum Baptisma*; tum ex Traditione, & praxi Ecclesiæ, quæ nunquam consuevit eos rebaptizare, qui semel a quocunque sive fideli, sive infideli, Ethnicis, sive hæretico valide iudicatus fuit baptizatus, idest quando in Baptismate omnia ad verum Baptisma concurrerint, seu adhibita fuerint requisita. Et Concilia Florentinum, ac Tridentinum hanc veritatem docuere, & definire, ut præcipue Trident. sess. 7. can. 11. in quo statuit sub poena anathematis ita esse a fidelibus credendum. Et patet etiam ex multiplici ratione Baptismum esse initerabilem, videlicet & quia Sacramentum Baptismi, ut antea dicebamus, imprimit Characterem, qui indelebilis est, & quia est spiritualis regeneratio, quæ non minus una est, quam nativitas corporalis, & quia tandem principaliter institutus est ad defendendum originale peccatum, quod non est nisi unum in singulis, & semel remissum, cum non sit amplius revocabile, non est iterum remittendum, & quia Circumcisio, quæ erat figura Baptismi repeti non poterat; ergo nec Baptisma eius figuratum. Quare Baptismi iteratio facta scienter est gravissimum Sacrilegium, tum ex parte dantis, tum ex parte suscipientis ex cap. 208. & 118. *de consecrat.* dist. 4. & S. Augustinus epist. ad Maximinum hoc vocat inhumanissimum scelus, quia fit contra institutionem Christi Sacramentum applicando incapaci, ac per hoc significatur Christum denuo subiectum esse morti, & sepulturæ Hæbreor. 6. cum per Baptismum commoriamur, & sepeliamur Christo Rom. 6. Huic crimini decernitur iure Civili supplicium mortis, & iure Ecclesiastico irregularitas tam pro baptizante, quam pro baptizato.

Baptif.  
mus, de  
quo con-  
stat vali-  
de rece-  
ptum  
fuisse,  
non est  
iterandus.

I

Quod

Quod si dubium exurgat de Baptismi validitate, & facta diligenti inquisitione, adhuc prudens idest rationabile dubium remaneat, tunc sub conditione iterari debet Baptisma, ut constat ex S. Leone cap. 212. & 213. de *Consecrat. dist. 4.* & ex aliis canonibus, & ex Alexandro III. cap. 2. de *Baptismo*, & ex praxi hodie communi ita formam proferendo conditionate, *Si baptizatus es non te baptizo. sed si nondum es baptizatus, ego te baptizo &c.* Et hæc conditio externa voce exprimere convenit, esto etiam sola mente concipi possit dum non timetur offensio præsentium pusillorum; Et id siue dubium sit positivum, quia scilicet sint rationes in utraque partem probabiles; siue sit negativum, quia scilicet nulla sint indicia ad indicandum hominem esse baptizatum, Cap. *Parvulus de Consecrat. dist. 4.* quia alias homo probabili exponeretur periculo damnationis ob carentiam Baptismi, & aliunde talis necessitas impedit omnem irreverentiam in Sacramentum, quod propter hominum salutem institutum est. Neque in tali casu censetur reiterari; quia ut ait S. Leo epist. 37. non potest in iterationis crimen devenire quod factum esse omnino nascitur; & iuncta Innocentium III. non intelligitur iteratum, quod ambigitur factum.

Dicitur dum prudens, & rationabile dubium remanet; quia; si tantum essent leves quidam scrupuli quales essent si de nato, & educato inter Catholicos quis hæsitaret an sit baptizatus, quia non constet nec per Registrum baptismale, vel omissum fuerit a baptizante, vel combustum, nec per Parentes quia mortui, vel ita longe abierint, ut ignoretur ubi morentur, ut curari possit ab ipsis aliqua instructio, vel per alios testes quia vel mortui sunt, vel prorsus ignorantur, nec ullatenus tandem de tali veritate certior fieri possit; vel quia baptizatus a Pastore sene timeret num formam propriam, materiamque Baptismi adhibuerit; tunc non esset repetendum baptismum, & multo minus si de Baptismo collato etiam unicus tantum habeatur testis omni exceptione maior, cum in tali casu nequeat prudenter dubitari. Quando enim Concil. Carthaginense V. cap. 6. vult baptizandos esse sub conditione infantes de quibus ignoratur an sint baptizati, nec sunt testes certissimi, qui id testentur, loquitur tantum de iis, qui vel per infideles sunt a parentibus abrepti, vel ab infidelibus descendunt, ut insinuat finis capitis. Nam si a fidelibus, & inter fideles fuerint nati, & educati, pro baptizatis habendos esse de-

clarat Innocentius III. cap. *Veniens* nisi contrarium probetur.

Si autem sit probabile dubium an Baptismus datus sit cum sufficienti materia, forma, vel intentione, sub conditione reiterandus est; nam tunc æque ac in alio dubio casu periclitatur salus hominis, & Canones qui expresse loquuntur de dubio facti, intelligendi sunt etiam de dubio iuris, quod est hic æquivalens dubio facti. Nam qui dubitat si datus sit Baptismus cum debita forma, aut materia, aut intentione, æquivalenter dubitat an verè sit collatus. Unde advertit S. Gregor. l. 12. epist. 31. & ait; *Ne talis dubitatio ruina fidelibus fiat, quam niam non monstratur iteratum, quod non dupis indicis offenditur recte peractum.*

Non est autem repetendus Baptismus Parvulorum, qui ab Obstetricibus in necessitate fuerunt baptizati, si facti diligenti examine, ad quod ex præcepto tenentur Parochi, apprehendatur Obstetrices omnia requisita rite servasse. Si autem de beneficiis fuerint suspectæ, aut in suis responsionibus inconstantes, ita ut vir prudens suspicari possit, quod in aliquo essentiali vel inadvertenter, vel per ignorantiam, aut malitiam peccassent, Baptismus repetendus est sub conditione. Non debent tamen Adulti scientes ab Obstetricibus esse baptizatos, scrupulis angere circa suum baptismum; quia supponere debent suum Parochum proprias partes implevisse, ac providere si non iteravit, validum invenisse.

Pueri expositi ad fores Templi, vel alibi, siue schedulam habeant, siue non de Baptismo collato, semper rebaptizandi sunt sub conditione, quando aliunde de eius Baptismo constare nequit. Ita Sylvius & alii cum Concilio Mediolanensi sub D. Carolo Borromeo; quia testimonium Schemulæ relinquit aliquod dubium de valore Baptismi cum tunc ordinarie conferatur ab Obstetrice, a Matre, vel ab aliqua forsitan ignara muliere. Præterea non magis credendum est Schemulæ, quam schedulam scribenti, quem non constat esse testem omni exceptione maiorem.

Formula baptizandi sub conditione antiquitus ut antea notavimus, non erat in usu, sed quando prudenter, seu cum gravi fundamento hæsitabat aliquem esse revera baptizatum illico baptizabatur sine ulla difficultate, etiam cum periculo reintervendi Baptismus potius, quam illum relinquere sine tam necessario Sacramento cum gravi periculo æternæ illius salutis. Et ita statuit, & declaravit Concil. Carthaginense V. can. 6.

Non facile perend Baptismi collatus obstetricibus.

Quid pueri possint ad fore Temp.

And t. 1. mal. pr. d. sub d. d. non in d.

nempe pueros, quorum Baptismi non habetur testimonium *absque ulla scrupulo esse baptizandos*; quia timor reitrandi Baptismum non debet eos privare illo beneficio, quo purificandi sunt. Ita consueverunt veteres in huiusmodi circumstantia. Postea tamen ad evitandum inconveniens reitrandi baptismum ut significaretur horror ad rebaptizationem, addi ceperunt consuetas formas baptismi verba conditionalla, quæ præscribuntur a Papa Ioanne XXII. idest *Si non es baptizatus ego te &c.* Unde notat P. Martene decipi eos qui putant hanc formulam baptizandi exco-gitaram esse a Scholasticis; quia illius usus invenitur ab octingentis, & amplius annis.

Non facile tamen rebaptizandi sunt Hæretici etiam sub conditione ubi fidem catholicam amplectuntur, cum de fide sit validum esse baptismum ab Hæreticis collatum, ubi omnia essentialia adhibeant. Aliqui tamen putant baptizatos a Sectariis esse rebaptizandos, non quia dubitent de eius validitate si rite, & recte fiat; sed quia cum recentiores Hæretodoxi censeant Baptismum non admodum necessarium ad salutem, facile contingit tum circa ablutionem, quam dicuntur sapissime leviuscula asperzione perficere, tum circa intentionem &c. non parum esse incurios, ac proinde dubitari potest an adhibita sint necessaria omnia ad legitimum Baptismum. Porro Pastoralia SS. PP. imitata quorum regula erat, *Tene certum, & dimitte incertum* in hoc, & in supra allatis casibus præcipiunt Baptismum conditionate reitrandi, ne forte contingat quemquam ex hac vita abscedere cum incerto, adeo tamen necessario peccati originalis remedio.

Adverte, quod si contingat quod fieri debeat Baptismi iteratio, semper præferenda erit receptioni cuiuslibet alterius Sacramenti, ne illud periculo nullitatis exponatur. Unde si quis in culpam post Baptismum dubium incidisset, deberet iterato prius Baptismo absolvi sub conditione, quia peccata illa forte essent materia Pœnitentiæ, forte non.

### §. XXIII.

#### *De dispositionibus ad suscipiendum Baptismum requisitis.*

Quod attinet ad dispositiones requisitas ad suscipiendum Baptisma, ex ipsa infantium infirma conditione, qui cum usu careant rationis, careant proinde omni sufficientia ad quemvis humanum seu rationalem actum, censeo omnibus satis, superque compertum, hic

non loqui de exigentia cuiusvis dispositionis in parvulis per ipsos præmittendæ dum initiandi sunt Baptismate, cum fides ipsa, quæ est primum requisitum ad Baptisma in ipsis suppleatur per fidem Ecclesiæ, & illorum, qui offerunt eisdem parvulos ad Baptismum, ita ut sicuti per voluntatem primi parentis constituuntur peccatores, sic in fide præcipue Matris Ecclesiæ regenerantur. Unde hic solum agitur de dispositionibus, quæ requirantur in Adultis. Et cum a pluribus sæculis vix aliquando contingat aliquem Adultum baptizari, sic mutata est circa hoc Ecclesiæ disciplina, ut aliæ sint dispositiones Adultorum ad Baptismum veteris disciplinæ, aliæ hodiernæ; & utriusque disciplinæ aliæ sunt dispositiones requisitæ in initiandis ad validam susceptionem Baptismi, aliæ ad fructum eius percipiendum. Ad valide recipiendum Baptismum in utraque disciplina requiritur solummodo consensus, seu intentio recipiendi Baptismum, sine qua certe non reciperetur; unde aliæ dispositiones omnes de quibus hic agemus respiciunt licitam tantum, & fructuosam huius Sacramenti receptionem. Et licet nunc non sint amplius in usu, breviter tamen illarum historiam hic exponere censeo, quibus olim præparabantur Catechumeni, idest Adulti ad Baptismum.

Catechumenus græce, latine autem dicitur a verbo instruo, *instruendus*, sicuti instruens, *catechizans*. Tres autem erant catechumenorum classes, *Audientium* scilicet, *Competentium*, quæ ab aliquibus dicitur *Genusflectentium*, & *Electorum*. Verum secundum Martene Genusflectentes non constituiebant classem distinctam, sed erant Catechumeni lapsi, qui manuum impositione expurgabantur, & Dei verbum flexis genibus audiebant, & erant ut vult P. Berri, in eadem classe ac Competentes. Non conveniunt tamen Theologi in hoc, cum Martene Competentibus præponat Electos, & Tourneli Competentes Electosque confundat. Verum communior iam allatam nos sequi censuimus.

Infidelis qui adulta ætate se dare Christo statuerat, explicabat hoc suum votum aliqui probatæ fidei, ac pietatis viro, qui illum præsentabat Episcopo, ac pro eo fidem faciebat. Episcopus autem paucis exposte candidato christiani instituti perfectione, exquirebat num talem vivendi regulam amplecti vellet; & ut responderat hoc in votis habere, Episcopus eum inter Catechumenos recipiebat facto illi signo in fronte, &

Quid sibi velit nomen Catechumeni.

alicubi etiam in pectore, in oculis, in ore, in scapulis, in auribus addita cum precibus manuum super caput eius impositione, nec non inflationibus & exorcismis, ut infra suo loco de Baptismi Cœremoniis, videbimus, & inter *audientes* constituerebat ad verbum Dei audiendum, idest in ea Ecclesiæ parte, quæ hodie *Navis* dicitur, & in qua olim certum est fuisse conciones, & talis locus *Auditorium* dicebatur. Alii vero volunt locum Catechumenorum Audientium, sive Auditorum fuisse superiorem Ecclesiæ porticum, quæ loca dicebantur *catechumenia*. Volunt vero aliqui porticus, seu Catechumeniæ locum fuisse ubi starent mulieres ad audiendas conciones, & sacras Liturgias excipiendas. Audita concione Catechumeni, quibus iam Eulogiæ idest panis benedictus non negabantur, ab Ecclesia dimittebantur clamante Diacono ex ambone: *Catechumeni discedite* ne illis mysteria pateficerent ob disciplinam arcani. Interrogabantur ante discessum an festari vellent eandem vitæ rationem, fufis pro ipsorum salute precibus, iisdemque abeuntibus sequebatur Missa Fidelium ab offertorio; hinc pars Missæ præcedens dicebatur *Missa Catechumenorum*.

Expleto Catechumenatu, sive tempore audientium pro Episcoporum discretione, & initiandorum qualitate longiori, aut breviori, qui desiderio Baptismi exardescerent ad illum admitti supplicii demissione petebant. Hi sunt, qui ad secundam Catechumenorum stationem mittebantur scilicet competentium. Competentes ex S. Isidoro l. 8. Orig. cap. 4. vocantur, qui post fidei instructionem competunt gratiam Christi, & ex S. Augustino dicuntur simul petentes Baptismum: humi prostratos refert S. Gregor. Turonensis l. 5. Histor. gratiam hanc exflagitasse, & in huiusce rei signum infantes humi prope fontem collocabant, & tunc, non tempore Audientium nomen dabant. In hac autem classe duris subiiciebantur poenitentiae laboribus, & assiduis dabant operam orationibus, ut constat ex Tertull. l. de Bap. cap. 19. ex quo habetur etiam, quod sua confiterentur peccata non Confessione Sacramentali, sed ea quæ eorum conversionis, meliorisque propositi foret indicium, atque ita se præparabant omni ornatu ad gratiam regenerationis recipiendam. Ecclesia & contra omnem adhibebat diligentiam ne initiarentur indigni, instituto circa competentium mores examine, quod appellabatur *Scrutinium* quod multiplex erat plus & minus secundum particularem Ecclesiarum consuetudinem quæ ta-

men ordinarie erant septem diversis temporibus, & si lapsi deprehendebantur in aliquod grave peccatum, remittebantur secundum aliquos ad classem audientium, & secundum aliquos ad classem in qua iamerant competentium, ubi per quinquennium secundum Concilium Eliberitanum can. 75. retinebantur, per triennium vero postea iuxta Concil. Nicænum can. 14. Quod si prioribus scrutiniis Competentes non inveniebantur indigni, illis tradebatur recitandum Symbolum Apostolorum, deinde Oratio Dominica, & dicebantur *electi*. Die Dominica Palmarum quæ dicebatur *Capitulum* si tales visi erant ut proximo Paschate essent baptizandi, lavabantur eorum capita ne sordidi ad unctionem accederent.

Præcipuum scrutinium, & erat postremum, habebatur feria 4. maioris hebdomadæ, quæ proprie dicebatur *dies scrutini*, & qui via scrutini digni fuerant inventi admittebantur ad Baptismum, & ideo erant nuncupati electi, & hæc est vere, ac proprie tertia classis Catechumenorum.

*Electi* Episcopo offerebantur a sponsoribus probatæ virutis die ad Baptismum præstituto, qui erat ex solemnioribus, idest per vigilio Paschæ, & Pentecostes: sed de hoc infra. Reddebant Catechumeni Symbolum in Ecclesia Romana sabbato Sancto paulo ante Baptismum, alibi feria 5. maioris hebdomadæ. Est autem *reddere Symbolum* illud memoriter recitare, & Christianam fidem ante Baptismi susceptionem profiteri, & orationem Dominicam reddebant in proxima Paschatis solemnitate post Eucharistiam, ut habetur ex Tertulliano, & S. Augustino. Hæc erat vetus disciplina Ecclesiæ pro initiandis ad Baptismum, quæ tamen cum clare & distincte quoad omnes suas circumstantias ad posteriora tempora quando iam mutata erat non pervenerit, ex hoc contigit quod in aliquibus auctores non prorsus conveniant, quoad aliquos ipsius disciplinæ modos, & ordinem. In hac se sequutus sum fere penitus P. Berti, quia, cum se præbeo virum magnæ eruditionis, verosimilius censui, quod idem de his tradit.

Dispositiones vero ad hoc ut cum fructu Baptismus ab adulto suscipiatur præcipue si præter Originale habeat etiam peccata actualia, exponuntur a Concil. Tridentino sess. 6. cap. 6. nempe requiri, ut se disponat per Fidem, Spem, & Charitatem; Fides nempe qua credat explicite existentiam unius Dei remuneratoris, Mysteria Trinitatis, & incarnationis, & generatim vera, & divini-

Dispo-  
sitiones  
licia  
seu  
Quasi  
Bapti-  
smi  
recep-  
tionem  
culti

tus revelata, ac promissa, & in primis iustificare Deum per merita Christi; nam horum fides explicita est necessaria necessitate medii; Spes iustificationis, & vite æternæ; Dilectio, qua Deum tanquam omnis iustitiæ fontem diligere incipiat. Intuper requiritur, quod habeat. propositum efficax servandi omnia mandata, & christiane vivendi. Adultus enim non potest admitti ad Dei amicitiam nisi in illam consentiat, nec potest sincere talem præbere consensum, nisi omnia facere velit, quæ ad istam amicitiam servandam, & nunquam amorem significandum necessaria sunt. Requiritur pariter voluntas suscipiendi Baptismum. Item poenitentia seu dolor de peccatis commissis cum proposito non peccandi de cætero Act. 2. *Agite poenitentiam, & baptizetur unusquisque vestrum.* Equum est enim, ut qui propria voluntate Deum offendit in eius amicitiam non recipiatur sine peccatorum retractione, & dolore. Huismodi autem poenitentia debet esse supernaturalis, absoluta, universalis, efficax, impossibilis cum ullo affectu ad mortale, & appetitive summa. Non tamen requiritur perfecta contritio; quia cum Baptismus sit institutus ad remittendum peccatum originale, & omnia actualia ante ipsum commissæ, non requiritur talis dispositio, quæ hunc effectum producat. Adultus vero, qui solum habeat originale peccatum, elicere debet eisdem actus excepta contritione, quæ sola exigitur pro peccatis personalibus, propria scilicet voluntate physice commissis.

Quod si adultus iustificatus sit per perfectam contritionem, seu charitatem, ut per Baptismum solum recipiat gratiæ augmentum, debet nihilominus habere voluntatem, seu intentionem ex motivo supernaturali recipiendi Baptismum; cum ad gratiam recipiendam requiratur consensus qui sit eidem gratiæ accommodatus. Verum hæc voluntas sufficit cum iam alia idest Fides, Spes, & Contritio, & Charitas præcesserint.

Quod si sine præviis dispositionibus cum sola voluntate Baptismum quis suscipiat, idest fide, iam antea ætignus valide suscipere Baptisma, sed infirmus, idest sine gratia iustificante, quam tamen recipit recedente fictione, nempe reviviscens Baptismo per contritionem perfectam, vel per Poenitentiam Sacramentum. Hactenus P. Anselmus.

## §. XXIV.

*De loco, & tempore quibus Baptisma conferebatur.*

Circa locum Baptismi de quo hic dicere instituiamus, nemo ambigere potest, tempore persecutionum, quando nondum templæ erant erectæ, & quando fideles raro simul conveniebant, & nonnisi cum magna difficultate, baptismum collatum fuisse ubique eo meliori modo quo poterat. Imo etiam post redditam Ecclesiæ pacem sæpe sæpius non pauci, ut habetur ex Basilio, & Theodoro, curabant baptizari in Iordane, cuius aquæ a Christo Domino fuerant sanctificatæ. Generaliter tamen loquendo cum cessavit Paganorum persecutio Baptisma publice conferri coepit in Baptisteniis Ecclesiarum ad hunc finem constructis; & Baptisteria erant quædam ædificia figuræ orbiculæ seu iuncta a corpore Ecclesiæ, & vestibuli eidem coniuncti, ad dexteram ipsius vestibuli, in aliqua tamen distantia posita, ut plurimum ad plagam meridionalem, cum tunc temporis mos vigeret edificandi templa prout situs loci permittebat cum Altare versus Orientem. Dixi *ad plurimum*; quis non in omnibus hic ritus servabatur, cum multæ aliter posita; inveniantur siue quævis loci conditio non concederet, siue quia aliquæ idolorum templa in Ecclesias fuerint converta.

Baptisteria porro tantæ erant magnitudinis, ac amplitudinis ut in ipsis magna hominum turba convenire posset: cuiusmodi fuerat Baptistarium Ecclesiæ Constantinopolitanæ, ut in ipso habitum sit Concilium congregatum a Flaviano contra Eusebianam hæresim. Videntur nunc etiam quoque in ipsa nostra Italia hæc Baptisteria extra, & prope Ecclesiam constructa, ut Florentiæ, Pisis, Parmæ, Ravennæ, Tarvisi, & alibi. Erant in his sacris baptismalibus fontibus plures gradus per quos ex una parte in ipsos descendebant Catechumeni, & ascendebant ex altera, & fere omnes hi fontes, uti dicebam, erant figuræ rotundæ, sicuti tradit in suo Glossario Du-Cange. Hæc autem Baptisteria sæpe splendide ornabantur, ut refert Anastasius Bibliothecarius, & in ipsis erigebantur altaria pro sacrificio celebrando, & sacra administranda Eucharistia Neophitis, qui postquam receperant sacram Confirmationem, quæ statim post Baptismum eis conferebatur, assistebant sacris ministeriis, eorumque participes reddebantur.



tur. Quamvis tamen ædificarent Baptisteria extra Ecclesiam, aliqua tamen intra ipsarum Ecclesiarum ambitum constructa erant prope sinistram ianuam ipsius Ecclesiæ, ut est Verceilis.

Cum autem administratio Baptismi olim præcipue prioribus sæculis reservata esset solis Episcopis, sic non dabatur nisi unum tantum Baptisterium prope principalem Ecclesiam, in qua sedes erat Episcopi, ac proinde in solis Cathedralibus erant Baptisteria, quorum vestigia nunc quoque habentur, cum non solum in omnibus Cathedralibus extet Baptisterium, sed adhuc usus perseverat in non paucis Civitatibus, ut non baptizentur infantes nisi in Cathedrali non solum totius Civitatis, sed etiam ad certam distantiam extra Civitatis mœnia, ut Florentiæ, Bononiæ, Pisis, Vicetiæ, Tarvisii. Excipitur inter alias Civitates ab hac regula Romana, ubi ob miram multitudinem incolarum, & eorum, qui se convertebantur ad Christianam Religionem fuerunt etiam a prioribus temporibus multa Baptisteria in principalioribus Basilicis, ut S. Ioannis in Laterano, S. Petri, S. Pauli, & Damasi, S. Agnetis, S. Pancratii, & in aliis.

Quando postea etiam Rurales fidem amplexati sunt erecta fuere extra Episcopales Civitates Baptisteria, cum licentia tamen Episcopi, in cuius Diocesi erigenda erant; sed non tamen in omnibus locis, quos nos curam, Parochiamque vocamus erecta fuere, imo & in inferioribus Civitatibus quoque, ubi non erat Sedes Episcopalis, & plures extabant Curati, seu Parochi non baptizabatur nisi in Ecclesia principali. Ecclesiæ in quibus fontes erant pro Baptismate vocabantur Tituli Baptismales, ut distinguenter ab aliis Ecclesiis quæ illos non habebant. Nec multæ erant Ecclesiæ Baptismales in Civitatibus, vel in Pagis, ut ex can. 48. Concil. Meldensis, & ex Brocardo, qui ait; *Plures baptismales Ecclesiæ in una terminatione esse non possunt, sed una tantummodo cum subditis Cappellis.* Ecclesiæ igitur quæ fontem baptismalem non habebant, vocabantur Cappellæ, seu Sacella, sive Oratoria, ubi non permittebatur erigere Baptisterium, nec statuere Parochum Cardinalem, aut Titularem, ut docet S. Gregor. in sua Epist. ad Episcopum Ariminensem cui iubet ut Oratorium a nobili femina in eadem Civitate extructum consecret sine publicis missis, ut in posterum non fundetur in ipso Baptisterium, nec ibi deputet Sacerdotem Cardinalem.

Fideles, qui in hisce Oratorii congregabantur ter in anno adire debebant Ecclesiam Matricem, in Paschate scilicet, Pentecostes, & Natali Domini; ut plura statuerunt Concilia; & hæc sancta consuetudo ex Balusio perduravit in Ecclesia usque ad 11. Sæculum. Ecclesiæ igitur baptismales ab aliis distinguebantur. Unde & Carolus Magnus, & Leo IV. statuerunt, ut Decimæ Rurium ubi edificarentur novæ Ecclesiæ idest Oratoria, seu Cappellæ pertinerent ad Ecclesiam antiquam, intra cuius fines erigerentur, ex quo infert Gratianus, quod Decimæ non nisi ad Ecclesias baptismales debebantur, utpote quæ erant Ecclesiæ antiquæ & principales, seu Matrices, quod privilegium nunc vocatur *iura Curatorum*. Hinc vi huiusce iuris annexi Ecclesiis baptismalibus exigunt Ecclesiarum Decimas quibus non serviunt, & antiquitus erant Cappellæ dependentes a principali Ecclesia, quæ erat propria illorum. Habuerunt etiam Monachi in eorum Ecclesiis Baptisteria, ex privilegio tamen, & indulto, quod eorum sanctitate sibi acquisierant. Ecclesiæ vero baptismales antiquitus appellabantur Plebs ob populi affluentiam, qui ad eam concurrebat, ut debito religionis satisfaceret, & exinde haud dubie deductum est nomen *Plebani*, quod nunc abusive datur aliquibus in locis etiam Curatis, idest Vicariis. Privilegium autem Ecclesiarum Baptismalium antiquitus erat, quod ubi Oratoria interviebantur ab uno tantum Sacerdote Ecclesiæ, Baptismalibus sive Matricibus præter Sacerdotem esse debebat ad eius servitutem etiam Diaconus, ut præscriptum legitur in quibusdam manuscriptis Vaticani, & Montis Cassini editis a P. Sirmundo. Adde ulterius quod Concil. Aurelianense vetuit aliquem in Ecclesiis Baptismalibus sepeliri; tanta erat veneratio, quæ pro istis sanctis locis habebatur.

Baptismus autem a prioribus sæculis ministrabatur per trinam immersionem, qui ritus perduravit usque ad sæculum decimum quintum, quando immersio iam variari coepit. Circa initium sæculi decimiquarti penitus invaluit ritus infusionis, quem postea semper adhibuit Ecclesia.

Catechumeni se expoliabant, & mulieres spoliabantur per Diaconissas, vel per alias pias mulieres, ut semper corpus tectum haberent vel ab aqua in fonte dum functio Baptismi peragebatur, vel a linteo ante & post ingressum in fontem. Scendebant autem in aquam viri sustentati a Diacono, vel ab alio Clerico, & patrino, mulieres vero

De Ec-  
clesiis  
Baptis-  
malibus  
seu ma-  
tricialibus.

De ri-  
baptiz-  
ati per  
merito  
nem.

vero a matrinis, & dum in aqua descendebant a Sacerdote baptizabantur trina immersione, quæ secundum D. August. Homil. 3. ad *Neophit.* fiebat totius corporis in aquam. Quando vero baptizabantur mulieres, quæ vel in alio fonte, vel in eodem post viros baptizabantur, pendebat velum inter mulierem, & Sacerdotem ut nullatenus eam videre posset Sacerdos, imo cum tali etiam velo eas sub brachiis excipiebat ad eas in aquam immergendas.

De tem. pare, quo olim con- ferebatur Baptisma extra ca- su necesse- ritate.

Baptismus solemniter conferebatur, sive extra casum necessitatis die Sabbati Sancti, & Sabbati ante Pentecostes, ut veluti abusus antiquitus improbaretur, si aliis temporibus licet aliqua festivitate solemnibus peracta fuisset Baptismi collatio. Et primo Romani Pontifices ex perantiqua Traditione statuerunt ut nonnisi diebus *exceptis agri- tudine laborantibus* præsumant Episcopi Baptismum Catechumenis tradere. Ita; definiit Siricius Epist. 1. ad *Himerium* cap. 2. anno 385. S. Leo Epist. 16. ad Episcopos Siciliae cap. 3. anno 447. Gelasius Epist. 9. ad Episcopos Lucaniae cap. 10. circa annum 493. Consuetudine tamen alicuius Ecclesiae Baptisma collatum fuit die etiam Epiphaniarum, ut testatur Walfridus Strabo in l. de rebus Ecclesiasticis cap. 26. & in l. 2. de persecutione Vandalica Victor. Vitenfis; & Avitus Viennensis refert epist. 7. Clodovæum Francorum Regem baptizatum fuisse eo die, quo natum Cæli Dominum Mundus accepit. Tempore tamen persecutionum, ut reputabatur hic casus necessitatis, solebant baptizare Catechumenos non expectato præscripto die; & sic quando prævidebatur, aut ex superna revelatione cognoscebatur brevi fore accensuram persecutionem.

Videtur Pontifex Siricius excepisse a consueta regula etiam parvulos, ac permittere baptizari quando a suis consanguineis præsentarentur, cum postquam dixerit statutum tempus baptizandi esse Pascha, & Pentecostes, addit subveniendum esse pueris, qui carent usu sermonis, & eos constituit in eadem eorum classe, qui sunt in casu necessitatis. Hinc ostenditur quod non retardaretur pueris Baptisma, tametsi non essent in vitæ periculo, quando a suis Genitoribus præsentabantur, cupientes, ut Baptismus eis confereretur. Laudatus tamen Pontifex non imposuit debitum Genitoribus ut eos paulo post ortum baptizandos præsentent, imo colligitur ex SS. PP. illorum temporum, quod Genitores non erant ita solliciti, ut extra casum necessitatis ita cito ba-

ptizarentur; & D. Gregor. Nazianzenus insinuabat differre eorum Baptisma usque ad tertium eorum annum, ut aliquo modo intelligere valerent mystica baptismi verba, ac per se ipsos interrogationibus Sacerdotis respondere. Unde qui ita cum S. Gregorio sentiebant, non præsentabant suos parvulos baptizandos quovis tempore, sed libenter expectabant dies solemnes huic cæremoniæ statutos.

Et quam laudabile, & sanctum sit celebrare Baptismum certis statutis solemnioribus diebus anni comprobavit Deus ipse sensibilibus miraculis, præcipue efficiendo ut illis diebus Fontes Baptismales miraculose ante horam benedictionis aqua impleantur, ut ex epist. S. Paschasii ad Leonem habetur in quodam humili loco hoc quolibet anno fieri consuevisse. Nec ibi solum, sed alibi etiam ex Ecclesiasticis documentis id contigisse perhibetur, ut Embruni, sicuti refert S. Gregor. Turonensis.

In Ecclesia vero Orientali non servabatur tanto rigore mos baptizandi solemniter bis in anno, in Paschate scilicet, & Pentecostes; imo videtur quod semper consueverint baptizare etiam in Epiphania, quæ prioribus sæculis erat eadem die cum festo Natalis, quem ritum recepit etiam Ecclesia Occidentalis; imo hæc ulterius morem induxit baptizandi etiam in festivitate S. Ioannis Baptiste.

Hora vero in qua sollemnis celebrabatur Baptismi collatio erat in nocte præcedente, idest in Vigiliis dictarum solemnitatum, & credunt Scriptores quod hoc contigerit sub initium nostris ante celebrationem Liturgiæ, quæ longa erat in Vigiliis magnarum solemnitatum; quia cum Neophiti participare deberent cum aliis fidelibus de divinis mysteriis, & præcipue de sacra Eucharistiæ communione, eorum Baptisma, & Confirmatio præcedere debebat Liturgiæ. Hæc omnia habentur in P. Chardon in sua Hist. de Sacrament. l. 1. ubi de Baptismo.

Viget nunc quoque in multis locis vetus Ecclesiastica disciplina circa Adultorum Baptisma; nempe quod adultus Paganus, aut alter Infidelis, sive baptizatus in hæresi absque præscripta forma verborum non statim absque delectu tingitur, sed explorata eius voluntate datur opera, ut rite ad iustificationis gratiam disponatur, ut præscribit Concil. Tridentinum sess. 6: cap. 6. Unde ponitur in domo vulgo iam dicta Catechumenorum instruendus in rebus fidei, & exercitiis Christianæ pietatis: & quando sit suffi-

De mira- culosa impletio- ne fontis baptisma- lium quando facienda erat eo- rum be- nedictio.

De hora qua ferebatur Baptismi collatio.

cienter dispositus, admittitur ad Baptisma, quod ex Rituali Romano ei conferendus est, quando nullum obstat impedimentum, in Sabbato Sancto Paschatis, vel Pentecostes.

## S. XXV.

*De obligationibus baptizatorum.*

Certissimum est baptizatum maximam ex Baptismo contrahere obligationem, quæ ex duplici capite est repetenda, nempe 1. ex amplitudine donorum, quæ in Baptismate recepit; 2. ex eius promissionibus, quas fecit in Baptismo.

Et quoad primam, nempe ex donorum amplitudine, quæ in hoc Sacramento baptizato conferuntur patet ex illo Lucæ 12. ubi Christus Dominus ait; *omni autem cui multum datum est, multum queretur ab eo, & cui commendaverunt multum, plus petent ab eo.* Et Apocalyp. 3. advertuntur omnes Ecclesiæ Fideles, ut recognoscant magnum beneficium receptum dum mediante Dei misericordia vocati fuerunt ad Baptismum, quod idem est ac a Dæmonis captivitate, & æterna damnatione ad statum filii Dei, & hæreditatem cælestis regni, quod omne decus, & bonum in se continet, & comprehendit; *in mente ergo habe qualiter acceperis, & audieris, & serva.*

Quoad secundam vero, scilicet quoad obligationem ex sponsonibus factis in Baptismo, hæc menta est, ut ex D. Thomæ 2. 2. q. 87. art. 2. ad 1. & ex S. Augustino epist. 349. alias 99. æquivaleret voto, imo sit eiusdem rationis cum voto: *voventis.* (ait S. August.) *quæ offeruntur Deo, maxime sancti Altaris oblatio, quo Sacramento prædicatur nostrum aliud votum maximum, quo nos vovemus in Christo esse mensuros.*

Triplex  
promissio  
in Baptis-  
mi susce-  
ptione.

Votum porro seu promissio Baptismi triplex est; 1. enim spondemus seu vovemus nos Christo perpetuo adhæsus, etatque Evangelium secularis veluti regulam, ac normam morum nostrorum, & vitæ a nobis agendæ. 2. profiteamur obedientiam Ecclesiæ, eiusque Pastoribus. 3. renunciamus penitus omnibus, quæ non sunt consentanea Christiano instituto.

Vovent autem Baptismo initiantur se Christo, eiusque Evangelio perpetuo obsequuturos, quia Baptismus est quædam sollemnis christianæ Religionis professio; unde sicut Circumcisione secundum Apostol. ad Gal. 5. ita se dabat homo, ac subdebat moysayco instituto, ut debitor fieret universæ legis Moysæ servandæ, eo quia Circumcisio esset legis

Mosaycæ professio; ita per Baptismum nos adiungimus Christo, & religionem ab ipso institutam profiteamur, eiusque vitæ institutum, seu Evangelii legem amplectimur, & exinde Christiani nomenclaturam recipimus. Hinc inter prima Fidei rudimenta docemur Christianum appellari, qui Christi doctrinam credit, ac profitetur.

Profitemur insuper in Baptismo obedientiam Ecclesiæ eiusque Pastoribus, quia per Baptismi generationem coniungimur tamquam membra corpori Ecclesiæ cuius mystici corporis Christus est caput; ut non vivamus spiritu capitis Christi nisi maneamus in corpore Ecclesiæ, quod fieri nequit nisi patiamur ab Ecclesiæ regi, quæ vitæ christianæ est magistra, & dux. Sic frustra quis profiteretur regulam alicuius Ordinis, qui ministro, qui ipsi regulæ tuendæ, vel dispensandæ præpositus est, subesse recusaret. Hinc advertit Christus Matth. 23. *Si autem Ecclesiam non audierit sit tibi tanquam Ethnicus, & Publicanus.*

Quicumque vero initiari velit Baptismati, ac Christianæ Religioni, cogitur solemniter renunciare iis, quæ christiano Instituto adversantur, nempe Satanæ, omnibusque operibus eius, ac pompis, quod idem est ac renunciare Mundo, vanitati, omnibus carnis illecebris. Et hic ritus abrenunciationis fuit semper universalis in Ecclesia tam Græca, quam Latina, uti testantur omnia utriusque Ecclesiæ Euchologia.

## APPENDIX

*De Cæremoniis Sacramenti Baptismi.*

## S. I.

*De Cæremoniis, quæ Baptismum præcedebant.*

**C**æremoniæ Baptismi multæ & variæ fuisse antiquitus, quarum multæ etiam nunc servantur; & ex his aliæ, sicut hodie quoque fit, præcedebant Baptismum, aliæ comitebantur, subsequiebantur aliæ. Et de iis, quæ Baptismum præcedebant aliquam diximus, nempe de Catechaménato, quem qui præsentabantur Episcopo pro accipiendo Baptismate dato tunc eidem eorum nomine, percurrere debebant ad capeßendam instructionem mysteriorum, & præceptum christianæ Religionis; sicuti opus erat si quis adultus optabat per tale Sacramentum ingredi in Ecclesiam, idest inter Christianos aggregari; quod

quod nunc pariter servatur quando aliquis infidelis accedit ad postulandum Baptisma. Multis probabantur laboriosis operibus, instruebantur sacrae doctrinae elementis, explorabatur vitae eorum probitas septem scrutiniis. Renunciabant Satanæ & eius Angelis, & pompis Mundi. Sæpe requirebatur eorum fides eos interrogando, si crederent in Deum Patrem, & Filium &c. Imprimebatur signum Crucis in eorum pectore, variis exorcismis, idest adiurationibus factis certis precibus, Dæmonem a baptizando abigebant, quibus exorcismis addebatur quædam exuffatio, quæ Dæmonis expulsionem significabat, & boni Spiritus inspirationem. Sal degustandum datur, quo vitæ incorruptæ, ac bonorum operum sapor figuratur: Nares, & aures saliva tanguntur, ac in tali actu dicitur *Epheta*, quod idem sonat, ac adaperire; liniuntur enim oculi baptizandorum saliva ob mysticam spiritualis luminis significationem. Sacerdos manus imponit, & benedicit. Ritus manuum impositionis meminit S. Augustinus l. 2. de *Peccator. merit. & remis.* cap. 26. n. 42. ubi sic ait; *Nam, & Catechumenos secundum quemdam modum suum per signum Crucis, & Orationem, ac manus impositionem puto sanctificari.* Unguntur baptizandi ante Baptismum oleo Catechumenorum in pectore, & scapulis, ungendi post Baptisma Chrismate in vertice.

Varia sunt mysteria huius unctionis. S. August. in Psalm. 44. n. 19. ait, adhiberi oleum visibile in signum invisibilis unctionis. Et S. Ambrosius l. de *Sacrament.* ait; *Unctus es quasi athleta Christi, quasi luctum huius sæculi luctaturus.* Et Rabanus l. 1. de *Institut. Cleric.* cap. 27. in can. 70. de *consecrat. distinct.* 4. inquit; *ungitur siquidem baptizandus in pectore, ne lateant in eo ulle inimici reliquæ, atque inter scapulas, ut undique muniat, & ad bona opera facienda per Dei gratiam roboretur.*

De huiusmodi Cœremoniis testimonia habentur in Patribus, Basilio scilicet, Tertulliano, Cypriano, Augustino, Ambrosio, Chrysostomo; in veteribus Conciliis præcipue Carthaginensibus III. & IV. & in aliis antiquis monumentis. Et hæ Cœremonia fere omnes nunc quoque servantur.

## §. II.

*De Cœremoniis quæ Baptismum comitabantur.*

Ex Cœremoniis, quæ antiquitus Baptismum comitabantur, multæ etiamnum servantur ab Ecclesia, cuiusmodi sunt Litaniæ, benedictio Fontis, Chrismatis perunctio in signum unionis cum Christo, cuius bonum odorem ubique baptizatus diffundere debet.

Quoad locum vero, & tempus Baptismi, iam dictum est ante, quod talis cœremonia collationis Baptismi licet tempore Apostolorum fieret quolibet in loco, ut constat ex exemplo Eunuchi baptizati a Philippo in ipso itinere quo simul giadiebatur, & ita servatam fuerit tempore persecutionum, dum tunc non poterant Fideles habere Tempia ubi suos cœtus, divinaque officia celebrarent: habita tamen ab Ecclesia pace non conferebatur Baptisma sæculo calu necessitatis, nisi in illis datis locis, quæ Baptisteria dicebantur.

Quoad tempora autem Baptismum solemniter ministrandi non una fuit Ecclesiarum disciplina. Nam aliæ, ut Romana, & Africana, ipsique adjacentes consueverunt conferre Baptismum tantummodo in Paschate, & Pentecostes, ut patet ex Tertulliano, Siricio Papa, ex Sacramentario S. Gregorii Magni. In Ecclesia vero Africana additus postea fuit dies Epiphaniæ, ut refert Victor Vitenfis l. 2. de *persecut. Vandalicæ*: Et in Ecclesia Gallicana sæculo 6. additi sunt dies Natalis Domini, & S. Ioannis Baptiste, ut constat ex Epist. 44. Aviti Episcopi Viennensis. Talem morem indicat miraculum quod Ebroduni in Natali, & Corina Domini quotannis circa Baptisterium erectum in ea urbe a S. Marcellino contigebat; & relatum habetur a Gregor. Turo-nensi l. de *glor. Confessor.* cap. 6. Verum mos baptizandi in Natalitiis Domini, & festi-vitatibus Apostolorum, & Martyrum Sæculo 6. abrogatus fuit a Concil. Matisconensi anno 581. quæ abrogatio non obtinuit extra Galliam.

Hæc vero disciplina, quam hætenus exposuimus circa tempus ministrandi Baptismum iuxta testimonium Ruperti Abbatis, qui obiit anno 1135. desit apud Occidentales circa sæculum 12. ut iam antea notavimus. In Ecclesia Orientali solemniter collatio Baptismi erat tantummodo diebus Paschæ, Pentecostes, & Epiphaniæ Domini, ut colli-

ligitur ex Epist. 61. S. P. Hieronymi, ex S. Ioanne Chrysostomo serm. 36. *de Pentecost.* ex Goario in suis notis ad Euchologium Græcorum, & præcipue ubi describit ritum maioris benedictionis aquæ in Theophania. Cæterum Baptisma, ut notat Tertull. l. *de Baptism.* cap. 29. quolibet tempore valide ministrari potest.

In Baptismatis collatione duæ aliæ ceremoniæ observantur, nempe nominis impositionis, & Patrinorum seu sponsorum electio, & usus.

**De nominis impositione.** Ritus & consuetudo imponendi nomen baptizandis orta est ex antiquo ritu Catechumenorum, qui, ut iam vidimus, ante Baptismum nomen dabant; nomen autem cuique hominum ad personarum distinctionem imponi debet, & id ab ipso Mundi exordio observatum est in Adamo, & filiis eius. Romani consueverunt imponere nomen maribus nono die post nativitatem, & feminis octavo; licet aliquando nomen datum ab initio immutaretur, sicuti fit in Summo Pontifice a Sergio II. sive potius a Ioanne XII. electo anno 956. item in Mulieribus latinis si transeant ad connubia Græcorum, cum legamus de Berta, quæ post nuptias appellata fuit Irenes. In nomine imponendo servanda est regula tradita a canone Arabico, in quo sic habetur; *Fideles nomina Gentilium filiis suis non imponant*: Primo quia veteres consueverunt nominare filios suos nomine alicuius Sancti iuxta testimonia S. Io: Chrysostomi homil. 12. in Epist. ad Corinth. & primis Ecclesiæ sæculis communia Fidelium nomina erant nomina Apostolorum. Deinde quia, ut ex Dionisio Alexandrino apud Eusebium l. 7. Histor. Eccl. cap. 25. Sanctorum nomina serviant ad tutelam, & ad exemplum virtutum, & notiora quoque sunt quam domestica, & propria.

**De Sponsoribus, seu Patrinis.**

Sponsores demum, qui & fidei iussores dicebantur, & nunc communiter Compadres, Patrini, constat etiam ab initio sumptos fuisse, ut habemus ex Tertulliano l. *de Baptism.* cap. 8. Itaque in Baptismate infantium suscipiendo primo eliguntur qui illos levent e sacro fonte, quoniam cum Baptismus *Sacramentum sit regenerationis*, decet eos, qui Christo gignuntur instrui, ac doceri, ut tradit D. Thom. q. 67. art. 7. Insuper parvuli fidem per *verba gestantium* promittuntur, & Ecclesia eis per fideles suos præstat *os maternum*, ut ait S. August. Epist. 23. nunc 98. ad Bonifacium. Ita vetus est consuetudo adhibendi Patrinos, seu Sponsores in Baptismate, ut Eustius, & Sylvius

statuant eam haberi ex Traditione Apostolica, cum post Apostolorum tempora eius institutio non inveniatur, quod est argumentum Traditionis Apostolicæ. Secundum veterem disciplinam ordo erat, ut nec viri faminas, nec faminas viros levarent, ut patet ex cap. 22. inter Nicænos Arabicos. Circa numerum Patrinorum statuit Concil. Trident. sess. 24. cap. 2. ut unus tantum si ve vir, si ve mulier iuxta sacrorum canonum instituta, vel ad summum unus, & una baptizatum de Baptismo suscipiant. Et ita definitum est, ne inter multos contrahatur cognatio spiritualis, quæ est impedimentum Matrimonii, ut declarat citato loco Tridentinum. In susceptoribus requiritur ex can. 3. Concil. Metensis celebrati anno 888. ut *teneant professionem christianæ Fidei* ex cap. *In Baptismate de consecrat. dist. 4. n. 102.* & ita declaravit Concil. Mediolanense III. anno 1579. nec non ex Rituali Rom. ut *sint sacro chrismate confirmati*. Prohibentur ibidem, & alibi suscipere de Baptismo filios, aut commatores habere Monachi, & cuiusvis Ordinis Regulares. Præbyteri vero, & Clerici, cum olim adhiberentur; nunc etiam adhiberi possunt, cum a iure communi non excludantur, & revera pluribus in locis adhibeantur. Attendenda est tamen praxis, & usus cuiuslibet Ecclesiæ.

Patrini tenentur habere erga filios curam, & impendere *solicitudinem veræ charitatis*, & eos admonere, ut Castitatem custodiant, Virginitatem servant usque ad nuptias, a maledicto, vel periurio lingua refrænent &c. uno verbo ut pie, ac christiane vivant. Sic habetur ex Auctore sermonis inter Augustinianos de tempore 163. nunc 168. Appendic. n. 3. ex quo videtur desumptum esse cap. *Vos ante omnia de Consecrat. dist. 4. n. 105.* & de hoc fusius etiam tractat ad hæc officia exequenda Patrinus exhortans Catechismus Romanus part. 2.

**Obligatio Patrinorum.**

### S. III.

*De Cæremoniis, quæ subsequantur Baptismum.*

Post collatum antiquitus Baptisma Catechumenis, videtur quod ritus fuerit dare eis osculum pacis in signum unionis, ac fraternitatis cum Baptizato. Sic S. Cyrianus in epist. *ad Fidum*; postea perungebantur ab Episcopo sacro Chrismate, qua unctione conferebatur Sacramentum Confirmationis. Hoc statim post Baptismum conferebatur quando Epi-

Episcopi baptizabant, ac ut plurimum in Sabbato Sancto Paschæ vel Pentecostes. Cum vero munus baptizandi demandatum fuit Presbyteris, ut omnes veteres compleerentur cœremoniæ, inducta fuit hæc verticalis unctio a Sacramento Confirmationis distincta, ut habetur in lib. Pontifical. de Sylvestro; & hic constituit; ut baptizatum liniret Presbyter Chrismate levatum de aqua. Reserunt hunc locum Rupertus Abbas l. 5. de *Divinis officiis* cap. 16. Amalarius l. 1. cap. 27. & Scriptores, qui de hac unctione faciendâ a Sacerdote baptizatis post collatum eis baptismum asserunt fieri in vertice, non in fronte, ut hæc inunctio distinguatur a Sacramento Confirmationis. Sic notat Innocent. l. in sua epist. ad Decentium cap. 3. Presbyteris, seu extra Episcopum, sive presente Episcopo baptizent, chrismate baptizatos ungere licet; sed quod ab Episcopo fuerit consecratum; non tamen frontem ex eodem oleo signare, quod solis debetur Episcopis cum tradunt Spiritum Sanctum. Donec perduravit mos baptizandi solemniter in Paschate, & Pentecostes, & demandatum fuit Presbyteris conferre baptismum, postquam Catechumeni, & infantes huic receperant a Sacerdote cum unctione verticali Chrismatis, mittebantur ad Episcopum, qui eos attendebat in Sacristia ad recipiendum per unctionem Chrismatis in fronte Sacramentum Confirmationis.

Exponit Ivo Carnotensis serm. 4. de Sacram. mysterium huius unctionis, nempe, ut *Charitas, quæ per Spiritum Sanctum datur semper abundet in corde secundum verbum illud Ecclesiastici 9. oleum de capite tuo non deficiat.*

Post inunctionem verticis imponitur baptismato linteolum candidum loco vestis albe, qua olim post Baptismum induebantur Neophiti, & ferre solebant a Sabbato Sancto usque ad Dominicam in Albis, ut habetur ex S. Dionysio, seu quovis alio auctore lib. Ecclesiast. Hierarch. cap. de Baptism. ex SS. Ambros. August. & aliis inquebantur hac candida veste baptizati, & nunc is proferatur linteolus albus, sive ut ait Albinus Flaccus *propter gratiam regenerationis*, sive ad commemorandam vitæ innocentiam, animique candorem in quibus regeneratus perpetuo incedere debebat.

Vesti candidæ additum fuit birettum chrismate. Huius mentionem faciunt Theodulphus Aurelianensis Auctor divinorum officiorum sub nomine Alcuini, Rabanus, aliique, ac cum distinguant a veste alba. Alii *Galeam*, alii *Capam* vocant; quia volunt aliqui

quod esset vestis linea cum capuccio ad instar Mytræ clausæ, qua caput unctum tangebatur ob reverentiam S. Chrismatis. Sed in desuetudinem hæc abierunt postquam inductus fuit mos abstergendi caput, eorum cum bombace in parte chrismata.

Traditur pariter baptizato cereus accensus ex antiquissima consuetudine, cuius meminit Nazianzenus Orat. in S. Lavacr. S. August. & Ivo Carnotensis serm. de Sacrament. Neophyt. ubi exponit huiusce ritus mysterium his verbis. *Ad ultimum datur cereus ardens in manus baptizati, quatenus implere doceatur illud Evangelii; sit luceat lux vestra coram hominibus &c. datur enim in signum fidei, & gratiæ acceptæ, & transitionis ipsius a potestate tenebrarum ad lumen, & sortem Sanctorum.* His cœremoniis hodie absolvitur sollemnis Baptismi administratio sic Ministro alloquente baptizato; *Vade in pacem, & Dominus sit tecum.* Et hoc quoque est vestigium, ac indicium veteris cœremoniæ, qua olim baptizans pacem Neophytis deprecabatur, & aliquibus in locis addebatur osculum, ut colligitur ex Epistola S. Cypriani ad Fidum.

In Sacramentario D. Gregorii edito a D. Hugo Menardo sermo est de pannis, quos Patrimi paratos tenere debebant ut suos *filiolos* exeuntes de fonte post Baptismum recipere, qui sine dubio erant designati ad eos abstergendos, & simul ob decentiam tegendos. Hic mos erat antiquus, & hi panni cum magna diligentia servabantur ut memoriale insignis beneficii, quod Christiani a Baptismate receperant, & ut signaculum fœderis contracti cum Deo.

Antiquitus, videlicet quando Baptismus conferebatur in Paschate, vel Pentecostes post ipsius collationem, si collatus erat per Sacerdotem postquam Sacerdotibus demandatum fuit baptizare, & expletis consuevis cœremoniis, se in ordine omnes disponebant prout scripta erant eorum nomina: Infantes tenebantur in brachio dextero, & Adulti pedem ponebant super unum pedum Patrinorum. Committebatur Cantoribus intonare Litanias quinquarias, & Episcopus occurrebat baptizatis, ipsique Sacramentum conferebat Confirmationis. Sic in laudato Sacramentario. Post collationem Confirmationis ministrabatur baptizatis etiam infantibus S. Eucharistia. Hinc sicuti adulti se abstinere debebant a re aliqua sumenda nutritionis ante Communionem, ita & matres advertebantur ne ante illam lac infantibus præberent. Sed non solum communica-

nicabantur die Baptismi, sed quotidie per totam octavam Paschatis, vel Pentecostes, in cuius vigilia erant baptizati. Sic ordinat Rituale Roman. ducebantur enim Neophyti per dies octo ad Ecclesiam, quo præcedebat columna ceræ a censa, quæ erat Cereum Paschale, & summo mane canebatur Missa in qua communicabant, ut ex eodem Rituali Roman. Et quia difficile erat communicare speciebus panis pueros lactantes ob periculum quod Eucharistiam evomerent, illis dabatur sub specie vini, ut ex S. Cypriano l. de lapsis.

Alia quoque cœremonia, & hæc antiquissima, erat lotio pedum, quæ pluribus in locis fiebat Neophytis post Baptismum, & etiam Confirmationem; ut disponerentur ad S. Communionem, in quo ritu imitabantur Episcopi Salvatorem, qui ante mysticam cœnam lavit pedes discipulorum. Aliubi hæc cœremonia fiebat ante Baptismum sicut V. in cœna Domini, sed communius fiebat post Baptismum. Sic Auctor libri Sacramentorum, qui creditur D. Ambrosii. Sæculo 12. ad evitandum omne inconveniens ministrando Infantibus Eucharistiam calicis, Sacerdos tingeat digitum in calice consecrato, & sic madefactum ponebat in os infantis, qui illum lambebat, & sic ei ministrabatur S. Communio: Et Ugo S. Victoris consuevit, ut sic fiat. Et revera habetur quod talis praxis in aliquibus Ecclesiis servabatur. Chordon t. 1. de Baptis.

In Occidente mos erat dare Neophytis post Communionem lactem & mel, ut cognoscerent, quod Sacramenta, quæ receperant posuerint eos in possessionem terræ promissionis, cuius symbolum erat Palestina: & coniectur hunc morem fuisse perantiquum, dum huius meminit Tertullianus l. de Corona Milis. cap. 3. ac D. P. Hieronymus in suo dialogo contra Luciferianos.

Neophyti tamquam sibi debitum imputabant semper meminisse singularis beneficii suæ spiritualis regenerationis per Baptismum; imo solebant omnes quotannis celebrare diem festum sui Baptismi, quem vocabant *Pascha Annosinum*, ut ait auctor Micrologii cap. 76. baptizati celebrabant anniversarium suæ regenerationis subsequentibus annis eo die quo Baptismum receperant; qui cum esset dies affixa sæpe contingebat, ut distans esset a die mobili Paschæ in qua Baptismum receperant. Videtur quod hoc festum cessaverit in Ecclesia simul cum ritu solemnem Baptismi Catechumenorum in Sabato Sancto, sicut & illos quod compare-

rent Neophyti in vestibus albis per totam octavam Paschatis.

Neophytismum perdurabat integro anno a suscepto Baptismo. Unde iuxta talem morem statutum fuit a pluribus Conciliis, & præcipue in Arelatensi anno 524. & in III. Aurelianensi, ut nisi transacto anno post conversionem admitterentur ad Ordines, & aliqui horum relicto sæculo Ecclesiasticæ militiæ nomen suum darent. Hinc nos receptus fuit ab universa Ecclesia ne Neophyti promoverentur ad Ordines.

## S. IV.

*De supplendis cœremoniis prætermisiss. in Baptismo.*

Grave peccatum est omittere non urgente necessitate cœremonias Sacramentorum, ut iam dicitur agendo de Sacramentis in genere. Certum vero est, quod supplendæ sint quantum primum, quæcumque fuerit ratio quare fuerint omittæ. Sic præscribunt Rituales iuxta antiquæ Ecclesiæ Traditionem. S. enim Cornelius Papa & Martyr medio 3. sæculo reprehendit Novatianum baptizatum in lecto postquam convalescerat, qui nec reliqua præcepit, quæ iuxta Ecclesiasticum ritum sunt percipienda, neque ab Episcopo consignatus erat. Sic apud Euseb. l. 6. Hist. Eccl. cap. 43.

Difficultas esse potest circa Exorcismos, num hi quoque sint supplendi, cum videatur fieri iniuria Baptismo, quasi non haberet vim per se delendi peccata, & liberandi a Dæmonis servitute. Quocirca aliqui Rituales prohibent suppleri exorcismos, & novissime vetitum fuit in Concil. Meldensi anno 1691. Nihilominus communiter docent Theologi Exorcismos etiam supplendos esse; quia, ut docet D. Thomas 3. p. q. 73. art. 3. ad 3. non tantum Dæmonem coercent, ne impediat Baptismi collationem, sed etiam ne ab audiendo Dei verbo avertat fideles, & eius imperus per concupiscentiam quæ accendit, si non enervant, saltem reprimunt. Igitur & Exorcismi supplendi sunt non minus ac aliæ cœremonie. Sic docet etiam Gulielmus Antisiodorensis. Cæterum, ait Ludovicus Habertus, quisque ritum sequatur Ecclesiæ in qua degit: quod si liber nihil præscribat, satius est, magisque conformare veteri disciplinæ exorcismos supplere.

Baptismus susceptus fidei, id est sine debitis dispositionibus ratus est, idcirco non repetendus; quia caruit effectu propter mala

voluntatis obicem, quo remoto per veram poenitentiam reviviscit, hoc est delet antecedentia peccata etiam quoad omnis poenae reatum. Sic S. Auguft. l. 3. *de Baptism.* cap. 13. Dixi *antecedentia peccata*; quia subsequencia, & ipsa fictio, quæ in susceptione

Baptismi gravis culpa fuit, subiicienda sunt clavibus Ecclesiæ: quia sicuti peccata quæ præcedunt Baptismum non sunt materia Sacramenti Poenitentiae, ita quæ subsequuntur Baptismum non sunt Baptismi materia. Habert.

## T R A C T A T U S DE SACRAMENTO CONFIRMATIONIS.

**P**ost Baptismi Sacramentum, ut mos est apud Theologos, numeratur Sacramentum Confirmationis. Verum non conceditur Confirmationi talis præcedentia aliis Sacramentis ratione dignitatis (cum inter alia Sacramentum Eucharistiæ, utpote auctorem rerum omnium, ac ideo etiam gratiæ realiter continens, sit indubie valde præstantius) sed ordine tantum accepto ab analogia naturalis hominum vitæ, ad cuius similitudinem voluit Christus Dominus, ut vitam supernaturalem homo reciperet a Sacramentis; unde cum generationi naturalis vitæ subsequatur eius firmatio per vires, quæ ei adiunguntur, hinc post regenerationem ad vitam supernaturalem gratiæ, quæ habetur per Baptismi Sacramentum, succedit eius roboratio, ac stabilitas per Sacramentum Confirmationis, quæ ideo post Baptismum administratur: & sic appellatur quia gratiam in Baptismo acceptam augeat, confirmat, ipsumque baptizatum contra fidei hostes corroborat. Huius autem Sacramenti naturam virtutem, cæteraque alia ad ipsum spectantia breviter exponemus.

### §. I.

*De notione, & variis Confirmationis nominibus.*

Variis, ac multis nominibus, quæ ab illius materia, forma, aut effectu petita sunt solet hoc Sacramentum ab Ecclesiasticis Auctoribus designari. Primo enim ab ipsius materia dicitur *manus impositio*, ut Aëtior. 8. *Tunc imponebant manus super illos, & accipiebant Spiritum Sanctum; Chrismatis unctio, Unguenti mysterium*, ut a S. Dionysio l. *de Ecclesiast. Hierarch.* cap. 4. a Theodoro *Chrisma spiritualis unguenti: Chrisma Sanctum, & supercaleste*; a Concilio Laodicen.

can. 7. & 48. *Chrisma salutis*; a S. Leone serm. 4. Nativit. Domin. *Chrismatis, & unctiois Sacramentum* a S. Auguft. l. contra litter. Petilian. cap. 104. & passim a Patribus aliis.

2. A forma, seu quasi forma, qua administratur dicitur *Signaculum Dominicum*, ut a S. Cypriano epist. 71. ad Iubaianum; *Signaculum spirituale* a S. Ambrosio l. de iniciand. cap. 7. *Signaculum vite æternæ* apud S. Leonem loc. cit.

3. Ab effectu tum a Græcis, quam a Latinis Patribus dicitur *perfectio*; ita S. Ambrosio seu Auctor l. 3. *de Sacram.* & Concil. Eliberitanum can. 47. ubi de baptizatis a Diacono ita statuit; *Episcopus eos per benedictionem perficere debet*. Communi tamen & usitato nomine dicitur Confirmatio, quia robor, & vires præbet ad fidem Christi intrepide profitendam. Confirmationis nomen non est novum in Ecclesia, sed etiam a veteribus est usurpatum, & præcipue a Concilio Arausicano anno 442. ab Arelatenſi anno 455. ab Hilario Arelatenſi, ac ab aliis antiquis Patribus. Quare variæ fieri possunt huius Sacramenti notiones, seu descriptiones a materia, a forma, vel effectu desumptæ, quod sit v. g. Signaculum Spiritus Sancti, aut impositio manuum, qua baptizatus accipit Spiritum Sanctum, aut Sacramentum perfectionis, quo efficiamur plene, ac perfecte Christiani. Ad hoc tamen ut totum in una complectatur sit cum Tourneleio.

Sacramentum Confirmationis definitur, seu potius describitur. *Sacrum, & sensibile signum a Christo Domino institutum a salis. Episcopis tamquam ordinariis ministris collatum, in Religionem perpetuum ad conferendam homini baptizato gratiam roborantem ac confirmantem, qua Christi fidem constanter, & intrepide profiteatur*. Ita Tourneleius: quæ sane definitio omnes partes, virtutem, & requi-



requisita huius Sacramenti compleretur. Estius vero, Habert, alique rembrevis ita explicant, *Confirmatio est Sacramentum novæ legis, quo baptizatis additur robur Spiritus tum ad firmiter credendum, tum ad se dem intrepide consistendam.*

Dicitur 1. *Sacramentum novæ legis*, quod se habet loco generis; unde Confirmatio convenit cum aliis Sacramentis a Christo Domino institutis. Dicitur 2. *quo baptizatus &c.* quibus verbis ostenditur differentia Confirmationis a Baptismo, qui nullum præsupponit in suscipiente Sacramentum, Confirmatio vero necessario præsupponit Baptismum. Dicitur 3. *robur Spiritus Sancti* per quod designatur abundantior gratiæ copia, quæ per Confirmationem confertur. Datur quidem in omni Sacramento novæ legis gratia sanctificans, & Spiritus Sanctus, sed proprium est Confirmationis illam gratiam dare ad robur, scilicet cum tali amplitudine, quæ susipientem adhuc parvulum in Christo perficiat, ac corroboraret. Dicitur tandem *ad firmiter credendum &c.* ut distinguatur Confirmatio a Sacramento Ordinis, in quo datur quidem Spiritus Sancti robur, sed ad munia ecclesiastica rite peragenda, cum hic deatur ut baptizati tentationibus contra fidem irruentibus viriliter resistant, eandemque contra quascumque sæculi minas, ac blanditias data occasione libere, fortiterque profiteantur. Habert.

## S. II.

*De vera, & propria natura Sacramenti quam habet Confirmatio, & de iis, qui circa talem veritatem errarunt.*

Ex veteribus Eterodoxis veniunt in suspicionem Novatiani, quod negaverint veritatem Sacramenti Confirmationis. Dixi in *suspicionem*, cum hoc certum & omnino exploratum non sit; quia habetur quidem ex Cornelio Rom. Pontifice ipsum non recepisse Confirmationem, ignoratur tamen an ex negligentia, vel ex mentis errore contra Confirmationem eam non susceperit, cum per hoc non clare se exponat cit. Pontifex. Theodoretus tamen l. 3. *Hæreticar. Fabular.* Novatiani hunc errorem tribuit, verum alii, qui contra Novatianos scribere, ut Pacianus, Epiphanius de Confirmatione ab ipsis negata nihil referunt.

Videntur argui de errore contra Confirmationem Wiclefus, & Ioannes Hus; verum inter articulos Wiclefi, quem iam in omnibus sequutus est Hus damnatur 28. a

Concilio Constantienti sess. 8. in quo de Ministro Confirmationis, non de ipsa Confirmatione agebatur; unde nihil certi super hoc de iisdem affirmari potest. Maior difficultas est de Valdensibus, qui exierant circa annum 1160. nunc Confirmationis Sacramentum reiecerint, sicuti de his referunt cum Rainero alii quoque Scriptores. Sed in confessione fidei quam Ulaislao Hungarorum Regi miserunt iidem Confirmationis Sacramentum agnoscunt. *Sacramenta* (inquiunt) *septenario inclusa numero Ecclesia Christi utilia esse dicimus*: Et solum hi errarunt sicuti Wiclefitæ, & Hussitæ propugnantes simplicem Sacerdotem esse ordinarium huius Sacramenti Ministrum. De Luthero, & Calvino iam extra omne dubium certum est, quod non solum negarunt Sacramentum Confirmationis, sed etiam impudentissime sublarunt, & impie contemplerunt; cum Calvinus l. 6. Institut. vocet Confirmationem *oleum Diaboli mendacio palliatum*, & plura evomat convicia contra S. Melchiodem Papam, quem Eterodoxi faciunt huius cærimoniz inventorem, pro quorum erroris confutatione sit.

Confirmationis cærimoniam esse proprie dictum novæ legis Sacramentum est de fide, ut constat tum ex Scriptura, tum ex constanti Traditione, & usu Ecclesiæ. Act. 8. ad quem locum huius Sacramenti initium omnes referunt, habemus Petrum, & Ioannem manus imposuisse Samaritanis, qui a Philippo Baptismum receperant, & hos accepisse Spiritum Sanctum; *Tunc imponebant manus super illos, & accipiebant Spiritum Sanctum*, & cap. 19. habetur *pariter cum imposuisset illis manus, venit Spiritus Sanctus super eos*. Hæc autem Scripturæ loca manifeste designant & signum corporale, & effectus eius, spirituale nempe infusionem gratiæ in collatione Spiritus Sancti, ex quo intelligitur illud fuisse signum practicum id est cooperatorum gratiæ, & non tantum ad instar orationis, quæ sit super hominem, quia Philippus Diaconus, qui baptizaverat gentes Samariæ illud exhibere non potuit, sed eius administrandi gratia Ierosolymis Apostolos evocari oportuit; cum aliquin nihil prohibebat Diaconum super baptizatos orationem fundere, etiam adhibito ritu aliquo externo. Estius. Ecce igitur signum sensibile, nempe practicum, & perpetuum gratiæ sanctificantis: unde nihil illi deest ad novæ legis Sacramentum; constat quippe rebus, & verbis, impositione videlicet manuum, & oratione. Ministri adsumt huius

Sacra-

Confirmatio  
Cærimoniam  
est verum  
Sacramentum

Sacramenti nempe Apostoli, ac eorum successores Episcopi.

Hæc divina Scripturæ testimoniis accedit perpetua & universalis Ecclesiæ Traditio, usus Scripturarum, & praxis quæ est optima interpret. Nam ex sententia Sanctorum Patrum & continuato Ecclesiæ Scripturarum usu, semper intelliguntur allata Scripturarum loca de Confirmationis Sacramento, & hanc tanquam verum Sacramentum semper suis fidelibus post Baptismum ministravit Ecclesia, ut spirituales gratiæ fortitudinem contra fidei oppositiones a Spiritu Sancto in hoc Sacramento susciperent. Constat igitur ad evidentiam, Ecclesiam perpetuo habuisse Confirmationem inter legis novæ Sacramenta, & exinde hanc includendo semper agnovisse ac tradidisse septenarium Sacramentorum numerum.

Respondent Adversarii allatos textus Scripturæ, & præcipue Act. 8. loqui de dono mixculorum, non de gratia sanctificante, ut de illo dono prædixit loci Propheta intorpete S. Petro Act. 8. quod collatum est Apostolis die Pentecostes, quod proinde aliis ministrabant.

Veram hæc explicatio est prorsus nova, & omnino aliena a mente omnium SS. Patrum, qui laudata loca, & præcipue notatum ab Adversariis Act. 8. unanimes intellexerunt de Confirmationis Sacramento, ut ex loquentibus aperte patebit.

Et cum de perpetua Ecclesiæ Traditione melius certiores fieri non valeamus quam a sensu Patrum primæ Ecclesiæ ætatis; S. Ireneus, qui est ex vetustioribus cum floruerit a. Ecclesiæ sæculo, & habuerit præceptorum S. Polycarpum S. Ioannis Evangelistæ verum auditorem & discipulum, l. 4. cap. 75. refert eos, quibus Apostoli manus imponebant ut cit. loc. præcipue Act. 8. per huiusmodi manuum impositionem accepisse Spiritum Sanctum, qui est vitæ Spiritualis alimentum. Unde non solum clare dignoscitur, Confirmationem in usu fuisse etiam primo sæculo tanquam verum Sacramentum, ac proinde non esse *abortivam larvam Sacramenti*, sicuti nugatur Calvinus; sed etiam non deceptam fuisse Ecclesiam in usu talis Cæremoniæ tanquam veri novæ legis Sacramenti, quia revera taliter erat edocta ex dicto testimonio Act. 8. ex quo aperte colligitur, & ibi agi de hoc Confirmationis Sacramento, non de gratia mixculorum, quæ tempore S. Martyris stabilita iam Ecclesia fere desierat, & illam manuum impositionem esse signum perma-

nens in Ecclesia ad Fidelium sanctificationem.

S. Dionysius Arcopagita l. *Ecclesiast. Hierarch.* cap. 45. p. 3. meminit de hoc Sacramento, & gratiæ baptismalis perfectione, quæ in hoc tribuitur; *Sacra* (ait) *regenerationis donum, & gratia Unigeniti sacratissima consumatione perficitur*. Tertullianus l. *de Resurrect. Carnis* ita habet. *Caro ungitur, ut anima consecratur, caro signatur, ut anima muniat, caro manus impositione adunbratur*. Ponit autem ibi Confirmationem inter Baptismum, & Eucharistiam. S. Cyprianus l. 1. epist. 1. & 12. impositionem manuum discrete Sacramentum esse testatur; Eusebius quoque Pontifex, & Martyr epist. 3. ad Episcopos Tarsis & Campaniæ clarum testimonium huic Sacramento præbet, quem secutus est Melchisedes Papa cum de maiori excellentia inter Baptismum, & Confirmationem confabularetur. S. Ambrosius in opere de Sacramentis, & in l. de iis, qui Mysteriis initiantur differens ex professo de Sacramentis; Consignationi idest Confirmationi proximum a Baptismo locum tribuit. Similia habet S. Hilarius in fine can. in Matth. D. Hieronymus in Dialogo contra Luciferianos, ac S. August. l. 2. contra litteras Petil. cap. 104. apertissime pro hoc Sacramento pronunciat: explicans enim illud Psalm. 132. *Sicut unguentum in capite*, in hoc unguento Sacramentum Chrismatis vult interpretari, quod quidem in genere visibilium signaculorum sacrosanctum est sicut ipse Baptismus, sed & in hominibus perfissim. Idem l. 19. *contra Faust.* cap. 14. Signum Christi idest Sacramentum Confirmationis, Baptismo, & Eucharistiæ connumerat, & alibi etiam de hoc Sacramento loquitur ut Tract. 3. & 118. in Ioannem, & expressius l. 15. *de Trinit.* cap. 26. item l. 3. *contra Donatist.* cap. 16. & serm. 19. de *Sanctis*. Alii quoque meminerunt huius Sacramenti, qui videri possunt in iis, qui ex professo hoc tractant, ut Estius, Du-Hanuel, Ludovicus Habert, & Tournel.

Hanc porro veritatem de Sacramento Confirmationis, quam docet Scriptura, & perpetua Ecclesiæ, ac Patrum Traditio confirmant, & Eugenius IV. in suo Decreto, & Concil. Tridentinum, quod sess. 7. can. 2. de Confirmatione definivit de fide credendum illam cæremoniam esse verum, & proprie Sacramentum; ita enim habet in cit. can. *Si quis dixerit Confirmationem baptizatorum otiosam cæremoniam esse, & non potius verum, & proprium Sacramentum, anathema sit.* s. III.

## §. III.

*De tempore, & modo, quo Christus Dominus Sacramentum Confirmationis instituit.*

Notatum iam fuit agendo de Sacramentis in genere, hoc quoque Confirmationis Sacramentum a Christo Domino fuisse institutum iuxta Tridentini definitionem, & quidem immediate sicuti iam probavimus; sed quando, vel quomodo, cum saltem clare non legatur in Scriptura, non conveniunt Theologi. Alii enim putant institutum fuisse in ultima cœna; alii cum pueris Christus Dominus manus imposuit Matth. 19. Alii Ioann. 20. cum dixit Discipulis, *Accipite Spiritum Sanctum*; sed hæc circumstantia non videtur accomodata Confirmationi, cum tunc contulerit Christus Discipulis Spiritum Sanctum ad remittenda peccata, idest ad primam gratiam conferendam, non ad ipsam augendam sicuti fit in confirmatione. Alii volunt hoc instituisse Christum per se, & immediate ante Passionem inchoate promittendo, & complete in die Pentecostes exhibendo iuxta illud Ioannis 16. *Si enim non abiero Paraclitus non veniet ad vos; si autem abiero mittam eum ad vos*, & hæc est sententia D. Thomæ p. 3. q. 72. art. 1. & attingit modum & tempus, & quod a Christo Domino institutum fuerit inchoate ante eius Passionem per se immediate, & ut probabilius in ultima cœna ut colligitur tum ex Epist. Fabiani ad Episcopos Orientales cap. 1. ubi ita habet; *In illa die Dominus Iesus postquam cenavit cum discipulis suis, & lavit eorum pedes sicut a SS. Apostolis Prædecessores nostri acceperunt nobisque relinquerunt, Christum conficere docuit*; idest modum conferendi Sacramentum Chrismatis, seu Confirmationis, tum ex Epist. 4. Clementis ubi de hoc Sacramento eiusque effectu loquens, addit; *ut a B. Petro accepimus, & cæteri SS. Apostoli præcipiente Domino docuerunt.*

Institutum fuit a Christo Domino hoc Sacramentum; quia institutio Sacramenti persinet ad potestatem excellentiæ, quam solus Christus habuit, ut iam antea fuit notatum. Institutum fuit ab illo inchoate ante eius Passionem promittendo, & complete solummodo exhibendo die Pentecostes; ita ut nec a Christo, nec ab Apostolis ante hunc diem in usu positum fuerit; quia ut recte notat, & docet D. Thomas q. 72. art. 1. ad 1. in hoc Sacramento datur plenitudo Spiritus Sancti, quam dari non expe-

diebat ante Christi resurrectionem, & ascensionem, ut Ioann. 7. Nondum erat Spiritus Sanctus datus, quia Iesus nondum erat glorificatus; ita Salmatic. cum aliis.

## §. IV.

*De materia remota Confirmationis.*

Vidimus iam agendo de Baptismi Sacramento, & præcipue ubi de Sacramentis in genere, duplicem in omni Sacramento distinguendam esse materiam; unam remotam, quæ consistit in certa, ac determinata re, quæ in Sacramenti usu, seu consecratione adhibetur, & est pars essentialis Sacramenti, ut aqua in Baptismo; alteram proximam, quæ consistit in usu sive applicatione eiusdem rei. Circa materiam remotam magna est controversia non solum cum Novatoribus, qui iam cum negent Confirmationem esse verum Sacramentum, tum manus impositionem, tum sacram unctionem quibus constat Confirmatio irridet, contemnunt, ac execrant; sed etiam inter ipsos Orthodoxos DD. qui cæteroque unanimis in acriter propulsandis erroribus, ac disertiis Novatorum, valde inter se dissentiunt in assignanda essentiali, propria, & necessaria remota huius Sacramenti materia. Alii enim volunt Apostolos effectum huius Sacramenti contulisse sine Sacramento, contententes, ut Scotus, Apostolos per manuum impositionem solummodo Spiritum Sanctum, non vero Sacramentum Confirmationis contulisse. Alii solam manus impositionem agnoscunt esse materiam essentialem, unctionem vero partem solummodo integrantem ut Eminentiissimus Petrus Aureolus in 4. dist. 7. q. 1. Gulielmus Parisiensis, ut refert Syrmundus, Iacobus de Vitriaco. Alii e contra unctionem essentialem esse, manuum vero sentiunt impositionem olim necessariam, nunc solum esse cœremoniam, substituta in eius locum unctione; alii vero tenent utramque esse partem essentialem, & necessariam, unctionem videlicet, & manuum impositionem; imo non desunt qui opinantur, manuum impositionem esse specialem actionem distinctam ab unctione tempore, & natura; & alii e contra cum unctione eam confundunt. Vide in re ista hic Tourneleium a quo diserte hoc exponitur.

Observandum hic occurrit, quod ex sententia eorum, qui volunt unctionem esse partem essentialem Sacramenti Confirmationis, sive partialem, & integrantem ut aliqui, sive totalem ut alii, oritur difficultas 1.  
rium

nam scilicet mixtio balsami, & olei sit ex divino instituto, ac exinde ad substantiam pertinens Sacramenti. 2. an benedictio Episcopalis, quæ sit in Ecclesia cum magna solemnitate sit pariter de necessitate Sacramenti.

Nos hæc in re ut mentem nostram aperiamus, dicimus quod materia essentialis adæquata, & totalis Sacramenti Confirmationis est impositio manuum, & unctio Chrismatis.

Patet hæc veritas tum ex Scriptura, tum ex constanti totius Ecclesie traditione, quæ utrique huic sensibili externo signo tribuunt virtutem conferendi baptizatis Spiritum Sanctum, seu gratiam confortantem, ac roborantem ad fidem Christi intrepide, constanterque profitendam, qui effectus non tribuitur nisi rei quatenus est vel forma, aut materia totalis & adæquata Sacramenti id est illi essentialis. Unde cum hoc prædicatur a Scriptura, & Traditione æque de manuum impositione, & unctio in Sacramento Confirmationis, utraque, impositio nempe manuum, & unctio Chrismatis in hoc Sacramento est essentialis adæquata, & totalis illius materia; quod ut clarius aperiatur singillatim, seuundumque utraque pars est demonstranda.

## S. V.

*De essentiali ratione manus impositionis  
tamquam partialis materiae remotæ  
in Confirmationis Sacramento.*

Manuum impositionem esse essentialem materiam Sacramenti Confirmationis constat ex Scripturis, perpetua Traditione, & usu Ecclesie, quæ hanc semper usurpavit in huius Sacramenti administratione, & in hoc dum verbo, seu formæ coniungitur, proprium Sacramenti Confirmationis effectum, nempe gratiæ productionem agnovit. Ex Scripturis utique constat hæc veritas cum habeatur Actor. 8. *Tunc imponebant manus* (id est Apostoli) *super illos, & accipiebant Spiritum Sanctum*: Actor. pariter 19. *Et cum imposuisset illis manus Paulus venit Spiritus Sanctus super eos*. Hæc autem loca, aliaque huiusmodi omnia interpretati sunt SS. Patres de Sacramento Confirmationis: atque idem prorsus factum fuisse ab Apostolis quod nunc Præpositi, seu Episcopi facere solent, unanimi pene consensu docuere, ut habetur ex S. Cyrillano Epist. ad Iubaianum: *Quod nunc quoque* (ait) *apud nos geritur, ut qui in Ecclesia baptizantur per Præ-*  
Instit. Theol. Moral. Tom. IV.

*positos Ecclesie offerantur, & per nostram orationem, ac manus impositionem Spiritum Sanctum consequantur, ac signaculo Dominico consummantur*. Ubi ostendit, ac aperte declarat tunc fieri, quod olim ab Apostolis non ratione solius effectus, verum etiam Sacramenti, seu sensibilis signi, quo Spiritus Sanctus iam antea baptizatis infundebatur. Nec minus apertum est Chrysostomi testimonium, quod habet dum scribens in 8. Actor. Apostolorum ait; *Hoc ipsum nunc facere Episcopus, quod Apostoli manuum impositione, & oratione super Neophytos faciebant*. Eodem tenore de hac manuum impositione loquuntur omnes SS. Patres cuiuscumque Sæculi, tum Latini, tum Græci quorum testimonia congerunt ad hoc elucidandum Theologi Dogmatici ut Tourneleus, Habert, aliique. Nam eodem modo loquitur Tertullian. l. de Baptis. cap. 7. S. P. Hieronymus contra Luciferianos, S. August. l. 15. de Trinit. cap. 26. & alibi.

Opponi hic solet Decretum Eugenii IV. pro Armenis, & Innocent. III. cap. cum venisset, ubi docent loco manus impositionis per quam dabant Apostoli Spiritum Sanctum nunc per Chrismationem dari in Ecclesia Confirmationem; unde inferunt nunc non esse igitur manuum impositionem de essentialia Sacramenti Confirmationis.

Resp. neg. consequ. Nam 1. nihil super hanc rem definierunt cit. Pontifices, & ex occasione tantummodo, ac veluti in transitu ea leviter attigerunt. Neque enim ut optime notat Bellarminus; *Omnia quæ habentur in Decretis, aut Conciliis ad fidem pertinent, sed solum ea, quæ definitur*. Hoc autem de quo agitur non definitur, sed tantum obiter dicitur ad rem explicandam.

Deinde responderi potest non aliud ibi docere Pontifices quam id, quod ab omnibus conceditur, scilicet quod illud plane quod olim dicebatur manus impositio, nunc appellatur Confirmatio, ita ut non distinguant essentialiter ritum a ritu, sed solum modum loquendi a modo loquendi; & hunc sensum indicat Innoc. III. cit. cap. Cum venisset de Sacra Unctione, ubi respondet per frontis chrismationem designari manuum impositionem, quæ alio nomine dicitur Confirmatio.

Neque illud verum est quod aliqui dicunt, postremis his sæculis manuum impositionem exolevisse, cum Scriptores omnes, & Pontificata illius meminerint. Nam ut alios omitam Rupertus l. 3. de Operibus Spiritus Sancti cap. 21. ait; *Per manus impositionem, sacrique Chrismatis unctionem, secundum*  
K dam

*dam qui renatus est accipit gratiam: & Concilia Moguntinum anno 1579. cap. 17. Remense anno 1583. tit. de Confirmat. Narbon. 1609. apertissime declarant: manuum impositionem postremis his sæculis retentam esse. Et ex hoc sequitur manus impositionem vel totam, vel præcipuam ab Apostolorum temporibus semper per consequentes ætates in utraque Ecclesia habitam fuisse huius Sacramenti materiam, neque adeo hunc ritum antiquatum fuisse, aut quod intimum erat huic Sacramento, & essenziale in memoriam conversum esse cæremoniam.*

Quando  
in Con-  
firmat. o.  
ne fiat  
manu- n  
imposi-  
tio.

Manus porro impositio tum fieri censenda est, cum Episcopus iuxta Pontificalia, extensa, aut levata manu orationem fundit; non autem cum Episcopus frontem baptizati Chrismate linat. Et rem ita esse colligitur ex l. Sacram. Gregorii Magni quem Hugo Menardus mss. 800. & amplius annorum publici iuris fecit: liquidem in Ordine Sabbati Sancti post Baptismum ritum hunc habet: *Pontifex vero veniens ad infantes tenente Archidiacono Chrisma, involutis scapulis, & brachiis ex panno lineo, levata manus sua super caput omnium dicit: Omnipotens. Et frustra negat Blondellus, & Dallæus idem esse manum extendere, aut levare, & eam imponere; nam manus impositio hinc dicta est, quod manus extendatur. Quo ritu, qui utitur significat se bene precari, & benedicere ei quem manu designat. Hinc ait S. August. Quid enim est aliud manus impositio, quam oratio super hominem.*

Inveniunt tamen manuum impositionem ritum esse pluribus Sacramentis communem, cum & ante in Baptismate adhibeatur & in S. Ordinatione, & in Sacramento Pœnitentiæ. Quin & Christo Domino iubente ægris manus imponebantur; unde non est ritus specialis Sacramenti Confirmationis; ideo nec eius materia, quæ a materia aliorum Sacramentorum differre debet, ut patet ex ipsi Sacramentorum natura.

Resp. nihil impedire quominus manus impositio sit huius Sacramenti materia, tamen si hic ritus multis sit communis. Nam hanc formam ipsa, effectus, & Ministri ad certam speciem determinant.

### §. VI.

*De essentiali ratione Chrismatis tanquam partialis materie remotæ Sacramenti Confirmationis.*

Quamvis nihil adhuc Ecclesia circa hoc desinierit, ut communiter tenent Theologi

contra Suarezium, qui disp. 33. sect. 2. existimat credendum de fide chrismationem pertinere ad Confirmationis essentiam; nihilominus ex constanti Traditione universalis Ecclesiæ tum Orientalis tum Occidentalis, unctio, quæcumque illa sit, sive ex simplici oleo, sive ex oleo & balsamo, habenda est ex ipsius Christi institutione pro partiali materia Sacramenti Confirmationis. Idcirco Chrisma, sive oleum simplex, sive mixtum cum balsamo est partialis materia remota huius Sacramenti.

Et hæc perpétua constansque Ecclesiæ Traditio de unctione usurpata a primis Ecclesiæ temporibus tanquam partiali materia in huius Sacramenti administratione constat ex vetustissimis auctoribus tum Græcis, tum Latinis, ab ipsis Apostolis ad nos usque derivata, ut docet supracitatus Fabianus Papa in sua Epistola iam antea allata ad Episcopos Orientales, cuius verba hic me iterum afferre non piget: *Ipsa lavatio pedum ( inquit ) nostrum significat Baptisma, quod sancti Chrismatis unctione perficitur, & confirmatur.* Et S. quoque Clemens epist. 4. ita de hoc Sacramento eiusque effectu loquitur: *Ut a B. Petro acceptimus, & ceteri S. Apostoli præcipiente Domino docuerunt.* Tertull. l. de Baptism. cap. 7. ait. *Exinde egressi de lavacro perungimus benedicta unctioe.... sic, & in nobis carnaliter currit unctio, & spiritualiter proficit: & de resurrectione carnis cap. 8. Caro ungitur, & anima consecratur.* Et sic posteriorum temporum PP. Cyprianus, Pacianus, Ambrosius, August. alii que qui in re hæc scripserunt. S. Augustinus inter alios frequenter meminit de tali Confirmationis materia; interdum oleum, interdum unguentum, interdum Chrisma illam vocitans: *Chrismum*, ait l. 15. de Trinit. cap. 26. *unctus Deus Spiritu Sancto, non utique oleo visibili, sed dono gratiæ quod visibili significatur unguento quo baptizatos unxit Ecclesia, & ita aliis in locis. Estius.*

Porro ex tot testimonis Patrum sic cum S. August. l. 4. de Baptif. cap. 24. argumentum conficere possumus: *Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum rectissime creditur;* unde si ex laudatis testimonis Ecclesia semper & ubique Chrismationem adhibuit tanquam signum, quo datur Spiritus Sanctus baptizato unde perficitur & particeps regni cælestis efficitur; & patet eam in nullo Concilio fuisse institutam, quia erat in usu priusquam ullum Concilium in Ecclesia celebratum legatur

gatur, ut ex laudato Tertulliano colligitur; revera Chrismatio tradita est ab Apostolis, tamquam a Christo instituta. Igitur Chrismatio est pars Confirmationis non tantum integrans, sed etiam essentialis; cum in allatis testimoniis illi primarius effectus tribuatur, ac proinde sine Chrismate non fit Sacramentum, nec unquam sine ea collatum est, nisi forte in aliqua orientali schismatica Ecclesia. Igitur Chrisma est remota partialis materia Confirmationis.

Testimoniis PP. addunt Theologi suas valde graves convenientias, quibus supra omnem aliam materiam aptatur Chrisma ad miros huius Sacramenti exponendos effectus: Oleum enim, quod pingue est, & natura sua fluens declarat plenitudinem gratiæ quæ per Spiritum Sanctum a Christo capite in alios redundat, atque effunditur; Balsamum vero ob odoris fragrantiam significat fideles virtute huius Sacramenti eam suavitatem virtutis effundere, quæ in aliorum profectum propter exemplum eis exhibitum redundat, atque diffunditur, quo efficaciter ad virtutum exercitia impelluntur ut ait Apost. 2. Corinth. 2. *Christi bonus odor sumus*: & quia balsamum eam vim habet ut non sinat putrescere quæ eo circumliniuntur; fidelium animos cælesti gratia, quæ in Confirmatione tribuitur, a scelerum contagione defendi posse declarat.

Dices. Apostoli per solam manuum impositionem Confirmasse dicuntur Act. 8. & 19. & ita Concil. Moguntinum ut habet in cap. 17. intellexit illa Scripturæ loca, nec unquam memorat de tali unctione ab illis adhibita; igitur unctio non est pars essentialis huius Sacramenti.

Resp. 1. si verum hoc esset, factum fuisset divina dispensatione, ut docet D. Thomas q. 72. art. 2. ad 1. cum tamen hoc aperte non evincatur. Resp. 2. neg. conseq. & ad antecedens non est una Theologorum responsio.

Nam qui sentiunt quod Christus quorundam Sacramentorum materias & formas non statuerit nisi in genere, & reliquerit Ecclesiæ eas in specie determinare, facile ab hac difficultate se extrincant dicendo, Apostolos contulisse Confirmationem sola manuum impositione, sed postmodum substitutam fuisse manuum impositioni Chrismationem. Verum cum alii ex ipsius Scripturæ testimoniis (licet non ita claris, quæ iam retulimus in tali proposito dum de Sacramentis in genere ageremus) coniici arbitrentur Christum Dominum non tantum in genere, sed etiam in

specie materiam formamque omnium Sacramentorum instituisse; hinc respondent ad antecedens cum D. Thom. q. 72. art. 2. ad 1. Apostolos hoc Sacramentum sine unctione non contulisse, eo vel maxime quod Fabianus Papa docet recepisse Episcopos Chrismationem ab Apostolis, ac ideo a Christo Domino iuxta Clementis Papæ supra allatam doctrinam in sua epist. 4. ubi ait; Apostolos non tradidisse nisi ea, quæ iussi erant a Christo Domino Ecclesiæ tradere; *Ut a B. Petro* (ait Pontifex) *accepimus, & a cæteris Apostolis præcipiente Domino*: vel ad summum dicendum est cum D. Thoma cit. loco Apostolos ad solam impositionem manuum, & eorum prædicationem contulisse Spiritus Sancti plenitudinem super fideles sub visibilibus signis, & tunc non erat necessaria materia sacramentalis ubi miraculosa signa exhibebantur divinitus; utebantur tamen Apostoli communiter Chrismate in exhibitione Sacramenti, quando huiusmodi visibilia signa non exhibebantur. Non enim est verisimile, addit hic Estius, Apostolos in Sacramentorum ritibus præsertim essentialibus id tradidisse posteris, quod ipsimet usu, & praxi sua non ante confirmassent. Unde subiungit, probabilius dici posse, Apostolos in hoc Sacramento ministrando neque semper, ut in ipsis statim exordiis suæ prædicationis, neque communiter usos fuisse Chrismate ad confirmandam tantam fidelium multitudinem; Cæterum quin postea rebus Ecclesiæ constitutis, atque ordinatis Chrismatis unctionem adhibuerint, nihil obstat, imo valde verisimile est, & quasi certum. Estius.

Nec obstat quod Scriptura nunquam meminerit unctionis, sed solius manus impositionis; nam ex S. August. 1. de Fide, & Operibus cap. 9. Scriptura multa tacet brevitate gratia, quæ serie Traditionis constat ab Apostolis fuisse usurpata: & hoc demonstrat exemplo Eunuchi baptizati a Philippo, quem S. Lucas narrat Act. 8. baptizatum fuisse cum respondisset *credo, filium Dei esse Iesum*, cæteris prætermittis, quæ a baptizando sunt credenda; intelligi voluit (inquit S. D.) *impleta omnia quæ licet taceantur in Scripturis brevitate gratia, tamen serie Traditionis scimus implenda*. Habert.

## §. VII.

*De necessitate mixtionis Olei, & Balsami, ac utriusque Episcopalis benedictionis.*

Nota, quod hoc vocabulum *Chrisma* licet proprie loquendo, idest iuxta vim nominis quod derivat a verbo *ungo*, nihil plus importet quam unguentum; unde Innoc. I. in epist. ad Decentium materiam unctionis infirmorum, quæ est simplex oleum sine ulla ulterius rei admixtione, nempe sine balsamo, quod miscetur in oleo Confirmationis, *Chrisma* appellat: in usu tamen Ecclesiastico *Chrisma* significat speciem quandam unguenti ex oleo, & quibusdam aliis odoriferis compositam, idest ex balsamo, & hoc est oleum, quod inservit ad Sacramenti Confirmationis administrationem. Imo apud Græcos mos est non solum balsamum cum tali oleo admiscere; sed plura aromatum, seu herbarum odoriferarum genera cum non exigua vini quantitate solent admisceri, ut habetur ex Haberto Vebrensi Episcopo, & Goario in suis notis ad hunc Euchologii locum.

Ex hac igitur mixtione balsami cum oleo Confirmationis, cum nihil circa hoc Ecclesia definierit, orta est non levis controversia inter Theologos, qui sentiunt *Chrisma* esse partem essentialiorem Confirmationis, circa talem balsami mixtionem; videlicet num necessarium sit ad substantiam huius Sacramenti balsamum oleo admisceri, an cum simplici oleo sine balsamo perfici possit. Qui igitur conveniunt in sententia, quam hic secuti sumus, unctionem esse ex divina Christi institutione, & partem essentialiorem Sacramenti Confirmationis, alii tenent cum S. Thoma q. 72. art. 2. ad 3. mixtionem balsami necessariam esse necessitate Sacramenti, ut Isembertus in 3. part. D. Thomæ ad q. 72. cum non paucis; alii vero solum necessariam esse necessitate præcepti, & ulu Ecclesiæ; ac proinde etiam sine tali balsami admixtione validam esse cum simplici oleo Confirmationem. Ita sustinet Caietanus in 3. part. S. Thomæ cit. q. 72. art. 2. Scotus, Estius; & hæc opinio probabilior, ac verior videtur, quia magis consona Patribus & Conciliis a quibus persæpe olei tantummodo sit mentio. Imo & Scriptores vetustissimi nunquam balsami mentionem fecere, & *Chrismatism* nomine sæpe oleum simplex, non mixturam aliquam designant, ut liquet ex Optato l. 7. Adde etiam quod balsamum variis modis potest adulterari, nec

constare nobis potest, num illud sit genuinum; & tamen materia Sacramenti omnibus nota, & aperta esse debet.

Nec officit quod obiicitur ex Innocentio III. c. *Pastoralis* de Sacramentis non iterandis, ubi interrogationi de validitate Confirmationis simplici factæ ex oleo sine balsamo, respondet; *Nihil iterandum est, sed supplendum id, quod incaute prætermisum est*: etenim hoc potius nobis favet; quia si balsamum esset de essentia, & necessitate Sacramenti, Confirmatio ex simplici oleo collata nulla fuisset, ac ideo reiteranda; quod non intendit Pontifex, sed solum supplendum si aliquis defectus non substantialis Sacramenti commissus sit; non potest enim suppleri id quod est de substantia, seu essentia Sacramenti, sed Sacramentum quod iam fuerat nullum, iterum integre administrandum est.

Nec magis urget illud Eugenii IV. in Armenorum instructione, ubi ait, materiam Confirmationis esse *Chrisma* ex oleo, & balsamo confectum; nam dici potest vel hic loqui Eugenium de materia integrali, vel proprius exponere necessitatem balsami ex præcepto, & usu iam inveterato Ecclesiæ.

*Chrisma* porro benedicendum esse & consecrandum ab Episcopo constans est, ac perpetua totius Ecclesiæ Traditio, quæ iam ex Testimoniis supra laudatis aperte constat. *Perungimus* (ait Tertull. l. de Baptif.) *benedicta unctione*. Sic S. Cyprianus epist. 70. Optatus l. 7. Innocentius I. ad Decentium, Concil. Carthagin. II. can. 3. ut alia omittam.

Ex Orientalibus vero circa suæ Ecclesiæ usum Cyrillus in *Catech. Hætag.* 3. id manifeste tradit. Basilii l. 1. de *Spiritu Sancto* hanc inter alias traditiones Apostolicas commemorat. *Consecramus* (inquit) *aquam baptismatis, & oleum unctionis*.

Dixi *benedictum, & consecratum* ab Episcopo, saltem ministro ordinario, & in hoc omnes conveniunt Theologi iuxta Florentinum Concil. aquo habetur materiam Confirmationis esse *chrisma* confectum ex oleo, & balsamo, & ab Episcopo benedictum. Dixi *saltem ordinario*; quia probabile est & Pontificis indulto posse etiam simplicem Presbyterum, ut ministrum extraordinarium illud benedicere. Et magnum pondus offert huic sententiæ Bulla Eugenii IV. edita anno 1444. quæ incipit *Sacra Religionis* relata a Waddingo in Annalibus Minorum tom. 5. ad annum 1444. n. 45. in qua ad simplicem Sacerdotem delegata fuit talis benedictio. Un-

Ex tra-  
d. tione  
totius  
E. clesi-  
æ  
Chrismi  
benedi-  
cendum

de

de qui volunt simplicem Sacerdotem in nullo casu posse Chrismum consecrare, aut debent impugnare talem Bullam ut spuriam, aut concludere Pontificem limites suae potestatis excessisse.

Hoc autem Chrisma innovandum est quotannis feria V. in Coena Domini, ita ut si quis (excepto articulo mortis) novo deficiente veteri uteretur, peccaret mortaliter. Cap. si quis de alio dist. 4. de Consecrat. Prioribus saeculis licitum fuit Episcopis quolibet die Chrismum consecrare, ut constat ex Toletano Concil. I. can. 20. Toutnel.

In Consecratione Chrismatis varii adhibentur ritus. 1. enim funduntur preces iuxta illud Apostoli 2. ad Timotheum. 4. Omnis creatura Dei sanctificatur per verbum Dei. 2. fit signum crucis super oleum, & balsamum; nam sine tali signo nihil potest consecrari, ut docet Chrysostomus homil. 4. in Matth. & S. August. serm. 181. de Tempore, & tract. 118. in Joannem. 3. Episcopus habet aliquoties super ampullam Chrismatis, quam caeremoniam immerito calumniatur Novatores ut superstitionem, cum hic ritus sanctus sit, & antiquus apud S. Gregorium in Sacramentario, & in Ordine Romano, & significat, ait Amalarius l. 1. cap. 12. ipsum Spiritum Sanctum, qui in Confirmatione confertur. 4. Chrisma consecratum saluatur his verbis ab Episcopo, & Presbyteris; Ave sanctum Chrisma. Antiqua est praeceptum hanc salutatio, ut meminit Amalarius, & Ordo Romanus. Neque improbare possunt Novatores hanc salutationem tamquam idololatricam; liquidem non est absoluta, neque refertur ad ipsum Chrisma, sed ad Christum, cuius est Symbolum, ad quem primario, & directe tendit illud obsequium. Non enim inulcatum est apud veteres in laetitiae signum, & gratulationis res sensu destituta salutare, ut factum fuit a S. Andrea dum videns crucem eam salutavit; Salve Crux, & sic alii erga res huiusmodi gerere. 5. Presbyteri Parochiam a proprio Episcopo, non a vicino sacrum Chrisma potere tenentur, ut colligitur ex Concil. Liptinensi. Verus autem Chrisma quod superest comburendum est iuxta Ecclesiae usum, & praxim. Quantum tamen semper fuit non levi rigore, ne quid Episcopi exigant, aut accipiant a Presbyteris pro emendo balsamo ad Chrismum consecrandum, ut habetur in Conciliis Cabilonensi III. can. 16. Aquisgranensi II. can. 5. Meldensi, Barchinensi, Toletano II. can. 8.

Nunc vero illa benedictio sit de necessitate. Instit. Theol. Moral. Tom. IV.

te Sacramenti, vel praecepti, non divini, sed ecclesiastici, ambigitur. Et cum colligi nequeat ex Scripturis, vel ex Conciliis, aut ex Traditione talem ritum esse ex divino praecepto; proinde non sine fundamento prudenter inferri potest, non solum necessarium non esse hunc ritum de essentia Sacramenti, sed nequidem esse praecepti divini, sed mere Ecclesiastici. Carteroquin talis ritus est perantiquus, ut constat ex citatis testimoniis Sanctorum Patrum, inter quos S. Basiliius l. de Spirit. Sanct. confert benedictionem Chrismatis cum benedictione fontis baptismalis; benedicimus, inquit, Baptismatis aquam, & unctionis oleum. Unde sicut benedictio aquae baptismalis licet videatur Traditionis Apostolicae non pertinet tamen ad Baptismi substantiam, sed est dumtaxat praecepti Ecclesiastici, ita & benedictio Chrismatis. Nec ulla disparitas asserri potest ex Scriptura, aut Traditione. Du-Hamel.

Quamlibet tamen sententiam quisque amplectatur, non potest ea esse indubitata in tam gravi, graviumque Theologorum discordia. Unde in praxi integre praescriptum ab Ecclesia ritum tenendum esse dicimus, ac observandum; adeo ut quod ex inadvertentia praetermissum fuerit caute suppleatur, tametsi secundum probabilem opinionem minus necessarium iudicetur; v. g. si quis chrismatus non fuerit Episcopi manibus substratus, subternatur invocato super eum Spiritu Sancto, si incaute oleum non benedictum, vel oleum Catechumenorum, aut infirmorum pro Chrismate adhibitum fuerit, applicetur Chrisma iuxta cit. Decret. Innocent. III. cap. Pastoralis tit. de non iterandis Sacramentis. Ludovicus Habett:

## S. VIII.

### De Materia proxima Sacramenti Confirmationis.

Cum Materia proxima Sacramentorum sit usus materiae qua cum forma fit Sacramentum; hinc quia manus Episcopi cum Chrismate tamquam materiae partiales, & inadaequatae Confirmationis unam totalem & adaequatam constituunt huius Sacramenti materiam, sit ut non sola impositio, seu extensio manuum super baptizatum, sed applicatio etiam ipsius Chrismatis, id est unctionis contra Symonem, & Samborum sit materia proxima huius Sacramenti. Et hoc patet ex iisdem momentis, quibus antea probavimus, Chrismam esse partialem materiam



remotam Confirmationis; & eo vel maxime quod allati PP. loquuntur de Chrismatione, quod vocabulum remotam simul, & proximam materiam continet, & explicat; *Oportet* (inquit Concil. Laodicenum can. 48.) *qui illuminantur, post Baptismum inungi*. Unde cum ibi satis, quatenus permittere potuit brevis rem hanc conati sumus demonstrare, supervacaneum est ulterius hic progredi.

## §. I X.

*De Forma Sacramenti-Confirmationis.*

Non secus ac in omnibus aliis Sacramentis forma quoque Confirmationis certe non in alio consistere potest, quam in verbis, quæ in collatione huius Sacramenti, id est dum materia applicatur initiando, proferuntur ab ipsius Ministro, qui est Episcopus; & hoc apud omnes compertum est. Verum cum in hoc Sacramento conferendo, duo occurrant, ut notavimus agendo de illius materia, & manuum scilicet impositio, quæ oratio præcedit, ut in Pontificali Romano, & Chrismatis unctio cum quorundam verborum prolatione actionem chrismandi significantium, nempe; *Signo te signo Crucis, confirmo te Chrismate salutis* &c. sicuti discrepant Theologi catholici in statuendo quamnam ex duabus actionibus sit Confirmationis materia, num manuum impositio, num Chrismatis unctio; sic disconveniunt circa essentialiter huius Sacramenti formam, videlicet utrum ponenda sit in oratione, vel in verbis quæ in ungendo proferuntur. Qui putant Christum Dominum in genere tantum, non in specie materiam formamque aliquorum Sacramentorum instituisse inter quæ recentent Confirmationem, relinquendo libertati Ecclesiæ, quam vellet pro temporum opportunitate materiam formamque eligere; sicuti loco manuum impositionis quam solam pro essentiali materia adhibitam agnoscunt usque ad 8. sæculum, & post sæculum 8. substitutam volunt nunc Chrismatis unctio, ita loco orationis nunc habent pro forma citata verba in actu unctionis ab Episcopo prolata. Alii sunt qui affigunt pro sola materia Confirmationis unctio, ut S. Thom. 3. part. q. 70. art. 3. Etius in 4. dist. 7. §. 10. quam tamen institutionem ab Apostolis derivatam accipiunt, non ab Ecclesia ex Christi dispositione post multum temporis institutam, ut adstruunt in superiori sententia; & hi confundunt in unctionem cum manus impositione, ac agnoscunt pro forma essentiali adæquata verba;

*Signo te signo crucis, confirmo te Chrismate salutis in nomine Patris &c.* vel ista apud Græcos; *Signaculum doni Spiritus Sancti*. Et ex his Theologi nonnulli sunt, qui post Bellarminum aiunt in citatis verbis tacitam includi orationem, quamquam verba; *Signo te, confirmo te* sint absoluta; & sic conciliant Scripturam & veteres, qui formam Sacramenti Confirmationis in oratione, qua invocatur Spiritus Sanctus collocare videntur, ut inter alios Petrus Aurelius in Orthodoxo adversus Sirmondi Aneirtheticum. Vertitur tamen inter hos controversia num invocatio Sanctissimæ Trinitatis, scilicet verba in nomine Patris &c. in hac forma adducta pertineant ad substantiam Sacramenti, ut vult Soto in 4. dist. 7. art. 4. quam opinionem rursus quidem, licet probabilem oppositam, iudicat Estius. Negant vero alii Trinitatis invocationem pertinere ad substantiam Confirmationis. Putant alii exprimendam esse personam Confirmantis, & confirmati, & suspectam habent formam, si talis expressio deficiat. Ita Ilambertus ad 3. p. q. 70. dist. 4. art. 3. Tournel. 251. Qui vero tenent pro materia essentiali Confirmationis solam manuum impositionem, & unctionem materiam solum integram, habent pro forma essentiali Orationem præcedentem manuum impositionem ad invocandum Spiritum Sanctum; verba vero quæ dicit Pontifex dum initiandi frontem inungit, ut pertinet ad accidentalem solummodo Sacramenti integritatem, & ad maiorem ipsius effectus significationem, ut Sambovius, Morinus, alii. Qui vero statuunt, manuum impositionem, & Chrismatis unctio, ambas esse materiam partialem, & inadaquatam, ac proinde ex utraque totalem, adæquatamque consilui; Orationem quoque ad manuum impositionem, & verba *Signo te* &c. ad chrismationem ut partiales formas considerant, ex quibus resultet una totalis, & adæquata; quam sententiam non sequimur, cum suam relativam de dicta duplici partiali materia sequuti sumus. Unde sit.

Formam totalem; & adæquatam Sacramenti Confirmationis tam apud Latinos, quam apud Græcos constituunt Oratio, quæ unctionem præcedit, & verba quæ illam committantur. Et prima pars, nempe quoad orationem patet ad evidentiam 1. ex Scriptura, & usu ipso Apostolorum, Act. 8. *Oraverunt pro ipso, ut acciperet Spiritum Sanctum*. . . . *Tunc imponebant manus super illos, & acciperent Spiritum Sanctum*; Et

ecce quomodo cum una partiali materia *impositionis manuum* forma quoque partialis, quæ huic materię Confirmationis respondet exponatur; idest *Oratio*. Unde colligitur quod forma Confirmationis ex hac parte erat deprecatoria. 2. ex usu, ac constanti, & perpetua Ecclesiæ praxi, ut colligitur ex testimonio Patrum Tertull. l. *de Baptism.* cap. 8. ita habet; *Dehinc manus imponitur per benedictionem, advocans & invitans Spiritum Sanctum*. Eadem habent S. Cyprianus epist. *ad Iubaian.* S. Ambros. l. 3. *de Sacram.* cap. 6. D. Hieronymus Dial. *contra Luciferian.* cap. 4. Et S. August. l. 15. *de Trinit.* cap. 26. de Divina collatione Spiritus Sancti fidelibus facta per Discipulos ait: *Orabant quippe ut veniret in eos quibus manus imponebant: non ipsi (idest Discipuli) eum dabant . . . nos accipere quidem hoc donum possumus pro modulo nostro, effundere autem super alios non utique possumus; sed ut hoc fiat Deum invocamus*. Et quod hæc oratio temper usurpata fuerit in Confirmatione comprobant manifestissime omnes fere Rituales, Pontificales, Sacramentarii, ut notat Menardus in notis ad Sacramentarium S. Gregorii, & P. Martene l. 1. de antiquis Ecclesiæ ritibus pag. 249. & seq.

Quoad secundam vero partem propositionis quæ spectat formam, quæ respondet unctioni Chrismatis, quæ apud Latinos est iam antea notata; *Signo te signo Crucis, confirmo te Chrismate salutis in nomine Patris &c.* & apud Græcos *Signaculum domini Spiritus Sancti*, comprobatur quamplurimis antiquitatis monumentis Ordinis Romani, & Sacramentarii quamplurium Ecclesiarum, quorum meminit Morinus l. 8. *de Pœnit.* cap. 16. n. 5. & Menardus in notis ad Sacramentarium S. Gregorii P. Martene tom. 1. *de antiq. Eccles. ritib.* l. 1 pag. 243. & 249. & seq. In Ordine enim Romano ita præscribitur. *Pontifex post Orationem ait; Confirmo te in nomine &c. & respondetur Amen*. Ita in vetustissimo Sacramentario Tolosano eisdem sensu exhibetur formula, & Pontificale Turonense habet penitus eandem quæ est in Ordine Romano; & sic habetur in quamplurimis aliis; & licet in aliquibus diversis verbis tales formulæ exprimantur, prorsus tamen huiusmodi sunt quoad sensum, ac proinde omnes consonæ verbis Apostol. 2. Corinth. 1. ubi sic habetur: *Qui autem confirmat nos vobiscum in Christo, & qui unxit nos Deus, qui & signavit nos, & dedit pignus Spiritus in cordibus nostris*. Nova igitur non est, & captiose ficta præ-

sens Confirmationis allata forma *Signo te signo &c.* qua nunc utitur Ecclesia Latina, dum hanc firmam reddunt tot vetustissima documenta, quæ videri possunt in cit. Morino, & Martene.

Nec minora sunt testimonia quæ comprobant Græcorum Confirmationis formulam *Signaculum donationis, vel domini Spiritus Sancti* idest nec hanc quidem noviter esse excogitatem, sed antiquitus etiam adhibitam. Hæc enim habetur in Concil. Constantinopolitano Œcumenico can. 7. in quo habetur; *Eos signantes dicimus signaculum domini Spiritus Sancti* supple iuxta proprietatem Græci sermonis *ecce vel tibi datur & invenitur in omnibus Euchologiis, seu Ritualibus Græcorum*.

Dices 1. forma Confirmationis est deprecatoria. *Orabant pro eis, ut acciperent Spiritum Sanctum* Actor. 8. unde cum verba allata sint indicativa, non deprecatoria, non possunt esse formam huius Sacramenti.

Resp. quod cum sint duæ partiales formæ huius Sacramenti, quarum quælibet suæ respectivæ materię responderet, nihil implicat unam esse indicativam, ut est ea quæ convenit unctioni, dum altera quæ adhibetur ad manuum impositionem est deprecatoria; unde verum est quod etiam exigat hoc Sacramentum ut forma habeatur deprecatoria, tamen nihil repugnat quod altera partialis sit indicativa.

Nota, quod licet formæ Sacramentorum sint indicativæ, idest indicative exterius enuncientur, sensu tamen sunt deprecatoriæ: quocirca Sancti Patres vocant eas preces mysticas. Et in hoc sensu loquutus est D. August. l. 3. *de Bap.* cap. 16. ubi ait; *ipsam manuum impositionem esse orationem super benedictum*.

Dices 2. Forma Sacramenti institui debet a Christo, ac proinde nulli subiecta est mutationi. Quare cum hæc forma *Signo te &c.* non sit eiusmodi; nunquam enim loquitur Scriptura de eius institutione, & pro diversitate Ecclesiarum secundum Alexandrum Alensem varia est, & multiplex, cum una Ecclesia unam habeat formam, altera alteram; sequitur quod hæc haberi non potest ut vera forma Sacramenti Confirmationis.

Resp. Formam Sacramenti instituendam esse a Christo quoad substantiam, speciem, ac sensum, non vero quoad singula verba; & ideo reliquit libero Ecclesiæ iudicio secundum temporum exigentiam eam variare, loco illorum ea seligendo, quæ apta essent ad significandum Sacramenti effectum. Unde verum quidem est formas Sacramentorum

non debere esse obnoxias mutationi, si corumpat sensum formæ, non vero si sensus formæ integer servetur; sicuti servatur in illa variatione verborum, seu mutatione, quæ unctionem Confirmationis comitatur, quam habent variz Ecclesiæ; ita ut nulla ex diversis formis diversarum Ecclesiarum inveniatur verba, quæ sensum formæ adulterent.

Dices 3. etiam alia Sacramenta sunt signacula Spiritus Sancti: igitur illa forma utpote communis non attribui potest ut propria Sacramento Confirmationis.

Resp. alia quoque Sacramenta esse signacula effective, non vero active, utpote quæ non sint signativa signo crucis, sed constitutiva signo Crucis militis christiani.

### S. X.

#### *De Ministro Sacramenti Confirmationis.*

Circa Confirmationis Ministrum duplex, & non levis versatur controversia, & cum Eterodoxis, & hæc pertinet ad fidem, num scilicet solus Episcopus sit ordinarius Sacramenti Confirmationis minister, & inter Theologos scholarum catholicarum, nempe, num Presbiter esse possit Sacramenti huius minister extraordinarius.

Tum in Ecclesia Orientali, tum in Occidentali fuerunt aliquando, qui erronee opinati sunt contra doctrinam, quam de fide tenet, ac tradit Ecclesia de ordinario Confirmationis Ministro. Et in occidentali coepit error sæculo V. in nonnullis Presbiteris Ecclesiæ Calaritanæ, qui ius sibi temere vindicarunt conferendi hoc Sacramentum, quasi hæc ministratio propria, & ordinaria potestate eis conveniret. Horum petulantiam repressit Innoc. I. in epist. ad Decentium Episcopum. Sic labente VI. sæculo Presbiteri Ecclesiæ Calaritanæ contra quos scripsit Gregorius Magnus in epist. 9. ad Ianuarium. Et sæculo VIII. habetur Presbiteris sæpe factam fuisse facultatem ab Agapio Episcopo Cordubense in Hispania hoc Sacramentum ministrandi. Non vero sæculo hoc tantquam suum officium usurparunt nonnulli Chorepiscopi, contra quos egit Concil. Parisiense VI. anno 829. Posterioribus vero temporibus Valenses, Wiclefitæ, Hussitæ calumniantur Episcopos, quod ex avaritia, & ambitione sibi arrogassent Confirmationem iuvenum, & Clericorum ordinationes, ut habetur in Concil. Constantiensi a quo in posterioribus hic error proscriptus fuit, quem nihilominus non erubuerunt innova-

re Lutherus, ut habetur in eius opere de *Captivitat. Babilon.* & Calvinus in suo *Antidoto Concil. Tridentini.*

In Ecclesia vero Orientali Græci schismatici duce Photio, qui Constantinopolitanam sedem tumultuarie invasit, ac primus fuit Græcorum Schismaticorum Parens, volunt, tum Episcopos, eum Presbiteros simplices habere indiscriminatim ius & potestatem confirmandi baptizatos: cui errori statim apposuit supremam suam auctoritatem Nicolaus I. & iussit Bulgaros a Photianis Presbiteris confirmatos iterum confirmandos. Contendunt Sectatores Photiani schismatis, consecrationem quidem Chrismatis a solis Episcopis peragi posse, sed chrismationem de iure ordinario a simplici etiam Presbitero dari posse. Contra hos omnes sit.

Soli Episcopi ex divina institutione, ut Ord. nati  
ministri  
Confirmatio  
(sunt Episcopi.) de fide tenendum est, sunt ordinarii ministri Sacramenti Confirmationis. Ita enim, ut iam præverat Eugenius IV. in suo Decreto pro Armenis, definitum fuit a Concil. Tridentino sess. 7. can. 3. de Confirmatione.

Et hæc Concilii doctrina divinæ consona est Scripturæ, cum Actor. 8. a Philippo vocati sint Apostoli Samaritanam, ut eos quos ipse baptizaverat confirmarent, dum idem Petrus voluit, Cornelium insignem virum, ac divinitus sibi commendatum una cum eius familiaribus non per se, sed aliorum ministerio baptizari, ut habetur Actor. 10. Item cum quibusdam Ephesiis Actor. 19. iussu Pauli ab aliis Baptismum fuisset collatum, mox idem Paulus eis manus imposuit ut Spiritum Sanctum reciperent. Si alios etiam, idest non Episcopos censuisset Paulus posse hoc Sacramentum conferre, sicuti Baptismum; idem Confirmationis mysterium æque ac baptismi aliis mandare potuisset.

Huiusmodi Scripturæ exemplis & præcipue Actor. 8. imbuti, ac convicti antiqui Pontifices, & Patres unanimis tradidere, quod spectet ad Episcopum huius Sacramenti administratio. Ita enim docet Clemens I. 3. *Constitutionum Apostolicarum*. cap. 15. & 16 Melchisedes in Epist. ad Episcopos Hispaniæ Innocentius I. epist. ad Decentium, in qua sic habet. *Pontificibus solis deberi ut vel consignent, vel Spiritum Sanctum tradant, non solum consuetudo ecclesiastica demonstrat, verum & illa lectio Actuum Apostolorum, quæ asserit Petrum; & Ioannem esse directos, qui iam baptizatis traderent Spiritum Sanctum.* His adde Pontifices, qui Photii audaciam, errorumque huic doctrinæ adversa-

tem repressere, ut Nicolaus I. Innocent. III. Gregor. IX. in epist. ad Episcopum Barensem, in qua repetit iisdem verbis, & confirmat Decretum Innocent. III. quæ epist. refertur L. I. Decretalium tit. *de consuetudine*.

Sententiam confirmat Patrum traditio, quorum aliquos tantum asserere brevitatis gratia satis erit. S. Cyprianus Epist. 73. habet eos qui in Ecclesia baptizantur per Præpositos Ecclesie offerri ut Spiritum Sanctum consequantur. S. Chrysostom. Homil. 18. in caput 8. Act. Apostol. Hoc erat (inquit) in Apostolis singulare (nempe collatio Spiritus Sancti per manuum impositionem) ut & præcipuos, non alios videmus hoc facere. D. Hieronymus contra Lucifer. Hanc (ait) esse Ecclesiarum consuetudinem, ut Episcopi excurrant ad eos, qui in minoribus urbibus sunt baptizati, ut eis manus imponant. S. quoque August. loquitur eodem modo l. 15. de Trinit. cap. 26.

Ratio vero quæ præter divinam voluntatem in Scripturis, & Traditione nobis declarata, reddi potest quare soli Episcopi sint ordinarii huius Sacramenti ministri hæc erit, quia cum Fideles hoc Sacramento perficiantur iuxta Patrum doctrinam, plane congruebat non ab aliis illud conferri, quam ab illis, qui positi sunt in ordine perficientium, qualis est ordo Episcopalis; sicuti ordo Presbiteratus est illuminantium, & Diaconatus purgantium ut docet D. Dionysius Areopag. Eccles. Hierarch. cap. 5.

Aliam etiam addit rationem D. Hieronymus in Dialog. contra Lucifer. quam ob eius excellentiam prætermittere non censeo: id (dicit) constitutum esse in honorem Sacerdotii, idest Episcopalis Dignitatis; a qua pendet Ecclesie salus; cui si non exors quædam, & omnibus eminens detur potestas, tot in Ecclesiis efficiuntur schismata, quot erunt Sacerdotes &c.

Dices cum Photio: qui potest maius, idest conficere Eucharistiam, quod omnes possunt simplices Sacerdotes, potest & minus, nempe & Confirmationem conferre, quam nemo non videt multo Eucharistia esse minorem.

Resp. hoc Photii argumentum nimis se extendere; nam si ita esset, posset quilibet Sacerdos consecrare quoque Sacerdotes, & Episcopos, eo quia possit quod valde maius est, idest Eucharistiam conficere. Idcirco resp. in forma cum distinctione; videlicet qui potest maius, potest minus in eodem genere, potest v. g. ordinare Diaconum &c.

qui ordinare potest Sacerdotem; non vero concludit hoc argumentum in diversa specie, ut sunt Eucharistia, & Confirmatio.

Exempla vero quæ opponi solent de Conciliis, & Pontificibus approbantibus, vel concedentibus Confirmationem conferri posse a simplici Sacerdote, solummodo demonstrant, Presbiterum esse posse ministrum extraordinarium huius Sacramenti, quod in sequenti paragrapho examinabimus.

## S. XI.

*De administratione Confirmationis per simplicem Sacerdotem tanquam extraordinarium Ministrum.*

Quia nihil adhuc statutum umquam fuit ab Ecclesia in hoc proposito, quidquid dicant in contrarium Baronius, & Gregorius a Valentia, nempe quod simplex Sacerdos possit esse minister extraordinarius Sacramenti Confirmationis; relictus fuit locus Theologis scholarum catholicarum circa talem punctum inter se concertandi, num revera extraordinarie ex Superioris dispensatione simplices Sacerdotes possint esse ministri huius Sacramenti.

Nihil certe hactenus de re hac definitum Ecclesia de fide credendum, cum talis definitio non habeatur ex quo orta est controversia, nec ab ullo Œcumenico Concilio, ut Lateranensi IV. sub Innoc. III. Lugdunensi sub Gregor. IX. Florentin. sub Eugen. IV. vel in Tridentino, nec ab ullo Summorum Pontificum Decreto. Non primum certe; quia in prioribus Conciliis nihil prorsus actum est de Confirmatione, vel de eius Ministro, & in Tridentino satis fuit Patribus definire quod est manifeste traditum, videlicet solum Episcopum esse Ministrum ordinarium Sacramenti Confirmationis, nec ulterius visum est eis progredi, an scilicet Presbiter possit esse minister extraordinarius huius Sacramenti, ut habemus ex Palavicino in sua Hist. dicti Concilii. Non secundum; nam quæ vociferantur privilegia Sedis Apostolicæ nonnullis Regularibus concessa, Ecclesiæ non innotuerunt, non sunt inserta in Bullario, nec facta publici iuris. Cum igitur nihil per Concilia, ac Summos Pontifices in tali controversia de fide credendum definitum umquam fuerit, liberum est cuicumque quam melius ei placuerit partem eligere; sed valde probabilis videtur pars affirmativa. Sit igitur

Simplex Sacerdos ex delegata auctoritate seu dispensatione potest esse minister extraordi-

Simpli-  
ces Pres-  
biteri pos-  
sunt

sunt esse  
ministri  
extraordi-  
narii  
Confi-  
ratio-  
nis.

ordinarius Sacramenti Confirmationis. Et hoc non solum est probabile, sed iuxta documenta, quæ de re hac nobis exhibent veteris Ecclesiæ usus, ac dispensatio, probabilis videtur.

Theologi, qui iam communiter recensent inter loca Theologica usum in præcipuis Ecclesiis receptum, universa Ecclesia consentione, nedum repugnante ex tali usu elicere solent conclusionem saltem probabilem. Igitur cum a duodecim sæculis obtinuerit in præcipuis Ecclesiis, & Summi Pontifices vel concesserint, vel permittendum censuerint conferri Confirmationem a simplici Sacerdote probabile, imo etiam probabilius est, simplices Sacerdotes posse esse Ministros extraordinarios Sacramenti Confirmationis. Et quoad primum, idest de tali usu in simplicibus Presbiteris, extraordinarie administrandi Confirmationem patet ex Concilio Toletano l. cap. 2. ubi permittitur Presbiteris Chrismare absente Episcopo, Bracharense II. a quo statutum fuit ut Chrisma Presbiteris detur pro confirmandis Neophytis. Hispanense II. can. 7. Novellis tantum regulis vetitum fuit ne Presbiter confirmaret. Colligi autem possunt Novellæ regulæ ex Pontificali Damasi, ubi dicitur, quod Sylvester Papa Episcopis hoc privilegium concessit, ut baptizatos consignarent; ex quo evidenter inferitur, quod æque possent Pontifices hoc etiam concedere Presbiteris saltem extraordinarie. Arausicanum k. pariter in Gallia can. 4. idipsum approbat, imo concedit deficienti Episcopo; *Si desit Episcopus (ait Concilium) a Presbiteris cum Chrismate consignari placuit.*

Insuper hoc docuit Eugenius IV. in Decreto seu instructione Armenorum, quod si non a toto Florentino Concilio, ab omnibus saltem Latinis approbatum fuit, qui adhuc Florentiæ post Græcorum discessum per tres ferme annos congregati permanserunt, ita ut dici non posset eo tempore impositum fuisse finem Concilio. Nam Pontifex postquam in eo Decreto ait, *Solum Episcopum ordinarium esse Confirmationis Ministrum*, statim addit; *Legitur tamen aliquando per Apostolicæ Sedis dispensationem ex rationabili, & urgente causa, simplicem Sacerdotem, chrismate per Episcopum confecto hoc administrasse Confirmationis Sacramentum.* Exempla dispensationum, quæ factæ fuere simplicibus Presbiteris non refert Pontifex, sed supponit, & ea approbare censetur dum ait, ex rationabili, & urgente admodum causa concessas fuisse. Nec locus dari potest dubitan-

di, cum occidentales Episcopi exempla illa sedulo, & accurate perpenderit.

Nec talis usus, qui semper viguit in Ecclesia Græca, defuit in Ecclesia Latina; nam S. Gregor. exeunte sæculo VI. monitus Presbiteros Calaritanos in Sardinia consignare Neophytos primo improbavit; prohibuitque illum usum Epist. 9. l. 3. ad Ianuarium Episcop. Calaritanum. Verum ubi cognovit nonnullos inde commotos epist. 26. eiusdem libri concessit, quod prius negaverat. *Nos quidem (ait) secundum usum veteris Ecclesiæ nostræ fecimus; sed si omnino hac de re aliqui contristantur, ubi Episcopi desunt, ut Presbiteri etiam in frontibus baptizatos Chrismate tangere debeant, concedimus.*

Ea vero, quæ in contrarium hic obijci possunt ex reprobatione plurium Summorum Pontificum usus administrandi Sacramentum Confirmationis a simplici Sacerdote, intelligenda sunt de Sacerdote non ut extraordinario, sed ut ordinario Ministro extra casum necessitatis, & sine supræma dispensatione Pontificis; qui cum solus plenitudinem acceperit potestatis a Christo Domino in Ecclesia, hinc solus, Pontifex scilicet & neutiquam Episcopi in Latina saltem Ecclesia dispensare possunt, ut talis administratio perficiatur per simplicem Sacerdotem, & sine tali dispensatione Sacramentum irritum esset. Tournel.

## S. XII.

### De Subiecto Confirmationis.

Conveniunt communiter unanimis DD. valide confirmari omnes, & solos baptizatos nondum confirmatos iuxta usum, ac traditionem Ecclesiæ; quia omnes indigent tali effectu, & ii tantum sunt capaces; quia Baptismi Character est moralis quædam potentia recipiendi alia Sacramenta, & quia nasci oportet prius quam augeri, & roborari. Quocirca solummodo qui natus est in Christo per Baptismum in Confirmatione muniri potest. Confirmatio enim est Baptismi perfectio, & complementum: unde semper hæc duo adhibita sunt in Ecclesia duo distincta Sacramenta. Hinc olim mos erat, ut statim post Pascha lustrarent Episcopi suam Diocesim, ut baptizatos a Presbiteris & Diaconis confirmarent, ut habetur ex D. Hieronymo. Nam tunc temporis tam infantes, quam adulti hoc Sacramento donabantur, ut constet ex SS. PP. & præcipue D. Thom. q. 72. art. 8. & hic usus perduravit per plura sæcula in Ecclesia Latina, ut col-

colligitur ex Ritualibus, & adhuc perleverat in Ecclesia Græca comprobante Latina. Dubitant hic aliqui, utrum nunc etiam conveniens sit ministrari infantibus, amentibus, & morituris baptizatis nondum confirmatis.

Et de infantibus quidem dicendum est per se, & regulariter loquendo minus expedire eos in tali ætate confirmare, utpote carentes usu rationis, qui supponitur in septennio ut ex Cathechismo. Rom. 2. part. de Sacramento Confirmationis. Et usus saltem ferre in in omni Ecclesia Latina invaluit usque ad septennium differre, licet olim etiam infantibus conferri consueverit statim post Baptismum; & hanc novam consuetudinem approbavit Concil. Colonienf. l. p. 7. cap. 9. in tom. 4. Concilior. Aurelianenf. ibidem relatum de Consecrat. dist. 5. Ex hoc enim fit ut decentius, cum maiori fructu, & sine irritationis periculo suscipiatur. Nam melius est omittere Sacramenti administrationem, quam illud ei ministrare qui sine certa decentia, & fructu suscipiat. Et hæc est ratio potissima quæ movit Ecclesiam ut suspenderet infantibus ministrationem S. Eucharistiz, quæ longe utilior est Confirmatione, & ministrari antiquitus solebat, nempe quia infantes ut par est tantum Sacramentum revereri nequeunt.

Diximus regulariter loquendo; quia si iusta aliqua subit causa, expediens erit confirmari pueros ante usum rationis; puta si ob diuturnam futuri Episcopi absentiam, vel si ob aliam causam timeatur longo tempore post usum rationis differendam esse Confirmationem; præstat enim prævenire, quam supradicto periculo pueros exponere. Ita Salmat. cum aliis. Similiter conferri potest infantibus hoc Sacramentum in illis Ecclesiis ubi talis mos priorum temporum adhuc perleverat. Et pro huiusmodi casibus intelligendum est quod Pontificale Romanum supponit, nimirum interdum pueros ante usum rationis confirmari.

Inquiri hic solet, an in culpam incurretur confirmando pueros ante usum rationis, & alii censent hoc fieri non posse ob contrariam consuetudinem sine gravi peccato. Alii vero stant pro solo veniali. Alii e contra volunt posse hoc fieri absque ulla culpa sive mortali, sive veniali; quia nullum, inquit, est præceptum prohibens confirmare pueros ante usum rationis. Et consuetudo inducta, ut ante usum rationis pueri non confirmantur, inducta est non ut obligatoria, sed solum ut maxime expediens.

Sic Bonac. de Confirmat. disp. 3. q. 1. punct. 4. n. 5.

Perpetuo autem amentibus conferendum est Sacramentum Confirmationis; quia est valde utile, & nulla in eis supponi potest mala dispositio, sive impedimentum. Neque eis denegandum est, quia nunquam eius voluntatem habuerunt, nam proiis, qui carent perpetuo usu rationis sufficit voluntas Christi & Ecclesiæ; vel quia ob defectum usus rationis denegatur infantibus; nam infantibus ob talem defectum denegatur, sed potius differtur ob spem, quod habituri sint aliquando rationis usum, quæ spes perpetuo cessat in perpetuo amentibus; vel quia nunquam spiritualiter pugnaturi sunt, quia hoc est per accidens, & expedit ut illis conferatur, ut in resurrectione appareant perfecti iuxta illud ad Ephes. 4. *Donc occurrant in virum perfectum*. Sic Suarez cum Bonac. & aliis.

Si autem aliquando usum habuerint rationis, idem dicendum, dummodo non constet eos incidisse in amentiam in statu peccati mortalis. Sufficit enim interpretativa voluntas, quæ adesse censetur in quolibet Christiano erga beneficia suæ salutis, dum non constat de contraria ipsius voluntate. Sic Laymann.

Morituris denique per se loquendo conferenda est Confirmatio; quia capaces sunt recipiendi plenitudinem gratiæ, & expedit ut illis conferatur, ut maiorem consequantur gloriam, & si forte occasio non sit purgæ, hoc est per accidens. Et si sæpe contingat singulos morientes non initiari Confirmationi, hoc est per accidens, non quia non expediat eos confirmari, sed quod commode fieri nequit eo quia non vacat Episcopi tempus, ut singulos morientes adeant.

### S. XIII.

#### De Dispositionibus requisitis in suscipiente Sacramentum Confirmationis.

Hic certe non loquimur de parvulis, vel de Adultis, qui usu carent rationis, quia: in his ad hoc ut cum gratiæ fructu Confirmationem recipiant satis est quod baptizati sint, & non sint confirmati, ut communiter sentiunt DD. In adultis vero suæ requiruntur dispositiones non secus ac ad Baptismum, & quando antiquitus conferebatur. Chrismatio statim post Baptismum disponebant. Quocirca ut notat inter alios Albiñus l. 1. cap. 13. Confirmatio non confere-

Perpetuo amentibus conferri potest Confirmatio.

Morituris conferenda est Confirmatio.

crebatur iis, qui in infirmitate decumbentes baptizabantur, & Clinici dicebantur, nisi in salutem restituti in stationibus Catechumenorum elaborassent, aut saltem insignia christianæ pietatis præmiserint, ut habetur tum ex Epist. S. Cornelii in qua exprimat Novatiano quos baptizatum in lecto decumbentem sacro consignasset Chrismate; tum ex Concilio Eliberitano, quod cum cap. 45. concedat Baptismi lavacrum omnibus moribundis, statuit can. 39. manum iis non esse imponendam, nisi fuerit eorum in aliqua parte honesta vita.

Ad hoc autem ut Adultus valide hoc Sacramentum suscipiat requiritur quod sit baptizatus; cum Baptismus sit ianua, & dispositio necessaria ad valide alia Sacramenta suscipienda, & si usum habeat rationis, saltem habitalem habere debet intentionem illud suscipiendi ut dictum est de Baptismo.

Disposi-  
tiones  
Adulto-  
rum ad  
Sacra-  
mentum  
Confir-  
mationis

Ad hoc vero ut adultus licite suscipiat usum pollens rationis 1. requiritur ut sit in statu gratiæ, quia ut docet S. Thomas art. 7. sicuti Confirmatio supponit Baptismum, ita & eius effectum, ut ex ipso Confirmationis nomine clare constat; Nam hoc Sacramentum dicitur Confirmatio, quia institutum est ad confirmandum, perficiendumque quod prius invenerit. Quocirca si quis post Baptismum mortaliter peccavit, per se loquendo huic opus est ut restitatur in statu gratiæ vel per contritionem perfectam, vel per attritionem cum Confessione, cum Baptismi gratia non reparatur nisi per Pœnitentiæ Sacramentum, saltem in voto, quod sincerum non apparet in eo, qui dum copiam habet Confessarii eam negligit. In iis vero, qui in accepta Baptismi gratia permanserunt, licet salubre consilium sit, ut sacræ Confirmationi Confessionem præmittant, non tamen stricte ad hoc tenentur, cum talis obligatio nec ex rei natura, nec ex aliquo Divino vel Ecclesiastico præcepto percipi queat.

Verum quia nunc usus invaluit ut Ecclesia differat Chrismationem ad annos adolescentiæ, saltem nempe ad septenium, manifeste apparet non sufficere in animo confirmandi statum gratiæ sanctificantis ad hoc ut digne Sacramentum hoc suscipiat, sed opus est insuper ut habeat erga hoc Sacramentum promptam devotamque cordis affectionem, & ad hoc ut debitam illam venerationem devotionemque erga illud concipere valeat omnino necessarium videtur.

Primo quod Confirmandus teneat sufficientem explicitam cognitionem mysteriorum

Fidei, tum Evangelicæ legis, quæ mores christiani componendi sunt, ac præsertim sit sacris instructus circa ea omnia quæ spectant ad Baptismum, & Confirmationem: quia cum fidelis per hoc Sacramentum perficiatur in christianam Religionem, ut implere valeat ea quæ in Baptismo professus est, ac organum efficiatur Spiritus Sancti a quo accepit plenitudinem gratiæ ad multiplices eius operationes, si ea ignoraverit non certe haberi potest dispositus ad illa peragenda, ac paratus.

Secundo quod per exactum christianæ vitæ cursum servaverit iniciandus ea quæ professus est in Baptismate, ita ut si ad ea quæ abrenunciaverat in Baptismate se redire cognoſcat, lacrimis, ac aliis Pœnitentiæ officiis eluere studeat; alias non sincere, sed fidei protestaretur accedendo ad hoc Sacramentum velle se confirmare sœdus initum cum Christo in Baptismate, quia cum tali prava dispositione implicite saltem non intenderet illud servare, ac renovare; Nam Confirmatio est nova solemnis professio eorum, quæ promissa fuere in Baptismo: idcirco confirmandus intus gerere debet, quod exterius proficitur.

Tertio quod per aliquot dies ad exemplum Apostolorum dum accepturi erant Spiritum Sanctum, perseveret in orationibus, aliisque christianæ pietatis exercitationibus; cum per Sacramentum Confirmationis idem præstetur fidelibus in Ecclesia quod Apostolis in die Pentecostes; hinc similis exigitur in confirmandis præparatio, ut ita quisque pro modulo suo vitalis Sacramenti induatur virtute ex alto.

Advertant igitur sacri Pastores, ut huiusmodi dispositionis exigentiam edoceant suum populum, ut sciant confirmandi quomodo parare se debeant ad tam insigne Spiritus Sancti donum, & quomodo postea se gerere debeant, ut suas obligationes servent, ac perficiant. Quocirca cum ea quæ raro audiunt non facile percipiantur, & si etiam ab aliquibus percipiuntur facilitatem sit, ut ea obliviscantur; hinc sæpe instruere debent populum sibi commissum, & de magnitudine divini beneficii quod in hoc confertur Sacramento, & de obligationibus, quæ in hoc, & in baptismo contrahunt fideles.

#### S. XIV.

De effectibus Sacramenti Confirmationis.

Si de Confirmationis effectibus audiamus No-

Novatores, cum alium effectum volunt in primordiis Ecclesie ex Sacramento Confirmationis recepisse illorum temporum fideles, quam gratias gratis datas, seu charismata Spiritus Sancti; donum videlicet linguarum, vel prophetie, vel quidam aliud huiusce generis mirabile, atque exterius sese manifestans; unde primævis illis temporibus Christiana Religio adhuc recens in faciem sæculi commendaretur, ac proinde post illa priora tempora, quando iam amplius necessaria non erant ea insignia dona ad fidem confirmandam, & primordia Ecclesie dilatanda, ac stabilienda, Confirmationem nihil aliud fuisse quam catechesim, in qua Christiani fidei suæ rationem reddebant coram Ecclesia. Hinc nos irridet quod Sacramento Confirmationis virtutem gratiæ sanctificantis conferendæ tribuamus, contententes nostram Confirmationem meram esse, eamque plane otiosam, omnisque effectus spiritualis vacuum cæremotiam, imo iniuriosam Baptismo, ac contumeliosam, utpote quæ detrahat illius virtuti, quasi gratia baptismalis ex se perfecta non foret, ut per Confirmationem consumari indigeat, ac perfici, cum baptizatus, aiunt illi, aptus esse valeat ad fidem suam defendendam, ac profitendam.

Verum Novatorum error facile tum ex Scriptura, tum ex ratione refellitur. Primo siquidem, quia etiam primævi fideles receperunt Spiritum Sanctum per manuum impositionem ad eum effectum, ad quem antea per Christum fuerat promissum, nempe non tantum ad donum linguarum &c. sed præcipue ad fortitudinem & robur, quo invicti essent, & persisterent in fidei confessione, in pietate, ut Lucæ ultimo; *Ego mitto promissum Patris mei in vos, vos autem sedete in civitate donec induamini virtute ex alto*; & Act. 1. *Accipietis virtutem supervenientis Spiritus Sancti in vos*. Spiritus enim Sanctus sicuti promissus fuerat, ita datus est fidelibus; idest ad virtutem fortitudinis, & roboris, & promissio huius effectus facta fuit non solis Apostolis, sed fidelibus omnibus, ut probat Act. 2. ex loeis vaticinii D. Petrus, nimirum quod per Ioelam promiserat Deus se effusurum Spiritum Sanctum super omnem carnem. Hinc solliciti erant Apostoli, ut baptizatis subito manus imponerentur ad accipiendum Spiritum Sanctum, ut patet Act. 2. ubi legitur quod ad hunc finem præcipui Apostolorum, Petrus scilicet, & Ioannes Hierosolymis mittuntur ad Samaritanos; nec de hoc solliciti erant ut

fideles donum linguarum, aut aliud simile recipere, utpote ex his quæ dantur ad aliorum utilitatem non eius proprie cui datur, sed ut gratiam reciperent sanctificantem, & fortitudinem ad utilitatem, & profectum recipientium.

Secundo omnes baptizati indiscriminatim per Apostolorum manus impositionem recipiebant Spiritum Sanctum, nec omnes donum linguarum, & prophetiæ, vel miraculorum.

Tandem D. Paulus annumerat impositionem manuum Pœnitentiæ, Baptismo, resurrectioni mortuorum, & aliis, quæ tanquam elementa fidei Christianæ præscribuntur, vel traduntur rudibus. Igitur manus impositio non pertinet ad gratiam miraculorum, utpote quæ ne quidem adsit omnibus, qui in fide sensum habent. Præterquamquod donum linguarum temporarium fuit in Ecclesia, nempe donec tantum fuisset necessarium ad Ecclesiam propagandam; Spiritum vero Sanctum promisit Christus permanens perpetuo in Ecclesia; *Qui maneat vobiscum in æternam*. Eftius Confirmatio igitur confert, & gratiam sanctificantem, quæ datur in aliis quoque Sacramentis, & gratiam roboris & fortitudinis. Et circa gratiam sanctificantem.

Cum Sacramentum Confirmationis eorum sit, quæ dicuntur vivorum, quæ nempe supponunt hominem divinæ gratiæ viventem; hinc per se non habet conferre primam gratiam, sed secundam, idest eius augmentum. Ideo enim dicitur Confirmatio, & perfectio, quia baptizatum confirmat, & perficit in gratia per Baptismum accepta, ac proinde primam gratiam supponit.

Dixi *per se*; quia si quis adultus in peccato existens (ait S. Thom. 3. part. q. 72. art. 7. ad 2.) *cuius conscientiam non habet, vel etiam non perfecte contritus accedat... per gratiam collatam in hoc Sacramento consequeretur remissionem peccatorum*.

Secundo præter gratiam sanctificantem aliis etiam Sacramentis communem, alteram etiam parit Confirmatio in suscipiente, & est effectus sibi præcipuus, nempe gratiam plenitudinis Spiritus Sancti ad spirituale robur, qua per Spiritum Sanctum confirmatus fidelis persistat in pietate, & impugnantibus resistat. Quocirca apud veteres passim legimus perfectionem, consumationem, augmentum, robur, constantiam, fortitudinem tribui tanquam proprios effectus huic Sacramento, ut docent S. Dionisius *Eccles. Hierarch.* cap. 4. p. 3. Clemens 1. 3. *Constitut.*

Apo-



*Apostolic. cap. 17. Tertull. l. de Resurrex. carnis, & alii. Et hanc plenitudinis Spiritus Sancti gratiam, quæ ad spirituale robur confertur in hoc Sacramento explicat D. Thomas in sæpe laudata q. 72. & præcipue art. 2. & 3. exemplo hominis, qui infantie terminos excessit: Homo autem (inquit) cum ad perfectam ætatem pervenerit incipit iam communicare actiones suas ad alios: antea vero quasi singulariter sibi ipsi vivit. Sic in Baptismo accipit potestatem agendi ea, quæ pertinent ad propriam salutem, in Confirmatione vero roboratur ad pugnam spirituales contra hostes christiani nominis, non solum invisibilibus, quibus etiam baptizatus resistit, sed & visibilibus, ut mundo, torporibus, illecebris, & derisionibus, ac publice fidem verbis, & operibus profiteretur.*

Fortitudo igitur, quam hoc Sacramentum impartitur roborat quidem præcipue, & directe contra visibiles hostes fidei, ac Religionis; quia talem virtutem promissit Christus Apostolis Act. 1. ut patet ex his verbis; *Et eritis mihi testes in Iudæa &c.* Sed munit etiam, roborat, & instruit hoc Sacramentum generaliter, & indirecte fideles etiam adversus hostes invisibiles, & alia quæcumque mala pietati adversantia. Nam hæc fortitudo non est sine charitate: *Charitas autem secundum Apostolum, patiens est, benigna est, atque inter cætera, quæ ei adscribuntur virtutum opera, omnia suffert, omnia sustinet:* est enim connexio virtutum omnium in charitate, sed tamen eo magis tribuitur huic Sacramento robur adversus omnia, quæ pietatem impugnant, quam actiones aliarum virtutum. Nemo igitur ex confirmatis dicat; *quia infirmus sum;* Donum enim quod in hoc Sacramento accipit maius omnibus est. Apostoli in figura linguæ repleti sunt Spiritu Sancto, ut fidei DD. alii vero fideles in olei symbolo, quod fortitudinem designat tanquam operadores eorum, quæ pertinent ad ædificationem fidelium, Sic S. Thom. 3. p. q. 72. art. 2. ad 1.

Plenitudo vero, quæ per Confirmationem ad robur confertur consistit in uberiori gratia sanctificante, non quidem præcise sumpta utpotequæ communis sit omnibus Sacramentis, plenitudo vero illa sit effectus proprius Confirmationis; sed in gratia sanctificante ordinata ad illas actiones difficiliore, seu ad spirituales pugnam contra mundanum timorem. Unde plenitudo illa duo includit, uberiorem nempe gratiam sanctificantem, & auxilia merito huius Sacramenti suo tempo-

re recipienda, idest quandotentatio ingratæ. Huiusmodi autem auxilia consistunt in sanctis cogitationibus, piisque affectionibus, quibus tanto ita incendimur fervore erga divina, ut mundana omnia, persecutiones videlicet, iras, illecebrasque strenue, & alacriter spernamus.

Nota 1. quod Robur spirituale deperditur a Confirmato si incidat in mortale peccatum, quo gratia sanctificans in qua robur fundatur, ab ipsius animo expellitur.

Nota 2. Robur spirituale non tribui adæquate dum suscipitur Sacramentum; nam exurgit partim ex auxiliis actualibus, quæ confirmato Deus confert quando recurrit certaminis occasio. Unde opus est vigilantia, ut prompta illa adsint auxilia; gratia enim non venit obviam desidiosus, & pigritantibus.

Alter effectus Confirmationis est Character, de quo iam satis dictum fuit. damageremus de Sacramentis in genere. Datur enim hoc Sacramentum per modum consecrationis, quæ natura sua irritationem non admittit. Confertur Confirmatio per modum consecrationis; quia consecrat fidelem tanquam Christi militem: Insignitur signo crucis, sicut miles signo Ducis, ait S. Thom. in supra laudata questione 72. art. 9. Et ex hoc quod in Confirmatione signatur Fidelis ut Christi miles, Character huius Sacramenti differt specie a Characterè Sacramenti Baptismi; quia in Baptismo signantur homines veluti Cives, unde Character Baptismi se habet sicuti character Civitatis, & Character Confirmationis sicuti character militiæ, ac proinde specie differunt.

## S. XV.

### De necessitate Sacramenti Confirmationis.

Gravis versatur inter Theologos controversia de necessitate huius Sacramenti, nec utrique parti sua desunt momenta. Quidquid tamen sit, certum est quod facilius, clariorque ex SS. PP. traditione, & ex veteribus Theologis apparet, Confirmationem non modo utilem esse, verum etiam quando illius copia haberi possit necessariam.

Necessitas vero huius Sacramenti considerari potest vel relative ad eius effectus, vel relative ad fideles, qui illud suscipere debeant. Respectu primi stat difficultas utrum Confirmatio ita necessaria sit, ut suppleri nequeat per vestalem unctionem, quæ fit in Baptismo. Pugnatur pro hac sententia Daltæus l. 3. de Confirmat. cap. 14. ubi ut probet au-

Dup-  
ratio  
qua  
cessa  
confi  
rari  
est C  
firma

89-

hæres sæculi noni. non agnovisse aliam distinctionem inter Confirmationem & Baptismum, constanter affirmat, eos tradere hoc Confirmationis Sacramentum in casu necessitatis suppleri posse per unctionem verticalem, quæ fit in Baptismi collatione. Imo non desunt inter Recentiores, qui putant cum Symundo, unctionem confirmatoriam aliquando prætermittam fuisse, quia hæc censuerunt non necessariam, eo quod hoc beneficium impletum sperit in verticali unctione in Baptismo; ita ut hæc aliquando vicem gesserit huius Sacramenti; contra quos fit.

Sacramentum Confirmationis ita necessarium est ad gratiam consequendam, ut verticalis unctio collata in Baptismo nequaquam supplere valeat effectum gratiæ huius Sacramenti. Nam gratia quæ confertur in Confirmatione perficit baptizatum interius ex opere operato; Chrismatio vero verticalis solum exterius quoad signum quo exterius apparet adscriptio baptizati militiæ christianæ; & si perficiat aditum etiam interius, hoc tamen efficit ex opere operantis tantummodo, & ut est quodam Confirmationis votum. Conferre enim gratiam quæ homo interius perficiatur ex opere operato, non potest convenire nisi Sacramento a Christo Domino instituto, ut est Confirmatio, non vero puræ ceremoniæ, cuiusmodi est chrismatio verticalis, quæ fit in Baptismo, quam Ecclesia instituit eo fine, ut fideles, qui ab Episcopo non possunt consignari, exterius uncti appareant seu christiani, cum Christus, a quo christianum nomen derivatur, sic dicatur ab unctione.

Unde & sic chrismatio verticalis quoad talem exteriorem effectum tantum vices supplet Sacramenti Confirmationis. Roborat etiam quoad Ecclesiæ preces, & suffragia, quæ Deus exaudit in hac unctione, & sic interius ex opere solum operantis. Adde eandem Confirmationem dare Spiritum Sanctum ratione Baptismatis, cuius est appendix, & ad ritum illius pertinens, sed per se, & in ratione signi efficax non est, utpotequæ non sit Sacramentum, sed quid Sacramentale.

Et hoc confirmatur ex perpetuo usu Ecclesiæ, quæ semper & unctionem dedit infantibus in vertice per ipsam baptizantem etiam simplicem Sacerdotem, & postea Confirmationem per Episcopum, nec unquam baptizatum sine tali Episcopi chrismatione illum confirmatum censuit. Hic autem usus constat tum ex Sanctis Patribus qui utriusque distinctam mentionem faciunt, tum ex

omnibus Libris, Ritualibus, & Pontificalibus, in quibus uterque ritus describitur, & modus plane utriusque diversus, ac diversa forma eas ministrandi. Verticalis unctionis locuti sunt Damasus in vita S. Sylvestri, Innocent. I. epist. 1. S. Ambros. l. 3. de Sacrament. cap. 1. S. Gregorius in Sacramentario, Ordo Romanus, & alii. Similiter vero iidem SS. PP. ostendunt, ac demonstrant efficaciam, ac necessitatem Sacramenti Confirmationis ad consequendam gratiam roboris, ac fortitudinis, ut apparet manifeste ex eorum documentis supra relatis. Igitur non putant, quod unctio verticalis, quæ in Baptismo confertur, supplere valeat chrismationem Sacramenti Confirmationis. Quod vero valet, ac probat supra omne aliud argumentum, quod excogitari valeat in huius sententiæ confirmationem, est ratio ipsa, & institutio chrismationis in Baptismo, quæ est mera ceremonia de solo iure ecclesiastico, seu humano; quando ex opposito Confirmatio nostra est Sacramentum de iure divino, utpotequæ auctorem habeat Christum Dominum: quissimam quæstio sibi persuadere poterit æqualem vim inesse in pura Ecclesiastica cerimonia, ac in Sacramento a divino auctore, seu a Christo Domino instituto? Necessaria est igitur Confirmationis ratione proprii effectus, qui per verticalem in Baptismo unctionem suppleri nequeat.

Necessaria est pariter Confirmatio respectu fidelium, ut inter alios, qui ita iam loquuntur, testatur S. Cyprianus epist. 70. *Ungi quoque necesse est eum, qui baptizatus est, ut accepto Chrismate esse unctus Dei, & habere in se gratiam Dei possit.* Sic docet etiam Concil. Parisiens. VI. c. 38.

Et ratio ipsa, qua utitur D. Thom. hanc ostendit necessitatem; ut homo videlicet per Confirmationem ad perfectam vitæ christianæ ætatem perducatur. Etenim sicuti natura ostendit, ut quicumque oritur adolescat, atque ad perfectam perveniat ætatem, sic qui natus est in Christo, eniti debet ad perfectionem illius divini status in Baptismo inchoati. Du-Hamel.

Certum tamen est Confirmationis Sacramentum non esse necessarium absolute, seu ut aiunt Theologi, *necessitate mediæ*, cum sine Confirmatione per Baptismum, & in re lapsis per Pœnitentiam æterna salus consequi possit; cum Baptismus, & Pœnitentia per se valeant liberare hominem a peccato, iniustitiam donare, filium Dei, & hæredem regni cælestis constituere; unde qui in huiusmodi

di statu ex hac vita discedit, licet non munus signaculo Confirmationis, non potest fraudari premio iustitiæ, & promissa hereditate. Unde apertissime patet discrimen inter Baptismum, & Confirmationem quoad necessitatem; Baptismus enim absolute necessarius est ratione proprii effectus, cum nemo nisi renatus salutem consequi possit, sicuti etiam nemo ex relapsis post Baptismum sine Sacramento reconciliationis. Non ita vero Confirmatio, cum & fortes, & infirmi per veram iustitiam salutem æternam obtineant.

Quoad aliam vero necessitatem quæ est præcepti; certum est quod de iure Ecclesiastico est necessaria Confirmatio omnibus, qui assumuntur in Clerum: & secundum plurimorum sententiam obligat hoc præceptum sub gravi, ut mortalis peccati saltem periculum incurreret, qui ad suscipiendos Ordines prudens, & sciens non confirmatus accederet.

Universim vero Adulci omnes ex præcepto iuris divini, & ecclesiastici necesse est ut Confirmationem suscipiant.

Et de necessitate præcepti iuris divini licet hoc expresse non habeatur in divinis Scripturis, ex iis tamen facile deducitur. Nam verba illa Christi Domini Luc. 24. *Sedete hic donec induamini virtute ex alto;* & Actor. 1. *Præcepit eis ab Ierosolymis ne discederent, sed expectarent promissum Patris* non solum Apostoli, sed & cæteri fideles quasi sibi dicta intelligentes, omnes eis paruerunt, ut constat ex eodem Actorum capite. Deinde sollicitudo quam habuerunt Apostoli Act. 8. & 10. ne quisquam ex baptizatis hoc careret subsidio, denotat præceptum divinum illud conferendi, & suscipiendi, cum hæc duo sint correlativa. Itidem naturalis ratio postulat ut fideles plenitudinem gratiæ consequantur & omnes consulant securitati propriæ, & saluti, unde opus est, ut iis præsidii instruantur quibus contra christiani nominis hostes decertemus, & plenitudine Spiritus Sancti animati spirituales nequitias superemus. Nobis enim pugnandum est contra carnis, & mundi illecebras, & adversus inferni potestates; robore igitur nobis opus est, & viribus quas beneficio huius Sacramenti consequimur; ac pessime nobis consultum volumus, si oblatum illud negligimus, si arma illa respuimus, quibus visibiles, & invisibiles hostes debellentur.

Confirmat etiam veritatem de divino præcepto Confirmationis illa regula S. Augusti-

ni; *quod ab omnibus fuit semper observatum; nec in aliquo interitur Concilio constitutum, illud ab Apostolis traditum censei debet*: semper autem in Ecclesia fuit observatum, ut fideles post Baptismum per Sacramentum Confirmationis perficerentur; igitur ex divino Christi præcepto per Apostolos tradito necesse est, ut Sacramentum Confirmationis suscipiamus, utpote quod institutum sit a Christo Domino tamquam medium, sine quo vix staret infirmitas humana inter tot mundi pericula, & tentationes.

Unde fideles, qui etiam extra tempus persecutionis negligunt se hoc Sacramento muniri & perfici, non eximuntur a mortali culpa; cum sicuti, ut iam demonstravimus, institutum sit hoc Sacramentum non solum ut fideles intrepide coram Tyrandis, vel Hereticis fidem profiteantur, sed etiam ut vis eis subministraretur, qua preestentur ingruentes tentationes contra fidem, & etiam contra pietatem: hinc Ecclesia semper sollicita fuit etiam quando non amplius sæviebant persecutiones, fideles confirmare statim post Baptismum, qui mos perseveravit in Ecclesia Latina per mille annos, & in Græca hætenus perseverat; & poenis multavit, qui Confirmationem prætermiserunt, ut ait S. Carolus in IV. Concilio Mediolanensi memorando canones Concilii Vormaciensis, quod contra negligentes ita habet: *Si quis vero neglexerit, canonis subiaceat disciplinis*. Et ita statuit Concilium Rhemense anno 1583. in quo sic habetur; *Quamvis unusquisque per Baptismum Catalogo fidelium sit adscriptus; ad Diaboli tamen, carnis, mundique tentationes perferendas, ac superandas, moniti per impositionem manuum Episcopi plus roboris, & gratiæ recipit. Moneant ergo Parochi, & verbi Dei Pastores, Sacramentum Confirmationis non debere negligi vel prætermitti a vere Christianis*. Igitur cum reus sit peccati qui contemnit, aut negligit. Sacramentum aliquod, cuius virtute indiget, non eximuntur a gravi culpa Neophyti, qui dum eis offertur opportuna occasio Sacramenti Confirmationis recipiendi, cuius virtute & auxilio indigent ad illecebras, tentationesque invisibilium hostium christianæ pietatis vincendas, suscipere negligant, seu potius contemnant, nisi formaliter saltem virtualiter, & interpretative, ut vidimus ex Concilio Senonensi antea relato. Contemni autem dicitur, quando Episcopus est præsens paratus dare, & persona hoc sciens negligit,

Confirmatio necessaria est necessitate præcepti iuris divini.

Non eximitur a mortali culpa qui Sacramentum Confirmationis negligit.

git, aut despiciat suscipere. Iuvenia. de Sacramento.

Nec valet dicere cum Eftio, Ecclesiam non curare ut adulti in extremo vitæ periculo confirmantur, quamvis dum sani essent, confirmati non fuerint: nam Ecclesia supponit, neminem expectare ultimum vitæ terminum, ut confirmetur. Et hoc colligitur tum ex Ecclesiæ cura, & sollicitudine ne quis sine Confirmatione extremum clauderet diem, tum ex Scriptoribus variis, qui docuerunt, saltem periculum iis imminere, qui ex hac vita non confirmati migrarent.

Dices: si adulti iure divino, ut demonstratum est ex Scripturis, Confirmationem recipere teneantur, animam agentes, id est in vitæ extremis, teneantur non confirmati votum habere huius Sacramenti, quod falsum videtur, quia mos non est morituros ad hoc votum sollicitare.

Resp. in morituris, de quibus agitur, vere non requiri votum explicitum Confirmationis, cum non sit hoc Sacramentum ex iis, quæ necessaria sunt necessitate mediis; sed satis est, ut habeant votum implicitum, quod in eo consistit, ut fidelis optet, & paratus sit ea omnia ante mortem recipere, quæ ex institutione & mandato Christi recipienda sunt. Eodem modo ratiocinantur Theologi de pluribus aliis præceptis affirmativis, ad quorum observationem fideles implicate paratos esse oportet. Iuvenin. de Sacram. Hab. aliive.

Altera pars vero, nimirum Confirmationem necessariam esse etiam ex præcepto Ecclesiastico, patet iam ex multis legibus Ecclesiasticis tum Pontificum, tum Conciliorum, quibus urgentur fideles ad observantiam huius præcepti, ut præcipue in Concil. Sennonensi celebrato anno 1524. in quo ita habetur: *Confirmatio fortiorē reddit ad resistendum tentationibus, promptiorem ad Deo servandum, & Dei præcepta implenda, in fidei confessione constantiorem efficit; quam omnes christiani tam viri, quam mulieres, usum rationis habentes obligantur suscipere, aut saltem non contemnere, contemni autem dicitur quando Episcopus est præsens paratus dare, & persona hoc sciens negligat, aut contemnit; sicuti antea notavimus.* Porro sicuti Confirmatio præmittenda est Ordini, sic non adest ullum præceptum quod debeat præcedere professioni Religiosæ, ut potius non habeat illam connexionem cum Confirmatione quam habet Ordo: expedit quidem id fieri.

Instit. Theol. Moral. Tom. IV.

## APPENDIX

### De caeremoniis Sacramenti Confirmationis.

**I**N Sacramento Confirmationis administrando præter consecrationem Chrismatis, aliosque essentielles ritus, alii quoque accidentales servantur; & sicuti in Baptismo, in Confirmatione quoque aliæ sunt caeremoniæ, quæ præcedunt, aliæ quæ comitantur, aliæ quæ sequuntur collationem Sacramenti.

#### §. I.

##### De caeremoniis Confirmationem antecedentibus.

In primis ex antiqua Ecclesiæ praxi etiam in Confirmatione adhibendi sunt patrinæ seu susceutores; & comprobatur ex cap. in Catechismo quod tribuitur Hyginio, & Theodorus protulit sæculo 7. in Pœnitentiali q. 4. Item ex cap. non plures deprompto ex Walfrido Strabone; & ex aliis, quæ collegit Gratianus de consecrat. dist. 4. Et rationem reddit huius caeremoniæ S. Th. 3. p. q. 79. art. 10. in corpore, nempe quia recenter baptizati habere debent a quibus erudiantur in pugna spirituali, iuxta morem militiæ temporalis, cui electi instruendi sunt a veteranis, & diuturno usu in militari exercitatus. Non desunt qui censent cum Landulpho Cartusiano p. 1. vite Christi cap. 24. compatrum originem repetendam esse ab ipsis Apostolis, quorum senior Andreas Petrum fratrem suum ad Dominum adduxit.

Patrini seu susceutores in Confirmatione debent esse non solum baptizati, sed etiam confirmati, ita ut si quis non confirmatus alium susceperet, peccaret quidem graviter, sed afferunt communiter Doctores, quod contraheret cognitionem spirituales, ut habetur in Sylvest. Soto, Sylvio & aliis, quia ratione baptismatis capax esset eiusdem cognitionis spiritualis. Susceutores in Confirmatione nequeunt esse pater, mater, vitricius & noverca, cum hoc vetitum sit a Concil. Londinensi sub Innoc. III. anno 1200. can. III. & cap. in Baptismate, & alibi, etiam propter spirituales cognitionem, quam cum confirmando & illius patre ac matre aliquin contraherent. Et S. Carolus in suo Concil. Mediolan. V. statuit ne forinvis mares, & e contra ne maribus foeminae vicem Patrumingerentur, nec senioribus adolescentibus, cum minime hoc propter ætatem con-

Patrini  
adhiben-  
di in  
Confir-  
matione.

L

ve-

veniat, nisi tamen aliter necessitas postulet. Et Concilium Parisiense anno 829. declaravit incapaces ut essent patrini, publicos penitentes; Monachorum, Abbatum, & Monialium eadem videtur esse ratio, quæ in Baptismo, in quo susceptores esse non possunt, ex Concil. Antisiodorensi cap. 25. quod refertur de consecrat. dist. 4. c. non licet. Presbyteri & clerici cum olim adhiberentur in Baptismo, ac nunc etiam variis in locis adhibeantur, sic adhiberi possunt in Confirmatione. Standum tamen est praxi cuiuslibet Ecclesiæ. Eadem persona potest esse patrinus eodem tempore duobus vel tribus.

Patrini baptizatum iam membrum factum Ecclesiæ, nondum tamen Christianæ militiæ adscriptum, Episcopo tamquam duci exercitus adscribendum offerunt, spondentes strenue militaturum, ut ex D. Th. art. 10. Patrini infantes in brachiis tenere debent; si vero confirmantur adulti, ponunt pedem tuum super pedem patrini, quod sit non sine mysterii significatione. Hoc non solum præcipit Pontificale Romanum, verum etiam Gregorius Magnus in suo Sacramentario tom. 3. pag. 73. & antiquus Ordo Romanus. Inre igitur merito S. Carolus in Concil. Mediol. V. ritum hunc antiquum appellavit. Patrini tenentur sicuti est comparum, confirmatum, monere, instruere, eique tamquam Dux præesse in spiritali certamine, & probatæ vitæ exemplo præire. Hinc S. Carolus exigit ut Patrini sint ætatis saltem quatuordecim annorum, cum ante hanc ætatem non censentur apti ad alios instruendos: quare statuit Concil. Mediolan. V. quod tam confirmandus, quam susceptores, seu Patrini tenere debeant memoria Orationem Dominicam, salutationem Angelicam, & Symboleum Apostolorum. Hæc omnia recitent coram Episcopo,

Patrini etiam Confirmationis contrahunt cognationem spirituales, sicuti ab iisdem contrahitur in Baptismo, ut constat ex Trident. Concil. sess. 24. cap. 2. de Reform. Statuit S. Petrus Celestinus Sæculo 13. ut unus tantum vir, & una femina sint Patrinus, vel Matrinx, cum cæteris in Baptismo plusquam unus concedatur.

Concilia antea laudata Aquense, & Mediolanen. l. ann. 565. prohibuere ne susceptores, sive susceptis sive eorum parentibus quicquam, vel minimum largirentur, ne viderentur spiritalia munera largitionibus officii capere.

De præparatio. ne ceter.

Præiunctum Chrismate ungatur frons Confirmandi, ex Maicrum nostrorum instituto,

curandum est, ut frons nixida, & munda fiat, abluatur caput, & tondantur capilli, ut habetur in Synodis Meldensi an. 1570. Mediolanen. 1581. quæ pariter iussere ut secum deferrentur Chrismandi vittam, seu fasciolam ex tela lineæ, nova, munda, latam tribus digitis ad circumligandas eorum frontes postquam uncti fuissent sacro Chrismate; quæ sic ligatur, ac tectæ manebant, donec Chrisma exficaretur, aut extingeretur, tanta reverentia semper habita fuit erga hoc sacrum, & sacramentale oleum. Et antiquus mos erat deferendi hanc fasciolam septem diebus, seu per totam octavam Pentecostes obteverentiam sacri Chrismatis, ne aliquid de ipso perderetur. Unde valde antiquus est hic ritus vittarum: De hoc enim non solum habetur in Pontificali Egeberti Archiepiscopi Iorchi, qui vivebat circa medietatem sæculi 8. & in Pontificali Romano, sed & in Conciliis Vigoriense anno 1240. ac Coloniese anno 1280. Non defuerunt, qui assignarent suas mysticas rationes huiusmodi ritus, & præcipue quoad tempus, quo deferabantur, nempe deferendas esse septem diebus ad significanda septem dona Spiritus Sancti. Sed hæc ratio nullius est momenti, dum circa initium sæculi 13. hoc tempus abbreviatum fuit ad tres dies, ut fecere laudata Concilia Vigoriense, Coloniense, & Beneventanum anno 1374. ac Trecense 1400. Carnotense reduxit anno 1526. ad spatium 24. horarum; Synodus tandem Lugdunen. statuit anno 1542. statim frontem astringendam esse, sed abstinendum per septem dies a capitis ablutione. Sic paulatim immutatus fuit hic ritus, Et æquidem nunc statim post unctionem abstergitur frons Chrismate gossipio, iuxta Decretum Concil. Mediolan. V. Bituricensis, ac aliorum. Synodus laudata Bituricensis statuit, ut fasciola cremetur, & cineres servantur in primam diem quadragesimæ: ac quædam perantiqua statuta, ut ex P. Marteneo in suo Thezauro Anecdor. 4. pag. 162. præcipiunt ut Chrismatum cineres sepebantur sub aram in Ecclesia vel atrio; ædem enim Fasciolas minime converti poterant in profanum usum; & si in usum Ecclesiæ converti velent, prius abluendæ sunt sale, & aqua; & aqua in sacrarium versanda est. Quod etiam servandum quando fasciolas confirmatorum levantur ac frontes Confirmatorum lavantur. Quando conferebatur Confirmatio statim post baptismum, confirmandus solitus erat indui veste candida antequam Episcopo presentaretur. Ita liber Sacramentorum S. Gregorii

gorii Magni, & Ordo Romanus. In Rituali tamen Severi Patriarchæ sublequebatur unctionem; forte quia secundum ritus ibi præscriptos Sacerdos non solum frontem, nares, manus, & pedes Neophyti ungebat, sed & omnia membra; quod fieri non potuisset, si ante Confirmationem Neophytus vestem albam induisset. Ex quo autem confirmationis susceptio dilata est ad aliud tempus a tempore baptismatis; non alia vestium ratio habita est, nisi ut essent mundæ ac honestæ.

## §. II.

*De Cæremoniis, quæ Confirmationem comitantur.*

Circa cæremonias Confirmationem comitantes, quinque præcipue attendi possunt, tempus scilicet, quo sacramentum hoc conferri solet, locus, ordo, situs, alapa, quæ datur ab Episcopo, pax, & præcatio super confirmandos. Olim tempus Confirmationis idem erat, ac baptismi, quia hunc proxime sequebatur. Baptismus solemnissimus in primordiis Ecclesiæ, quolibet tempore, etiam periculum conveniens censebatur. Postea duos dies solemnes, Paschatis, videlicet & Pentecostes sabbatum statuti & consecrati sunt. His autem in nonnullis Provinciis additi sunt dies Epiphaniæ, aut Natalis Domini, quæ tamen intelligenda sunt extra casum necessitatis. Verum ex quo hæc duo Sacramenta seiunctim administrari cœperunt, Confirmatio collata fuit, frequentius feriis Pentecostes, & quatuor temporum, & quando id fieri possit hora tertia, cum in hac hora Spiritus Sanctus illapsus sit in Apostolos. Sic statuit Concil. Mediol. V. sub S. Carolo.

Locus erat ab initio ubique, postea vero in templis, & ante separationem Baptismatis a Confirmatione in Ecclesia Cathedrali, a qua baptisterium non longe erat; sed post separationem administrationis horum duorum Sacramentorum, collatio Confirmationis fieri cœpit etiam in Ecclesiis Pagorum, & Villarum, ut ex S. P. Hieronymo habemus in suo Dialogo contra *Luciferianos*. In casu necessitatis conferri potest etiam in ipso ægroti cubiculo, ut constat ex auctore libri *de divinis officiis*. Quoad ordinem & situm, statuit Ordo Romanus & laudatum Concilium Mediolanense, V. ordinavit, ut mares in Ecclesia a parte una, feminae sint ab altera parte, & sic seiunctim distincti, genibus flexis, ante pectus manibus iunctis, ordine pio & religioso orent, in primisque ab

omni strepitu, vociferatione, inani confabulatione caveant; ac silentio sancto utantur; & quod veteris ritus est, primo mares, deinde feminae confirmentur, nisi aliquando Episcopus aliter fieri censuerit. Frons cruce signetur, ut Confirmatus, (inquit S. Thom. 3. p. q. 7. art. 9.) in manifesto demonstret se esse Christianum, sicuti Apostoli post acceptum Spiritum sanctum se manifestaverunt, qui prius in cœnaculo latgebant. Crux vero chrismate producitur, quia ex S. Bernardo serm. 1. *de dedicat.* nec est sine cruce sequi Christum, & sine unctione crucis asperitatem quis ferre posset?.. Vere crux nostræ inuncta est, & ut ita dicam amaritudo nostræ dulcissima.

Græci, ut ex Euchologio pag. 360. confueverunt ungere in fronte, oculis, naribus, ore, & duabus auribus. Pectus addit S. Cyrillus *Catechesi* 3. pag. 326. quædam Euchologia addunt unctionem manuum ac pedum, ut habetur apud Ilacium Habertum in Pontificali Græcorum pag. 108. sed veteres unctionem hanc omittebant, ut testatur lib. 1. *Concordiæ* Arcudius; & confirmat Goarius ex mss. Ferratensi ex Barberino ex præcitata Cyrilli Alexandrini Catechesi. Pontifex peracta sacra chrismatione leviter impingit alapam confirmato. Quo tempore autem hic ritus cœperit, ignorant Doctores, quia non legitur apud veteres. Qua vero intentione inductus sit hic ritus non conveniunt theologi. Putant aliqui, ut facilius confirmatus recorderetur se Sacramentum hoc recepisse. Secundum vero Catechismum Romanum, & alios communiter, ait Habertus, ut admoneatur, paratum se esse debere ad iniurias contumeliasque pro Christi nomine, eiusque Evangelio deinceps perferendas. Aliqui vero suspicantur per hanc cæremoniam designari osculum, quo Christiani in Synaxi mutuam charitatem designare solebant. Superiores siquidem erga inferiores suam benevolentiam, amica manus attestatione ut plurimum testantur. Sic laudatus Habertus: unde & Episcopus dando alapam, subdit: *Pax tibi*.

Pacem igitur dat Episcopus confirmato, & orationem fundit, utriusque quarum meminit Ordo Romanus, & auctor libri *de divinis officiis* cap. de Sabbato sancto, & Amalarius lib. 1. cap. 27. Unde sunt ritus antiqui. Verba hæc, inquit Catechismus Romanus, instituta sunt, ut cognoscat confirmatus se gratiæ cœlestis plenitudinem & pacem, quæ exuperat omnem sensum consecutum esse; Vitalle, Tournely.

## §. III.

*De Cæremoniis subsequentibus Confirmationem.*

Cœremonia Confirmationem subsequentes duæ præcipue sunt : una est vitæ lineæ appositio, seu circumligatio frontis chrismati lineæ vitæ seu fasciola, & ne chrisma defluat, & ut significetur sedulo ac attente servandam esse acceptam gratiam in hoc Sacramento acceptam, sicuti præcipiunt ordo Romanus, Concilia Trecentæ anno 1400. Senonense 1524. Altera est depositio vitæ. Usus harum vittarum talis erat ut in arbitrio Episcopi esset dispensare. Nunc fere ubique frons statim abstergitur. Elapso igitur tempore constituto confirmatus veniebat ad Ecclesiam, cui vitta lineæ tollebatur a Sacerdote, sicuti iam antea notavimus, frons eius lavabatur sale & aqua; lotio fundebatur in piscinam, & fascia lineæ comburebatur, ut constat ex laudatis Conciliis Trecenti & Carnotensi, & cineres servabantur in primum diem Quadragesimæ, ut habemus ex Synodis Mediolanense V. Brituricensi, Aquisgranensi. Vitasse.

## §. IV.

*De usu sacri chrismatis in variis benedictionibus.*

Quamvis præcipue pro Sacramento Confirmationis consecrent Episcopi sacrum chrisma; non tamen ad hunc solum usum, sed etiam ad alias inservit, nempe 1. ad sacrorum omnium consecrationem, ut notat Dionysius lib. *de ecclesiast. hierarch.* cap. 4. Pontifex, ait Dionysius, ad omnem rei sacre consecrationem hoc divino utitur unguento. Hoc enim baptizati post acceptum Baptismum inunguntur a Sacerdote in vertice. 2. Hoc adhibetur ad benedictionem fontis baptismalis. In baptisterium enim expiatorium, inquit Dionysius ibidem, unguentum aspersio- nibus in crucis formam expressis. Pontifex infundit ut nobis spiritualiter exhibeat ipsummet unguentum spirituale videlicet Iesum ad mortem usque in cruce pro divina nostra regeneratione demersum. Christus enim significat unctionem spiritualem; imo ex cit. Dionysio, est unguentum ipsum spirituale, cum & ipse ut homo, consecratus sit a Spiritu Sancto, & ita consecratus cætera consecet & sanctificet. 3. Chrisma inservit ordinationi Episcoporum: Pontifex enim electi coram se genuflexi primo quidem caput, per quod cap. cum venisset, mens intelligitur iuxta illud:

*Unge caput tuum*, Matth. 6. postea sacro chrismate inungit ambas manus simul iunctas, per quas manus intelliguntur opera, iuxta illud: *Manus mea dispillaverunt myrrham*, Cantic. 1. Unguntur Episcopo manus oleo pietatis, ut Episcopus operetur bonum ad omnes, maxime autem ad domesticos fidei. Episcopo ungitur caput balsamo charitatis, ut diligat Deum ex toto corde suo, ex tota anima, & ex tota mente sua, & proximum sicut seipsum, propter dignitatem & auctoritatem, & unguntur manus propter ministerium & officium. Caput enim ungitur Episcopo, ut offendatur illum repræsentare personam Christi in Ecclesia; (qui caput est Ecclesiæ) manus ei unguntur, ut offendatur accipere potestatem benedicendi & consecrandi. 4. Adhibetur sacrum chrisma in ordinatione Sacerdotum, quo Episcopus consecrat eorum manus & benedicit. 5. Inservit Temporum consecrationi: Eo enim Pontifex signat in modum crucis ostium Ecclesiæ exterius, & singulas ungit duodecim cruces in parietibus Ecclesiæ depictas. 6. Inservit altarium consecrationi. Quia cum eo Pontifex format signum crucis super altaris tabulam, deinde in medio eius, tum in quatuor angulis, postea in eius fronte, & tandem de illo fundit & spargit super altare, ut effusa Spiritus sancti plenitudo in Christum, qui est nostrum altare, designetur, ut ex Dionys. lib. *de Ecclesiast. hierarch.* sub finem. 7. Inservit consecrationi sacrorum vasorum, patenæ scilicet, quam pontifex sacro chrismate ab ora in oram tangit; & calicis, quem eodem chrismate tangit a labio eius in labium. 8. Adhibetur in benedictione campanarum, super quas de sancto oleo infirmorum septem cruces sunt a benedicente, & deintus cum chrismate quatuor pari distantia. 9. Tandem adhibetur in benedictione hostiarum Papalium ex cera, quæ vulgo dicuntur *Agnus Dei*.

## §. V.

*De cæremoniis quæ respiciunt Chrismati.*

De ritu parandi & conficiendi materiam chrismatis, & eam consecrandi apud Latinos habetur in tom. 4. Conciliorum Eabbæi pag. 348. in fine, & apud Græcos in Eucharologio Goarii pag. 639. 640. &c. Bellarminus, Iosephus Vies comes, & alii loquuntur de cæremoniis generatim Confirmationis, & præcipue Orosius Augustodonsis lib. 3. *de Gemma anima*, ubi ritum solennem describit, quo ampulla deferabatur ad alta-

altare, illumque mystice interpretatur. Videri hæc possunt etiam in Ordine Romano, in lib. Amalarii *de Divinis officiis*, in Pontificali Romano, in Sacramentario Gregorii Magni &c. Accurate describitur chrismatis consecratio a Ruperto lib. 5. *de divinis officiis* cap. 18.

Hæc consecratio olim fieri poterat quolibet anni tempore ex Concil. Martini Bracarenensis *de consecrat.* dist. 4. cap. 124. ex Concil. Toletano I. cap. 20. celebrato anno 400. necnon ex S. Th. 3. part. q. 72. art. 12. ad 3. Et hoc patet ex can. 5. veterum Canonum Ecclesiæ Orientalis. Verum ut habetur ex Concil. Meldensi cap. 46. & epist. Pseudo-Fabiani, & epist. 3. Zachariæ Romani Pontificis ad Bonifacium Ecclesiæ assignavit pro tali consecratione diem feriæ 5. in Coena Domini. Iubebantur tamen Presbyteri circa festivitatem Paschæ petere chrisma ab Episcopo, ut videri potest in locis re-

latis, & in Concil. Liptinensi cap. 3. & in aliis, quia necesse erat quod illi haberent chrisma pro solemnibus baptismate Paschali. Verum tamen fuit a Concilio Cabillonensi III. sæculo 2. can. 26. ne Episcopi pro emendo balsamo aliquid a Presbyteris acciperent. Varie de assignatione huiusce ritus in die Coenæ Domini sentiunt Doctores: 1. quia ante biduum Paschæ Magdalena fudit unguentum super pedes Domini, ut ait Isidorus Hispalensis, & auctor libri *de divinis officiis*. 2. Iuxta eundem auctorem quia quinta ætate mundi Christus ad nos venisse perhibetur. 3. Quia, ut ait Rupertus, tali die Agnus immolabatur, & eius sanguine postes signabantur. 4. Notat D. Th. 3. p. q. 72. art. 12. ad 3. quia illa die institutum est Eucharistiæ Sacramentum, ad quod alia referebantur. Illud chrisma quotannis renovandum est, & vetus comburendum. Vitasse.

# TRACTATUS DE SS. EUCHARISTIÆ SACRAMENTO.

## CAPUT I.

### *De Eucharistia prout est Sacramentum.*

**A**pposite hinc perfolutis, quæ ad rem attinent Sacramentorum Baptismatis, & Confirmationis, primo quorum Christianæ Religionis homo iniciatur, seu in spiritali vita regeneratur, viribus firmior altero redditur; substitui solet doctrina de SS. Eucharistiæ Sacramento, quod revera, si in ipso contentum inspicimus, inter omnia Sacramenta primum est dignitate, & excellentia. Consueverunt tamen Theologi de hoc Sacramento tertio loco disserere, præsertim ut opinatur hic Estius, quia antiquitus fideles post accepta Baptismi; & Confirmationis Sacramenta, statim ad participationem Corporis & Sanguinis Christi Domini admittebantur in hoc divino mysterio quod immediate eis ministrabatur, ut refert inter alios D. Ambrosius lib. 1. *de Sacramentis* cap. 2. & *de initiandis* cap. 6. Et quia Eucharistia cum Sacramento sit simul & Sacrificium, varia habet nomina, quæ ipsi conveniunt, alia nempe ut universum sumpta, alia prout est Sacramentum, *Instit. Theol. Moral.* Tom. IV.

alia quatenus est Sacrificium, quibus diversis eius effectus, & proprietates, & aliæ eiusdem circumstantiæ, vel etiam dignitas demonstrantur, vel actiones, quibus conficitur, vel materia in qua conficitur, vel res quam continet, vel tempus institutionis, vel locus in quo celebratur, vel persone suscipientes, vel finis ad quem destinatur. Hæc autem Eucharistiæ vocabula, alia in sacris Litteris expressa habentur, alia ex illis deducta, plurima addita a Patrum religione, ac pietate, quæ Ecclesiæ suo usui consecravit.

## §. I.

### *De nomine, & natura S. Eucharistiæ.*

Et primo Mysterium hoc universum acceptum ut Sacramentum & Sacrificium, dicitur ab actione, per quam conficitur, *Eucharistia* a nomine græco, quod latine vertitur bonagratia, & gratiarum actio, sive quia in ea recipimus Christum donorum maximum, & gratiarum omnium fontem, sive quia in ea offerimus Deo sacrificium gratiarum actionis perfectissimæ; etenim per eius oblationem, & sumptionem gratias Deo agimus pro uni-



verſus eius beneficiis, & præcipue pro beneficio ſuæ Paſſionis, & Mortis, qua nos ab æterna morte liberavit, necnon pro ipſo Sacramento, eiufque fructu, ut ait S. Chryſoſtomus Hom. 25. in Matthæum. Unde & ipſa Sacrificii præparatione Sacerdos adſtans hortatur: *Gratias agamus Domino Deo noſtro*; & ideo in Concilio Nicæno can. 15. Euchariftia dicitur Symbolum gratiarum actionis.

Quid no-  
mine  
Eulogi-  
um.

Dicitur ſecundo *Eulogia*, id eſt benediſtio; itidem ab actione qua conficitur Euchariftia: *calix benedictionis* (ait Apoſtolus 1. Corinth. 16.) *cui benedicimus nonne communio Sanguinis Chriſti eſt*? Nomine Eulogiarum tripliciter utuntur rerum Eccleſiaſticarum Scriptores, 1. ad ſignificandas partes Euchariftiæ conſecratæ, quæ in ſignum mutuæ communionis, & charitatis ad abſentes Presbiteros per Parochias mitti ſolebant, ut habemus ex epiſt. Innoc. I. ad Decentium. Hæc vero conſuetudo verita fuit & Concil. Laodicen. can. 14. 2. Ad denotandas partes æſe panis, quæ ſupererant ex oblatione fidelium, quæ a Sacerdote precibus ſanctificabantur, & expletis myſteriis illis tantum diſtribuebantur, qui ius habebant ad Communionem, cæteris denegabantur, quibus vel nondum patebat aditus ad Euchariftiam, vel ob aliquod crimen hic erat eis interdictus, quales erant Cathecumeni, Repententes, & abſtinenti a Communionem, ut habetur a Theoph. Alexandr. can. 7. Cæterum dabatur Cathecumenis aliqua Eulogia, ut ex S. Auguſt. lib. 2. *de peccatorum meritis & remiſſione* cap. 26. Incertum tamen eſt quoniam, num panis benedictus, vel ſal tantum, quod ipſis ſolebat concedi, ut ex eod. S. Aug. lib. 1. *Confefſ.* cap. 12. & Concilio Carthag. III. can. 53. Ad ſignanda etiam privatorum dona, quibus mutuam communionem, & charitatem teſtabantur, ut en laudato S. Aug. ep. 32. alias 34. ad Paulinum. Dicitur 3. *Paſcha* a tempore institutionis, iuxta illud An. 2. Corinth. 5. *Paſcha noſtrum immolatus eſt Chriſtus*: Nam Euchariftia ſuccedit Agno Paſchali, qui ex D. Th. quaſt. 73. art. 6. eſt præcipua eius figura, & 3. quia præfigurabat paſſionem Chriſti immaculati Agni in Cruce immolati, ac præinde Miſſæ Sacrificium, quod eſt commemoratio Sacrificii Crucis, quatenus ille Agnus immolabatur ab univerſo Iudeorum populo. 2. Figura erat Euchariftiæ ut Sacramentum quatenus comedeatur cum pane aſſymo. Paſcha inſuper ſignificat Phaeſes, id eſt tranſitum, nempe Angeli, qui in per-

cutiendis Egyptiis pertranſiit Iſraelitarum domos, quarum poſtes aſperſæ erant ſanguine agni immolati. Dicitur 4. & hoc a ſuſcipientibus Euchariftiam *Synaxis* quæ vox cætum ſignificat, collectionem, conventum, congregationem; quia in unum ſolent convenire, & congregari, ut Sacrificio interſint, & participes fiant corporis Chriſti; unde ex hoc dicitur a Latinis *collecta*: ita Eſtius.

Nomina vero quæ conveniunt Euchariftiæ ut eſt Sacrificium, ſunt 1. *Liturgia*, id eſt ordo & ritus peragendi Sacrificium, ac ideo ita vocatur ab actione qua conficitur. Liturgia vero generatim ſumpta ſignificat officium publicum ſive ſacrum, ſive prophanum: in uſu vero eccleſiaſtico ſumitur ad ſignificandum ſolummodo quodcumque officium publicum in divinis myſteriis celebrandis. 2. *Miſſa*, quod vocabulum eſt latinum a verbo *mitto*, vel quia preces, aut per Sacerdotem, aut per Angelum mittuntur ad Deum, ut habetur in Canone Miſſæ, vel quia Chriſtus eſt Hoſtia nobis Miſſa a Deo: hinc Diaconus in diebus Feſtis dimittit populum, dicens: *Ite, Miſſa eſt*, id eſt *Hoſtia per Angelum Miſſa eſt ad Deum*, ut ex D. Th. quaſt. 83. art. 4. ad 9. & hoc nomen pariter quo ita ab actione, qua conficitur, appellatur Euchariftiæ Sacrificium, eſt antiquiſſimum apud Latinos, ut conſtat ex S. Aug. Serm. 31. *de Tempore*, & ex S. Ambr. lib. 3. ep. 33. necnon ex Concil. Agath. celebrato anno 506.

Dicitur 3. ob eandem rationem, id eſt, actionem qua conficitur, *Sacrificium panis, ac vini*, quod in fide, & charitate S. Eccleſia Catholica per totum Mundum offerre non ceſſat, ut docet S. Fulgentius lib. *de fide ad Petrum* 19. Dicitur tandem, *Altaris oblatio*, ut patet ex S. Aug. ep. 149. alias 59. Item *communio, fractio panis, &c.*

Euchariftia tandem ut eſt Sacramentum 1. a re, quæ in ipſa continetur, dicitur per Antonomaſiam ſimpliciter, & abſolute *Sacramentum*, quaſi nempe cætera Sacramenta eius comparatione ad Sacramenti dignitatem non accederent. Item *Sacramentum Sacramentorum omnium conſumatio*. 2. A tempore ſuæ institutionis dicitur *Cœna Domini* aut *Cœna Domini* tum quia a Chriſto in veſpere primum inſtituta fuit, tum quia ut habemus a Tertulliano lib. *de ſpectaculis* cap. 13. eſt commemoratio ipſius cœnæ Chriſti Domini, tum quia accedentes ad hoc Sacramentum Corpore & Sanguine Chriſti reſiciuntur, unde antiquitus orta fuit

consuetudo quarundem Ecclesiarum Eucharistiam sero post cœnam celebrandi, ut ait S. Aug. ep. ad *Leuuarium* 54. alias 118. Prævaluit tamen ulus in uniuersa Catholica Ecclesia, ut a ieiunis, seu ante omnem cibum perciperetur. Novatores vero abutuntur hoc nomine, ut probent Eucharistiam non posse celebrari nisi in congregatione plurium, ac ideo non esse deferendam infirmis. Hinc quidam ex nostris monent hoc nomen licet usitatissimum apud veteres, nunc debere esse minus familiare. 3. A loco suæ institutionis dicitur græco nomine *Agapa* idest latine *dilectio*. Hoc vocabulo agapæ denominabantur convivia fraterna, seu ecclesiastici conventus, qui primis sæculis fiebant a Fidelibus in Ecclesia ad fovendam mutuam fraternam dilectionem: nam in hisce pauperes cum ditibus uti fratres simul accubebant, & ita pauperes isto refrigerio iuvabantur ut legimus in 1. ad Corinth. cap. 11. Et quia cum his coniungebatur Eucharistia celebratio, quam aliquando illa Christianorum convivia præcedebant, aliquando vero sequebantur, ideo Eucharistia appellabatur etiam *Agapa*, præsertim cum illa summæ Dei dilectionis erga nos sit argumentum, & mutua inter fideles symbolum fraternæ charitatis, & vinculum.

Dicitur 4. a suscipiendis *Communio*, quod nomen a veteribus usurpatur tum pro iure Societatis, commercii, atque consortii fidelium in iisdem Ecclesiæ conventibus, precibus, & officiis sacris, tum maxime pro iure participandi Eucharistiam, quæ Communio appellatur, quia ex S. Ioan. Damasc. lib. 4. de fide *Orthodoxa* cap. 14. per illam Christi concorporati sumus, & de uno pane participantes fideles sic inter se copulantur, ut unum corpus evadant. Quare qui ob aliquod crimen prohibiti erant a perceptione, dicebantur *excommunicati*. Ab eodem Doctore vocatur etiam *Metalepsis*, quod est *assumptio*, seu *transmutatio*, quia fideles per Eucharistiam assumuntur ad communionem cum Christo, & in ipsum spiritualiter transformantur, ac ideo veteres Eucharistiam appellabant *fermentum*, quia sicut fermentum totam massam, ita Corpus Christi affectiones animi immutat. Habertus; Tournely.

Triplex Communionis species invenitur apud veteres, quarum una dicebatur *ecclesiastica*, quæ erat propria clericorum, qui *Horarii* induti intra cancellos communicabant. Colligitur hoc ex Conciliis Toletano IV. cap. 8. Bracarenfi IV. cap. 4. Alia dicebatur *laica*, quia propria erat laicorum, ad

quam mittebantur clerici in pœnam alicuius gravioris criminis; nimirum expoliati omni clericali munere, quoungebantur, & eius officiis, ac omni honoris, & ministerii gradu, ad statum & conditionem laicorum deiciebantur; adeoque illi non amplius inter Clericos, sed ut mere laici sacris conventibus, precibus intererant, ac Eucharistia communionis participes fiebant ea ipsa ratione, qua participare solebant laici. Alia tandem vocabatur *peregrina*, quæ concedebatur clericis viatoribus, quando litteras commendatitias proprii Episcopi non exhibebant. Habertus.

5. Ab eius effectibus dicitur *Viaticum*, quod vocabulum tamen dederint veteres, aliis etiam Sacramentis, utpotequæ sint subsidia in hac vita, quæ stilo Scripturæ via est, ac ideo viatores dicuntur & ut ex S. Basil. homil. in S. Baptisma, quod *Viaticum* dicit, ex Sac. Canonibus, qui absolutionem sacramentalem collatam in morte *Viaticum* appellant; potiori tamen ratione nomen istud præ cæteris accommodatum est sacra Eucharistia, eique datum a Patribus Nicænæ Synodi anni 325. can. 13. & Carthag. IV. can. 77. & 78. quia, ait D. Th. hoc Sacramentum præfigurativum est fruitionis Dei, quæ est in patria, & secundum hoc dicitur *Viaticum*, quia hoc præbet nobis viam illuc perveniendi. Dicitur 6. a re contenta *Corpus Christi*, & *Corpus Domini* a Tertulliano lib. de Oratione cap. ult. & a Theodoro Dialogo 3. *Sacramentum Corporis & Sanguinis Christi*. Dicitur 7. Panis a materia, ex qua conficitur Eucharistia 1. ad Corinth. 10. *Panis quem frangimus, nonne participatio Corporis Domini est?* Et Ioannis 6. *Ego sum panis vite*. Hinc etiam a D. Aug. appellatur *Panis celestis* in ep. 120. ad Honoratum, & alibi *Panis Christi*, *Panis Angelorum*. Dicitur 8. *Sacramentum* seu signum, & quandoquidem etiam figurâ Corporis, & Sanguinis Christi Domini, scilicet a speciebus panis & vini, quæ Sacramentum vocantur, quia significant Corpus & Sanguinem Christi. Unde valde decipiuntur Novatores ex iis colligendo, Patres qui ita locuti sunt de Eucharistia, non credidisse realem Christi præsentiam in Eucharistia; ii enim ita nominarunt Eucharistiam, qui de ea scripserunt ante ortas hæreses, ut Theodoretus dialogo 3. Sed ii qui vixerunt postquam tale venenum irrepit, curarunt etiam suis disputationibus illud extirpare. Dicitur 9. *Sacramentum novi Testamenti*, ut 1. Corinth. 11. *Hic calix novum Testamentum est in meo Sanguine*, quia

hoc tam insigne pignus sui amoris morti proximis Christus nobis reliquit.

## S. II.

*De Figuris Eucharistiæ in veteri Testamento, ac eius definitione.*

Venerabile hoc Sacramentum in veteri lege variis figuris adumbratum fuit; Quidquid rabide oblaqueret contra pietatem Divi Thomæ, aliorumque Theologorum in suo libro de *abroganda Missa* impius Lutherus, præcipue dum virulenter insanit in Officium SS. Corporis Christi ab Angel. Doct. mira pietate, ac eruditione elaboratum, quod Urbanus IV. approbavit anno 1261. ubi plures veteres eiusdem figuras enumerat.

Tria consideran-  
tur in Eucharistiæ  
Sacramento.

Et omnia tria considerentur in Divino hoc Sacramento, nempe id quod in ipso est Sacramentum tantum, panis scilicet & vinum, seu rerum species; id quod est res Sacramenti & Sacramentum, id est verum Christi Corpus sub illis speciebus contentum; & id quod est res, seu effectus Sacramenti; hinc de iis omnibus suas figuras in veteri Testamento Dominus proposuit. Et 1. generatim spectatum, id est secundum omnia quæ sunt in hoc Sacramento continentur nempe panis, & vinum, Corpus, & Sanguis Christi, ac gratiæ sanctificantis effectus, luculenter adumbratum fuit in Agno Paschali, ut docet inter alios Patres S. Pater Hieronymus in cap. 26. Matthæi, S. Aug. lib. 2. contra litteras Petiliani cap. 37. S. Leo cap. 7. de *Passione Domini*, in quo notat Eucharistiam institutam fuisse post esum Agni Paschalis, ut significaretur veterem observatam novo Sacramento impletam fuisse, ac ideo sublatam; quia cum Agnus ille secundum ritum Legis non tantum immolari deberet, sed etiam comedi, significabat Christum non tantum ut Hostiam, sed etiam ut cibum. Et quia sanguis illius Agni confusus super postes Hebræorum, sicuti antea iam diximus, eos servavit ab Angeli devastatione, qua percutiebat Ægyptios, in hoc denotavit effectum Redemptionis Christi, quæ nobis per tale Sacramentum applicatur. Et quia insuper Agnus ille comedendus erat cum pane azymo, materia Eucharistiæ in hoc signabatur.

Figuræ  
varie in  
veteri  
Testa-  
mento  
Eucharistiæ  
fig. dim.

Si vero speciatim hoc Sacramentum consideretur, illius figura ex parte panis & vini 1. fuit Melchisedech, qui ut legimus Genesios 14. cum esset Sacerdos Dei Altissimi, panem, & vinum obtulit. Sic intelligunt SS. Patres, Chrysostomus hom. 25. in Genesim,

Ambrosius l. 4. de *Sacramentis*. 2. Panes propositionis qui solum ab hominibus mundis, & sanctificationis comedi poterant, ut habetur 1. Regum; ita S. Pater Hieronymus cap. 1. epist. ad Titum. 3. Panes primitiarum, de quibus lege caput 23. Levitici Ita S. Iræneus lib. 4. cap. 7. ubi per allusionem vocat Eucharistiam panem primitiarum in novo Testamento. 4. Panis subcinericius, quem Elias 3. Regum cap. 19. manducavit, & huius refectionis fortitudine ambulavit per quadraginta dies usque ad montem Horeb. Ex parte vero Corporis, & Sanguinis Christi, figuræ fuerunt in quantum ad Corpus Sacrificia omnia veteris legis, & præsertim sacrificium expiationis, quod in Synagoga erat omnium maxime solemne, in quo immolabantur duo arietes in holocaustum, vitulus pro peccato Sacerdotis, & hircus pro peccato populi, ut constat ex cap. 16. Levitici. Ita Tertullianus lib. contra Iudæos, S. August. lib. 17. de *Civitate Dei* cap. 20. alique Patres. Quantum vero ad Christi Sanguinem, figurata fuit Eucharistia per sanguinem Testamenti, de quo habetur Exodi 24. Unde Christus in institutione Eucharistiæ eadem ferme adhibuit, quæ Moyses in dedicatione veteris Testamenti, suamque legem tunc proposuit, sicut Moyses suam proposuerat. Sic Tertullianus lib. contra Marcionem cap. 43. Figuræ Eucharistiæ ex parte effectus fuerunt 1. lignum vitæ, quem Deus plantaverat quasi immortalitatis antidotum in Paradiso. 2. Manna quæ data est Hebræis in deserto, & hanc afferunt post Apostolum 1. Corinth. 10. inter alios Patres S. Chrysostomus in cap. 6. Ioan. & S. Ambros. lib. 3. de *Sacramentis* cap. 1.

Eucharistiam quamplures ita definiunt, seu potius conscribunt: *Eucharistia est Sacramentum novæ legis constans ex visibilibus speciebus panis & vini, & invisibili Carne & Sanguine Domini nostri Iesu Christi, quod ipsemet antequam pateretur instituit, ut suos qui erant in mundo suam et carne nutriveret, & ipsi ambularent in fortitudine cibi illius usque ad montem Dei.* Hanc cæteris prætulit Marbesius, ac usurpavit 3. part. *Summæ Christianæ* pag. 137. Cum autem in hac aliqua dicantur, quæ ad definitionem non pertinent, brevis clariusque ab aliis definitur: *Eucharistia est novæ Legis Sacramentum a Christo Domino institutum ad celestem animarum nostrarum alimoniam, in quo Corpus & Sanguis eius sub speciebus panis & vini vere, realiter, ac substantialiter continetur.* Dicitur 1. Sacramentum live signum aliquod

Definitio  
S. Eucharistiæ.

exterius sensibile, quo signatur & passio Christi præterita, ut Lucæ 22. *Hoc facite in meam commemorationem*, & 1. Corinth. 11. *Quotiescumque manducabitis panem hunc, & calicem bibetis mortem Domini annuntiabitis*, & divina cœlestis gratia: *Qui manducat hunc panem vivet in æternum*, & divina in cœlis gloria, quæ nunquam finire debet, *vivet in æternum*. Dicitur 2. *Sacramentum novæ legis a Christo Domino institutum*, & hoc commune habet Eucharistia cum aliis Sacramentis. Dicitur 3. *ad cœlestem animarum nostrarum alimoniam*, in qua stat effectus huius Sacramenti. Dicitur 4. *In quo Corpus & Sanguis Christi sub speciebus panis & vini vere, realiter, ac substantialiter continetur*. Quibus verbis explicatur essentialis differentia Eucharistiæ ab aliis Sacramentis. Hisce autem verbis *vere, realiter, & substantialiter* usum est Concilium Trid. sess. 13. cap. 1. ut deluderet, ac refelleret Novatorum errores contra hoc Sacramentum: etenim particula *vere* excludit præsentiam tantum per figuram, & imaginem; particula *realiter* præsentiam tantum per fidem; particula *substantialiter* præsentiam tantum per virtutem a Christo diffusam, sicuti in his omnibus delirando ipsi autumant.

Quod vero Eucharistia sit Sacramentum novæ legis a Christo Domino institutum, iuxta allata in definitione clare patet ex Scripturis, ubi apertissime notatur, nempe apud Matthæum, Marcum, Lucam descriptione novissimæ Cœnæ Domini, & apud Paulum 1. Corinth. 11. quibus in locis non tantum præcepit Dominus, quod postea fieri vellet, sed simul & celebravit hoc Sacramentum, & perpetuo celebrandum Ecclesiæ mandavit; & cum institutum sit signis quibusdam externis, & sensibilibus, per quæ invisibilis gratia non tantum significatur, verum etiam confertur, quod iam plenius demonstrabitur; consequens est, quod sit vere & proprie novæ legis Sacramentum, cum his omnibus instructum sit conditionibus ad verum Sacramentum requisitis, quæ tres sunt, nempe *sensibile symbolum, Dei institutio, & gratiæ promissio*. Sic Vitalis: Hanc veritatem maxime comprobatur communis sensus universalis Ecclesiæ tum Orientis tum Occidentis, quæ sicut ab initio a Christo per Apostolos veritatem huius Sacramenti recepit, semper hanc immutatam servavit, & fortiter, ac strenue defendit contra quoscumque errores, quibus sæpe tentarunt impii homines eandem subvertere, ut Gnostici,

Manichæi, Messaliani, alique huius fursuris homines, qui sicuti habetur in Ecclesiastica historia, nolebant Eucharistiam esse Sacramentum, quando ut fatetur catholica Ecclesia, congruum fuit, ut post Baptismum, & Confirmationem hoc quoque divina sapientia, bonitas ac providentia elargiretur. Et equidem quemadmodum ad vitam corporalem, præter generationem, per quam homo vivere incipit, & augmentum quo ad statum & perfectionem perducitur, requiritur etiam alimentum quo nutriatur, ac servetur in vita, sic ad vitam spirituales præter Sacramentum Baptismi, & Confirmationis, quorum illud est quædam spiritalis generatio, hoc spirituale augmentum; Sacramentum institui oportuit, quo tanquam spiritali alimento in eo statu vitæ homo conservationem acciperet, & hoc est Sacra Eucharistia, quæ per ipsum Corpus & Sanguinem Domini, nos alit, ac in spiritali vita conservat. Estius, Vitalis cum aliis.

### S. III.

#### *In quo consistat ratio Sacramenti in Eucharistia.*

Dux hic agitari solent difficultates cæteroquin inter se disiunctæ. Una inter Orthodoxos seu Catholicos Doctores, & est, in quo ratio seu natura Eucharistici Sacramenti sita sit seu consistat: altera Catholicos inter & Etherodoxos, & est, an Eucharistiæ Sacramentum positum seu situm sit in actione tantum, qua consecratur, & sumitur; an e contra sit aliquid ex se stabile ac permanens, etiam extra ipsius usum.

Circa primam, quæ nunc expenditur, observandum est 1. ex aliis dictis, Sacramenta esse signa quædam externa a Christo Domino instituta, ut gratiam conferant. Observandum 2. Sacramenta rebus veluti materia, & verbis tanquam forma confici ac perfici. Observandum 3. cætera Sacramenta consistere in solis actionibus, quibus ad materiam forma applicatur, & gratia homini confertur. Sic in Baptismo statim ablutione & verbis simul a Ministro prolati induitur vita. Sic consistit Confirmatio in manuum impositione, & prece ipsi adiuncta, qua fit Spiritus S. Sancti invocatio.

Observandum 4. in Eucharistia celebranda plura posse distingui, idest 1. varias actiones, quibus illa conficitur, & suscipitur; 2. panem & vinum quibus conficitur. 3. Ver-

Verba quibus conficitur, & consecratur.  
 4. Species panis & vini quæ post consecrationem remanent. 9. Corpus, & Sanguinem Christi, in quæ panis & vinum sunt conversa. Observandum 6. ex his exorta fuisse varia Theologorum placita, ita ut alii putarent Sacramentum hoc consistere in consecratione materiæ cum hæc sit actio, quæ ad materiam formæ applicatur, ut S. Th. 3. part. quæst. 73. art. 1. ad 3. Caietanus, Durandus: alii in susceptione, seu usu Eucharistiæ, eum inter alias actiones, quibus Eucharistia conficitur, hæc sola gratiam conferat. Alii in consecratione simul & sumptione, ut Aureolus, & Gabriel. Alii, ut Magister Sententiarum in speciebus panis, & vini post consecrationem remanentibus. Alii ut Thomas Valdenis in Corpore & Sanguine Christi. Alii & communiter, seu plerumque volunt Eucharistiæ Sacramentum consistere ex speciebus simul & Corpore & Sanguine Christi. Observandum 7. Eucharistiam considerari posse & in fieri, & in facto esse, & Eucharistiam hoc posteriori modo, idest in facto esse solere potius considerari; & in tali sensu Sacramentum non est consecratio, quia hæc non confert gratiam homini, sed est pura actio ad concipiendum Christi Corpus: Non ipsius usus, seu sumptio, quia nulla actio sicuti est usus, & sumptio Eucharistiæ est proprie Sacramentum, quando non est actio Ministri Sacramentum conficientis. Non consecratio & sumptio simul iunctæ, quia Sacramentum est invisibilis gratiæ visibile & efficax signum, quod neutræ eorum competit, & insuper Eucharistia permanet post consecrationem, & est ante sumptionem, per quod differt ab aliis Sacramentis, quæ sita sunt in sola actione qua conficiuntur, ut ait D. Th. part. 3. quæst. 73. art. 1. & hoc innuit Concilium Trid. sess. 13. Non in speciebus panis, & vini, ut ex D. Th. loco citato, cum hæc non sint causa gratiæ, ut requiritur in Sacramento, dum Christus Dominus hoc attribuit suo Corpore, & Sanguini, quæ sola præbere possunt spirituale alimentum, propter quod instituta est Eucharistia, non alias panis & vini species: *Caro mea vere est cibus, & Sanguis meus vere est potus*, ait Christus Ioannis 6. Non in Corpore, & Sanguine Christi seorsum spectatis, quia ita non sunt sensibile signum, sicuti ratio & natura Sacramenti exigit.

Dicendum igitur cum quamplurimis, & communiori, & est valde probabile, Corpus & Sanguinem Christi in hoc mysterio veram

& propriam habere rationem, vel naturam Sacramenti, non quidem absolute considerata, sed prout existunt sub visibilibus speciebus panis & vini; ita ut vere Christus in hoc Sacramento vitibilis esse dicatur mediante aliena specie, sicuti hisce mediantibus, quibus Corpus & Sanguis Christi, ideoque Christus ipse ineffabili modo coniunctus est, dicitur Corpus illius comedi, frangi, ac eius Sanguis fundi & bibi. Hanc sententiam probat communis usus loquendi Fidelium, qui hoc Sacramentum, non species panis & vini, sed ipsum Corpus & Sanguinem Christi dicunt, & colunt: Idem quia Sacramentum hoc adoratur, & adorandum esse docent Patres Concilii Trid. sess. 13. cap. 5. quod intelligitur non de speciebus, sed de Corpore & Sanguine Christi Domini. Insuper quia Sacramentum hoc in altari incipit esse post consecrationem, quod dici nequit de speciebus panis, & vini, quæ sunt in altari ante consecrationem. Unde de ipso Corpore & Sanguine Christi hoc fieri dicendum, nempe Sacramentum esse in altari. Sic Estius.

#### §. IV.

*De duplici modo quo spectari potest Eucharistia, in fieri scilicet, & facto esse.*

Hæc est altera difficultas, quæ, ut supra iam innui, versatur Catholicos inter & hæreticos circa conditionem Eucharistiæ, & est circa rationem seu naturam ipsius in esse Sacramenti, videlicet num sicut alia Sacramenta in fieri, vel in facto esse sit; scilicet, num hoc Sacramentum quoque sit transiens, an vero ad differentiam aliorum sit permanens. Cum autem Ecclesia catholica teneat Sacramentum hoc etiam post actionem ipsius consecrationis permanere, hinc est quod dupliciter spectatur, & sicuti alia Sacramenta in fieri, & ad differentiam aliorum in facto esse, seu in sua permanentia etiam post actionem, quæ ipsum perficitur. Sacramentum Eucharistiæ in fieri est consecratio, seu conversio panis & vini in Corpus & Sanguinem Christi Domini, remanentibus speciebus, ad spirituales Fidelium refactionem & alimoniam. Sacramentum hoc in facto esse est Corpus & Sanguis Christi Domini sub speciebus panis & vini ad Fideles spiritualiter reficiendos, & enutriendos. Et ita, sicut iam vidimus, communiter accipitur hoc Sacramentum, ac proinde definitur iuxta ante allatam eiusdem definitionem.

Varia Theologorum placita circa id in quo consistat Eucharistiæ Sacramentum.

ditionem pro Sacramento novæ legis, in quo vere ac realiter continetur sub speciebus panis & vini Corpus Christi Domini & Sanguis, quo Fideles Ecclesiæ spiritualiter aluntur.

Hanc duplicem acceptionem Sacramenti Eucharistiæ non admittunt Novatores, imo prorsus reiciunt, & acriter sustinent, hoc quoque Sacramentum non secus ac cætera non habere aliud esse, seu subsistentiam, nisi in fieri, sive in usu, & in actuali manducatione, sicuti Baptismus non existit nisi in actuali ablutione; Ita Calvynus lib. 4. *Institutionum* cap. 17. §. 3. Lutherus in *articulis Concordiæ* anno 1536. ex quo inferunt, nullum cultum exhibendum esse Pani Eucharistico, & reliquias ex cæna superstitas in prophanos usus converti posse, & consumi, utpote quæ nullam prorsus habeant sanctitatem. Non conveniunt tamen inter se super hoc Lutherani: nam alii consentiunt præsentiam Christi perdurare, & permanere tribus diebus sub speciebus in gratiam ægotantium, ad quos intra tale tempus Eucharistia deferri potest, ac post triduum consecrationem evanescere. Alii vero inter quos Kemnitius 2. part. *Examinis Concilii Trid.* cap. 3. docet Christum esse in Eucharistia, donec perduret ritus, seu actio cænæ.

Ecclesiæ vero catholica contra huiusmodi Novatorum errores semper sensit ac sentit ut Fidei articulum, Sacramentum Eucharistiæ non consistere in usu duntaxat, & in actione transeunte, sed in re permanenti; & ita definiit Concilium Trid. sess. 13. can. 4. ubi ait: *Si quis dixerit peracta consecratione in admirabili Eucharistia Sacramento non esse Corpus & Sanguinem Domini nostri Iesu Christi, sed tantum in usu, dum sumitur, non autem ante vel post: & in Hostiis, seu particulis consecratis quæ post communionem reservantur, vel supersunt, non remanere verum Corpus Domini, anathema sit.* Et hoc clare constat ex ipsa Scriptura, ut Matthæi 26. Lucæ 22. ubi habetur, Christum Dominum dixisse: *Hoc est Corpus meum, hic calix est novum Testamentum in meo Sanguine.* Et hoc dixit antequam Apostoli sumerent symbola. Igitur Corpus Christi erat in manu eius, & Sanguis eius in calice, ac adeo Eucharistia erat Sacramentum, priusquam in os Apostolorum intraret. Nec verba hæc Christi fuerunt promissoria rei paulo post futuræ, vel prolata in ipso symbolorum usu, sicuti volunt adversarii, & dicunt hoc colligi posse ex his verbis S. Marci cap. 14. *Biberunt omnes; tum enim sub-*

dit S. Evangelista, & ait illis: *Hic est Sanguis meus* &c. Nam pronomen hoc est indicativum rei sensibilis præsentis. Item si Christus non præmisisset verba, ac præmonisset id esse ipsius Corpus, Apostoli illud sumpsissent sine fide, & non secus ac cibum potumque communem. Hinc certum est D. Marcum scripsisse per anticipationem *biberunt omnes*: nec aliorum Evangelistarum & S. Pauli 1. Corinth. 12. gestarum rerum ordinem servasse. Et revera sic SS. Patres sentent præcique Chrysostomus in cap. 10. primæ ad Corinth. ubi ita ait: *Quid est in calice? Quod ex latere Christi fluxit:* Et S. Aug. Prologo in psal. 33. dicit Christum Dominum in manibus suis corpus suum gessisse. Igitur procul dubio exatbat Sacramentum in calice & manibus Christi. Et hoc etiam confirmat perpetua constantique Ecclesiæ traditio ab Apostolis usque ad hæc tempora. Nam S. Iustinus discipulus & coævus Apostolis in *Apologia* 2. refert Eucharistiam peractis mysteriis solere deferri ad absentes. Idemque testatur S. Irenæus auditor S. Polycarpi discipuli S. Ioan. Evang. Etenim in sua epist. ad Victorem Papam, qui minabatur separationem a communione Episcoporum, qui more Iudeorum celebrabant Pascha luna decima quarta, recordatur, prædecessores suos misisse Eucharistiam ad illos Episcopos, qui idem observabant. Igitur & Apostoli, & eorum discipuli credebant Eucharistiam esse Sacramentum etiam in facto esse, idest permanentem etiam post actionem.

Insuper Fideles primævi sacram Eucharistiam secum asportabant in spirituale nutrimentum, ut clare colligitur a Tertulliano lib. 2. *ad Uxorem* cap. 5. ubi eam deterrens a matrimonio post suam mortem contrahendo cum infideli, ait: *Non sciat maritus quod secreto ante omnem cibum gusses.* Ita ex S. Cypriano, S. Basilio epist. 189. ad Cæsaream Patritiam, ubi notat Monachos in desertum pergentes secum Eucharistiam ferre, ibique cum propriis manibus sumere. Ex S. Ambr. qui in Oratione funebri fratris sui Satyri narrat ipsum servatum fuisse a gravi naufragii periculo favore sac. Eucharistiæ, quam collo appensam habebat. Tandem Eucharistia servabatur infirmis deferenda, ut testatur Eusebius in sua Ecclesiastica historia lib. 6. cap. 44. ubi refert Decretum S. Dionysii Alexandrini de concedenda lapsis pœnitentibus communione e vita migrantibus, si eam pœcant, quando habeatur probabilitas de eorum dispositionibus,

bus. Servabatur enim sac. Eucharistia in columba argentea, & etiam aurea, vel ex alia materia in Templo suspensa super altare, de qua fit mentio in vita S. Basilii, in Testamento Perpetui Episcopi Turonensis, qui obiit anno 477. Pater Mabillonius refert quod in suo itinere per Italiam invenit in sacrario Bobbii unam ex his columbis ex metallo, in qua antiquitus servabatur sacra Eucharistia. Licet tamen valde communis esset præcipue in Gallia, & in Oriente mos servandi sacram Eucharistiam infirmis deferendam, non apud omnes tamen tervabatur in dicta columba, sed ubi in pixide, ubi in tabernaculo ad formam turris, ubi in capsula, ubi aliter. Varia tandem fuerunt ciboria seu tabernacula pro asservanda sacra Eucharistia secundum diversitatem locorum vel temporum, & varia etiam materia, ex qua efformabantur, scilicet ex auro, argento, lapidibus pretiosis, & etiam ex ligno, & pixides erant etiam ex vitro & crystallo: Pater Chardon in sua Historia Sacramentorum lib. 2. cap. 13.

Hinc sequitur, sacram Eucharistiam summo cultu colendam esse, sicuti nos docent primævæ ætatis Christiani, ut patet ex Origene homil. 13. in Exod. & S. Ambr. lib. 3. de Spiritu S. cap. 11. & præcipue ex S. Aug. qui ait in psalm. 98. *In ipsa carne hic ambulavit, & ipsam carnem nobis manducandam ad salutem dedit. Nemo autem carnem manducat, nisi prius adoraverit.* Nam cum ubique Christus sit colendus, præcipue tunc coli debet, cum immensa sua charitate ad nos exaltandos seipsum demittit.

Nec ullatenus officit nostræ sententiæ de cultu Eucharistiæ exhibendo illud, quod scilicet Apostoli in ult. Cœna accumbentes eandem acceperunt, nec officiunt aliqua antiquorum acta, quæ cultui Eucharistiæ repugnant. Duplex enim est adoratio, interna una, & hanc semper habuerunt Apostoli erga Christum Dominum eorum Magistrum, externa altera, & hanc habuerunt quando plus, quando minus secundum loci, ac temporis circumstantias. Unde si Apostoli accumbebant cum Christo visibili, assurgere certe non debebant ad Eucharistiæ præsentiam, in qua idem ipse Christus invisibilis extabat. Ad alia vero responderetur generatim cum S. Aug. lib. 2. de Civit. Dei cap. 23. *Non querimus utrum factum sit, sed utrum faciendum: sana quippe ratio exemplis anteponenda.*

Item neque ex eo quod obicitur exemplo

Sacramentorum novæ legis, quæ constare debent rebus tamquam materia, & verbis tamquam forma, potest concludi Eucharistiam non esse Sacramentum, eo quod posita in sua permanentia ipsa non consistet verbis: nam respondetur hoc verum esse de Sacramento in fieri, non de Sacramento in facto esse.

## S. V.

### De materia Sacramenti Eucharistiæ.

Materia huius Sacramenti non secus ac aliorum duplex est, remota nempe, & proxima. Materia remota Eucharistiæ est panis, & vinum. Sicuti enim peccata delenda ac destruenda in Sacramento Pœnitentiæ, quæ ideo necessario sunt præsupponenda, dicuntur materia remota huius Sacramenti; ita in Eucharistia panis & vinum convertenda ac transmutanda in Corpus & Sanguinem Christi Domini, quæ eo sensu destruenda præsupponuntur, sunt materia remota in hoc Sacramento. Hoc manifestissime constat tum ex Scriptura, in qua habemus Christum Dominum in instituendo hoc Sacramento, in pane, & vino ipsum consecisse, & iussisse Apostolis, ut ipsi quæque ita facerent, quandocumque celebraturi essent hoc mysterium in eius commemorationem, ut Matthæi 26. Lucæ 22. & 1. Corinth. 11. tum ex perpetua & constanti Ecclesiæ traditione, quæ semper in conficiendo hoc Sacramento usæ est pro eius materia simplici pane & vino, necnon quoscumque damnavit, qui alia offerre auserint: Ita etiam habetur in Concilio Later. 3. anno 397. cap. 24. *In Sacramento Corporis, & Sanguinis Domini nihil amplius offeratur, quam id quod ipse Dominus tradidit, hoc est panis & vinum aqua mixtum.* Idem docent, ac præcipiunt Concilia Bracarense IV. anno 675. cap. 2. & Trullanum Quinifextum anno 692. can. 28. Hinc patet error Gnosticorum, qui Eucharistiam ex abortivo infante in mortario confuso conficiebant, ut habet Epiphanius hæresi 26. quod scelus imputatum fuit etiam Montanistis ex S. Cyrillo Hierosolymitano cathecheti 16. & Arthitarum, qui panem caleo mixtum adhibebant, Iacobitarum panem oleum miscitum, Aquariorum qui ex S. Cypriano ep. 63. soiam aquam offerebant, quales fuerunt Encratitæ, Ebionæ, ac ipse Iulianus S. Iustini discipulus ex S. Epiphanio hæresi 3. imo alii non pauci Christiani tertio sæculo ex simplicitate & ignorantia, tum etiam

ex ti-

ex timore persecutionis, ne facilius ex odore vini deprehenderentur, & de his loquitur S. Cyprianus ep. 63. ad Cæcilium. Alii lac offerebant in Sacrificio pro vino, quos damnat Concilium III. Carthag. anno 397. alii non vinum expressum, sed uvas integras vel fæces vini aqua immerfas, ut Dani Sacerdotes, quos reprehendit Alexander III. in una sua epistola ad Episcopum Upsalensem, & priores damnavit Concilium Bracarense IV. anno 675. Alii tandem sæculo V. utebantur aqua ob sobrietatem, & dicti sunt Hydroparastatæ, ut legimus in Genadio lib. *de Dogmatibus Ecclesiæ* cap. 79. Item Manichæi ex S. Leone serm. 4. *de Quadragesima*.

Nec desunt convenientissimæ rationes, quare panis & vinum constituta sint pro materia huius Sacramenti, quod, ut iam diximus, institutum est pro nostra spiritali alimonia; & præcipuæ sunt una ex parte effectus præsentis, quia sicut pane & vino nutritur corpus, ita corpore & sanguine Christi Domini, quod in hoc Sacramento speciebus panis & vini continetur, nutritur anima, & hoc manifestum est omnibus Fidelibus ex illo Christi Domini Ioan. 6. *Caro mea vere est cibus, & sanguis meus vere est potus*. Altera vero ex parte rei commemoratæ, quia per hæc symbola convenienter recolitur, & sub oculis ponitur passio, & mors Christi, in qua sanguis a corpore per effusionem separatus fuit, sicuti hic species panis & species vini separatim exhibentur, & illius separationis significatæ Insinuatio fit per verba consecrationis calicis, necnon per Evangelistas, & per D. Paulum, ac per missæ Canonem. Estius.

Minime vero obest quod obiici potest ex can. 4. Apostolorum, in quo permittitur offerri uvas, oleum, incensum. Nam primo hi canones non conditi fuere ab Apostolis, sed collecti ex variis Conciliis. Secundo permittunt hi Canones, ut uvas, oleum, ac cætera offerantur non ut Sacrificii Eucharistici materia, sed ad alendos Clericos, vel ad altaris ornamentum.

Materiam vero proximam Sacramenti Eucharistiæ volunt alii esse conversionem panis & vini in corpus, & sanguinem Christi Domini, quia in aliis Sacramentis, aut ipsi, actio ministri, puta ablutio in Baptismo, impositio manuum in Confirmatione, est materia proxima; obstat tamen huic sententiæ, quod conversio panis & vini in corpus & sanguinem Christi Domini, nec per se, nec per aliud sit sensibilis. Alii vo-

lunt materiam proximam, & adæquatam huius Sacramenti esse corpus, & sanguinem Christi Domini, utpote quæ succedunt panis & vino, quæ sunt materia remota totalis, & sensibilia sunt per species, sicuti in Sacramento Pœnitentiæ dolor sensibilis redditur per confessionem, aliaque signa pœnitentis; tum quia si aliud posset assignari, essent species panis & vini; sed hæc assignari nequeunt, utpote quæ non sint signa gratiæ productiva.

Communior tamen, ac verior etiam videtur sententia illorum, qui statuunt, corpus & sanguinem Christi, & species panis & vini esse duas materias proximas partiales huius Sacramenti, ex utraque quarum simul sumptis exurgit materia proxima totalis, & adæquata: Et hoc patet ex verbis ipsius Concilii Trid. sess. 13. can. 1. ubi ait: *Si quis negaverit in SS. Eucharistiæ Sacramento contineri vere, realiter, & substantialiter corpus & sanguinem Christi &c.* Quare si corpus & sanguis Christi non sunt Sacramentum, sed in Sacramento, sicuti anima hominis in corpore, contineri dicuntur, species quæ sunt illud quod ulterius requiritur ad naturam Sacramenti, sunt ipsius vera partialis materia. Etenim hæc non solum sensibilibus demonstrant corpus & sanguinem Christi, ut nutus pœnitentis eius dolorem, & sponforum consensum interierem ad Matrimonium; sed insuper signant nutritionem spiritualem seu gratiam nutritivam animæ, prout scilicet coniunctæ cum corpore & sanguine Christi sunt spiritualis animæ cibus & potus. Nam licet corpus & sanguis Christi totam vim sanctificandi independentem a speciebus accipiant a Verbi divinitate, in quo subsistunt; non habent tamen naturam Sacramenti nisi per species, idest non constituuntur ut cibus animæ & potus, nisi ratione specierum, sub quibus extant tamquam aliquid substantiale contentum, ordinatum ad animæ nutritionem.

Nec valet dicere quod cum corpus, & sanguis Christi, ac species panis & vini sint totum Sacramentum, non videntur esse posse eius materia. Nam respondetur quod sunt totum Sacramentum non in fieri, sed in facto esse; non possunt vero censerī materia Eucharistiæ in facto esse, bene quidem in fieri.

Eucharistia unum est Sacramentum sub duobus speciebus. Quamvis enim duæ sint species diversæ in hoc Sacramento, panis scilicet & vini, non ideo tamen duq sunt distincta Sacramenta specie distincta: Nam Patres



Patres annumerantes Eucharistiam aliis Sacramentis, eam recensent, inter alia non ut duo Sacramenta, sed ut unum tantum. Cap. *Multi*, & alibi apud Aug. lib. *contra Faustum* cap. 14. & lib. 5. *contra Donatistas* cap. 20. & *de doctrina Christi* lib. 3. cap. 9. Et eo vel maxime hoc patet, & probatur, ex eo quod Eucharistia sit Sacramentum seu symbolum Ecclesiasticæ unitatis, ut constat ex 1. Corinth. 10. *Unus panis unum corpus multi sumus omnes qui de uno pane participamus.* Estius.

Advertendum tamen, hoc Sacramentum unum esse non ut indivisibile, & continuum, sed ut totum quoddam perfectum constans ex partibus ad totius integritatem concurrentibus, & ad eiusdem finem & perfectionem requisitis, ut bene declarat D. Thomas quæst. 73. art. 2. Nam Sacramentum hoc ordinatur ad spiritualem refectionem corporali respondentem, ita ut sicut ad unam refectionem corporalem integram duo requiruntur, cibus & potus; similiter ad integritatem refectionis spiritualis duo concurrunt, cibus nimirum spiritualis, & spiritualis potus, quorum etsi effectus forsan non sint diversi, sicut in refectione corporali, species tamen externæ secundum cibi & potus rationem quam habent, est diversa. Quocirca materialiter quidem ratione partium plurali numero Sacramenta vocari potest hoc Eucharistiæ Sacramentum, ut sæpenumero in divino Officio vocatur, partibus enim constat, necnon utraque seorsim sumpta est vere Sacramentum; formaliter vero seu perfecte, ut aiunt, totum ipsum unum est specie Sacramentum. Estius. Nam in lege novæ ad multiplicationem specificam Sacramenti non sufficit multiplicitas partium, sed requiritur insuper multiplicitas finium, qui specie sint diversi, & hæc diversitas specifica finium non invenitur in Eucharistiæ Sacramento, in quo hic unus tantum finis adæquatus habetur, scilicet animæ resectio, quæ ad similitudinem corporis, a qua desumpta est metaphora, cibo ac potu perficitur. Estius supra laudatus.

Num vero Eucharistiæ Sacramentum sicut unum est specie, sit etiam unum numero vel multiplex: ad hoc discutiendum advertendum est, species dupliciter considerari posse, vel ut ordinatæ sunt ad unam refectionem, puta unius Sacerdotis, qui utramque speciem consecravit, & tunc Eucharistia est unum numero Sacramentum, quia in hac suppositione est unicum signum totale eiusdem gratiæ nutritivæ; vel ut

sunt ordinatæ ad plures refectiones, ut hostiæ in pixide, & tunc multiplex est numero Sacramentum quia sunt plura numero distincta signa gratiarum numero distinctarum. Ex quo sequitur, quod si unus simul plures sumeret hostias consecratas, etiam tunc esset unum numero Sacramentum, quia esset unum signum formale unius refectionis. Habertus.

Contra tamen obiicitur, quod si una eademque substantia panis esset sub diversis accidentibus, unus esset numero panis: igitur cum idem sit Christus sub diversis seu distinctis speciebus, unum erit numero Sacramentum. Resp. negando consequentiam & paritatem. Disparitas est, quod denominatio panis repetitur a sola panis substantia; denominatio Sacramenti non repetitur a solo corpore Christi, ut iam notatum est, sed etiam a speciebus quas partem esse diximus, idest materiam partialem Sacramenti.

## S. VI.

*De materia remota Eucharistiæ, quæ est panis & vinum, necnon de eius quantitate & præsentia.*

Cum propria materia remota Sacramenti Eucharistiæ sit panis & vinum; quod attinet ad panem eiusque substantiam, de quo primum agimus, certum est debere esse panem triticeum, nempe confectum ex sola farina tritici aqua diluta, & ad ignem cocta, ita ut ex omni & solo tritico fieri possit panis, qui sit apta idoneaque materia huius Sacramenti, quia non dubitatur, imo procertissimo tenet Ecclesia, Christum triticeum panem, qui solus tunc temporis erat in usu communi apud Iudæos, in huius Sacramenti materiam assumpsisse, idest non aliam materiam adhibuisse in huius Sacramenti institutione, hancque ut necessariam tali mysterio cōficiendo præcepisse hisce verbis, Lucæ 22. *Hoc facite in meam commemorationem*, cum & seipsum grano frumenti comparasse legatur in Evangelio: deinde quia, ut D. Thomas docet quæst. 74. art. 2. in usum Sacramentorum assumitur talis materia, quæ communiter apud homines in talem usum venit: porro nomine panis quo communiter homines utuntur, non intelligitur nisi panis triticeus, nam alius panis improprie & cum addito dicitur panis v. g. panis hordeodicitur panis hordeaceus, Ioan. 6. & e contra panis confectus ex tritico non vocatur nisi simpliciter panis, idest sine illo addito, nec alii adhibentur nisi in huius de-

Panis triticeus  
sola materia  
Sacramenti  
Eucharistiæ

fectum. Adde quod panis triticeus magis quam cæteri, confortet hominem; idcirco convenienti effectum significat huius Sacramenti. Et hoc constat etiam ex constanti Ecclesie traditione & praxi, quæ nunquam nisi in pane triticeo celebravit, ut patet ex Decreto Eugenii IV. & ex actione 3. Concilii Chalcedon. anno 450. ubi accusata fuit Dioscori Episcopi Alexandrini avaritia, qui causa fuit quod defectu frumenti in Lybia non fuit oblatum Sacrificium, & ex pluribus aliis Conciliis, & præsertim Lateranensi IV. cap. *Firmiter*, Tridentino & Florentino, ubi sic: *tertium est Sacramentum Eucharistia cuius materia est panis triticeus, & vinum de vite, cui ante consecrationem aqua modicissima admisceri debet.*

Ex dictis igitur sequitur 1. ex oriza, avena, hordeo, millio &c. vel ex leguminibus, radicibus herbarum, fructibus arborum, item ex tritico non puro sed mixto, v. g. hordeo, vel avena, si pars seu quantitas tritici non sit notabiliter maior, quia alias non esset panis simpliciter triticeus, ut habetur in Missali Rom. de defectibus, fieri non posse panem aptum ad consecrandum Eucharistiam. Si tamen farina alterius speciei sit in parva quantitate, ut panis materiali estimatione censeatur triticeus, potest esse materia Eucharistiae, quia ut ait D. Thomas modica permixtio non solvit speciem, cum modicum absumatur ab eo quod copiosum est. Verum reverentia debita tam venerabili Mystero exigit, ut panis sit ex puro tritico & albo. Nequit autem licite consecrari panis confectus ex grano, de quo dubitatur an sit verum triticum, quia in Sacramentis, quæ non sunt de necessitate mediæ nunquam licet adhibere materiam non certam; alioquin sine urgenti necessitate nullitatis periculo Sacramentum exponeretur, ac proinde licet D. Thomas quest. 14. art. 3. ad 2. existimet panem seligenum esse materiam sufficientem, eo quia seligo oritur ex frumento, nec ab eo essentialiter differat; & idem de hac, necnon de spelta quoque, farre & hordeo, quia parum differunt a frumento, sentiat Etsius; tamen cum hæc communiter accipiantur ut diversæ speciei a frumento, non secus ac ea quæ ex frumento in diversam speciem degenerant, ob adductas rationes in materia dubia, salva semper debita reverentia tam insignibus Theologis, neutiquam usurpanda sunt pro materia Eucharistiae consecrandæ, ut docent Habertus, & P. Antoine. Hinc nec quoque massa cruda, vel farina aqua

rosacea, aut alio liquore diluta, ex quibus non sit panis, puta lacte, butirro, mele, ovis, saccaro &c. sunt materia valida Eucharistiae consecrationi, quia nullatenus est nec dici potest panis, sicuti nec altera quæ communiter appellatur *placenta*. Si tamen liquores illi essent in exigua quantitate, ut aqua prædominaretur, tunc valida esset consecratio, tamen si illicita, quia quæcumque mixtio fiat, semper illicita est.

Quantitas materiae huius Sacramenti non ita determinata est, ut certa quantitas designari possit, lapsa, vel infra quam consecratio fieri nequeat. Ad veritatem Sacramenti sicuti minima sufficit, dummodo sensu perceptibilis sit, sic maxima non impedit, cum Christus nullam quantitatem determinaverit, & cum qualibet quantitate stare possit veritas formæ, modo censeatur sufficienter præsens. Et licet censeatur intentio Christi, qui non dedit talem facultatem consecrandi in destructionem, sed in ædificationem, & mens ac præceptum Ecclesie, quod tanta quantitas consecratur, quæ moraliter loquendo, & ex prudenti iudicio proportionata sit communioni Fidelium, unde inserunt quidam Theologi, quod si quis integram panis officinam consecraret, nulla esset consecratio; tamen hoc nimis probat, quia ex hoc sequeretur, non conficere Eucharistiam Sacerdotem, qui sua potestate contra Christi intentionem abutitur, quod est absurdum; alias damnanda essent Sacrificia sacrilegorum Sacerdotum, & hostiæ ab istis consecratæ, ut ait Habertus. Hinc melius sentiunt ii, qui illicitam quidem, sed validam existimant consecrationem factam contra Christi intentionem, & Ecclesie mentem ac præceptum, ac ideo peccaret talis imprudens, & parum timoratus Sacerdos contra mentem Christi, & Ecclesie, consecrando scienter multo maiorem quantitatem quam communicandorum numerus exigere. Et patet hoc ex epist. sub nomine S. Clementis, in qua habetur: *Quanta populo sufficere debeat*; & hoc confirmant etiam Summorum Pontificum Decreta, qui vel damnarunt eos qui duas formulas ministrabant, vel maiorem vini quantitatem infundebant eo devotionis prætextu, quod ex longiore devotioni Domini permanencia in stomacho maiorem ex opere saltem operantis fructum perciperent.

Ad valide consecrandum, & Sacramentum hoc conficiendum necesse est, ut materia consecranda, panis scilicet & vinum præsentia sint Ministro consecranti; præ-

De quan-  
titate  
materie  
consec-  
randæ:

De præ-  
sentia  
materie  
consec-  
randæ.

sentia, dico, more humano, quo videlicet quid præsens dicitur, quod veluti in usum humanum possit indicari, dicendo *hoc est*: Nam cum hoc Sacramentum institutum sit, & collatum hominibus ad ipsorum usum, modo quoque humano facienda est demonstratio. Unde sicuti particula *te* in Baptismo, & Pœnitentia rem sensibilibiter præsentem demonstrant, ita fieri debet per particulas *Hoc* & *Hic* in Eucharistia; ita ut sicut non potest baptizari nec absolvi, nisi persona præsens, similiter non potest consecrari nisi materia sufficienter præsens. Et hæc veritas constat ex traditione, & praxi Ecclesiæ fundata in ipsius Christi facto, & exemplo, qui in instituendo hoc Sacramento materiam sibi actu præsentem consecravit, nec aliam potestatem ab ipso Apostoli receperunt, nisi faciendi quod & ipse fecit, & hoc exigit veritas etiam ipsa formæ, quæ continet demonstrativum pronomen *hoc* & *hic*. Nihil enim demonstrari potest ad sensum, nisi quod præsens est; alias posset Sacerdos, ut notat P. Antoine, consecrare unica formæ prolatione totum panem, qui est in tota Civitate.

Præsentia vero alia est physica, ut cum res aliquo sensu attingitur, oculis vel manibus, alia moralis, quando restamenti sensu actu non percipiatur, tamen in eo sita est loco, quo perceptibilis sit a consecrante, & demonstrabilis, si non in se saltem in aliquo sibi coniuncto, aut ordinato ad illam continendam. Sic in cumulo mularum formularum, illæ quæ sub aliis latitant, censentur nihilominus Sacerdoti præsentem, eo quod ingens formularum cumulus se habeat per modum totius, quod utique sensibilibiter præsens est, licet singulas eius partes sensus non attingat. Nemo enim non videt, quod offenso dolio, vel crumena, moraliter videatur vinum in uno, & argentum in altera inclusum. Non requiritur vero præsentia physica, sed sufficit etiam moralis, quia cum illa morali præsentia stat veritas formæ consecratoris, & materia consecranda sensibilibiter demonstratur; quia, ut communiter, morali præsentia consecrans scit ibi esse materiam, hancque sensu aliquo modo percipit, nisi in se, saltem in alio, vel in suo toto, vel proxime continente, vel vase ad illam continendam destinato, illamque habet etiam propinquam, & coram seipso, qualis esse debet res, quæ veluti in usum humanum assumenda, ut iam diximus, indicari possit hoc pronomen *hic* vel *hoc*; alias præsens non esset modo humano: Un-

de ita advertit Missale Romanum de defectibus: *Requiritur ut materia consecranda in actu consecrationis sit coram Sacerdote*. Quare materia valide consecrari nequit licet proxima, seu vicina, si sit a tergo, vel sub mappa, vel post parietem, vel post aliquod aliud corpus opacum, quod non habeat rationem techæ, seu vas proxime illam continentis; ut si essent clausa in tabernaculo, cum tabernaculum non sit vas, sed locus separatus quo demonstrato non demonstretur id quod in eo inclusum continetur, quia tunc materia non est moraliter præsens consecranti, nec ullo sensu demonstrabilis per illa pronomina *hoc* & *hic*. Consecraret quidem Sacerdos duas hostias, quas habet in manu, dum etiam putat se unam tantum habere, dummodo consecrare velit id quod habet præ manibus, cum utraque sit ei moraliter præsens. Item si ex oblivione non aperiret pyxidem super corporale repositam, ut monent Rubricæ Missalis, valide adhuc consecraret, quando talis sit eius intentio, quia ratione continentis proximi sunt ei moraliter præsentem, quia pyxis est vas, quo demonstrato demonstratur contentum.

Dixi *super corporale repositam*; nam si hæc, vel etiam aliæ formulæ extra remansissent vel extra altare, licet prope illud, puta in credentia, non censerentur consecratæ, non præcise ob defectum præsentis, sed intentionis in Sacerdote, siquidem in illo casu non esset intentio Sacerdotis, nec interior etiam virtualis, cum Sacerdos nunquam voluerit consecrare illas hostias contra Ecclesiæ prohibitionem, nec exterior, puta ne quidem exterior Sacerdos facit quod facit Ecclesia, nec iudicant circumstantes eum in tali casu velle consecrare. Idemque dicto de guttis quæ fortuito ceciderunt super pedem calicis. Si particulae positæ sint quidem in altari, sed alicubi extra corporale ad latus; res est dubia, & maxime pendet ab intentione Ministri; Sed si positæ sint extra quidem corporale, sed prope illud v. g. a parte Evangelii inter librum, & corporale, videntur consecratæ quavis rubricæ præscribant; ut ponantur supra corporale; sicuti vere consecrantur in ciborio clauso super corporale posito, etsi rubrica præcipiat quod in consecratione aperitur. & possunt sufficienter demonstrari per particulam *hoc*. Guttæ vini, quæ calici separata a toto extrinsecus adhærent, non consecrantur, quia cum licite consecrari nequeant, non præsumendus est Sacerdos quod eas consecrare intendat. De iis vero quæ

in-

intra cuppam separatæ sunt a toto, varie sentiunt Doctores. Quare pro praxi expedit ut Sacerdos pro semper intendat non consecrare nisi quod est continuum.

Si fiat ut Sacerdos rationabiliter sit dubius de vera hostiarum consecratione, eas sumere debet post consummationem utriusque speciei, & si sint nimis multæ, curare ut ab alio Sacerdote in suo Sacro, dum unam vel alteram hostiam absolute consecrat, eas simul consecrare intendat sub conditione si non sint consecratæ, vel ipse die sequenti in suo Sacro hoc faciat. Si vero dubius sit de consecratione alterius materiæ constitutæ pro Sacrificio, iterum super illam materiam proferre debet sub conditione verba consecrationis. Et si dubitet de validitate materiæ, quia v. g. præsumitur vinum esse acetum; vel aquam plurimam vino esse mixtam, tunc aliam certam consecrare debet, ut Sacrificium perfectum remaneat, & post communionem sumere materiam dubiam. Pater Antoine sic.

Tamet si Rubricæ præscribant ut Sacerdos parum inclinatus consecret, valde tamen indecens est, & contra reverentiam tanto Mysteriorum debitam, quod ad materiam consecrandam os admoveat, & verba consecrationis pronuntiet magno conatu, morulas ad singula verba interponendo, ut *hic... est... calix*, ut suo habitu inficiat res oblatas non sine aliqua intuentium offensione.

Insuper ad valide consecrandum necesse est, ut Sacerdos sua intentione materiam consecrandam determinet in particulari. Ita docet Missale Romanum de defectibus. Nam actiones versantur, & sunt circa res singulariter determinatas. Unde intentio Ministri, quæ est causa practica tendere debet & versare circa determinatam materiam; & eo vel maxime quod cum forma consecrationis demonstrativa sit, determinationem requirit rei demonstrandæ, cum indicari nequeat res indeterminata. Ad hoc tamen non opus est quod Sacerdos designet singulas hostias quoad numerum, sed satis est designari in toto obiecto, seu in tota quantitate; quæ proponitur; nempe quia consecrare intendat omnes formas præsentis licet eorum numerum ignoret, aut hæreat circa illum. Imo dum intendit consecrare omnes particulas, seu hostias moraliter præsentis, eas omnes consecrat, quamvis plures sint quam volebat. Error enim speculativus non irritat, seu non tollit intentionem absolutam consecrandi materiam totam præsentem: puta si Sacerdos habeat

in manu duas hostias credens se unam tantum tenere, nisi expresse ignotam suam intentione excludat, ambæ consecrantur. Ita cum Missali Romano P. Antoine.

Restat porro, ut aliquid dicatur etiam de panis qualitate qui adhibendus est in sacra Eucharistiæ Sacramento, ut ex hac parte quæque eius reverentiæ consulatur. Quare omnino cavendum est maiori diligentia, ne panis qui pro consecratione assumitur, vel corruptus sit, vel corrumpi incipiat, vel vitari; sed habeat in se qualitates & proprietates boni panis, quod facile est cognoscere ex colore, odore, sapore, aliisque accidentibus, quia si corruptus est usque ad speciei dissolutionem, consecratio ex eo fieri nequit; nam esset invalida. Si autem ad corruptionem tendat, rata quidem erit consecratio, sed non fiat absque gravi peccato irreverentiæ Sacramenti, nisi forte necessitas excuset, & metus scandali.

Nota nullam posse occurrere causam moraliter sufficientem ad Eucharistiam constituendam, nisi in materia certa, ut ex Suarezio; quia summa debetur reverentia huic Sacramento, & aliunde non est necessarium necessitate medii.

Tamet si primævis Ecclesiæ temporibus sæviente persecutione assumerentur pro oblatione panes obvii, ut colligitur ex cap. 2. Actuum Apost. reddita tamen pace Ecclesiæ adhiberi cœpit in Ecclesia singulare studium & diligentia in præparandis panibus pro usu sacra Eucharistiæ, & sic curabatur maiori perfectione quæ posset, ne adhiberetur nisi panis ad hoc præparatus. Hinc Concilium Toletanum anno 693. reprehendit Presbyteros, qui ex quolibet pane crustulam in rotunditatem offerebant, statuitque, ut non aliter panis in altari Domini sacerdotali benedictione sanctificandus præparatur, nisi integer & nitidus, qui ex studio fuerit præparatus: Talis erat communiter circumspectio in hoc pane parando, quod nemini fidentes omnes propriis manibus panem pro sacrificio faciebant, & Imperatores ipsi non se credebant immunes a tali debito. Fertur a Fortunato, quod S. Regina Radegunda sexto sæculo propriis manibus faciebat panem, quem postea Ecclesiis dispensabat pro usu in sacra Eucharistiæ, & Cardinalis Hambertus scribit contra Michaellem Cæularium, Altaris Ministros sacris vestibus amictos inter psalmorum decantationes panem conficere consuevisse. Qui pius mos viguit præcipue apud Cluniacenses, & etiam nunc in Oriente Nestoriani hoc observare dicunt.

De ean-  
tella cir-  
ca mate-  
riam  
consec-  
randam.

tur. Constitutiones Cyrilli Patriarchæ Alexandrini vetabant sub pena anathematis, ne quis committeret sceleris facere panem pro sacra Eucharistia. Sic P. Chardon. & S. Carolus in actione 4. Mediolanensi part. 2. cap. de iis quæ pertinent ad Missarum solemnità, prohibet ne laici hunc panem præparent. In Ordine S. Benedicti seligebantur frumenti grana, & fideli fratri molenda committebantur, testibus Lanfranco cap. 3. Decreti S. Benedicti, & Ulderico lib. 3. Constitutionum Cluniacensium cap. 13.

Panis Eucharistiæ, prioribus sæculis non aliam habuit figuram quam panis communis, quia hic etiam panis erat, quo utebatur primitiva Ecclesia, ut ex Durando in Rationali lib. 4. cap. 53. num. 3. ex Concilio Toletano cap. 6. & Ordine Romano. Postea cœpit esse figuræ rotundæ, ut ex S. Epiphaphanio in *Anaberto* num. 57. Hinc a S. Gregorio lib. 4. Dialogorum hostiæ vocantur *coronæ*. Cum autem panis integer, & solutus pridem offerretur, undecimo tandem sæculo redactus fuit ad formam nummi tenuissimi, unde non pauci de tali novitate reclamant. Ita vetus Interpres Ordinis Romani apud Cassandrum in Liturgiis pag. 61.

### S. VII.

*De pane azimo, & fermentato, & de pane azimo adhibendo in usu sacre Eucharistiæ.*

Statuto iam cum Christi exemplo in institutione Sacramenti Eucharistiæ, & perpetua Ecclesiæ traditione ab Apostolis recepta, materiam Eucharistiæ esse panem communem, sequitur ut certum & indubitatum in ipsius Ecclesiæ doctrina, tam panem azimum quam fermentatum esse materiam idoneam, in qua celebrari possit Sacramentum corporis Christi: Quia cum ad huius Sacramenti materiam nihil aliud requiratur, nisi, quod sit simpliciter panis, idest triticeus, usiam antea probatum est, nec ullatenus dubitari queat panem triticeum non esse verum communemque panem, sive illo sit azimus, sive fermentatus, evidentissime patet utrumque esse posse aptam, idoneamque materiam huius Sacramenti; & de hac veritate Ecclesia Christi catholica nunquam dubitavit; imo ne quidem suspicionem habuit, cum uterque fiat ex farina triticea, aqua naturali diluta, puro igne cocta, ac proprium habeat usum panis.

Verum cum visum fuerit Ecclesiæ, præcipue Latine multum conveniens (dico con-

veniens, cum nihil circa hoc præceperit Christus) se conformare in celebratione huiusce Mysterii Christi Domini institutioni, qui cum hoc instituerit in ultima Cœna cum suis Discipulis habita sub Vesperas Feria quinta, idest sub initio Paschatis Iudæorum, quando comedi debebat panem azimum, & neutiquam fermentatus; creditur in animis Sacramentum hoc primitus instituisse; moxem induxit, ac simul iussit Sacramentum Eucharistiæ in pane azimo esse conficiendum. A quo autem tempore cœperit etiam in Latina azimorum usus, nihil certi habemus apud auctores, cum circa hoc inter se discrepent. Nam S. Thom. in 4. sententiarum distin. 11. quaestione 3. Aletis, alique veteres Scholastici existimant, utramque Ecclesiam, Græcam scilicet & Latinam, usum fuisse pane azimo usque ad Ebionitarum hæresim, qui cum vellent legem veterem simul cum Evangelio observandam esse, ob hoc panes azimos in sacris Mysteriis usurpabant, ac ideo in detestationem huius erroris reiectis azimis utramque Ecclesiam panem fermentatum sumpsisse. Alii repetunt azimorum usum ab Alexandro I. Pontifice, qui obiit anno 130. Alii a Melchiade, & Siricio. Alii ut nonnulli Græci Schismatici a Leucio seu Felice Apollinarista, qui utebatur exemplo azimi, qui caret fermento veluti sua anima, ut ostenderet Christum animam & mentem humanam esse expertem. Alii inter Græcos dicunt ab Apostolis Petro & Paulo, universæ Ecclesiæ tributa fuisse azima, & parvo tempore permixta ob multitudinem Iudæorum, qui Apostolorum prædicatione ad fidem conversi erant. Alii finierunt cap. Synodi sextæ vetitum fuisse, & reprobatum usum azimorum, ut observat Hilariion Monachus Græcus lib. de pane mystico Græcorum, & de azimo Latinorum. Sed hic confundit Synodum sextam, in qua damnatus fuit azimorum usus, non absolute & simpliciter, sed ritu & azimo Iudaico oblatus. Sed his cunctis opinionibus quæ a nulla Schola patrocinantur, tres alie remanent, quæ inter peritos versantur.

Prima est ruditissimi Iacobi Simandi Societ. Iesu, qui in sua Disquisitione de azimo tom. 4. suorum Operum contendit usum fermentati octingentis & amplius annis communiter adhibitum fuisse in Ecclesia Latina, & recepta azima medio illo tempore, quod effluxit a schismate Phocii usque ad turbas Michaelis Cæsararii, idest ab anno 886. ad annum 1053.

Secunda est Patris Mabillonii Ordinis S. Benedicti.

Benedicti singularis traditionis viri, tum in excellenti Dissertatione de *Pan. Eucharistico azimo, & fermentato*, tum in Præfatione tertii sæculi Benedictini, & Christiani Lupi Ordinis S. Augustini, ac Doctoris Lovaniensis tom. 3. Scholiorum in Decreta & Canones Conciliorum Dissert. de *Actis S. Leonis IX.* cap. 7. qui usum azimi statuunt a tempore Apostolorum semper permanentem fuisse in Ecclesia, nec unquam adhibitum fermentatum.

Tertia denique, quæ est veluti media inter utramque, & est Card. Bonæ lib. 1. *Rerum Liturgicarum* cap. 25. ultimæ editionis, ubi docet usum fermentati perpetuum fuisse in Ecclesia Græca, & Ecclesiam Latinam prioribus sæculis promiscue usam fuisse & azimo, & fermentato, nec ante sæculum decimum usum azimi lege communi ac generali ubique receptum esse.

Quidquid tamen sit de his opinionibus, quas hic discutere non intendo cum solum velim non relinquere Lectorem de his ieiunium; certum est quod usus azimorum videtur ex quibusdam Monumentis esse valde antiquus, scilicet multo ante tempora Phocii cum *Leo IX.* qui non erat ita remotus a tempore Phocii cum *Leo IX.* qui non erat ita remotus a tempore Phocii, ideoque non ignotæ mutationem statutam a P. Sirmondo in illo temporis intervallo in epist. 6. ad Michaelem Cæsaratum, dicat, Ecclesiam Romanam usum azimorum ab Apostolis sumpsisse. Et Rabanus, qui vivebat ante annum 855. quo obiit, lib. *Instit. Clericor.* cap. 33. probat exemplo Christi Domini panem Sacrificii debere esse absque fermento. Unde dicendum, Concilia, quæ post sæculum 8. usum azimi præceperunt, ac prohibere fermentatum, potius correxissent abusum, qui forsitan ab aliquibus fiebat offerendi in fermentato, quam legem indixisse, qua usus azimi, qui non fuerit, induceretur. Absolente autem reprobari nequit usus fermentati ubi est consuetudo, ut apud Græcos, quem neque Ecclesia ipsa respectu illorum improbat, ut constat ex Florentino Concil. habito an. 1438. in quo sopita est hæc controversia, quæ tandem, & tam graviter utramque Ecclesiam exagitavit, dum definitum fuit, utrumque Panem, & fermentatum, & azimum esse idoneam materiam Sacramenti Eucharistiæ. Quod in tali proposito circa usum azimi apud Latinos dicere possumus, est, quod ex rationibus, si iis standum esset, videatur maior quædam ritus convenientia si sacra Eucharistia celebraretur in azimo quam in fermentato; quia in hoc Latini sequun-

tur Christi exemplum, qui, ut patet ex Evangelio, cum Sacramentum Corporis & Sanguinis sui instituerit post Coenam Agni Paschalis, quæ secundum Legem in azimis peragebatur; in azimis Sacramentum hoc instituit, ac primo celebravit. Vetustissima Ecclesiæ disciplina de Christi institutione in azimis colligitur ex tribus Evangelistis, qui referunt Christum comedisse Pascha prima die Azimorum; *prima die Azimorum*, inquit Matthæus cap. 26. *acceperunt discipuli ad lesum dicentes: Ubi vis paremus tibi comedere Pascha?* Et similia habentur apud Marcum cap. 14. apud Lucam cap. 22. Tali autem tempore per septem sequentes dies, quibus Pascha celebrabatur, & appellabatur dies azimorum, vetitum erat non solum comedere, sed etiam in domibus panem fermentatum retinere.

Nec ullatenus valet quod dicunt Græci, aut Christum prævenisse tempus a Legge præscriptum, ac ideo ante Iudæos Pascha celebrasse, vel Iudæos, qui mortem dare Christo moliebantur, Pascha statuto tempore postposuisse usque ad Lunam 15. quia tres præcitati Evangelistæ viam huic, dicam cavillationi, obtrudunt. *Venit autem dies Azimorum*, ait S. Lucas, *in qua necesse erat occidi Pascha*. Igitur Christus proprio statuto die Pascha celebravit: nam eodem ipso die misit Petrum, & Ioannem dicens: *Euntes parate nobis Pascha*. S. vero Marcus ait: *Primo die Azimorum quando Pascha immolabant, dicunt ei discipuli: Quo vis camus, & paremus tibi ut manducemus Pascha?* Itaque ipso eodem die, quo Iudæi, Christus Pascha manducavit. Igitur in azimo, quia nihil omnino fermentati tunc temporis in suis domibus retinebant. Et cum Evangelistæ, qui afflatu Spiritus S. locuti sunt, non possint sibi ad invicem contradicere, & blasphemus esset qui alias sentiret; hinc licet D. Ioannes dicat Christum Dominum ante diem festum Paschæ coenam instituisse, nihil dicit contra alios Evangelistas nisi quoad modum: cum alii loquantur de die azimorum ecclesiastico, qui incipit vespere ante Festum, sicuti nunc etiam in Ecclesia, quæ vespere diei antecedentis incipit cum Officio celebrare diem festum sequentem, & D. Ioannes loquitur de die naturali, qui incipit a media nocte diei sequentis.

Insuper mirum videtur quod quisvis Christianus in dubium revocare possit Christum statuto tempore non celebrasse Pascha, quia si in aliis legalibus, tametsi legi non subiaceret, ad aliorum exemplum legalem observantiam exhibere voluit, ut ipse eius Cir-

cumcisione, in SS. ac purissimæ suæ Matris Purificatione, in sui præsentatione in Templo; quomodonam ambigi potest, quod non se præbuerit exemplar etiam in ritu, qui præcipuus erat in caeremoniis Mosaycis, videlicet celebrandi Pascha tempore a lege statuto? Ideoque sicut lex præcipiebat, cœnam in azimis celebrasse, ac proinde in azimis sacram Eucharistiam instituisse.

Secunda ratio, quæ panem azimum Eucharistiae convenientiorem demonstrat est, quia in fermento est significatio peccati & corruptionis, non solum in veteri lege, quæ propter hoc in suis oblationibus fermentum non admittebat, verum etiam apud Apost. 1. Corinth. 5. & alibi: Caro autem Christi fuit omnino expers peccati, & mortua corruptionem non vidit. Ita Estius. Tertia quia Christiani huic Sacramento communicantes debent iuxta monitum Apostoli loco cit. epulari non in fermento malitiæ & nequitia, sed in azimis sinceritatis & veritatis.

Sed cum & Græcis non desint rationes comprobantes convenientiam sui ritus consecrandi in fermentato; & Ecclesia utramque consuetudinem tum azimi Latinorum, tum fermentati Græcorum approbaverit pro vera Sacramenti huius celebratione, ut constat ex Concil. Florent. alias citato in Decreto Unionis; advertendum remanet, utramque Ecclesiam; Græcam videlicet & Latinam teneri sub mortali suum ritum servare, nempe Latinos consecrandi in azimo, & Græcos in fermentato. Ita enim præcipit cit. Concilium Florent. quod in Decreto unionis ita habet: *Definimus . . . ipsum corpus Domini conficere debere unumquemque, scilicet iuxta Ecclesiæ suæ, sive Occidentalis, sive Orientalis consuetudinem.* Et utriusque Ecclesiæ consuetudo antiquissima obtinet vim legis graviter obligantis, utpote de re gravi. Hinc cap. ult. de celebrat. Sacerdos quidam Latinus iubetur privari in perpetuum officio & beneficio, eo quod in fermento consecraverit defectu azimi. Unde in hoc ex nulla necessitate dispensari potest, ne quidem in consecratione Viaticæ pro infirmo, quia præceptum divinum de Viatico non censetur obligare nisi quando convenienti modo, & debitis circumstantiis fieri potest, idest eo modo, ac convenienti, seu decenti ritu, qui requiritur ad maiorem tanti magni mysterii reverentiam.

Advertendum tandem restat quod multi dicunt, Sacerdotem Latinum iter facientem per loca Græcorum licite posse uti pane fer-

mentato, & Græcum azimo in Occidente, quando in iis locis non sint Ecclesiæ sui ritus, cum iuxta D. August. Epist. ad Ianuarium cuique facere licet, quod in ea Ecclesia in quam venit, invenerit, modo divino non adversetur præcepto. Quod si inter Latinos sit aliqua Græcorum Ecclesia, & inter Græcos aliqua Latina, in iis proprium ritum quisque servare tenetur; quia eo ipso, quod ibi Templum habent, idem est quoad Sacrificium ac si essent in propriis, nec licet Latino in Ecclesia Græcorum sita inter Latinos celebrare in fermentato, quia hoc est speciale privilegium Græcorum Genti in Ecclesia concessum.

## §. VIII.

*De vino; qui est altera materiæ pars Eucharistiæ.*

Altera huius Sacramenti materia est vinum de vite ex uvis expressum, quo in calice fit consecratio sanguinis Christi Domini, cum vinum sit materia pro sanguinis Christi consecratione determinata, & exhibita a divina Christi institutione, ut habetur Matthæi 26. *Cenæ accumbens vinum consecravit;* nec ipsi vino quacunque causa subrogari potest sive aqua, sive quivis alius liquor, licet pro vino communiter alicubi ad potum adhiberetur, & hoc damnat errorem Aquariorum, qui dicti fuere *Hydroparastatæ*, & sunt Ebionei numerati ab Epiphanio hæresi 30. quia sola aqua in divino Sacrificio utebantur. Et veritas de tali materia clare constat tam ex Evangelio, ubi habetur Christum Dominum consecrassse, ac instituisse Eucharistiam in pane triticeo, & vino de vite ex uvis expresso, & ex perpetua ac constanti Ecclesiæ traditione, quæ sicuti ab Apostolis accepit, ita semper verum vinum ex vite adhibuit, ac ideo semper præcepit hoc uti, & sub poena anathematis vetuit, ne quis nisi in vero vino, & neutiquam in aqua vel alio liquore Sacramentum sanguinis Christi Domini conficeret, ut habetur in Concil. Carth. cap. 24. ubi vinum de uvis expressum ad Sacramentum hoc requiritur; & de re hæc exeant varia Capitula apud Gratianum de consecrat. dist. 2. Idemque habetur tit. de summa Trinitate & Fide cap. firmiter: Et hoc quoque innovavit in suis Decretis Concilium Florent. in instrum. Armenorum: *tertium, (inquit) est Eucharistiæ Sacramentum, cuius materia est panis triticeus, & vinum de vite,* Estius, Et Patres unanimes ita docent.

præcipue S. Cyprianus in ep. ad Cæcilium lib. 2. S. Aug. in lib. de heresi S. Ioan. Chryloli. hom. 23. in Matthæum.

Unde ex his omnibus patet, omne & solum vinum vitis esse materiam idoneam, ex qua Sanguis Christi in venerabili hoc Sacramento consecrari queat. Neque tamen refert utrum sit in vino specierum diversitas, scilicet vel sit malvaticum, vel cyprum, modo sit vinum extractum ex veris uvis de vite genitis, ac veram vini naturam habeat, nempe sit uvarum succus, qui communiter vocatur *vinum* sine ullo addito: Ita ut licet id quod vocatur vulgo *acquavita* sit ex uvis de vite, quia tamen hoc non est vere & proprie vinum, nec pro vino habetur, nec vinum simpliciter vocatur, & vini speciem amisit, non est idonea materia pro calicis consecratione. Multo igitur minus, imo nullatenus apti erunt ad mysterium sanguinis Christi conficiendum alii liquores omnes quicumque sint aliunde expressi, vel arte qualibet facti, ut succus pomorum, aliorumque fructuum, cervisia, etiamsi haberentur aliquo in loco pro vino, vel etiam improprie vinum appellarentur, & vini copia prorsus deesset: Similiter ob eandem rationem consecrari nequit omphacium vulgo *agresta*, quid nondum habet naturam vini; acetum quia non est amplius vinum, & sit ex corruptione substantiali vini; succus intra uvas maturas contentus nondum expressus; aut vinum in pane vulgo *zuppa in vino*, quia in tali statu non habet naturam vini usualis; vinum aromatibus ita conditum, ut morali æstimatione speciem vini amisisset, secus vero si alteratio levis sit, & exigua, tamen illicite, valide tamen consecraretur.

Sic P. Antoine cum aliis. Valide et contra fieret consecratio in musto, seu vino recentem expresso, ut aliquando legimus alieubi factum fuisse, nempe ante Sacrificium vinum ex uvis in calice exprimebatur, quia iam habet naturam vini; sed quia impurum est ob admixtas feces, ut indecens tanto Sacrificio, & Sacramento vetitum fuit. In casu tamen necessitatis, ut ait D. Th. q. 74. art. 5. ad 3. licite fieret consecratio. Item in vino congelato, sed resolutum, non in actu congelationis, id est dum est congelatum, quia tunc est materia incerta; ideo si in hyeme vinum in calice congelaretur, antequam consecraretur, per ignem resolvi debet, sed cavendum est quantum fieri potest, ne congeletur.

## §. IX.

*De modica aqua vino admiscenda pro calicis consecratione.*

Contra hunc Ecclesiæ ritum miscendi aquam cum vino in calicis consecratione duo exorti sunt oppositi errores. Primus veterum Manichæorum, qui sola aqua utebantur in calicis consecratione, ut iam antea innuimus. Alter eorum, qui aquam a Sacrificio omnino reiciebant, ut Armeni, quos secuti sunt Novatores, Lutherani scilicet, & Calvinistæ qui simul hanc ritum calumniati sunt, ut purum hominum figmentum; sed eorum Sectatores, inter quos Kemnitius in Examine Concilii Trid. docet aquam in Sacrificio esse rem indifferentem, ac liberam, Primum errorem damnavit Trullana Synodus. Contra secundum inveniunt Tridentina sess. 22. can. 9. Idcirco.

Dicimus cum Catholicorum omnium doctrina quod licet mixtio cum aqua in consecratione calicis non sit necessaria necessitate Sacramenti, seu divinæ institutionis, cum in eius primæva celebratione Christus Dominus usus non sit in calicis consecratione nisi vino; tamen certum est hoc necessarium esse necessitate præcepti, non divini, sed ecclesiastici; quia ita statuit Florent. Synodus in suo Decreto: *Vino ante consecrationem (ait) aqua modicissima a dhiberi debere*, & hoc monuit etiam Trid. Concilium sess. 22. cap. 7. & plura extant in hoc proposito Summorum Pontificum, aliorumque Synodorum Decreta, ut Alexandri I. ep. 1. Iulii I. apud Gratianum de consecrat. dist. 2. item Concilii Carthag. 3. & Bracar. 3. cap. 1. aliorumque; Et in Decretalibus tit. de celebr. Missæ cap. cum Marta & alibi. Immo a Conciliis tum Florent. tum Trid. rationes afferuntur, quæ Ecclesiam moverunt ad hoc præcipiendum; prima nempe quia iuxta SS. Patrum testimonia, præcipue S. Cypriani in suprad. ep. creditur ipsum Christum in vino aqua permixto consecrasse, quia cum, ut supponendum, adhibuerit vinum usuale in ordinariis domesticis refectionibus, certe non debebat esse omnino purum, eo quod vinum pro tali usu communiter aqua aliquantulum saltem dilui soleat, ut constat ex communissima praxi. 2. Quia melius ita representat Christi Passionem, & præcipue beneficium per ipsum nobis collatum in Sacramentorum vivificatione per Sanguinem Christi, qui ex transfixo eius latere efflu-



xit mixtus cum aqua. Tandem quia maxime convenit ad significandum huius Sacramenti effectum, qui est unio populi Christiani cum Christo suo capite; nam ut Apocalypsis 17. aqua populum significat, & Christus vocat se Ioannis 15. vitem veram; Aqua vero miscenda cum vino in calicis consecratione debet esse in quantitate valde modica. Ita docet praxis, & definitio Ecclesiæ, necnon ipsa ratio. In antiquo Ordine Romano apud Patrem Mabillonium, ubi agitur de Missa a Summo Pontifice celebranda ita habetur: *Post aquæ benedictionem ponit cum cochleari tres guttas aquæ.* Et communis ritus Missam celebrandi §. 6. num. 4. præcipit Sacerdoti, ut parum aquæ infundat in calice, & num. 9. de Subdiac. ministrante in Missa solemnī ait: *infundat paululum aquæ in calice.* Concilium quoque Florent. hoc confirmat, quod ita statuendo affert usum Ecclesiæ, quia ut ait Concilium Triburicense, melius ita significatur Christi maiestas per vinum designata, & populi fragilitas figurata per aquam. Et paululum aquæ infundendo tutius agitur, ait S. Thomas, quod aliquando vinum sit ita debile, ut aqua licet minore in sua specie facile corrumpatur; unde alias agendo reddi posset saltem materia dubia Sacramenti calicis, dum ad validitatem huius consecrationis necesse est, ut aqua sit in multo minori quantitate quam vinum, quia materia calicis est solum vinum usuale, quod tale esse non potest, si vinum aquæ non prædominetur. Hæc autem aquæ mixtio cum vino necessario fieri debet tempore Missæ, & in ipso sacro calice, alioquin non esset cæremonia sacra, nec sacram haberet significationem, & ob usum Ecclesiæ facienda est ante oblationem calicis, & graviter peccaret, qui hanc tunc ommitteret, & si facta non fuisset in oblatione, fieri debet ante consecrationem calicis, cum usque ad talem actionem subsistat ratio, ac tempus præcepti, & significationis, non vero post; ac ideo tunc cessat temus, & fieri prohibetur, ut habetur in Missali Rom. tit. de defectibus.

Solet hic agitari gravis questio inter Doctores, videlicet num aqua in Sanguinem Christi convertatur, & quomodo, nempe num immediate, num post conversionem in vinum, ut volunt Thomistæ: sed cum hoc magis spectet ad Scholam, quam ad conscientiarum regulas, ad quas præcipue, & melius dicam præcise tota est Moralis Theologia, hinc breviter Theologorum placita

signabimus, idest 1. de Fide non esse aquam in vinum converti, eo vel maxime quod tametsi sæculis duodecimo & tertiodécimo ortæ sint super hoc graves controversiæ, nihil plus super hoc Ecclesia statuere voluit, nisi quod Innocentius III. in sua ad Archiepiscopum Lugdunensem exarata in lib. 1. ex iisdem opinionibus tantum describit affirmantem ut probabiliorem. 2. Circa conversionem aquæ in sanguinem Christi Domini, in hoc communiter conveniunt Theologi, ac probant ex SS. Patribus, & Paulo ante laudatis Conciliis, qui alterunt Christum Dominum calicem aqua mixtum suum Sanguinem fecisse; unde nunc quoque in huius Mysterii celebratione ante consecrationem in calice est vinum & aqua, & post consecrationem est sanguis Christi Domini; & Patres, ac Concilia qui docent totum consecrari quod offertur, & benedicitur, ne utiquam distinguunt inter utramque materiam vinum & aquam, sed dicunt absolute mixtum illud post consecrationem esse sanguinem Christi. Qui enucleatius rem videre cupiat, recurat ad Scholasticos, qui fusiuss secundum suum styllum rem pertractant.

Tametsi illicita sit unius speciei consecratio sine altera, est tamen valida. Illicita quidem est, quia cum Christus Dominus instituerit hoc Sacramentum ad modum, & ad signum integri convivii, quod cibo, & potu perficitur, & ut Sacrificium in quo mystica, & incruenta immolatione sui ipsius constituti modo quodam mortui sub speciebus, per consecrationem expresse repræsentaret Sacrificium cruentum in se per realem separationem Sanguinis a corpore in ara Crucis peractum; necesse est ut ambæ species consecrentur, ut sub illarum speciebus prout sunt panis & vini habeatur vera ratio integri convivii, & prout sub iisdem corpus & Sanguis Christi mystice separantur, expresse repræsentetur eorum separatio, quæ in Sacrificio Crucis contigit; unde consecratio utriusque speciei ex divina institutione, & ideo iure divino est de substantia & integritate tum Sacrificii, tum etiam Sacramenti. Et eo vel maxime, quod Sacramentum non conficitur, nisi in Sacrificio. Hinc Christus Dominus ut utraque materia consecraretur præcepit per hæc verba: *Hoc facite in meam commemorationem*: Et hoc docet etiam Concilium Trid. sess. 22. cap. 1. Valide tamen una materia sine alia consecratur, quia Christus Dominus prius tempore unam materiam consecravit quam alteram, & Sacerdos pariter consecrat, & populo a-

Aqua mi-  
scenda  
modica  
esse de-  
bet.

dorandam exhibet Hostiam ante vini consecrationem: unde si Sacerdos per impotentiam, aut malitiam vinum non consecraret, non ex hoc efficeret quod species panis non esset vere consecrata: nam formæ veritas, & consecratio, per quam una species consecratur, absoluta est, & independens ab altera consecratoria alterius speciei; ac ideo exigit ut Christus sit statim sub tali specie independentem ab altera; secus enim forma esset falsa.

## §. X.

*De forma, seu de verbis consecrationis huius Sacramenti.*

Agendo universim de Sacramentis statuitur iam cum D. Aug. illa fieri, seu perfici ex rebus quæ dicuntur materia, & verbis quæ forma dicuntur Sacramenti: *Accedit verbum ad elementum, & fit Sacramentum.* Cum ita affirmandum sit de Eucharistia, quæ ut iam vidimus, est verum Sacramentum, his persolutis quæ ad eius materiam pertinent, nunc examinanda sequuntur quæ eiusdem formam respiciunt; nempe verba panis, & vini consecratoria. Nec hic quoque desunt sive controversiæ catholicos inter & hæreticos, ac etiam inter ipsos catholicos.

Omissio veterum Manichæorum delirio circa Eucharisticam panis consecrationem, qui somniarunt apud se nasci, non vero consecrari, ut refert D. Aug. l. 20. *contra Faustum*; Novatores etiam in errorem impegerunt contra Eucharistiæ formam, idest contra virtutem consecratoriam verborum, ut Bucerus, qui in cap. 16. Matthæi negat proferenda esse verba aliqua in Eucharistia conficienda, & Calvinus, qui somniat Sacramentum hoc ut simplicem, nudam figuram Corporis & Sanguinis Christi Domini; & licet in lib. 4. *Instit.* cap. 17. num. 19. conveniat verba proferenda esse in tali Mysterio celebrando, nullam tamen in verbis vim effectivam, seu consecratoriam agnoscit; sed solummodo narrativam, & historicam, ad fidem nempe conciliandam seu excitandam. Tandem Lutherus cum aliis vim quidem consecrationis verbis attribuit, sed non iis solis a Christo prolatis, sed & aliis præcedentibus, & sequentibus, quæ a Sacerdote in mystica actione profertur.

Waldenses feruntur olim omisisse verba Christi ad consecrandam Eucharistiæ, &

solum ad id usos sui oratione Dominica, *misse* quam pluries repetebant.

Catholici vero, tametsi in essentialibus non discrepent, non penitus tamen conveniunt circa verba Christi consecratoria: nam a communiori habetur pro forma consecratoria illa propositio: *Hoc est corpus meum*, & aliqui Græci existimant, consecrationem perfici per preces, benedictione vel Sacerdotis; & verba Christi: *Hoc est corpus meum* historice tantum ex præcepto divino recitari. Et hi sectatores duos valde doctos eruditosque viros, Alphonsum nempe Salmeronem & Societate Iesu, & Ambrosium Catharinum Ordinis Prædicatorum suæ opinionis inter Latinos habuerunt; & Catharinus præcipue, etiam dum aderat Concilio Trid. hanc propugnavit. Ita vero ad sentiendum inducuntur ex eo quod Christus Dominus prius panem, & calicem benedixit, in quâ benedictione intelligitur oratio, quam affirmaverit: *Hoc est corpus meum: hic est sanguis meus.* Et huic opinioni favere videtur S. Gaudentius Briziensis Episcopus, dum tract. 2. in Exodum ait: *Cum panem consecratum, & vinum discipulis suis porrigeret Dominus, dixit: Hoc est corpus meum.* Imò Apostolus ipse 1. Corinth. 10. videtur tribuere consecrationem oblatarum benedictioni, idest preci, ipsosque Apostolos benedictione credidisse consecrare, cum ita ibi loquatur Apostolus. *Calix benedictionis cui benedicimus, nonne communicatio Sanguinis Christi est?* Et ita sentiunt citati DD. quia Patrum omnium una videtur vox, Eucharistiæ Dei invocatione, gratiarum actione, benedictione perfici. *Ad preces Sanctorum* (scribit S. Pater Hieronym. ep. 8. *ad Evangelium*) *Christi corpus & Sanguis constituitur.* Ita Origenes homil. 15. in Matthæum: Ita S. Gregorius lib. 7. ep. 64. Et quia eis videtur non posse stare veritatem huius propositionis: *Hoc est corpus meum*, si per illam panis in corpus Christi vertatur, quia vere corpus Christi non demonstraret, nisi præsupponatur facta conversio, cum corpus Christi non existat sub speciebus panis, nisi per consecrationem. Tandem propositio illa: *hoc est corpus meum*, necessario significat corpus Sacerdotis loquentis, nisi aliud proferatur, quo appareat Sacerdotem loqui in persona Christi. Igitur forma Eucharistiæ consistere videtur etiam in illis precibus, ut nobis corpus, & sanguis fiat Domini nostri Iesu Christi, & narratione sequenti, qui pridie quam pateretur, accepit panem . . . benedixit. . . quorum loco dicunt Græci, &

*dicens : hoc est corpus meum* : nam verba sacramentalia in tantum operantur, in quantum significant. Sola autem verba repetitæ propositionis : *hoc est corpus meum*, nullatenus significant corpus Christi, sed potius Sacerdotis celebrantis : igitur illa sola verba videntur non efficere corpus Christi in Eucharistia.

De verbis  
consecra-  
toris, in  
sacrificio  
Eucharis-  
tico.

Quidquid tamen sit de tali Græcorum, Salmeronis, & Catharini opinione circa præcisa verba consecratoria Eucharistiæ, licet Patres Concilii Trid. ut & Salmeronus & Catharinus testantur, proscribere noluerint nec opinionem, nec eius patronos, ideoque non sit de fide credendum, quod sola propositio : *hoc est corpus meum*, sit consecratoria; nihilominus non videtur recedendum a communi, imo communissima Doctorum sententia, consecrationem fieri solis prælaudatæ propositionis Christi verbis, idest : *hoc est corpus meum*. Et hoc præcipue comprobat non solum communis sensus totius Ecclesiæ, quæ tametsi circa huiusmodi controverfias nihil aliud definierit, censet tamen, & tenet tanquam certum, verba Christi laudatæ propositionis : *hoc est corpus meum*, veram esse & genuinam formam consecrationis : sed in hoc etiam concordat Patrum doctrina, præcipue Irenæi, Chrysostomi, Ambrosii, Augustini, aliorumve quamplurium, qui adscribunt prælaudatis verbis conversionem panis in corpus Christi; *Panem . . . corpus suum . . . fecit : hoc est corpus meum dicendo*, ait Tertullianus contra Marcionem cap. 40. Et licet Ecclesia contrariam sententiam non proscripserit, ea tamen displicuit Concilio tum Florentino, tum Tridentino : etenim in Florentino inter cætera Græcis Latini exprobrabant, quod eorum Presbyteri confirmarent, & quod preces verbis Domini adderent in Liturgia, idest in Eucharistica consecratione. Unde colligitur quod mens Latinorum sit, consecrationem fieri sine precibus. Et sicuti alienum credebant a Christi institutione, Presbyteros tanquam ordinarios Ministros confirmare; ita quod precibus consecratio perficiatur. In Decreto quod Eugenius edidit ad exponendam Armenis Ecclesiæ Romanæ doctrinam, consecratio neutiquam precibus, sed solis verbis Domini adscribitur. *Forma, inquit, huius Sacramenti sunt verba Salvatoris, quibus hoc constituitur Sacramentum : Sacerdos enim in persona Christi loquens hoc conficit Sacramentum*. Et consensus ipse Græcorum huic doctrinæ præbitus impulit Concilium ad hoc indicendum,

ita cum eorum approbatione stabiliendo illis Christi verbis perfici consecrationem. Hanc eandem doctrinam, tametsi non expresse-rit, satis tamen indicavit, imo & præsupposuit Concilium Trid. sess. 13. cap. 1. & 7. Quæ igitur auctoritas opinioni, cui adversantur communis sensus Ecclesiæ, tot Patrum & Conciliorum documenta? Poteritne Theologiæ prudens studiosus seligere sententiam, quæ licet nota hæreseos non innaturatur, non tamen censuram temeritatis effugit? eo vel maxime quod allata in confirmationem contrariæ sententiæ non sunt tanti momenti, ut contra communem inducere, ac trahere valeant, dum omnis illorum vis facillime diluitur.

Et quoad primum nemo inficiare potest, benedictionem Domini semper, sed iuxta eius dispositionem efficacem vim habuisse quoad effectum ab ipso intentum. Unde sicuti quando Lazarum suscitavit Ioan. 11. orationem præmisit; sed hæc oratio fuit solummodo dispositiva ad miraculum, non vero immediate ipsius operativa, cum perfectum fuerit quando voce magna clamavit : *Lazare veni foras*; & statim, ait Scriptura, *prodiit qui mortuus fuerat*: Ita in panis consecratione in ultima Cæna eius prævia benedictio, seu oratio efficax fuit, sed quomodo, & quando ipse voluit: non enim efficax fuit immediate, & per se solam sine verbis; sed verbis ipsis vim & efficaciam impetravit, ut dici possit, consecrationem dispositivè & mediata per benedictionem, effective & immediate per verba peractam fuisse; & in hoc sensu intelligendus est S. Gaudentius, nempe, Christum Dominum porrexisse Apostolis panem consecratum præparatorie tantum, & inchoate ante verba *hoc est corpus meum*: Nam formaliter, & perfecte consecratum fuit per dicta verba. Ad testimonium autem Apostoli 1. Corinth. 10. patet, quod Apostolus eo loci non intelligit aliquam distinctam Christi actionem, sed omnem eius actionem in celebranda Eucharistia, & monet fideles eam benedictionibus celebrasse, ut nunc etiam facere solet Ecclesia in celebrando hoc mysterio, nempe inter benedictiones, preces, & gratiarum actiones: non vero hic explicare voluit Apostolus quibus verbis Christus consecraverit; alias cum ibi mentionem faciat etiam de panis fractione; dici posset quod etiam fractio panis fuerit ipsius panis consecratio, cum similiter dicat : *panis, quem frangimus nonne communicatio corporis Christi est?*

Quo-

Quoad tertium, nempe de unanimi Patrum sententia quod Eucharistia consecratur benedictione, prece, gratiarum actione, Dei invocatione, equis non videt Patres tunc loqui de omnibus, quibus talis actio peragitur, sive ex Ecclesiae, sive ex Christi institutione? Nam his omnibus instituta est sacra Liturgia, qua hoc divinum mysterium celebratur; nec alias intelligunt Patres hisce formaliter, & immediate Eucharistiam perfici, sed per sola Christi Domini verba, quae solent ab ipsis sub nomine *precis* explicari; unde S. August. lib. 2. de *Trinit.* cap. 4. ait: *Nos corpus Christi mystica prece consecratum sumere.* Idcirco quando hoc nomen *precis* legitur apud Sacros Scriptores, dum loquuntur de sanctae Eucharistiae celebratione, tunc loquuntur de ipsis verbis Christi Domini, quae tacitam orationem involvunt, non vero de illis precibus, quas vel ante, vel post consecrationem facere solet Ecclesia.

Ad quantum vero de supposita praesentia obiecti ad veritatem propositionis, quae praesens illud exhibeat, hoc verum quidem est in propositione speculativa, non vero in propositione practica, quae ipsum non praesupponit, sed facit. Nondum sanatus erat puer Reguli, quando huic dixit Christus: *vade, filius tuus vivit*, nec mulier libera erat ab infirmitate sua, antequam ei diceret Christus: *Dimissa es ab infirmitate tua*, Luc. 13. Unde cum haec propositio: *hoc est corpus meum*, sit practica, sufficit ad eius veritatem, quod obiectum sit tale in ultimae syllabae prolatione, quale per illam denunciat. Sic haec propositio ab aliquo prolata: *Ego fleo*, vera est, non dum hanc pronuntiando loquitur, sed dum loqui desinit. Quare pronomen hoc panem non demonstrat, sed confuse corpus Christi, non secus ac si quis ostendens alicui puta librum epistolarum Ciceronis diceret: *haec sunt epistolae Ciceronis*, in pronomine *haec* non plus quam confuse epistola demonstrarentur; res enim indicata initio propositionis per aliquod pronomen non indicatur nisi confuse, in fine vero, rei pronuntiatione clare & distincte. Et licet verum sit, quod initio propositionis consecratoriae *hoc* &c. cum adhuc Christus ibi non sit, nec distincte, nec confuse demonstratur corpus Christi speculative, demonstratur quidem practice, eo quod illa propositio efficiat, ut ibi sit Corpus Christi, ac reddatur praesens, non quidem cum incipit pronuntiari, sed quando sensus est completus. Verba enim Sacramentalia non ope-

rantur nisi quatenus significant, non autem significant nisi completa propositione.

Quoad quintum tandem difficultas eadem occurrit etiam contra formam Baptismi, quia illa propositio, *ego te baptizo*, non significat determinate (sumpta solitarie) ablutionem animae, vel corporis, sicut nec illa, *hoc est corpus meum*, Corpus Christi, aut Sacerdotis: sed eo ferme pacto, quo forma Baptismi determinatur per circumstantias, & Ministri intentionem ad significandam ablutionem, & mundificationem animae; ita forma Eucharistiae ab eodem designatur, seu determinatur ad significandum corpus Christi, & vi ipsius conversionem panis in idem Corpus Christi. Circumstantiae enim sacrarum vestium, & caeremoniarum, Altaris, aliorumve, quae occurrunt ad huiusce Sacri Mysteriorum celebrationem, coniunguntur cum intentione, quam Minister habeat actionem faciendi, quam in tali celebratione facit Ecclesia, omnia haec, inquam, coniuncta efficiunt quod Sacerdos proferat verba Christi in tali actione non solum recitative, & historice, sed etiam significative personae Christi, id est se repraesentare in hisce proferendis personam Christi, & operari velle quod Christus per ea operatus est in ultima Coena, nempe conversionem panis in ipsius divinum corpus. Imo omnes etiam qui adsunt celebrationi cognoscunt in Sacerdote personam Christi, ac ideo eum operari in persona Christi divinum Eucharistiae mysterium. Singula autem Christi verba sunt de essentia formae consecrationis, ac ideo necessario recitari debent integre, & ut stant: *hoc est corpus meum* in consecratione panis: *hic est sanguis meus*: vel *hic est calix sanguinis mei*, in consecratione calicis, id est vini, quia si una etiam ex his vocibus mutetur, vel omittatur, corrumpitur, seu mutatur propositionis sensus, nec amplius Corpus, & Sanguis Christi praesentia demonstratur.

Inquiri tamen hic potest quid fieret, si verba in alia vocabula mutarentur, puta pronomen *hoc* in pronomen *istud*, *illud*, vel *hic* adverbialiter, seu *ibi* est Corpus meum; & respondent Theologi, quod integra esset forma si loco pronominis *hoc* diceretur *istud*, quia illa pronomina idem eodem modo significant. Irrita tamen esset forma, & non amplius consecratoria, primo: si loco Corporis diceretur *caro*, quia caro minus significat quam Corpus, cum Corpus sit quid totum integrale ex carne, sanguine, ossibus, nervis &c. Item si diceretur *illud*, eo quod pronomen *illud* demonstrat rem, cum praes-

sentem, tum ablentem. Item si diceretur *ibi* vel *hic*, quia adverbium illa non significant conversionem panis in Christi Corpus, aut vini in Sanguinem, sed solum demonstrant Corpus esse in pane, & Sanguinem in vino, quod error esset impanationis Lutherano- rum. Quoad particulam vero *enim*, certum est hanc necessariam non esse, quia sine ea integer manet sensus propositionis. Maior difficultas est, quæ a quibusdam Theologis Scholæ Thomisticæ movetur circa verba consecrationis calicis, quæ post *hic est enim calix Sanguinis mei* sequuntur, nempe *novi, & æterni Testamenti, mysterium fidei, qui pro vobis, & pro multis effundetur in remissionem peccatorum*. Nam mordicus sultinent alii, doctrinam esse S. Thomæ 3. part. quæst. 68. art. 3. pertinere ad essentialiam formæ; ita enim ibi habet S. Doct. *Dicendum est ergo quod omnia prædicta verba sunt de substantia formæ*. Negant vero alii eam fuisse S. Doctoris mentem, cum immediate subiiciat post allata verba: *Per prima verba (hic est Sanguis meus: ...) significatur ipsa conversio vini in Sanguinem eo modo, quo dictum est in forma consecrationis panis*. Unde cum panis consecratio perficiatur per sola verba *hoc est corpus meum* quæ conversionem significat panis in Corpus Christi: per ista etiam *hic est Sanguis meus*, calicis consecratio perficitur, cum hæc pariter conversionem vini in Christi Sanguinem significet; ac proinde reliqua pertinent ad integritatem, quam hic S. Doctor vocat *substantiam*, & neutiquam ad essentialiam formæ. Cum autem Catechismus Romanus expositus sit seu digestus a quibusdam Thomistis, hinc amplexi sunt primam sententiam, cui etiam visum sunt favere sacre Inquisitionis Ministri sub Pio II. ut notat Habertus, qui ideo iusserunt deleri in Commentariis Card. Caietani propositionem, qua negabat, prædicta verba esse de essentiali formæ calicis, utpote qui non satis honorifice, ut aliqui censent, ibi de S. Thom. loqueretur. Quidquid tamen sit, siue prædicta verba essentialia sint consecrationis calicis, siue non; certum est, consentaneum esse, ea in tali actione adhibere, sicut ea supra memorata quæ præcedunt panis consecrationem, necnon alia omnia quæ in Canone continentur, quæ cum ab Ecclesia præcepta sint, omitti nequeunt sine aliquo contemptu, ac ideo non sine gravi culpa, & multo magis supradicta verba, quia Ecclesia hæc adhibere præcipit ad Christi imitationem, qui iisdem usus est, exceptis tamen illis duobus, idest *mysterium*

*fidei*, quæ habentur a sola traditione. Per illa enim verba *novi, & æterni Testamenti* &c. optime designantur usus & efficacia Sanguinis Christi, cum nomine calicis Sanguis Christi repræsentetur in ratione potus, dum exhibetur in vase huic usui designato. Nominem vero *Testamenti æterni* significatur æterna dispositio divina dandæ hominibus cælestis æternæ hæreditatis. Dicitur *novi* quia Sanguis eius in veteri Testamento exhibitus fuit in figura, in novo autem realiter, ac in veritate. Dicitur *calix iste mysterium fidei*, quia nec sensu, nec ratione detegi possunt, quæ in mysterio admirabili huius Sacramenti continentur. Cætera vero sunt ad signandam virtutem passionis, quæ veluti renovatur in hoc mysterio, & clarius figuratur per Sanguinem seorsim a corpore mystice consecratum.

## S. II.

*De sensu formæ Eucharistiæ, seu de vera, & reali præsentia corporis, & sanguinis Christi in hoc Sacramento.*

Quamvis non sit hic locus huic amplissimæ disputationi, utpote ex præcipuis, quæ recensentur inter dogmaticas, ideoque ad illam disciplinam specialiter spectet, ac proinde inter moralia placita non conferenda videatur; nihilominus de hac quoque, (cuius scientia perutilis est ac necessaria Pastoribus præcipue, & Confessariis, ut eo magis dignitatem huius Sacramenti deprehendant ac venerentur, & etiam ut ea utantur in suis Catechesibus faciendis tum populo, tum poenitentibus) censui non incongruum aliquid hic breviter quidem delibare. Sed cum hanc quoque veritatem non pauci sacrilegi suis blasphemis impetiverint, prius hosce breviter indigitabo. Nec de iis loquor, qui cum Christo verum corpus negaverint, ut Manichæi, alique eorum sectatores, certe simul negarunt realem, seu corporalem Christi præsentiam in Eucharistia, sicuti negarunt eum natum ex Maria Virgine, passum, mortuum &c. Sed de illis hic loqui intendendo, qui cum cæteroquin verum Christo corpus non negaverint, impugnarunt tamen realem eius præsentiam in Eucharistiæ Sacramento vi consecrationis verborum ipsius Christi Domini transferendo ea verba a proprio suo sensu effectivo & naturali ad metaphoricum, aut nude narrativum contra Evangelii doctrinam, & perpetuam Ecclesiæ traditionem ab Apostolis receptam. Primus, a quo hæc impietas prodixit fuit Ioan-

nes Erigena Natione Scotus, qui obiit nono sæculo, ut fertur, anno nempe 884. Et sæculo undecimo circa annum 1055. hunc errorem suscitavit Berengarius Andegavensis Archidiaconus, & anno 1122. Petrus de Bruis a quo eius discipuli appellati sunt Petro-Brusiani: an. 1141. Henricus, cuius discipuli vocantur Henriciani: anno 1517. Item Ioannes Wicleffus Presbyter Anglus, sed de hoc incertum est, num illius error versetur circa realem Christi præsentiam in Eucharistia, an vero circa solam Transubstantiationem: anno 1535. Carlostadius Archidiaconus Witembergenfis librum edidit contra realem Christi præsentiam in Eucharistia, cui adhæsit etiam Haldericus Zuinglius. Aliquibus post annis Calvinus, ut Catholicos deciperet, in avita doctrina de reali præsentia Christi in divino Sacramento, usus est verbis æquivocis; quæ eandem præsentiam astruere videbantur. Sociniani tandem non solum docent cum Zuinglianis Eucharistiam esse nudum corporis Christi signum, & insuper rationem ei denegant Sacramenti, ac contendunt non esse adnexam huic ritui ullam gratiæ promissionem; sed aiunt esse gratiæ iam donatæ meram commemorationem. Omnes huiuscemodi errores semper reprobavit, ac damnavit Ecclesia, & præcipue in Concilio Trid. sess. 13. cap. 1.

Catholica autem doctrina de divino Sacramento docet, verba Christi Domini, quæ ad huius mysterii consecrationem Ecclesie tradidit per Apostolos, & Evangelistas, id est *hoc est corpus meum*, accipienda esse non in sensu metaphorico, sed proprio, & naturali, adeoque *post panis & vini consecrationem* (ait Concilium Trid. in cit. cap.) *Dominum nostrum Iesum Christum verum Deum atque hominem vere, realiter, & substantia-liter sub specie illarum rerum sensibitum contineri*. Comprobant veritatem hanc plurima divinæ Scripturæ testimonia; & primo Ioan. 6. Dominus promittens nobis hoc beneficium dixit: *panis, quem ego dabo, caro mea est pro mundi vita*: Et controvertentibus Iudæis super talem promissionem dicendo: *Quomodo potest hic nobis carnem suam dare ad manducandum?* subiungit Iesus: *Amen, amen dico vobis: nisi manducaveritis carnem Filii hominis, & biberitis eius sanguinem, non habebitis vitam in vobis*. Et ut tolleret omnem de hac veritate dubitatum locum, subsequitur: *Caro enim mea vere est cibus, & sanguis meus vere est potus*. Ecquis non videt hic loqui non de metaphorica, sed

vera ac reali sui ipsius corporis præsentia? Et quia ita clara est hæc Christi Domini locutio, ut omnino apertum habeat sensum proprium naturalem, seu literalem, nec alias nisi captiose intelligi possit; hæc audiendo Iudæi dixerunt ad invicem: *Durus est hic sermo*, intelligentes manducandam eius carnem, quemadmodum in cadavere dilanietur caro, aut venditur in macello, ait D. Aug. tract. 27. in Ioannem. Igitur cum hic Christus Dominus non locutus sit nisi de vera futura sui manducatione in Eucharistia, in qua se præbiturus erat Fidelibus ad manducandum, verba consecratoria huius Sacramenti accipienda sunt in sensu proprio, reali, naturali, seu literali, ideoque Christus Dominus est realiter præsens in hoc Sacramento. Comprobatur hæc veritas de reali Christi præsentia in Eucharistia ex verbis ipsis, quibus hoc Sacramentum Christus Dominus instituit. Ipse enim, ut legitur Matthæi 26. Marci 14. Lucæ 22. & 1. Corinth. 11. panem & vinum porrigens discipulis ait: *Accipite, & comedite: hoc est corpus meum, quod pro vobis tradetur: Bibite ex hoc omnes. Hic est enim sanguis meus novi, & æterni testamenti qui pro multis effundetur in remissionem peccatorum*. Hæc autem verba certe demonstrant realem Christi præsentiam in Eucharistia. Dedit enim Apostolis illud corpus, quod pro ipsis traditurus erat passioni & morti, & sanguinem, quem pro multis erat effusus: unde realiter corpus suum eis præbuit in pane, & sanguinem in vino calicis, quæ consecraverat. Nam illa verba non possunt convenire ullo modo in corpore Christi figurato, sed proprio, & naturali, quod sumplerat ex Virgine. Insuper hæc propositio: *hoc est corpus meum*, est enunciativa, & operativa; vera enim est, quia prolata ab ipsa met veritate panem in manibus tenente; non esset autem vera, si panis in sua substantia permanisset, quia fuisset panis, & non ipsius corpus, sicut ipse affirmabat, & ut tale suis Apostolis porrexit. Certe si quando dixit Regulo: *Filius tuus vivis*, mortuus fuisset, propositio fuisset illusoria: ergo fuisset etiam, si dum dicebat se dare in illis speciebus panis suum Corpus, substantia panis conversa non fuisset in suum ipsius Corpus, sed adhuc sicuti ante conversionem sub illis speciebus fuisset eadem panis substantia.

Ulterius dignissimum quidem est consideratione Christum reliquisse hoc Sacramentum fidelibus ad instar Testamenti, dum tran-

De vera  
reali non  
metapho-  
rica Christi  
præ-  
sentia in  
Eucharis-  
tia.

transiturus erat de hoc mundo ad Patrem. Verba vero Testamenti, ne lites ex his postea nascantur, oportet ut aperta sint, & plana, ac ut id fiat studiosissime caveri solet in humanis; igitur quanto magis existimandum est Christum in huius Sacramenti, tanquam testamenti sui institutione, sermone proprio, plano, & aperto voluisse toti Ecclesie extremam suam voluntatem declarare. Et eo maxime debuit Christus uti proprio & claro sermone; non autem obscuro & figurato, ne occasione verborum eius Ecclesia tota in horrendam idololatriam, vel in alium errorem laberetur, atque per plura sæcula in ea forsitan perduraret. Quod quidem de eo sentire ac dicere, ut faciunt hæretici, intolerabile est in Christi sponsam, atque adeo in Christum eius sponsum blasphemia. Sic Eftius.

Veritatem hanc de reali Christi præsentia in hoc Sacramento perpetua confirmat traditio, ac communis præscriptio, & consensus omnium Ecclesiarum. Omnes ferme SS. Patres, qui in quolibet Ecclesie sæculo floruerunt, & de hoc Sacramento locuti sunt, docent unanimes, ac fatentur Christum realiter præsentem in sacra Eucharistia. Hoc enim docuit S. Ignatius Martyr, qui vivebat primo Ecclesie sæculo *ep. ad Smyrnæos*, S. Iustinus *Apologia* 2. quam scripsit circa annum 150. S. Iræneus Lugdonensis Episcopus, Tertullianus qui floruit secundo & tertio sæculo *lib. de Resurrect. carnis* cap. 8. S. Cyrillus Hierosolymitanus anno 356. *Catechesi* 4. S. Gregorius Nicænus *Orat. Catechet.* cap. 37. S. Ambrosius, qui obiit 395. S. Cryostomus, qui vita functus est quinto ineunte sæculo *Homil.* 88. in Matthæum, S. Aug. qui obiit anno 430. S. Cyrillus Alexandrinus, qui præfuit Concilio Ephesino anno 431. S. Leo qui floruit anno 450. S. Gregorius Magnus, qui Ecclesiam rexit sæculo 6. & initio septimi, & sic omnes alii, qui subsequentibus sæculis floruerunt. Ita præscripserunt Ecclesie omnes hoc dogma, utpote ab Apostolis acceptum. Nomine autem præscriptionis hic intelligitur alicuius dogmatis professio, quod ab Apostolis ad certum aliquod sæculum non interrupta serie in Matricibus perduraverit; & quando matrices Ecclesie ab Apostolis fundatæ non interrupta serie aliquod dogma ad certum aliquod sæculum professæ sunt, sequitur eas dogma illud ab Apostolis recepisse. Nomine autem Ecclesiarum hic intelliguntur illæ Ecclesie, quibus Apostoli aut viva voce, aut scriptis epistolis prædicarunt Evange-

lium. Ubi omnes illæ Ecclesie in unum dogma conspirant, certum est illud ab Apostolis, ac proinde ab ipso Christo fuisse traditum. *Ceterum* (inquit Tertullianus *lib. de præscript.*) *quod apud multos unum invenitur, non est ratum, sed traditum.* Tota porro Ecclesia corporalem Christi præsentiam in Eucharistia profitebatur cum 11. sæculo illam impugnavit Berengarius: Nam consentientibus Ecclesiis omnibus tum Orientalibus, tum Occidentalibus, nullo contradicente in variis Conciliis error Berengarii damnatus est. Ecce igitur etiam totius Ecclesie consensus circa mysterium de reali præsentia Christi in Eucharistia. Et cum non sit hic scopus rem funditus enucleare, sed solum præbere sufficientem doctrinam Patribus præcipue, & Confessariis circa realem Christi præsentiam in Sacramento Eucharistie; hinc ommissis quæ maiora hic exhiberi possent monumenta ex SS. Patribus, Conciliis, & rationibus ad veritatem hanc confirmandam: & iis etiam, quæ ab adversariis opponi solent; remittimus Lectorem pro ampliori instructione ad Theologos dogmaticos, & ex recentioribus ad Tournely, Vitasse, Iuveninum, Habertum, & Patrem Berti, qui rem fule, & ex professo pertrahant.

## S. XII.

*De modo, & actione, quo Christus Dominus sit præsens in Eucharistia, seu de Transubstantiatione panis, & vini in ipsius corpus & sanguinem.*

Quamvis in demonstranda virtute, & efficacia verborum consecrationis, nempe conversionis panis, & vini in Corpus, & Sanguinem Christi Domini, & ipsius Christi Domini reali præsentia sub speciebus panis & vini non sine magno miraculo post consecrationem remanentibus, simul demonstratur Christi Corpus, & Sanguinem realiter extare, ac permanere sub velamine specierum, quæ sola sine propria panis, & vini substantia superstites remanserunt, ita ut post consecrationem nihil aliud sit in Eucharistia quam Corpus, & Sanguis Christi; imo totus Christus cum anima & divinitate, & nudæ ac simplices panis, & vini species; nihilominus ad confutandos hæreticorum errores, quos excogitarunt etiam contra actionem, seu modum quo Christus præsens fiat in Eucharistia, ut quidam discipuli Berengarii, qui volebant Christum esse in Eucharistia per consubstantiationem, & Lu-

therus per impanationem, ut veritas huius Mysterii magis magisque elucescat, operæ pretium est, ut ex hac quoque parte comprobata remaneat.

Nota Corpus Christi concipi posse realiter præsens in Eucharistia, *per impanationem, per consubstantiationem, & per transubstantiationem*. Impanationis vocabulum significat unionem hypostaticam Verbi cum pane, sicuti per Incarnationem unitum fuit humanitati. Consubstantiatio importat præsentiam substantiæ corporis Christi cum substantia panis, ut utraq; substantia sit simul in Eucharistia. Nomine tandem transubstantiationis intelligitur conversio panis & vini in Corpus, & Sanguinem Christi. Sic igitur.

Contra utrumque errorem docet catholica Fides, Verbum non esse in Eucharistia per impanationem, nec per consubstantiationem, sed per veram transubstantiationem, ita ut panis, & vini substantia convertatur in Corpus, & Sanguinem Christi Domini: Nam licet non tradat Scriptura desertis verbis in Eucharistiæ Sacramento panem converti, transire, ac transmutari in Corpus, & vinum in Sanguinem Christi; ex sacris tamen Literis in sensu non tam obscuro, & ex perpetuo consensu SS. Patrum, & Conciliorum auctoritate stabiliunt auctores, & comprobant ut fidei articulum, veritatem conversionis panis in Christi Corpus, & vini in eius Sanguinem per veram realemque transubstantiationem: Quia cum figuratus non fuerit sermo Christi, sed proprius, ac ideo operativus, quo panem tenens præ manibus ait: *hoc est Corpus meum*, necessario sequitur, his verbis panem fieri per conversionem transubstantiativam ipsum Corpus Christi, non secus, ut dicunt SS. Patres, ac virga Aaron versa est in serpentem, aqua inter nuptias Canæ Galilææ Christi miraculo in vinum: ita ut si Christus virgam, vel aquam; vel lapidem tenens in manibus dixisset, hic est serpens, hoc est vinum, hic est panis, procul dubio verba ista efficaciter prolata a Christo verace, & omnipotente res illas in istas convertisset, neque aliquem alium horum verborum sensum probabilem retenta sermonis proprietate fingere quis posset; sic in alio sensu nequeunt intelligi verba a Christo prolata super panem, quem manu tenebat: *hoc est corpus meum*, retenta verborum proprietate, nisi de vera conversione panis per transubstantiationem in verum eius Corpus, id est de conversione, seu transmutatione sub-

stantiæ panis in substantiam sui corporis. Et equidem pronomen *hoc*, *hic*, ut iam antea diximus, in Eucharistia est demonstrativum substantiæ sensibilibiter præsentis: igitur dicendum est non esse in Eucharistia aliam substantiam, nisi Corpus & Sanguinem Christi, non autem impanationem Lutheranorum, nec discipulorum Berengarii consubstantiationem: nam alias quod primum non demonstraretur Corpus Christi, qui in tali hypothesi præsens esset; & quoad secundum per pronomen *hic* una tantum demonstraretur substantia, dum essent duæ simul consociatæ. Sequitur igitur Corpus Christi esse in Eucharistia per transubstantiationem, seu per transmutationem panis, & vini in Corpus, & Sanguinem Christi Domini. Sic Estius. Et eo magis confirmatur hæc veritas, quia Patres quotquot quolibet sæculo floruerunt, & de hoc mysterio locuti sunt, unanimi consensu docuerunt panem & vinum mutari in Corpus Christi, & Sanguinem. *Aqua aliquando mutavit in vinum*, ait S. Cyrillus Catechesi 4. mystagogica, *& non erit dignus cui credamus, quod vinum in sanguinem transmutaverit?* Docuerunt semper uno ore quod panis qui cernitur in Eucharistia non est realiter panis, licet nobis panis videatur quod in panis speciebus conspiciamus. *Hoc certo sciendum, & pro certissimo habendum, panem hunc qui videtur a nobis non esse panem.* (ait idem S. Cyrillus) *etiamsi gustus panem esse sentiat.* Hinc Synodus Trid. conversionem quæ verborum Christi virtute fit in Eucharistiæ Sacramento, *miram, singularemque* appellat: *miram* quidem, quia modus eius ab humano ingenio comprehendi nequit, idcirco magis creditur, quam intelligitur: *singularem*, quia nulla similis invenitur in rerum natura. Posito tamen fidei fundamento, nihil impedit secundum ea quæ in doctrina Scripturæ, ac Patrum tradita sunt, modum illius conversionis aliquatenus explicare, & ad intelligentiam nostram perducere; quod brevius quo fieri poterit, præstare conabimur.

Et primum quod in hoc Sacramento panis convertatur in Corpus, & vinum in Sanguinem Christi, non vero in animam & divinitatem, imo nec panis in Sanguinem, nec vinum in Corpus; totum hoc manifestissime patet ex verbis ipsius consecrationis, *hoc est Corpus meum*. 2. tota substantia panis in hoc Sacramento convertitur in Corpus seu substantiam Corporis Christi, & tota substantia vini in Sanguinem, seu in substantiam Sanguinis Christi. Ita docet Concilium

Corpus Christi est in Eucharistia per transubstantiationem.



lium Trid. sess. 13. cap. 4. & talis conversio fit in totum Corpus & in totum Sanguinem. 3. Hæc conversio neque generatio est, neque corruptio, & multo minus ad aliquod aliud genus naturalis mutationis pertinet. 4. Hæc conversio fit in instanti, non solum eo modo quo naturalis generatio, sed prorsus sine quavis prævia alteratione, quia ratione verborum Christi nulla hic alteratio contingit, cum neque significetur, sed in termino prolationis fit ipsa conversio, quam requirit verborum significatio. 5. Panis & vinum non resolvuntur in præiacentem materiam, cum resolutio mixti in elementa fiat, non in unam materiam; at nullum hic post consecrationem manet elementum. 6. Panis, & vinum non reducit in nihilum, quia licet non videatur negandum absolute, Deum posse facere, ut corpus Christi fiat alicubi præsens, nec per motum localem, nec per creationem, neque per conversionem alterius in ipsum; fatendum tamen est, corpus Christi non aliter fieri præsens in Eucharistia Sacramento, nisi per conversionem panis in ipsum, idque virtute verborum quæ hanc conversionem exigunt: quod enim in aliud convertitur, sive totius substantiæ mutatione convertatur, sive partis tantummodo, non annihilatur, cum terminus annihilationis sit nihil, conversionis autem id in quo fit conversio. Tamen si igitur panis esse desinat, & Corpus Christi ibidem esse incipiat, quoniam tamen id fit per conversionem unius in alterum, dici non potest panem annihilari, vel corpus Christi ex nihilo creari, etiam si poneretur ipsum nihil prius extitisse. Hoc autem non obscure significatum est ex S. Ambr. lib. 4. de Sacramentis cap. 4. ubi ait: *Ut sint quæ erant, & in aliud convertantur*. Sensus enim est, ut quæ erant, non in nihilum redigantur, sed adhuc sint in aliud conversa. Neque verbis hisce significatur communis materia, sed commune genus entis. Ita Estius.

## §. XIII.

## De quantitate Corporis Christi in Eucharistia.

Nota. Quæri hic solet 1. num Corpus Christi in Eucharistia suam habeat quantitatem. 2. An totus sit sub qualibet specierum parte. 3. Quo nomine vocetur modus quo Christi Corpus præsens est in Eucharistia. 4. Quænam sint in ea vi verborum, quid per concomitantiam.

Christi corpus in Eucharistia suam vere habet quantitatem, cum intrinsecum sit, & essentielle corpori esse quantum; imo moderni Philosophi non explicant corpus nisi per trinam dimensionem quantitatis in longum, latum, & profundum. Unde cum Corpus Christi in Eucharistia sit verum Corpus, hinc habet in hoc Sacramento suam essentialem quantitatem Corpori intrinsecam, quæ consistit in interna partium extensione in ordine ad se cum proxima aptitudine ad extensionem externam, & actualem impenetrabilitatem; quæ interna partium extensio quoad se efficit, ut partes ipsius Corporis sint extra se invicem, ut neutiquam simul confundantur; alias nulla esset membrorum distinctio, ac ideo nec caput, nec pedes, nec brachia, nec pedes remanerent, ac exinde Corpus Christi non esset corpus humanum, prout humanum est; scilicet importans certam partium dispositionem, prout ab aliis corporibus, puta a lapide, a ligno, specificè differt. Nihilominus tamen cum Christus existat in Eucharistia non modo naturali, sed ineffabili & supernaturali, ad instar seu ad modum spiritus; hinc ipsius Corpus non est in Eucharistia quantitative quoad extrinsecam extensionem in ordine ad locum, idest circumscriptive, ut partes distinctum occupent locum, cum revera non occupet locum dimensionis, seu per partes, sed totus in toto est, & in qualibet totius parte, non secus ac anima, quæ tota est in corpore, & in qualibet corporis parte, ut paulo post dicitur.

Christus est totus & integer sub utraque specie in Eucharistia, & Corpus eius totum est in toto, seu specie consecrata, idest sub qualibet etiam minima ipsius parte, quod negavit quidam Præpositus tempore Alexandri III. sæculo 12. & Calvinus sæculo 16. Et quoad primam partem, nempe quod Christus totus sit & integer in Corpore, Sanguine, anima & divinitate sub utraque specie, patet ex Apost. 1. Corinth. 11. ubi reum facit Corporis simul & Sanguinis Christi Domini eum, qui indigne sumperit vel Corpus, vel Sanguinem Christi: *Quicumque, inquit, manducaverit panem hunc, vel biberit calicem Domini indigne, reus erit Corporis, & Sanguinis Domini*. Item Ioan. 6. *Qui manducat me vivet propter me*, non ait Corpus meum, sed me. Christus autem est totus constans ex duabus naturis, & personalitate divina. Concilium pariter Trid. sess. 13. cap. 3. ait: *Semper hanc fidem in Ecclesia Dei fuisse statim post consecrationem*

verum Domini nostri Corpus, verumque eius, Sanguinem sub specie panis, & vini, animamque sub utraque. Et hoc docet quoque perpetua traditio, ut habetur ex SS. Patribus, Ignatio Martyre, Ephrem, Hieronymo, Chrysostomo, Augustino, Cirillo Alexandrino, & ex Concil. Ephesino contra Nestorium. Ratio autem est manifesta, quia Christus non est divisus, & quæ semel assumpsit, nunquam dimisit, & mortuus semel, non amplius moritur. Unde ab ipsa Resurrectione humanitas Christi utpote immortalis naturali & indissolubili unione cum anima; & Sanguine semper coniungitur, ac proinde qui sub specie panis sumit Christi Corpus, vel sub specie vini ipsius Sanguinem, ille totum sumit, & integrum Christum, qualis nunc est in cælo, quia idem Christus, qui est in cælo, idem est quoque in Eucharistia Sacramento. Cæterum si in triduo mortis Christi consecratum, aut in ultima cæna Dominica servatum esset hoc Sacramentum; mortuum certe, & exangue fuisset Corpus Christi sub specie panis, & quale tunc iacebat in sepulchro. Similiter Sanguis sine corpore & anima fuisset sub specie vini, uti revera tunc erat effusione separatus.

Quod autem totum Corpus Christi sit in toto pane, seu in tota specie panis consecrati docetur a Trid. in superiori cap. 3. ubi etiam ait: *Totus enim & integer Christus sub panis specie, & sub quavis ipsius speciei parte, totus item sub vini specie, & sub eius partibus existit.* Et hoc docet quoque idem Concilium can. 3. eiusdem sess. 13. Cum enim Corpus & Sanguis Christi existat sub speciebus Eucharisticis per modum substantiæ, non vero per modum quantitatis, seu localem, & circumscriptivum; & natura substantiæ tota sit sub qualibet parte dimensionum Corporis, manifestum est totum Christum sub quacumque parte specierum panis, & vini contineri, non solum cum species frangitur, aut dividitur, sed etiam dum integra permanet, ut sapienter docet D. Thomas 3. part. quæst. 76. art. 3. Hinc est quod tanta diligentia præcavebant veteres Christiani, ne vel minima pars donorum consecratorum in terram decideret; nomine enim *doni* tunc vocari solebat venerabile hoc Sacramentum.

Corpus Christi non est in Eucharistia desinitive, nec circumscriptive, sed Sacramentaliter. Non desinitive, quia hoc est ita corpus Christi sub illis existere, ut non sit alibi, quod dici nequit, cum sit in cæ-

lo, & in aliis particulis consecratis. Non circumscriptive, quod iam supra attigimus; hoc est correspondens varii spatii, locique partibus, quod dici nequit, ut supra innuimus, de corpore Christi in Sacramento, cum in hoc non habeat extrinsecam impenetrabilitatem, nisi quoad eius aptitudinem, quæ tamen in substantia naturaliter requiritur; ut variis partibus spatii, & loci respondeat. Unde merito Theologi modum, quo Christus existit in Eucharistia, *Sacramentalem* appellant, seu modum qui soli Sacramento conveniat, mirus, ac supernaturalis, cum nullum habeat exemplum in rebus creatis.

Corpus Christi in Eucharistia non potest aliquid agere, puta videre, audire, se loco movere, aut moveri, nec aliquid pati, quia non potest elicere actionem ullam, quæ pendeat a sensibus, cum eiusmodi actio requiratur aliquam extrinsecam extensionem in organo, seu localem, quæ caret corpus Christi: nam cum corpora non agant nisi per contactum, & non patiantur nisi recipiendo in se motum aliorum corporum; sine extensione in organo, seu locali certe nequit fieri talis contactus, nec alterius corporis motus recipi. Idecirco corpus Christi, quod ex modo non naturali, quo extat in Eucharistia, caret tali extensione; incapax est ut aliquid tangat, ac ab alio corpore tangatur; ac proinde ut aliquid externe agat, ac patiatur. Habertus; & Iuvenius in suo Opere de Sacramentis.

## §. XIV.

De iis, quæ in Eucharistia Sacramento sunt ex vi verborum, & quæ per concomitantiam.

Nota quod concomitantia est naturalis connexio partium Christi, quæ sit ut una <sup>conco-</sup> non possit esse sine altera: sic non potest <sup>mitan-</sup> esse corpus sine sanguine, anima, & divinitate.

In Eucharistia, ut docet cit. Concilium Trid. vi verborum sub specie panis est tantum corpus, & sub specie vini est tantum sanguis Christi Domini, quia vi verborum consecrationis directe & immediate illud ponitur, quod per verba directe significatur, cum ea practica sint & operativa. Unde cum verba, per quæ panis consecratur, solum corpus directe exprimant, & significant, & ea per quæ vinum consecratur, solum sanguinem, vi verborum solum corpus sub specie panis, & solus sanguis sub specie vini continetur.

Illa

Illā vero sunt in Eucharistia tantum per concomitantiam, quæ habent connexionem cum iis, quæ iisdem verbis exprimuntur: Nam aliqua exprimuntur in verbis, per quæ Eucharistia consecratur; aliqua vero non quidem exprimuntur per verba, sed connexionem habent cum iis, quæ exprimuntur. Hinc nonnulla sunt in Eucharistia vi verborum, nonnulla per concomitantiam. Concomitantia vero alia est naturalis & proxima, ut ea quæ intercedit inter corpus, sanguinem, & animam, alia supernaturalis & remota, quam habet Humanitas Christi cum Divinitate, & Persona Verbi incarnati cum Persona Patris & Spir. Sancti; ideoque per concomitantiam naturalem, & proximam corpus, sanguis, & anima sunt simul sub utraque specie, cum sanguis non exprimitur in consecratione panis, nec corpus in consecratione vini, anima vero sub neutra consecratione; sub utraque enim specie omnia continentur, quia Christus nunc habet verum corpus, animam cum suo sanguine: per concomitantiam vero supernaturalem est etiam sub utraque specie persona Verbi, Divinitas utpote hypostatice unita Christi Humanitati: & cum Persona Verbi sit idem indirecte cum persona Patris & Spiritus Sancti, ut per circumfessionem sit in Verbo Pater, sicut etiam Spiritus Sanctus; hinc per supernaturalem concomitantiam cum Verbo, & ipsius Humanitate omnes divinæ personæ sunt præsentēs in Eucharistia cum Verbo, ac cum ipso in eadem adorantur ac venerantur.

Quantitas corporis Christi est in Eucharistia vi verborum, quia quantitas in verbis exprimitur, quando exprimitur corpus humanum: Etenim dari nequit, nec existere corpus in aliqua determinata specie corporis, nisi habeat partes extra se positas, ut diximus, saltem quoad se, ac ideo nisi habeat suam quantitatem, cum quantitas sit id quo fit, ut substantia habeat partes extra se positas.

## §. XV.

*De communicatione idiomatum specierum  
Sacramentalium corporis, &  
sanguinis Christi.*

Idiomata, seu proprietates specierum, seu accidentium, quæ post consecrationem remanent in Sacramento Eucharistiæ, ut quantitas, color, sapor, figura, odor, motus localis, divisio, fractio, attritio, videri, tangi, manducari, bibi, gustari, aliæque huius-

modi, hæc omnia, imo & species ipsæ, si-  
ve accidentia attribuantur corpori & san-  
guini Christi Domini sub iisdem speciebus  
contentis; ita ut per talem idiomatum com-  
municationem, quæ propria sunt specierum,  
dicitur corpus & sanguinem Christi gustari,  
manducari, bibi, frangi, gestari &c. & hoc  
patet ex Apost. 1. Corinth. 10. ubi ait:  
*panis quem frangimus, nonne participatio cor-  
poris Christi est?* Et proximo cap. secundum  
Græcos: *hoc est corpus meum quod pro vo-  
bis frangitur.* Et hoc habetur etiam ex E-  
vangelistis præcipue Ioan. 6. *Accipite &  
manducate: hoc est corpus meum,* & in por-  
rectione calicis dixit Christus discipulis:  
*Accipite & dividite inter vos.* Quare iuxta  
testimonia, & sensum Scripturarum ita et-  
iam frequenter de corpore, & sanguine Chri-  
sti Domini in Eucharistia locuti sunt Pa-  
tres, attribuendo Corpori, & Sanguini,  
idest dicendo de Corpore & Sanguine Chri-  
sti quod proprium est specierum, cum reve-  
ra Corpus & Sanguis Christi non nisi per  
species gustetur, frangatur, gestetur de lo-  
co ad locum, cum hæc solummodo a sensib-  
us attingi possint. Huiusmodi locutiones,  
quæ in Patribus & alibi frequentissime re-  
periuntur, quia iam opus non sit hic pro-  
ferre, prætermitto, cum luculenter hoc con-  
firmet confessio ipsa Berengarii in Concilio  
Rom. sub Nicolao II. qua diserte condemnat  
hæresim, quæ dicit non posse Corpus, &  
Sanguinem Christi sensibilibiter, nisi in solo Sa-  
cramento manibus Sacerdotum tractari, vel  
frangi, aut Fidelium dentibus atteri. Con-  
trarium enim profiteor, scilicet verum Cor-  
pus & Sanguinem Christi Domini sensibili-  
ter non solum in Sacramento, seu in figu-  
ra, sed in veritate etiam manibus Sacerdo-  
tum tractari, frangi, & fidelium dentibus  
atteri.

*Afferuntur summam ac breviter quædam  
alia, quæ respiciunt easdem species,  
seu accidentia.*

Primum est, quod species panis, & vini,  
quæ manifeste per sensus cernuntur & re-  
manent post consecrationem in Eucharistiæ  
Sacramento, divino miraculo a proprio sub-  
iecto separatæ, nempe a substantia panis &  
vini possunt sine novo miraculo, quod ali-  
qui etiam ad hoc requiri statuunt, possunt  
inquam ea agere quæ agerent, si suis subie-  
ctis inhærent, scilicet virtute propria &  
naturali, quæ illis per separationem a suo  
subiecto non adimitur, ita ut quidquid age-  
re poterant manente substantia panis, & vi-  
ni,

ni, idem consequenter possunt illis etiam absentibus, idest sine illis, nec duo miracula sunt in eo agnoscenda, per se scilicet subsistere, & agere, sed dato priori, idest per se subsistere, sequitur aliud, idest agere; ac proinde efficere possunt, sicut antea oculum per suum colorem, palatum per suum gustum &c. Secundum. Sicut hæ species poterant corrumpi simul cum suis subiectis, ita etiam absque illis corrumpuntur etiam ab iisdem causis, a quibus corrumpuntur, si propriis inhærerent subiectis, nempe a rebus contrariis, vel ab aliis causis in ea naturaliter agentibus: sed cum quantitas non corrumpuntur coniuncta subiecto, ita nec ab ipso separata. Tertium. Cum ex ipsa Christi institutione Corpus eius & Sanguis non extent nisi sub speciebus panis & vini, dum hæ corrumpuntur, non corrumpitur Corpus & Sanguis Christi; sed in eodem momento corruptionis ibi esse desinunt. Ita Estius. Verum cum ex hisce speciebus Sacramentalibus dum corrumpuntur, compertum sit aliquid generari, ut vermes &c. Quomodo hæc nova generatio fiat, cum nec substantia, nec materia panis & vini remaneant in Sacramento, difficillime explicari potest. Hinc variant in eorum opinionibus Doctores; nam quidam putant hoc evenire ex aere circumstante, quod rationibus multis improbat, & refellitur. Alii per miraculum reverti substantiam panis & vini, ut ex iis novæ rerum generationes fierent, & hæc opinio videtur fuisse Innocentii III. lib. 4. de Offic. Missæ cap. 11. quem sequuntur Alexander de Ales, & S. Bonaventura. Volunt alii generationem illam fieri ex quantitate panis, ac vini remanente in Eucharistia, quæ cæterorum accidentium durante Sacramento, ita etiam & subsequendum formarum sit ac maneat primum subiectum, non tantum accidentalium, verum etiam substantialium, ita ut in eorum sententia in eo quod ex speciebus gignitur, quantitas subbeat officium & locum materie simul & quantitatis. Hæc fuit sententia S. Thomæ quam tamen eius discipuli non ita exponunt, ut Caietanus, & Soto, qui ostendunt absurda, quæ talem sequuntur opinionem. Sententia vero communis est, & probabilior videtur, quam etiam S. Thomas in 4. scribens secutus est, & ignoratur qua ratione ab hac postera recesserit, & est, in instanti corruptionis specierum non substantiam priorem panis & vini redire, sed materiam primam, vel novam creari a Deo, vel eam quæ fuerat panis ac vini ex nihilo reparari, *Instit. Theol. Moral. Tom. IV.*

seu recreari, in quam forma substantialis generati introducatur, & in qua deinceps subsistat quantitas cum aliis accidentibus, quæ antea remanserant, quia Deus ordinavit species illas remanens sine subiecto in Eucharistia, & non alibi. Unde desinente Eucharistia non amplius ibi agnoscenda est quantitas, sicut etiam alia accidentia sine subiecto. Quod autem de generatione dictum est, idem quoque intelligendum est de nutritione, quæ est generatio partis. Sic Estius.

Species remanentes in Eucharistia frequenter a nonnullis Patribus nomine panis & vini exprimuntur, a Concilio Lateran. 4. dicuntur panis ac vini species, a Concilio Constan. accidentia panis & vini. Concilium Trid. eundem Concilii Florent. modum adhibuit.

## S. XVI.

*De iis quæ sequuntur ex conversione panis & vini in Christi Corpus & Sanguinem.*

Ex conversione panis & vini in Christi Corpus & Sanguinem sequitur 1. Sacram Eucharistiam adorandam esse cultu latræ. 2. Servandam religiose in Templis. 3. Deferendam ad ægrotos. 4. Honorandam propria festivitate. 5. Circumgestandam solemniter in processionibus, publice adorandam, exponendam ad publicas supplicationes.

Lutherus qui negabat permanentiam huic Sacramento extra usum, idest extra Cœnam (seu a consecratione usque ad Communionem) præcisa adoratione in actu ipsius Cœnæ, omnia alia proxime recentita negavit sac. Eucharistiæ. Melancton vero negavit huic Sacramento adorationem etiam in ipsius exercitio, cum impie somniaverit, Christum non esse in Eucharistia ante actuale ipsius usum, sed quando solummodo fideles actu eam recipiunt.

Cultum latræ Theologi communiter appellant obsequium, servitutem, ac venerationem supremo Domino debitam, ut D. August. qui lib. de Civit. Dei cap. 1. num. 2. ait: *Ea dicitur servitus quæ pertinet ad colendum Deum.* Cum, ut iam statutum est contra impios hostes huius tam venerabilis Mysteriorum, Sacramentum hoc ad differentiam aliorum non consistat in solo actu ac usu, idest dum fit, sed in esse permanenti, ita ut sacratissimum Iesu Christi Corpus, eiusque Sanguis permaneant post consecrationem sub speciebus materie, ex qua conficiuntur, panis scilicet & vini; hinc sacra Eucharistia colenda est cultu latræ, cum contineat ve-

Quid  
cultus  
latræ

S. Eu-  
charistia  
cultu la-  
træ ado-  
randa.

N

la-

latum sub iis speciebus partim vi verborum, partim per concomitantiam Corpus & Sanguinem Christi Domini cum eius anima & Divinitate Verbi, ut iam diximus, ac ideo per circumfessionem Patrem etiam & Spiritum S. idest totam SS. Trinitatem: hinc ita definiit Trid. Synodus sess. 13. can. 6. *Si quis dixerit in S. Eucharistia Sacramenta Christum unigenitum Dei Filium non effectum latræ etiam externo adorandum, anathema sit.* Et hanc adorationem etiam Patres Ecclesiæ nobis præcipiunt, quorum auctoritates brevitate gratia hic prætermitto, Et Patres nihil plus tradidere quam Ecclesiæ praxim, quæ revera ab initio ad hæc usque tempora tali cultu hoc Sacramentum venerata est,

Cum autem adoratio aliud non sit, quam creditæ Divinitatis externa seu corporalis per genuflexionem, capitis inclinationem, vel alium venerandum gestum professio, protestatio; luculenter patet, Christo tanquam vero Deo non minus in hoc Sacramento, quam alibi cultum adorationis quam vocabulo Græco *latræ* vocant Theologi, exhibendum esse: imo eius Corpus, & Sanguis, & Anima, totaque Humanitas tam in hoc Sacramento, quam extra eodem genere cultus adorari debent, tamen nihil horum sit Christus, quomodo nec caput, nec manus Regis suæ Regis persona, & nihilominus qui manus aut caput regis osculatur, vel percutit vere dicitur ipsum Regem osculari vel percutere,

Item mos fuit semper in Ecclesia ut honorifice ac reverenter reponeretur, ac servaretur in Templo hoc Sacramentum ad usum fidelium, & præcipue ad morientium Viaticum, hanc consuetudinem asserit, & approbat Trid. Synodus sess. 13. cap. 6. & ut ratam ac licitam sub anathemate confirmat, & de hac consuetudine pene innuere habentur apud veteres infulgentia testimonia, præcipue S. Basilii ad Patrem, Tertulliani lib. *ad Uxorem*, & lib. *de Resione* sub fine, S. Cypriani serm. *de lapsis*, Clementis Alexandr. lib. 1. *Stromatum*. Insuper mitti solebat sacra Eucharistia ad Episcopos velut symbolum pacis & mutue communionis. Hoc enim Romanos Pontifices fecere consuevisse testatur S. Iræneus in sua ad Victorium Papam quæ extat apud Eusebium lib. 5. cap. 24. Meminit huius rei S. Augustinus lib. 2. *contra litteras Petilianæ* cap. 22. Denique servabatur ad Missam præsanctificatorum, cuius meminit Concilium Laodicenum celebratum insuente 4. sæculo: ut

de stulte hic mos reprobat a Novatoribus.

## §. XVII.

*De gestatione Sacramenti S. Eucharistie in processionibus, ipsius festo, & de eius publica expositione.*

Quando, & ubi inceperit ista sollemnis festivitas SS. Corporis Christi, & processio, incertum est. Quod circa hoc certe dici potest, est, quod dato etiam hanc celebrationem cepisse in Diocesi Leodiensi, pro Ecclesia tamen universalis non fuit instituta nisi sub Urbano IV. qui iure merito dici potest eius institutor, & ita appellatur ab omnibus ferme Historicis: nam anno 1264. sua Bulla data in Urbe veteri die 11. Augusti eiusdem anni, ut notat Papiris lib. 5. *de Episcopis Urbis Romæ* tom. 3. *Scriptorum Rerum Italicorum* statuta fuit talis celebratio faciendæ Feriali 5. post festum SS. Trinitatis, eo quod Feriali 5. maioris Hebdomadæ, quæ est dies suæ institutionis Ecclesiæ tota sit in aliis functionibus, puta benedictionis olei sancti communionis Fidelium, &c. In ipsa quoque festivitate ordinatum est ab eodem summo Pontifice Urbano IV. ut fieret processio cum Sacra Eucharistia. Iure merito instituta fuit sollemnis celebratio, & processio in honorem SS. Eucharistie Sacramenti, quod habet ex Christi Domini mandato (speciale divine passionis commemorationem: *Hoc quotiescumque feceritis, facite in meam commemorationem*: ac ideo est perenne divine erga nos benignitatis, charitatis, ac dignationis memoriale.

Unde circumgestatio sacre Eucharistie in processionibus cepit post Urbanum IV. & ante Martinum V. qui in Bulla quæ incipit *Ineffabile Sacramentum* illius meminit: sed id doctæ ac breviter confirmat Trid. Synodus in cap. aliis supracit. cuius etiam rei typum prætulit vetus Testamentum in Arca Domini, quæ sæpenumero tum Dei iussu, tum Sacerdotum, Regis ac populi devotione sollemni pompa deportata ac circumplata fuit ad opem misericordie divine impetrandam, Iosue 6. 1. Regum 4. 2. Regum 6. Arcam autem Eucharistie figuram extitisse probat illud etiam psalmi a SS. Anbr. & August. mystice expolitum; *adoratæ sabbellum pedum eius*, quod ad litteram de Arca fœderis intelligitur, A ritu vero circumgestandi Sacram Eucharistiam in processionibus originem traxit eius expositio publicæ adorationi.

Mos per-  
petuus in  
Ecclesia  
servandi  
SS. Eu-  
charistie  
pro infr.  
mis.

ni. Ut autem fiat frequenter requiritur gravis causa, Episcopi dispensatio, & præterea necesse est ut iudicetur ea frequenti expositione pietatem fidelium promoveri. Eritius, Iuveninus. Sed de hoc melius, quando de ritibus huius Sacramenti.

Inquiret hic aliquis, num liceat Eucharistiam deferre ad extinguendum incendium. Hoc non approbat P. Iuveninus, 1. quia non extant, ait ipse, momenta, saltem fide digna, quibus ostendatur huiusmodi usum aliquando approbatum fuisse ab Ecclesia. 2. Quia deportatio Eucharistiæ ad extinguendum incendium est illicita Dei tentatio, cum ad eum finem non fuerit instituta.

Nemini postea licet deferre in itineribus sacram Eucharistiam vel collo appensam, vel alio modo, excepto Summo Pontifice, cui iter agenti præfertur decenti pompa & comitatu: quia licet in veteri disciplina in usu fuerit apud fideles sibi ad viaticum, & ad communionem domum asportare Eucharistiæ Sacramentum, ut tradit Tertullianus *ad Uxorē*, S. Cyprianus *de lapsis*, & sefe communiverint divini corporis præsentia ac præsidio longa suscepturi itinera, ut in lib. 10. *de excessu Satyri* S. Ambr. in epist. *ad Rusticum*, S. P. Hieronymus, ac alii Patres scripsere; idemque affirmetur de Monachis Monasterii Wingartensis, ac ita in Ecclesiasticis Monumentis de aliis; tamen iustus de causis abrogata est illa antiqua disciplina, & excepto Summo Pontifice hic usus quibuscumque aliis vetitus fuit a Conciliis Cæsaraugustano anno 380. sub poena anathematis & Toletano I. cap. 14.

## S. XVIII.

### *De effectibus sacre Eucharistiæ.*

Theologi cum SS. Patribus & Conciliis varios enumerant huius venerabilis Sacramenti effectus, quidquid in contrarium garrant Novatores, præcipue Lutherus, & Calvinus ex falso illo principio, quod sola fides iustificet, ad quam excitandam dicunt ipsi instituta esse Sacramenta, scilicet ut per hæc exciteretur nostra fiducia in divinis promissionibus. Hunc errorem quoad efficaciam Sacramenti Eucharistiæ damnavit Concilium Trid. sess. 13. can. 5. & 11. videlicet solam fidem non iustificare, & definit, remissionem peccatorum, alioque cum hac effectus fructum esse Sacramenti Eucharistiæ; & sulsus ac distinctius effectus huius Sacramenti exposuerunt, ac docuerunt Concilii Florent. Patres in suo Decreto, quod

de hoc Sacramento edidere, in quo inter alia sic legitur: *Huius Sacramenti effectus quos in animo operatur digne sumentis est adunatio hominis ad Christum. Et quia per gratiam homo Christo incorporatur, & membris eius unitur, sequitur quod per Sacramentum in sumentibus digne gratia augeatur, omnemque effectum quem materialis cibis, & potus quoad vitam agunt temporalem, hoc idem quoad vitam spiritualem & per hoc Sacramentum operatur.* Ex hisce igitur possunt in genere quatuor aut quinque præcipui huius divini Sacramenti effectus numerari, nempe 1. est unio cum Christo, qui cum hic præsens sit cum carne, sanguine, anima & Divinitate, consequitur, perceptione huius Sacramenti nos Christo coniungi, ac unum cum eo fieri, tam secundum spiritum, iuxta illud Apostoli 1. Corinth. 6. *qui adhaeret Domino unus spiritus est*, quam secundum carnem, ex eodem Apost. Ephes. 5. *membra sumus corporis eius, de carne eius & de ossibus eius.* Hic autem effectus alio nomine appellatur hominis incorporatio & transmutatio in Christum, ut notat S. Leo serm. 14. *De Passione Domini* Eritius.

Ex hoc alter sequitur, nempe unio Fidelium inter se, nam inter se uniuntur qui uni tertio copulantur, ut advertit Apostolus 1. Corinth. 10. *Unus panis, unum corpus multi sumus, omnes qui de uno pane participamus.* Et licet hoc fiat per Baptismum, qui nos unit Christo, & nos inter nos, ut idem Apost. habet 1. Corinth. 12. *Omnes in unum corpus baptizati sumus*, cum per baptismum membra efficiamur Ecclesiæ, quæ est mysticum Christi corpus, cuius ipse est caput; tamen peculiari modo, & ratione hoc efficitur per Eucharistiæ Sacramentum; & huiusmodi effectus competit, ita ut quod incipit per baptismum, excellentiori quodam modo & ratione perficitur a Sacra Eucharistia, qua non solum spiritu, sed & corpore simul Christo copulamur; & hoc spectat ad articulum Symboli de Communionem Sanctorum; unde non prætermittendum est hic notare, quod qui Christo & Ecclesiæ unitus est, omnium bonorum tum Christi, tum Ecclesiæ particeps efficitur.

Tertio: Sacramentum hoc abundanter augeat in nobis divinam gratiam: nam cum fructus omnis spiritualis, seu gratia in nos redundet ex Christi passione, consentaneum est, gratiam eo copiosorem quam in aliis Sacramentis in hoc nobis conferri, quanto magis præ cæteris in hoc recolitur Passio Christi & repræsentatur. Alia enim Sacra-

Hoc Sa-  
cramen-  
tum nos  
unit cum  
Christo.

Unit si-  
deles in-  
ter se.

Gratiam  
auget.

menta instituta sunt ac ordinata ad certum aliquem effectum passionis Iesu Christi consequendum; istud autem ad hoc præcipue, ut iugiter & offeratur, & sumatur in memoriam passionis eius, ut alias iam ex ipso Evangelio & D. Paulo indicavimus. Quare publica confessione testatur Ecclesia in hoc sacro convivio recoli memoriam passionis eius, & mentem gratia impleri, quod eo magis etiam fieri clare constat, ex eo quod in hoc Sacramento realiter sumitur ut cibus & potus spiritualis animæ alimenti & nutritionis Christus ipse, qui est auctor, plenitudo, fcaturigo & fons omnis gratiæ, & benedictionis. Quare ex hoc deduci possunt alii etiam plures effectus huius Sacramenti, qui omnes in Canone Missæ nomine gratiæ, & benedictionis explicantur. Dicitur autem hoc Sacramentum gratiam augere, quia cum hoc sit Sacramentum, ut dicunt Theologi, vivorum, idest pro iis qui sunt in gratia, non vero mortuorum, idest pro iis qui adhuc sunt in statu peccati, tamen magnum gratiæ cumulum conferat sanctificantis; non tamen primam gratiam, saltem per se, & directe, ut loquar cum communi Theologorum, habet conferre, sed secundam, idest gratiæ iam præexistentis augmentum.

Spiritua-  
liter nu-  
trit.

4. Sacra Eucharistia est spirituale nutrimentum, cum instituta sit in cibum, & potum fidelium. Quare a Patribus Concilii Trid. appellatur *Sacramentum alimentarium*; nam digne illud fumentibus operatur omnes effectus spiritualiter, quos cibus & potus naturalis operatur corporaliter in hominibus; & hoc confirmat quod paulo ante dixi, sacram. Eucharistiam scilicet non conferre directe primam gratiam, cui proprium est revocare animam a morte peccati ad vitam supernaturalem, quod primum spectat ad baptismum; & post ipsum ad poenitentiam quoad lapsos, quæ ideo dicitur secunda tabula post naufragium: Unde cum Eucharistia rationem habeat alimenti, eius effectus est augere, ac servare per nutritionem in vita, non vero vitam conferre, quæ supponitur in eo qui accedit ad Sacram Synaxim, ut in vitam iam accepta per baptismum, & poenitentiam nutriatur, & per nutritionem in ea conservetur, non alias ac sit in naturali vita, quæ per alimentum cibi & potus fovetur & servatur. Hanc vero analogiam alimenti corporalis, & Corporis ac Sanguinis sui tanquam alimenti spiritualis satis expressit Christus Dominus præcipue Ioannis 6. *Caro mea vere est cibus, Sanguis meus vere est potus.*

Quinto, delet seu remittit ac purgat peccata præterita, quod tamen intelligi debet secundum communioem de solis venialibus; & hæc etiam secundum alios tantum indirecte, & secundum alios directe præservat a futuris tum venialibus tum mortalibus, quia Sacra Eucharistia non solum porrigitur tanquam cibus hominis sani, ac robusti, verum etiam ut medicina infirmi, qua expellatur, & purgetur quod viciosum est, & quidquid crudum est & indigestum in anima hominis consumetur; ac ipsa itidem inopsterum homines adversum ingruentes hostium tentationes quodam veluti antidoto præmuniuntur. Unde D. Ambrosius medicinam appellat divinum hoc Sacramentum lib. 1. de Sacramentis cap. 4. & lib. 4. cap. 5. *Qui manducaverit, ait, hoc corpus, fiet eis remissio peccatorum, & non morietur in æternum.* Et S. Cyrillus lib. 4. in Ioan. cap. 7. dicit, inter alia Sacramenta hoc fedare sævientem membrorum nostrorum legem, quæ fortiter militat contra spiritum, ut ait Apostolus. Et hæc omnia, idest hos alios effectus præstat sacra Eucharistia medianibus gratiis actualibus, seu Sacramentalibus, quæ nempe huic Sacramento conveniunt.

delet  
purga  
pecca

Hinc beneficio ac virtute tanti Sacramenti conservamur, & augemur in gratia; mens nostra innovatur, fervor excitatur charitatis in cordibus nostris, applicamur ad charitatis officia, munimur, ac protegemur contra mala animi, & corporis, a culpis levamur, palcimus, vegetioresque effimur, gubernamur, & liberamur a poenis ob peccata divinæ iustitiæ debitæ. Hoc postremum tamen ut Sacramentum non præstat Sacra Eucharistia directe, & ex opere operato, sed indirecte ex opere operantis; nam remittendo peccata venialia minuit indirecte poenam peccato debitam, & ut dicebam vitalis Sacramenti fervor producit charitatis, & ad bona opera incendimur, quæ omnia sunt satisfactoria pro poenæ reatu. Non sibi tamen tales promittant favores ac fructus ignari ac desides, & vanis nugis distracti.

Alia b  
neficia  
recenset  
rur S. E  
charit.

6. Sacra Eucharistia parit spiritualem delectationem iuxta illud: *pinguis est panis Christi, & præbebit delicias regibus.* In hoc Sacramento (inquit Clemens V. in Concil. Vienn.) *habetur omne delectamentum, & omnis saporis suavitas, ipsaque dulcedo Domini degustatur.* Hanc tamen suavitatem non percipiunt nausæantes, & sensuum delectatione præoccupati, ut advertit S. Ber-

Parit sp  
rituale  
delecta  
tionem

nausæ

ardus ferm. 5. Ascensionis Domini. Habetur cum aliis.

7. Tandem cum gratia quam confert nobis in hac præsenti vita, dat nobis pignus perennis gloriæ in futura, sicuti ex lætitiæ extasi in honorem tanti Sacramenti canit Ecclesia: *sacrum convivium, in quo Christus sumitur, recolitur memoria passionis eius; mens impletur gratia, & futura gloriæ nobis pignus datur.* Imo potest adiungi, quod S. Cyrillus lib. 4. in Ioan. cap. 13. & seqq. & lib. 10. cap. 13. refert sumptioni corporis & Sanguinis Christi acceptam beatam corporum nostrorum immortalitatem, quam in universali resurrectione expectamus. Ita Eftius.

Licet omne beneficium, quod profluit ex sacra Eucharistia ex opere operato non proficiat nisi sumenti, ex opere operantis tamen aliis quoque prodesse potest. Nam si alia bona opera, puta elemosynæ sunt aliis meritorie de congruo, quando in illorum utilitatem Deo offeruntur; similiter divina Eucharistia, quæ sumpta cum debita devotione est opus bonum, immo optimum, utilis esse potest non solum sumenti, sed etiam aliis, si pie in gratiam illorum, seu etiam pro aliis sumatur; ac ideo sacra Cardinalium Congregatio damnavit sub Alexandro VII. illorum sententiam, qui morem repræhendebant communicandi pro defunctis. Valde tamen improbandus est mos quarundam muliercularum, quæ pro aliis communionem Sacramentalem faciunt intuitu certæ summæ pecuniarum, quæ ipsis retribuitur ab iisdem, a quibus requiruntur, ut pro eis communionem faciant, idest Sacram Eucharistiam sumant, qui est valde detestabilis abusus sapiens simoniam, cum veluti vendant Sacram Communionem, quæ est opus spirituale, & sacramentale pro pecuniâ, quæ est res temporalis. Invigilent ergo in hoc Confessarii, ut medeantur huic malo graviter Eucharisticæ communioni iniurioso, monendo & personam quæ sacramentalem communionem alteri pro se ordinat, & eam, quæ hanc facit: quod si aliqua pecuniæ vel alterius rei retributio in tali casu occurrat, fiat solummodo, ac recipiatur intuitu solius elemosynæ, & nullatenus pro Eucharistica Communionem, sive facta pro faciendâ.

Inquirere hic solent aliqui num Sacra Eucharistia ut est Sacramentum, habeat aliquam virtutem & efficaciam circa corpus sumentis; & inter alios Ludovicus Habert ut certum tenet, Sacram Eucharistiam corpori quoque in quo digne recipitur, aliquam mor-

ralem sanctificationem directe tribuere: nam si vas inanimata ex contactu Corporis Christi sacra fiunt, ac veneranda, a fortiori, ait cit. auctor, id dicendum erit de iustorum corporibus, quæ non solum materialiter, sed etiam formaliter illud recipiunt; & huic sententiæ ad stipulatur S. Cyrillus Hierosolymitanus cath. 4. ubi ait: *animam & corpus sanctificat.*

Cæterum quoad effectus gratiæ Sacramentalis, quamvis Sacra Eucharistia sit cibum nonnisi animæ nutritivus, tamen saltem indirecte operatur etiam in corpus; & hæc est sententia D. Thomæ in 4. quæst. 79. art. 1. ad 3. ubi ait: *Licet corpus non immediatum subiectum gratiæ, ex anima tamen redundat effectus gratiæ ad corpus, quatenus nempe ex augmento, & fervore charitatis concupiscentia minuitur.* Imo potest etiam dici, Eucharistiam aliquando directe operari circa corpus, quatenus eius intuitu Deus speciali providentia invigilat, ne recurrant phantasmata, quibus solent acriores tentationes insurgere. Et hoc comprobatur ipsa traditio, quam afferunt S. Chrysostomus homil. 4. in Matthæum, & Cyrillus Alexandr. lib. 3. & 4. in Ioan. & S. Ioannes Damascenus lib. 4. *Fidei orthodoxæ* cap. 14. & Catechismus Rom. docet hoc Sacramentum sensum libidinis cohibere. Adhuc tamen remanet difficultas, quomodo Sacramentum Eucharistiæ hoc præstet effectum. Putarunt quidam hoc directe efficere infundendo corpori quasdam qualitates, ac dotes gloriosas, quæ suam sequuntur resurrectionem, quæ tamen sententia omni careat fundamento. Solummodo ergo hoc directe efficit Eucharistia, quatenus instituta est ut medium adultis necessarium secundum quid ad perseverandum usque in finem, ut præfiguratum fuit in cibo Eliæ ab Angelo administrato, in cuius fortitudine ambulavit Propheta usque ad montem Dei, ut habetur 3. Regum cap. 19.

Circa vero tempus quo producat Sacra Eucharistia effectus supra recensitos, breviter explicatur, nempe gratiam habitualement producere in ipsa manducatione: nam Sacramenta gratiam producant in actu suæ applicationis, seu in usu signi exterioris, puta Baptismus in ablutione, unde etiam Eucharistia in manducatione, quæ est usus ciborum. Manducatio vero est traiectio cibi in stomachum, non vero ipsa nutritio, quæ est manducationis effectus; neque cibi trituratio, seu comminutio, quæ fit dentibus; unde qui comminuit cibum expueret, non

De tem-  
pore quo  
efficitur  
S. Eucha-  
ristiæ produ-  
cuntur.



tenferetur comedisse : Hinc vetitum est a sacris Canonibus præbere hoc Sacramentum iis , qui præ infirmitate deglutire non valent .

Quare ex his sequitur , quod si quis sacras species detineret in ore , aut expueret , fructum nullum ex Sacramento perciperet . Vana est observatio ( & ideo in Hispania damnata fuit ab illis Inquisitoribus Fidei ) sumendi grandiores formulas , & fundendi maiorem copiam vini in calice , ut ex diutiori persistencia specierum in stomacho uberior gratia producat , cum hoc procedat a maiore , vel minore dispositione fumentis , non a longiore permanentia specierum in stomacho : Unde etiam a Sac. Congregat. Cardinalium interpretum Concilii approbante Innocentio XI. 12. Febr. 1679. talis vana observantia scripta fuit , & præscriptum Parochis & Confessariis , ne hoc absurdum permetterent .

### §. XIX.

*De obicibus qui effectus sacre Eucharistiæ impedire possunt .*

Tres præcipue obicis impediunt effectus S. Eucharistiæ .

Tres præcipue recensentur obicis , quibus impediri possunt effectus Sacre Eucharistiæ prout est Sacramentum , videlicet conscientia peccati mortalis , conscientia venialium , & defectus attentionis . Et primo certum est conscientiam mortaliū impedire penitus huius Sacramenti , prout est Sacramentum , effectus , quia cum hoc Sacramentum se habeat cum respectu ad cibum corporis : *Caro mea* , inquit Christus Dominus , *vere est cibus* ; sicuti totus cibi effectus per mortem corporis impeditur , ita omnis effectus cibi Eucharistici , prout est Sacramentum , impeditur per statum peccati mortalis , quod est mors animæ . Et hoc constat ex Patribus , qui quovis sæculo floruerunt , dum verba illa Apostoli : *Qui manducat & bibit indigne , indignum sibi manducat* , interpretati sunt de iis , qui sumunt hoc Sacramentum in statu peccati mortalis : unde prioribus sæculis , dum proximum erat tempus , ut fideles accederent ad Sacram Synaxim , ubique mos erat ut inclamaret Diaconus : *Sancta Sanctis* ; ac ideo nemini lapsa concedebatur participatio huius Sacramenti Eucharistiæ , quin prius se in variis Pœnitentium classibus per laboriosa quadam opera variisque precibus purgasset . Hinc Concilium Trid. sess. 3. cap. 7. merito damnavit Lutherum , qui audebat contendere , conscientiam mortalis pec-

cati non reddere communionem sacrilegam & indignam .

Num vero peccata lethalia , quæ ignorantur , totum communionis effectum impediunt ; certum est , quod si ignorentur invincibiliter , non amittitur totus communionis effectus , nec redditur communicatio sacrilega , quia illa peccata delentur per contritionem cum Sacramento Pœnitentiæ coniunctam , quæ includit Dei amorem super omnia , nisi actualiter , saltem in voto , vel secundum aliquos , delentur per ipsius Eucharistiæ receptionem , sed per accidens tantum ; si vero ignorentur vincibiliter , omnes Scholastici cum S. Thomæ 3. part. quæst. 80. art. 4. unanimes conveniunt , hocce privari omni effectu huius Sacramenti , quinimo incidere etiam in novum crimen sacrilegii . Conscientia venialium non impedit fructus Eucharistiæ ; levis tamen ac subreptitius illorum amor non ex toto quidem , sed ex parte illos impedit ; immo eorumdem peccatorum venialium voluntarius ac pluribus actibus confirmatus amor adducit in periculum communionis sacrilegæ . Non impedit Eucharistiæ fructus peccatum veniale , quia potest esse coniunctus cum charitate etiam intensa , nimirum fieri potest , ut quis post commissam venialia , quorum habet conscientiam , seu eorum meminit , ea ex perfecta contritione detestetur , ac cum ingenti fervore ad Eucharistiam accedat . Levis vero ac subreptitius venialium amor , respectu Eucharistiæ se habet non secus ac stomachi debilitas respectu cibi communis , qui ipsius cibi communis effectum non ex toto , sed ex parte impedit . Amor tandem voluntarius peccatorum venialium , quæ sæpe commissæ sunt , disponit ad mortale , quia valde augeat cupiditatem , & charitatem minuit . Igitur plerumque adducit in periculum communionis indignæ . Sic S. Augustinus Serm. 224. & D. Bonaventura lib. de preparat. ad Missam . Quid distractio naturalis , quæ comitatur Eucharistiæ sumptionem , non impedit præcipuum illius fructum . Et hoc probat antiqua Ecclesiæ disciplina , quæ per duodecim priora sæcula ministrabat Sacram Eucharistiam infantibus , amentibus , aliisque usu rationis destitutis ; ex quo colligitur censuisse , defectum rationis non liberum , seu involuntariam distractionem non impedire præceptum effectum Sacre Eucharistiæ . Ita etiam hunc effectum non impedit distractio levis etiam voluntaria , cum hæc gravem irreverentiam non importet contra venerabile Sacramentum ; impedit quidem secundum effectum , nampe

Quid peccati voluntarii

Quid distractio voluntarii

sempe degustationem spiritualis illius dulcedinis, sicuti experiuntur ii qui cum actuali attentione hoc Sacramentum percipiunt. Impedit pariter non solum secundum effectum, sed etiam præcipuum, seu spiritua-lem nutritionem distractio de industria expresse quæsitæ, ut si in ea distractus sistat cum delectatione dum se communicat, quia hæc gravem infert Sacræ Eucharistiæ irreverentiam.

## §. XX.

## De Ministro Sacræ Eucharistiæ.

De Mini-  
stro com-  
municatio-  
nis S. Eu-  
charistiæ

Nota, quod sicuti Sacramentum Eucharistiæ considerari potest vel secundum eius consecrationem, & consecutionem, vel secundum eius ministrationem & dispensationem, hinc secundum hanc duplicem rationem duplex est Sacræ Eucharistiæ Ministerium, unum quod consistit in eius oblatione & consecratione, alterum in eius dispensatione, seu distributione.

Circa primum Ministerium idest conficiendi, & consecrandi Sacram Eucharistiæ, S. Irængus refert errorem cuiusdam Marci hæretici simul & Magi, qui utebatur etiam mulieribus ad Sacram Eucharistiæ conficiendam, ut testatur etiam S. Epiphanius hæresi 49. de Peputianis, & hæresi 79. de Collyridianis. Waldenses cuilibet laico, modo esset vir probus, potestatem tribuebant Sacramentum hoc conficiendi, quam negabant impiis Sacerdotibus, ut constat ex Rainiero lib. contra Waldenses cap. 5. de Sacram. Eucharistiæ, Lutherus lib. de Captivitate Babylonica, & lib. de abroganda Missa, statuit, ac docuit, quemlibet Christianum habere ex baptismo potestatem consecrandi Eucharistiæ, quam sententiam emolliere eius recentiores asseclæ, præcipue Kemnitius, qui in 2. part. Examinis Concilii Trid. videtur innuere, datam fuisse Ministris a Christo hisce verbis: *Hoc facite*, specialem potestatem conficiendi Sacram Eucharistiæ. Error valde cohærens errori Lutheri evulgatus fuit in Dissertatione cuiusdam incerti auctoris anni 1638. in qua ostendebatur facultas facta a Christo Domino singulis Christianis consecrandi Eucharistiæ; ea tamen lege ac Baptismus, ut laicus sibi hoc assumere non debeat sine urgenti necessitate, & dum præsens adsit Sacerdos. Hunc errorem erudite confutavit perdoctus Petavius in sua Diatriba, seu Dissertatione de potestate consecrandi. Colligunt insuper aliqui Theologi cum Morino de Pœnitentia cap. 24. ex ve-

teribus canonibus Conciliorum Laodicensi, Ancyran, Arelatenfis, Diaconos olim sibi arrogasse facultatem conficiendi Eucharistiæ, imo etiam nonnullas mulieres, quorum impiam audaciam repressit Synodus Parisiensis anno 829. lib. 1. can. 25.

Contra tamen hos errores semper tenuit, ac tenet ut fidei dogma Ecclesia, solos Sacerdotes ritu ipsius Ecclesiæ ordinatos Ministros esse constitutos a Christo Domino conficiendi Sacram Eucharistiæ, cum post consecrationem in ultima Cœna solis Apostolis, & in eorum persona Episcopis & Sacerdotibus ait: *Hoc facite in meam commemorationem*. Et hunc esse horum verborum sensum patet ex perpetua traditione, & ritu Ecclesiæ quæ ita semper tenuit, & docuit, ac solis Sacerdotibus dicit in eorum consecratione, & non aliis. *Accipe potestatem offerendi sacrificium* &c. Et hoc manifeste habetur in Concilio Lateranensi sub Innocentio III. his verbis: *Hoc Eucharistiæ Sacramentum nemo potest consecrare, nisi solus Sacerdos rite ordinatus secundum claves Ecclesiæ, quas ipse Christus concessit Apostolis, & eorum successoribus*. Idipsum confirmarunt Concilia tum Florentinum in suo Decreto de Sacramentis, tum Tridentinum sess. 22. cap. 1. ubi loquens de Apostolis sic ait: *Eisdem, eorumque in Sacerdotio successoribus ut offerrent, præcepit per hæc verba: hoc facite in meam commemorationem; uti semper catholica Ecclesia intellexit ac docuit*; & in can. 2. ita definitum tenendum sub pœna anathematis.

Neque dubitandum est, hæc fuisse perpetuam Ecclesiæ traditionem, ac doctrinam, cum Patres priorum sæculorum, & Concilia clarissime hoc testentur: nam primò hoc habetur in can. 3. Apostolorum, qui solis Episcopis, & Presbyteris præcipit, & præscribit quod in Altari sint offerentes. De hoc loquitur S. Dionysius cap. 5. *Ecclesiastica Hierarchia*, S. Iustinus Martyr, Tertullianus lib. de præscriptione cap. 4. S. Epiphanius epist. ad Ioannem Hierosolymitanum, S. P. Hieronymus Dialogo contra Luciferianos, qui supponunt ut rem certissimam apud Catholicos omnes, solum Sacerdotem posse Eucharistiæ conficere. Hilarius Sardus inquit: *Cum Diaconus de Ecclesia recesserit; neque Eucharistiæ conficere potest, Episcopos, & Presbyteros non habens Ecclesia, & non est quæ non habet Sacerdotes*. Idem S. P. Hieronymus epist. ad Evangelum de quodam Diacono sese præferente Presbyteris, ait: *Quis patietur, ut supra eos se tumidas*

*Diaconus offerat ad quorum preces corpus, sanguisque Christi consecratur?* A sæculo vero V. quo obiit S. P. Hieronymus usque ad præsens tempus Ecclesia tum Orientalis tum Occidentalis semper credidit solos Sacerdotes pollere potestate Eucharistiam consecrandi seu conficiendi, nec unquam passa est, Diaconos, aut alios inferiores Clericos hoc ministerium sibi usurpare, eo quod nullam cognoverit in eis potestatem ad illud exercendum, utpote quod solis Sacerdotibus, & Episcopis ex divina Christi institutione fuerit concessum, & non Diaconis, qui sunt proximiores Clerici Sacerdoti, ut ipsum nomen Diaconi non obscure demonstrat; quia cum Sacerdos dicatur a sacrificando, utpote qui consecrat & sacrificat, sicuti ait S. Isidorus lib. 7. *Etymologiarum* cap. 12. & extat in cap. *Sacerd. de consecr.* dist. 2. num. 1. Diaconus sic appellatur a verbo græco, quod latine vertitur *Minister*, quia eius munus est Sacerdoti consecranti inservire. Idcirco in Liturgiis græcis Diaconus iubetur gerere sanctam oblationem, idest munera consecranda: Et in antiquo Ordine Romano pariter suscipere oblata de oblationario, inservire Sacerdoti rem sacram peragenti, & aliquando etiam Eucharistiam dispensare. Quoad secundum vero, idest Eucharistiae dispensationem, certum est, quod sicut Christus Dominus, qui Eucharistiam instituit, eam etiam dispensavit Apostolis, ita etiam exemplo ipsius institutoris patet, Sacerdotem, qui eam consecrat in persona Christi, esse ordinarium Ministrum etiam pro Sacramento hoc in eadem Christi persona dispensando: & hoc patet ex citatis verbis Christi Domini: *Hoc facite in meam commemorationem*, idest non solum consecrando, sed consecratum Sacramentum fidelibus ministrando. Quod iste sit sensus huius textus divinæ Scripturæ perpetua comprobatur Ecclesiæ traditio, quæ semper agnovit Sacerdotem ordinarium Ministrum non solum pro consecrando, sed etiam pro dispensando fidelibus venerabili Eucharistiae Sacramento. Hinc advertit Concilium Trid. sessio. 13. cap. 8. morem semper fuisse in Ecclesia, ut laici a Sacerdotibus communionem recipiant.

Diaconus vero tamquam Ordini Sacerdotali proximus, & aliquo modo de Sacerdotis officio participans, est Minister extraordinarius pro publica sacræ Eucharistiae dispensatione, urgente tamen necessitate, iussu, ac delegatione Episcopi, aut etiam Sacerdotis, sicuti olim factum fuisse habetur quando opus erat, maxime ubi maior erat popu-

li frequentia, & potius ipsis committebatur dispensare, ut quidam volunt, Sanguinem, quam Corpus Christi. Hæc tamen differentia, quam urget S. Thomas parte 3. quæst. 82. art. 2. non invenitur in sacris Canonibus fundata, utpotequi utriusque dispensationem Diaconis concedant. Nunquam tamen Eucharistia a Diacono dispensanda est Sacerdotibus, ut habetur ex can. 8. Concilii Nicæni. Cum tamen talis usus non amplius apud nos vigeat, imo in tanta Sacerdotum frequentia scandalum movere posset, facultas expectanda est a solo Episcopo, nisi forsitan urgeat gravis necessitas, puta si Viaticum deferendum esset ad periculose decumbentem absente Presbytero.

Clerici inferiores possunt quidem esse extraordinarii Ministri Eucharistiae pro dispensatione privata urgente gravi necessitate; hoc tamen non possunt in publico cœtu, & solemniter. Hoc primum patet ex Adone, qui in suo Martyrologio refert, Theriscitium Acolythum Sacramentum Corporis Domini deferentem a Paganis occisum fuisse, quia notuerit sancta eis prodere. Quoad secundum autem habetur ex usu & praxi Ecclesiæ, quam asserunt S. Cyprianus de lapsis, Acta passionis S. Laurentii, Concilium Arelat. primum, Nicænum primum, & Carthaginense quartum, in quibus munus illud non aliis Ministris tribuitur, nisi Diacono; quin & Concilium Laodicænum sub S. Sylvestro ita statuit can. 15. contra Subdiaconos: *Non oportet Subdiaconos panem dare, vel calicem benedicere.*

Ministrare sibi Eucharistiam potest Sacerdos celebrans, ut definitum fuit, ac statutum a Concilio Trid. sess. 13. cap. 8. *Laici a Sacerdotibus communionem accipiant; Sacerdotes autem celebrantes seipsos communicent*; & hoc probatur tum ex ipsius Christi exemplo, qui seipsum communicavit, ut habet S. Chrysostomus homil. 83. in Matthæum, & S. P. Hieronymus quæst. 2. ad Hebræos ubi vocat Christum *convivam*, & *convivium*; tum ex usu constanti universalis Ecclesiæ, qui ab Apostolis descendere credendus est. Item Sacerdos non celebrans in ægitudine seipsum communicare debet, si nullus adsit nisi Diaconus. Ita docet Suarez, Durandus. Imo idem posse Sacerdotem docet Suarez, diebus solemnioribus, dummodo absit scandalum.

Quamvis ob graves urgentesque rationes indulserit Ecclesiæ antiquitas, præcipue sæviante persecutione, ut laici Eucharistiam in proprias domos deferrent, & Monachi in

Diaconus  
est Mini-  
ster ex-  
traordi-  
narius  
ad dis-  
pensan-  
dam S.  
Eucharis-  
tiam.

desertum; & hisce etiam post redditam Ecclesiae tranquillitatem, ut eam propriis manibus sumerent; cum tamen a pluribus saeculis eadem rationes cessaverint, hinc remota fuit talis consuetudo, imo per Conciliorum decreta vetita, praecipue a Trid. sess. 13. cap. 8. cit. ubi declarat retinendum morem, quem dicit descendere ab Apostolis, ut laici a Sacerdotibus communionem recipiant. Ab hac disciplina dispensatum fertur saeculo 16. cum Maria Scotorum Regina, quae in carcere detenta, & morti proxima Eucharistiam quam apud se detinebat, sibi per seipsam ministravit. Sed de hoc fusius quando de ritibus istius Sacramenti.

Esti quilibet simplex Sacerdos vi-potestatis Ordinis Eucharistiam ministrare possit, quia tamen Pastoris est pascere suum gregem; hinc Sacerdotes qui Pastores non sunt animarum, nequeunt Sacramentum hoc nec alia sine Pastoris licentia cuipiam ministrare. Communiter tamen talis licentia praesumitur 1. cum admittitur Sacerdos ad sacrificandum: nam optat Concilium Trid. sess. 22. cap. 6. ut in singulis Missis fideles adstantes communicent. 2. Cum ex privilegio in aliquibus Oratoriis asservatur sacra Eucharistia distribui potest fidelibus etiam extra Missae actionem; ad hoc enim servari permittitur. Dixi communiter; nam 1. non licet nisi Pastori ministrare Viaticum, aut alio Sacerdoti ab ipso deputato. Et haec exceptio habetur expresse in Regularium privilegiis. Imo hoc ipsis inhibuitur est sub poena excommunicationis latae sententiae reservatae Summo Pontifici prima Clementina, *Religios. de privileg.* 2. Infantes non sunt admittendi prima vice ad sacram Synaxim sine iudicio, & consensu Pastoris, iuxta disciplinam, quae ubique viget, & servatur, cum caeteroquin periculum sit, ut admittantur ignorantes prima fidei rudimenta, vitaeque Christianae regulas, ac necessarias dispositiones ad Sacramentum digne suscipiendum: nam sicut iam patet experientia, plebsi nisi mediante hac disciplina induci possunt ad ista perdiscenda. Item vetitum est privilegiatis ministrare Eucharistiam die sancto Paschatis, ita ut vel nulla est Bulla Nicolai V. tollens talem exceptionem, vel ut aliqui volunt, non est usu recepta. Verum cum multi Episcopi prohibitionem hanc extendant a Dominica Palmarum ad Octavam Paschatis inclusive, dubitari nequit, quin huic disciplinae saveat Clementina contra Regulares, qui sine iurisdictione in tali casu communionem laicis administrant. Ni-

hilominus tamen in Italia haec disciplina non viget respectu eorum, qui Eucharistiam sumunt, non ut debito Paschalis communionis satisfaciant, sed intuitu solummodo devotionis, quia haec talis ministratio non est vetita. Caeterum privilegiati pro adimplendo praeepto Paschalis Communionis Eucharistiam ministrare nequeunt vagis & peregrinis, qui nullam habent Parochiam, quia ii fortinuntur Parochiam, ad quam devenerint, idcirco nec hisce possunt ministrare Viaticum in lethali aegritudine, & extremam Unionem: nam hoc semper spectat ad Parochum, vel ad eius deputatum. Et cum praeeptum de Paschali Communionem semper urgeat, qui tempore praescripto non satisfecerunt, remittendi sunt ad suum Parochum, si in anni tempore ad alium accedant.

Circa tempus, quo Parochus Eucharistiam suo gregi ministrare teneatur, certum est teneri non solum cum urget praeeptum communionis sub tempore Paschatis, aegritudinis, pestis, & persecutionis propter mortis periculum, in quo fideles versantur, sed etiam quotiescumque rationabiliter petant: Et quia Pastoris est subministrare proprio gregi non necessaria tantum, sed etiam utilia, in pascuis uberrimis pascam eos legimus Ezechielis 34. & cum intentio sit pie Matris Ecclesiae ut fideles frequenter eo saluberrimo, ac pretioso pane reficiantur; evidenter patet, requirere a Pastoribus, ut spirituale suorum subditorum famem pietate vere materna saturent, ne genere habeat sancta Ecclesia mater: *Parvuli petierunt panem, & non erat qui frangeret eis.* Thren. 4. Tandem quia sacra Eucharistia est medium tamen non absolute, saltem secundum quid, ut proxime dicitur, necessarium ad perseverandum in gratia, ad tentationes vincendas, & peccata vitanda, ut advertit Concilium Trid. sess. 13. cap. 2. Hinc factum fuit quod probati Pastores qui hactenus in Ecclesia floruerunt, non timuerunt se exponere mortis periculo, ut hoc valido adminiculo fideles munirent, ac recrearent.

Non licet extra casum ministrandi Viaticum periculose decumbenti, deficientibus minoribus particulis detrahare partem maioris quae in celebrando est consecrata; si communis ex sola devotione petatur, quia hoc esset contra Ecclesiae praxim.

De Pa-  
rocho  
quoties  
S. Eu-  
chari-  
stiam suo  
gregi  
mini-  
strare de-  
beat.

## §. XXI.

*De subiecto Eucharistiæ, idest de personis  
capacibus huius Sacramenti.*

Quia baptismus est ianua Sacramentorum, quatenus homo per ipsum Ecclesiam ingreditur, & membrum eius efficitur, ac proinde hoc mediante ius, seu actionem acquisit participandi de bonis omnibus, quæ Ecclesia fidelibus suis dispensat, atque communicat, præcipua quorum sunt Sacramenta; hinc omnes & soli homines baptizati ac viatores sunt subiectum capax Sacramenti Eucharistiæ; illius vero fructus nonnisi qui cum debitis dispositionibus ad hoc accedunt. Dixi *homines baptizati*, quia baptismus se habet per modum potentie passivæ ad recipiendam alia Sacramenta. Dixi *soli baptizati*, quia non baptizatus, etiam si catechumenus sit, caret potentia necessario ex Dei institutione prærequisita ad alia Sacramenta suscipienda: reciperet enim nondum initiatus Corpus Christi; sed materialiter, sicuti recipitur in pyxide. Dixi *viator* quia Sacramenta non sunt instituta nisi pro viatoribus, ac ideo Sacra Eucharistia dicitur etiam Viaticum, quia cibus est viatorum; quæ ratio movit Concilium Carthag. 4. cap. 6. Antiochenense anno 363. cap. 12. Trullanum can. 83. ad damnandum abusum dandi sacram Eucharistiam corporibus defunctorum. Dixi tandem *Sacramenti*, quia eius fructum nonnisi iusti percipere possunt, ut melius res explicabitur, ubi de requisitis dispositionibus agemus.

Tres autem modos notat Concilium Trid. iuxta doctrinam SS. Patrum sess. 16. cap. 8. sumendi hoc Sacramentum, nempe *Sacramentaliter* tantum, ut sit in iis qui indisposita conscientia accedunt: ii enim Sacramentum solummodo recipiunt, non fructum Sacramenti. *Spiritualiter*, & hoc de iis intelligitur, qui voto, non re panem hunc celestem suscipiunt, fide tamen viva, quæ per dilectionem operatur, fructum eius, & utilitatem sentiunt, ac gustant. *Sacramentaliter* tandem *simul & spiritualiter*, & ita illud suscipiunt qui virtutum ornatu ad huius divinæ mensæ participationem accedunt. Unde cum hi vivi sint in gratia, spiritualement alimoniam, ac nutritionem ex hoc divino pane recipiunt: Quod cum solis spiritualibus viventibus conveniat, & proinde pariter fuerit institutum, ideo Eucharistia Sacramentum vocatur vivorum. Quare ratio huiusce Sacramenti difficultatem: movet

inter Theologos, num improbi homines, id est sceleribus inquinati procul ab Eucharistica mensa arcedi sint; & cum varia sint genera hominum, quibus aliquando concessa fuit, denegata aliquando huius Sacramenti participatio, de iis quoque distins inquirendum erit. Et hi sunt parvuli, energumeni, amentes, surdi ac muti a nativitate, damnati ad mortem, qui post vitam contaminatam sine emendatione ad extremum viæ perveniunt. Ceteroquin licet verum sit ministrandam non esse sacram Eucharistiam omnibus his quos recensuimus in explicanda sententia de subiecto capace huius Sacramenti; tamen in primis observandum est, quæ sit Ecclesiæ disciplina, quæ accedentium dispositiones, quæve circumstantiæ in iis, qui accedunt.

## §. XXII.

*De malis, sceleribusque inquinatis.*

Nota nomine mali hic non intelligi illos, de quibus ait Christus Dominus Matthæi 7. *Si vos cum fitis mali &c.* Nam in tali sensu omnes mali sumus propter quotidianas offensiones, in quas incurrimus; sed eos qui re ipsa sunt in affectu peccati mortalis, absque eo quod nullatenus abhorreant ac detestentur suorum flagitiorum inquinamenta. Licet ut refert D. Thomas 3. part. quæst. 84. art. 3. quidam ex antiquis opinarentur Corpus Christi nequidem sacramentaliter sumi a peccatoribus actuali affectu suorum scelerum illaqueatis, ut postea sensit Ioannes Wicleffus quodlibeto apud Thomam Waldensem tom. 2. de Sacramentis cap. 60. indubie tamen tenendum cum Sancto Thoma, omnibusque Scholis, Corpus Christi vere sumi in Sacramento Eucharistiæ non tantum a bonis, verum etiam actualiter malis, & peccatoribus; illud enim sumpsit cum aliis Apostolis etiam impius Iudas, Marci 14. & *bebant de illo omnes*; & Christus Dominus porrigens omnibus suis discipulis, inter quos erat ipse Iudas, ait: *Accipite, & comedite, hoc est Corpus meum*; & hoc etiam comprobatur testimonio Apostoli 1. Corinth. 10. ubi monet fideles, ut virent idololatram, quia nemo potest bibere calicem Domini, & calicem demoniorum: ait enim: *Non potestis bibere calicem Domini, & calicem demoniorum*; & proximo cap. vers. 27. indigne communicantes appellat reos Corporis, & Sanguinis Domini; nec his opponitur cap. *Qui discordat dist. 2. num. 65.* ubi sic habetur: *Qui discordat a Christo non manducat*

Solus  
homo  
viator  
baptiza-  
tus ca-  
pax est  
S. Eu ha-  
rist. 2.

Tres  
modi su-  
mendi S.  
Eucharis-  
tiam.

Qui  
m  
m  
ma  
i in  
relli-  
gan-  
tur.

*carnem eius*: Nam ibi intelligitur indignum non manducare Christi carnem spiritualiter, & quoad effectum Sacramenti, qui est habere Christum permanentem; *filiorum* autem quoad veram Sacramenti assumptionem & manducationem.

An vero liceat dare sacram Communionem peccatori eam petenti, vel eo omnino deneganda sit, ut præceptum Domini innuere videtur Matthæi 7. *Nolite dare sanctum canibus*, & Matthæi 15. *Non est bene sumere panem filiorum, & mittere canibus*: pro resolutione, ac explicatione questionis distinguendum est, nempe, aut peccator publicus est, & manifestus, aut peccator est occultus; idest aut notorium est eius crimen, aut secretum: item aut petat in publico, aut in loco occulto; manifesti autem dicuntur peccatores, & notoriam eorum crimen, vel per evidentiam facti, ita ut nulla tergiversatione celari, aut excusari possint; cuiusmodi sunt publici usurarii, histiones, & meretrices; vel per evidentiam iuris, ut si peccatum confessus fuerit coram Iudice, aut alteri publicæ personæ ad hoc specialiter delegatæ, aut per iudicium cap. *quæstum est*, & cap. *Tua nos*. Peccatori publico, qui non egit penitentiam, sive private, sive publice communionem petat, semper deneganda est, quia Christus Dominus ita præcepit Apostolis, ut habetur Matthæi 7. *Nolite sanctum dare canibus*, & 15. *Non est bonum sumere panem filiorum, & mittere canibus*. Canes iuxta Chrysostomum hom. 4. in Matth. sunt homines perditissimi & in impietate viventes immedicabili. Nulla enim sit petenti iniuria, quoniam nec infamatur, cum iam talem notam a propriis criminibus accipiat, nec iure suo defraudatur, cum in tali statu ius non habeat ad percipiendum Christi corpus. Item deneganda est etiam ex parte Ministri, ne ipse quoque reus fiat cooperando alterius culpæ, nempe communionem indignam. Eadem vero lege, ac conditione obstringuntur etiam excommunicati publice denunciati & ex Decreto Innocentii XI. etiam mulieres accedentes ad altare habitu ad lasciviam composito. Quod si peccator ita laboret infamia, ut tergiversatione crimen excuset, consulendus est Episcopus. Ita Eftius, Habertus &c.

Si crimen vero sit occultum, & peccator occulte petat & absque ullis testibus, deneganda est communicatio ob rationes paulo ante adductas in præcedenti resolutione. Excipiunt tamen communiter Theologi contra S. Thomam in 4. dist. 9. art. 5. quæst. 1.

nisi Sacerdos ex sacramentali confessione peccatum cognoverit; quia Eugenius Papa cap. *Si Sacerdos de officio Ind. ordin. ait*: *Si Sacerdos sciat pro certo aliquem esse reum aliquus criminis, vel si confessus fuerit, & non fuerit emendare . . . tamen non nominatim potest eum removere a Communione, quia non ut iudex scit, sed ut Deus; sed debet eum admonere, ne se ingerat, quia nec Christus Iudam a communione removit*. Ita 1. Decretalium tit. 31. cap. 2. Et quidem confessionis sigillum talem exigit cautelam, & maxima cautela adhibenda est, ne peccatorum confessio in contemptum invidiamque trahatur. Hanc sententiam secuti sunt Gabriel, Sylvius, Navarrus, Suarez, imo ipse D. Thomas deprehenditur ex art. 6. quæst. 80. non stetit in sententia, quanto iunior tenuerat in 4. Nam ibi laudat, ac approbat auream S. Augustini regulam ex ult. hom. inter 90. nunc sermo 338. *Nos a communione prohibere quemquam non possumus, nisi aut sponte confessum, aut in aliquo iudicio ecclesiastico, vel seculari nominatum, atque convictum*. Sed regula S. Augustini est ex omnium consensu de peccatoribus occultis, qui publice petant, quorum famæ est consulendum. Sed saltem monendus videretur qui minus ex malitia quam ex simplicitate Bachusianam sine ueste peteret; nam confessio experientia rudioris expleta confessione pro more ad sacram mentem pergere, non attendentes an absolvi fuerint, necne: in quo casu, ubi supponitur nullum periculum esse infamæ, potest Sacerdos querere ab huiusmodi homine num absolutionis beneficium consecutus fuerit. Habertus. Quod si peccator occultus, & notus non plerumque per confessionem peccator, publice petat, sine ulla controversia non est ei deneganda communicatio, quoniam in faciem Ecclesiæ non constat ipsum ius suum amisisse: Ita S. Thomas in 4. dist. 9. quæst. 1. art. 5. Nam quando etiam Minister ut peccatorem eum agnosceret, docet cit. Pontifex Eugenius, quod non ut iudex, sed ut Deus agnosceret, ac proinde sicuti Christus Dominus docuit suo exemplo, quando sciens ut Deus Iudam peccatorem, adhuc sanctissimum suum corpus & sanguinem simul cum aliis discipulis ei præbuit; ita Sacerdos sciens ex confessione, ac proinde ut Deus petentem Sacram Synaxim conscientiam crimine maculatam habere, nullatenus illam ei denegare debet, nec potest: nam iuxta regulam præcitatam S. Aug. hæc fuit semper Ecclesiæ praxis. Ex huiusmodi enim

Quid in casu peccatoris occulti publice petentis.

enim repulsa iniuste læderetur proximi fama, ad quam tuendam ius habet, quando crimen eius est occultum. Praxis enim Ecclesiæ magnam redolet prudentiam, quia hoc cavet ne pax in ipsa turbetur, & viam gravioribus scandalis recidit, quæ alias sequerentur, ut inimicitia, rixæ, contentiones, & Sacerdos suspicaretur hoc agere in seculo animo, ac simulato, & sæpe etiam contingeret aliquem hoc prætextu privatas ulcisci iniurias.

Nec fecus licet ullatenus consulere honori huius venerabilis Sacramenti, & impedire novam sacrilegii culpam in occulto peccatore publice petente, qui iam propter scandalum repelli nequit, ei particulam non consecratam præbendo, quod communissime docent Doctores cum S. Th. quæst. 80. art. 6. ad 2. nam hic esset error peior priore. Et primum quia Sacerdos quantum in se est, in tali casu adstantes, & ipsum etiam occultum peccatorem idololatriæ periculo exponeret, & quia admitti non debet hæc compensatio, ut faciamus aliquid mali, ne aliud gravius malum fiat, ut ait S. Aug. quæst. 42. In Genes. Præterea quia non impeditur ea ratione sacrilegium accedentis animo, & voluntate iam commissum, nec iniuria Domino illata. Tandem quia in cap. de homine lib. 3. Decretalium tit. 42. de celebrat. Missæ habetur: *Impie se gereret Sacerdos, qui propter sui facinoris conscientiam Missam celebrare, se fingit, ac suppressis verbis, quibus conficitur corpus Christi, panem, & vinum tantummodo pure sumit.* Et ibi additur ratio, cum falsa sint abiicienda remedia, quæ veris sint periculis graviora. Juveninus, P. Berti &c.

### §. XXXIII.

*De pueris aliisque usu rationis carentibus.*

Habetur, seu legitur, praxim viguisse in Ecclesia usque ad 12. sæculum non alias sextum, ut vult Maldonatus in cap. 6. Ioannis, concedendi sacram Eucharistiam infantibus, ut de III. sæculo testatur S. Cyprianus tract. de lapsis de IV. S. Ambr. lib. de initiandis cap. 8. de V. S. Aug. ep. 217. alias 107. ad Vitalem, de VI. S. Greg. Magnus Hb. Sacramentorum, de VII. Concilium undecimum Toletanum; de VIII. Ordo Romanus tit. de Baptismo, & sic alibi de aliis 4. sæculis, & præcipue in D. Thoma, qui obiit anno 1274. Hic 3. part. quæst. 70. art. 9. docet iuxta usum sua ætate confirmatum pueris recenter natis danda non esse

sacra Mysteria, licet Græci contrarium servant. Hac sua praxi, & disciplina persuasum fuisse notatur veteribus, infantes aptos esse cum fructu sacræ Eucharistiæ & probationem, quam exquirat Apostolus ad huius Sacramenti cibi manducationem, illis solummodo necessariam esse, qui alicuius mortalis culpæ sint conficii, ut sunt adulti, & neutiquam parvuli. Mutata tamen fuit in Ecclesia Occidentali post sæculum 12. disciplina erga infantes, & prorsus abrogatus mos ac praxis eis ministrandi sacram Eucharistiam, tametsi per baptismum facti sint iusti, ac ideo capaces suscipiendi hoc Sacramentum, & fructus eius. Iustis tamen de causis immutata fuit disciplina, ac vetitum dare infantibus sacram Synaxim, quod probavit Trid. Synodus, contrariumque usum firmavit cap. 4. & can. 4. sess. 21. Nec Ecclesiæ iudicium est reprehendendum, nec ob contrariam disciplinam fovenda sunt schismata: Non enim una fuit ratio quare huiusmodi praxis immutata fuerit; & 1. quod infanti non percipere valeant quid sumant, carentque devotione tam necessaria ad religiosam sacræ Eucharistiæ susceptionem, ac ideo in re iam ad salutem non omnino necessaria prævalere debet reverentia tam venerabilis Sacramenti augmento illi gratiæ, cuius defectu nullum parvuli prospectuali eorum salute detrimentum patiuntur. Item quia non facile speciem panis percipere, & digerere valent parvuli, & cum illis præberetur species vini semper erat periculum alicuius irreverentiæ huic Sacramento indebitæ, nempe vel quod aliqua pars sanguinis extra os pueri effunderetur, vel quod sumptum evomerent. Tandem censeripotest a recentiori Ecclesia hoc factum fuisse, ut reproberetur hac nova praxi eorum regeneratos absque Eucharistia salvari non posse.

Circa eos vero qui usu rationis carent, observandum quod vel perfecte carent, ut sunt amentes, vel imperfecte, ut semisati Ammentes vel nunquam usum rationis habuere, id est illorum amentia, est perpetua seu a nativitate, vel aliquando sui compotes fuerunt, hoc est eorum amentia non est a nativitate, & perpetua. Si amentia perpetua sit, certe iis qui hac laborant, non est concedenda sacra Eucharistia, nam isti habendi sunt pro infantibus. Si vero non sunt perpetuo amentes, ut habeant lucida intervalla, hæc attendenda sunt, ut Sacramentum hoc illis ministraretur; & si non habeant hæc inter-

Sæculo  
12. mu-  
rata fuit  
in Eccle-  
sia Occi-  
dentali  
disciplina  
dandi S.  
Eucharis-  
tiam  
pueris  
ante a-  
sum ra-  
tionis

Quid de  
Eucharis-  
tiam ad-  
ministra-  
tione a-  
mentibus.

tervalla, vel ita brevia sint, ut non vacet tempus eos communicandi, si dumusu rationis pollebant aliquam erga hoc Sacramentum venerationem devotionemque exhibuerint, saltem in morte privandi non sunt sacro Viatico, dummodo tamen laudabilem vitam duxerint, aut saltem signa pœnitentiæ dederint; ex can. 76. Concilii IV. Carthag. inserto 2. parti Decretalium 26. quæst. 6. cap. *his qui pœnitentiam*; quando tamen nullum sit periculum irreverentiæ, puta vomitus, aut expuationis. Nam si experientia constet adesse hoc periculum, quia Eucharistiam recenter acceptam plerumque expuerint, in hoc casu consulant Pastores reverentiæ, & securitati Sacramenti prius immittendo in os infirmi, qui rationis compos non est, formulam non consecratam. Sic Habertus, & P. Berti. Qui autem carent usu rationis imperfecte, & dicuntur semisati, consultus est eos non admittere frequenter ad participationem corporis Christi, ne Sacramenti dignitas vilescat; sed urgente præcepto in Palchate, & mortis articulo denegari non debet, cum hi habeant sufficientem capacitatem, ut necessariam dispositionem præmittere valeant. Tourneley, Iuveninus, Habertus &c.

## S. XXIV.

*De energumenis, surdis, ac mutis a  
nativitate.*

Energumeni ii dicuntur, qui ab immundis spiritibus oppressi sunt, ac vexati. Duo autem sunt istorum genera. Quidam perpetuo agitantur, alii lucidis quibusdam fruuntur intervallis. Energumeni primævis Ecclesiæ sæculis non admittebantur ad Eucharisticam communionem, nisi urgente mortis periculo, in quo casu eis concedebatur, vel ipsi de purgatione sui solliciti Clericorum monitis obsequebantur. Ex veteri Ecclesiæ disciplina, quæ eos tempore oblationis a fidelibus separabat Diaconi iussu, qui post exitum catechumenorum alta voce clamabat: *Exite energumeni*, sicuti docent antiquæ Liturgiæ; non eadem erat conditio cuiuscunque energumeni: Nam qui ita a maligno spiritu exagitabantur, ut subiecti essent diurnæ perturbationi, ii erant qui tempore oblationis ab aliis fidelibus per Diaconi intimationem separabantur; & de istis loquitur Concilium Eliberit. can. 9. & 37. ubi additur, *qui ab erratico spiritu exagitabatur*. Illis vero, qui lucida habebant intervalla, idest quos non semper malignus spiritus

exagitabat, his inquam dum actu liberi erant a maligna exagitatione communio permittebatur, sicuti habetur in alio can. eiusdem Concilii Eliberitani, in quo vexatis a spiritibus immundis communionem permittit; qui canones cum ad invicem sibi contradicere nequeant, intelligendi sunt de duplici energumenorum specie. Quando tamen alter canon non esset intelligendus de energumenis mortali morbo correptis, ut notat P. Berti. Nova tamen disciplina, seu subsequentiæ sæculis energumeni indistincte admittuntur ad sacram communionem, quandoque accedant, quando visi sunt, ac videantur accedere cum fructu & reverentia ad eam dispositi. Et huic disciplinæ, ac novo ului favet, ac concordat Concilium primum Arausicanum an. 441. can. 14. in quo dicit, energumenos iam baptizatos curantes de sua purgatione sollicitudine Clericorum esse tradendos, ac eorum monitis obtemperantes omnino communicandos, ac virtute Sacramenti muniendos ab incurso demonis, a quo infestantur. Habentur enim varia exempla multorum, qui virtute sacrae communionis a demonis infestatione liberati fuere. Pater Berti.

Surdis, ac mutis a nativitate, licet sint capaces percipiendæ cum fructu Eucharistiæ, si nulla culpa lethali obstringantur, ex disciplina tamen Ecclesiæ, quando nullum præferant huius Sacramenti desiderium, & fidem suam, ac pietatem nullatenus exprimere, seu significare sciant, ac valeant, deneganda est Eucharistia. Non ita vero, si subito ob aliquam infirmitatem obmutescant; *subito obmutescentes* (ait Concilium Arausicanum primum can. 12.) *baptizari, ac pœnitentiam suscipere possunt, ac ideo etiam sacram Eucharistiam, si voluntatis eius aut præteritæ testimonium aliorum verbis habeant, aut præsentis in suo nutu*. Imo non est deneganda etiam mutis, ac surdis a nativitate, & in hoc omnes conveniunt, quando hi peccata vitare satagant, atque in virtute proficere, pœnitentiæ quoque, ac devotionis signa præbeant; quæ ut exhibeant, invigilare debet parentum, ac Pastorum pia sollicitudo. Nam tamen si fides nonnisi per auditum suscipiatur, ut monet D. Paulus Rom. 10. S. tamen Augustinus agnoscit lib. de dono persever. cap. 19. quibusdam licet paucissimis donatum fuisse, ut nullo homine sibi prædicante, per ipsum Dominum, vel per angelum cœlorum doctrinam salutis accipiant, & S. Thom. in 3. dist. 2. quæst. 4. ait: *in iis quæ sunt necessaria ad salutem*.

Nova Ec-  
clesiæ di-  
sciplina  
de Eu-  
charistia  
ipsis mi-  
nistrian-  
da.

De sur-  
dis &  
mutis  
circa eo-  
rum ad-  
missio-  
nem ad  
Euchar-  
isticam  
commu-  
nionem.

De vete-  
ri Eccle-  
siæ di-  
sciplina  
circa  
energum-  
enos.

7777-



*nunquam Deus homini querenti suam salutem deest, vel deficit ex culpa sua : Unde explicatio eorum quæ sunt ad salutem vel divinitus providetur homini per prædicatorem, sicut patet de Cornelio Actor. 10. vel per revelationem. Quod si dubitetur de eorum dispositionibus consulatur Episcopus. Habertus, Tournely.*

## §. XXV.

*De condemnatis extremo supplicio.*

Circa malefactores ultimo supplicio afficiendos variat Ecclesiarum stylus, seu disciplina. Aliquando enim iis denegata fuit sacra Eucharistia, præcipue in Hispania, & Gallia, ut habemus ex Synodo Rhemenſi anno 630. Imo ante annum 1396. denegabatur ibi eiusmodi reis etiam sacramentalis absolutio, ut constat ex Morino lib. 10. *de penitentia* cap. 4. ubi habetur hunc morem abrogatum fuisse a Carolo VI. ann. 1396. Verum usus huius denegandi sacram Eucharistiæ adhuc in Gallia perseverat & in Hispania, quamvis dicat Sylvius in 3. par. quæst. 80. in Hispania obtinuisse contrarium usum. In Italia autem, & in Germania certum est hoc Sacramentum præberi ultimo afficiendis supplicio, & tamen morem suum defendant Galli eo quia aiunt, hi non deſtantur sua scelera, nisi timore supplicii, unde merito dubitatur, an sint capaces sacramentalis absolutionis, quæ tamen nunc etiam eis benigne conceditur, & quia accepto mortis nuntio ita conſternantur, ut deſtutur appareant rationis usu; varia nihilominus momenta perſuadent Italici & Germanici, iisdem denegandam non esse sacram Synaxim. Et hoc constat ex cap. *quæſtum* 13. quæſt. 2. num. 30. ubi deſinitur qui pro ſuis ſceltribus in patibulis ſuſpēduntur, communionem in ſine ſecundum canonicum inſam dandam eſſe. Idem habetur in can. 27. Concil. Mogunt. ann. 847. can. 80. & in aliis etiam Wormacenſi ant. 868. Triburienſi ann. 895. In his enim omnibus Synodis ſtatuitur ſuſpēdendis dandam eſſe ſacram communionem, dummodo poenitentiam gerant.

## §. XXVI.

*De hominibus ſceleſtibus qui tempore mortis poenitentes ſe præſeferunt.*

Non ſecus ac de ſupplicio afficiendis, etiam circa perditos homines qui ad mortis extrema poenitentiam perducunt, dum ta-

men ſunt adhuc in rationis uſu, non ſemper fuit eadem in Eccleſia, nec in omnibus Eccleſiis conformis diſciplina. Nam primis Eccleſiæ temporibus fuit aliquantum ſeſerior circa propoſitum caſum rigor diſciplinæ. *Obſervantior prius*, inquit Innocentius I. epist. c. ad Exuperium Tolosanum Episcopum, *durior poſterior interveniente miſericordia inclinatio*. In Hispania Concilium Eliberitanum reis quorundam graviorum criminum communionem denegabat etiam in mortis articulo, can. 1. 2. 3. 6. 7. & in aliis. Verum quidem eſt, quod primævis temporibus nomine communionis intelligebatur ſocietas cum fidelibus, ſed quibus hæc ſocietas denegabatur, denegabatur ſimul Eucharistiæ participatio. In Africa ante S. Cyprianum aliquando pax, id eſt reconciliatio, & ſacra communio denegabatur mæchis, ſeu adulteris, ut teſtatur S. Martyr ep. 21. ad Antonianum, quem rigorem anterioris diſciplinæ ipſe S. Cyprianus temperavit in Concil. habito cum ſuis Episcopis; ſed nihilominus mos aliquando invaluit, ut qui poenitentiam in decurſu vitæ ſuæ non egiffent, ſi in mortis articulo Eccleſiæ reconciliari poſtulerent, a ſpe communionis, & pacis repellerentur, ut S. Cyprianus memorat in cit. ep. & hæc ſeveritas Galliarum quoque fuit in uſu, ut ex Conc. Arelat. anno 314. can. ult. Diſciplina tamen ætèo durior non ubique recepta erat, nec in eisdem Eccleſiis conſtans fuit ac diuturna, ut patet ex Concil. præcipue Carthag. IV. Nicæno gener. ann. 325. can. 18. quæ temperarunt hanc ſeveritatem, & iuſſerunt, huiusmodi obſtinatis peccatoribus, ſi tempore eorum mortis poenitentiam petierint, etiamſi ante Sacerdotis adventum oppreſſi ab infirmitate obmuerint, vel in phreſim inciderint, dummodo adſit qui teſtetur ſe audiviſſe eos poenitiſſe, ac poenitentiam ſeu reconciliationem petiſſe, & morituri credantur, eis, inquam, dandam eſſe poenitentiarum reconciliationem, & ſacræ Eucharistiæ participationem. Quare hæc diſciplina ſtatuta ab hiſce duobus Conciliis de danda reconciliatione, & ſacræ Synaxi in extremo vitæ periodo peccatorum, qui tunc ſolum poenituit, ac ſacramentalem petiit reconciliationem, & ſacræ Eucharistiæ viaticum, tandem invaluit in Eccleſia, ut morem hunc, excepta nunc Gallia quoad Eucharistiæ participationem, ſere omnes aliæ particulares Eccleſiæ ſequantur, & hoc eſt conſonum non ſolum eir. Conciliis Carthag. IV. & I. gener. Nicæno, ſed etiam Agathenſi

Explicit  
rur ve  
tas, &  
nova di  
ſciplina  
Eccleſiæ  
circa ta  
les poen  
tentes.

theñt anno 406. can. 15. in quo sic legitur: *Viaticum omnibus in morte positis non est negandum*; iudicio & doctrinae Gregorii III. qui ep. ad Bonifac. num. 7. scribit, quæ ab Leone inserta sunt Collectioni Canonum part. X. cap. 179. *De iis vtro, qui patrem, matrem, fratrem, aut sororem occiderint dicimus, ut tota vite tempore communionem non suscipiant, nisi in sua exitu pro viatico.* Tandem Innoc. III. cap. quod in te lib. 5. Decretalium tit. 38. *de poenitentia* concessit, ut etiam tempore interdicti Clericis & laicis *detur viaticum in extremis*, licet hoc Decretum, ut notat eruditissimus P. Berti desideretur in epist. Innocentii editis a Sirleto & Boniqueto.

## S. XXVII.

## De Mortuis.

Mos fuit aliquando, ut ex historiis colligitur, dandi Eucharistiam mortuis, aut cum ipsis eam sepeliendi, & præcipue hoc usitatum fuit cum Episcopis, collocando super pedus ipsius vita functi sacram Eucharistiam, ut in notis Sacramentalium Gregorii num. 680. demonstrat eruditus Menander ex Beda & Amalario Fortunato. Morem hunc repetit Lupus in 42. Trullanum est variis rationibus, prima quarum est, ne cadavera & sepulchris eicerentur, ut insinuat ex exemplis adductis in Dialogis S. Gregorii; altera ne daemones furerent in defunctorum corpora: tertia, quam etiam illustris Albaspinæus lib. 10. observat cap. 9. nempe originem dedisse huic abusui fidelium simplicitatem, quæ ita intendebat providere, ut ii, qui in suo excessu e vivis sacram Eucharistiam non receperant iuxta leges ecclesiasticas, quibus cautum fuit ne quisque migraret e vita sine sacramentali Viatico, iuvarentur saltem ipsius præsentia, qua putabant aliquod salutis subsidium conferri defuncto ipsi tali modo concessa. Alii vero, ut Basilius, Pontius part. 1. variarum disputationum pag. 237. alteram afferunt causam, ut scilicet hoc ritus communionis avocarentur homines a superstitione Gentilium, qui mortuis obolum imponebant ori, Acheronti pro rebus navio persolvendum. Et equidem solebat sacra particula ori defuncti ingeri. Illius superstitionis complura habentur testimonia in Luciano Apuleio, aliisque Scriptoris ethnicis.

Verum quæcumque sit causa, ex qua huiusmodi mos, seu potius abusus origi-

nem traxerit, certum est, quod cum redoleret irreverentiam tam venerabili Sacramento, abrogatus, & vetitus fuit ab Ecclesia per Conciliorum canones, & præcipue 6. Carthag. III. anni 397. 12. Antistiodorensis ann. 578. & 83. Trullani in Oriente; & defunctorum quieti satis consulum est benedictione cæmeteriorum, quæ Pontifex benedicendo munit signo Crucis, ne daemon accedat, purgat lustrali aqua, ut mundentur ab omni spurcitiæ inquinamento, & immundorum spirituum insidiis, ac præcatur in defunctorum depositione, ut donet eis Deus quietis sedem, & ab omni incursione malorum spirituum tutelam.

## S. XXVIII.

## De necessitate communionis Eucharisticae.

Nota 1. communionis vocabulum non semper ab Ecclesiarum Scriptoris eodem sensu, seu significatione usurpari. Nam aliquando tali utuntur nomine ad innuendam ut antea notavimus societatem & consortium fidelium; aliquando ad significandam Sacram Eucharistiae participationem, aliquando denique ad denotandum Sacrificium Missæ, necnon antiphonam quæ cantari solet, dum infra actionem ipsius Missæ communicant. Communio accepta in primo sensu appellari solet communio ecclesiastica, qua interdum privantur qui aliquo graviore crimine obstringuntur, & hi tunc dicuntur excommunicati, & ad hanc communionem reducuntur etiam commemorata apud veteres idem communio *laica*, & communio *peregrina*, quæ imperite accipi consueverunt pro sola eucharistica perceptione, prout laicis, aut advenis distribuitur. Communio *laica*, ut supra iam attigimus erat poena, quæ clerici ob aliquod commissum crimen in ordinem, seu conditionem plebis redigebantur, seu expulsi erant extra ordinem clericalem, & inter laicos reputabantur, nec poterant communicare cum cæteris eiusdem ordinis, a quo expulsi erant, seu depositi. *Peregrina* vero illa dicebatur, quæ concessa erat ecclesiasticis, seu laicis cum litteris commendatitiis, quas *formatas* vocabant, extra propriam ecclesiam peregrinantibus, seu itinerantibus: hi enim communicabant cum cæteris sui ordinis tum in oratione, tum in Eucharistia, sed nullo fungebantur suæ dignitatis munere. Cæterum Sirmondus in hist. publicæ poenitentiae, & Albaspinæus lib. 1. observat. eam vocant communionem peregrinam, quæ clerici ob aliquod facinus positi.

De varia acceptio. nevocat, bulli communis.

fiti erant, ac collocati in hoc loco, ac statu, in quo poni solebant peregrini vagantes per alienas dioeceseos sine litteris formati seu commendatitii. Nazianzenus, Pelusiota, Card. Bona lib. 1. rerum Liturgicarum cap. 3. n. 2. partem pro toto accipientes nomen communionis attribuunt toto, Sacrificium hoc communionem appellantes, cui Sacrificio fiat consecratio, & participatio Domini corporis. Communio tamen de cuius proprietatibus agere hic statuimus, est perceptio corporis Domini in Sacra Eucharistia, cum in Decretis Conciliorum *communio Dominica* appelletur.

Nota secundo, quod inter proprietates Sacrae Eucharistiae ipsius necessitas praeceptum locum tenet: unde examinabimus 1. num Sacrae Eucharistiae perceptio in re, vel in voto sit ad salutem necessaria. 2. Utrum eius perceptio debeat esse frequens. 3. an recipienda sit sub utraque specie.

Nota tertio, necessitatem, sicuti iam alias notatur, in duplicem vulgo distingui a Theologis, nempe in necessitatem medii, & necessitatem praecepti. Illud dicitur necessarium necessitate medii, sine quo ex divina institutione, vel in re seu actu, vel in voto explicito saltem percepto, finis, idest aeterna salus obtineri nequit, & ita in ordine supernaturali necessaria sunt Sacramenta, Baptismi, & Pœnitentiae tum ad vitam spiritualem habendam, tum ad eam per peccatum deperditam reparandam; non secus ac in ordine naturali cibis, & potus ad vitam corporis conservandam, quia eiusmodi media ex sui institutione continent, & conferunt eum gratiae spiritualis effectum, qui per se adeo necessarius est, ut sine eo vita aeterna consequi nequeat. Illud vero est necessarium necessitate praecepti tantum, quod necessarium est solum quia adest praeceptum, cum res praecepta non sit de se necessaria, imo sit aliquando mere indifferens ad finem consequendum, eo quod effectum aliquem gratiae in se non contineat per se, seu ex natura sua necessarium ad salutem, utpote quæ etiam sine illo consequi possit: Sic v. g. abstinencia carnis in die Veneris per se est indifferens, sed per Ecclesiae praeceptum talis abstinencia necessaria sit ad salutem. Præceptum vero aliud divinum est, aliud ecclesiasticum, ac ideo alia sunt necessaria necessitate praecepti divini, alia ecclesiastici, seu humani.

Advertendum tamen, quod ea quæ necessaria sunt necessitate medii, sunt simul necessaria necessitate praecepti; quia cum ra-

tio naturalis disset hinc utendum sine quibus ad finem perveniri nequit, iure naturali tenetur unusquisque adhibere omnia necessaria: unde sicuti qui voluntarie se abstineret a naturali cibo necessario ad mortem vitandam, peccaret mortaliter; ita qui negligeret Baptismi, & Pœnitentiae Sacramenta necessaria ad peccatorum remissionem, ac ideo ad spiritualem salutem consequendam; nam eo ipso quod media sunt omnino necessaria ad huiusmodi fines obtinendos, eorumdem usus præcipi censetur. Non vero sequitur e contra, necessarium necessitate praecepti necessarium esse etiam necessitate medii, cum praeceptum ut sic non obliget, quando observari nequit; ita ut, qui exempli gratia non potest se abstinere a carnibus die Veneris, adhuc poterit salvari, quia hæc abstinencia non obligat nisi solummodo quia est præcepta.

Medium vero aliud est internum, v. g. sanctificans, aliud externum, ut ablutio exterior in Baptismo, & hæc in hoc differunt, quod sine interno, idest gratia sanctificante actu, ac re ipsa accepta, est omnino impossibile quemquam vitam æternam consequi, cum e converso sine medio externo, nempe Sacramento actu & re accepto, possit quis salvari cum eius voto fidei coniuncto, quæ per charitatem operatur. Nam cum medium externum ex Christi institutione ordinatum sit ad conferendam internam sanctificantem gratiam, quæ exterioribus signis solum ex divino consilio est alligata, & possit hæc per contritionem perfectam percipi; hinc aliquando medium illud suppleri potest per votum ipsius, seu desiderium, ut suppletur Baptismus per Martyrium, & perfectam contritionem.

Nota 4. Eucharistiam non secus ac Baptismum, percipi posse vel re ipsa seu in Sacramento, vel in voto tantum seu desiderio, & spiritualiter. Votum vero vel est explicitum, quod supponit præviam rei consideratæ cognitionem, vel implicitum; vel est personale, quod per se elicit persona capax volendi & agendi vel alienum, quod ab alio pro nobis sponse emittitur, in quo sensu secundum S. Aug. infantes dicuntur vere fideles, & pœnitentes, quia per verba suorum patrinorum fidem profitentur, ac diabolo & huic sæculo renunciant.

Nota 5. votum Eucharistiae implicitum sive personale sit, vel aliena voluntate formatum, duplex esse potest, unum proprium quod directe, ac proprie tendit ad Eucharistiam, alterum improprium, ac generale quod

Medium  
aliud in  
ternum  
aliud ex  
ternum

quod tendit ad Eucharistiam sub ratione tantum generalis præcepti a Christo nobis impositi, quo sensu in charitate perfecta semper includitur votum, adimplendi omnia Christi mandata, & hoc votum est necessarium necessitate medii; non enim fieri potest, ut quis salvus fiat, nisi voluntatem habeat adimplendi quæcumque a Christo sunt nobis præcepta.

Nota tandem, quod iste baptizatus censetur aliqua ratione votum habere suscipiendæ Sacrae Eucharistiæ, prout est finis omnium Sacramentorum, ac consummatio, seu perfectio vitæ spiritualis, cum res omnes habeant in intentione, & desiderio suam perfectionem ut finem, ad quem tendunt; & quia rite baptizatus ins habet ut communice corpori & sanguini Domini, non secus ac sponsi per matrimonium ius ad invicem acquirunt in corpus alterius sponsi.

Recentiores Græci volunt, propugnantque, Eucharistiam necessariam esse tantum adultis quam parvulis necessitate medii. Novatores item hoc tenent, simulque docent, omnes veteres Patres, ac præcipue D. Aug. persuasum habuisse talem esse Eucharistiæ necessitatem, ac proinde universalem Ecclesiam sollicitam fuisse usque ad sæculum 12. in administranda infantulis Sacra Eucharistia. Græcorum, ac Novatorum sententiam proscriptit Concilium Trid. sess. 22. cap. 4. cum docet, sine controversia credendum esse, veteres nulla salutis necessitate infantibus Eucharistiam dedisse.

Inter Catholicos vero Maldonatus post Concil. Trid. in suo Commentario in cap. 6. Joan. scribit, opinionem, ac iudicium necessitatis Sacrae Eucharistiæ obtinuisse in Ecclesia per annos 600. Scholastici tandem Magistri diversimode in hoc proposito opinantur, & sentiunt. Alii enim, cum non audeant contradicere definitioni Concilii Trid. volunt, ac sentiunt, Sacram Eucharistiam necessariam esse necessitate medii ad salutem saltem in voto implicito, eo quod illa sit finis omnium Sacramentorum; & quia per Baptismum homo ordinatur ad Eucharistiam. Ita S. Th. 3. part. 2. q. 73. art. 3. & 79. art. 1. ad 1. qui tamen ibi explicatur alia ratione a Sylvio, aliisque Thomistis. Et inter recentiores discipulos S. Doctoris idem tenet Contensonus in *Theologia mentis & cordis* lib. 1. part. 2. dist. 2. cap. 1. Alii admittunt hanc necessitatem saltem in voto, sed non tantam, quanta est in baptismo, utpote qui sit principium vitæ spiritualis, & per se necessarius in re, *Instit. Theol. Moral.* Tom. IV.

& solum per accidens fit, ut eius votum sufficiat: e contra vero, quia Eucharistia est consummatio, & perfectio vitæ spiritualis, per accidens tantum necessaria est in re, per se vero requiritur in voto. Et patroni huius sententiæ creduntur Caietanus, Dominicus Soto, alique nonnulli. Alii denique opinantur, Eucharistiam nec in re, nec in voto necessariam esse necessitate medii, ad salutem, sed præcepti duntaxat tum divini tum ecclesiastici.

Verum facile dirimi possunt hæ controversiæ, si, ut sapienter advertit hic P. Berti, distinguatur duplex Christi manducatio, realis nempe quæ fit sumendo Sacram Eucharistiam, & mystica, quæ fit adoptione in mysticum Christi corpus, idest Ecclesiam: Unde D. Aug. qui præcipuus videtur in statuenda necessitate huius Sacramenti ad salutem lib. 3. de peccat. merit. & remiss. cap. 4. n. 8. ita intelligendus est. Et equidem S. Fulgentius, cui potuit esse manifesta mens S. August. in ep. ad Ferrandum Diaconum ita doctrinam explicat S. Doctoris adductus verbis S. Aug. arbitror, ait, *disputationem nostram præclari Doctoris Aug. sermone firmatam; nec quidquam esse aliquatenus ambigendum, tunc unumquemque fidelium corporis sanguinisque Domini participem fieri, quando in baptismo membrum corporis Christi efficitur, nec alienari ab illo panis calicisque consortio, etiam si antequam panem illud comedat, & calicem bibat, de hoc sacramento in unitate corporis Christi constitutus abscedat.* Verba S. Fulgentii resolvunt manifestissime controversiam omnem & ambiguitatem de sensu S. Aug. Hinc ex verbis S. Fulgentii Cardinalis Bona ait, ex hisce verbis colligi, non bene perspectum fuisse sensum Aug. ab illis, qui perperam eum accusant, docuisse contra Ecclesiæ definitionem, Eucharistiam necessariam esse parvulis ad salutem. Et alii quoque sapienter, inter quos Card. Pallavicinus, vindicant S. Aug. imo & Innocentium I. a tali censura.

Porro ex his quæ dicta sunt de mystica Christi manducatione ostenditur, quo sensu veteres quidam Scholastici docuerint, Christi Eucharistiam unicuique, etiam parvulis necessariam esse ad salutem explicando cum S. Aug. & Innocent. I. ea Christi Domini verba: *Nisi manducaveritis &c.* de sumptione spirituali, intelligentes rem hoc Sacramento significatam, idest unitatem, ac conjunctionem cum corpore Ecclesiæ, non vero actualem Sacramenti sumptionem, sicuti docuit etiam S. Th. quest. 73. art. 3. ubi ait:

Duplex  
Christi  
sumptio  
in S. Eu-  
charistia,  
realis, &  
mystica.

In neces-  
sitate S.  
Eucharis-  
tie in in-  
tentione  
ratione  
m.

Varie  
sententiæ  
de  
m. cir.  
S. Eu-  
charistia  
cessita  
a.

ait: *rem huius Sacramenti esse unitatem corporis mystici, sine qua non potest esse salus.* Unde ex his vindicatur etiam S. Doctor ab omni suspitione, si etiam legatur 9. articulus quæst. 80. in qua definit, ac statuit, Eucharistiam non dandam esse parvulis & amentibus. Quare ex his omnibus explicata remanent quoad omnem eorum sensum prælaudata verba Christi Domini Ioan. 6. *Nisi manducaveritis carnem Filii hominis, & biberitis eius sanguinem, non habebitis vitam in vobis, & soluta omnis obiectio quæ ex his & S. Aug. & Innoc. I. fieri posses.* Sit igitur,

Eucharistie Sacramentum non est necessarium necessitate medii sive parvulis, sive adultis neque in re, neque in voto, saltem proprio ad salutem: & hoc aperissime comprobant Scripturæ, & Patrum testimonia. Hoc confirmat universalis ac perpetuus sensus Ecclesie, quæ semper hanc fidem retinuit, ac docuit, nempe infantes statim post baptismum regeneratos, si ex hac vita decedant, frui æterna beatitudine, cum semper pro certo habuerit per baptismum deleri originale peccatum, & in adultis cum fide, spe, & charitate illum recipientibus omnia etiam actualia ab ipsis commissa, concessi gratiam sanctificantem, & ius acquiri ad celestem hereditatem; & hanc fidem percepit Ecclesia ex illis verbis Domini Ioann. 3. *Nisi quis renatus fuerit ex aqua, & Spiritu sancto, non potest intrare in regnum Dei,* & ab Apostolo ad Galatas 3. *Quicumque in Christo baptizati estis, Christum induistis;* ita ut cum infantes sint in Christo, nihil in se habent per quod excludi possint a regno cælorum, idest æterna vita, hoc comprobante ipso Apost. Rom. 8. ubi ait: *Nihil damnationis est iis, qui sunt in Christo Iesu,* & ep. ad Titum 3. ubi habetur: *Salvos nos fecit per lavacrum regenerationis,* Hinc factum fuit quod ex hac fide, quam semper habuit Ecclesia quod Baptismus esset simpliciter necessarius ad salutem, non vero Sacra Eucharistia, concessit etiam laicis, ut urgente necessitate baptismum conferrent, minime vero Eucharistiam. Et hanc fidem ac constantem Ecclesie traditionem Patres omnes tum Græci tum Latini, qui a primo tempore ad subsequens floruerunt, concorditer docuerunt, imo dum ablatus fuit communio parvulis, nullus Patrum in suis scriptis conquestus est, illis remedium salutis denegari. Et id etiam patet ex ipsa huius Sacramenti institutione, & natura: nam institutum est tanquam qui-

dam cibis spiritualis: unde sicut cibis corporalis non est necessarius ad vitam corporis inchoandam, cum hoc fiat per generationem, sed solummodo conservandam, ac proinde vitam præsupponat; sic Eucharistia Sacramentum se habet ad animæ vitam; imo ad differentiam cibi corporalis, qui per aliud suppleri nequit, potest hic spiritualis cibis per alia spiritualia remedia suppleri, & per hæc, veluti per quoddam alios cibos spirituales potest homo in vita spirituali augeri, ac conservari, licet inter ea omnia locum obtineat excellentissimum hoc Sacramentum. Estius hic. Dixit quidem Dominus, ut opponunt hæretici: *Nisi manducaveritis carnem Filii hominis &c. non habebitis vitam in vobis:* sed hoc probat tantum necessitatem præcepti, quo obstringuntur adulti, & respectu parvulorum, aliorumque quibus ex aliquo eventu impediretur realis communicatio, indicare voluit necessitatem omnibus saltem communionis mysticæ de qua antea, in quo sensu indistincte ac indifferenter omnes nominat.

Et revera si manducatio corporis Christi accipitur in mystico sensu, nempe prout significat unionem cum Ecclesia, hæc professio omnino necessaria est aut in re, aut in voto de necessitate salutis, quia extra Ecclesiam cæterum salus ullatenus haberi nequit. Hoc innuere volebat S. Aug. contra Pelagianos, parvulos excludendo a regno cælorum, *nisi manducaverint carnem filii hominis,* idest si ex hac vita decederint priusquam per baptismum corpori Ecclesie copularentur, ita S. Doct. cit. loco de peccatis meritis. &c. lib. 2. contra duas epist. Pelag. cap. 4. & alibi, & Innocentius I. ad Patres Concilii Milevitani. Non enim intelligi possunt S. Augustinus, Innocentius, nec alii, qui tali modo locuti sunt, de manducatione sacramentali Corporis Christi, sicuti iam paulo ante notavimus, sed de manducatione mystica, & spirituali, seu de coniunctione tanquam membro cum mystico corpore Ecclesie. Et in hoc sensu locutus est etiam Doct. Ang. 3. pars. quæst. 73. art. 3. ubi ait: *Dictum est autem, quod res huius Sacramenti est unitas corporis mystici, sine qua non potest esse salus. Nulli enim patet aditus salutis extra Ecclesiam, sicut nec in diluvio absque arca Noe, quæ significat Ecclesiam,* ut habetur 1. Petri. Manducatio igitur mystica, & spiritualis corporis Christi, idest incorporatio in Ecclesiam, quæ Ecclesia est mysticum Christi corpus, cuius ipse est caput, est necessaria necessitate medii in re, vel

in voto, non sumptio realis corporis Christi in Eucharistia, sive in re, sive in voto necessaria est necessitate medii ad æternam salutem consequendam. Ita Estius, P. Berri, cum aliis.

## §. XXIX.

*De obligatione sumendi Sacram Eucharistiam ex necessitate præcepti divini & ecclesiastici.*

Tamen Eucharistiae Sacramentum non necessarium sit necessitate Sacramenti nec in re, nec in voto ad æternam salutem; certum tamen est, Christum ita illud instituisse, ut eius sumptionem præceperet: Hisce enim verbis: *Hoc facite in meam commemorationem*, præcepit non solum Apostolis, eorumque successoribus Sacerdotibus Eucharistiae consecrationem, aut oblationem, seu dispensationem, sed etiam fidelibus omnibus usum eius, seu sumptionem præceptam voluit; ita ut iisdem verbis: *Hoc facite &c.* idem fuit ac dicere, consecrate, comedite, & distribuite; ideoque divinum præceptum est, ut Sacerdotes percipiant communionem Sacramentalem, eandemque laicis distribuunt. Præterea dixit iisdem Apostolis nomine omnium Fidelium: *Nisi manducaveritis &c.* Quæ verba explicantur a Patribus non solum de communionem mystica cuicumque necessaria, sed etiam de communionem reali, seu sacramentali præscripta, ac præcepta iis, quibus necessarium est spirituale alimentum, ut in Christo permanent; & huius rei documentum habetur etiam ex Apost. qui 1. Corinth. 11. sumptionem quoque in illis verbis includi ostendit, dum ea explicans ita subiicit, *Quotiescumque enim manducabitis panem hunc, & calicem Domini bibetis, mortem Domini annuntiabitis, donec veniat.* Ita in his postremis Estius. Et eundem si Christus præcepit Apostolis, ut sicuti ipse illam eis distribuere, ipsi quoque fidelibus distribuerent, præcepit simul, ut fideles eam reciperent; distributio enim ex parte ministrorum, ait Iuveninus, & receptio ex parte fidelium sunt relativa. Tandem cum Sacramentum hoc instituerit Christus Dominus ad vitæ spiritualis conservationem, fideles omnes iure divino illud suscipere tenentur, cum fideles omnes teneantur iure divino studere vitæ spiritualis conservationi.

Christi: tce. im de

Muic: præcepto non tenentur parvuli, utpote qui capaces non sint præcepti, sed soli adulti utrinque sexus, quando ad annos

discretionis pervenerint, sive baptizati sint, vel non, cum præceptum, *nisi manducaveritis*, sit universalissimum, & tam late patens, idest se extendens æque ac præceptum baptismi, *nisi quis renatus fuerit*. Dixi *sive baptizati, sive non*, quia non baptizati possunt, & tenentur baptizari, ut exinde capaces reddantur suscipiendi sacram Eucharistiam, & sic præceptum de eius sumptione adimplendi, & peccant graviter, si utrumque neglexerint, quia præter divinum præceptum est etiam debitum cuique de iure naturæ curare remedia, ut iam diximus, quæ necessario pertinent ad æternam nostram salutem, cum recta ratio cuicumque hoc indiget, & præscribat. Idcirco non secus ac fidelis, qui defectu dispositionis arcetur tempore Paschatis ab Eucharistica communione, peccavit contra præceptum de annua communione in Paschate, si cum advertentia se disponere neglexerit; ita qui advertenter non curat baptismum, peccat, & contra primum præceptum de suscipiendo baptismo, & contra aliud suscipiendi sacram Eucharistiam, quia neglexit se per baptismum ad ipsam disponere.

Tunc vero quis censetur ad annos discretionis pervenisse quantum spectat ad communionem, quando non solum sufficientem rationis habet usum, ut in venialia peccata labatur, sicuti quamplurimi putant cum Abulense disp: 26. inter selectas; sed insuper idoneus sit ad corpus Christi iudicandum, excellentiamque divini mysterii percipiendam, ac iuxta Apostoli monitum seipsum probare, si sit dispositus, saltem ad non indignè suscipiendum tam venerabile Sacramentum; quod cum de pueris non præsumatur in primo rationis crepusculo, censuerant communiter Theologi expectandam esse ætatem saltem inter annum 10. & 12. Usus enim rationis principio non est ad res singulas eiusdem vigoris, & aliud est exercere in rebus humanis potestatem arbitrii, aliud idoneum esse ac comparatum ad res divinas. Hanc insuper grandiusculam ætatem decem annorum requirunt Theologi cum D. Th. in 4. dist. 9. quæst. 1. & præferunt Acta Mediolanensis Ecclesiæ S. Caroli part. 4. instruct. de Sacram. quia talis est Ecclesiæ praxis, quæ licet audiat confessiones puerorum minoris ætatis iam distæ, eis tamen non concedit huius divini mysterii participationem.

S. Eucha.  
ristia  
commu-  
nionem  
re.  
spicit so-  
los adul-  
tos.

Quis cen-  
satur ad  
annos di-  
cretionis  
pervenisse  
ut sit a-  
ptus &  
obnoxius  
Eucharis-  
ticæ commu-  
nionis.

## §. XXX.

*De tempore quo obligat divinum præceptum  
communione Eucharistica.*

Divinum  
hoc præ-  
ceptum  
obligat in  
mortalis  
periculo.

Revera in divinis Scripturis non assignatur certum determinatum tempus pro divino implendo præcepto sacrae Eucharistiae percipiendae. Constat tamen ex universalis Ecclesiae traditione, quæ utpote semper ubique observata, ostenditur manasse ab Apostolis a Christo edoctis, obligare hoc divinum præceptum in probabili mortis periculo, puta in gravi morbo, instante conflictu, difficili partu, periculosa navigatione, incisione; consuetudo enim, & praxis in tota servatur Ecclesia, ministrandi sacram Eucharistiam versantibus in gravi mortis periculo, cum maxime tunc necessarium sit immo nunquam tam necessarium sit huiusce Sacramenti subsidium, & munimen ad conservandam, roborandam, ac defendendam spirituales vitam contra dæmonum tentationes, ac infirmitatis nostræ difficultates, quam in mortis periculo, in quo solent esse graviores, & ex qua pendet ultimo æternitas, & imminet ultimum periculosum certamen cum infernali hoste pro decisione perpetuæ sortis. Hinc semper sollicita fuit Ecclesia, ac enixe curavit, ut hoc Sacramentum infirmis ministraretur, & semper solcite ministravit, ac ad hunc finem hoc perpetuo consuevit servare in Templis, ut supra iam notatum est, & constat ex Concilio primo Nicæno can. 13. ut ex Dionysio Alexandrino, apud Eusebium Historiarum cap. 24. ex Carthag. IV. can. 77. & Arelat. II. can. 12. ex Agathen. cap. 15. ex Tolet. XI. cap. 11. Unde qui prævideret sibi non vacare opportunitatem sumendæ Eucharistiae ob probabile mortis periculum, teneretur tale periculum prævenire eam sumendo. Porro si quis paulo antequam in morbum incideret, communicasset, licet velint aliqui hunc non teneri iterum in morbo communicare, probabilius tamen alii affirmant teneri, cum præcepto non satisfaciat per opus non præceptum, sicuti fieret in eo, qui Sabbato Dominicam Palmarum præcedente accessisset ad sacram Synaxim; nam adhuc deberet iterum accedere intra quindenam Paschatis pro adimplendo præcepto communicandi Paschali tempore. Non teneretur vero si communicasset eodem die, quo correptus est morbo statim moriturus; non enim videtur tunc wgere talis obligatio, eo vel maxime quod sit contra Ecclesiae praxim his

in die sacram Eucharistiam accipere, nisi in casibus exceptis, inter quos hic non recensetur; eademque militat regula de infirmo, qui post acceptum viaticum incideret in aliquod grave peccatum, ne alias detur occasio, ut de illo male suspicaretur. Si autem supravixerit infirmus aliquot dies, saltem decem post acceptum Viaticum, perseverante eodem mortis periculo, potest, imo expedit Viaticum iterum ad illum deferri, cum liceat sæpius in eodem lethali morbo sacram Communionem ministrare etiam non ieiunis.

Ad satisfaciendum huic præcepto requiritur, quando sit possibilis, realis, & actualis perceptio sacrae Eucharistiae. Si autem ob aliquem supervenientem gravem eventum fieret impossibile sive physice, sive moraliter percipere actu realiter, seu sacramentaliter sacram Eucharistiam, in tali casu sufficeret, si suscipiatur in voto, seu spiritualiter.

Obligat insuper hoc divinum præceptum, & est communis, ut etiam extra mortis periculum, idest ut in vita quoque pluries sumant adulti hoc Sacramentum: nam ex sua institutione iuxta Trid. Synodi doctrinam, datum est a Christo Domino suis fidelibus per modum cibi spiritualis, quo eorum animæ nutriantur, & confortentur, & ut iuxta stylum cibi corporalis eum identidem sumant, & sub hac ratione cibi eius perceptio necessaria est ex præcepto: Igitur non raro ex præcepto sumenda est. Christus tamen pro Eucharistia percipiendâ præcise tempus non præscripsit, sed reliquit iudicio Ecclesiae, ut eius frequentiam determinaret, quando fidelium necessitas id exigere.

Obligat  
etiam  
pietatis  
vita.

## §. XXXI.

*De præcepto ecclesiastico sumendi sacram  
Eucharistiam.*

Primis temporibus, quando adhuc fervescere religione, ac pietate sponte sua, satis frequenter accedebant fideles ad sacrae Mentis participationem, non densavit Ecclesia eos lege aliqua compellere, qua certum aliquod tempus eis præscriberetur sacrae Eucharistiae percipiendae. Verum quando coepit tepescere ardor fidelium, seu devotio, statuit ut saltem ter quotannis fideles communicarent, iis nimirum diebus, quibus solemniter recoluntur præcipua Christianæ Religionis mysteria, idest Festis Paschæ, Pentecostes, Nativitatis Domini. Ita enim

Primum  
Ecclesiæ  
præcep-  
tum de  
Communi-  
catione  
statu-  
atur in a-

statu-

Statutum est a Fabiano Papa, ut habetur apud Gratianum *de consecr. dist. 3. cap. etsi non frequentius*, & a Concil. Agathensi can. 81. Verum magis etiam frigescente pietate decretum fuit, ut adulti omnes utriusque sexus, semel saltem in anno, videlicet Dominicæ Passionis & Resurrectionis tempore Eucharistiam in memoriam eius passionis sumerent, addita hac pœna, ut qui huic præcepto non obtemperaverit, & vivens ab ingressu Ecclesiæ arceatur, & moriens christiana careat sepultura. Præceptum hoc editum fuit in Concil. magno Later. sub Innoc. III. a Constitutione quæ incipit: *Omnis utriusque sexus*, relata in Decret. de panis. *ut remiss. cap. 12.* & innovatum fuit, ac confirmatum in Concil. Trid. sess. 13. can. 9. Nonnullæ tamen Ecclesiæ etiam post Lateranense Decretum priorem usum de communione ter in anno a fidelibus percipiendi retinere, ut videre est in Concil. Tolosano anno 1229. cap. 13. & Abbiensi anno 1254. cap. 59.

Pueri vero tenentur primo communionem sumere, quando sufficientem usum habent rationis ad discernendum panem Eucharisticum, idest corpus Christi ab alio pane, ac idonei sunt ad illum satis devote ac reverenter sumendum, quod in aliis citius, nempe circa 11. vel 12. in aliis serius, idest circa 14. contingit; tametsi consueant prius obligari ad confessionem, eo quod plus discretionis, devotionis, & reverentiæ requiratur ad communionem. Ita enim Ecclesia interpretatur præcepta confessionis, & communionis pro subiecta materia, & dignitas singularis sacræ Eucharistiæ exigit pro reverentia, quæ ei debetur, ætatem maturioris iudicii. Quare ob talem rationem ætas, qua urget obligatio, est intra annum 10. 12. & 14. nec ultra differtur, nisi in semisatis, ulius requisitus rationis.

Idcirco qui curam habent & debitum pro puerorum educatione, solliciti esse debent, ut ante annum 14. reddantur sufficientes ad implendum divinum præceptum, & ecclesiasticum communicandi in Paschate; unde mortaliter peccant parentes, & sacri Pastores, ait Habertus, aliique communiter, nisi curent ut crescente rationis lumine crescat reverentia, & devotio erga tantum Sacramentum, ut tempore a consuetudine statuto parati sint ad divinum ecclesiasticumque præceptum implendum. In periculo tamen mortis puero capaci confessionis, & sufficienter instructo dandum est sacræ Eucharistiæ viaticum, quia in periculi neces-

*Instit. Theol. Moral. Tom. IV.*

sitate versatur, in quo expectare non debet tempus commodius ad sumendam sacram Eucharistiam cum ferventiori devotione, ut divinum adimpleat præceptum, & aliunde reverenter sumere potest, & per confessionem se sufficienter probare, ne indigne sumat.

Per tempus Paschatis ex usu Ecclesiæ, & Bulla fide digna edita ab Eugenio IV. intelligitur tota quindena a Dominica Palmarum ad Dominicam in Albis inclusive. In variis tamen locis, sive ex consuetudine, sive ex privilegio, sive ex necessitate ultra hoc tempus plus etiam conceditur.

Communio Paschalis fieri debet in propria Parochia, & sumi de manu proprii Sacerdotis, aut eius delegati. Et hoc constat ex Ritualibus, & ex variis Synodis, atque ex inveterata Ecclesiæ consuetudine, quæ vim habet legis, & ita interpretata est canonem Concilii Later. Excipiuntur tamen Sacerdotes sæculares, qui satisfaciunt præcepto communionis Paschalis celebrando in Ecclesia cui additi sunt per suas functiones, cum ex recepta consuetudine solus laicali more communicans obligetur Eucharistiam sumere de manu sui Sacerdotis, & in propria Parochia. Qui vero habet duo domicilia, quod neque canonicis, neque civilibus repugnat, communicare debet in ea Parochia, in qua communicaturus tempore Paschatis habitat. Item qui tempore Paschatis degunt in aliena Parochia non ita cito in propriam reverfuri, implere possunt præceptum communicandi, si communicent in ea Parochia; ubi reperiuntur. Ita declaravit Eugenius IV. ut testantur Caietanus, Sotus, Navarrus, Azorius.

Peregrini forentes, & quicumque alii a proprio domicilio absentes, qui non commode propriam Parochiam adire possint, (idemque dicito de vagabundis) ut docent Salmanticenses cum cit. Caiet. Soto, &c. tacita suorum Parochorum licentia possunt a quocumque Sacerdote, etiam Regulari, facultatem ministrandi sacram Eucharistiam habente, communionem Paschalem recipere, & præcepto satisfacere, quia secundum Sanchez non sunt obligati accedere ad Ecclesiam matricem illius oppidi, vel ad eam Parochiam, in qua transieunt commorantur; quia non sunt proprie illius Parochiæ ex obligatione, esto esse possint ex voluntate. Aliter tamen sentit P. Antoine, qui vult, vagabundos tanerî communicare in ea Parochia, in qua eo tempore versantur: Nam ibi sunt veluti subditi, & non habent

Quale tempus intelligatur pro Paschali ad implendum præceptum communionis. Communio Paschalis facienda in propria Parochia.

Quid dicendum de Peregrinis.



certum Pastorem suum & Parochum, ac tempore quo ibi morantur, censentur se habere ibi domicilium eo modo quo sunt capaces: & idem censet ut verius de peregrinis, quia reputantur tanquam incolæ illius loci, & Parochus loci illius est proprius eorum Parochus, nisi tamen interveniat licentia proprii Parochi saltem tacita, quæ ex consuetudine innoscit. Sententia P. Antoine verior mihi videtur ex hoc præcipue, quod sive vagabundus, sive peregrinus, si ad mortem in eo loco pervenerint, certe non possent recipere Sacramenta nisi a Parcho illius loci tanquam illi subditi: Quare non ergo etiam communionem Paschalem?

Qui cum licentia Parochi certo præsumpta, ac moraliter certa in Ecclesia Regularium die Paschatis communicat, sciens certo moraliter quod Parochus id velit, satisfacit præcepto, quia habens talem certitudinem moralem de Parochi voluntate, de eius licentia id facere censetur. Ita Salmanticenses. Sine Parochi autem licentia declaratum est a sacra Congregat. Cardinal. sæculares non satisfacere præcepto ecclesiastico per communionem factam in Ecclesia Regularium. Satisfaciunt tamen laici Religiosorum, eorumque familiares in Monasteriis, aliisque locis a cura Parochorum exemptis degentes, si hisce in locis ubi degunt communionem suscipiant, tum quia exempti videntur a Parochia, tum quia sicut ibi sepeliri possunt inconsulto Parcho, ita ibi videntur suscipere posse Sacramenta. Sic Salmanticenses cum Sanchez, Bonacina, aliisque.

Licet vero nomine proprii Pastoris non solum intelligatur quilibet Parochus in sua Parochia, sed etiam Summus Pontifex in toto orbe, Episcopus in sua Diœcesi; ac proinde non minus quam sua Ecclesia Parochialis, Patriarchalis quoque Lateranensis, Metropolitana seu Cathedralis sit cuique fidei Ecclesia mater, nihilominus tamen non satisfaceret Ecclesiastico præcepto de annua communione in propria Parochia, & a proprio Sacerdote sumenda, qui tempore Paschatis Eucharistiam sumeret vel Romæ in sacros: Lateranensi, matre & capite omnium orbis Ecclesiarum, vel in Cathedrali suæ Diœcesis, matre pariter & capite Ecclesiarum suæ Diœcesis, nisi hoc fecisset de licentia proprii particularis Pastoris, seu Parochi, vel Episcopi iuxta cap. *Omnis utriusque sexus*: Nam usus receptus videtur, quod ut præceptum impleatur,

communio fiat in propria Parochia. Et ita docet, ac confirmat sapientissimus, vigilantissimisque Ecclesiæ universalis Pastor, ac Magister gloriosæ recordationis Benedictus Papa XIV. in Notificat. 18. 1. vol. suorum operum: Ita enim, idest in hac Ecclesia communicando agnoscitur proximus & immediatus Pastor, & hoc mediante dignoscere vult Ecclesia filios præceptum hoc adimplentes, & censuris obstinatos multare, quod difficilime fieri posset, si cuicumque liceret ad Cathedralem confluere. Sic Salmanticenses, & P. Berti.

Confessarius ex iusta causa differre potest ultra quindenam Paschalem communionem penitenti, ut constat ex Concil. Later. cit. can. *omnis utriusque sexus*, imo tenetur, quando indicet differendam esse absolutionem: quia cum communicatio pendeat ab absolutione qui potest hanc protrahere, & illam similiter potest.

Qui ante quindenam communicavit in sua Parochia tenetur iterum sub mortali ibi communicare intra quindenam, quia cum temporis circumstantia determinetur in præcepto, præceptum impleri nequit nisi in circumstantia statuti temporis, non secus ac qui die Sabbati Missam audit, non idcirco eximitur a debito audiendi sacrum die Dominico, quando præcise currit præceptum de audiendo sacro ipso die dominico. Hinc Rituale Rom. præscribit Parochis, ut etiam infirmis licet paulo ante sua devotione communicaverint, deferant intra quindenam Paschatis sacram Eucharistiam pro præcepti satisfactione. Ita P. Antoine cum aliis contra Tourneleum, qui supponit implevisse iam præceptum & quoad substantiam, & quoad locum qui ante tempus paschale communicavit in sua Parochia; sed verior est prior sententia cum non satisfecisse, quia præceptum exigit etiam circumstantiam temporis Paschalis. Item qui in Paschate non communicavit in propria Parochia, tamen in alia Ecclesia communionem receperit, ut præceptum adimpleat tenetur prima data occasione in sua Parochia communicare, quia Ecclesia non solum præcipit communionem annuam saltem in Paschate, sed etiam ut communicatio fiat in propria Parochia, sicuti antea iam notatum fuit ex can. Concilii Later. qui etiam quoad hanc circumstantiam ita communiter intelligitur, & in hoc sensu receptus est ab inveterata consuetudine, quæ est optima legum interpret. Item qui intra quindenam Paschalem non satisfacit, liber non remanet pro eo anno a debito sacra Eucharistia.

Quid no.  
minc pro  
prii Sa.  
cerdotis.  
a quo ac  
cipienda  
est com-  
munionem  
in  
Paschate.

ritia suscipiendæ, sed adhuc tenetur intra eundem annum communicare: nam in hac lege sunt duo virtualiter præcepta, alterum communicandi semel in anno, alterum communicandi in Paschate; ideoque non censenda est hæc lex eadem ac ea, qua præcipitur ieiunium, auditio Missæ, &c. tali dato die, quæ cum præcipiantur in honorem talis diei venerabilis per celebrationem alicuius divini misterii, vel commemorationem alicuius Sancti, non excedunt terminum illius diei, sed cum ipso die expirant, cum finis & ratio præcepti cessaverit; terminus enim Paschatis non præcise assignatur, ut in illo solo die; idest in illa sola quindena obliget, sed ut ultra illum diem non differatur communicatio. Cum autem terminus non assignetur ad finiendam obligationem, sed ne ultra illum debeat differri opus præscriptum, qui tunc illud omittit, obstrictus remanet ad satisfaciendum quamprimum potest, quia terminus ille non alias ad finiendam obligationem, sed ne ultra differatur, assignatus est. Idem dicitur de annua Paschali communione, quæ primario ut annua præcipitur ad implendum divinum præceptum sæpe in vita communicandi. Unde licet posterior obligatio, idest communicandi in Paschate, transactis quindecim diebus Paschæ, præterierit, cum post talem terminum impossibile sit observare hanc temporis circumstantiam; prior tamen, quæ principaliter intenditur ab Ecclesia, in suo præcepto perseverat per totum intervallum temporis quod remanet ad complendum integrum annum, & sic toto hoc tempore potest, & debet impleri. Hoc satis superque indicant verba Concilii Lateranensis *saltem in Paschate*; nam ita impellente fidelium desidia statuere debuit Concilium certum tale tempus implendi divinum præceptum communicandi pluries in vita, & obligare ad communionem post Pascha, qui ante tale tempus quod constituit quindecim diem, omisisset. Igitur cum præceptum Ecclesiæ adhuc observari possit quoad id quod est magis principale, obligatio toto perdurat anno donec impleatur. P. Antoine, Tournely & alii.

Num vero hæc obligatio sit continua communicandi statim quamprimum moraliter fieri potest post Pascha, vel solummodo communicandi ante finem anni, non sunt super hoc eiusdem sententiæ Doctores. Nam secundum Suarezium, Azorium, Reginaldum, aliove est obligatio continua commu-

nicandi post Pascha, ita ut nova semper committatur culpa, quoties data opportunitate non impleatur. Nam tempus Paschæ non est solum tempus determinatum propter solemnitatem, & maiorem huiusce temporis congruentiam, sed etiam ut iam diximus, ne diutius communicatio prorogetur. Quare præceptum hoc est affirmativum ex una parte quatenus præcipit communionem, & simul implicite negativum, in quantum vetat eius dilationem ultra circumstantiam Paschalis solemnitatis. Et ipsius Ecclesiæ praxis hoc comprobatur, quæ minis & censuris cogit, ut qui Synaxim hoc statuto tempore neglexit, quamprimum communicet: ac ideo concludunt, quod qui toto anno non communicavit, tenetur explicare in confessione quoties per annum dum moraliter poterat omisit satisfacere præcepto per communionem. Alii tamen, & præcipue de Lugo, docent, remanere obligationem communicandi ei, qui in Paschate neglexit, non quidem statim post Pascha, sed solummodo ante finem anni, quia cum præceptum, inquit ipse, communicandi in Paschate non possit amplius observari, nec proinde plus obliget, manet solum obligatio alterius præcepti communicandi semel in anno, & hoc non obligat communicare hoc mense potius quam alio, sed ad communicandum semel hoc anno. De censura vero dicit hanc solum intelligi propter transgressionem præteritam præcepti, quod obligabat sub censura a Prælato infligenda.

Si quis autem prævideat sibi obventurum impedimentum per quod nequeat communicare in Paschate, nec in toto anno, tenetur prævenire, quia præceptum communicandi, ut alias dictum est, non est sicut præceptum ieiunii, sacri audiendi, divini officii recitandi, cuius executio ita est tali diei affixa, ut non possit anticipari: In lege enim communicandi, ut iam dictum est supra, includuntur duo præcepta, alterum communicandi semel saltem in anno, alterum communicandi in Paschate, & præveniendū communionem adimpletur præceptum communicandi semel saltem in anno: Unde dicendum, ex hac parte eum teneri communionem prævenire, non vero ex parte alterius præcepti communicandi in Paschate, quia per illam anticipatam communionem non videtur satisfacere posse huic præcepto; alias etiam si impedimentum non obveniret, solutus esset ab obligatione communicandi tempore Paschatis, quod dici nequit: Nam qui tempus prævenis, quia se in

Paschate, & postea etiam toto illo anno im-  
pediturum suspicatur, impedimento non ad-  
veniente tenetur denuo communicare, dum  
iam potest, in Paschate, quia per illam  
communione huic obligationi non satisfacit,  
& eidem iam satisfacere potest. Sic Sal-  
maticenses, & P. Antoine cum aliis. Quoad  
secundum vero præceptum, teneretur pariter  
prævenire, qui incepto iam tempore  
Paschali prævidet, puta quod post feriam  
tertiam, vel quartam maioris Hebdomadæ,  
& toto reliquo Paschali tempore impediatur  
ab accedendo ad sacram Communionem,  
non secus ac tenetur prævenire Missam au-  
diendo summo mane diei festi, qui prævidet  
se postea non posse eam audire.

Præcepto  
de annua  
commu-  
nionem sa-  
tisfieri  
nequit  
per com-  
munio-  
nem in-  
dignam.

Præcepto huic de communione nequit sa-  
tisfieri per communionem indignam seu sa-  
cristilegam contra quosdam Casuistas, qui du-  
cti hac ratione quod finis & modus præce-  
pti non cadat sub præcepto contrarium senti-  
unt; hanc enim doctrinam damnavit Innoc.  
XI. anno 1679. dum hanc propositionem quæ  
numero est 55. uti scandalosam proscripsit:  
*Præcepto communionis annuæ satisficit per sa-  
cristilegam Domini manducationem.* Laborabat  
siquidem hæc doctrina in falso supposito,  
videlicet modum ac finem huius præcepti  
non cadere sub hoc præcepto de commu-  
nionem sumenda tempore Paschatis, quod fal-  
sum est, cum revera Ecclesia modum quo-  
que iusserit in hoc suo præcepto excluden-  
te communionem sacrilegam: Nam 1. Ec-  
clesia præcipiendo Paschalem communionem,  
præcepit solum sacramentalem communio-  
nem, quam Christus Dominus præceperat,  
ac eo modo, quo ipse illam præceperat, ad-  
dendo duntaxat explicationem, & determi-  
nationem temporis, quo ab omnibus serva-  
retur. Unde cum Christus Dominus com-  
munionem, simulque modum ipsius, idest  
sanctam, & piam iusserit, per quam ipse  
maneret in suscipiente, & suscipiens in  
ipso per gratiam quam digne suscipientes per-  
cipiunt in hoc Sacramento; Ecclesia quoque  
in suo præcepto modum inclusit: Christus e-  
nim Dominus Ioan. 6. postquam communio-  
nem præcepit per ea verba: *Nisi manduca-  
veritis* &c. explicat modum quoque, quo  
observandum sit eius præceptum per ea quæ  
addidit: *Qui manducat meam carnem, & bi-  
bit meum sanguinem, in me manet, & ego  
in eo;* unde manducare carnem Christi, ait  
S. August. est in illo manere; idcirco monet  
Apostolus 1. Corinth. 11. ut accedens pro-  
bet, idest examinet seipsum, si dispositus  
sit ad hoc Sacramentum digne sumendum:

*Probet autem seipsum homo.* Insuper Eccle-  
sia in suo præcepto modum etiam expressit,  
ac proinde modus ad substantiam pertinet  
præcepti: Ecclesia enim expressit in suo præ-  
cepto modum excludentem communionem  
sacrilegam, ut patet in cap. *Omnis*, in quo  
præscribit, ut omnis adultus corpus Domini  
semel saltem in anno in Paschate reveren-  
ter, ac devote suscipiat, idcirco non sacri-  
lege; igitur devotio & reverentia ad sub-  
stantiam pertinet huius præcepti.

Nec valet dicere, Ecclesiam non posse  
præcipere actus internos, quia hoc intelli-  
gitur solummodo directe, & quando actus sunt  
pure interni; potest vero dum actus coniun-  
cti sunt cum externo, & indirecte; sic præ-  
cipiendo orationem vocalem, auditionem  
Missæ, præcipit simul ut necessariam in  
utroque attentionem sine voluntaria dis-  
tractione, & devotionem. Præcipiendo igitur  
communione in Paschate, ut divino  
præcepto satisfaciunt fideles, præcipit com-  
munionem dignam, & substantiam facit præ-  
cepti non solum ipsam communionem, sed  
modum etiam ipsius, ac proinde cadit ut-  
rumque sub præcepto, ut apertissime patet  
ex cit. verbis Later. Concilii, nempe *revere-  
nter, ad minus in Pascha* &c. Præcipit e-  
nim Ecclesia eam communionem, quæ ad  
finem sibi propositum possit conferre; vide-  
licet ad obtinendam gratiam, vitamque æ-  
ternam, ac ideo proscripsit allatam proposi-  
tionem 55. quæ contrarium de communione  
docebat, idest etiam sacrilegam satisfacere  
posse suo præcepto. Quæ quidem censura  
tollit prorsus de medio omnem prorsus du-  
bitationem, & controversiam. Sic Iuveni-  
nus, Habertus & nunc omnes alii commu-  
niter.

Nota, non licere plusquam semel in die  
sacram Eucharistiam sumere, ut patet ex u-  
niversali consensu ac consuetudine optima  
legum interprete, & vim legis habente, & ex  
cap. 3. *de celebrat. Missar.* & cap. *sufficit de  
consecrat.* dist. 1. Licet enim canones loquan-  
tur de solis Sacerdotibus, communiter ta-  
men, & potiori iure extenduntur ad laica-  
lem communionem, & merito: nam facilius  
Sacerdoti ob utilitatem totius Ecclesiæ per-  
mitti potest bis celebrare in die. Prohibetur  
vero multiplex in die sumptio sacre Eucha-  
ristiæ ob reverentiam tanto Sacramento de-  
bitam, & ut aptius representetur unica  
mors Christi quæ semel tantum contigit, &  
cuius commemorativum est sacra Commu-  
nio: *Christus*, ait Apostolus, *mortuus est se-  
mel pro peccatis nostris.* Quare si alicui con-  
tin-

tingat die quo communicat in lethalem morbum incidere, qui eius mortem eodem die minuetur, non ei licet eodem die iterum communicare, cum illicitum sit extra Missam bis in die communicare, nisi quando ob reverentiam Eucharistiæ necesse sit ut ab aliquo consumetur, & hoc communiter, vel fere communiter docent Theologi, ut observavit de Lugo. Hic enim satisfecit præcepto divino communicandi tempore mortis, cum communicaverit tempore morti proximo, ac ideo censetur moraliter communicasse morte imminente, quamvis hoc ille ignoraverit. Sic P. Antoine.

## §. XXXII.

*De frequentia sacra Eucharistiæ communionis.*

Nota, quod usus ac frequentia Eucharistiæ duobus modis considerari potest, in se, idest in sua excellentia, & utilitate; & ex parte fumentis, nempe ipsius dispositionis ad tam insigne & venerabile donum, quo nihil maius optari, & accipi potest. Si Eucharistia in se, & absolute spectetur, communicatio debet esse quam frequentissima; si vero respective, & ex parte fumentis, seu dispositionis fidelium, communicatio debet esse vel rarior, vel frequentior, prout homines paratos se reddunt, vel non, ut sicut decet, digne eam sumant. Cæterum digni sunt non levi reprehensione, qui non ita vivunt, ut tanto & tam utili beneficio frequentius frui possint.

Primævis nascentis Ecclesiæ temporibus, quando in illis fidelibus ardor fervelcebat devotionis, ac pietatis, frequentissima, & sæpenumero quotidiana erat eorum communicatio, cum exordio Ecclesiæ convenirent fideles ad frangendum panem, ut non obscure ex Actibus Apostolorum colligitur cap. 2. S. Iustinus Martyr in Apologia ad Antoninum scribit omnes, qui in agris, vel oppidis morabantur, unum in locum convenisse, & post conclusas preces percepisse Eucharistiam die, qui Solis dicitur. Tertullianus, item S. Epiphanius in expositione Fidei num. 22. diebus feriæ 4. & 6. convenisse Fideles ad sacram Synaxim, idest ad sacram communionem, quæ hac voce apud græcos designatur, tametsi Synaxis significet etiam conventum, collectam, & aliquando modulationem etiam psalmorum, ut in Regula S. Columbani cap. 7. & alibi. Prædictis Feriis, S. Basilii annumerat etiam Sabbatum, ac dies destinatos Martyrum cultui in sua ep.

ad Cæsaream Patriam. Sed cum postea subsequenter Ecclesiæ temporibus tepesceret in successoribus priorum fidelium fervor, ac devotio, communicatio restricta fuit ad solos dies Dominicos, in quibus olim nunquam prætermittebatur, ut habetur in Scriptore Ierm. 25. inter eos qui S. Ambrosio ascribuntur, & in lib. de divinis Officiis cap. 120. Ait Ioannes Belet quod etiam nunc in Græcia anathemate puniuntur qui tribus Dominicis non communicaverint. Sed in dies magis magisque pietate Christianorum decrefcente, cum laudabilis mos communicandi per Dominicas omnes in desuetudinem abiit, coarctatus fuit, ut antea dicebam, ex præcepto ad tres solemniores festivitates, Paschatis scilicet, Pentecostes, & Natalis Domini, ut in cap. Omnis de consecrat. dist. 2. ubi statutum legitur, eum qui hisce tribus diebus a communione abstinerit, non connumerandum esse inter catholicos. Lateranense tandem Concilium, ut supra notatum est, denuo coarctavit hoc præceptum ad solum tempus Paschatis, ut semel saltem in anno quivis fidelis ad sacram Communionem accederet. Monachi tamen servarunt piam consuetudinem communicandi singulis Dominicis, & principalioribus festivitibus: & hic pius usus additus fuit Regulis mendicantium, ubi præcipitur, ut Clerici & laici his diebus communicent, cum Sacerdotes quotidie communicent in Sacrificio Missæ, quod incessanter peragunt.

Communicatio sacramentalis secundum se considerata, seu quantum est ex parte ipsius Sacramenti, tum ob gloriam quæ redditur Christo Domino, cui nihil gratius, & iucundius est quam rememoratio suæ passionis usu mediante istius Sacramenti, sicuti & commendavit, & præcepit, tum ob eximiam utilitatem, quæ ex ipso digne sumpto percipitur, valde frequentanda esset: cum enim hoc Sacramentum institutum sit a Christo ut perenne memoriale sui amoris, quem erga nos ostendit, & in Sacrificio tam mirando sui ipsius in ara crucis pro salute nostra, & dando seipsum nobis in eiusdem amoris pignus, ut esset nobis in spirituale alimentum, quo anima nutriretur, ac eo magis augeretur in gratia & in spe æternæ vitæ, quam proprio sanguine nobis redemit; nihil est quo melius reddere possimus Christo Domino oblationem laudis, honoris, gratiarum actionis, quam ipsum in hoc Sacramento sumendo, & nihil hoc ipso salubrius, & utilius possumus nobis ipsis comparare, utpote quod sit institutum ut quoti-

dia-

dianus cibus, & medicina, quo alatur anima, & ab omni spirituali morbo curetur. Unde maxime convenit, ut quam frequentissime, imo quotidie sumatur. Sic Estius, P. Berti.

Hinc Patres, & Canones suadent communionis frequentiam, ut inter alios Patres S. Cyprianus lib. *de Orat. Domin.* S. Basiliius cit. ep. ad Cæsaream, S. Chrysostomus hom. 9. in ep. 1. ad Timoth. Hoc insinuat Synodus Trid. sess. 14. cap. 8. S. Gregorius VII. in ep. ad Comitissam Mathildem anno 1073. Theodolphus Aureliensis in Capitul. n. 44. & 797. expositis. Et hoc præcipue commendatur Virginibus quæ lascivientis ætatis nondum præiudicia patiuntur; hominibus proventæ ætatis, qui peccare desinunt, ut habetur in quodam Concil. Colueskoviz anno 747. citato hic a P. Berti can. 23. Item S. Franciscus Salesius hos ad frequentioris communionis usum extimulat.

Non sunt tamen reprehendendæ piæ personæ, quæ aliquando ob reverentiam erga tantum Sacramentum, atque ob humilitatem qua indignæ se reputant, abstinere aliquando a sacra mensæ frequentatione; cum hæc sint laudabiles, non secus ac Centurio, qui Christum Dominum prævenit ne ipsius domum ingrederetur, quia pro tanto hospite indignum se credebatur, ut ipso Domino advenienti protestatus est: *Dominus non sum dignus ut intres sub tectum meum.* Imo propter diversitatem dispositionum sumentium expedit ex eorum parte rarius vel frequentius sumere: nam ex parte sumentis, ut docet D. Th. 3. part. quæst. 80. art. 10. requiritur, ut magna cum devotione & reverentia ad hoc Sacramentum homo accedat. Quare qui quotidie sic se paratos inveniunt, recte & laudabiliter faciunt, si quotidie accedant, unde S. Ambr. lib. 9. *de Sacram.* cap. 4. ait: *Sic vive, ut quotidie merearis accipere.* Verum quia multis hominibus multa occurrunt impedimenta debitæ devotionis, sit ut his non expediat quotidie ad hoc Sacramentum accedere. Et videtur hanc diversam hominum dispositionem spectasse qui lib. *de Eucharisticis dogmatibus* cap. 53. ait: *Quotidie Eucharistiæ communionem percipere, nec laudo, nec reprobo.*

Verum quicquid sit, certum est, quod quando habeantur debitæ dispositiones, quibus reverenter ac devote accedi possit ad hoc Sacramentum, simpliciter melius, laudabilius, ac utilius sit accedere, quam a communionem desistere; perniciosum autem contemnere, ac fastidire cibum manna infi-

nite pretiosiores. Dixi *quando habeantur debitæ dispositiones*, nam alias abstinendum est, ne medicina vertatur in venenum iuxta monitum Apostoli: *Qui indigne manducat, iudicium sibi manducat.* Quare diligenter attendant Confessarii in permittenda quibusdam communionis frequentia, qui eorum dispositionem ad hunc divinum cibum reddunt valde suspectam, ne indigne admittantur. Sic Lessius, & P. Berti.

Frequens Eucharistiæ communio non est utilis iis hominibus qui sæpius in peccata lethalia labuntur, quia hi liberi non sunt ab affectu peccati mortalis, ac ideo incapaces sunt Eucharisticæ communionis, ad quam requiritur mundities non solum a culpa, sed etiam ab eius affectu: nec opus est ut ulterius comprobetur veritas, quæ iam per se patet. Item non est utilis frequens communio iis Christianis, qui gentiliter seu civiliter vivunt, id est qui quamdam moralem honestatem colentes, ac Christianæ Religionis officia exterius obeuntes, spiritum Christi intus non habent, hoc est nec humilitati, nec poenitentia, nec paupertati dant operam. His enim frequens communio potius noxia est quam proficua, cum vitam ducant in habituali perpetuo peccato, vel saltem in continuo proximo peccandi periculo: Unde Innocentius XI. damnavit propositionem, quæ numero est 56. *Frequens confessio & communio etiam in his, qui gentiliter vivunt, est nota prædestinationis.* Item usus frequentis communionis iis non est concedendus, in quibus nulla alia deprehenditur dispositio, nisi communionis desiderium, quia cum usus Eucharistiæ se habeat (servata proportionem) sicut usus alimenti corporei, *caro mea vere est cibus*, eo ferme pacto quo usus frequens cibi corporei non est concedendus iis, qui non habent nisi cibi desiderium, cum sæpe oriatur ex humore noxio, qui licet stomachum vellicet, digestionem impedit; ex quo fit, ut qui cibum tunc sæpius sumit, nihil ex eo recipiat vigoris & firmitatis: Ita sacra Eucharistia non est frequenter iis permittenda, tametsi ex motivo charitatis desiderare eam videantur, qui, dum graviter lapsi sunt, poenitentiam non curarunt; mulierculis, quæ vulgo *devotæ* vocantur, quæ tametsi famam illius demonstrent, frequenter indulgentiæ, vanitati, detractationi, iræ, impatientiæ. Item non concedendus est usus frequens huius Sacramenti iis, qui ex repetitis communionibus nullum fructum perceperunt, quia ex defectu fru-

ctus

us aliarum communionum constat, quod non habeant; nec habuerint debitas dispositiones ad hoc sacrum alimentum recipiendum, ut ex eo fructus percipiantur: & huiusmodi sunt ii, qui sæpe incidunt in easdem imperfectiones, puta in eadem venialia, absque eo quod ulla in eis emendatio deprehendatur, quod indicat nunquam vere de his doluisse: & cum venialium frequens relapsus indicet nunquam poenitentem horum ex corde se poenituisse, hinc reddunt enim non aptum ad communionem frequentandam. Hoc tamen intellige de venialibus, quæ sunt ex malitia, seu cum plena advertentia rationis, ac proinde cum habituali illorum affectu, non vero de venialibus, quæ admittuntur ex ignorantia vel infirmitate, quippequæ non ex affectu, seu amore peccati oriuntur, sed ex levi orationis, mortificationis, vigilantie negligentia.

Nota, quod ad hoc ut Minister concedat usum frequentem communionis, debet quidem habere, idest scire rationem status, ac vitæ generis; sed id satis non est: Nam quoad primum, certum est quod ii qui rebus mere spiritualibus vacant, uti sunt, qui sunt in statu Clericali vel Regulari, plerumque magis dispositi sunt ad sacram Eucharistiam sumendam, quam ii qui tota die inter humanas curas occupati detinentur, quod tamen universaliter loquendo, adhuc satis non est, quia in his statibus quoque, in quibus media copiosiora sunt ad pietatem, non desunt aliqui, in quos maior dominatur cupiditas, quam in eos qui sæcularibus ac mundanis negotiis sunt implicati, ac proinde minus quam isti illi dispositi sunt, & idonei, ut de sacra mensa participant. Et revera Apostoli, eorumque successores quotidianam communionem prioribus illis temporibus iis etiam concesserunt, qui rerum domesticarum curis erant addicti, ac victum manuum laboribus lucrabantur, quam quotidianam communionem periculum esset corrupta hac ætate concedere pluribus, qui in Monasteriis Regularium, aut Clericorum Seminariis morantur.

Frequens communicatio certe concedenda est iis, qui liberi sunt ab affectu peccatorum venialium. Quia ita senserunt Patres: omnibus diebus dominicis communicare suadeo & hortor, si tamen mens sine affectu peccandi sit; ita loquitur S. Franciscus Salesius Ep. 17. & scribens in alia, quæ est 38. ad quamdam maxime piam mulierem ait: Non sibi probari quod eius filia quinto quoque die

Eucharistiam sumat nisi magno ardeat desiderio, ac leviora tenera ætatis vitia diligenter exterminare studeat. Via autem qua facilius dignoscere potest Confessarius, num suus poenitens liber sit ab affectu venialium peccatorum, ut ei frequentiam communionis indulgeat, erit hoc explorare ex sensuum mortificatione, ex fuga occasionum, ex studio conservandæ mutue charitatis, & sollicitudine cito restituendæ, si etiam leviter eam læserit. Sic Iuveninus.

Regulæ tandem generales, quibus Confessarius uti poterit pro concedenda, aut deneganda communionis frequentia, tres præcipue traduntur a S. Bonavent. in 4. sentent. dist. 12. part. 11. quæst. 1. Dicendum, inquit S. Doct. quod si videat se esse in statu Ecclesiæ primitivæ, laudandum est quotidie communicare; si autem in statu Ecclesiæ finalis, uspotè frigidum & tardum, laudandum est quod raro. Si autem in medio modo, medio modo se debet habere; aliquando debet cessare, ut addiscat revereri, aliquando accedere, ut inflammetur amore.

## §. XXXIII.

De Communionem sub utraque specie.

Quamvis doctrina huius disputationis spectet partim ad puram Dogmaticam, partim ad simplicem disciplinam; nihilominus censui hic non relinquere Lectorem omnino ieiunium in re, quæ licet non habeat certam coherentiam moralibus regulis pro sacro Poenitentia tribuendi, est tamen magni momenti; idcirco non supervacanea scientia sacro animarum Pastori. Verum cum hic locus non sit rem huiusmodi funditus discutiendi, imo aliqua deliberatio sufficiat, hinc breviter eam exponemus, eum remittendo qui fufius scire cupiat, ad Dogmaticos, quos iam hic adducam, ubi rem perfectius deprehendere poterit, sicuti peroptat.

Certum est, ut ex rerum ecclesiasticarum historiis, & Patrum sere omnium scriptis clare colligitur, prioribus Ecclesiæ temporibus quando in Ecclesiæ cœtu ministrabatur sacra Eucharistia, datam fuisse fidelibus omnibus sub utraque specie; unde Patres testantur, fideles bibere sanguinem Christi, ut Tertullianus sæpius, Origenes, & præcipue D. August. qui frequenter hoc habet ut in psalm. 94. & 96. term. 19. de verbis Domini, homil. 27. inter 50. & alibi; & non minus frequenter hæc habet S. quoque Chrysostomus in suis Homiliis ad populum; & Ma-

De pri.  
mæ Ec.  
clesiæ di.  
sciplina  
quoad  
commu.  
nionem  
sub utra.  
que spe.  
cie.

& Magnus Gregorius homil. 22. in Evangelia ita ad populum locutus est : *Quid sit sanguis Agni, non iam audiendo, sed bibendo didicistis* ; & idem etiam alibi . Et hoc factum fuit ad Christi exemplum, qui in ultima Coena, dum Sacramentum hoc instituit, utramque speciem, ut habetur in Evangelica historia, discipulis praebeuit ; & patenter etiam hoc deprehenditur ex D. Paulo in sua prima ad Ecclesiam Corinthi cap. 11. ubi habetur, fideles Corinthi sub utriusque speciei communione hoc divinum celebrasse mysterium .

Ex ipsis tamen veteris Ecclesiae Historiae, & Patrum documentis similiter compertum est, non fuisse primævæ Ecclesiae sententiam, ut una species sine altera, nempe corpus Christi in sola specie panis, sine altera specie idest calicis ex ipsius Christi præcepto sumi non posset, quia ex ipsa Ecclesiastica historia, & Patrum attestatione aperte colligitur, quod eo tempore, ob frequentes, & pene continuas persecutiones contra Christi Ecclesiam effervescentes rarius fieri poterant Fidelium conventus, nec tunc tamen destituti remanebant Eucharistiae communione, quia eis in manus præbebatur sacra Eucharistia domum deferenda, non aliter quidem quam sub sola panis specie, siquidem valde periculosum erat tradere laicis speciem simul vini cum specie panis domum deportandam, ut illam devoto eorum usui cum altera servarent. Hoc inter alios testatur Tertullianus lib. *ad Uxorem*, S. Cyprianus serm. *de lapsis*, S. Aug. lib. 2. contra litteras Petiliani, Ven. Beda lib. 2. Historiarum Anglicar. cap. 5. & lib. 4. cap. 22. ubi memorat, illam Ecclesiam consuevisse celebratis Missarum solemnibus ministrare populo Eucharistiam sub specie solummodo panis. Estius. Item habetur ex Nicephoro lib. 18. cap. 6. morem fuisse apud græcos præcipue Constantinopoli, tribuere reliquias Corporis Christi, quæ ex fidelium communione supererant, pueris innocentibus ieiunis, edendas seu consummandas. Et huic addi etiam potest, quod dum antiquitus conferebatur Diacono potestas dispensandi populo Corpus Christi, plerumque nulla tunc sit mentio de sanguinis dispensatione, ut habet Carth. Concil. cap. 30. & S. Hieronymus in ep. *de solo Paschali* ; & hoc etiam nimis clare comprobatur aſſervatio, quæ, ut antea diximus, fiebat sacrae Eucharistiae infirmis deferendæ, quæ haud dubie aſſervatio, & deportatio erat sub una tantum specie .

Unde necet mos fuerit prioribus Ecclesiae sæculis de danda S. Eucharistia sub utraque specie, qui adhuc perseverat in Ecclesia græca, & communiter in latina ulque ad sæculum 12. perduravit ; non tamen id factum est, ut iam ex adductis historiæ Ecclesiasticæ, & Patrum monumentis apertissime constet, quia centeret Ecclesia ulum utriusque speciei necessarium esse ex divino præcepto etiam laicis, cum promiscue, ut iam retulimus ex ecclesiasticæ historiæ, & Patrum documentis consueverit Ecclesia etiam in suis primordiis, idest modo sub utraque, & aliquando sub una tantum, idest sub panis specie ministrare ; imo cum cito, præcipue tamen cum pacem obtinuit Ecclesia, cœperit in ipsa multitudo crescente fidelium decrescere devotio, & in magna communicantium frequentia, cum multi parum cauti essent, & providi, & plerique parum etiam religiosi, unde pluriquam solito occurrerent pericula irreverentiæ, & effusionis sanguinis Domini, sæculo 12. sensim cœpit Ecclesia potius lege tacita quam lata, & ex recepta apud omnes consuetudine, in una solum specie, panis scilicet communicare, & in hoc fideles omnes sine obmurmuratione contenti remanere, cum iam constanter crederent, & profiterentur etiam in illa sola specie totum Christum recipere. Et huic consuetudini dedit etiam aliquam occasionem error, qui circa hæc tempora exortus est Berengarii, qui in hoc Sacramento signa tantum agnoscebat Domini corporis, & sanguinis, & neutiquam verum ipsius corpus, & sanguinem contineri. Unde usu solius speciei panis demonstrarunt, ac professi sunt Christiani illius ætatis eorum fidem, & totius Ecclesiae circa veram integramque præsentiam vivi Corporis Christi cum Sanguine, anima, ac divinitate sub utraque specie. Addi potest aliam quoque fuisse rationem huiusce consuetudinis inducendæ, nempe conversionem ad fidem catholicam Gentium quæ regiones incolunt Aquilonares, apud quas nec nascitur vinum, nec ita facile illuc transfertur, & nonnisi magno pretio haberi potest, ut testatur Beda de Anglis & Septentrionalibus, qui ob talem vini paucitatem solius speciei panis erant contenti : unde ad tollendam dissonantiam & deformitatem quæ continebat etiam in abstemiis, ut uni duplici specie, alii una tantum communicaretur, usum induxit ac firmavit : sed hoc erat potius consuetudinis vis, quam legis urgentia. Tandem ad sefellendos profligandolque Boemorum errores, qui decepti sunt a Retro

Discipli  
na com  
munionis sub  
una tan  
tum spe  
cie.

vro Dresdensi & Jacobello Misnienſi, ut reſtatur Eneas Sylvius Miſt. Boem. cap. 15. & ſub initium ſæculi 15. ſub Ioanne Huſſ magnas ſuſcitarunt in Eccleſia turbas pro uſu calicis, quem neceſſarium iam credebant ad integram communionem corporis & ſanguinis Chriſti recipiendam in hoc Sacramento; Concilium Conſtantiense ann. 1414. ſeſſ. 13. & Baſilien. ann. 1435. ſtatuerunt, ut laici in ſola ſpecie panis communicent; ac ut erroneum pronunciarunt dicere, hunc communicandi modum illicitum eſſe, cum ſub utraque ſpecie Chriſtus totus contineatur. Amore tamen unitatis, & pacis indulſiſſe Boemis communicare ſub utraque ſpecie iuxta morem Patriæ.

Lutherus in hac controverſia varie ſenſit, ut habemus ex Bellarm. lib. 4. *de Euch.* cap. 20. ſed tandem lib. *de captivitat. Babylon.* cap. *de Miſſa* deſinit impium & tyrannicum privare laicos participatione utriuſque ſpeciei. Luthero conſenſit Calvinus lib. 4. *Inſtitut.* cap. 17. §. 4. Quare ad horum errores exterminandos idem quod Conſtantiense & Baſiliense, deſignavit, ac confirmavit Concil. Trid. ſeſſ. 21. can. 1.

Tameſi vero unanimis conveniant catholici, utramque ſpeciem ad ſubſtantiam Sacramenti non pertinere, ac æqualem gratiæ fructum ad ſaltem neceſſariam ex una æqualiter ac ex ambabus ſpeciebus percipi, non deſunt tamen difficultates inter Theologos circa gratiam præternecceſſariam ad ſalutem, quam aliqui maiorem percipi volunt ex communione ſub utraque ſpecie. Ita cenſuerunt ut conſtat ex Pallavicino lib. 12. cap. 2. Melchior Canus ex Ordine Prædicatorum, Vaſquez; alique, & acriter ſuper hoc diſputatum eſt in Concil. Trid. ſed cum controverſia eſſet mere ſcholæſtica, nec has mens eſſet Concilii attingere, nihil circa hanc quoque definire voluit.

Inſtarunt multi in Concilio nomine Imperatoris, Regis Galliarum, aliorumque Principum, ut uſus calicis laicis reſtitueretur, & favebant hiſce inſtantiis Theologorum opinionibus, non quia hoc neceſſarium putarent ad Sacramenti ſubſtantiam, ſed ad ſedandos populorum animos, ac eorum pietatem devotionemque fovendam, nec non ut omnis calumnix ocaſus de medio Novatoribus eriperetur. Verum Patres ſuper hoc cenſuerunt nihil novi ſtatueri, ſed remittere arbitrio Summi Pontificis, qui iuxta conditionem temporum, locorum, ac gentium, prout opus foret, concederet, aut denegaret. Sit igitur breviter.

Communio ſub utraque ſpecie nec laicis nec Sacerdotibus extra eorum Miniſterium, ſeu extra actum Sacrificii conſiciendi, eſt neceſſaria neceſſitate Sacramenti, neque ex divino præcepto; ac ideo licet primitiva Eccleſia conſueverit dare utramque ſpeciem etiam laicis, hæc tamen diſciplina, quæ perſeveravit uſque ad ſæculum 12. (neque iſdem temporibus erat invariabilis, cum ſæpe in una tantum ſpecie fieret communio, ac proinde ſine ullo ſpirituſuali fidelium diſpendio) poſt 12. ſæculum, ita rationabilibus cauſis exigentibus, redacta fuit ad communionem extra Sacrificium ſub una tantum ſpecie, id eſt in ſola ſpecie panis. Et hoc conſtat primo ex Scriptura, nempe ex doctrina ipſa Chriſti Domini, qui Ioannis 6. loquens de fructu Eucharistiæ, nempe vita æterna, eum ſumptioni unius ſpeciei attribuit: *Ego ſum panis vivus, qui de celo deſcendi . . . qui manducat hunc panem vivet in æternum.*

Tota igitur Sacramenti ſubſtantia etiam in una ſola ſpecie ſubſiſtit, cum ex una ſola ſpecie iuxta Chriſti teſtimonium totus huius Sacramenti fructus percipiatur. Hoc idem argumentum propoſuit, & urgebat Concilium Trid. ſeſſ. 21. cap. 1. *Qui dixit, inquit, niſi manducaveritis carnem Filii hominis, & biberitis eius ſanguinem, non habebitis vitam in vobis, dixit quoque, qui manducaveritis ex hoc pane, vivet in æternum &c.* Et hoc non obſcure indicat etiam D. Paulus 1. Corinth. 11. *Itaque quicumque manducaverit panem hunc, vel biberit calicem Domini indigne, reus erit corporis, & ſanguinis Domini.* Ecce quod ex particula *vel*, quæ eſt diſiunctiva, denotat S. Apoſtolus dari poſſe caſum aliquem, quo quæ ſumpta ſpecie panis ab alia poſſit abſtinere, id eſt a ſpecie vini, & ideo validum eſſe, ac licitum Chriſtianis communicare etiam in una ſola ſpecie vel panis, vel vini, quia in quacumque communicet, ſi indigne hoc faciat, reus fit corporis & ſanguinis Domini. Unde clare patet & ex verbis Apoſtoli quod ſub utraque ſpecie & corpus & ſanguis, id eſt totus Chriſtus contineatur. Igitur non requiritur neceſſitate Sacramenti ſumptio utriuſque ſpeciei, ſed in unica ſtat integram Sacramentum, cum non ſolum totus Sacramenti effectus ex ea percipiatur, ſed etiam in alterutrius ſpeciei ſumptione indigne facta ſuſcipiens reus ſtat totius Sacramenti: *Reus erit corporis & ſanguinis Domini.* Nec ullatenus valet adverſariorum reſponſio, Chriſtum Dominum hoc dixiſſe per

Communione ſub utraque ſpecie non eſt neceſſaria neceſſitate Sacramenti, nec præcepti.



per synodochem, partem pro toto accipiendo, & Apostolum ibi accepisse particulam *vel* conjunctive, non vero disiunctive; cum traditio universalis Ecclesie, cuius est Scripturam interpretari, ubi aliquid habet obscuritatis, atque de vero eiusdem sensu iudicare, usui faveat, ac proinde manifeste repugnet adversariorum responsioni. Unde constat ex ipsa veteri constanti traditione, non requiri ex necessitate Sacramenti, neque præcepti sumptionem utriusque speciei, quia dum etiam talis usus vigeat, non semper eum servavit Ecclesia, sed in aliquibus circumstantiis immutavit, sub una tantum specie, & hæc erat panis, Eucharistiam ministrando. Nam constat consuevisse olim, sicuti antea diximus, dare sacram Eucharistiam fidelibus secum deferendam domum, vel in deserta, ut Monachis, & in itineribus, ut promptam haberent, quatenus eorum devotio exigebat, ad spirituales refectorem. Quod vero in huiusmodi casibus eam sub sola panis specie sumerent colligitur manifeste tum ex circumstantiis quæ vix admittebant ut fideles vinum secum deferrent, tum ex silentio Ecclesiasticæ historiæ ex qua colligitur quidem fideles panem Eucharisticum nudis manibus alicubi accepisse, alibi autem linteo, quod *Dominicale*, & *oriarum* vocabatur: de vase quod esset aureum argentum, cupreum, vitreum, ac testaceum ad vinum deferendum nulla prorsus fit mentio, quando de eo quoque aliquid specialiter præscribendum fuisset. Quamobrem evidenter sequitur, in hisce casibus ad privatas communiones nunquam usum speciei vini fuisse concessum, ac proinde illa privata communio fiebat in sola specie panis. Et hoc evincitur tum ex ipso Tertulliani testimonio lib. 2. *ad Uxorem* cap. 5. *Non sciat maritus, inquit, quid secretis ante omnem cibum gastes, & si sciverit, panem non illum credit esse qui dicitur*: tum Solitiorum exemplo qui ad annum sacrum Viaticum accipiebant. Porro cum species sacramentales subiectæ sint iisdem conditionibus, ac si propria haberent substantiam, Sacramentum calicis tamdiu certo conservari non poterat: pro longo usu (sicuti fiebat in pane) quin acresceret, præsertim in calidissimis regionibus, ut sunt Aegypti deserta, ubi Solitarii morabantur. Insuper infirmis sub una tantum specie, id est panis ordinarie ministrabatur, & ad hunc finem in Templis servabatur, ut patet ex historia cuiusdam Serapionis, ad quem extremis laborantem cum pergere non pos-

set Sacerdos, misit ei per puerum exigentem Eucharistie partem, ac iussit ut intinctam in aqua, seu madefactam moribundo præberet. Quidquid cæterum sit, aliquando etiam sub specie vini data fuit infirmis sacra communio, referente S. P. Hieronymo in ep. *ad Rusticum*, in qua laudat S. Exuperium Episcopum Tolosanum redactum ad tantam paupertatem pro sublevandis egenis, ut panem Eucharisticum ad infirmos deferret in canistro viminis contexto, & portionem calicis in vase vitreo. In publicis autem fidelium collectis identidem sub sola specie panis ministrabatur sacra communio, teste cit. S. Patre in epist. *ad Eustochium* 22. in qua meminit quarundam Virginitum, quæ Romæ ita erant abstemiæ ut in ipsis mysteriis speciem vini non sumerent, ac ideo a maledicis *Manichææ* vocabantur, cum Manichæi ex vana superstitione quod vinum fel esset draconum etiam in divinis mysteriis ab ipso se abstinebant. Habetur etiam in veteri Romano Ordine, communionem publicam a 6. sæculo apud Latinos peragi sine quavis necessitate, sed solummodo ad quamdam mysticam significationem; ex quo ad evidentiam patet, Ecclesiam nunquam agnovisse ullum divinum præceptum communicandi sub utraque specie. In Ecclesia græca toto quadragesimali tempore celebratur ex præsanctificatis præter die exceptos in Synodo Quinifexta seu Trullana an. 692. can. 52. Ita enim ibi habetur: *Omnibus sanctis quadragesimæ ieiunii diebus præterquam Sabbato & Dominica, & Sancto Annuntiationis die fiat sanctum præsanctificationum ministerium*. Et concilium non novam legem constituit, sed veterem confirmavit, quam volunt initium habuisse a Concilio Laodiceno; ut habetur in eius can. 49. tametsi multi canonem huius Concilii intelligant de pane benedicto, quem Concilium prohibet distribui in Quadragesima, ne ieiunium solvatur.

In latina quoque talis Missa ex præsanctificatis celebratur feria 6. in Parasceve, ut Miscrol. cap. 19. Dicitur autem Missa *de præsanctificatis*, quia celebratur in solis speciebus panis consecratis in præcedentibus Sacrificiis, cum in tali Missa nulla fiat alicuius speciei consecratio, & hæc Missa de præsanctificatis vulgo alicubi dicitur *Missa sicca*, utpote quæ celebrata sine specie consecrata calicis. Ex his igitur omnibus constans Ecclesie universalis traditio apertissime docet, communionem sub utraque specie necessariam non esse non conficiendis Sacrificium

Missa præsanctificatio num II Latino Ecclesia Fer. Maioribus Hebdomada celebratur

Scium ulla necessitate, nec Sacramenti, nec præcepti, ac ideo ad Ecclesiam spectat iudicare, an concedi, aut denegari debeat, sicuti declaratum fuit a Concil. Trid. sess. 21. cap. 1. Et equidem in Concilio Constantiensi legitur dispensasse Diaconis aliisque Ministris, ac aliquibus personis etiam dignitate, vel sanctitate conspicuis in solemnitate Paschali. Nec iniuriam alicui fecit, nec facie denegando non conscientibus usum speciei calicis, cum ex hoc nullum patiantur detrimentum, sola præiudicium pro æterna eorum salute, quia etiam in sola specie panis, totum percipitur Sacramentum, & eius fructus, ut iam dictum est, & definitum fuit a Concil. Trid. contra Lutherum, & Calvinum, sess. 21. can. 1. *Si quis dixerit ex Dei præcepto, vel necessitate salutis omnes & singulos Christi fideles utramque speciem SS. Eucharistiæ Sacramenti sumere debere, anathema sit.* & can. 3. ita habet: *Si quis negaverit totum, & integrum Christum omnium gratiarum fontem, & auctorem sub una panis specie sumi, quia, ut quidam falso asserunt, non secundum ipsius Christi constitutionem sub utraque specie sumatur, anathema sit.*

Cum autem iustis de causis, & præcipue ut in historica rei huiusce narratione iam vidimus, ut consuleret venerationi huius Mysterii, ne sit irreverentiis expositum, approbaverit Ecclesia consuetudinem communicandi sub una tantum specie, & eam pro lege habendam statuerit, & nihil ex tali exceptione dependant fideles, dum integrum etiam in una sola specie Sacramentum, ipsiusque effectum accipiunt; sint hac contenti sine displicentia, sed solliciti sint, ut, quod est gravissimi momenti, se præparent ad tam venerabilem cibum debitæ dispositionibus, a quibus præcipue pendet quod fructum eiusdem percipiant, imo caveant, ne quod nobis datum est ut eibus & medicina ad vitam spirituales alendam, servandam, & augendam, vertatur in venenum æternæ damnationis & mortis, iuxta monitum Apostoli: *Qui indigne manducat, iudicium sibi manducat.*

#### §. XXXIV.

*De dispositionibus requisitis ad sacram communionem.*

Quia sacra communio digne sumentibus fructum affert valde magnum, & e contra gravissimum reatum & exitium indigne eam percipientibus, ut vita sit bonis, malisque

mors, sicuti in primæva eius institutione contigit, quæ bonis Christi discipulis panis vivificus fuit æternæ salutis, perpetuæ damnationis venenum Iudæ sacrilego proditori, non quia malum quod acceperit, ait S. Aug. tract. 26. in Ioan. *sed quia bonum male malus accepit:* hinc ut cum bonis discipulis vitæ fructus percipiat, non secus æternum exitium cum Iuda in sacro hoc pane sumendo, attendere debent fideles, ut cum illa dispositione accedant, quæ exquiratur a tanto & tam excellenti mysterio, ut digne & fructuose accipiat; ac proinde quodcumque cogitet fidelis ad Sacram mentem accedere, recordetur & quod per se ipsum ait Christus Dominus, ut habetur Ioan. 6. *qui manducat hunc panem vivet in æternum,* & quod per Apostolum Paulum admonuit in eius ep. 1. ad Corinth. cap. 10. *Qui manducat, & bibit indigne, iudicium sibi manducat, & bibit, non dividens corpus Domini, id est hunc ab aliis cibis non discernens,* sed ad ipsum tanquam ad prophanum cibum accedens; quod equidem ab iis fieri censetur, qui sine convenienti dispositione ad tantum Sacramentum digne sumendum se præparent. Estius.

Dispositiones autem, quibus ad Sacramentum divini corporis parati accedere debent fideles, aliæ sunt animi, seu internæ, aliæ corporis, & externæ. De internis autem breviter generatim nos admonet, & instruit Apostolus, dum ait prima Corinth. *Probet autem seipsum homo, & sic de pane illo edat, & de calice bibat.* Nec credat aliquis, sicut Novatores alucinantur, ibi Apostolum loqui de sola præparatione Fidei, ut ex ipso Apost. manifeste patet: Nam D. Paulus non reprehendit Corinthios, quia non crederent, sed quia irreverenter accederent cum neglectu aliorum, & contemptu: unde illa probatio, seu dispositio intelligenda est quam Ecclesia semper intellexit, & suos fideles docuit, ut etiam Concil. Trid. sess. 13. cap. 7. nimirum seipsos examinent, si amici sint Christi, & vestem habeant nuptialem, id est cum fide, charitate & spe; num quarant gloriam Christi, an vero accedant ad sacram angelorum mensam ex consuetudine, ex vano timore, ex terrena aliqua cupiditate; num tandem remordeat eos conscientia de aliquo mortali peccato, vel eius affectu, aut quia ornamento careant actuum aliarum virtutum, quod vere significatur per vestem mysticam, qua ad nuptias Agni, id est ad Eucharisticum convivium accedendum est. Et cum hæc veritas iam per se superabunde

De dispositio-  
nibus  
ad sacram  
Communionem.

pe-

pateat, hinc utilius censeo ut studium accuratius in ipsis dispositionibus explicandis exerceatur.

De inter-  
nis dispo-  
sitioni-  
bus.

Inter dispositiones internas, seu ex parte animæ, priorem locum obtinet sanctitas, seu mundities conscientie ab omni labe peccati, idest requiritur quod ita animus affectus sit, ut non sit conscius lethalis culpe, ut vita gratie sanctificantis fruatur; & hæc dispositio, seu animi præparatio, requiritur sub mortali, ut notat cit. Apost. *Qui-cumque enim manducaverit panem hunc, vel biberit calicem Domini indigne, reus erit corporis & sanguinis Domini*: quia peccator gravem iniuriam infert Christo, & irreverentiam eum in statu culpe recipiendo, quod infinite ei displicet: unde quantum in se est, falsam reddit significationem huius Sacramenti, quod vacuum reddit suo effectu, nempe animæ nutritione, augmento, sobore, & conservatione vitæ spiritualis, cum ad hoc institutum sit per modum cibi, & potus, ac proinde vivum supponit lumentem in gratia sanctificante, & charitate, cum cibum mortuis nihil profit: unde grave sacrilegium committitur ab eo, qui ita suscipiat, & eo gravius, quo persona vel res sacra quæ tractatur, sanctior est. Igitur qui sibi conscius est peccati mortalis, per se loquendo tenetur iure divino, si habeat copiam Confessarii, vel in defectu si necessitas non urgeat præmittere communioni sacramentalem confessionem; & hoc constat præcipue ex Concil. Trid. sess. 13. can. 11. ubi ita habetur: *Declarat sancta Synodus illis quos conscientia peccati mortalis gravat, quantum-cunque etiam se contritos existiment, habita copia Confessarii, necessario præmittendam esse confessionem sacramentalem*. Dixi per se loquendo, quia urgente necessitate communicandi dum deficit copia Confessarii, sufficit, ac requiritur contritio perfecta, ut habetur ex eod. cap. 7. Concilii Trid. & ex praxi communi Fidelium: Nam cum status gratie sanctificantis haberi possit etiam sine sacramentali confessione, idest per perfectam contritionem, præceptum Tridentini non est ita stricte interpretandum, ut nulla prorsus necessitas dispensare queat. Urgens vero necessitas ex communi censetur 1. quando desit hostia consecrata danda moribundo in viaticum. 2. Si Sacrificium, aut communio omitti nequeat sine gravi scandalo, ut de defectibus in Missali Rom. 3. Cum Sacerdos post consecrationem recordatur se reum esse lethaler, ut ex cit. Missali Rom. 4. Si occurrat Parocho celebrare

Confessio  
præmit-  
tenda,  
quando  
conscien-  
tia re-  
mordet  
de mor-  
tali.

ob diem festum, nec alium habeat quem sibi substituat.

Qui tamen in huiusmodi urgentiis celebravit cum conscientia lethalis reatus, tenetur postea iuxta præceptum Concilii Trid. quamprimum confiteri, ut in cit. cap. 7. *Si necessitate urgente Sacerdos absque prævia confessione celebraverit, quamprimum confiteatur*. Hoc tamen quamprimum non accipi debet sicut male ac temere interpretati sunt nonnulli Casuistæ, nempe quando fiat ut confiteatur, cum hoc damnatum sit ab Alexandro VII. in proposito. quæ num. est trigesima nona: *Ille particula, quamprimum, intelligitur, quando Sacerdos suo tempore confitebitur*. Imo aliam etiam priorem proscriptæ quæ num. est 38. in qua præceptum Concilii factum Sacerdoti in necessitate cum conscientia lethalis celebrandi, quod quamprimum confiteretur, explicatur ut consilium; sic enim in illa habetur: *Mandatum Concilii Trid. factum Sacerdoti sacrificanti cum peccato mortali confitendi quamprimum est consilium, non præceptum*. Unde statim ac sine magno suo incommodo & periculo Sacerdos, qui cum tali conscientia sacrificavit, habere potest copiam Confessarii, confiteri tenetur, etiam ipso die celebrationis. Nam dilatio quamvis quoad tempus modica, gravis tamen est quoad finem præcepti, ac ideo mortalis, & præcipue ob periculum denovo celebrandi sine prævia confessione.

Quod si fiat, ut qui iam confessionem præmiserat recorderetur se inculpate crimen aliquod oblitum fuisse, licet indirecte etiam de illo absolutus sit, nihilominus ex communi Theologorum, si possit sine scandalo & infamie periculo, ut esset si iam sacræ mensæ adstaret, tenetur ante communionem, seu celebrationem si est Sacerdos, ad confitendum, quia est divinum præceptum confitendi omnia peccata, quæ quis recordatur, antequam ad communionem accedat, ut ex Trid. sess. 13. cap. 7. can. 11. & talis est praxis communis fidelium; & probatio requisita, & monita ab Apostolo facienda est iudicio Sacerdotis; & qui ex necessitate coactus fuit celebrare sine prævia confessione, quamprimum confiteri debet.

Accedere ad sacram communionem cum conscientia peccati mortalis 1. certe est mortale, ut docet Apostolus: *Qui manducas indigne, reus eris corporis, & sanguinis Domini*. 2. Licet dentur alia hoc ipso graviora, ut infidelitas, blasphemia, &c. tamen longe gravius est delinquere recipien-

do

de sacram. Eucharistiam cum lethali macula, quam cum tali dispositione alia Sacramenta recipere, cum pro dignitate rei sacrae, quae violatur, sacrilegium augeatur. Habertus.

Secunda dispositio est remotio & immunitas ab omni affectu ad peccata, etiam venialia; quia talis affectus est obex gratiae sacramentalis, & contrarius reverentiae debita tanto Sacramento; sed dicitur, ita sibi obicit S. August. seu potius S. Caelarius ferm. 284. nunc in appendice 292. num. 6. *peccatum quidem est, sed tamen parvum est.*

Et nos dicimus quod hoc tale peccatum est; sed si frequentius enterceatur, nimis immundam animam facit. Et cum nullus homo vellet cum tunica sordibus plena ad Ecclesiam convenire, nescio qua conscientia cum anima, quae per luxuriam, (scilicet venialem inordinatorem in usu matrimonii, de quo est sermo), sit inquinata, praesumit ad altare accedere, non timens illud... qui manducat indigne. Si erubescimus... Eucharistiam manibus sordidis tangere, plus debemus timere in anima polluta illam accipere. Obex quidem est gratiae sacramentali affectus ad venialia, quia cum effectus Eucharistiae sit augmentum gratiae animam nutrientis, affectus ad venialia opponitur huius gratiae incremento: Nam licet peccatum veniale charitatem non extinguat, eam tamen refrigerat, ac minuit, unde tedium, ac corporis quidam animae oritur qui plenum impedit Eucharistiae effectum ad quam ingenti animi fervore ac desiderio accedere homo debet. *Non saturantur* (ait S. Gregor. Magnus in cap. 2. lib. 1. Regum lib. 2. cap. 3.) *nisi famelici, qui a vitis perfecte ieiunantes divina Sacramenta percipiunt in plenitudine virtutis: Et quia sine peccato electi etiam viri esse non possunt, quid restat, nisi ut a peccatis, quibus humana fragilitas eos maculare non desinit, evacuari quotidie conentur; imo cum S. Eucharistia deleat venialia ad hunc effectum, requiritur remotio affectus ad illa, & aliqua saltem eorum displicentia.*

Tertia dispositio est singularis reverentia erga Christum Dominum in sacra Eucharistiae Sacramento praesentem. Quia in hoc Sacramento praesens est divina maiestas, debet recipi cum honore, ait S. Bonaventura tract. de preparat. ad Missam, & eo magis hoc exigit divina maiestas, quia cum tanta dignatione & amore se nobis communicat in hoc Sacramento. Haec autem reverentia ex duobus necessariis exurgit, *Instit. Theol. Moral. Tom. IV.*

nimirum ex attentione, & actuali devotione.

Attentionem ad excellentiam & dignitatem rei contentae in hoc Sacramento, & ad magnitudinem doni expriment illa Apostoli alias allata verba 1. Corinth. 11. *Qui manducat, & bibit indigne, iudicium sibi manducat & bibit non diiudicans corpus Domini* scilicet interpretantur Patres, non habens attentionem requisitam ad excellentiam & dignitatem rei in Sacramento contentae, & ad magnitudinem doni, quod in eodem Sacramento nobis pro spirituali cibo exhibetur, qui est ipse Christus Dominus, qui sub illis speciebus totus continetur, ut eius manducatione animam nostram aliat, & nueriat, in vita gratiae augeat, & conservet. Oportet accedentem ad corpus & sanguinem Domini (ait S. Basil. lib. 1. de Baptismo cap. 9.) *& ad memoriam eius, qui pro nobis est mortuus, & resurrexit, non solum purum esse ab omni inquinamento carnis & spiritus, ne iudicium sibi edat & bibat; sed evidenter exprimere & ostendere memoriam eius, qui pro nobis mortuus est & revixit in eo quod mortificatus est peccato; mundo, ac sibi ipsi, & Deo vivit in Christo Iesu Domino nostro: Et regula vi. cap. 1. ait: Qui ad communionem corporis, & sanguinis Christi, neque rationem illam considerat cuius causa instituta est, utilitatis ex ea fructum nullum reportat.* Et ita nos docent etiam alii Patres.

Devotionem cum attentione coniungit S. Bonaventura in brevil. part. 6. cap. 9. *Quoniam capacitas nostra ad Christum efficaciter suscipiendum non est in carne, sed in spiritu... & mens Christum non attingit nisi per cognitionem, & amorem... ideo quod aliquis digne accedat, oportet ut spiritualiter comedat, & ut sic Christum per recordationem fidei masticet, & per devotionem amoris suscipiat. Propter quod manifeste colligitur, quod qui tepide, ind devote, & inconsiderate accedit, iudicium sibi manducat, & bibit.* Regula haec traditur etiam a D. Th. quaest. 80. art. 10. *Requiritur, inquit; ut cum magna devotione, & reverentia accedat.* Devotio autem, ut clarius etiam explicetur, secundum SS. Patres, & Theologos, & praecipue D. Thomam a. 2. quaest. 82. art. 3. & 4. *est motus mentis in Deum per pium humilemque affectum fidei, spei, & charitate subnixum.* Idcirco devotus dicitur qui elevat mentem in Deum. Unde devotus communicare is dicitur, qui conatur omnem distractionem, & evagationem mentis expellere, ut eo-

Devotio  
ne suffi-  
cienda &  
Euchar.  
stia.

ut tota sit in tanti mysterii consideratione, & divino debito obsequio, ac ipso per fidem, spem, ac charitatis amorem coniuncta. Requiritur autem dispositio huius actualis devotionis, ut cum omni suo fructu Sacramentum hoc suscipiatur. Nam licet iuxta sententiam D. Thomae, aliorumque communiter, ad recipiendum augmentum gratiae sanctificantis sufficiat status gratiae, cui solum peccatum mortale est obex quippe quae cum veniali consistere potest; & Sacramenta ex opere operato gratiam conferant non ponenti obicem, necessario tamen requiritur actualis devotio in suscipienda sacra Eucharistia ad recipiendam spirituales dulcedinem, fervorem, maiusque gratiae sanctificantis augmentum, ac multas, & speciales actuales gratias. Sacramenta enim ad modum causae necessariae operantur, plus ac minus iuxta perfectiorem, aut imperfectiorem subiecti dispositionem, ut constat ex Concil. Trid. sess. 6. cap. 7. Quare solus defectus actualis devotionis secluso contemptu & scandalo est grave veniale. Item venialiter peccare videtur qui cum sentiat se gravatum conscientia plurium venialium, quae ex consuetudine committere solet, sine illorum dolore ad sacram Eucharistiam accedat, quia ponit obicem aliquibus effectibus huius Sacramenti, ut eorum remissioni, (cum Theologi attribuant huic Sacramento virtutem remittendi venialia) & fervori charitatis; imo ita accedere est etiam aliqua irreverentia. P. Antoine.

Hinc patet, quod si contritus deposuit peccata mortalia in confessione, quorum sacramentalem obtinuit absolutionem, si peccata fuerint recentia commissis, cum haec patiantur quamdam mensis hebetudinem, & aliorum maiorem, si sint vetera, fiduciam tollant, mentem turbent, ac quodammodo ligent affectum, quo minus alluatur ad divina; seclusa necessitate non debeat tam cito accedere ad sacram Eucharistiam, sed per aliquod tempus se disponere non solum per sacramentalem satisfactionem, sed per alia etiam exercitia, quae sponte elegerit tum poenitentiae, tum aliorum pietatis operum, sine quibus non ita facile excitare poterit in animo illam reverentiam ac devotionem, quam dixi requiri ut decenter ac fructuose accedant fideles ad Sacramentum Corporis & Sanguinis Domini, ac ideo illam habere approbationem, quam recordatur Apostolus ne indigne sumens reus fiat Corporis, & Sanguinis Domini, & suam iudicium manducet. Haec erat priorum temporum disciplina, quae perduravit per 12. saecula, ut non admitterentur ad Eucharistiae participationem qui dolorem habuerant errorum suorum quidem, & vitae male actae poenitentiae renuntiaverant; sed iuxta poenitentiae mortificationem erant iurificati, quia ut ait S. Chrysost. hom. 17. in epist. ad Hebraeos expendens verba quae a Diacono ante distributionem sacrae communionis alta voce ad communicandos praemittebantur *Sancta sanctis; sanctum non facit liberatio a peccatis, sed etiam praesentia spiritus, & bonorum operum copia*. Quare D. Th. in 4. dist. 9. art. 4. quest. 1. hanc tradit regulam: *Non esse consulendum quod statim post peccatum mortale etiam contritus, & confessus ad Eucharistiam accederet, sed deberet, nisi magna necessitas urgeret, per aliquod tempus propter reverentiam abstinere*.

Tametsi vero actus coniugalis sit in se legitimus, quia tamen praeter immunditiam quamdam corporalem, quae cum semper comitatur, mentem deprimit, & eius evagationem, ac distractionem inducit, & praecipue quando non ex debito, sed captandae voluptatis cupidine, ac ideo cum venialis periculo exerceatur, (ut declaravit Innocentius XI. ann. 1679. dum damnavit contrariam opinionem in propositione quae inter damnatas est num. 9. in qua ita habetur: *Opus coniugii ob solam voluptatem exercitum omni penitus caret culpa & defectu veniali*) a sacra communione retrahere debet, nisi aliqua necessitas aliter exigat; & ita colligitur ex Script. 1. Corinth. 7. *Nolite fraudare invicem, nisi forte in consensu . . . ut vacetis orationi*. In quem locum ait D. Hieronymus lib. 1. contra Iovinianum, *quid est majus, orare, aut corpus Christi sumere? . . . Si ergo propter coitum quod minus est, impeditur, multo magis quod maius est*. Et licet S. Chrysost. alique communiter intelligant Apostoli locum, non de simplici oratione, sed de oratione Sacrificii, in quo sacra Eucharistia fidelibus ministrabatur, omnes tamen concordant, Apostolum monere ibi coniuges, ut se separent ob reverentiam utriusque, tum Sacrificii, tum communionis. Et hoc etiam confirmat traditio, ut constat ex Concil. Eliberitano quod in can. 3. sic habet: *Omnis homo ante sacram communionem a propria uxore abstinere debet tribus, quatuor, aut octo diebus*. Inter ea vero quae circa hoc tradita sunt, plana ac facilis pro Confessariis, ut sciant locuturi quomodo se gere-

gerere debeant in hac re est regula quam exposuit S. Franciscus Salesius in suo eximio Opere, cui titulus *Philosophia* part. 2. ubi in cap. 20. docet a proxime communicaturis coniugale debitum non esse petendum. Nullum tamen affert impedimentum, si ei qui petit reddatur, & est omnino coherens sententia S. Aug. in Psalm. 149. ubi ita S. Pater: *Pro sanctificatione perfecta Deus tibi computabit si non quod tibi debetur exigis, sed reddis quod debetur uxori.*

Viguit aliquando ulus, ut mulieres dum menstrua patiuntur, non participarent impolluta mysteria. Non ignoramus tamen Christum Dominum non se offendisse, quod quæ talem fluxum patiebatur tangeret ei post tergum simbriam vestimenti. Et S. Gregorius Magnus in prælaudata ad Augustinum hunc morem damnavit tanquam superstitiosum: *Femini namque; ait S. Pontifex, & menstruus sui sanguinis fluxu aggritudo est; igitur bene præsumpsit quæ vestimentum Domini in languore postea tetigit. Quod personæ infirmam conceditur, cur non concedatur cunctis mulieribus, quæ naturæ suo vitio infirmantur; & hoc confirmant ipsius successores contra Synenses Clemens XI. Benedictus XIII. Benedictus XIV.*

Multo magis, & a fortiori etsi contritus & absolutus, nisi urgeat gravis necessitas, & aliud videatur Confessario, per aliquod tempus ut pœnitentia hoc interim, & aliis pietatis operibus se purget, abstinere debet a sacra Eucharistia qui commiserit voluntariam pollutionem, aut aliud grave crimen, ut habetur ex Missali Rom. quia hic talis non statim habere potest debitam actualem devotionem propter distractionem turpium cogitationum, & recordationem turpis delectationis, & ob infirmitatem a peccato relictam.

Quoad pollutionem vero nocturnam quæ, prorsus involuntarie sic accidit in somno, ut nullatenus mentem afficiat vixque vigilans meminerit, quod sibi acciderit, somnando ut nulla ex ipsa sentiat animi perturbatio, & distractio; licet in hoc casu videatur omnino contemnenda, primis tamen Ecclesiæ sacris communionem impediabat propter immunditiam, & sordiditatem, quæ temper a corpore contrahitur, ut habetur tum ex S. Basilio ad interrogationem 309. in Regulis brevioribus, tum ex S. Aug. *serm. de Tempore* 244. Verum censuerunt Patres excipiendam esse quæ deprehendatur accidisse ex dæmonis versutia, ut hac occasione retraheret eam passum a communione, ut ex Cassiano col-

lat. 22. cap. 4. Idipsum intelligitur etiam si naturaliter causatur in eo qui nimium patitur timorem, ne huiusmodi turpiz occurrant in somno, dum instat dies festus in quo communicare statuerat. Unde qui ita patiuntur hanc nocturnas infirmitates, seu illusiones evadendo modis supradictis, consulere debent Confessarium, ut confidenter ad Eucharistiam accedant.

Nihilominus tamen cum plerumque ex illa somniorum illusionem turbetur anima, languelcat affectus, ideo debita devotio tollitur erga divinum Sacramentum, quæ est tertia dispositio qua ad ipsum accedendum est ne indigne suscipiatur. *Ex quadam congruentia, (ait S. Th. quæst. 80. art. 7.) impedit evagatio mentis quæ sequitur pollutionem nocturnam, præcipue quando cum turpi imaginatione contingit.... hoc autem impedimentum postponi debet propter aliquam necessitatem.* Cæterum mihi videtur nihil facilius ac clarius in hoc proposito optare posse Confessarios, ut prudenter ac secure in huiusmodi casibus deliberare valeant in concedenda vel deneganda interim suis pœnitentibus sacram Synaxim, quam id quod de promptum est ex ep. S. Gregorii ad Augustinum Anglorum Episcopum, quæ est 31. lib. 12, in qua docet Pontifex, illusionem non esse timendam, cum ex naturæ superfluitate, vel infirmitate evenit. Secus vero dicendum si oriatur ex crapula, ex turpi cogitatione, ex mulierum consortio, atque alia huiusmodi causa libera & voluntaria. In hisce enim casibus, si abique ulla nota fieri potest est abstinendum. Ita docent Theologi omnes cum S. Thoma. Idemque dicendum de crapula, & hesterno cibo venialiter immoderato; nam inde pariter pergravatur animus, & non ita facile assurgit ad supernaturalia, ut ex S. Th. quæst. 80. art. 8. ad 5. Et hætenus dicta respiciunt dispositiones animi requisitas ad digne & fructuose recipiendam sacram Eucharistiam. Restat igitur, ut percurramus dispositiones, quæ etiam ex parte corporis requiruntur.

## 6. XXXV.

### *De dispositionibus corporis pro sumenda sacra Eucharistia.*

Dispositiones quæ corpus respiciunt, quibus fideles accedere debent ad decenter sacram Eucharistiam sumendam duæ exiguntur, reiunium scilicet naturale, & habitus, ac corporis compositio cum de mundicia carnis iam dixerimus, ubi de animi dispositione, cui illa coheret.

*De prima dispositione corporali seu de ieiunio.* Christus post Coenam Eucharistiam instituit, eamque distribuit Apostolis non ieiunius, unde colligitur ieiunium pro sacra Eucharistia sumenda non esse de iure divino, idest non divini praecepti, sed Apostolicæ valde laudabilis traditionis, & ecclesiastici praecepti cum exigit excellentia tanti Sacramenti, ut maiori qua fieri potest reverentia percipiatur. Huiusce traditionis testes habemus Tertullianum in lib. de corona militis, ubi ait *sumi Eucharistia Sacramentum antelucanis catibus*; & lib. 2. ad Uxorem cap. 5. *Ante omnem cibum*. S. Cyprianum ep. 63. ad Cæciliam, S. Basilium lib. 2. de ieiunio, alique pariter de hac traditione testantes. Nec huiusmodi traditionem repugnare exemplo Christi Domini demonstrat inter alios S. Aug. ep. 118. num. 54. ad Ianuarium. *Neque enim quia post cibum dedit Dominus, propterea pransi aut cœnati fratres ad illud Sacramentum percipiendum convenire debent, aut sicut faciebant quos Apostolus arguit, & emendat mensis suis ita immiscere.* Hoc enim fecit Dominus, quia ut explicat S. Cyprianus ep. cit. ad Cæciliam Christum offerre oportebat circa vespere diei, ut hora ipsa Sacrificii (veteris Testamenti) ostenderet occasum. Quidam tamen Aegyptii dissidentes ab universalis consuetudine ieiunii ante sacram Synaxim, ut habetur ex Sozomene lib. 7. Hist. Eccles. cap. 19. *Solebant die Sabbati sub Vesperam convenire ad sacra percipiendam iam pransi.* Alii vero licet aliis diebus ieiunii communicarent, feria tamen 5. maioris hebdomadæ in memoriam ultimæ Coenæ Domini id faciebant cœnati; & hic mos tempore D. Aug. perseverabat in aliquibus Ecclesiis Africæ, ut habetur ex cit. ep. ad Ianuarium, & hoc refert etiam Card. Bona lib. 2. Rerum Riturgicarum num. 13. Et hæc consuetudo invaluit etiam in aliquibus Ecclesiis Galliæ, ut colligitur ex can. 9. Synodi 2. Matisconensis. Quamvis tamen Ecclesia toleraverit olim in illis aliquibus Ecclesiis, ubi mos erat feria 5. maioris hebdomadæ anniversaria Cœna Domini sumere sacram Eucharistiam post cibum, & potum, idest a non ieiunio; reprobant tamen hunc morem Concil. Trullanum Can. 39, & Carthag. 3. Cap. 5. Toletanum 7. Statuerunt enim, ut iuxta morem ab Apostolis receptum, ieiunium pro sacra Eucharistia sumenda servaretur, & hanc legem confirmavit Concil. Constantiense contra Ioannem Huss, qui contrarium sentiebat, sess. 13. ac decrevit, ut secundum antiquam Ecclesiæ consuetudinem Eucharistia nonnisi a ieiunio su-

meretur, solo infirmitatis, aut alterius necessitatis ab Ecclesia approbata casu excepto. Hoc autem ieiunium, de quo hic agitur, debet esse illud, quod ad differentiam ieiunii ecclesiastici (quod parva materia non frangitur) dicitur *naturale*, quod violatur a quacumque etiam exigua materia, quæ per modum cibi, vel potus, vel etiam medicinæ sumatur, eo quod hoc ieiunium consistat in omnimoda abstinentia cibi, potus, ac medicinæ sumptæ etiam salutis causâ, quia talis est vetustissima Ecclesiæ praxis iuxta can. 2. Concil. Toletani, ubi præcipitur *ne celebretur Missa, aut percipiatur communio post cibum potumque quemlibet etiam minimum.* Et hoc idem habetur cap. *Nihil contra causa* 7. quæst. 1. num. 16. A media igitur nocte designata per primum horologii pulsus ratio huius ieiunii exigit, ut nihil in stomachum trahiatur per modum cibi, potus, aut pharmaci in quavis modica quantitate, sive nutriat, sive non nutriat, ut medicina, quæ cum cæteroquin non solverent ieiunium ecclesiasticum, frangunt naturale. Si vero per modum salivæ, aut respirationis in stomachum decidunt, ut sanguis, pituita ex cerebro, reliquæ vini, & aquæ, quibus abluuntur, vel cibi in ore ex comestione facta ante mediam noctem remanentes, stoccus nivis, vel culcx, saliva post degustatum saporis alicuius condimenti, si statim expuatur, item pulvis, aut fumigium tabaci, non nocent ieiunio naturali licet tamen adeo indecorum sit, usus tabaci, præcipue fumigium, & masticatio, ut Synodus Limana indixerit Sacerdotibus sub mortali, ne ante sacrum mandent, vel fumigium glutient; & Synodus 3. Mexicana idem præcepit omnibus etiam ad communionem accessuris. Violaret quidem hoc ieiunium saccharus, succus ligitizæ, & alia huiusmodi, si post mediam noctem in stomachum deciderent, ac ideo communionem impediunt, quia non per modum salivæ, & respirationis sumuntur. Quod ieiunium hoc servandum sit cum tanto rigore, ut iuxta sensum, & consuetudinem Ecclesiæ, optimam legum interpretationem, non admittatur quælibet levitas materiæ, quæ per modum cibi, potus, & medicinæ sumatur, ita exigit tum honor, ac reverentia huic venerabili Sacramento debita, ut cælestis ille cibus cœicumque alteri cibo potuique terreno præponatur, & ut fideles discernere assuescant inter hanc divinum cibum, aliosque communes; tum spiritualis significatio, quod Christus debeat esse primarius fidelium cibus, & in eorum

De ea-  
libus in  
quibus  
cessat ob-  
ligatio ie-  
iunii pro  
sacra Eu-  
charistia  
sumenda.

cordibus primo fundari. Habertus, P. Antoine.

Quia vero hoc præceptum est ecclesiasticum, seu mere positivum, definit obligare in aliquibus casibus quos, ut patet ex praxi, & usu universalis, sive expresse, sive tacite excipit Ecclesia, quia tunc vel necessitas hominis, vel reverentia Sacramenti aliter exigat, & sunt ii quos communiter exponunt Theologi, videlicet 1. cum occurrat sumendum esse viaticum in mortis periculo, quando urget divinum præceptum communicandi, cui cedere debet ecclesiasticum, dum infirmus sine gravi incommodo non potest communicare ieiunus. Nec differendum est post mediam noctem, ut tunc statim communicetur æger, quia hoc non patitur usus Ecclesie ob nimiam difficultatem, & ob Sacramenti reverentiam, quod eo tempore temper deferri nequit debito decore, & comitatu, ac securitate, & multoties morbus ingravescens mortem ante mediam noctem minuitur. Non licet tamen Sacerdoti in defectu particularum consecratarum non servato ieiunio celebrare, ut infirmum extremis laborantem communi- cet, sicuti nec deficiente azymo in fermentato, vel sine vestibus sacris, aut omisso Sacrificii ritu; quia Ecclesie consuetudo ita interpretata est divinum sumendi viatici mandatum, idest dandum non esse nisi quando dari queat iuxta ritum & ordinem ab Ecclesia præscriptum pro Eucharistia conficienda, ac ministranda modo, & circumstantiis convenientibus, & cum sacra Eucharistia non sit simpliciter ad salutem necessaria, magis consulendum est reverentiae ei debitæ, & uniformitati servandæ in Sacrificii ritu, quam privatæ utilitati alicuius fidelis. Providet autem Ecclesia communi necessitati per as- servationem sacrae Eucharistiae in Ecclesia- rum sacrario; Pastoribus districte præcipit tam eiusdem Eucharistiae asservationem, quam sollicitam eiusdem infirmis administrationem: Casus enim rarus exigere non debet ut cedat lex generalis, & uniformitas in ritu sit prætermittenda. Porro si sic liceret consecrare, idest a non ieiuno, & non attentis saceris ritibus ad subveniendum infirmo, sacra nostra mysteria gravibus exponerentur iniuriis, qualis supponi posset, si Sacerdos ludo, vel potatione temulentus altare festinan- ter ascenderet. 2. hoc præceptum non obligat quando perficiendum sit Sacrificium, puta cum Sacerdos ob aliquod accidens ei superveniens post consecrationem Sacrificium complere nequeat, tunc deficiente alio Sacerdote ieiuno per Sacerdotem non ieiunum complendum est. Itidem si post sum-

ptionem calicis deprehendit in calice non fuisse nisi aquam, in tali casu ad perfectionem Sacrificii debet vinum consecrare, & consecratum sumere; vel cum post consecrationem recordatur se non esse ieiunum, quia præceptum divinum de faciendo Sacrificio integro, & perfecto prævalere debet legi ecclesiasticæ de Eucharistia a ieiuno sumenda. Si autem Sacerdos recorderetur se non esse ieiunum, & eius Missa sit Missa solemnis, aqua recedere non possit sine gravi scandalo eam continuare debet; sed si Missa sit privata, dummodo in hoc quoque ob concursum populi non sequatur grave scandalum, recedere tenetur. 3. Quando post ablutionem relictæ sunt aliquæ reliquiae in hac Missa consecratæ (quod intelligendum est etiam de formulis integris, ubi servari non possunt in pixide, & sacrario) sumendæ sunt, quia ad idem pertinent Sacrificium, & sumuntur per modum unius refectionis. Unde aliter dicendum de particulis in alia Missa consecratis, quæ sunt in pixide, ut illa expurgetur. 4. Si periculum sit quod sacra Eucharistia incidat in manus infidelium, seu hæreticorum, & quod ab ipsis profanetur; lex enim divina iubet, ut impediatur sacrilegia, quæ impediri possunt; & quod in Eucharistia honorem, & reverentiam sancitum est, non debet esse occasio ut non impediatur eius irreverentia, profanatio, & contemptus.

Nota quod post cibum ante mediam noctem sumptum non requiritur somnus, aut cibidigestio ad communicandum, cum hoc nulla consuetudo, vel lex præscribat, sed solummodo quod post mediam noctem nihil sumptum sit per modum cibi, potus, vel medicinae, vel quid aliud, ut dicebam, sive res sumpta sit nutritiva, vel non nutritiva, cum velint aliqui lapillum quoque, globulum plumbi, vel ligni frustum, licet a stomacho alterari, vel digeri nequeant, impedire communionem: alii tamen de hisce rebus probabilius contrarium sentiunt, eo quod nullatenus rationem habeant cibi, potus, vel medicinae.

Quoad habitum vero, & externam corporis modestam decentemque compositionem, talis certe requiritur in fidelibus, ut omnem reverentiam, honestatemque præstet, ac internam animæ reverentiam, & devotionem exhibeat. Debetur enim huic Sacramento non solum internus, sed externus venerationis summæ, & adorationis cultus, cum Christus sub sensibilibus speciebus modo quodam sensibili in eo extet, & traheatur; unde illicitum est communicare etiam quando periculum sit vomitus ob dictam reverentiam, quæ

De habi-  
tu ac ex-  
terna  
composi-  
tione  
quibus  
acceden-  
dum ad  
sacram  
commu-  
nicationem.



huic Sacramento debetur. Licet vero sordes corporis, ut docet Lugo, secundum se communionem non vetent, seu impediunt saltem in occulto, eo quod hoc Sacramentum non sit cibis corporis, sed animæ, quam quidem exquirat mundam ab omni culpabili sorde & inquinamento; nihilominus summa reverentia, quæ debita est huic tam excellenti mysterio, exposcit, quod si corporis sordes facile tolli possint, auferantur, & etiam si brevi cessabunt, & possit differri Communio sine incommodo, seu spirituali gravi dispendio; aliquando semel, & iterum differatur. Quod si longius sint perduraturæ, vel sine prorsus occultis, minime fructu huius celestis alimonie quemquam privare debent. Habemus a veteribus Scriptoribus, & inter recentiores a Patre Mabillonio præfat. 1. in sæcul. 4. Benedictino, quod antecedenti nocte ad sacram Communionem primi Christiani mandabant se in balneis; & S. Wilfridum purgasse suas sordes aqua lustrali. De habitu vero si fieri possit, non sit sordidus, cum ex historia Lausiaca Palladii ad collat. 23. Cassiani pag. 890. habeamus, quod antiqui Monachi Tabenenses, dum accedebant ad sacram Eucharistiam, deponebant pellem ovinam, quam pro pallio deserebant. Sed si non decens est accedere cum sordido, & nimis vili habitu ad sacram communionem, quod iam ut plurimum potest contingere ob nimiam paupertatem, multo tamen magis indecens est accedere ad Sacramentum tam venerabile & sanctum cum studioso & affectato vestium corporisque ornamento, quod detestabile præferret fastum & vanitatem prorsus repugnantem actioni, quæ singularem emittit humilitatem ac modestiam & corporis, & vestium. Et in hoc proposito nihil aliud hic adducam nisi instructionem quam S. Carolus Mediolan. insignis zelantissimusque Præsul, ut habetur in Actibus eiusdem Ecclesiæ, tradidit suæ Diœcesis animarum Pastoribus, ut scirent, quæ decencia seu externa compositione curare debeant, ut eorum populi, & præcipue mulieres ad sacram Synaxim accedant. Quod ad corporis habitum pertinet, Parochus fideles suæ curæ commissos nonneat, saragatque, ut summa reverentia omnique humilitate ad sacram communionem accedant, & sumant oculis non vagis, sed in Christi corpus pie coniectis, barbæ pilis circa os bene præcis, ore supra pannum lineum suppositum modeste porrecto, capite non demisso, lingua paululum labrum inferius intus attingente, non tamen extra os prominente, in qua particulam suscipiant,

neque linguam ipsam retrahant priusquam Presbyter manum removerit, tum vero caput humiliter demittant. Ita etiam, ut a suspiriis abstineant, quibus particulæ excuti possint, manibus pectori admotis instar crucis ex veteri fidelium disciplina, aut supplicibus iisdem nudis pallio quantum fieri poterit adhibito; non birretis pileisve pluma inaniter ornatis, armis depositis, toto denique corporis habitu decenti & humili, modesto & non sordido. Mulieres non sumptuosas, non caudatis vestibus, non crinibus inaniter intortis non fuco, & pigmentis vultu illito, non pectore nudo, aut velo tenui obtecto, sed ita vestitæ, ut ne præter faciem quidquam nudum cernatur, velo denso bene superfaciem demisso, omnes autem genibus flexis, non pectore, brachiisve scabello innixis. Nihil præterea dabunt, omni modestia surgant, & a mensa discedant. Ita S. Carolus in Instructionibus.

#### 9. XXXVI.

*De iis quæ præstanda sunt in ipsa communionem, & post communionem.*

Circa hoc docet quid faciendum sit ipse laudatus S. Carolus in supradictis instructionibus ad Parochos. Admonet enim S. Præsul ut in communionem ipsa, & statim post curent fideles quo magis fieri possit, dum percepturi sunt sacram communionem, excitare in propriis animis ferventem affectum sanctumque, qui in sacra communionem requiritur, & ad hunc excitandum passionem Christi Domini religiose meditentur; Vulnera enim Christi sunt fons vivus, ac fervens, ex quo facilius divini amoris ardor hauriri potest. Item recordentur ac considerent eximium ac singulare beneficium, quod Deus eis elargitur in pretiosissimo sacre communionis dono, dum per eam Christum realiter suscipiunt, totam scilicet eius Humanitatem cum Divinitate. Considerent insignem Dei dignationem, & charitatem in elargiendo tanto munere, quo nihil melius nec scit, nec habet, nec potest dare; dum totum seipsum donat, suamque divinitatem; & tanto maior est eius dignatio ac amor, quod communicantibus seipsum præbet in cibum, ut iam vidimus ad eorum animos alendos, nutriendos, augendos conservandosque in spiritali vita gratiæ, ac intimæ sibi ipsos iungendos, & seipsum illis. Insuper excitabunt fiduciam propriam & spem, cum in Christo Domino quem in sacra particula suscipiunt, contineatur quicquid boni desi-

desiderare, ac sperare possint; & tanto maius suæ fiduciæ fundamentum habent, quanto grandis est ipsius omnipotentia, benignitas & sapientia, quæ infinitæ sunt, qui & potest omnia nobis donare, quæ conferre possint ad æternam nostram salutem, & vult; imo amat etiam hæc nobis donare, & videt quid nobis expediat, ut ad hunc finem perveniamus. Gratum pariter est Christo Domino, ut in tali actione fidem nostram exerceamus circa eius mysteria, & præcipue circa realem eius præsentiam in hoc Sacramento: idcirco eliciendi sunt etiam actus fidei, mente humiliter omnia mysteria divini huius Sacramenti firmiter confitendo. Item toto corde, & intima pietate animi agendæ sunt Deo gratiæ de tanto eius beneficio, infinitaque charitate, qua erga populum Christianum usus est.

• Addit insuper S. Præsul, ut Pastores moneant fideles communicantes, ne tam cito post communionem ab Ecclesia discedant, sed quieto & in remoto loco permaneant quantum fieri potest in oratione, gratiarum actione, Christum Dominum deprecantes, ut in eorum cordibus perseveret cum sua gratia, qua dimicare valeant contra hostiles insidias, & culpas fugiendo, perpetuo sanctificationem servant, ac teneant, quam in sacra absolutione & communionem receperunt, ut unionem cum ipso in cœlesti patria, quam significat & promittit hoc Sacramentum, consequantur. Admonet pariter, ne communicans sive laicus, sive Sacerdos, saltem per horæ quadrantem expuat, & si fiat sit non possit se continere, id saltem faciat in loco a pedibus conculcantium remoto, seu potius in sudariolo mundo. Item ne tam cito cibumumat, sed post dimidiam horam, vel saltem horæ quadrantem. Item ut ea die præcipue refrænet cogitationes, sensus omnes, & linguam, abstineat a verbis otiosis & scurrilibus, a mundanis conversationibus, aliisque mundi illecebris, licet non per se malis, a ludis, a cogitationibus sæculi inutilibus, & vanis, sicuti monet etiam D. Chrysost. homil. 27. in ep. 1. ad Corinth. ne mens a sanctis cogitationibus, a spirituali quiete distrahatur, ab oratione, a frequentia divinorum officiorum Ecclesiæ, aliisque christianæ pietatis operibus, in quibus intentus esse debet, & occupatus, ut devoto assistat, ac interviat Christo hospiti. Quare cavere debet pariter a sæcularibus negotiis; & si ob conditionem sui status omnino non possit, curet tamen

a sanctæ communionis sumptæ meditatione, & ab intima sui custodia non alienari; Et similia habet in suis Pastoralibus instructionibus S. Carolus.

Diebus itidem sanctæ communionis charitas, ac beneficentia in pauperes copiosius est exercenda, & cum Christus corpore suo nos cibaverit, nos pariter nostro pane, aliisve cibis terrenis quos dat nobis Deus, ipsum in membris suis esurientem pascere debemus; S. enim Chrysostomus graviter increpavit Christianos immiseriordes etiam post communionem, ut in sua hom. 27. in epist. 1. ad Corinth.

## CAPUT II.

*De Eucharistia prout est Sacrificium.*

Cum Eucharistiæ mysterium duplicem in se contineat rationem, Sacramenti scilicet, & Sacrificii, utpote quod institutum sit a Christo Domino non solum ut Sacramentum, sed etiam ut Sacrificium novæ legis, prius Deo offerendum quam a fidelibus sumendum; hisce persolutis quæ ad Sacramentum Eucharistiæ pertinent ut est Sacramentum, nunc operæ pretium est, ut studia nostra denuo circa ipsam versentur in iis discutendis quæ illam respiciunt quatenus est Sacrificium, quod explicatur nomine Missæ a verbo *mitto* desumpto; quia ut vult Ang. Doctor quæst. 83. art. 4. ad 9. per angelum Sacerdos preces ad Deum mittit, sive populus per Sacerdotem, sive quia Christus est hostia a Deo nobis missa, unde & in fine Missæ Diaconus in festivis diebus populum dimittit dicens: *Ite, Missa est*, scilicet *hostia ad Deum per angelum missa est, nempe sit Deo accepta*; sive quia peracto Sacrificio populus dimittitur. Quare sit ut prior Missæ pars, quæ est ab Introitu ad Offertorium dicatur Missa Cathæcumenorum, quia hæc parte absoluta olim cathæcumeni, & poenitentes mittebantur foras; reliqua vero pars Missæ appellabatur Missa fidelium, quia ad eam remanebant qui iam per baptismum, vel poenitentiam mundati erant, qua completa ad Diaconi intonationem *Ite Missa est*, discedebant. Excepiebantur tamen dies Quadragesimæ aliæque feriæ, præcipue quando celebrabatur ieiunium, nam tunc Sacrificium offerebat Ecclesia, & statim post Sacrificium celebrabatur officium vesperinum, ad quod Diaconus invitabat fideles ut remanerent dicendo loco *Ite Missa est*, *Benedicamus Domino*. Circa vero nomine *Missæ*,

ac eius antiquitatem, licet hoc nomen præcise non habeatur in Scripturis, ut obmurmurant Novatores, habemus tamen in iis id, quod in Missa continetur.

## §. I.

*De Sacrificio generatim.*

Triplex  
acceptio  
nominis  
Sacrificii.

Sacrificii nomen tripliciter accipi potest, & solet, nempe 1. latissime pro omni actione, quæ ordinata sit, & cedat in Dei gloriam, ut erogatio elemosynæ, orationes, laudes datæ Deo per sacram psalmodiam, &c. ut psalmo 49. *Sacrificium laudis honorificabit me.* Et S. Aug. lib. 10. *de Civit. Dei* cap. 9. ait: *Verum sacrificium est omne opus quod agimus, ut sancta societate inbareamus Deo, relatum scilicet ad illum finem boni quo veraciter beati esse possumus.* 2. minus late sumitur, & sunt oblationes quæ sunt ad usum seu templi, seu ipsius ministrorum, & in hac significatione nonnunquam Sacrificia dicuntur primitiæ, & decimæ in templo oblatæ. 3. Strictè tandem, & proprie sumitur Sacrificium, quando hoc vocabulum usurpatur ad denotandam oblationem soli Deo factam cum destructione, seu immutatione victimæ, & in hoc sensu hic agitur de Sacrificio.

Unde hallucinantur & Melancthor, qui in Apol. Confess. art. *de Missa* definit Sacrificium *cærimoniam vel opus quod nos Deo reddimus, ut eum honore efficiamus*; & Calvinus generaliter definiens, quidquid omnino Deo offertur, esse Sacrificium, cum hæc, ut dixi supra, non sint Sacrificia, nisi latissime, vel minus late & semper improprie. Sacrificium strictè seu proprie sumptum, quod Theologi omnes agnoscunt, & taten- tur, est præstantissimum opus Religionis, quo in res omnes supremum Dei dominium, nostramque testamur, ac recognoscimus ipsi subiectionem & dependentiam, & definitur *oblatio rei sensibilis cum eius destructione, vel immutatione soli Deo facta per legitimum ministrum ad recognoscendum supremum eius dominium in omnes creaturas, ritu mystico consecrata.*

Definitio  
Sacrificii.

Dicitur 1. *oblatio*, quæ vox locum habet generis, in quo Sacrificium convenit cum aliis oblationibus primitiarum, decimarum, ac bonorum operum, quæ ad Deum referuntur. Differt a Sacramentis, quæ ut talia ordinantur ad hominum sanctificationem. Eucharistia tamen, quæ est etiam Sacrificium sub hac ratione offertur ad Deum colendum: in Sacramentis enim Deus gratiam

suam nobis confert, & nos in Sacrificio supremum cultum Deo tribuimus. Dicitur 2. *rei sensibilis*, seu externæ, *sicut hominum natura exigit*, ait Concil. Trid. sess. 22. cap. 1. quia homines per Sacrificia in unius eiusdemque religionis cultum coadunantur: Homines enim non communicant inter se, nisi signis sensibilibus manifestent quod intus in animo gerunt; unde Sacrificium proprie dictum prout est rei sensibilis, differt, ac distinguitur a Sacrificio cordis contriti & interiorum animi affectum, quibus Deo in- hæret, ac ei seipsum offert, suæque omnia, quæ non sunt proprie Sacrificium, tametsi perfectiori modo præstent, fructum Sacrificii, quam externa oblatio. Dicitur 3. *cum eius destructione*, & in hoc distinguitur a simplici oblatione, in qua res oblata non est necessario destruenda. Additur *vel immutatione*, quia ad rationem Sacrificii satis etiam esse potest, si in victima fiat aliqua immutatio etiam mystica tantum, cum semper necessaria non sit physica ac realis rei consumptio, ut constat ex sacrificio Capri emissarii qui non mactabatur, sed velut exul eiciebatur in desertum, Levitici 16. Aliqua certe licet mystica rei immutatio, quando non sit physica & vera eius destructio aut absumptione ignis, aut divisione partium, aut liquidorum effusione, aut rerum oblatarum consumptione, requiritur ad Sacrificium, ut in hac physica, vel mystica rei consumptione, vel immutatione significetur, & resplendeat supremum Dei dominium super omnia, quod iuxta ordinem cultus latriæ, quem ex natura sua habet Sacrificium est ad Deum honorandum, ita ut sine tali immutatione non haberetur Sacrificium, sed pura oblatio, in quibus nulla intervenit rei destructio, vel immutatio. Dicitur 4. *soli Deo facta*; quia cum oblatio Sacrificii proprie dicti sit actus latriæ, ad nullum alium dirigi non potest, nisi ad solum Deum, cui talis cultus debetur; *quis enim sacrificandum esse censuit* (ait D. Aug. lib. 29. *de Civit. Dei* cap. 19.) *quam Deo, aut scivit, aut putavit, aut finxit .... sed nec ob aliud fallaces (spiritus) superbiæ si hoc exigunt, nisi quia vero Deo deberi sciunt.* Et lib. 20. contra Faustum Manichæum: *Quamvis in memoris Martyrum constituamus altaria, quis in locis sanctorum corporum assistens altari, aliquando dixit: offerimus tibi Ecce, aut Paulæ .... sed quod offertur, offertur Deo, qui coronavit Martyres.* Dicitur 5. *per legitimum eius ministrum*, non per qualemcumque hominem, quia cum Sacrificium sit actio

Sacrificium  
nonnisi  
per legi-  
timum  
minist-  
rum ef-  
feren-  
dum:  
pu

publica, & in Religione excellentissima, exigit personas specialiter designatas. Et hoc inditum videtur ab ipso naturali lumine, cum pagani ipsi suos habuerint Sacerdotes, & in lege naturæ ad patres familias spectabat, & eorum primogenitos secundum communioem, qui erant in sua familia veluti principes, ut Noe, Abraam, Iob, aliique qui sacrificia obulere. Imo Cain quoque & Abel obtulerunt sacrificia, quia etiam fratres, cum essent principia distinctarum familiarum, uterque rei propriæ consulebat; alias locum non habuisset invidia, qua Cain in fratrem exarsit. In lege vero scripta statuit Deus, quod nemo nisi descendens de Aaronica stirpe auderet altare ad sacrificandum ascendere, ideo poenam luere debuit Ozias rex, qui cum non esset Sacerdos se offerre attentaverit, lib. 2. Paralipom. cap. 26. & Saul ob culpam eandem reiectus est a Deo, & regno orbatus. In lege vero Evangelica voluit, ut ii solum, qui ab Episcopis sacra ordinatione singulari ritu essent initiati, manum mitterent in altaris sacrificia.

Sacerdotes in Sacrificio legis novæ sunt ministri Christi Domini, qui in Sacrificio Missæ est principalis offerens, qui cum semper sit vivens ad interpellandum pro nobis, manet Sacerdos in æternum sempiternum habens Sacerdotium Hæbreor. 7. ad differentiam Aaronis, qui cum a morte prohiberetur permanere, habuit successores. Verum Christus Dominus ut perpetuus Sacerdos constituit suos ministros, quibus tanquam instrumentis in sacerdotali utitur ministerio, & hi Sacerdotes licet a Christo Domino instituti & consecrati, sunt etiam ministri christiani populi, ut ait Apost. Hæbreor. 5. *Omnis namque Pontifex ex hominibus assumptus, pro hominibus constituitur in iis quæ sunt ad Deum, ut offerat dona, & Sacrificia.* Quia cum quilibet fidelis teneatur profiteri Deo externo Sacrificio suam servitutem; & constitutum sit a Deo tum in lege Moysæ, tum in lege Evangelica, ut non nisi initiati Sacerdotio per consecrationem hoc peragere valeant; ideo hisce necesse est ut utatur populus ad verum Sacrificium Deo offerendum. Quare ipse Sacerdos stans ad altare, ait: *Orate fratres, ut meum ac vestrum Sacrificium acceptabile fiat; & conversus ad Deum subdit paulo post: Memento Domine .... pro quibus tibi offerimus, vel qui tibi offerunt.* Item infra: *Hanc igitur oblationem servitutis nostræ, sed & cunctæ familie tuæ; ex quibus omnibus clare patet,*

quod Sacerdotes agnoscunt se esse Ecclesiæ ministros, ac per eorum ministerium fideles reddere specialia vota & munera suæ servitutis. Notat enim Innoc. III. lib. 3. cap. 6. *de Missæ Sacrificio*, Sacerdotes universaliter agere intentione & votis fidelium, quod suo ministerio specialiter agunt. Habentus.

Dicitur 6. *ad recognoscendum supremum Dei Dominum in omnes creaturas*; hic enim est finis principalis, & directus Sacrificii, quod principaliter & directe ad Dei cultum ordinatur, ac ideo non nisi indirecte, secundario, & de consequenti ordinatur ad consecutionem gratiæ, & sanctificationem fidelium, quatenus scilicet dignitate hostiæ, quæ offertur, mitigatur Deus, & pacificatus nobis remittit, ut habetur ex Concil. Trid. sess. 22. Christi oblatione placatur Dominus, gratiam & donum poenitentiae concedens, crimina, & peccata etiam ingentia dimittit: nam, sicuti videbimus, Sacrificium proprie sumptum est non solum lautreticum, idest in Dei honorem, sed etiam propitiatorium, impetratorium, & satisfactorium. Dicitur tandem *ritu mystico consecrata*, idest quæ aliquo sacro ritu, & cæremonia mysterium aliquod continente ex profana fiat Sacra, & Deo dicata: id enim significat vox sacrificare, idest sacrum facere; & in hoc Sacrificium differt a simplicibus fidelis populi oblationibus, primitiis, & decimis, quæ quamvis Deo offerantur, id tamen non fit per aliquem ritum mysticum, & cæremoniam.

Sacrificium vero proprie dictum vulgo distinguitur, seu dividitur vel ratione legis vel ratione materiæ seu rei oblatae, vel ratione formæ seu ritus, vel ratione finis. Ratione legis, alia sunt Sacrificia legis naturæ, qualia oblata fuere ab Abel, Enos, Noe, Abraam, & Melchisedech; alia legis scriptæ, quæ iuxta Dei mandatum, ut habetur in Levitico, obtulerunt Aaron, filii eius, & descendentes; aliud Sacrificium legis novæ, de quo acturi sumus in præsentiarum.

Ratione materiæ, seu rerum oblatarum aliud est Hostia, seu victima, aliud immolatio, aliud libamen. Hostia dicebatur, quando res oblata erat animata, scilicet aliquod animal, & vocabatur etiam victima, quia aliquando offerebatur post victoriam de hostibus reportatam; unde victima a victoria, hostia ab hostibus devictis: non omnia tamen, sed certa solummodo animalia offerebantur scilicet oves, capræ, hœdi, boves, vituli, columbæ, passeris, turtures; nam hæc offerri vetitum non erat a lege. Im-

Divisio  
Sacrificii  
proprie  
dicti.

molat-

molatio erat quando offerebantur inanimata, idest quæ anima vitæque carens, solida tamen, ut panis similæ, hordei, farris, triticum, manipuli spicarum virentium, sal, thus, & alii fructus, quæ torrebantur igne; frangebantur mollia, & sale conspergebantur. Hæc Sacerdos levabat in altum, & varie immutabat, in qua immutatione ratio Sacrificii consistebat: nam panis seindebatur in frusta, & similia sartagine, clibano, vel eraticula cremebatur, sal urebatur, thus, seu incensum adolebatur, spicarum manipulus torrebatur, & triticum conterebatur. Libamen tandem, quando res oblata erat liquida, seu fluida, ut sanguis, vinum, oleum, aqua. Eadem vero Sacrificia erant in usu etiam apud Gentiles, & ita æmulabant ex dæmonis suggestione vera Religionis mysteria.

Ratione vero formæ, seu oblationis modi dividitur Sacrificium in holocaustum, hostiam pro peccato, & hostiam pacificam. Holocaustum erat Sacrificium perfectissimum, quia in hoc postquam Sanguis victimarum suffusus erat per circuitum altaris, illæ adolebantur super altare usque ad totalem eorum consumationem, ut nihil prorsus ex iis in usum humanum remaneret, in signum videlicet, & protestationem supremæ potestatis, ac domini in res omnes, perfectæ subiectionis, & dependentiæ creaturæ a Deo. Hostia pro peccato illa erat, in qua victimæ partim cremabantur, partim servabantur in usu Sacerdotum, qui in atrio templi ex hisce vesciebantur, unde dicebantur comedere peccata populi, idest victimas, quæ pro peccatis erant oblatæ. Illud enim Sacrificium offerri solebat non tantum pro peccatis internis, sed pro quibusdam etiam externis, v. g. pro peccatis per ignorantiam commissis circa cæremonias, ut Levit. 4. & 5. Item pro peccatis furti, periurii, & calumniæ Levit. 6. & 7. Hostia tandem pacifica, sanguine effuso, partim igne consumabatur, partim edebatur tum a Sacerdotibus, tum ab iis qui eam obtulerant; & hæc offerri solebat in gratiarum actionem pro acceptis beneficiis, vel ad nova impetranda, & tunc differri poterat eius consumptio in postremum diem, non tamen ulterius. Unde ex his patet hostiarum, & victimarum Sacrificia fuisse eruenta; immolationem autem, & libamen incruenta.

Ratione tandem finis Sacrificium dividitur in lautreticum, eucharisticum, impetratorium, & propitiatorium. Lautreticum est, quod specialiter spectat ad Dei obsequium,

& cultum latræ, seu perfectæ, ac omnimodæ servitutis, & dependentiæ ab ipso ut rerum omnium supremo auctore ac domino, ad cuius protestationem Sacrificium specialiter offertur, & huius generis erat holocaustum, in quo, ut vidimus, tota victima consumabatur, & erat omnium præstantissimum. Eucharisticum est, quod offertur in gratiarum actionem pro acceptis beneficiis; impetratorium, pro beneficiis accipiendis, & utrumque est illud, quod ut antea iam notavimus, dicebatur hostia pacifica. Propitiatorium tandem quod idem est ac hostia pro peccatis, de qua pariter supra, est illud quod Deo offertur, ut reddatur nobis propitius, idest pro obtinenda remissione peccatorum, ac avertendis pœnis, ac suppliciis, quæ pro ipsis peccatis debentur.

Hæc Sacrificiorum multitudo, & pluralitas oritur ex quatuor Dei perfectionibus, quæ nos Deo devinciunt, nempe a. suprema eius Maiestas, sub cuius Dominio omnia ita subiciuntur, ut sine quavis iniuria possit auferre concessa, & optata denegare, quamvis nobis necessaria; nam quidquid nos sumus, totum ipsius est, & hoc testatur per holocaustum, in quo sincero affectu exinanimur tamquam victima igne charitatis totaliter ardens: nam protestatur Deus per Isaiam abhorre nostra holocausta, si aliquid pro nobis retineamus, nec prorsus ad illum nos totos referamus: *Ego Dominus . . . odio habens rapinam in holocausto*. b. Immensa Dei erga nos bonitas, quæ de nihilo nos eduxit, & in tot pericula nos servavit, ac servat: item quia sic dilexit nos, ut *Filium suum unigenitum daret*, in quo habemus propitiationem, & quotidie nova beneficia consequimur; hoc nos grato animo recolentes singulis diebus offerimus Sacrificium Eucharisticum; seu gratiarum actionis: idcirco in Missæ præfatione, quæ Canonem præcedit, Sacerdos populum ita invitat: *Gratias agamus Domine Deo nostro*. c. Est iustitia infinita, quæ incessanter a nostra lædatur ingratitudine. Ex hoc igitur perpetuo dolore cor nostrum afficitur; ex hoc manifestamus verax desiderium, ut integram reddamus satisfactionem, quod Sacrificio propitiatorio explicamus, in quo faciemur nos immeritos vitæ, qua fruimur, ac immolari cum exteriori victima paratos. d. Perfecta beatitudo qua Deus in perfectissima, & infinita plenitudine suarum perfectionum infinita potitur felicitate, cuius cum nos participes voluerit, eam nobis proposuit pro ultimo fine; & huic divinæ perfectioni-

Ex qua  
oriatur  
multiplica-  
tas Sa-  
crificio-  
rum.

sectioni respondet Sacrificium impetratorium, in quo anxie de tanta felicitate solliciti petimus quatenus valeant nos ducere ad eam assequendam. Et licet hoc Sacrificium nobis utile sit ad bona temporalia polcenda, non tamen ex hoc nostrae inservit carnali cupiditati, sicuti continebat apud carnales Hebraeos; sed hoc Sacrificio temporalia petimus, quatenus a Christo Domino nobis promerita sunt, & prout eius providentia velit ea ad nostram beatitudinem perducere.

Sacrificium ac-  
cessum est  
in Reli-  
gione.

Hinc colligitur, necessarium esse in Religione Sacrificium; ut facile deducitur 1. ex parte Dei, cuius maiestas & supremum dominium, quod habet super nos exigit, ut supremo adorationis cultu tum interiori, qui praeceptus est, tum exteriori, qui signum est interioris, hoc recognoscamus, & protestemur, ut ait S. Th. 2. 2. quæst. 85. art. 1. Imo cum incessanter suis nos cumulemus beneficiis, paratus ad nova semper elargienda, nec non peccata contra eum a nobis commissa expianda, si utrumque humiliter ab eo petamus hinc fit quod Sacrificium ex parte ipsius Dei necessarium sit. Sacrificium necessarium est etiam ex parte ipsius hominis ob nativam suam conditionem, non solum quia cum constet corpore, & animo, ac in omnibus a Deo dependeat, totus & animo, & corpore Deo servire debet, & suam subiectionem in omnibus ipsi testari; sed etiam quia debet se gratum exhibere bonitati ipsius Dei ob ingentia, quae ab eo recipit beneficia, & quia nova indiget identidem ab ipsa impetrare, nec non sibi eam propitiā reddere, ut sibi commissa peccata condonet, ac possit pro his satisfacere sicut debet divinae iustitiae, quam talibus iniuriis graviter læsit; quae omnia præstare nequit, nisi seipsum ac res sensibiles offerendo. Et quia denique nonnisi signis quibusdam externis sensibilibus in unitatem Religionis cum aliis associari potest; in nultum quippe nomen Religionis seu verum, seu falsum (ita S. Aug. lib. 19. contra Faustum cap. 11.) coadunari homines possunt, nisi aliquorum signaculorum aut Sacramentorum visibilibus consortio colligentur.

Hanc Sacrificiorum necessitatem agnovit S. Thomas procedere ex ingenta, seu naturali hominum inclinatione: Ex naturali ratione procedit, quod quibusdam sensibilibus rebus utatur, offerens, eas Deo in signum debita subiectionis & honoris, secundum similitudinem eorum, qui dominis suis aliqua offerunt in recognitionem dominii. Hoc autem

pertinet ad rationem Sacrificii; & ideo ratio Sacrificii pertinet ad ius naturae. Quare omni ætate, & ab omnibus gentibus, quibus fuit alicuius Numinis ac Religionis sensus; ab ipsa etiam natura inditus, oblata semper fuerunt Sacrificia. In qualibet ætate, & apud quaslibet hominum Nationes (ait Doctor Ang loco cit. 2. 2. quæst. 75. art. 1.) semper fuit aliqua Sacrificiorum oblatio: Ac ideo credit Estius, etiam in statu innocentiae futurum fuisse aliquem Sacrificii offerendi usum inter homines, ut satis indicat Concil. Trid. sess. 21. cap. 1. generaliter affirmans hominum naturam exigere externum ac visibile Sacrificium. Manifestum est autem præcepta legis naturae eadem permansisse ante, & post peccatum. Estius.

Quatuor species Sacrificiorum supra recensit & eminentiori modo, & virtualiter habet catholica Ecclesia, seu christiana Religio in suo unico sacrosancto Missæ Sacrificio, quod ob illos quatuor expositos fines quotidie offert. Nam hoc est simul lautreticum ac holocaustum seu honorarium, in quantum offertur Deo in agnitionem supremi eius Dominii; & Eucharisticum quatenus fit in gratiarum actionem pro beneficiis nobis a Deo collatis. Propitiatorium quatenus offertur, & valet ad obtinendam remissionem peccatorum, necnon poenae pro eis debita; & impetratorium, prout fit, & prodest ad beneficia Deo impetranda.

### §. II.

#### De iis quæ spectantur in Sacrificio.

In Sacrificio duo spectanda sunt, id quod significat tantum, & id, quod in Sacrificio significatur. Quod significat tantum, est exterior oblatio res sensibilis, quæ ex S. Aug. lib. 10. de Civit. Dei cap. 3. dicitur Sacrificium . . . visibile indivisibile Sacrificii Sacramentum; id est sacrum signum; ac ideo Sacrificium non secus ac Sacramentum est in genere signi. Diverſa tamen sunt illa signa, quia diverſa significant. Quod in Sacramento significatur est gratia sanctificans; quod vero in Sacrificio significatur, & quod vocari potest res Sacrificii, est cor contritum; caritas qua Deus super omnia, id est plus omnibus diligitur, ut ait S. Aug. ep. 120. & in psalm. 89. Pietas, inquit, cultus Dei, nec colitur nisi amando, hoc enim colitur quod diligitur; quia Deus rebus omnibus maior, & melior invenitur, plus omnibus diligendus est ut colatur. Hic est Dei cultus, ait lib. 10. de Civit. Dei cap. 4. hæc vera Religio,

*ligio, hæc vera pietas, hæc tantum servitus Deo debita.*

Ex his igitur sequitur, Sacrificium externum sine interiori signum esse falsum, quia significat quod non est, nempe cor contritum & humiliatum Deo totaliter deditum, & ex amore serviens, cum tamen in superbis, & peccatoribus longe sit a Deo. Sacrificium, & Sacramentum licet in ratione signi utrumque signum sit, in hoc tamen differunt, quod Sacramentum sit signum, quo Deus gratiam se conferre significat iis qui obicem non ponunt, ac proinde semper verum & infallibile; Deus enim verax est, nec falli potest, nec fallere. Sacrificium vero est signum quo homo exterius significat, ac profitetur se totum mancipare illius servituti, in quo falsitas, & mendacium esse potest, cum omnis homo mendax sit, & ita contingit in omnibus peccatoribus, qui propriis inserviunt cupiditatibus, non autem Deo; & sic eorum Sacrificia præferunt quamdam derisionis speciem; ideo sequitur, merito Deum reiecisse carnalia Iudeorum Sacrificia, tametsi ab ipso instituta, & præcepta, ut ipsi ingrata & abominabilia: *Incensum abominatio est mihi . . . . Sabbatum, & solemnitates alias non feram*, sic habetur Isaïæ c. Dixi Sacrificia carnalia Iudeorum; nam Sacrificium Christianorum etiam carnalium per se, & ratione principalis offerentis, nempe Christi Domini, semper est acceptabile, & semper est verum. Christus enim sub signis externis panis, & vini vere, & ex charitate eximia se totum offert: sed peccatores illud exterius offerentes imitantur ludum, quo milites illudebant Dominum in passione, Matthæi 27. nesciunt revera quid faciunt, ac ideo minus sunt rei, & e contra magis rei sunt pastores, quorum negligentia tanta in populis ignorantia grassatur. Habertus.

*In vera Religione debet esse Sacrificium proprie dictum.*

Quamvis ratio naturalis distet, ut iam vidimus, & natura ipsa inclinet hominem iuxta D. Th. ut ei qui est supra hominem subiectionem & honorem exhibeat secundum suum modum, unde infert S. Doct. ex ipsa naturali ratione, & inclinatione procedere, quod homo sensibilibus quibuscumque rebus utatur offerens eas Deo in signum debite subiectionis, & honoris; & hoc ad rationem Sacrificii pertinere, ac proinde rationem Sacrificii esse de iure ipso naturæ: Nihilominus ex hæreticis quicumque negarunt realem

Christi præsentiam in sacra Eucharistia, ut Petrobussiani, Albigenes, Zuingliani, & Calvinistæ, negarunt quoque Sacrificium in Ecclesia catholica. Eis autem, qui agnoscunt, & fatentur Corpus & sanguinem Christi realiter contineri in Eucharistia, ut Lutheri asseclæ, difficile visum fuit non admittere verum Sacrificium: sed cum velint, peccatorem iustificari per solam in Christum fiduciam, suis impiis illationibus (quas deducunt, ex quo Christus secundum Scripturam factus est oblatio & sanctificatio pro peccatis totius mundi, atque una oblatione consumavit sanctificatos omnes) affirmant, iniuriam inferri Passionem Christi, si alia renovetur oblatio; ac ideo negant, aliud Sacrificium præter immolatum in Cruce vim aliquam habere propitiationis, & ita negant Sacrificium incrementum altaris, scilicet Missam; concludentes, hoc incrementum altaris Sacrificium solummodo inservire ut facta passionis Christi Domini commemoratione, & fiduciæ excitata, administretur credentibus sacra Eucharistia Sacramentum. Quare in substantia, & revera, si non explicite, implicite tamen negant ii quoque cum aliis hæreticis ante notatis, Missam esse verum Sacrificium. Quocirca Lutherus in formula Missæ omnes Lithurgiæ partes quæ pertinent ad oblationem expunxit, & Calvinus Genevenses, Zuinglius Helveticos docuerunt, & admonuerunt, ut a nomine oblationis prorsus abstinerent. Et hæc fuit ratio, unde Lutherus damnaret, ac reiiceret, tamquam monstruosos detestabilesque abusus Missas privatas, in quibus populus non communicat, idest de Sacramento in iis confectio non participat. Igitur antequam expendatur catholicum dogma de sancto Missæ Sacrificio, ut eo magis ipsius veritas elucescat, ac vividius aperiatur, quam vanæ sint, ac futiles Novatorum cavillationes unde contra hoc venerabile Mysterium debacchantur, non incongruum censui præmittere, quod huiusmodi pium opus, sicuti a recto rationis dictamine, ab inclinatione naturæ inditum vidimus; ita etiam ab ipsa sincera Religionis conditione exigitur. Sit igitur.

Religio quæ vera ac legitima sit, habere debet verum supradictum Sacrificium, quia in Religione, quæ vera sit, omnia implenda sunt ac observanda, quæ a naturali lege præscribuntur, ut est Sacrificii oblatio, quæ præcipuum locum tenet inter ea, quæ ad naturale ius sunt pertinentia. Et quod Sacrificium procedat a dictamine rationis secundum ipsius naturæ inclinationem iam supra

pra demonstravimus cum S. Thoma. Insuper quæcumque saltem bene ordinata Respublica habet præcipuum exterioris honoris ritum ita soli Principi exhibendi, ut nemini alteri sine crimine læsæ maiestatis præstari queat. Unde cum Religio sit ad hoc instituta, ut debitus Deo reddatur cultus, hinc opus est ut in quavis Religione reperiatur Sacrificium proprie dictum, quod unice est ac habetur, ut verus propriusque exterioris patriæ cultus & honor. Quare gentes ipsæ verum Deum ignorantes eodem naturali impulsu quo inductæ fuere ut aliquam Religionem sibi constituerent; statuerunt etiam certa Sacrificia cum Ministris, ritibus, ac cæteris; quæ actionem hanc solemniorē redderent, iis offerendam quos pro Diis colebant, ut notat Estius. Verum quidem est, hominem per interiorē perfectæ charitatis actum, quo totum seipsum, cæteraque ad Deum refert, exhibere Deo supremum cultum, qui dicitur patriæ; sed spectato hominis agendi modo, actus charitatis aliarumque virtutum non censetur perfectus, nisi per exteriorē actum explicetur. Nemo enim dicitur perfecte misericors, humilis &c. nisi data occasione exerceat internum animi affectum, miserum puta sublevando, iniurias sibi illatas sine querela vel vindictæ spiritu sustinendo. Quisnam ergo non dicam opinari, sed ne quidem suspicari poterit, quod Christus Dominus, qui legem adimplere venerat, & perficere, non alias solvere, ac Religionis institutum indicere, quæ longe præteritis tum naturæ, tum legis superexcelleret, ab ea amoverit quæ sunt iuris naturalis, videlicet Sacrificium proprie dictum, ut Religio Christiana careat illo religionis cultu, qui unice proprius est Dei, ipsique ita convenit, ut ei soli debeat? Et revera qui ita delirant, refelluntur ab Apost. qui clare testatur habere Christianos altare & hostiam, cuius sunt etiam participes: *Habemus altare*, ait Hebræorum 13. *de quo edere non habent potestatem qui tabernaculo deservierunt*, id est qui Moysæ adhuc cæremonias servant. Altare vero non est nisi propter Sacrificium; & 1. Corint. 10. ait: *Nonne qui, edunt hostias participes sunt altaris?* Tempore etiam Apostolorum altaria habebantur apud Christianos, ut SS. Patres testantur, inter quos S. Cypr. ep. 66. S. Cyrillus Hierosolym. catech. S. Aug. lib. 10. Confes. cap. 11. Insuper horum altarium vetustatem comprobant præcipue antiqua Romanæ monumenta, ubi nunc etiam videtur & in cathacumbis altare lapideum, & vetustit-

simum, & in Titulo Equitii in quo res sacra fiebat a S. Sylvestro, alterum pariter ab eodem Pontifice consecratum in Vaticana Basilica Kal. Decembr. ut habetur in antiquioribus mss. Archivi Lateranensis. Item constructa fuerunt altaria supra Martyrum sepulchra ut habemus ex S. Aug. serm. 313. num. 5. & serm. 318. num. 1. Hæc autem altarium monumenta testimonia sunt, & manifestissimæ Sacrificii comprobationes, cum non alius fuerit eorum usus, quam pro Sacrificiis, ut comprobant & ipsi Sacerdotes, qui sicuti ad hoc iuxta Christi institutionem initiati fuerant, soli in iis altaribus offerebant, ut ex Apost. ad Hebræos 8. *Omnis pontifex ad offerendum dona, & munera constituitur*; hoc enim significat nomen Sacerdos, cum iuxta Isidorum vocetur Sacerdos a sacrificando. Confirmant pariter Sacrificii nostri existentiam perantiquæ Liturgiæ, in quibus conantur Novatores ipsi agnoscere, & fateri ritum Sacrificii proprie dicti. Luterus enim impie gloriatur in lib. *de abrog. Missæ* se scribere contra omnes SS. Patres. Et Calv. lib. 4. *Institus*. cap. 18. fatetur SS. Patres non solum nomen Sacrificii usurpasse, verum etiam ad actionem Sacrificii accessisse. Sed de hoc melius in sequenti.

## §. III.

*De nomine, existentia veri ac proprie dicti Missæ Sacrificii.*

Sacrosanctum Eucharistiæ Mysterium quatenus est Sacrificium a sanctis Patribus aliisque Ecclesiæ Scriptoribus variis nominibus expositum invenimus. Aliquando enim, imo passim appellatur *Liturgia* nomine deducta a toto illo publico & sacro ministerio, in quo perficitur. Nam Liturgia græce significat publicum ministerium. Dicitur aliquando *Synaxis*, seu unio populi fidelis cum Christo, cum Synaxis idem sonet apud Latinos, ac collecta, a verbo *congrego*, unde derivata est etiam Synagogæ appellatio: Unde aliquando etiam *Collecta* seu Congregatio dicitur, quia colliguntur, & in unum congregantur fideles ad Sacrificium peragendum. Nomine autem *Collectæ* significatur etiam Collectio Monastica, ut in Regulis SS. Isidori & Fructuosi, &c. Item & *oratio*, quæ expleto canonico officio aktiori voce nomine omnium adstantium recitabatur. Plura de Collectis habet Lupus in cap. 43. Tertulliani de *Præscriptionibus*. Aliquando *oblatio* præcipue a Latinis, ut a S. Cypr. ep. 27. Tertull. de *cultu faminarum*, & frequenter



in Capitularibus Caroli Magni, necnon in Ordine Romano, & nomine Oblationis significatur etiam Hostia consecrata, quæ dicitur *oblato formata*: Nam hostia quæ offertur, vulgo dicitur oblata a latino verbo *offerro*. Aliquando *Communio*, & ita Sacrificium appellant Nazianzenus, & Isidorus Pelius, alique Patres, usurpata parte pro toto, quoniam in Missæ Sacrificio fit Domini corporis consecratio, & participatio. Aliquando *Agenda* ut passim occurrit in Anaphorariis S. Gregorii, in Concil. Carthag. II. sub Cælestino can. 9: Ita enim *Missæ* appellatur, quia veteres dicere solebant *agere Missam*, nam Sacrificare Deo est actio singularis, & præstantissima. Hinc factum fuit actionis nomine præcipue significari canonem Missæ, quia Dominicum conficitur corpus, ut ait Walfridus Strabo: *de rebus ecclesiasticis* cap. 22. *Agenda* tamen sine addito, apud Bedam, aliove significat Missam Defunctorum. Dicitur etiam *Sacrificium Dominicum*, cum in hoc res fiat plane divina, in qua Christus verus Deus & homo Deo Patri offertur. Denique & communis, ac ordinarie dicitur *Missæ*, nomen quod aliqui Hebraicum credunt, ut Baronius ad annum 34. num. 59. alique, sed falso, quia nec apud Syros, nec apud Græcos legitur nomen *Missæ*, cum cæteroquin alia vocabula retinuerint, quibus usi sunt Apostoli, ut *Amen*, *Alleluia*, *Hosanna*. Nonnulli putant nomen *Missæ* esse græcum, deductum a vocabulo *initiatio*, *mysterium*, sive a verbo *doceo*, *instituo*, sed sine fundamento, cum iuxta observationes Bruditorum scriptum invenitur *Myssa* pro *Missæ*. Permulti tandem, & est communior, volunt vocabulum *Missæ* esse latinum, ut Bellarminus, Bona, D. Thomas, Magister Sententiarum, alique, eundem repetentes a gerundio verbi *mitto*, idest a mittendo, quasi *Missæ* idem sit ac *Missio*. Idcirco sancto Eucharistiæ sacrificio hoc nomen tributum est, sive quia Sacrificium ex donis a populo oblatis, & missis fieret, sive quia per angelum Sacerdos preces, ac hostiam Deo mittit, sicut cum aliis putat Hugo a S. Victore, qui lib. 2. *de Sacramentis* part. 8. cap. 14. ait: *Missæ dicitur hostia & oblatio, quæ per Sacerdotem, qui inter Deum & populum mediator est, ad Deum transmittitur*. Sed huius derivationis nullum apud veteres extat fundamentum: Unde verior videtur eorum sententia, qui volunt *Missam* dictam tanquam missionem, seu dimissionem: Sicut enim apud vetustiores Patres latinos *remissa* interdum posita

legitur pro *remissione*, ut apud S. Cyprianum de *bono patientiæ*, & alibi, ita *Missam* usus paverunt pro *dimissione*, qua in fine *Missæ* idest peracto Sacrificio populus dimittitur, dicente Diacono: *Ite Missa est*, qua si revertimini ad propria, ut Hugo Victorinus de *ecclesiast. officiis* cap. 41.

Usus vocabuli *Missæ* pro Eucharistico Sacrificio, non solum invenitur in Greg. Magno hom. 8. & 21. in Evangelia, & interdum alibi, in Epiphania, Scholastio, Vigilio Papa in ep. ad Eleutherium cap. 5. in Felice IV. in S. Aug. serm. 237. de Tempore, in tribus Synodis, Carthag. II. cap. 3. Milevitano, Agathensi cap. 2. Sed multo etiam ante illos eiusdem vocabuli meminerunt in suis Decretis Eabianus, Soter, Pius, Hyginus Romani Pontifices, qui non multo longè a temporibus Apostolorum floruerunt.

Duplex autem antiquitus erat *Missæ*, idest duæ in Sacrificio fiebant dimissiones. Prior fiebat post Evangelium, & Symbolum, & vocabatur *Missæ cathecumenorum*, & *penitentium*, qui, cum non eis liceret interesse divinis mysteriis, dimittebantur, & huius aperte meminit Concil. Carthag. cap. 24. & Valentinianum can. 1 hanc dimissionem denunciabat Diaconus dicens: *Exite cathecumeni, penitentes indigni*. Altera *Missæ* idest altera *Missæ* pars dicebatur *Missæ fidelium*, a qua deinde tota Sacrificii actio, *Missæ* nomen accepit, ea ratione, qua interdum a parte totum nominatur. Hac autem parte peracta, idest completa, seu tota actione Sacrificii consumata populus dimittebatur a Diacono alta voce omnibus intonante: *Ite missa est*, quasi diceret dimissio est, scilicet Sacrificium est peractum, licet abire. Hac formula dimittendi populum in fine Sacrificii dictis verbis *Ite Missæ est*, diebus, quibus totum Officium cum *Missæ* complebatur, ita ut nihil post *Missam* recitandum superesset, seu quando oratio non continuabatur, non erat in usu diebus ieiunii, aliisque, quibus post *Missam* sequebantur Vesperæ, vel aliæ preces, & sic loco *Ite Missæ est*, dicebatur *Benedicamus Domino*, quibus verbis invitabatur populus ad Deum persequens Officium laudandum. Estius. *Missæ* igitur, ut ex his facile dignosci potest, more catholicæ Ecclesiæ non solum significat simplex Sacrificium, sed totam quoad suas partes actionem integram qua Sacrificium peragitur, quatenus nempe cum Canone comprehendit ea pariter, quæ illum præcedunt, & sequuntur, puta Introitum, Epistolam, Evangelia, omniaque tandem alia.

alia, quæ ordinata sunt ad dignam honorificamque tanti Mysterii celebrationem. Estius.

**Missæ S. crif. um duplic. accip. potest.**

Observandum 1. Missæ Sacrificium secundum duplicem rationem accipi posse, & secundum substantiam, & secundum modum. Substantia istius Sacrificii est ipsamet Christus, qui est hostia in hoc Sacrificio pro nobis Patri oblata. Quare colligitur, Sacrificium altaris sub hac ratione idem esse cum Sacrificio crucis, cum in utroque Christus sit victima: Unde unum Sacrificium, unus principalis Sacerdos, cuius nomine ut alias diximus, tanquam Ministri, & instrumenta Sacerdotes Ecclesiæ hoc Sacrificium conficiunt. Per modum vero est Sacrificium altaris diversum a Sacrificio crucis: nam in cruce fuit cruentum, idest cum vera & reali sanguinis effusione, seu separatione a corpore; in altari vero incruentum, ac mystico quodam modo perfectum, quatenus Christus sub distinctis, & separatis speciebus ad instar mortui realiter existit. Ad hoc enim species sunt realiter separatæ, ut repræsentetur realis, & cruenta separatio sanguinis a corpore Christi, sicuti factum fuit in crucis sacrificio. Hinc sacrificium altaris, quod sit in Missæ celebratione, est commemorativum, simulque repræsentativum Sacrificii crucis, ac verum, & proprie dictum Sacrificium. Nam commemoratio, & repræsentatio non excludit aut Sacrificii veritatem ac proprietatem, aut realem Christi præsentiam, sicuti falso autumant Novatores, sed solum excipit modum cruentum, quo Christus semel in ara crucis se obtulit, & ibi semel mortuus est, ut non amplius tamen moriatur, imo vera & substantialis præsentia Christi corporis & sanguinis sub disiunctis panis ac vini speciebus est ratio, principium, ac fundamentum commemorationis, & repræsentationis suæ passionis, & mortis in hoc Sacramento.

Observandum 2. quod quamvis illa commemoratio sit motivum, & finis nostri Sacrificii, in illa tamen non consistit eius substantia, & essentia, sicuti volunt Novatores, acriter contendentes, totam rationem, & essentiam nostri Sacrificii consistere in mera & simplici repræsentatione Sacrificii crucis, ut Sacrificium nostrum sit nude ac simpliciter commemorativum, & repræsentativum, nec alias verum ac proprie dictum Sacrificium quod apertissimum est error.

Observandum ultimo, quod licet Christus in ara crucis solverit etiam superabundanter pretium pro nostra redemptione, nihilomi-

nus nostrum in altari Sacrificium est propitiatorium, quatenus per ipsum fructus pretii a Christo pro omnia redemptione sortiti nobis applicatur, seu communicatur. Hisce præmissis sit.

Sacra Eucharistia est verum, ac proprie dictum legis novæ Sacrificium, quod in Missæ actione offertur. Facile hæc veritas patebit, quando ad mentem revocemus quæ diximus de exigentia, quam habet vera Religio, ne ipsi desit suum Sacrificium, utpote quod sit de iure naturali, idest iuxta D. Th. ibi laudatum, procedens a dictamine rationis, & naturali inclinatione. Nam si Deus in ipso mundi exordio dum hominis naturam conderet, inseruit in eius animo inter alias naturæ leges, & inclinationes, legem quoque ac studium exhibendi specialem reverentiam supremo Numini externis oblationibus, ut huiusmodi cultus, qui unice ipsi Deo convenit, semper venerarentur homines supremum eius dominum ac maiestatem: imo si in constituenda per Moysen in filiis Israel suæ servituti ac cultui Synagoga, quam Ecclesiæ suæ figuram proposuit, inter alia modo præcipuum illis ordinavit oblationes & Sacrificia, quibus eum honorare deberent; necessario credendum sequitur, Christum Dominum, qui non venit solvere legem vel naturæ vel Moysi, sed utramque per legem novam vero implere, & implendo tollere quæ imperfecta erant ea ad perfectionem adducendo, ac in meliorem formam transferendo, ac ita complere quod antea præsignaverat in figuris, ac quid indecenter ac superstitiosum substitueretur, non minus novo quam veteri populo provisum voluisse, nempe, ut sicut in veteri lege, in nova quoque externum Sacrificium haberetur; & ita populus christianus & legi naturæ satisfaceret, & Moysæ in quantum Sacrificia legis Moysæ translata & mutata esse intelligantur, vel potius consummata eo sacrificio, cuius illa erant symbola, & figura. Estius. Et equidem hoc fecit Christus Dominus in ultima Cœna, in qua celebrato veteri Pascha, ut novi Testamenti auctor veteribus institutis finem imponeret, & novum Pascha instituit, offerens corpus suum & sanguinem Deo Patri, ac ea suis discipulis sumenda porrigens; & quod ipse fecerat; in posterum in mortis suæ memoriam usque in finem sæculi ut ab illis discipulis, eorumque successoribus fieret præcepto. *Hæc quotiescumque feceritis, in mei memoriam facietis.* Nam sicuti veteri populo præceptum fuit, ut in memoriam liberationis ex capti-

vita-

vitae Ægyptiaca agnum Paschalem quolibet anno offerret, ita præcepit Christus, ut in memoriam liberationis quam ipse per suam passionem, & mortem operatus est a iugo inferni, & peccati; id quod ipse fecit coram discipulis in ultima Cœna, deinceps fieret per suos discipulos, & successores in suo populo, idest in sua catholica Ecclesia; ac ideo ex analogia, quæ intercedit inter agnum Paschalem, & sacram Eucharistiam, satis colligitur, Sacrificium quod Christus Dominus in sacra Eucharistia instituit, & in Ecclesia offerendum præcepit, non esse Sacrificium improprie acceptum, ut non minus impie quam pertinaciter contendunt Novatores, idest solam commemorationem Dominicæ passionis, & mortis secundum aliquos, sive meram ipsius corporis distributionem, & communionem secundum alios, sed veram oblationem, quæ veram rationem habet Sacrificii. Et omissis aliis antiquis figuris, quæ in veteri Testamento positæ fuerunt in signum huius admirandi Sacrificii, ut Sacrificium Melchisedech, in quo panem & vinum obtulit, & aliæ vetera Sacrificia, quæ hoc præfigurabant, & præcipue illud agni Paschalis, de quo paulo ante, cuius immolatio fuit præ aliis prior, ac clarior typus Eucharistica immolationis, ut ex eo constat quod Apostoli corpus Domini in Cœna sacramentaliter manducarunt, ut habetur ex Teophilato in cap. 28. *Matthæi*: & Omissis aliis Prophetarum oraculis, quibus multo ante inaugurati sunt hanc divinam oblationem, quæ congesta habetur in tot insignibus Theologis, qui fusius, & ex professo rem hanc pertractant; satis mihi erit ad veritatem hanc comprobendam proferre vaticinium Malachiæ, qui cap. 3. ita loquitur: *Ab ortu Solis usque ad occasum magnum est nomen meum in Gentibus, dicit Dominus, & in omni loco sacrificatur & offertur nomini meo oblatio munda*. Hoc inter alia elegi testimonium, quia ita clare hic vaticinatus est Malachias veritatem, ac proprietatem nostri incruenti Sacrificii, quod quotidie super altaria nostrarum Ecclesiarum immolatur, & offertur, ut non solum omnes SS. Patres hunc textum de hoc Sacrificio interpretati sint, inter quos S. Iustinus in Dialogo cum Tryphone, S. Irenæus lib. 4. cap. 17. Chrysostomus in psalm 95. Hieronym. & Theodoretus in Malach. S. Aug. lib. 9. *de Civit. Dei* cap. 23. & alij, imo etiam Rabbinj omnes apud Galatinum lib. 11. cap. 9. supradicta Malachiæ verba explicarunt de vero Sacrificio sine victimarum

cruore, ac loci coarctatione offerendum. Sic P. Berti.

Et hanc doctrinam de veritate & proprietate nostri Sacrificii confirmarunt inter celebriora Concilia, Nicænum can. 18. in quo vetat Diaconis, ne deinceps audeant administrare sacram Eucharistiam Sacerdotibus; quod, inquit, nec Regula, nec consuetudo tradidit, ut ab iis qui potestatem non habent offerendi, Christi corpus accipiant. Unde supposuit Eucharistia esse Sacrificium, & non a Diaconis, sed a Sacerdotibus oblatum: Ephesinum I. qui in declaratione anathematis 11. *Sanctum*, (ita habet) *ac vivificum, incruentumque in Ecclesijs peragimus Sacrificium*. In hoc sensu locutum est Concil. Toletanum 12. aliæque, & tandem Trident. definivit Eucharistiam vere ac proprie dictum esse Sacrificium sess. 22. can. 1. in quo sic legitur. *Si quis dixerit in Missa non offerri verum ac proprie dictum Sacrificium ... anathema sit*, & similia can. 3. & 4.

Sed dicet fortasse quisquam, non dari aliam analogiam inter agnum veteris Testamenti, & Eucharistiam novi, ut a consonanti ratione concludi queat, Eucharistiam esse verum Sacrificium in novo Testamento, æque ac illius Agni immolatio erat in veteri; quia in agno non minus quam in principio, deinceps pariter vere fiebat mactatio, seu agni occisio. Christus autem olim semel mactatus in cruce & occisus non amplius postea occiditur, nec patitur, nec moritur: ac proinde cum ad veram Sacrificii rationem requiratur mactatio seu occisio victimæ, idest eius immutatio, non apparet quomodo Eucharistia possit esse verum Sacrificium, in quo Christus, qui est hostia, & victima, non mactatur, seu non occiditur, ac ideo non immutatur.

Resp. quod licet revera Christus in Eucharistia non mactetur, occidatur, & immutetur physice, & realiter, adhuc subsistit analogia Eucharistiæ cum agno; & ideo non minus quam agni immolatio in Synagoga fuerat verum sacrificium, ita Eucharistia est in Ecclesia. Nam tamen non interveniat in Missæ sacrificio physica victimæ mactatio & occisio, sed tamen mystica, dum calix separatim consecratur, qua consecratione vi verborum sanguis Christi ponitur ut a corpore effusus, quamvis per concomitantiam cum sanguine adsit etiam corpus, ut alias diximus, & hoc mystica effusio sufficit ad Sacrificium, quod non est cruentum, sed cruentum in singulis repræsentat. Et tale fuit Sacrificium, idest incruentum etiam

etiam in sua institutione in ultima Cœna, in qua Christus posuit sub vini specie suum sanguinem non physice, sed tantum mystice a proprio corpore separatum, ut constat ex verbis ipsi Christi Domini, qui præbendo calicem discipulis non locutus est de sanguine effuso, idest physice, & realiter a corpore segregato, sed effundendo seu separando: ait enim: *Hic calix sanguinis mei ... qui pro vobis effundetur*, nempe in cruento crucis Sacrificio. Unde, ut alias dictum est, habetur in hac mystica inamolatione etiam immutatio victimæ, & consummatio in specierum assumptione, quæ, ut videbimus, sunt partes integrales huius Sacrificii inveniendi, & complementum. De veritate huius Sacrificii assertit nimis planam probationem Apost. 1. Corinth. 10. ubi retrahere volens fideles ab idolorum sacrificiis, & dæmonum societate, ait: *Videte Israel secundum carnem: nonne qui edunt hostias, participes sunt altaria?* Et paulo post: *sed quæ immolant Gentes, dæmoniis immolant, non Deo. Nolo autem vos socios fieri dæmoniorum. Non potestis calicem Domini bibere, & dæmoniorum: non potestis mensam Domini participes esse, & mensam dæmoniorum.* Conferens hiæc verbis Apostoli mensam Dominicam, idest mensam Corporis & Sanguinis Domini (patet enim ex antecedentibus de ea mensa hic loqui D. Paulum) cum altari Iudæorum, & mensa dæmoniorum satis manifeste innuit quid per mensam, & altare intelligat. Et ex hoc consequitur, Eucharistiam antequam sumatur a fidelibus esse Sacrificium, quod prius Deo offertur, non secus ac fiebat in ipsis Sacrificiis Iudæorum, & Gentilium inanibus divinitatibus. Et in tali sensu eum locum iuxta communem Patrum interpretationem intellexit Concil. Trid. sess. 22. cap. 1. Ita alia pariter Scripturæ testimonia loquuntur, ita SS. Patrum traditio ex quibus aperte colligitur; S. Eucharistiam esse verum ac proprie dictum Sacrificium. Quæ testimonia brevitatis gratia præterire censui, eo quia ex antea allatis, prout attinet ad præsens nostrum institutum, catholicum dogma satis superque comprobetur.

## §. I V.

*De eo in quo ratio Missæ Sacrificii consistat.*

Non est hic quæstio, quomodo Eucharistia, vel eius oblatio, consecratio, fractio, sumptio recte Sacrificium vocentur, sumentum, catholicum dogma satis superque comprobetur.

*Instit. Theol. Moral. Tom. IV.*

do nomen Sacrificii in sua lata, seu generali acceptione, quia cum Sacrificium generaliter sumptum sit, iuxta D. Augustinum lib. 10. cap. 6. *de Civit. Dei*, omne opus bonum quod agitur ut sancta societate Deo inhaereamus, manifeste constat dictas actiones, non secus ac omne aliud opus bonum quod in Deum referatur, includi in hac generali ratione Sacrificii, cum etiam in Scriptura hostiæ, & sacrificia Deo grata dicantur spiritus contribulatus, ut in Psalm. 50. corpus castum & spiritui subiectum, ut Rom. 12. elemosynæ in pauperes, Rom. 15. Philippens. 4. &c. Sed hic inquiritur quomodo in Eucharistia, seu in actione aliqua ex supradictis, Sacrificium secundum specialem Sacrificii acceptionem reperiatur. Nam si offeratur Deo Eucharistia abique eo quod circa eam nulla intercedat mutatio, sicuti olim primitiva frugum, aliorumque offerebantur a populo, nec tamen statim consumebantur, sed servabantur in necessarios sacrorum ministeriorum usus, hac ratione Eucharistia dici poterit oblatio, non tamen verum Sacrificium, non secus ac dicta erant meræ oblationes, non vera Sacrificia. Quare cum in veteri Lege ea quæ offerebantur, sacrificia appellarentur, in quibus ob quosdam actus, idest mactationis, divisionis, comestionis, combustionis, qui circa ea versabantur, aliqua fieret mutatio in recognitionem supremi dominii Dei, ac eius Maiestatis; hinc quia infra celebrationem Missæ in qua conficitur sacræ Eucharistiæ Sacrificium, variæ occurrunt actiones, idest oblatio, consecratio, fractio, sumptio, non levis difficultas versatur inter Scholas catholicas in assignando, in quam ex hisce actionibus sita sit ratio seu essentia Sacrificii. Nulla hic fit mentio illius partis Liturgiæ, ex qua etiam constat integra actio Missæ, quæ instituta est ab Ecclesia; quia cum Sacrificium Missæ sit divinitus institutum, eius essentia reponi nequit nisi in iis quæ sunt institutionis divinæ, & neutiquam in iis quæ sunt institutionis humanæ, qualis est Missa catechumenorum, idest ab Introitu usque ad finem Evangelii. Ad clariorem ergo rei dilucidationem singula expendemus, ut facilius deprehendatur quidnam sit, cui magis vera & propria ratio Sacrificii conveniat, unde rationabiliter & cum fundamento concludi possit in ea Sacrificii Eucharistici essentiam consistere.

Et quia ad veram rationem Sacrificii contingere debet aliqua rei oblatæ mutatio, hinc

Q

hinc plura discutienda occurrunt, idest num conversio panis & vini per quam fit realis mutatio, & quædam panis & vini destructio, præcise sumpta habeat rationem veri Sacrificii; num consecratio prout ponit Corpus & Sanguinem Domini sub speciebus panis & vini sola rationem habeat sacrificii; an necessario consecrationi addi debeat communicio, in qua amittit Christus esse sacramentale; an Sacrificii ratio in unius solius speciei consecratione salvetur? Quamvis variant in harum solutione Scholarum sententiæ, cum cæteroquin in iis, quæ evidenter demonstrant firmum & constans apud eos haberi catholicum dogma de existencia Sacrificii Missæ, unanimes consentiant, idest in Liturgia, seu in ordine Missæ omnia contineri, & observari quæ a Sacrificii proprie dicti ratione requiruntur, & consecrationem essentialem esse Sacrificio; tamen inferre nequeunt Novatores ex illa opinionum varietate, quibus inter se orthodoxi Doctores disputant, Missæ Sacrificium esse purum humanum figmentum, sicuti impie contra tam venerabile mysterium debacchantur. Observant Catholici rite & religiose quidquid ad essentiam spectat cuiuslibet Sacramenti, & huiusce Sacrificii: sed cum non fuerit expresse revelatum quoad aliqua Sacramenta, sicuti etiam quoad hoc Sacrificium, sed solum ex aliis revelatis cum aliqua obscuritate sit colligendum, in quo præcise eorum essentia consistat; hinc ubi designandum est quid id in illis Sacramentis sit essentialia, quid accidentale, & circa Eucharistiam quo sensu consecratio rationem habeat Sacrificii, diversæ, & inter se pugnantes exortæ sunt Doctorum opiniones, quarum quænam sit, inter eas quæ prodierunt in eo assignando in quo extat essentia Sacrificii Eucharistici, magis veritati proxima nunc discutiemus. Sit igitur.

1. Essentia Sacrificii Missæ non consistit in oblatione panis & vini, neque in eorum immutatione præcise sumpta, quia cum Sacrificium reponi debeat in oblatione & immutatione rei, quæ est Sacrificii victima; & cum panis & vinum non sint victima huius Sacrificii, sed Christus Dominus; igitur in panis & vini oblatione, & eorum immutatione in corpus & sanguinem Christi Domini essentia Sacrificii reponi nequit. Sacrificium enim incruentum altaris licet diversum quoad modum, idem tamen est cum Sacrificio cruento crucis, utpote quod non solum sit illius commemoratio, sed perpetua ipsius innovatio, seu eiusdem victimæ

immolatio: Idcirco idem Christus Dominus, qui in Sacrificio cruento fuit victima, ut ait Apost. 1. Corinth. 5. *Pascha nostrum immolatus est Christus*, est etiam victima in Sacrificio incruento; & est de Fide, sicuti cum SS. Patribus definit etiam Conc. Trid. sess. 22. cap. 2. *in divino hoc Sacrificio . . . idem ille Christus continetur, & immolatur*: pertinent quidem species panis & vini ad Eucharisticum Sacrificium per modum conditionis, ut videlicet victima sit sensibilis, & Sacrificium hoc offeratur secundum ordinem Melchisedech, hoc est sub symbolis panis & vini; non pertinent vero per modum partis, eo quod Christus sit tota victima.

2. Communio Sacerdotis non est pars essentialis, sed solummodo integralis Sacrificii Eucharistici. Si enim consumptio consecratorum, seu Sacerdotis communicio pertineret ad essentiam Sacrificii, quia non est certum, saltem de Fide, Christum Dominum in ultima Cœna suum corpus & sanguinem sumpsisse, idest sacramentaliter communicasse, non constaret obtulisse Eucharistiam in ultima Cœna tanquam Sacrificium. Item per sumptionem res oblata non mutatur nisi localiter, quæ mutatio non sufficit ad essentiam Sacrificii: Insuper communicio non est actio propria solius Sacerdotis, sicuti est consecratio, cum & laici communicent, & Diaconi ut extraordinarii Ministri distribuere possint sacram Eucharistiam. Iuveninus. Est quidem communicio pars integrans sacrificium, idest ad sacrificii integritatem pertinens: nam in veteri lege inter actiones quæ pertinebant ad Sacrificium erat, ut oblata consummarentur iuxta Sacrificii conditionem vel ignis combustionem ut in holocausto, vel offerentium comestione, vel partim igne, partim comestione offerentium, ut fiebat in hostia pacifica. Quod vero Christus Dominus tale instituerit suum Sacrificium patet tum ex eo, quod in huius institutione præcepit Apostolis, ut hoc facerent in eius memoriam: *Hoc facite in meam commemorationem*, quæ verba exponuntur ab Apost. 1. Corinth. 11. etiam de communione; tum ex traditione Ecclesiæ, ex qua habetur Ecclesiam semper sensisse ita necessariam esse ad Sacrificii integritatem oblatarum consummationem, ut iusserit, si forte contingat Sacerdotem celebrantem ante communionem corripere repentino morbo ut alter subrogetur etiam non ieiunus, qui utramque speciem sumat ad hoc ut Sacrificium perficiatur: Unde S. Th. quæst. 83. art. 3. arguit communionem celebrantem.

lebrantis esse non solum præcepti divini, sed etiam spectare ad Sacrificii integritatem, cum ad ministrandum viaticum, quod est præcepti divini in articulo mortis, non permittat Sacerdotem non ieiunum Sacrificium conficere. Quare cap. *Cumquærimus de consecr. dist. 2.* arguitur immanis Sacrilegii celebrans, qui utramque speciem non sumat, & cap. *relatum* dicitur: *quale erit Sacrificium, cuius nec sacrificans particeps esse dignoscitur?* Ita ut si forte hostia infecta esset (advertunt Rubricæ) ad Sacrificii complementum alia esset consecranda, & sumenda. Insuper communio tradenda est novis in die suæ ordinationis Sacerdotibus, dum & ipsi cum Episcopo concelebrant, ex consecratis in eodem Sacrificio, & non ex iis quæ ex alio servata habeantur in pyxide, ut præscribit Pontificale.

Utrum vero adstantes fideles Sacrificio iure divino fieri debeant illius participes, ut vult Lutherus & ipsius affectu, videbimus quando sermo habebitur de celebrat. Missæ privatæ contra eosdem heterodoxos, qui hanc improbant, & præcipue ex hoc capite, quia in omnibus Missis privatis non fiat adstantium communio.

Num autem fractio specierum spectet ad essentiam Sacrificii, negant aliqui, cum fractio solum instituta sit ad distributionem. Rectius tamen affirmant alii & probant, quia in fractione fit expressa commemoratio passionis Domini, dicente Sacerdote: *Agnus Dei qui tollis peccata mundi*, & Apost. 1. Corinth. 11. ait, Christum dixisse in huius Sacrificii institutione: *Hoc est corpus meum quod pro vobis frangitur*, quod latini vertunt *pro vobis offertur*, ut intelligatur fractionem illam oblationis huius Sacrificii partem constituere. Hinc S. Chrys. hom. 24. illud 1. Corinth. 10. *Panis quem frangimus, nonne communicatio Corporis Christi est* refert ad repræsentationem passionis Christi, & hoc alii quoque Patres agnoscunt; S. enim Thomas 2. 2. quæst. 83. art. 3. ad 3. inter actiones, in quibus Sacrificium hoc consistit, ponit seu numerat etiam fractionem. Nec fractio quæ fit a Sacerdote post recitationem Orationis Dominicæ dici potest instituta ad distributionem, ut ex eo patet, quod nulla earum particula populo distribuatur, sed omnes tres sumantur a Sacerdote. Imo id exigat Missæ cæremonia, ut una earum demittatur in calicem, ac sanguini misceatur non sine mysterii significatione. Estius cum aliis.

3. Sequitur ex supradictorum examine, to-

tam Sacrificii incruenti essentiam consistere in sola consecrationis actione. Dico hoc sequi ex supradictorum examine; nam si in aliis Missæ partibus quas expendimus non consistit illius essentia, recte inferri potest, quod hæc tota in consecratione, quæ est ultima ratio Sacrificii discutienda, consistat. Et equidem si ad veram Sacrificii proprie dicti essentiam duo præcipue concurrere debent ac requiruntur, oblatio videlicet victimæ, & eius sensibilis immolatio, in nulla alia Missæ actione verius & melius hoc peragitur ac perficitur, quam in consecratione.

Et quoad primum, nempe quoad oblationem, unanimes ut certum sustinent Theologi in consecratione veram fieri oblationem; nam eo ipso quod victima adducitur ad altare immolanda, victima offertur, & consecratur. Quare cum Christus Dominus per consecrationis actionem, veluti agnus & victima sensibilis per panis, & vini species, sistat in altari, seu ponatur, sequitur quod per talem actionem fiat vera eius oblatio. Discrepant tamen Theologi in assignanda ratione, qua dici queat Christum immolari in consecratione; unde de Christo docet fides cum Apost. Rom. 6. *quod iam non moritur, mors illi ultra non dominabitur*.

Docent bene multi, inter quos Estius lib. 4. in 4. dist. 12. §. 2. Christum in altaris Sacrificio hoc ipso immolari per consecrationem non quidem cruentem, sed incruentem, quo vi verborum ipsius consecrationis Corpus eius sine Sanguine ponitur sub speciebus panis, & Sanguis sine Corpore sub speciebus vini, quamvis per concomitantiam utrumque sub qualibet specie actu & de facto contineatur; Nam dicunt ipsi, in hypothesi quod durante Moysis lege agnus per Sacerdotem accepisset vulnus lethale, & de se efficax ad effundendum eius Sanguinem, agnus vere fuisset immolatus, quamvis Deus per miraculum Sanguinem in venis hostiæ retinisset, vitamque eius servasset. Hoc idem fit in altaris Sacrificio: Sacerdos enim per verba consecrationis, veluti per spirituales gladium, separat Sanguinem a Corpore Christi, nam verba id quod significant, operantur: igitur in consecratione mystica quidem, sed vera fit separatio, & doctrinam hanc sequitur Tournelleus, & est communior. Nec mirum videri debet, quod consecratio, quæ est actio productiva seu adductiva Corporis & Sanguinis Domini sub speciebus panis & vini, secundum allatam expositionem immolationis Christi per eandem consecrationem appareat productiva si-

Q 3 mul,

mul, & destructiva, quia destructiva est non rei iam præexistentis, sed rei ponendæ, quatenus Sacerdos quantum in se test ponit sub speciebus panis Corpus exangue, ac ideo censetur esse aliquid destruere quod ponendum erat, nempe Corpus vivens.

Alii vero licet concedant huiusmodi explicationem exhibere veram mysticam immolationem quæ satis est ad verum & propriè dictum Sacrificium, quia tamen eis videtur subtilior nec habens sufficiens fundamentum a Scriptura, aut Traditione, ut dici queat Christum in tali immolatione inveniendi Sacrificii essentiam reposuisse; idcirco negant in consecratione ullam fieri immolationem, sed volunt in ea offerri sub speciebus panis & vini Christum Dominum iam olim in cruce immolatum, & hoc sufficere ad veram rationem Sacrificii commemorativi. Quod tamen ut magis pateat.

Notandum, quod cum Sacrificium non habeat esse nisi moraliter, ad ipsius essentiam & existentiam non requiritur, ut eius partes, oblatio scilicet & immolatio physice coniungantur, sed satis est, ut hoc fiat tantum moraliter per intentionem offerentis. Adducuntur in exemplum sacrificia veteris legis, in quibus immolatio præcedebat aliquo tempore oblationem, aliquando subsequēbatur, ut in Sacrificio pro peccato in quo ex duobus hircis qui offerebantur, unus primo mactabatur, deinde Summus Pontifex. Sanctuarium ingrediebatur, & ibi eius sanguinem offerebat; alter vero prius vivus offerebatur, & postea mittebatur periturus in deserto. Similiter Christus Dominus mundum ingrediens obtulit seipsum Patri. In ultima quoque Cœna post oblationem agni legalis præbuit seipsum verum Agnum sub speciebus panis & vini paulo post in cruce immolandum. Denique e sepulchro redivivus servatis plagarum insignibus summus assistens Pontifex introivit semel per proprium sanguinem in Sancta, seu in cœlum, Hebræor. 9. unamque offerens hostiam pro peccatis sedet ad dexteram Dei in sempiternum, Hebræor. 10. His positis sit.

† Sacerdotes Aaronici nullam immolationem peragebant in Sanctuario, quia oblatio sanguinis victimæ quam faciebant in Sanctuario, præsupponebat, seu sensibiliter representabat immolationem præteritam extra Sanctuarium peractam, & tamen in figura Sacrificii nostri verum sacrificium offerebatur. Igitur, ut in Ecclesia veritas figuræ respondeat, non requirenda est nova

immolatio in consecratione, sed sufficit oblatio victimæ iam in cruce immolatæ, & positæ in altari sensibiliter sub speciebus panis & vini, in quibus representatur effusio & separatio sanguinis a corpore, quæ iam præcessit in reali Agni immaculati mactatione. Insuper Christus Dominus, ex iam dictis, & in Ecclesia & in cœlo manet Sacerdos in æternum secundum ordinem Melchisedech, quatenus non cessabit utrobique seipsum offerre: Unde cum in cœlo, quod ingressus est in proprio sanguine, non secus ac Aaron in alieno sanguine Sanctuarium ingrediebatur, non immolet seipsum, sequitur, ad officium huius Sacerdotii non requiri ut semper fiat mactatio; sed sufficit si victima semel in cruce mactata incessanter live in cœlo, live in terra offeratur.

Et equidem Sacrificium crucis, & Sacrificium altaris in substantia sunt unum & idem Sacrificium, sed solum diversum quoad modum offerendi. Ita sentiunt SS. Patres, & Concil. Trid. sess. 22. cap. 2. ubi ait: *Una . . . eademque hostia, idem nunc offerens Sacerdos ministerio, qui seipsum tunc in cruce obtulit, sola offerendi ratione diversa*. Non esset autem unum & idem Sacrificium, nisi esset eadem immolatio; quod ut clarius elucidetur notandum occurrit ad Sacrificium propriè dictum requiri, ut iam non semel antea dictum fuit, & mactationem victimæ sensibilis, & exteriorem oblationem cum interiori intentione offerentis. Hæc tamen secunda non requiritur ut essentialis Sacrificio, sed ut Sacrificium exterius sit acceptabile, quæ si nunquam deesset ex parte ministri, qui est minus principalis offerens, semper tamen habetur in principali offerente, qui est Christus Dominus: unde Missæ sacrificium semper Deo est acceptissimum: *nulla indignitate*, ait Concil. Trid. loco cit. sess. 22. cap. 1. *aut malitia offerentium inquinari potest*. Duo vero priora ita sunt necessaria ad naturam Sacrificii propriè dicti, ut sine alterutro stare nequeat, sed primum & præcipuum locum obtinet immolatio victimæ; quia est differentia essentialis per quam Sacrificium differt ab aliis oblationibus, eo quod per eam præcise significatur supremum Dei dominium, ac nostra omnimoda ab eo dependentia, & ex hoc est signum determinatum supremi cultus, qui *latria* appellatur. Ex his plane deducitur, Sacrificii unitatem repetendam non esse ex unitate exterioris oblationis, quæ pluries iterari potest in eodem

dem Sacrificio, sed ex unitate immolationis eiusdem victimæ; quia si eadem victima semel mactata per divinum miraculum revivisceret ut iterum mactaretur, tunc non unum, sed duo essent Sacrificia; quia duplex esset immolatio, duplex signum externum nostræ dependentiæ a Deo.

Sed opponitur illud D. Aug. ep. 23. ubi ait: *Semel immolatus est in se ipso; in Sacramento omni die in populo immolatur.* Igitur in Missæ Sacrificio alia est immolatio ab immolatione crucis.

Resp. alia ab immolatione crucis ea est quæ fit in altaris, seu Missæ Sacrificio, sed mystica, quæ a S. Doct. dicitur immolatio in Sacramento nempe in signo, cum Sacramentum sit signum sacrum; non vero immolatio realis ad Sacrificium proprie dictum necessaria. Theologi omnes agnoscunt in consecratione immolationem mysticam, sine qua Missa non esset Sacrificium proprie dictum, ut illud quod fit ex præsanctificatis, feria 6. in Parasceve. Sed quæstio est, num illa immolatio mystica per se, & sine ordine ad cruentam crucis immolationem sufficiat ad rationem veri Sacrificii, quod negat posterior sententia, quia ut constat ex iam dictis Sacrificii ratio seu essentia consistit in consecratione, utpote quæ realiter Christum præsentem ponit in altari sub speciebus panis & vini ac per eam immolatur & offertur Deo Patri in memoriam ac repræsentationem cruenti Sacrificii crucis. Hinc oritur difficultas, utrum ad illam mysticam immolationem ac repræsentationem Sacrificii crucis omnino necessaria sit utriusque speciei consecratio, an integra & perfecta illa esse possit, etiam si in una sola specie consecratio fieret. Non conveniunt in hoc definiendo Theologorum sententiæ; Negant enim nonnulli ad essentiam Sacrificii necessariam esse utriusque speciei consecrationem tum ob auctoritatem D. Bernardi, qui eis favere videtur in ep. 69. ubi ait: *Sacerdotem qui post consecrationem in Missa decursu deprehendit in calicem infusam esse solam aquam, non teneri infundere vinum, & consecrare;* tum quia vera est consecratio panis sine consecratione calicis, in qua vera panis consecratione Christus offertur, cum per eam in altari ponatur tanquam victima, & immoletur, ac ideo cruentum crucis Sacrificium repræsentatur; eo quia vi verborum corpus eius ponatur sine sanguine, ac proinde ad instar mortui, ut erat in cruce postquam expiravit. Unde concludunt consecrationem calicis pertinere ad solam in-

*Instit. Theol. Moral. Tom. IV.*

tegritatem, & neutquam ad essentiam Sacrificii Missæ.

Sed communis sentiunt Doctores, consecrationem utriusque speciei pertinere ad essentiam Sacrificii, quia Christus Dominus ita docuit suo exemplo, & præcepto in ultima Coena in qua tanquam Pontifex secundum ordinem Melchisedech panem, & vinum consecravit, & mandavit Apostolis, eorumque successoribus, ut idem facerent in sui commemorationem, ut explicat, & simul definit Concil. Trid. sess. 22. cap. 1. ubi ita habetur: *Christus secundum ordinem Melchisedech se in æternum constitutum declarans, corpus & sanguinem suum sub speciebus panis & vini Deo Patri obtulit, ac sub earundem rerum symbolis Apostolis, quos tunc novi Testamenti constituat Sacerdotes ut sumerent tradidit; & eisdem eorumque in Sacerdotio successoribus, ut offerrent, præcepit per hæc verba: Hoc facite in meam commemorationem ut semper Ecclesia intellexit ac docuit.* Quare sicut semper tenuit Ecclesia, ac perpetuo usudeclaravit, Christum instituisse Sacrificium consecratione utriusque speciei, & hoc Sacerdotibus observandum iussisse (non secus ac in baptismo, quia ita Christus Dominus instituit fieri debet totius Trinitatis expressio, tametsi baptizando in nomine Dei vel Iesu Christi tres personæ intelligantur) sic requiritur clarissima passionis repræsentatio, qualis non est si repræsentetur Corpus Christi exangue, & ita docet D. Th. quæst. 80. art. 12. ad 3. Ad illud vero D. Bern. resp. S. Patrem ita locutum fuisse, quando nondum res dilabunda erat ab Ecclesia, quæ tandem præscripsit, ut in allato casu infuso vino calix consecraretur. Illud vero quod ab aliquibus refertur scilicet Summos Pontifices Innocentium IV. & VIII. dispensasse cum Saxonibus, & Norvægis, ut calicem sine vino consecrarent, fictitium est, cum ex divina institutione nulla calicis consecratio fieri possit sine vino. Habertus, Tourneleius.

Circa oblationem vero, si inquiratur quæ locum obtineat inter partes Sacrificii, certum est, si intelligatur de oblatione exteriori quam secum implicite affert exterior Sacrificii ritus, totum Sacrificium esse quodammodo continuam oblationem, quia actiones omnes iam dictæ sunt circa rem quatenus Deo offertur: si vero intelligatur de oblatione vocali, quæ fit in Liturgia tum ante, tum post consecrationem, neutra pertinet ad essentiam Sacrificii, quia in prima non offertur victima, idest Christi corpus,

Q 3 quod

Ex communi Docto- rum con- secratio utrius- que spe- ciei spe- ctat ad essen- tiam Sac- rificii.

De loco quem habet oblatio in Sacrificio.



quod tunc praesens non est, & tamen offertur in Eucharistiae Sacrificio; & in secunda nulla per eam nec mystica quidem sit in victima mutatio, quae tamen, ut iam antea dictum fuit, ad Sacrificii essentiam requiritur.

Sacrificium altaris non differt essentialiter a Sacrificio coenae, & crucis.

Si inquiratur, an Sacrificium altaris differat essentialiter a Sacrificio Coenae, Crucis, & Moysaey, resp. 1. non differt essentialiter a Sacrificio ultimae Coenae, sicuti iam alias attigimus, quia in utroque eadem est hostia, idem principalis Sacerdos Christus Dominus. Differunt tamen accidentaliter in aliquibus conditionibus, puta quia in Sacrificio ultimae Coenae Christus oblatus est mortalis, non ita vero in Sacrificio Missae, licet sub quodam statu mortis ob mysticam ipsius immolationem offeratur, non tamen mortuus, quia non amplius moritur; in Sacrificio Coenae Christus proxime & immediate seipsum obtulit, sed in Sacrificio Missae immediate, & proxime minister Sacerdos offertur, & a seipso solummodo mediate, & remote us principalis offerens: unde in hoc differentia est tantum accidentaliter. Ita differunt in effectu morali, quia Sacrificium coenae meritorium fuit, & sanctificatorium; non ita Sacrificium altaris, in quo Christus non ponitur ut mereri possit, ac sanctificare; est tamen hoc Sacrificium propitiatorium, ut dicemus, quia nobis applicat merita passionis ac mortis Christi. Iteorum differunt significatione, quatenus Sacrificium Coenae significabat mortem Christi futuram; nostrum vero significat praeteritam. Item Sacrificium nostrum incurrentem est imago Sacrificii cruenti crucis; non vero hoc nostri incurrenti.

Respondeo 2. Differre non essentialiter in substantia Sacrificium altaris a Sacrificio crucis, ut alias iam dictum est, ob unitatem eiusdem victimae, ac principalis Sacerdotis, qui est idem Christus, & oblatus, & offerens: differre quidem quoad modum, quia in cruce immolatio fuit physica, & cruenta, id est cum sanguinis effusione; in altari vero mystica est & incurrenti immolatio & oblatio. In hoc non solvitur redemptionis nostrae pretium, sed tantum nobis communicatur, seu applicatur. Illud fuit Sacrificium crucis, & prototypum omnium Sacrificiorum; istud autem altaris est illius imago ac representatio.

Respondeo 3. Sacrificium Missae essentialiter differt a Sacrificiis Moysaey, & ex parte rei oblatae, quia in illis erant animalia, & in isto est Christus Dominus, unde

oritur totum Sacrificii pretium; & ex parte offerentis, & ex parte virtutis, & efficaciae.

Sacrificium Missae licet conficiatur eadem actione, qua conficitur Sacramentum, & in utraque terminus actionis sit idem Christus Dominus sub speciebus panis & vini; nihilominus habet distinctam essentiam a Sacramento; quia essentia Sacrificii partim consistit in actione sacrificandi, partim in victima immolata, & oblata: Essentia autem Sacramenti Eucharistiae consistit in sola re permanenti. Item Sacrificium Missae requirit essentialiter utriusque speciei consecrationem ad representandam mortem Christi, & passionem: Essentia vero Sacramenti salva consistit sub una tantum specie. Insuper Sacrificium per se primario & immediate ordinatur ad colendum Deum; Sacramentum autem ad hominis sanctificationem. Cum autem Sacrificium, & Sacramentum distinctam habeant essentiam, hinc fit quod essentia Sacrificii prius perficiatur quam essentia Sacramenti, quia Sacramentum perficitur essentialiter per consecrationem unius speciei; Sacrificium vero per consecrationem utriusque: Una autem specie ordine temporis prius altera consecratur.

Ordo diversus servatur in effectibus Sacrificii, & Sacramenti, quia effectus Sacrificii confertur facta utriusque speciei consecratione; effectus vero Sacramenti confertur in usu, seu assumptione Eucharistiae, quae est posterior consecratione. Sed licet ordine temporis una actio sit posterior altera, uniuntur tamen moraliter ad idem Sacrificium perficiendum, cum sumptio, ut vidimus, sit pars integralis Sacrificii.

Quoad ordinem vero naturae seu causalitatis, cum hic duplex sit, intentionis scilicet & executionis, ordine intentionis prior est essentia Sacrificii quam Sacramenti, quia principalis, & primario intendit Sacerdos in Missae actione cultum, & honorem Dei; quam utilitatem nostram seu profectum, ac ideo primario potestas Ministris refertur ad Sacrificium Deo offerendum, secundario ad Sacramentum conficiendum. Ordine vero executionis essentia Sacrificii est posterior, quia ex parte rei oblatae supponit iam peractam totum id quod respicit rationem Sacramenti, & aliquid plus ulterius respicit rationem Sacrificii, id est mysticam maturationem, & consecrationem utriusque speciei: Igitur supponit quodammodo in ratione causae materialis, rationem seu naturam Sacramenti praexistentem.

Sacrificium Missae essentialiter differt a Sacramento, & ex parte rei oblatae, & ex parte virtutis, & efficaciae.

Ordo diversus servatur in effectibus Sacrificii, & Sacramenti, quia effectus Sacrificii confertur facta utriusque speciei consecratione; effectus vero Sacramenti confertur in usu, seu assumptione Eucharistiae, quae est posterior consecratione.

Nec

Nec dicatur ex hoc sequi Sacrificium includere Sacramentum, quasi dici posset, Sacrificium idem esse ac Sacramentum, dum sunt duæ naturæ specificæ, quarum una nequit alteram includere; nam Sacrificium si accipiat pro re oblata, tunc revera includit rationem Sacramenti, & aliquid superaddit; si vero consideretur in actione sacrificandi, tunc nequaquam includit certam essentiam Sacramenti, dicit tamen respectum ad Eucharistie Sacramentum, tanquam ad rem oblata & immolata, & id sub utraque specie.

## S. V.

*De Sacrificio Missæ ut propitiatorio, & de causis ac personis pro quibus est offerendum.*

Iam ab initio, quando agere cœpiamus de Sacrificio, idest dum in generali sua acceptione Sacrificii nomen expendemus, observatum fuit, Missæ Sacrificium esse non solum lautreticum ob latriæ seu perfectæ servitutis cultum, qui Deo supremo rerum Domino redditur; Eucharisticum, idest institutum ad gratiarum actiones pro acceptis beneficiis Deo referendis, ex quo peculiariter *Eucharistia* vocatur, nomine videlicet accepto veluti a prima & præcipua oblationis causa; sed esse quoque propitiatorium, quod Deum nobis benignum ac placatum reddit, & offertur pro peccatis, & peccatorum pœnis flagellique amovendis, necnon valet ad omnia, quæ recte a Deo petuntur impetranda, quod Novatoribus non placet.

Non recusant quidem Lutherani & Calvinistæ agnoscere Sacrificium nostrum (quod tamen improprie & in latiori sensu Sacrificium appellant) ut lautreticum & eucharisticum; illud tamen non cognoscunt ut propitiatorium, & impetratorium. Negant enim id dici posse, absque eo quod, iniuria irrogetur oblationi crucis, allucinantes in sensu propitiationis; quod ut elucidetur.

Nota cum Tourneleio, Sacrificium dici posse propitiatorium vel ratione solutionis pretii, & satisfactionis perfectæ pro nostra redemptione vel applicationis duntaxat, quæ nobis sit meritum passionis & mortis Christi. Novatores duo ista confundunt, nempe plenam solutionem pretii quæ pro nostra redemptione facta est in cruce, & applicationem seu communicationem pretii five meritum Christi, quæ fit per Sacramenta, per bona opera, præsertim per Sa-

cificium altaris; & hæc est propitiatio quam de fide credunt & tenent Catholici in Sacrosancto Missæ Sacrificio, iuxta doctrinam Concilii Trident. sess. 22. ubi Patres Concilii rationem indicantur, quia videlicet in hoc Sacrificio continetur & incruenter immolatur qui in ara crucis semel seipsum crucenter obtulit; cuius quidem oblationis crucentæ fructus per hanc incruentam uberrime participatur, tantum abest ut illi per hanc quovis modo derogeretur: quare, inquirunt Patres, non solum pro vivorum fidelium peccatis, pœnarum satisfactionibus, aliisque necessitatibus, sed & pro defunctis in Christo nondum ad plenum purgatis rite iuxta Apostolorum traditionem offertur. Et hanc doctrinam sub anathemate confirmant. Sic Ektus hic. Sic itaque.

Sacrosanctum incruentum Missæ Sacrificium est vere propitiatorium, & impetratorium. Sacrificium enim propitiatorium illud est, quod offertur ad placandum supremum Numen, & pro remittendis peccatis, ac peccatorum pœnis, supplicisque avertendis, & huiusmodi est incruentum altaris Sacrificium, sicut docet Apost. Hebræor. 9. *Omnis Pontifex an hominibus assumptus pro hominibus constituitur in iis quæ sunt ad Deum, ut offerat dona & Sacrificia pro peccatis.* Unde si ex Apost. præcipuum munus Sacerdotis est Sacrificium offerre pro aliorum peccatis; igitur Eucharistia quæ est unicum in Ecclesia vere & proprie dictum Sacrificium, ut antea iam probatum fuit, est Sacrificium propitiatorium, quod non solum offerenti sed & aliis, pro quibus offertur, fructum affert. Hoc confirmat ipsa Concilii Trid. definitio sess. 22. can. 3. ubi sic habetur: *Si quis dixerit, Missæ Sacrificium tantum esse laudis & gratiarum actionis, aut nudum commemorationem Sacrificii in cruce peracti, non autem propitiatorium; vel soli prodesse sumenti, neque pro vivis & defunctis, pro peccatis, pœnis, & satisfactionibus, & aliis necessitatibus offerri debere; anathema sit.* Hæc Concilii definitio est consona perpetuæ traditioni: nam & S. Cyril. Hierosolymit. ex Græcis catech. 5. appellat hoc Sacrificium *hostiam propitiations*, & S. Ioan. Chrysost. lib. 6. de Sacerdotio cap. 4. ait, Sacerdotem qui offert iuge Sacrificium *legatum & precatorem esse apud Deum, ut propitius fiat omnium peccatis non viventium modo, sed & mortuorum*; & ex Latinis S. Ambr. in exhort. ad Virg. cap. 12. num. 94. appellat Sacrificium in templis ecclesiæ oblatum *hostiam salutarem, per quam*

Missæ  
Sacrifici-  
cium est  
vere pro-  
pitiatio-  
rium, &  
impetra-  
torium.

peccatum huius mundi aboletur. S. Aug. quæst. 67. in Levit. num. 4. ait, quod Sacrificiis veteris legis præfigurabatur nostrum Sacrificium, in quo vera fit remissio peccatorum: ergo si secundum S. Aug. in hoc Sacrificio fit remissio peccatorum, sequitur, quod sit propitiatorium, sicuti erant eius figuræ in lege veteri. Et hoc idem testantur publicæ Ecclesiæ preces inter Missarum solemnia, quæ partim sunt Eucharisticæ, partim petentes, per Sacrificium offerendum, vel oblatum concedi quæ salutem fideliū sunt necessaria. Est in primis peccatorum propitiatio, unde in Canone Missæ dicitur hoc Sacrificium offerri *pro animarum redemptione, pro spe salutis & incolumitatis fidelium*; & in secreta oratione quæ legitur Dominica 9. post Pentecostes dicitur, quod quoties huius Sacrificii commemoratio peragitur, *opus nostre redemptionis exercetur*, & alibi, similia.

Quod si propitiatorium est Sacrificium incrementum altaris, indubitanter consequitur esse quoque impetratorium: Si Deum enim placare potest, & propitium reddere ad dimittenda peccata, multo magis cum mediante huius Sacrificii impetratione mandati erimus a peccatis, & in Dei gratiam restituti, ac ideo in eius amicitiam, nova ac uberiora gratiæ auxilia, necnon alia beneficia poterit a Deo nobis impetrare; & hoc docet tum Scriptura, tum Ecclesiæ traditio. Apost. enim 1. ad Timoth. 2. loquens de usu nascentis Ecclesiæ, ait: *Fieri orationes, postulationes, gratiarum actiones pro omnibus hominibus, pro Regibus, & cæteris aliis qui in sublimitate constituti sunt, ut quietam, & tranquillam vitam agamus*. Et cum morem hunc semper Ecclesia servaverit, & præcipue in exercitio Sancti Missæ Sacrificii; hinc comprobatur etiam perpetua Ecclesiæ traditio hoc Sacrificium esse impetratorium; unde S. Aug. ep. 110. populum monet, celebrandum esse Sacrificium pro felici successione Episcopatus, & lib. 22. *de Civit. Dei* cap. 8. commemorat quodam loco oblatum esse Sacrificium adversus infestationes demonum; & vetus consuetudo obtinet pro bono & felici successu cuiusque rei, operis, Congregationis, Concilii, officii, seu functionis publicæ, aliorumque huiusmodi generis, quæ sint magni momenti, offerri ac subinde repeti, & sequentari Missæ Sacrificium. Estius.

Opponit tamen Lutherus, quod sicut Baptismus unus non prodest alteri, ita nec sumptio Eucharistiæ ab uno pro alio fieri

potest. Missa igitur non est Sacrificium propitiatorium. Resp. ex iam antea dictis, multum differre summationem Sacramenti, & oblationem Sacrificii. Nam Sacramenta primario & directe ordinata sunt ad Sanctificationem suscipientis; ideo non nisi ipsum sanctificent: Sacrificium vero ordinatur & tendit tum ad honorandum Deum supremum rerum omnium dominum, tum ad beneficia impetranda iis omnibus pro quibus offertur.

Nec dicat Kemnitius: si propitiatorium foret Missæ Sacrificium, utile esset non accedere ad Sacramenta, dum peccatorum remissio obtineri potest sine ullo labore & periculo per unam Missam ab alio dictam. Hoc enim verum esset, si Missæ Sacrificium dimitteret peccata proxime & immediate; sed hoc non efficit nisi mediate dumtaxat, nempe impetrando gratiæ auxilia, & donum poenitentiae, quo moveantur peccatores ad optanda, & querenda Sacramenta, quorum virtute iustificationem consequuntur.

#### S. VI.

*De iis, pro quibus offerri potest Missæ Sacrificium.*

Duo sunt genera hominum, viventium scilicet & defunctorum. Inter mortuos alii sunt Sancti, qui æterna fruuntur gloria; alii perpetuis suppliciis sunt damnati, alii denique addicti Purgatorii incendio, ut perfecte mundati transcant ad præmium æternæ felicitatis. Inter viventes vero alii sunt fideles, viva Christi Ecclesiæ membra, alii peccatis quidem infecti, sed tamen vinculo fidei, ecclesiæ adhuc coniuncti; alii vero infideles, hæretici, publice excommunicati. De viventibus rem prius discentiemus.

Certum est, Missæ Sacrificium offerendum esse pro universis fidelibus baptizatis non excommunicatis, cum Sacrificium offeratur nomine totius universitatis per publicum Ministrum. Hinc in veteri lege summus Sacerdos ingrediens Saccharium inscripta ferebat ad pectus nomina duodecim Tribuum Israel in recordationem, & memoriale filiorum Israel; & in Canone Missæ dicit Sacerdos: *Tibi offerimus pro tua sancta Ecclesia catholica, & omnibus orthodoxis, atque catholicæ & Apostolicæ fidei cultoribus*, & peccaret graviter Sacerdos, si privata sua intentione aliquem excludere vellet.

Diximus non excommunicatis, quia excommunicati nominatim damnati per iudicis sententiam (& dicuntur non tolerati) in

Vario  
homini  
confide  
ratione.

Sacrifi  
cium of  
feren  
dum pro  
fidelibus  
omnibus  
non ex  
commu  
nicatis.

vindictam criminis excluduntur ab Ecclesia in suis publicis orationibus, aut suffragiis, & prohibiti sunt ad altare nominari; ita in cap. a nobis de fest. excom. Possunt tamen fideles, imo ipse celebrans privatim pro illidem orare; imo feria 6. in Parasceve ob specialem recordationem, quæ fit ea die, sanguinis Iesu Christi pro omnibus effusi, universalis Ecclesia publice precatur pro infidelibus omnibus, pro hæreticis & schismaticis &c.

Sacrificium offerri potest indirecte, & de facto quotidie offertur pro non baptizatis, sive infideles sint ut pagani, sive fideles, ut catholicum, necnon pro hæreticis & schismaticis; quia cum Ecclesia semper usâ fuerit communiter orare, ac Sacrificium offerre pro tranquillitate publica, pro extirpatione hæresum, extinctione schismatum, pro exaltatione & propagatione fidei, directe quidem ordinantur hæ preces ac Sacrificia ad universale, & publicum Ecclesiæ bonum, sed indirecte ad conversionem infidelium, hæreticorum, ac quorumcumque Ecclesiæ hostium, ut alii veniant, alii redeant ad lumen veritatis, omnesque in fide Ecclesiæ ac charitate, & ex universi mundi hominibus fiat unum ovile & unus pastor. Imo si non esset ab Ecclesia vetitum ex natura rei licitum esset pro his omnibus propitiatorium Missæ Sacrificium offerre etiam directe, quia si non sunt coniuncti cum Christo, possunt tamen uniri, ut inter alios sentit Bñus; ratio est quia si pro hominibus omnibus in cruce mortuus est Christus, ac ideo illius Sacrificium in tali inmerita immolatione pro omnibus generatim sine ulla exceptione est oblatum; cum Sacrificium Eucharistiæ sit idem cum Sacrificio crucis, eiusdemque commemoratio ac continua innovatio, ut hoc mediante illius fructus participes efficiamur; consequens est ex natura rei Eucharistiæ Sacrificium pro omnibus offerendum esse. Et equidem, cum durante hac vita desperandum non sit de ultius salute, quia pro omnibus, ut iam diximus, Christus victimam seipsum obtulit in cruce, & mortuus est, sine dubio pro quocumque recte orator ut salvus fiat: nihil enim tunc orando impetramus, nisi propitiationem pro alienis peccatis per Iesum Christum, & hunc crucifixum, idest in cruce oblatum, ut esset propitiatio pro peccatis totius mundi, & omnibus salus. Hinc est quod Apost. 1. ad Timoth. 2. monet, in celebrandis mysteriis (& ita hunc locum intelligunt Patres) orandum esse non tantum pro fidelibus, sed pro

omnibus hominibus etiam pro Regibus, & omnibus in sublimitate constitutis, quorum plerisque constat illo tempore fuisse infideles, imo etiam fidelium persecutores; & hoc testatur Scriptura olim factum a Sacerdotibus veteris legis, quos legimus deprecatos esse pro Nabuchodonosor, Eliodoro, ac pro Spartiatis.

Cum Defuncti, alii addicti sint sempiternis tormentis, ut supra diximus, alii temporalibus purgatorii flammis, alii tandem comprehensiores seu beati sint in perenni & coelesti gloria: hic quoque suum venenum evomuerunt Novatores, negando scilicet Purgatorium, ac proinde Sacrificium pro defunctis offerendum; necnon pium reprobando Ecclesiæ morem celebrandi Missam in honorem Sanctorum.

Illicitum est offerre Missæ Sacrificium sive ut propitiatorium, sive ut satisfactorium pro defunctis æternis addictis suppliciis; nihil enim prodesse potest, quia sunt in statu constituti, ut nihil refrigerii ex quovis suffragio percipere possint; quia inalterabilis est ac immutabilis contra eos divina iustitia, & nullus omnino est eis locus pro divina miseratione (ad quam non habent accessum, nisi per Christum qui sunt eius membra, & pro iis solis, ait S. Aug. offerri potest corpus Christi. *Quis offerat corpus Christi* ait S. Doct. lib. 1. de origine animæ cap. 9. nisi pro iis qui membra sunt Christi?) damnati enim nullatenus sunt membra, nequidem ut infideles, qui saltem sunt membra Christi in potentia, utpote qui possunt se convertere ad viam veritatis; hinc dicitur, *in inferno nulla est redemptio*. Insuper hoc Sacrificium, quod fit ad exemplum, & commemorationem Sacrificii crucis offerri nequit pro iis, pro quibus nec Christus oravit in cruce, nec sanguinem fudit, ut sunt qui impositiones decesserant, & iam in potestate diaboli computantur, pro quibus Christus mortuus non est, ait S. Aug. lib. 21. de Civit. Dei cap. 24. alias dicendum esset, Christum mortuum fuisse etiam pro diabolo, quod factum est.

Opponi hic solet auctoritas D. Aug. in Enchiridion cap. 110, & 112. ubi ait: *Ecclesiæ suffragia & oblationibus penam damnatorum mitigantur*; & ex D. Damasc. anima Falconis pagana liberata est a pœnis inferni precibus S. Theclæ; item anima Traiani orationibus S. Gregorii. Sed resp. S. Aug. ibi locutum fuisse de animabus purgantibus, non de damnatis æterno inferorum igni. Et hæc sunt eius verba: *Cum ergo Sacrificia fi-*

De De.  
functis  
pro qui-  
bus illi-  
cium, &  
licitum  
fit offerre  
Sacrifi-  
cium.

ve aliaris, siue quarumcumque elemosinarum pro baptizatis omnibus defunctis offeruntur, pro valde bonis gratiarum actiones sunt, pro non valde malis propitiationes sunt, pro valde malis, etiam si nulla sint adiumenta mortuorum, qualescumque vivorum consolationes sunt. Relata vero de Falconilla & Traiano, fabulæ sunt. Quisnam credere potest S. Gregorium orasse pro Traiano, qui fuit Ecclesiæ persecutor?

Nam pro  
Cathecu-  
menis, ut  
sacri queat  
sacri-  
cium.

Hic solet inquiri, utrum liceat offerre M. s. Sacrificium pro cathecumenis & excommunicatis, si e vivis decedant illi priusquam baptizentur, & isti antequam sint Ecclesiæ reconciliati: Et in his attendendum est quomodo decederint, quia si cathecumeni fuerint in numero competentium, & obierint cum voto baptismi, computantur inter fideles; secus vero si fuerint in classe audientium, & baptizari neglexerint. Sic excommunicati, si priusquam decederent, præcesserint in eis signa manifesta penitentiae, Sacrificium pro eis offerendum est, ut tradit Innocentius III. cap. *anobis*. Priusquam tamen pro tali excommunicato publica fiat oblatio sacrificii, debet ei etiam defuncto beneficium absolutionis impendi.

Pro Pur-  
gatorii  
Anima-  
bus sacri-  
ficium  
Altari of-  
feri pot-  
est.

Pro iustis pie in charitate, ac ideo in Christo defunctis, retentis autem in Purgatorii flammis ad levia peccata expurganda, & reatum poenæ luendum pro mortalibus ipsis remissis, quæ non expiarunt viventes in mundo, rite Sacrificium offertur, vel ut poenæ ipsis relaxentur, vel ut plene liberentur. Si enim pro iis, qui adhuc a societate sanctorum sunt alieni, recte Sacrificium offert Ecclesia, ut sanctis electisque Dei aggregentur; multo magis id facere debet pro fidelibus in fide & charitate defunctis, qui adhuc pro peccatis, quæ hic redimere & mundare neglexerunt, purgatione ac satisfactione indigent; quandoquidem pro iis orare, elemosinas largiri, & alia pietatis opera exercere semper in Ecclesia consuetum, & frequentatum fuit: Pro quibus enim hæc recte fiunt a fructu Sacrificii minime debent excludi, quoniam, ut alias dictum iam fuit, hoc Eucharistiae Sacrificium commemorativum est Sacrificii crucis, a quo omne salutare bonum profuit. Hanc sanam, catholicamque doctrinam comprobant perpetua Ecclesiæ consuetudo, & traditio, non modo deducta ab Apostolis, ut testantur Tertull. in lib. *de corona militis*, S. Aug. lib. *de cura pro mortuis* cap. 2. & serm. 32. *de verbis Apostoli*, & S. Chrysost. hom. 69. ad populum Antiochenum, & hom. 22. in *Acta Apostol.* verum etiam a si-

delibus veteris Testamenti observata: nam secundo Machabæor. 12. Iudas Machabæus Dux & Pontifex populi Iudæi iussu Hierosolymis fieri sacrificia & oblationes pro peccatis mortuorum, qui cum pietate dormitionem acceperant. Unde merito Acrius qui negabat oblationes faciendas esse pro defunctis, cum suis sectatoribus inter hæreticos relatus est, ut apud S. Epiph. & S. Aug. *de hæresibus* videri potest. Non alia hic congero Conciliorum ac Patrum testimonia quibus doctrina hæc roboratur, quia legentibus passim sunt obvia, & ab aliis diligenter sunt collecta, sed brevitate gratia omittere censeo. Estius.

Quamvis sanctis Sacrificia, templa, & altaria nec offerantur, nec offerri possint, quia ut pertinentes ad cultum patriæ soli Deo conveniunt, ac dicari possunt; nihilominus sicuti licet altaria & templa erigere ac dicare Deo in honorem Sanctorum, ita licet etiam Sacrificia in eorum memoriam & honorem offerre; & hoc docet perpetua Ecclesiæ traditio, ut constat ex omnibus Liturgiis tum latinis, tum græcis, in quibus SS. Apostolorum, martyrum, ac aliorum Sanctorum memoria celebratur; & hoc facetur ac docet etiam de Fide credendum Concil. Trid. sess. 22. cap. 3. non ita tamen ut his Sacrificium immediate, directe, ac primario offeratur, (quod ut supra notabam, usque adeo non licet, cum nec ipsi Christo secundum hominis formam non sit sacrificandum, ut docet D. Aug. lib. 10. *de Civit. Dei* cap. 20.) sed quia Deo de illorum victoria gratias agentes eorum patrocinia imploramus, ut excitetur ad eorum emulanda vestigia; ita ut ea celebretur, (ait S. Doct.) & Deo vero de illorum victoriis gratias agamus, & nos ad imitationem talium coronarum atque palmarum eodem invocato in auxilium, in eorum memorie revocatione advertentur; unde tale Sacrificium partim est Eucharisticum, partim est propitiatorium; propitiatorium tamen pro nobis, nequaquam pro ipsis; quia Sanctis, id est iis qui beati sunt in celo, Desque aperte innotetur, nihil remanet culpe vel poenæ luendæ; idcirco nulla exercentur miseria, a qua per Sacrificia suffragiaque liberentur, nihilque eorum gloria essentiali augeri potest, sed accidentalis tantum, quæ ex eorum cultu, honore, & veneratione exturgit. Hinc S. Aug. tract. 24. in Ioan. serm. 199. alius 17. *de verbis Apost.* monet, in Sacrificio memoriam fieri Sanctorum sed non pro illis orari, ac ideo quando in nostra Liturgia quæ-

Sacri-  
cium est,  
fieri pot-  
est in me-  
moria-  
riam, &  
honorem  
sancto-  
rum.

poscimus, ut oblatio Sanctis proſit ad gloriam, non tam pro Sanctis quam pro nobis ipsis oramus, nempe gratiam petimus ita pie devote, sancte, recteque Sacrificium offerendi, ut merito inde Sancti gaudere valeant, & gloria illis coram hominibus accedat.

Nec ullatenus valet quod opponit Kemnitius in suo Examine Concilii Trid. oblationem Sacrificii in Sanctorum honorem pugnare directa fronte contra Sacrificii institutionem in Coena Domini, qui non dixit hoc faciendum in honorem Sanctorum, sed simpliciter *in meam commemorationem*. Item, oblationem Sacrificii cultum esse supremum, ac latræ, & ideo uti soli Deo debitum, superstitionem esse si in Sanctorum honorem offeratur; & eo magis esse superstitionem, si in honorem Sanctorum ea intentione offeratur, ut per merita & preces Sanctorum *in omnibus divine protectionis muniamur auxilio*, quasi merita Christi non sufficerent. Nam quoad primum, verum quidem est, quod cum Sacrificium primario directum sit ad Deum supremo honore colendum, hoc in ultima Coena instituens non dixit Christus conceptis verbis, quod hoc fieret etiam in honorem Sanctorum, sed in ipsius commemorationem: *In mei memoria facietis*: non tamen prohibuit, ut indirecte & secundario in Sanctorum honorem offerri posset: Imo Ecclesia, quæ est fidelis interpret & custos voluntatis Christi sui sponsi declaravit licitum esse. Quoad secundum vero, est manifestissima Kemnitii fallacia, quia non offertur Sanctis in honorem Dei, quod revera esset superstitiosum & impium, sed offertur Deo, & primario in eius honorem, secundario vero etiam in honorem Sanctorum, quæ duo valde differunt. Quoad tertium tandem, vero maxima esset superstitio, si merita precesque Sanctorum adiungerentur ad supplendum defectum & sufficientiam meritorum Christi, unde maior virtus his accederet; non vero si adiungantur, ut iam sit, tanquam subsidium aliquod, ac mediatio ad implorandam divinam gratiam. Imo tantum abest, ut in alio sensu merita & preces Sanctorum adiungantur, ut vis aliqua aut efficacia meritis Christi addatur, quod Ecclesia, quæ ita agit, de fide sibi habet persuasum, merita Sanctorum ac preces percipere, ac mutuari vim omnem ac valorem ex meritis ipsius Christi. Ita hic Estius & Habertus cum aliis.

## S. VII.

*De Missis vulgo dictis privatae quæ sine adstantium communione peraguntur.*

Proprie loquendo nullum Missæ Sacrificium secundum intentionem Ecclesiæ celebratum, iuxta quam omne iam Sacrificium celebrandum est, potest dici privatum, cum unaquæque Missa multis rationibus communis ac publica sit, ac talis dici queat, sicuti notant Patres Concilii Trid. sess. 22. cap. 6. Nam quælibet Missa semper offertur in gratiarum actionem pro morte Domini, quæ est publicum, & commune beneficium: semper offertur pro communi seu totius populi fidelis salute, & quomodo Christus princeps & caput totius populi Christiani offerendum instituit, offertur a publico & legitimo Ecclesiæ ministro, qui nimirum publica auctoritate, & ex Dei institutione publice deputatur. Peragitur ritu publico, & ab Ecclesia probato, & celebratur pro publica commoditate, videlicet pro fidelibus omnibus, qui pertinent ad mysticum Christi Corpus; Nam nullus eorum in ullo Ecclesiæ Sacrificio excluditur a communione Sacramenti, saltem spirituali. Usus tamen obtinuit in Ecclesia, ut hæ Missæ *privatæ* dicantur vel quia aguntur absque publico & solemnî conventu populi, seu frequentia, & celebrantur a Presbytero sine ministrorum clericorumque comitatu, vel quia in his solus Sacerdos sacramentaliter communicat. Hæ Missæ appellantur etiam *solitariae*, ut habetur in cap. 52. *Missæ peculiares*. Contra hæc Missas acriter debacchantur communiſter Novatores. Cum enim negent veri Sacrificii oblationem, volunt Missam eo tantum sine esse institutam, ut Sacramentum petentibus porrigatur; ac ideo damnant omnes Missas, in quibus communio non ministratur, unam tantum admittentes communem & publicam ministrandi causa Sacramenti servatam; & aiunt, Missas privatas nonnisi quæstus causa inductas fuisse. Ut igitur aperiatur quam pius sit Ecclesiæ usus in Missarum privatarum celebratione, & ad inanēs heterodoxorum diluendas calumnias sit.

Nihil pugnat si dicamus omnino licitas esse Missas privatas, imo ratio omnis eas utriusque generis licitas esse demonstrat, id est siue tales dicantur, quia sunt absque solemnî ac publico populi conventu, vel a solo Presbytero sine ministris, vel quia in iis solus Sacerdos communicet. Hic enim usus

Ex quo  
missæ di-  
cantur  
privatæ.

Missæ

Missæ ita privatæ fuit olim ab ipso Ecclesiæ initio: idcirco immerito & inaniter reprehendunt Sectarîi quod ipsa protegit religiosa antiquitas. Habetur a S. Gregorio Magno hom. 27. in Evang. Cassium Narniensem Episcopum instante morte celebrasse in privato Oratorio sui Episcopii; idemque lib. 2. ep. 9. mandat Crispo Arimenesi Episcopo, ut cuidam religiosæ matronæ oratorium consecret, prohibens interim, ne in eo fiant Missæ publicæ, aut Baptisterium construatur. Item S. Aug. lib. 22. *de Civit. Dei* cap. 8. narrat in domo quadam rustica, quam maligni spiritus inquietabant, oblato Sacrificio illi malo remedium attulisse. Idem ep. 23. *ad Bonifac.* testatur, Christum *quotidie* idest quotidiano Sacrificio immolari, & tamen alibi, nempe ep. 118. cap. 2. ait; *magis sibi placere ut fideles populi diebus dominicis tantum communionem percipiant, quam quotidie.* Sæpe igitur offerebatur Sacrificium populo non communicante. S. Ambr. quoque referente S. Paulino in eius vita, rogatus Romæ in privatis quibusdam ædibus Sacrificium obtulit, & similia habentur ex S. Ioan. Chryst. hom. 60. ad populum Antiochenum, ex S. Greg. Nazianz. in lib. 9. *Historiæ tripartitæ* cap. 8. & sic ex aliis Patribus. S. Pontifex Soter vetuit quidem ne Missa celebraretur nisi duo saltem adessent, nihil vero addit de communionem. Imo illud quod iusserat Soter, moderavit Concilium Moguntiense can. 43. requirens solum præsentiam unius Ministri, qui Sacerdoti intervenire queat. Et inter Concilia antiquiora, quæ de hac re egerunt, præferri potest Agathense can. 14. in quo permittit extra Parochiam Oratoria habere, in quibus pro privata familia Missæ celebrentur: Et can. 31. nihil plus exigit a laicis, nisi ut Missas integras die Dominico audiant, nec discedere præsumant ante benedictionem. Idem statuta Aurelianense cap. 28. Et equidem, si non liceret Sacrificium celebrare, nisi etiam adstantes communicarent, non facile & Fabianus Pontifex citatus a Gratiano cap. *Si una diss.* 1. & Elthritanum Concilium *ibid. diss.* 2. cap. *omnis homo.* & Toletanum primum cap. 13. probassent fideles certis solummodo temporibus communicantes. Estius.

His omnibus ratio addi potest, quæ etiam patens est, ad eorum confirmationem, nempe Christum nunquam præcepisse, ut Sacerdos nonnisi cum populo, & in populi cœtu sacrificet. Ab Apostolis item non invenitur hoc præscriptum fuisse; idcirco temper liberum fuit in Ecclesia catholica,

& fidelibus vel quotidie, vel certis diebus communicare, & Sacerdotibus quotidie, si vellent, celebrare. Hoc olim in Ecclesia iam adeo obtinuit, ut ob hanc causam præcipue Sacrificio datum fuerit epitheton *quotidianum*. Quare si quotidie Sacerdos Sacrificium hoc offerre vellet, & fideles communicare nollent, non exinde aut ille impediri debuit quo minus celebraret, aut isti quo minus interessent non communicantes, quando nulla lege adstringuntur ad communicandum, ut recte dictum fuit a S. Augustino antea laudato.

Insuper accedit, quod hoc Sacrificium etiam pro peculiaribus beneficiis sive acceptis, sive accipiendis offerri potest; & id non a toto populo, sed a consanguineis etiam & amicis defuncti, vel cuiuscunque alterius; ut constat ex S. Aug. *de cura mortuorum* cap. 1. & 4. & lib. 9. *Confess.* cap. 11. & 12. & alibi. Patet autem hæc Sacrificia non fuisse publica, ut non fierent sine populi conventu, cum verisimile non sit, solitum fuisse ad huiusmodi populum convocari: & cum hæc ad præsens institutum satis sint, qui maiora scire cupit, adeat Dogmaticos, quorum cum sit ex professio hæc pertractare, fusius ab his res agitur; inter quos legi possunt Bellarminus, Estius, Habertus, alique.

Quadruplex causa institutionis Sacrificii.

## S. VIII.

### De causa finali Sacrificii Missæ.

Mirum videri non debet, quod cum Sacrificium Missæ sit idem cum Sacrificio crucis, ultra illud crucis hoc quoque institui deberet. Quadruplex enim est causa, quæ hanc mirabilem exquirebat institutionem, ut facile colligi potest ex Synodo Trid. sess. 22. cap. 1. Prima deducitur ex necessitate Sacrificii exterioris in hominum societate, ut iam antea demonstratum est. Secunda ab imperfectione Sacrificiorum legis tum naturæ, tum scriptæ, delendarum per Christianam religionem. Tertia a grata memoria quam perennem habere debent Christiani passionis & mortis Redemptoris nostri Iesu Christi. Quarta ab uberiori passionis fructu qui per Missæ Sacrificium tamquam per canalem ad nos defluit; quæ gravissimæ causæ breviter exponetur.

Et quoad primam, iam antea dictum est de sacrificio quod sit iuris naturalis, ac proinde sine eo veram non posse extare Religionem. Christiana Religio, quæ veluti nova vera viventium Matereducta est ex latere novi Adam, sibi arrogat ut sacrificium suum

suum proprium, sacrificium crucis, in quo Christus mediator Dei & hominis pretii solutione superabundanti ad genus humanum reparandum oblatus fuit; unde merito vocatur Sacrificium redemptionis. Verum præter Sacrificium illud redemptionis necesse fuit institui Sacrificium religionis, in quo fidelium pietas exerceretur, ac exterius profiteretur patriæ cultum erga supremam Dei maiestatem ac dominium. Altera ratio Missæ instituendæ deducta ab excellentia Christianæ Religionis ita exponitur: Christus Dominus dum mortalibus in terris moraretur, potissimum sibi proposuit, ut exhiberet ipse sibi gloriosam Ecclesiam, quæ est corpus ipsius, & plenitudo eius, ut ait Apost. Ephes. 5. Religionis vero excellentia petitur ex perfectione cultus, qui in ea Deo redditur. Hinc reiecta est Synagoga, utpote quæ imperfecta haberet sacrificia; Reprobatio quidem fit præcedentis mandati propter infirmitatem eius, & inutilitatem, Apost. Hæbræor. 7. & in eod. cap. sublimiter: Si ergo consummatio per Sacerdotium Leviticum erat... quid adhuc necessarium fuit secundum ordinem Melchisedech aliud surgere Sacerdotem? Translato enim Sacerdotio, necesse est ut & legis translatio fiat. Finis siquidem legis est cultus Dei, qui oblatione Sacrificii consummatur. Igitur summa Religionis Christianæ excellentia exigit sacrificium præstantissimum & dignum suprema Dei maiestate. Honor vero & cultus æstimantur & ex dignitate offerentis & ex magnitudine rei oblatæ; unde cum Gentes omnes secundum scripturam sint coram Deo veluti nihilum ac si non essent, & cum sint ipsi inferiora quæcumque offerre possunt; necesse fuit ut exurgeret Sacerdos secundum ordinem Melchisedech, qui utrique defectui providit per insigne Missæ Sacrificium, in quo ipse est simul offerens & hostia, ut habemus ex S. Aug. in psalm. 109. Quid invenerit homo quod daret, ait S. Doct. quid mundum offerre potest peccator? . . . quære extra te quid offeras, non delectatur arctibus, nec bircis, nec tauris: offerat ergo seipsum mundus Sacerdos (Christus Dominus) ut mundet hoc quod Deus fecit. Et de offerente talem viduam ait lib. 10. de Civitate Dei cap. 20. Sacerdos est ipse offerens, ipse & oblatio, cuius rei Sacramentum quotidianum esse voluit Ecclesiæ Sacrificium, cum ipsius corporis ipse sit caput: tam ipsa per ipsum, quam ipse per ipsam consuevit offerri. Nimirum secundum doctrinam S. Doctoris Sacrificium exterius est signum sacrificii interioris, ut fideles offeren-

do exterius Sacrificium corporis & sanguinis Domini, seiplos cum Christo offerant, & huiusmodi hostiam Deo dignam utpote infinitam, & quidem per ipsum & in ipso, qui est principalis offerens etiam infinite dignus. Unde religionis Sacrificium in eo differt a sacrificio Crucis seu redemptionis, quod in cruce caput solum Ecclesiæ, idest Christus, seipsum offert: in societate vero christianorum, nempe sui corporis, totus ipse caput simul & corpus offertur, simulque per ipsum magnum, ac principalem Sacerdotem, & per fideles, qui tanquam eius membra participes sunt regalis ac spiritualis eius Sacerdotii. Symbolum istius admirandi mysterii agnovit S. Cyprianus in mixtione aquæ cum vino Sacrificii: aqua enim ex Apocalyp. 17. populus est, & vinum sanguis Domini: aqua sola est plebs sine Christo: neutra debet esse separata materia Sacrificii, sed utriusque mixtione fit universale Ecclesiæ Sacrificium Deo acceptissimum.

Tertia autem causa Missæ instituendæ est ut diximus, ut grato animo commemoratio fiat passionis Domini, aliorumque Dei beneficiorum, quod maxime commendatur in divinis Scripturis, & a SS. Patribus. Ait enim Christus Dominus Lucæ 22. Hoc facite in meam commemorationem; & D. Paulus 1. Corinth. 11. Quotiescumque enim manducabitis, panem hunc, & calicem bibetis: mortem Domini annuntiabitis donec veniat. Et S. August. lib. de spiritu & littera cap. 11. ait: cultus Dei in hoc maxime constitutus est, ut anima Deo non sit ingrata. Gratitude requirit ut tantum reddatur quantum fuit acceptum. Ne ingrati ergo videremur instituit Christus Dominus hoc Sacrificium, in quo quantum recepimus tantum retribuimus, scilicet ipsum Christum, & nos totos cum Christo: Quotidie, ait S. Aug. lib. contra Iudeos cap. 67. immolatur in Ecclesia, quia in gratiarum actione perpetuo permanere debemus. Unde Missæ Sacrificium tamquam proprio nomine appellatur Eucharisticum ex omnibus quæ ipsi conveniunt, & Sacerdos in Præfatione quæ Canonem præcedit invitat populum ad gratias Deo reddendas dicens: Gratias agamus Domino Deo nostro.

Quarta causa tandem huius Sacrificii est, ut videlicet impetremus auxilia ac dona, quæ mediator noster per mortem suam promeruit. Hoc colligitur evidenter præcipue ex veteribus Liturgiis, necnon ex SS. Patrum scriptis in quibus habetur, morem semper fuisse Ecclesiæ istud Sacrificium offerre oblationibus, postulationibus, gratia-



tiarum actionibus iuxta regulam Apostoli 1. ad Timoth. cap. 2. Et equidem, si Christus Dominus summus Sacerdos secundum ordinem Melchisedech sine iniuria cruenti Sacrificii cœlum in proprio sanguine ingressus est, ut stet in conspectu Dei ad interpellandum pro nobis; certum est id ipsum facere in hoc Sacrificio, quod in memoriam suæ passionis celebramus. Nec supervacaneum censendum est Sacrificium, eo quia per Sacramenta fructus divinæ passionis nobis sufficienter participetur, quia Sacramenta solis profunt fuscipientibus, & adultos supponunt dispositos, nec alias eos disponunt; imo indispositos minime sanctificant, sed nova sacrilegii labe commaculant. Sacrificium vero offertur pro omnibus, & omnibus etiam infidelibus & obstinatis prodesse potest. Ex his igitur

Sequitur 1. Christianam religionem per Sacrificium Missæ super cæteras excellere, ut veritas figuratur, umbram corpus excellit.

De devo-  
tione re-  
quiritur a  
fidelibus  
Missæ Sa-  
crificio

Sequitur 2. quod specialis fidelium devotio requiritur, quando ad Missæ conveniunt Sacrificium, specialisque charitas, ut Christo late coniuncti fiant cum ipso una totalis hostia, & cum ipso non dissimili affectu se totos Deo immolent in protestationem suæ dependentiæ, gratitudinis, ac pœnitentiæ pro peccatis, cum Sacrificium exterius, ut diximus, Sacrificii interioris signum sit & testimonium.

### §. IX.

#### *De effectibus Sacrificii Missæ.*

Nota 1. effectus Eucharistici Sacrificii alios esse circa bona spiritualia, alios circa bona temporalia.

Gratia &  
peccato-  
rum re-  
missio  
conferri  
potest  
mediate,  
& imme-  
diate.

Nota 2. gratiam & remissionem peccatorum conferri posse vel proxime ac immediate, vel mediate tantum. Sacramenta cum instituta sint a Deo ad gratiam conferendam, eam immediate conferunt: Sacrificium vero confert mediate tantum, scilicet impetrando gratiam, per quam homines excitentur ad pœnitentiam, & conversionem, & recurrant ad Sacramenta, quæ gratiæ sunt fontes, organa, seu instrumenta.

Nota 3. in peccato posse attendi & reatum culpæ, & reatum pœnæ temporalis, quæ etiam post condonatum culpam solvenda, seu luenda remanet. His prænotatis sit.

Ad quid  
valeat  
Missæ Sa-

Missæ Sacrificium, ut est propitiatorium, valet ab obtinendam iis, pro quibus offertur, veniam peccatorum mortalium & ve-

nialium quoad culpam, & satisfactionem, seu remissionem pœnæ temporalis, quæ pro peccatis condonatis solvenda remanet. Et hoc est de fide: nam Matth. 26. habetur testimonium ipsius Christi, qui cum hoc Sacrificium instituit, de hoc in calicis consecratione admonuit: *Hic est calix . . . qui effundetur in remissionem peccatorum.* Et Apost. Hebræor. 9. ait de huius Sacrificii Ministro: *Omnis namque Pontifex ex hominibus assumptus pro hominibus constituitur . . . ut offerat dona & sacrificia pro peccatis;* & hoc pariter perpetua docet traditio, ut habetur ex SS. Patribus, & præcipue D. Aug. quæst. 57. in Levit. ubi ait: *In multis sacrificiis, quæ pro peccatis offerebantur, unum hoc nostrum Sacrificium signatur, in quo fit vera remissio peccatorum.* Hinc de tali huiusce Sacrificii efficacia sic defini- vit & docuit Concilium Trid. sess. 22. cap. 2. *Sacrificium istud esse vere propitiatorium. . . Huius quippe oblatione placatus Dominus, gratiam & donum pœnitentiæ concedens, crimina & peccata etiam ingentia dimittit.*

Non eodem tamen modo culpam remittit, ac temporalem pœnam, quæ post culpæ condonationem luenda remanet: Nam remissionem pœnæ temporalis debitis pro peccatis quoad culpam iam remissis immediate confert hoc Sacrificium, idque autem plus aut minus pro Dei voluntate, & dispositione subiecti, pro quo offertur; cum offeratur hoc Sacrificium etiam pro defunctis, quicum non sint amplius in statu merendi, nihil cooperantur ad illius pœnæ relaxationem: creditor vero potest debitum remittere debitori etiam ipso inscio; unde in hoc differt pœnæ relaxatio a remissione culpæ, quod hæc fieri nequit sine interiori peccatoris mutatione, & dispositione, si peccator sit adultus; illa vero est mera exterior condonatio: actus vero culpæ, cum hic remitti nequeat immediate nisi per Sacramenta, utpote a Christo Domino ad hoc instituta, per Sacrificium remittitur tantum mediate, prout scilicet intuitu & merito huius Sacrificii conferuntur peccatori, pro quo oblatum est, æquales gratiæ, quibus ad pœnitentiam excitatur, ac disponitur ad consequendum iustificationem per Sacramentum Baptismi, & Pœnitentiæ, per quod vel in re, vel in voto susceptum, peccatorum remissio immediate obtinetur. Duo enim adversantur reconciliationi; ira scilicet ac indignatio personæ offensæ, & offensionis malignitas. Quare mediator reconciliationis curare & agere debet, & ut personæ læsæ animum iram-

iramque leniat, & ut qui læsit suam culpam agnoscat, ac dolens de offensa, & supplex offensum adeat; quæ satis superque præstat Redemptor noster Christus Dominus in Missæ Sacrificio, in qua per sanguinis sui oblationem placat Dei iustitiam, ipsiusque gratiam peccatori impetrat: Nam nisi misericorditer Deus præveniat, numquam peccator supplex ad eum recurret, nec a malitia recedet. Non semper tamen tam propitios effectus divini Sacrificii obtinet peccator, qui talibus gratis sua contumacia resistit. Habertus & P. Antoine.

Non secus vero ac peccatoribus ad veniam remissionemque tam culpæ quam poenæ, Sacrificium hoc prodest etiam iustis ad sanctificantis gratiæ augmentum, non immediate tamen, quia hoc quoque ex divina institutione spectat ad Sacramenta, sed mediate, quatenus per illud gratiæ actuales conceduntur, quarum auxilio eliciunt iusti bona opera, quæ merentur de condigno huiusmodi augmentum. Et hoc patet ex iam dictis; cum omnibus manifestum sit, actuales gratias esse adminicula ad bene operandum, & in opere bono perseverandum.

Verum quia hoc Sacrificium, ut antea notavimus, est quoque impetratorium, vim habet impetrandi genera omnia beneficiorum, etiam temporalium, puta, sanitatem, ecclesiarum tranquillitatem, salubrem aeris temperiem, ubertatem terræ, frugum conservationem, aliaque omnia huiusmodi bona, prout ad salutem conveniunt, sed iuxta divinam Providentiæ dispositionem. Et hoc comprobat perpetua Ecclesiæ praxis & traditio, quæ semper usa est impetrare suis fidelibus per altaris Sacrificium etiam temporalia beneficia, ut testatur S. Chrysost. hom. 71. in Ioan. *Pro infirmis*, inquit, & *terra & maris, & universi orbis fructibus sacrificamus*; & ita habetur in Concil. Trid. *Quare*, inquit, *pro fidelium peccatis, poenis, satisfactionibus, & aliis necessitatibus.... iuxta Apostolorum traditionem offertur*. Et equidem, ait Bellarminus, si oblatio Eucharistiæ pro peccatis dimitendis valet, certe etiam pro aliis necessitatibus, quæ ex peccato ortæ sunt, valere debet: & si Deus hoc Sacrificio placatus in gratiam cum inimicis suis reddit, quanto facilius ob idem Sacrificium adducetur, ut amicis, & reconciliatis bona temporalia tribuat, si id eis utile fuerit.

## §. X.

*De modo quo operatur hoc Sacrificium, scilicet an ex opere operato, an ex opere operantis.*

Sacrificium hoc, utpote quod non sit institutum ad gratiam significandam, quemadmodum Sacramenta, sed ad cultum Deo exhibendum; ideo non operatur in ratione signi, quia Sacrificium sumptum sic præcise gratiam non significat; Sacrificium enim vel sumitur in-adæquate pro exteriori oblatione victimæ, & ita acceptum est quidem signum, sed Sacrificii interioris, non vero gratiæ; vel sumitur adæquate pro interiori simul & exteriori oblatione; & in hac posteriori acceptione est exhibitio summi honoris erga divinam maiestatem & bonitatem. Hæc autem actio cum sit eximie charitatis erga Deum, est impetratoria gratiæ; imo si fiat ab homine iusto, est meritoria de condigno: unde Sacrificium operatur per modum impetrationis, & non secus ac quædam insignis præcipuaque oratio; quia qui captare cupiunt alicuius potentis viri patrocinium ac gratiam, ad preces addere solent munera, quæ vim habent efficacius movendi: & hic modus operandi tribuitur a Concil. Trid. nostro altaris Sacrificio, ut habetur in cap. 3. sess. 22. *Huius quippe oblatione*, sic locuti sunt Patres Trid. *placatus Dominus gratiam & donum poenitiæ concedens, crimina, & peccata etiam ingentia dimittit. Una enim eademque est hostia, idem nunc offerens Sacerdotum ministerio, qui se ipsum tunc in cruce obtulit*. Sic Habertus.

Impetratio vero quæ fit per Missæ Sacrificium, vim habet & efficaciam ex opere operato, non quidem ad modum signi seu Sacramenti, cum ut dicebamus, Sacrificium non operetur in ratione signi, sed per certam, ac infallibilem ex institutione Christi impetrationem. Illud enim procedere dicitur a Theologis ex opere operato, non ex opere operantis, quod procedit non ex operantis dispositionibus, sed ex virtute & efficacia quam Deus tali operi contulit, ut quandocumque secundum eius institutionem tale opus operetur, nullo opposito voluntariæ culpæ obice, talis effectus sequatur, ut contingit in Baptismate, quod si fiat illis datis circumstantiis, quibus talis ablutio determinatur ad esse Sacramenti, quæcumque sit baptizandi dispositio, fides, & sanctitas, dummodo recipiens si sit adultus, culpæ obicem non ponat, ex virtute & efficacia, quam

Sacrificium operatur per modum impetrationis, non vero signi.

Impetratio quæ fit per Sacrificium, vim habet ex opere operato.

quam in huiusce Sacramenti institutione contulit huic ablutioni Christus Dominus, certissime ex opere operato sanctificatio sequitur recipientis. Quare cum vis & efficacia impetrationis quæ habetur in altaris Sacrificio, divina institutione fluat, emanet, ac pendeat ex ipsa externa Sacrificii oblatione, non autem a Ministri probitate (eo quia non minus quam Sacramenti, Sacrificii quoque vis non pendeat a bona vel mala Ministri conditione. *Munda illa oblatio est, quæ nulla indignitate aut malitia offerentis inquinari potest*, ut ait Conc. Trid. sess. 22. in cap. 1.) sequitur quod impetratio quæ fit in Missæ Sacrificio vim habet & efficaciam ex opere operato, quia, ut docent verba Concilii, vis talis impetrationis non repetitur ex ministrantis hominis dispositionibus, sed tum ex dignitate infinita hostiæ, tum ex persona Christi illam offerentis. Concilium enim Trid. cit. sess. cap. 2. docens per nostrum Sacrificium peccata remitti, non aliam rationem affert, nisi quia eadem est hostia, & idem offerens qui fuit in Sacrificio crucis. Vis igitur & efficacia Sacrificii fluit ex Christo, qui simul hostia est, & principalis offerens, cuius virtutem & efficaciam minister secundarius & minus principalis iuxta cit. Trid. sua malitia impedire, aut retardare non valet.

**Missæ Sa-** Missæ Sacrificium vim habet non solum  
crificium  
vim ha-  
bet et  
iam ex o-  
pere seu  
disposi-  
tione o-  
perantis.  
ex opere operato, sed etiam ex opere operantis, nempe ex pietate & devotione offerentis. Quia cum valeat per modum impetrationis seu precationis, quo magis fervida est, & ardens ipsius offerentis ad Deum oratio, effectum maiorem producit. Si enim cætera virtutum opera Deo sunt grata, & uberiora gratiæ auxilia impetrant, prout ab aliquo suo amico, & ex charitate procedunt; certe ob eandem rationem fiet ut Deo placeat Sacrificium, quod est excellentissimum, ac insignis nostræ Religionis opus. Nam si iusti, idest qui sunt in statu gratiæ per quodlibet bonum opus mereri possunt, impetrare, satisfacere, multo magis hoc poterunt per opus Sacrificii. Hic tamen advertendum est, iustum mereri posse pro se de condigno, pro aliis vero satisfacere, ac impetrare.

Ut Missæ Sacrificium proficit ex opere operato iis pro quibus offertur, necessario requiritur propria intentio, & applicatio Sacerdotis celebrantis, ut Suarez, Sylvestre, Armilla cum aliis: Quia Sacerdos visus ordinationis constitutus est a Christo Domino Minister, ac dispensator mysterio-

rum Dei, & donorum, & in eius ordinatione potestatem Sacrificium offerendi recipit, ac ideo fructum eius offerendi pro vivis ac defunctis; & sic si Sacerdos non faciat applicationem, nemini fructus eius prodest, & dicunt Theologi transire in thesaurum Ecclesiæ.

Non est tamen illicitum Sacerdoti anticipare celebrationem Missarum, quando singulis hebdomadis Missam celebrare teneretur pro obligatione alicuius Cappellaniæ, dummodo aliter non exprimatur in Cappellaniæ fundatione, ex quo aliqua voluntas fundatoris defraudata remaneret, puta si fundator intendisset illis statutis diebus honorem alicuius Sancti, vel Mysterii, aut populi commodum vel eius devotionem fovere. Potest item anticipare, quando is qui fructum Sacrificii est percepturus, non est spes quod melius se disponat ad fructum percipiendum, quia tunc non suspenditur fructus Sacrificii postmodum applicandus, sed statim applicatur secundum intentionem præsentem certam ac determinatam, & nihil sit contra voluntatem, & in damnum defuncti. Ita Barbosa supra citatus cum aliis.

## §. XI.

### De valore Sacrificii Missæ.

Posito quod Sacrificium Missæ vim habeat & efficaciam ex opere operato, alia ex hoc oritur difficultas videlicet num hæc virtus & efficacia Sacrificii sit valoris finiti vel infiniti, sicuti Christus qui est principalis Sacerdos, & offerens & hostia simul, est meriti infiniti: ratio est, quia si Sacrificium infinitam habet efficaciam, æque prodest si pro pluribus ac pro uno offertur; aliter vero si illius efficacia sit finita. Discrepant circa hanc difficultatem Theologorum sententiæ. Alii enim contendunt ex Christi institutione vim habere finitam, ac limitatam: alii vero considerantes Sacrificium Missæ idem esse cum Sacrificio crucis, infinitam esse eius vim propugnant; & eo vel maxime, quod ex nullo Scripturæ testimonio manifeste deduci queat, Christum Dominum ipsius Sacrificii institutione constituisse, ut hoc Sacrificium quoad se virtutem in suis effectibus finitam haberet. Et ut clarius res innotescat.

Notandum, quod cum in Sacrificio Missæ eadem sit hostia, idem principalis Sacerdos, & offerens (nempe Christus Dominus) qui fuit in Sacrificio crucis, cuius illud est innovatio & commemoratio, tale Sacrificium,

cum, ex dignitate, & merito infinitis tum victimis, tum Sacerdotis, est infinita virtutis & efficaciae, ut non solum sufficiens sit, sed etiam efficax ut infinitis pro sit hominibus; finitum tamen redditur in sui applicatione, non quia Christus Dominus in sua institutione disposuerit quod virtutem finitam haberet & efficaciam, cum hoc nulli constet, sed ratione tum subiecti cui est applicabile, tamen penes innumeri crearentur homines; tum ratione devotionis & dispositionis, ad cuius mensuram fructus Sacrificii participantur. His positis, sit.

Sacrificium A.I. toris va. toris est infiniti ad divina impo. tandu beneficia & appli. andu.

Sacrificium crucis, ut fatentur contrariae sententiae patroni, ratione infinitae dignitatis offerentis vim habuit infinitam ad nobis divina promerenda beneficia: Unde cum Sacrificium altaris, ut docet D. Chrysost. *homil. 60.* ad populum Antiochenum, in nulla re minus sit Sacrificio quod fecit Christus in cruce, & ultima Coena, sequitur ad evidentiam, hoc quoque valoris esse infiniti ad divina impetranda beneficia & applicanda; cum Sacerdotes in persona Christi, nomine illius, ac eiusdem verbis, & illius vim gerentes hoc offerant: Nam institutum est ad applicanda quae Christus nobis in sua passione promeruit. Hoc confirmat B. Albertus magnus apud Philibertum *de Sacrificio Missae* part. 2. cap. 72. proposit. 1. alique Patres, cum dicant hanc obligationem incruentam factam a Sacerdote nihil minus habere cruenta a solo Christo peracta. Quare licet Sacrificium Missae habeat effectum finitum secundum mensuram humanae devotionis & dispositionis, cum tamen eius virtus & efficacia radice in principio infinito, quod est dignitas victimae, & principalis offerentis, (id est Christus Dominus) semper verum est, quod in se infinitum sit, non secus ac Sacrificium crucis, quod ratione meriti infiniti Christi in hoc Sacrificio oblatus fuit efficaciae, & valoris infiniti, licet applicabile subiecto finito, ut est genus humanum. Ita docet D. Thom. 3. part. quaest. 79. art. 5. ubi ait: *Quamvis haec oblatio ex sua quantitate sufficiat ad satisfaciendum pro omni poena, tamen sit satisfactoria illis, pro quibus offertur, vel offerentibus secundum qualitatem suae devotionis; unde aequo prodest si pro pluribus, ac si pro uno applicetur.* Confirmat hanc sententiam praxis Ecclesiae, secundum quam tenetur Sacerdos offerre Sacrificium pro omnibus vivis ac defunctis, tamen elemosynam ab aliquo acceperit, ut specialiter celebretur: Nam si hoc Sacrificium esset finitae efficaciae, fie-

*Instit. Theol. Moral. Tom. IV.*

ret et iniuria, qui elemosynam obtulit, si Sacrificium pro pluribus offereretur, quia ei minus prodesset. Sentit igitur Ecclesia, valorem Sacrificii non minui dum pluribus communicatur, ac ideo in sententia Ecclesiae infinitus est, ita ut quantumvis pluribus applicetur, nunquam exauriatur, nemini praediceretur, & quicumque si ample se disponat, amplum fructum percipere potest, cap. *non mediocriter de consecr.* dist. 5. in quo sic legitur: *Dum pro cunctis animabus psalmus aut Missa dicitur, nihil minus quam si pro uno quolibet ipsorum diceretur, accipitur.* Insuper optat Ecclesia, hortatur, vel potius praecipit, ut frequenter conveniant fideles ad Missam Parochialem. Certe si ex eo quantum plures sunt astantes, minor fructus a singulis esset percipiendus, praefrenda esset Missa privata, ad quam pauciores conveniunt, quod est absurdum. Sic Habertus.

Theologi, Canonistae solent hic respondere, distinguendum esse triplicem Sacrificii fructum, videlicet generalem pro omnibus, & in ordine ad hunc primum effectum virtutem Sacrificii esse infinitam; specialem pro eo qui elemosynam largitur, & specialissimum qui convenit celebranti; & quoad duos postremos effectus, dicunt virtutem Sacrificii esse finitam. Sed haec divisio triplicis fructus supponit quod probandum est, nempe in priori acceptione fructum esse infinitum, in aliis vero duobus finitum. Confirmat priorem sententiam Habertus cum paritate Sacramenti, nempe, quod si idem numero Sacramentum posset pluribus applicari, non secus ac Sacrificium, omnibus aequo prodesset. Insuper licet dicat ordinem ad unum, non videtur nihilominus habere virtutem limitatam ac finitam: Nam sicut accedens potest magis ac magis in infinitum esse dispositus, sic Sacramentum vim habet conferendi gratiam maiorem ac maiorem in infinitum; Nemo enim dicere audebit, accedentem ita perfecte esse dispositum, ut veluti exauriat Sacramentum, ut si denuo cum tali dispositione accedat nihil Sacramentum in eo operetur.

Dices, hoc Sacrificium quod modo offertur, limitari per Sacerdotem offerentem; qui est finitus. Sed resp. quod sicut Sacrificium oblatum a Sacerdote malo non ideo ab eius malitia inquinatur, ut docet Trid. Synodus sess. 22. cap. 2. ita nec a Sacerdote finito accipit finitatem. Ratio utriusque est par. Insuper oblatio, qua res offertur infiniti valoris a persona infinita tanquam prin-

DD. triplicem d. finem habent fructum Sacrificii.

R

prin-

principali Ministro, iure merito censeretur debet valoris infiniti, licet per alium ministrum secundarium parvi aut nullius valoris eam rem oblatam mittat. A Christo enim Domino sumit valorem, qui idem est ac ille sacrificii oblatus immediate ab ipso Christo Domino in ultima Cena; & æternus Pater hunc respicit, cuius nomine ac verbis nunc sibi oblatum est Sacrificium, non vero Sacerdotem secundarium Ministrum, quique sit ille siue finitus siue peccator.

Dices ulterius, Christum voluisse quod Sacrificium altaris haberet virtutem & valorem finitum & limitatum, eo ipso quod voluerit hoc frequentari. Sed resp. ad frequentationem huius Sacrificii satis esse, quod licet valor sit infinitus, finito tamen modo participetur pro mensura devotionis, ac proinde ex frequentatione Sacrificii novus maior effectus proveniri possit.

Opponunt insuper contrariæ sententiæ patroni 1. quod si valor Sacrificii esset infinitus, inique ageret Sacerdos offerendo pro uno, quando sine diminutione fructus pro pluribus offerri posset: Et communiter tribuere solent catholici elemosynam, ut Sacrificium sibi applicetur. Igitur est communis sensus Ecclesiæ catholicæ, Missæ Sacrificium pro uno oblatum plus ei prodesse, quam si pro pluribus offereretur. 2. Summi Pontifices Urbanus VIII. Alexander VII. prohibent ne Sacerdos qui plura stipendia recipiat pro celebrandis totidem Missis, per unum Sacrificium debito suo satisfacere præsumat, & declarant ita agentem peccare contra iustitiam, ac teneri ad restitutionem. 3. si Missa efficaciam haberet infinitam, frustra innumera offererentur Sacrificia ad eam rem impetrandam, unde moriturus frustra plura Sacrificia celebranda relinqueret, cum eundem effectum una Missa non secus ac pluribus obtinere posset. 4. Sicut Sacramentis inest virtus applicandi uni merita passionis Christi; sic Sacrificio applicandi pluribus: ac virtus illa finita est in Sacramento; igitur & in Sacrificio.

Resp. ad primum, non inique agere Sacerdotem uni particulari Sacrificii fructum applicantem, cum sine huius diminutione possit pro pluribus applicare, 1. quia opposita sententiæ non caret sua probabilitate, ac ideo res est incerta. 2. Licet ex charitate possit pro pluribus specialiter applicare, si tamen omittat, non eo ipso male agit; quia iam Sacrificium offert pro tota Ecclesia catholica, pro omnibus orthodoxis, &

catholicæ ac apostolicæ fidei cultoribus, pro Summo Pontifice, pro principibus, pro circumstantibus, pro fidelibus omnibus vivis, ac defunctis. Ad illud vero de fructu maiori percepto ex Sacrificio ab iis qui iuxta morem Ecclesiæ elemosynam largiuntur, ut specialiter pro eis applicetur, resp. hoc procedere, non ex eo quod fructus Sacrificii sit finiti valoris ac efficaciz, sed ex meliori dispositione, quam consentur habere qui elemosynas conferunt, ac curant, ut Sacrificium pro eis specialiter offeratur; sicut & qui prætermisissis temporalibus negotiis ad Sacrificium conveniunt, ac eo ministrant; hi enim maiorem fidem præferunt ac devotionem. Ad secundum vero, quod scilicet Summi Pontifices prohibuerint plures pro uno Sacrificio elemosynas, resp. hoc factum fuisse 1. quia, ut diximus, contraria sententiæ non caret sua probabilitate, unde hæc certa penitus non redditur. 2. quia cultus minueretur, si Sacerdos uno Sacrificio satisfacere vellet pro copiosis elemosynis oblatis: & singulis diebus anni non offereretur Sacrificium. 3. Quia hæc esset Sacerdotum sordida avaritia, quæ in grave Fidelium scandalum verteretur. Ad tertium negatur, Ecclesiam supervacane pro impetratione unius necessitatis plura multiplicare Sacrificia, quia cum hic effectus pendeat a legis positione, & non semper concedatur, nisi quando Deo placuerit; sic esse posset forsitan, quod Deus decreverit id quod petitur concedere post multa oblata Sacrificia, ut sit in precibus, in quarum conditione computatur Sacrificium, ad quarum petita elargienda semper vult Deus earum perseverantiam. Nec frustra moribundus plura relinquit Sacrificia pro se offerenda, quia quodlibet habet finitum effectum pro mensura humanæ dispositionis, & devotionis; ac ideo solum partem poenæ tollit, cum perdifficile sit, aliquem ita plene & perfecte esse dispositum, ut mereatur ex uno Sacrificio per se oblato totam poenæ remissionem. Sed ulterius hoc argumentum nimis probat: nam ex hoc concludi posset, Sacrificium nullam efficaciam habere ex opere operato, cum aliquando frustra pro una eademque re replicetur. Quare ratio vera huius defectus deducenda est ex eorum indiguitate, pro quibus offertur, ut ait S. Th. quæst. 79. art. 7. ad 2. Dicendum, ait Angel. Doct. quod sicut passio Christi prodest quidem omnibus quantum ad sufficientiam, sed effectum non habet, nisi in illis, qui passione Christi coniunguntur per fidem, & charitatem;

tem; ita & hoc Sacrificium, quod est memoriale passionis Dominicae. Et art. 7. Quamvis ergo haec oblatio ex sui quantitate sufficiat ad satisfaciendum pro omni poena, tamen sit satisfactoria illis, pro quibus offertur, vel etiam offerentibus secundum quantitatem suae devotionis, & non pro tota poena. Unde egregie docet Caietanus, Sacrificia, aliaque Suffragia non prodesse infallibiliter omnibus animabus in Purgatorio detentis, sed iis solummodo, quae dum in mundo suo corpori unitae peregrinabantur, sibi hoc subsidium per opera iustitiae promeritae fuere. Et hoc confirmari potest Indulgentiarum exemplo, quae secundum veriore sententiam non totaliter solvunt a reatu poenae temporalis nisi eos, qui per seipsum satisfacere curant; adeo ut Indulgentiae suppleant quodammodo ipsorum infirmitatem ac impotentiam, vel saltem mercedem alicuius eximii operis, quod per se praestare non valent; alias fideles, praecipue divites effugerent poenitentiae onus, aliaque Christianae pietatis opera sub Indulgentiarum praetextu, & magno Missarum numero, quas post eorum mortem celebrandas relinquerent.

Non sequitur tamen ex dictis in hac responsione, Missam non prodesse nisi dispositis, cum, ut iam diximus, utiliter interviat, ac valeat etiam ad obtinendam primam conversionis gratiam pro infidelibus, & peccatoribus etiam obduratis. Sed responsio tendit ad demonstrandum, dari posse peccatorem tam gravis indignitatis, ut Deus per Sacrificium exoratus nihil indignationis suae remittat. Hisce vero ulterius addendum, nequaquam poenam temporalem remittere, nec sanctificantem gratiam illis augere, qui adhuc ligati extant a vinculo mortalis peccati: nam & remissio poenae, & gratiae augmentum necessario supponit remissum esse, ac deletum mortale peccatum. Ex hoc ergo fit, quod Sacrificium ceteroquin per se efficax non semper habeat suum effectum. Ad quartum tandem responderetur, non aliud ex hoc concludi, nisi quod Sacrificium & Sacramentum non habeant infinitum effectum, quod certissimum est, cum nihil creatum sit infinitum; sed sicut ex eo quia non possit Deus creaturam infinitam producere, tamen negari nequit eius infinita potentia; sic negari nequit Sacrificii, ac Sacramentorum infinita virtus, quia nonnulli finitos effectus habere possunt.

## §. XII.

De Missae proprietatibus, scilicet de eius necessitate ex parte Sacerdotis celebrandi, ex parte populi conveniendi, & communicandi.

Cum inter alias Sacrificii Missae proprietates maxime intersit non ignorare ea quae eius necessitatem respiciant, aliis omissis operae pretium est, ut ea, quae ad hanc spectant, discutiantur, & haec tum ex parte Sacerdotis quoad eius debitum hoc Sacrificium offerendi, tum ex parte fidelium quoad debitum ad illud conveniendi, & in illo communicandi. Secundum igitur hunc triplicem respectum consideranda erit necessitas sancti Missae Sacrificii.

Hic quaeritur 1. utrum, & quando Sacerdotes Eucharistiae Sacrificium, offerre teneantur. 2. Utrum liceat celebrare, tamen si nullus sit qui communicet. 3. Utrum ubi nemo est qui ministret.

Sacerdotes omnes, tamen si eis non incumbat cura animarum, tenentur iure divino, & ecclesiastico sub mortali aliquando saltem celebrare. Tenentur quidem iure divino, quia Christi verba Lucae 22. *hoc facite in meam commemorationem*, spectant ad eos omnes qui futuri erant Apostolorum successores in Sacerdotio; & hisce verbis, ut testatur Conc. Trid. sess. 22. cap. 1. praecipit Christus Apostolis, eorumque successoribus in Sacerdotio, ut hoc Sacrificium offerrent. Item quia Sacerdoti in sua Ordinatione non tantum potestas, verum etiam munus & officium, illi potestati annexum sacrificandi tribuitur ut Hebraeor. 5. *Omnis namque Pontifex ex hominibus assumptus pro hominibus constituitur in iis, quae sunt ad Deum, ut offerat Sacrificia*. Unde unusquisque susceptum munus graviter tenetur in re gravi, cuiusmodi haec est exercere, & uti potestate concessa in honorem Dei, & proximi utilitatem, ut docuit Christus Dominus Matthaei 25. sub Parabola servi inutilis damnati, quia absconditum & infructuosum reliquit talentum sibi traditum, ut negotiatione vel usuris lucraretur. Hinc D. Th. 3. part. quaest. 82. art. 10. ait, Sacerdotem etiam si ei non incumbat cura animarum, celebrare teneri in praecipuis festis. Quod autem Christus Dominus hanc Sacrificii oblationem in ultima Coena praeeperit, docet Trid. Synodus sess. 22. cap. 1. ibi enim habetur: *ut sumerent tradidit, & eisdem, eorumque in Sacerdotio successoribus ut offerrent praecipit*

Sacerdos, tes, quibus non incumbit cura animarum, tenentur aliquando celebrare, & iure divino.

*per hac verba: hoc facite in meam commemorationem, uti semper catholica Ecclesia intellexit ac docuit.* Iuveninus, P. Antoine.

Sacerdotes etiam ex iure Ecclesiastico Sacerdotes divinum Sacrificium offerre tenentur, ut patet ex Concil. Later. IV. cap. *Dotentes de celebrat. Missar.* ubi recenset inter peccata Sacerdotum, quod vix quater in anno celebrent. *Hæc igitur & similia sub pena suspensionis inhibemus.* Et Concil. Trid. sess. 23. cap. 14. circa quoslibet Sacerdotes ita statuit: *Curet Episcopus, ut diebus saltem Dominicis, & festis solemnitibus, si autem curam habuerint animarum, tam frequenter, ut suo muneri satisficiant, Missas celebrent.*

Missæ  
Conven-  
tualis in  
Caphe.  
dralibus  
& Colle-  
giatis  
quoti-  
die cele-  
branda.

In Ecclesiis vero Cathedralibus, Collegialibus, & Conventualibus quotidie Missa celebranda est sub mortali, saltem ab aliquo ex usu Ecclesiæ, vim legis habente, vel etiam ex fundatione.

De Obli-  
gatione  
Parochi  
rum pro  
Missæ Ce-  
lebratio-  
ne.

Sacerdotes autem, quibus animarum cura incumbit, cuiusmodi sunt Parochi, ut muneris suo satisficiant, sicuti antea dicebam, certum est apud omnes sine ulla controversia, teneri aut per se, aut per alium Sacrum facere diebus illis omnibus, quibus Parochiani debent ex præcepto Sacrum audire, quia officium est curam habentis animarum ministrare parochianis quæ illis necessaria sunt, sicuti est Sacrificium diebus festis, quod ipsi sub mortali audire tenentur.

Utrum vero aliis diebus non festis aut quotidie, aut saltem aliquibus diebus in hebdomada Parochi celebrare teneantur, in hoc statuendo non conveniunt Theologi. Videtur tamen ut certum supponendum, quod ratione sui muneris, seclusa quavis alia obligatione, id est consuetudinis, statuti particularis, & secluso scandalo, non tenetur Parochus quotidie celebrare; & hæc est etiam communis, unde supervacaneum est in eius probationibus immorari. Difficultas itaque versatur circa aliquos dies in hebdomada, nempe si saltem diebus aliquibus infra hebdomadam teneatur, tamen hiis diebus non teneatur populus Missam audire. Sotus, Suarez, Azorius cum alii communius, probabilius, ac rectius existimant, frequentius teneri Parochum celebrare, quam teneatur populus Missam audire. Aiunt enim qui ita sentiunt, quod si Doctores communiter docent, Parochum teneri ministrare suo gregi Pœnitentiam & Eucharistiam non solum quando ipsi obligati sunt accedere, sed quoties rationabiliter, & opportune eorum devotio petit, (nam Parochi aluntur a popu-

lo, non tantum ut ipsis inserviant ad adimplenda præcepta, sed etiam ut utilia & opportuna salutis animarum ministrent; & hoc maxime ad munus pertinet Pastorum, alioquin non satis animarum salutis provisorum fuisset). Eadem ratione dicendum est teneri eis ministrare hoc Sacrificium, non solum quando incumbit subditis huic interesse, ut sunt dies festi, verum etiam quando rationabiliter, & opportune hoc exquirat eorum devotio, id est etiam saltem aliquo alio die præter dies festos infra hebdomadam.

Imo addunt, quod si populus numerosus sit, & fructus non sint exigui, ad Episcopum pertinet Parochum addringere, ut aliquoties puta bis, aut ter in hebdomada celebret, præcipue si in oppido non sint Ecclesiæ Collegiatæ, vel Conventuales, ad quas pro Sacrificio audiendo populus concurrere possit: ita Layman, Bonacina, qui refert in Conc. Provinciali Mediolan. I. part. 2. tit. *de frequenti divini Officii oblatione*, præceptum esse Curatis, ut post dies Dominicos, & reliquos festos, ter in hebdomada, aut etiam sæpius, prout loci consuetudo, vel necessitas crebriorem usum divini Sacrificii postulabit, Missam celebrent.

### §. XIII.

#### *De applicatione Missæ faciendæ a Parocho pro populo.*

Solet hic insuper inquiri, num Parochus præter celebrationem Missæ faciendam pro populi commodo ad implendum præceptum quod urget, vel aliquando pro satisfacienda eius devotione, teneatur saltem aliquando applicare ipsum Sacrificium pro populo, & quo iure. Et r. certum est apud omnes, Parochum ex nullo iure, nec divino, nec ecclesiastico, spectato suo munere, teneri quotidie pro populo celebrare. Nam si Parochus nullo iure tenetur celebrare quotidie, igitur multo minus verum erit eum teneri quotidie applicare Sacrificium pro populo. Si enim cedit principale, cedit etiam accessorium. Item quia nec Summus Pontifex tenetur pro tota Ecclesia, nec Episcopus pro tota Diocesi, nec Generalis ordinis pro suis Religiosis quotidie sacrificare: Igitur nec Parochus pro suis Parochianis. Tota stat igitur difficultas, an teneantur Parochi iis saltem diebus, quibus celebrare tenentur, ut plebs sibi subiecta satisficiat præcepto, cui obstringitur ad Sacrum audiendum, diebus nempe dominicis, & aliis festis. Negant permulti ad hoc Parochum præcise ex

vi Beneficii curati, non extante contraria consuetudine, lege, vel fundatione, pacto &c. teneri hñce diebus ad fructus applicationem Sacrificii pro populo, sed solummodo teneri celebrare, ut populus iuxta præceptum quo obstringitur, lacrum audire queat. Opinio tamen contraria verior videtur, quam, ut propriæ conscientię consulant, Parochi sequi debent, utpote quæ graviora habeat fundamenta, quibus fulcitur. Primo enim Conc. Trid. sess. 23. *de reform. cap. 1.* sic ait: *Cum præcepto divino mandatum sit omnibus, quibus cura animarum commissa est, suas oves cognoscere, pro iis Sacrificium offerre.* Mihi videtur Concilium ita clare hic loqui, ut nequidem suspicandum foret, num Parochi diebus, quibus pro populo eis celebrandum incumbit, teneantur etiam pro populo fructum Sacrificii applicare; nec generatim tantum sicuti volunt qui contrarium sentiunt sed speciatim, non secus ac sit quando celebratur Sacrificium pro eo, qui eleemosynam pro tali celebratione elargitus est: Nam iuxta communem morem loquendi, offerre Sacrificium pro aliquo, importat, fructum sacrificii pro illo applicare. Et eundem ita mentem Concilii explicavit sacra Congregatio eiusdem Concilii interpret, quæ quæsitæ de simili casu respectu Parochi Urceani Itanensis Diocesis, idest num diebus, quibus ex proprio officio Missam celebrare teneretur possit pro eadem Missa manuales eleemosynas recipere; eadem sacra Congregatio die 1. Sept. 1629. respondit: *Quibus diebus Parochi tenentur Missam celebrare, non posse manuales eleemosynas recipere, & declaratio relata est a Barbosa in cap. 1. sess. 23. Concilii Trid. Refert hanc eandem declarationem Congregationis Cardinalium Gavantus Clericus Regularis S. Pauli, & ait: Qui tenetur alicubi celebrare absque applicatione Sacrificii, ita debet ibi celebrare, ut nullo modo accipias stipendium ab alio, ut ipsi applicet Sacrificium: quod expresse vetuit Sacra Cardinalium Congregatio in declaratione Decreti de celebrat. Missar. sub SS. Domino Nostro Papa Urbano VIII. emanati....* Quid etiam notent Canonici & Curati, qui tenentur Missam Conventualem, (seu Parochialem in propriis Ecclesiis ratione Canoniciatus seu Lectoriæ celebrare, quia tenentur ratione Beneficii. Unde cum Parochus ratione sui officii celebrare debeat Missam, quæ dicitur Parochialis, dominicis, aliisque diebus omnibus festis, ut sua plebs præcepto satisfaciatur, debet etiam fructum eiusdem Missæ pro ipso populo applicare, ac ideo

*Instit. Theol. Moral. Tom. IV.*

non potest eleemosynam ab aliis recipere, ut pro ipsius fructum eiusdem Sacrificii particulariter applicet. Potest quidem Parochus ait Reginaldus, qui stat pro hac sententia, potest, inquam, dum generaliter est applicaturus, sicut debet, fructum Sacrificii, generaliter recipere eleemosynas a Parochianis oblatas, ut eos solummodo Deo commendet in sancto Sacrificio sine ullo præiudicio generalis oblationis pro tota Parochia, & plebe. His addi potest doctrina S. Thomæ in 4. dist. 15. quæst. 3. art. 2. ubi examinans, num Sacerdos possit pro Missæ celebratione recipere stipendium ait: *Si tamen non habet alios sumptus, & non tenetur ex officio Missam cantare; potest accipere denarios, non quasi pretium Missæ, sed quasi sustentamentum vitæ.* Unde cum Parochus vi sui muneris iuxta Concilii Trid. verba teneatur sanctum Missæ Sacrificium offerre diebus dominicis, & festis pro plebe, iis diebus nequit accepto ab aliquo stipendio pro aliis particulariter offerre, & ita sentit etiam Sylvius doctissimus S. Thomæ interpres, qui dicit, opinionem eorum, qui contrarium sentiunt, esse reiciendam. Sed quia de tali, Parochorum obligatione adhuc aliqui Parochi dubitant, an vi Concilii Trident. & sacre Congregationis eiusdem interpretis decisionum & decretorum applicare teneantur pro suis ovibus, & illi præcipue, qui tenues habent redditus, ut inde nec congruam habeant; eadem sac. Congreg. die 10. Maii an. 1692. denuo idem declaravit, etiam respectu Parochorum, qui congruam non habent, ut constet ex dicto decreto, pro cuius maiore vi ac robore & inviolabili observantia, confirmatum fuit ab Innoc. XII. sua speciali Constitutione emanata die 24. Aprilis 1699. quæ incipit: *Nuper a Congregatione Venerabilium &c.*

Verum cum adhuc non acquiescerent præcipue tenues habentes redditus, & Vicarii, quibus deest sufficiens congrua, & Scriptores super re hac disputarent, pro ultima decisione declaratum tandem fuit, definitum ac firmiter statutum a SS. ac sapientissimo Pontifice felicissimæ recordationis Benedicto XIV. sua Constitutione sub die 19. Aug. anni 1744. quæ incipit: *Cum semper oblatas nobis.* In hac enim sapientissimus & prudentissimus Pontifex rem funditus explicat, & tandem observandum ab omnibus decernit, quod multoties dicta sac. Congregatio, & Parochia. suus Præcessor Innoc. XII. confirmavit, ut Parochi omnes sine ulla exceptione, & Vicarii sive perpetui, sive ad tempus, sive

Decisio  
Benedi-  
cti XIV.  
de appli-  
catione  
Missæ  
a Parochia-  
lis pro  
populo.

R 3

red-



reditus sufficientes habeant, sive non, in-  
violabiliter teneantur offerre, seu applicare  
Sacrificium pro grege sibi subdito dominicis  
omnibus & diebus festis: Imo iis etiam  
quibus per suam Constitutionem dispensavit  
ab observantia, idest ab operibus servilibus,  
remanente tamen obligatione sacrum audi-  
endi. Et ut tolleret omnem scrupulum  
circa obligationem quotidie celebrandi pro  
populo, de quo certabant Theologi, afir-  
mantibus aliis respectu eorum, qui pingues  
habent redditus, declaravit, resolvit, & ab  
hoc onere liberos prorsus ac securos in con-  
scientia circa hoc esse voluit, declarando,  
ac expresse definiendo, non teneri ad quo-  
tidianam applicationem pro populo, sive te-  
nues, sive pingues habeant redditus, sicuti  
neutiquam tenentur quotidie celebrare, sed  
satis esse ut satisfaciant oneri, cui iure di-  
vino tenentur, quod applicant fructum Sa-  
crificii pro populo dominicis, aliisque diebus  
festis, quibus populo incumbit assistere divi-  
no Sacrificio.

Quam vero hoc conveniens & iustum sit  
ratio ipsa, qua suam firman opinionem qui  
ita sentiunt, patenter demonstrat, nempe  
charitas ipsa Pastoris, quam habere debet  
erga suum gregem, ac iustitia. Charitas e-  
nim Pastoris, quam habere debet erga suas  
oves postulat, ut pro ipsis Missæ Sacrifi-  
cium applicet diebus saltem dominicis & fe-  
stis: Nam si quilibet ex charitate proximum  
suum spiritualiter iuvare debet, a fortiori te-  
nebitur Pastor, qui pro hominibus consti-  
tuitur in iis, quæ sunt ad Deum, ut offer-  
rat dona & Sacrificia pro peccatis. Postu-  
lat hoc & iustitia, cum æquum sit, ut qui  
lac ovium comedit, & lanis operitur, oves  
pascat, ipsisque spirituale pro temporale re-  
pendat, & iam contraria opinio sorditatem  
redolet, & Parochi suis rebus nimium in-  
tenti favent cupiditati. Ita Pontasius.

Vicarii quoque sive perpetui, sive amovi-  
biles, sive sæculares, sive Regulares eam-  
dem tenent obligationem celebrandi pro po-  
pulo diebus dominicis, & festis de præce-  
pto. Sic declaravit teste Merati sac. Con-  
gregatio Concil. 6. Iunii an. 1705. & con-  
firmat praxis Romana Visitationis Apostoli-  
cæ Parochiarum, in qua Parochi sive sæcu-  
lares, sive Regulares, sive Vicarii perpe-  
tui, sive amovibiles tenentur in libro seu  
registro Missarum exhibere annotationem  
Missarum dominicalium & festivarum, quæ  
applicatæ fuere pro populo.

Licitum est offerre Sacrificium, tamen si  
nullus sit qui communicet præter Sacerdo-

tem: ita contra Lutherum definitum fuit a  
Concil. Trid. sess. 22. can. 8. Nec enim per-  
tinet, ut iam vidimus, communio adstan-  
tium ad essentiam, nec ad integritatem Sa-  
crificii, nec usquam prohibuit Christus Do-  
minus Sacerdotibus celebrare, quando præ-  
ter eos non alii sint qui communicent, cum  
hoc non constet ex scriptura, & multo mi-  
nus ex Traditione, quæ imo contrarium  
docet. Nam SS. Patres hortati sunt quidem  
Fideles, ut singulis dominicis diebus commu-  
nicent; nullus autem eis præcepit, nec ut  
præceptum obiecit, quod quotidie id age-  
rent, licet Sacerdotes singulis diebus cele-  
brarent, ut constat ex S. Cypriano in ep.  
ad Cæciliam, ex S. Aug. epist. 22. quæ est  
ad Bonifacium Episcopum, ex Innocent. I.  
in ep. ad Exuperium Episcopum Tolosa-  
num, ac aliis veteribus Patribus.

Non licet vero Sacerdoti celebrare si nul-  
lus adsit qui ministrat; quia vetant Cano-  
nes, ne Sacerdos sine ministro celebret,  
can. *proposuisti*, & sess. 21. Concil. Basilien-  
sis, ubi inter alios abusus notatur mos qua-  
rundam Ecclesiarum, in quibus Sacerdotes  
sine ministro celebrant, prohibeturque ne in  
posterum hoc fiat. Refert tamen Layman  
hunc morem viguisse suo tempore in Ger-  
mania, & maxime in pagis. Hoc fieri ve-  
luit etiam S. Carolus in quodam Concil.  
Mediolan. Ab hoc autem ministerio feminæ  
excluduntur, ut habetur cap. 1. *de celebrat.  
Clericor.* Nulla femina præsumat ad altare  
accedere, vel Presbytero ministrare; & ita  
obtinuit usus, qui pro lege habendus est.  
Addit hic Suarez consultius esse, & satius  
sine Ministro, quam ministrante femina ce-  
lebrare. Hoc tamen non obstante in Belgio,  
ut hic refert Habertus, feminæ etiam sine  
necessitate ministrant. Possunt quidem Mo-  
niales e choro respondere celebranti, & tunc  
satis est si adsit qui vinum & aquam Sacer-  
doti porrigat in altari. In urgenti necessi-  
tate adhiberi potest Minister, qui non va-  
leat precibus Sacerdotis respondere. Refert  
Card. Bona lib. 1. *Rerum Liturgicarum* cap.  
13. nonnunquam concessum fuisse Eremitis  
perpetuo inclusis, ut soli sine ministro ce-  
lebrarent. Num vero urgenti gravi necessi-  
tate, puta audiendi Sacrum in die festo,  
vel ministrandi Viaticum, licitum sit ce-  
lebrare sine ministro, negat S. Antonius  
contra Sotum, qui sustinet licere, præcipue  
si agatur de ministrando sacro. Viatico in  
extremis laboranti.

etiam  
quoniam  
nemo  
qui com-  
munica-

Illicium  
effectum  
brare si  
ne mini-  
strante.

## S. XIV.

*De debito fidelium conveniendi ad divinum  
Missæ Sacrificium.*

Si Sacerdotes tenentur necessario Sacrificium Deo offerre pro populo, eadem generatim necessitate tenentur fideles iure naturali, divino & ecclesiastico interesse, & suo modo illud quoque offerre. Iure quidem naturali, cum Sacrificium proprie dictum lege naturali Deo debeatur, & in recognitionem supremæ maiestatis suæ & dominii, & in gratiarum actionem pro acceptis beneficiis, & pro novis, quorum quotidie indigemus impetrandis. Hinc est, quod in omni statu, ut iam vidimus, semper oblatum fuerit ab iis omnibus, quibus a natura ipsa inditum fuit alicuius supremi Numinis lumen. Nullum autem aliud est in nostra catholica Religione verum Sacrificium, quam incruentum Missæ, quod in memoriam cruenti Crucis offertur. Tenentur iure & præcepto divino: Nam quod ipsa lex naturalis suggerit ut debitum Deo, hoc ipsum divina lex præcipit, & hanc naturalem legem determinavit Deus ad unicum Missæ Sacrificium. Iure tandem tenentur ecclesiastico, quod statuit, ut singulis dominicis, aliisque diebus festis fideles divino Missæ Sacrificio interesse debeant; & de hoc præcepto plura habentur testimonia a sacris Canonibus, & SS. Patribus, quæ, sicuti alias circumstantias respicientes huius præcepti observantiam, ommittimus, eo quia iam satis dictum sit in explicatione huius præcepti, de audiendo sacro Dominicis omnibus, aliisque diebus festis.

Quæri potest num teneantur fideles assistere diebus Dominicis, & maioribus festis Missæ Parochiali. Tamen si inveterata consuetudo dici possit quod eos eximerit ab hoc præcepto, quod olim vigeat, & innovatum fuit a Conc. Trid. contra quod pariter contraria invaluit consuetudo; nihilominus tamen cum gravibus rationibus hoc olim Ecclesia præceperit in variis Synodis, & innovaverit in generali Trid. necnon Summi Pontifices in suis Constitutionibus graviter inculcaverint, præcipue Sixtus IV. labente sæculo 15. in sua Constit. incipiente: *Vices illius*; graviter certe reprehendendi sunt, qui nunquam, aut valde raro ad Missam Parochialem conveniunt; unde ubi adhuc lex, aut consuetudo viget, dimittendi sunt a Confessario sine absolutione, & ubi contraria invaluit consuetudo, ut iubet

Concil. Trid. graviter admonendi sunt, ut sæpe Missæ Parochiali interveniant; & non sunt ita facile absolvendi, quando huic debito, qualecumque sit, satisfacere prorsus omittant: Nam præcipue genti rurali maxime refert, ut huic Missæ interfint ad audiendum verbum Dei; quod in hac Missa a suo Pastore explicatur, nec alibi ita facile fiet, ut illud audiant, & ex hoc contingit, ut multi illorum ignorent divina mysteria, eorumque vim, & præcipua tum Dei, tum Ecclesiæ præcepta; ac vivant in damnable ignorantia, & negligentia eorum, quæ ipsis necessaria sunt ad æternam salutem.

Olim excludebantur a Sacrificio Missæ tum pœnitentes publici, qui nondum pervenerant ad consentientiæ gradum, tum cathecumeni. Licebat his quidem interesse illis concionibus, & precibus, quæ inter Missarum solemnias habebantur: sed cum procedendum erat ad ea, quæ sunt dispositiva ad consecrationem, intonante seu proclamante Diacono, *exite pœnitentes, exite cathecumeni* recedere cgebantur ac ideo hæc pars Missæ, cui licebat pœnitentibus, & cathecumenis interesse, dicebatur Missa pœnitentium & cathecumenorum.

Excommunicati publici, ac nominatim declarati per Iudicis sententiam, qui ab omnibus vitari debent (ac ideo dicuntur excommunicati vitandi) ad Missam, cæteraque Ecclesiæ Sacramenta, & officia non sunt admittendi, quia ita fert idea ipsa excommunicationis, quæ est privatio communionis seu societatis cum fidelibus. Excommunicati non publici, ac tolerati, idest non vitandi, ex Decreto Conciliorum Constantiensis & Basiliensis non sunt eiciendi, ac proinde potest Sacerdos ipsis præsentibus Sacra peragere.

Nullus vero peccator publice non excommunicatus est arcendus a Sacrificio Missæ, quantumvis gravissimis criminibus oneratus; & hoc certissimum est, quia urget certis diebus præceptum de audiendo sacro, & quia Sacrificium Missæ est excellentissimum Religionis nostræ officium, quo tum Sacerdos offerens, tum omnes peccatores, pro quibus offertur, magna ad salutem adminicula reportare possunt, si cum debita animi præparatione ad illud accesserint.

## §. XV.

*De debito fidelium communicandi sacramentaliter in Missa.*

Lutherus eiusque affectuæ volunt, fideles qui adfunt Sacrificio Missæ teneri iure divino oblationis participes fieri, quia & illi offerunt per Sacerdotem tamquam per publicum ministrum; & hoc probare credunt ex illis verbis Domini Lucæ 22. qui dum sacram Eucharistiam instituit, ait: *Hoc facite in meam commemorationem*, & adstantibus distribuit, ne quidem Iuda excepto: Unde Apostolus 1. Corinth. 11. reprehendens Corinthios, qui non communiter cœnam celebrabant: *Iam, inquit, non est dominicam cœnam manducare*. Item ex S. Chrysost. qui homil. 3. in epist. ad Ephesios increpat fideles, qui non sunt participes mysteriorum, hisce verbis: *Quisquis mysteriorum consors non est, imprudens & improbus adstat... an non satius fuerit eum, qui talis est non comparuisse?* Sed quidquid ex his testimoniis in sensu captioso acceptis effutiant Eterodoxi, constans remanet catholica veritas, nempe fideles adstantes ad Missæ Sacrificium, non teneri divino præcepto sacramentaliter communicare; ac ideo non illicitas esse Missas, in quibus solus Sacerdos communicat, idest fit hostiæ oblatæ sacramentaliter participes; quod ultimum fide credendum definivit Conc. Trid. sess. 22. in can. 8. his conceptis verbis: *Si quis dixerit Missas, in quibus solus Sacerdos sacramentaliter communicat, illicitas esse, ideoque abrogandas, anathema sit*.

Præceptum divinum debet constare velle Scriptura, velle Traditione divina. Præceptum vero de quo agitur, nullatenus habetur neque in Scriptura, neque in Traditione; siquidem nullum testimonium proferre poterunt adversarii quo hoc probare valeant: Nam etiam si illis verbis Lucæ 22. Christus præceperit Apostolis eorumque successoribus in Sacerdotio, ut ex victima non solum comederent, sed aliis etiam distribuerent; non sequitur tamen ministrandam esse sacram Eucharistiam indignis, ut sequeretur, si in omni Missa omnes de Hostia participes fieri deberent, cum non sit ita facile, ut omnes qui conveniunt ad Missæ Sacrificium, dispositi sint ac mundi, ut requiratur ad participandum de Eucharistica mensa. Hinc alio in loco, idest Matthæi 7. idem Christus admonuit, ne sancta darentur canibus, nempe indignis: *Nolite sanctum dare canibus*; nec exemplum Christi patro-

cinatur errori adversariorum: nam exemplum Christi cum Iuda docet solum, etiam indignis, quando sunt occulti, ut erat Iudas, si publice accedant, non esse denegandam communionem, non vero quod ad essentiam, vel ad integritatem Sacrificii requiratur, ut adstantes participes esse debeant victimæ Sacrificii. Et inter alios Patres S. Hilarius (cuius doctrina quanti facienda sit testatur S. P. Hieronymus, qui indicavit, scripta Hilarii inoffenso pede percurri posse) non existimavit illicitè offerri Sacrificium, si adstantes sacramentaliter non communicent. Sed si communicare nolint, non evincitur ex textu Lucæ, quod Sacerdotes in hoc casu abstinere debeant a sacrificando, sed ad summum ex hoc textu colligi posset, Sacerdotum esse hortari, ac urgere fideles, ut sacræ mensæ fiant participes, quod hodie facere solent animarum pastores, sicut olim S. Chrysostomus, cuius auctoritate abutuntur Eterodoxi. Posito vero quod non audiantur, ex hoc offerre non omittunt, sicut nec adversarii probare possunt propter hoc D. Chrysostomum a sancta actione abstinuisse. *Rogo vos* (ita populum alloquebatur S. Doctor) *non ut aditis, sed ut presentia, & habitu vos reddatis dignos*. Quare ex iis colligitur S. Pastorem adhortatum esse suum gregem ad communicandum, non vero illum a Sacrificio cessasse; quia non communicarent, cum vix semel, aut bis in anno ad sacram Communionem accederent, ut eis obiciebat.

Textum vero Apostoli nihil contra Ecclesiæ catholicæ sensum adversariis favet, cum ibi Apostolus loquatur, non de sacra Eucharistia, sed de cœna communi, in qua omnes simul discumbebant, pauperes cum divitibus, ac ideo Agapæ, idest convivium charitatis appellabatur, quod iam alias attigimus: multo minus favet adversariorum errori traditio, sive negative, sive positive. Et aliis ommissis sive Conciliorum, sive Patrum, quæ catholicæ veritati patrocinantur, adducam præceptum Concilii Agathensis ann. 511. quo statutum fuit, ut fideles adessent Sacrificio singulis diebus dominicis, communicarent vero ter in anno, in Natali scilicet, Paschate, & Pentecostes. Denique semper licitum fuit pluribus eodem die interesse Sacrificiis, atque ad hoc etiam idem Sacerdos ter Missarum solemniam celebrabat in Natali Domini, ut testatur S. Gregorius: vetitum vero fuit laicis sæpius eodem die communicare. Igitur evidenter constat, fideles convenientes ad Missæ sacrificium

cium non teneri ex præcepto divino quodcumque convenient, sacræ mensæ participes fieri, ac proinde non requiri ex divina Christi institutione, nec ad essentiam, neque ad integritatem Sacrificii, ut præter celebrantem etiam adstantes communicent, ita ut in casu opposito nequeant Sacerdotes offerre.

§. XVI.

*De Missa Conventuali in Cathedralibus Ecclesiis, Collegiatis, & Conventualibus, necnon de eius applicatione pro Benefactoribus.*

Episcopi, & Prælati, Cathedralium Ecclesiarum Collegiatarum, & Conventualium tenentur curare, ut in prædictis Ecclesiis saltem una Missa singulis diebus in iis celebretur, ut ex cap. cum creatura de celebr. Missar. & est communis Doctorum. An vero ii Prælati mortaliter peccent, si uno, aut altero die sine legitima causa omitti permittant, non conveniunt Theologi. Sotus, Suarez, negant in casu quo exiguus sit numerus Sacerdotum contra Laymanum, & Coninchum. Alii vero, ut Palaus cum aliquibus aliis censent, non immerito attendendam esse circa hoc consuetudinem, ita ut si consuetudine firmatum sit, ut quotidie in illa Ecclesia Missa Conventualis celebretur, graviter delinqueret Prælati permittendo absque publica causa ut Sacrificii celebratio prætermittatur, quia illa consuetudo vim habet legis, & huiusmodi ommissio non sine gravi scandalo fieret, si sine causa videret populus hoc contingere.

Quoad applicationem vero eiusdem Missæ Conventualis, censet Amort recentior Theologus ex Marato p. 3. tit. 2. num. 2. Canonicos Ecclesiarum Cathedralium, & Collegiatarum, præsertim insignium teneri quotidie applicare Missam Conventualem pro Benefactoribus, consuetudine quacumque in contrarium minime refragante, ait citatus P. Merati, ut sæpe declaravit sacra Congregatio Concilii, nimirum in una Eleni §. Martii 1646. in Tulculana 16. Novemb. & 24. Maii 1661. in Cælenatensi in Alexandrina 26. April. 1663. et in pluribus aliis. Illud tamen concessum est a S. Congregatione, quod Canonici habentes valde tenues præbendas, quarum valor annuatim decem, triginta, quadraginta scuta non excedit, solum applicare teneantur diebus dominicis, & festis de præcepto. SS. Benedictus XIV. testatur hanc moderationem factam esse a sac. Congreg. Concilii 22. Iulii an. 1629. Idem tamen p. 3. tit. 11. n. 3.

ex Pignatel. observat tolerari posse consuetudinem, ut Missa Conventualis solum canteretur diebus festis, si numerus Canonico-rum, & redditus sint valde exigui.

Quod si Ecclesia Collegiata sit etiam Parochialis, secundum eamdem recentiore applicanda est Missa Conventualis pro benefactoribus, & alia pro Parochianis.

Gravior difficultas est circa applicationem Missæ Conventualis quoad Regulares, an ipsi quoque teneantur hanc applicare pro Benefactoribus, posito quod in Collegiatis Ecclesiis currat talis obligatio, cum Ecclesiæ Regularium habeantur ut Ecclesiæ Collegiatæ. Ad difficultatem respondet Meratus cum Gavanto, Ecclesias Regularium minus proprie dici Collegiatas; ex quo sequitur, non teneri ad multa ad quæ tenentur Ecclesiæ Collegiatæ. Quoad applicationem Missæ Conventualis relate ad Regulares advertit Rotharius, quod licet Bonacina cum aliis sustineat, Missam Conventualem Regulares quoque celebrare debere; necnon pro benefactoribus applicare; nihilominus ubi non adest huiusmodi consuetudo, nec aliunde contracta sit hæc onerosa obligatio, secundum se Regulares libere eam applicare possunt. Ita tenet citatus recentior cum Pellizario, Diana, Corduba, alii-ve, quos ipse citat. Et revera ait Rotharius, rigorosa obligatio quotidiana & perpetua non sine gravi fundamento admittenda est: unde cum ex nulla lege aut divina, aut humana expresse hæc obligatio evincatur, neque ex alia implicita obligatione cum benefactoribus (qui dum eleemosynas Regularibus elargiuntur, eas libere facere censentur, & quando pinguem eleemosynam faciunt, explicare solent id quod pro ea imponunt) dicendum est quod censentur libere eleemosynam impertiri pro participatione communium precum, quæ Religiosi pro suis benefactoribus facere consue-scunt, nec ulterius exigunt fieri per Missarum applicationem. Sic P. Merati. Verum alia videtur ratio circa Canonicos Regulares D. Augustini, D. Norberti, &c. utpote quorum Ecclesiæ proprie sint Collegiatæ, & quorum primævæ foundationes plerumque factæ sunt pro Sacerdotibus essentialiter divino adscriptis officio in Sacrificio Missæ, & Choro. Quocirca si Beneficiati tenentur applicare pro suis fundatoribus, etiam si obligatio applicandi non sit expressa in fundatione, eiusmodi Clericalia Collegia tanquam titulo Beneficii ad quotidianam Missæ applicationem tenentur.

Quid de applica-  
tione  
Missæ  
Conven-  
tualis  
quoad  
Regula-  
res.

§. XVII.

## S. X V I I.

## De honorario, seu stipendio Missarum.

De more  
oblato.  
num ip  
primici  
va Eccle  
sia.

In primitiva Ecclesia, ut fidelis populus melius ostenderet se quoque concurrere ad incurienti oblationem Sacrificii, atque simul cum Sacerdote Sacrificium Deo offerre, mos erat, ut qui convenirent ad Missas Solemnias, quisque suam Sacrificii partem offerret, ut non obscure huius ritus meminit S. Cyprianus lib. *de operibus, & elemosyna*. Sacrificia vero in Missa oblata a Fidelibus erant non solum elemosynæ collatz in usus pauperum, sed panes etiam per Eucharistiam sacrandi, sicuti supponunt nonnullæ, quæ etiam hodie de hoc extant in Missali, orationes secretæ, quæ olim dicebantur super oblata. De hac oblatione quam plurima habentur apud veteres clara testimonia, & usum hunc per plura sæcula perdurasse evincit vetus Ordo Romanus conscriptus post S. Gregorii tempora, in quo sic legitur: *Transit Sacerdos ad suscipiendas oblationes. Interim Cantores cantant Offertorium cum versibus, & populus dat oblationes suas, idest panem & vinum cum fanonibus candidis, primo masculi, deinde feminae*: Ubi P. Mabillonius in suo Musæo italico notat pag. 554. *fanones* hic accipi pro *panno oblongo ad offrendas, recipiendasve oblationes*. Sancta fuit religio apud veteres huius ritus offerendi, unde cum sæculo sexto in desuetudinem cadere cœpisset, Concilium Matifconense cap. 4. iussit, ut in omnibus Dominicis altaris oblatio ab omnibus viris, ac mulieribus offeratur, tam panis, quam vini, ut per has oblationes & peccatorum pondere careant, & cum Abel ac cæteris iuste offerentibus promerentur esse confortes. Oblationes panis, & vini, quæ supererant consecrationi, incidebantur in partes, quæ positæ in vase nitido benedicebantur, & distribuiebantur populo, qui Missæ intererat, ut habetur in can. 9. Concilii Nanetensis, quod celebratum creditur sæculo nono, in quo canone huiusmodi particulæ panis benedicti dicuntur *eulogia*, quarum vices hodie in nonnullis Ecclesiis supplet panis benedictus, ut omnes agnoscunt. Mos eulogiarum adhuc servatur apud Græcos teste Cabasila in expositione Liturgiæ cap. ult. Van-Elpen.

Verum postquam confici cœperunt pro consecratione formulæ rotundæ, & graces, dictæ *Hostiæ*, sicuti hodie etiam est in usu, ac proinde cœpit non amplius ad-

hiberi panis oblatus, Parochiani, aut unus pro omnibus cœperunt offerre panem, quæ per Parochum benedictus Parochianis inter Missarum solemnias distribuebatur; & ubi adhuc hic usus viger, distribuitur in signum communionis, quam Christiani a suo Parocho accipiunt in signum fraternæ communicationis in fide, & charitate. Cum autem hæc unio specialiter esse debeat inter fideles unius Parochiæ, utpote unam quasi Ecclesiam constituentes, hinc hoc unionis symbolum & charitatis in solis Parochialibus sub Missa Parochiali distribuendum est.

Desiit populus panem, & vinum in Missa offerre, quod quando contigerit incertum est. Hoc certe constat, quod tempore Honorii Augustodonensis moris iam esset loco panis, sive farinæ offerri denarios, & credit Honorius mutationis huius originem rariori fidelium communioni adscribendam esse, ut videri potest in eius *Gemma animæ*. Verum, ut advertit Christianus Lupus Dissert. 2. Proemiali ad tom. 3. Schol. in can. cap. 11. postquam Sacerdotes sibi in proprium usum appropriare cœperunt illos denarios oblato, hinc ob avitampopuli de Clerici avaritia, & nimis proventibus calumniam, defecit paulatim etiam denariorum oblatio, contracta fere ad solam Missam in Exequiis Defunctorum. *Accedens* (sequitur Lupus) *Ecclesiarum, altarium in eadem etiam Ecclesia, Sacerdotum, plurimum quotidie in eodem quoque altari Missarum multiplicatio, istam contractionem, seu desuetudinem oblationum strenue adiuvit*.

Hunc oblationum morem, & institutum ab Apostolorum tempore ad nos devolutum, & iniuria temporum pene abrogatum variæ Synodi posterioribus hisce temporibus restituendum decreverunt, ut Synodus Colonienfis an. 1549. cap. 20. ubi declarat pene totum abire cœpisse in desuetudinem; *hominibus piis causam, & originem offerendi ad altare ignorantibus, & impiis cupiditate Sacerdotum usum istum introductum calumniose asserentibus*. Sed præ omnibus hunc studuit instaurari oblationum ritum S. Carolus, paternarum traditionum, ac canonicæ disciplinæ zelantissimus instaurator, ut patet ex Actibus suæ Ecclesiæ, sicuti patet in suo Concilio Mediolanensi p. 2. cap. 15. ubi hoc graviter inculcat, utpote quod pertineat ad divinum cultum, & populis salutare sit, & utile ad expianda peccata.

Commutato igitur more offerendi panem, & vinum in Sacrificio Missæ in denarios, istosque in usum solius celebrantis, visum est

est offerri posse ante, vel post Missam quod in ipsa offerre licebat. Itaque dum sensim oblatio inter Missarum solemniam cessasset, ac in Missis præcipue privatis oblatio parum nota esset, tunc qui pro se specialiter tamquam offerente Missam celebrari, & orari volebat, id oblato denario a Sacerdote postulabat; atque hinc ortum habuit (licet incertum sit tempus, quo hic usus cœperit) illa denarii retributio pro Missæ Sacrificii applicatione, quam hodie honorarium, seu stipendium, seu honestius eleemosynam Missæ appellamus, ut inter alios notat eruditissimus P. Mabillonius in præfatione ad 1. partem sæculi 3. Benedictinorum n. 62. & ipsi videtur cœpisse hoc stipendium sæculo 3. saltem in Missis privatis non tamen ubique passim ante sæculum 1. Et de usu talis eleemosynæ in Missis privatis sæculo 11. testatur etiam Petrus Damianus lib. 1. ep. 15. addens, eiusmodi pecuniæ oblatæ admissionem & in Clero, & Monacho male oluisse. Hinc factum fuit notat cit. Mabillonius, ut dum antea Sacerdotis relinquebatur arbitrio, quod unum pro multis, vel singula pro singulis offerentibus Sacrificia celebraret nunc laici ob modicam stipem singuli singulas sibi Missas arrogant.

Hunc morem introduci cœptum reprehendere videtur Eugenius II. in Concil. Rom. c. 17. *Presbyteri nullis blandiantur, aut suadeant sermonibus, ut non omnium ad se concurrerint, in quibuslibet sacris locis oblationes ad Missarum solemniam recipiant, quia cum mediatores Dei, hominumque existant in exercendis votis, relaxandisque peccatis, largis famam debent orationem peragere*. Idemque repetit Leo IV. in Synodo Romana. Walafridus Strabo pariter eodem tempore nascentem eiusmodi morem erroris arguit in lib. de rebus ecclesiasticis cap. 22. *Sed & in hoc error non modicus videtur, quod quidam putant se non posse aliter plenam commemorationem eorum facere, pro quibus offerunt, nisi singulas oblationes pro singulis offerant vel pro vivis, & defunctis; non simul existimant immolandum, cum vere sciamus unum pro omnibus mortuum, unum passum esse, & sanguinem, quem universalis Ecclesia offert, fuisse. Quod si cui placet pro singulis figillatim offerre, pro solius devotionis amplitudine, & orationum augendarum delectatione id faciat, non pro stulta opinione, quod, putet unum Dei Sacramentum non esse generale medicamentum*.

Verbis hisce Walafridi relatis subiungit Cardinalis Bona lib. 2. *Rerum Liturgicarum* c.

8. n. 7. cuiusque Sacerdotis arbitrio, seu devotioni relinquens, unum pro multis offerentibus Sacrificium, aut singula pro singulis celebrare. Nostrorum vero temporum alia conditio est, alii mores. Olim fideles sua offerendo munera non postulabant Missam specialiter pro se celebrari, sed persuaserant sibi sufficere, si Missæ Sacrificio devote coniungerentur, & una cum Sacerdote ipsum Sacrificium offerrent divinæ misericordiae confidentes Sacrificii fructum sibi applicandum pro ratione Sacrificii, & dispositionis. Verum cum successerint antiquis oblationibus hodierna honoraria, seu stipendia Missarum, alia est offerentium intentio, nempe, non sicuti olim, ut unum idemque Sacrificium pro pluribus offerentibus celebraretur, seu pluribus applicetur; sed ut tot Missæ, quot dant stipendia, specialiter pro se, vel pro alio, quem nominant, celebrentur, & specialiter applicentur. Quare licet Missæ Sacrificium sit idem ac antea, idest valoris tam ampli, ac ingentis, ut sufficiat ad satisfaciendum pro pluribus, ut tolleretur omnis via Sacerdotum avaritiæ, providit Ecclesia, sicuti infra videbimus, ne Sacerdotes accepto honorario pro speciali Sacrificii applicatione, audeant altero accepto honorario pro aliis etiam specialiter idem Sacrificium offerre, ac applicare; quia, ut monet Gerson tract. de sollicitud. Eccl. Sacerdotes honoraria intentione, ac lege a fidelibus oblata accipientes, ipsius quasi iustitiæ leges infringent, suamque avaritiam proderent, si fidelium intentioni non satisfacerent. Hætenus Van-Espen.

Hiscæ tamen non obstantibus Missæ Sacrificium etiam hodie licet ratione accepti stipendii a Sacerdote pro aliquo particulari sub stricta, ubi dicunt, intentione celebratur; tamen pro omnibus fidelibus Christianis vivis, ac defunctis offertur, & aliquorum specialem memoriam facere licite possunt, & revera faciunt Sacerdotes ex ipso Missalis præscripto, ubi subiicitur: *Et omnium circumstantium, quorum tibi fides cognita est, & nota devotio, pro quibus tibi offerimus*, &c. Igitur hodie quoque verum est, quod Missæ Sacrificium quantum est ex parte Christi primarii sacrificantis, & Hostiæ oblatæ sit eximii valoris, (etiamsi non esset infiniti iuxta aliquos contra communioem) & fidelibus assistentibus cum proportionis devotionis & fidei fructus illius communicetur æqualiter, sive pauci, sive multi assistant. Imo docet Petrus Soto, tantum percipere fructum devote adstantes Missæ Sacrificio,

ut

ut excedat fructum, quem participare potest ille pro quo ob stipendium collatum celebratur; *Melius*, ait, & *utilius esse fidelibus adflare Sacrificio Missæ, & fide ac devotione illi coniungi, quam curasse, ut pro se sapius celebretur*. Notat enim Caietanus applicationem huius Sacrificii non sola intentione, sed devotione adiuncta perfici; *quia in Sacrificiis*, ait, & *oblationibus quantitas devotionis magis pensatur, quam rei oblatio*.

Instruendus igitur est populus (monet Van-Espen) 1. stipendium Missarum considerandum esse ut voluntariæ cuiusdam oblationis speciem in locum oblationis in Missa primitus fieri solitæ subrogatam. 2. Ne honorarium illud habeat tanquam pretium Sacrificii; sed ut voluntariam oblationem, qua Deum tanquam rerum temporalium auctorem & Dominum recognoscit, ut una cum Sacerdote Sacrificium offerre, & ipsius Sacrificii, ac signanter precum, quæ ab offerentibus funduntur, particeps esse mereatur. 3. Ne in numero, aut magnitudine honorariorum nimium confidat; quasi eorum sola oblatione virtutem Sacrificii consequatur, cum non tam oblationum magnitudinem, quam offerentis affectum respiciat Deus. Unde post alios dicit Petrus Soto quoad Sacrificium Missæ lect. 7. intentionem Sacerdotis offerentis, & applicationem eius prodesse quidem, sed iuxta dispositionem illorum, pro quibus offertur. Non enim operatur quantum celebrans aut intendit, aut vult, sed quantum sua fides, & devotio digna, vel capax est. Hinc et notat Van-Espen Ecclesia suis primordiis rigide mandavit fidelibus, diebus dominicis, festisve Missarum solemnibus devote assistere, nullibi vero ut Missam pro se quis celebrari curet.

## §. XVIII.

*De iis quæ a Sacerdotibus in receptione honorarii sunt observanda.*

Hodiernum Missarum honorarium habet quoddam specimen voluntariæ oblationis, utpote quod in oblationum locum successe-rit, ut antea iam ostensum fuit; consequenter, sicuti laici illud tanquam Deo acceptam oblationem Sacerdoti offerre debent, ita Sacerdotes quoque non tanquam pretium Missæ, sed ut voluntariam oblationem, & grato animo illud accipere tenentur, unaque significare, se velle Deo voluntarie Sacrificium offerre. Et si quando nihil, aut aliquid minus liberali animo honorarii loco eis donatum fuerit, non in hoc

contristentur, nullumque indignationis indicium exhibeant, quin potius ostendant se magno, liberalique animo gratis dare quod gratis acceperunt. Nam prorsus indignum est quod honoraria Missarum habeantur ad modum pretii rerum profanarum supremi, medii, & infimi: Nihil enim hoc turpius, ne dicam abominabilius excogitari potest. Quocirca cavendum est Sacerdotibus, ne suo modo agendi eam se de Missarum honorario ideam habere ostendant, conventiones directe aut indirecte super hisce in-undo.

Honoraria igitur Missarum habenda sunt tanquam fidelium oblationes Deo factæ in sustentationem Ecclesiæ ministrorum, ac proinde non secus ac aliæ oblationes, & decimarum bonis ecclesiasticis sunt numerandæ iuxta Boetium Epo olim apud Duacenses primarium sacrorum Canonum antecessorem ad caput 1. §. de testam. n. 80. Unde sequitur stipendium Missarum acceptum a fidelibus, quibus ministratur, non ut pretium, quod est simoniacum, sed ut pium eorum subsidium ad sustentationem plane licitum esse; & insuper ius habetur ad illud exigendum iuxta illud Lucæ 10. *In eadem autem domo manete edentes, & bibentes quæ apud illos sunt: dignus est enim operarius mercede sua*. Id supponit Apostolus 1. Corinth. 9. dicens: *Qui in sacratio operantur, quæ de sacratio sunt, edunt; & qui altari deservunt, cum altari participant*. Idemque traditur in Concilio Agathensi cap. 36. Etenim æquum est, ut qui in alterius commodum occupatus est, ab eo sustentetur, habita ratione temporis, in quo sic occupatur, seu conditionis personæ, quæ occupatur. Sicuti autem sub uno respectu sustentationis, & minime pretii licet accipere honoraria Missarum, ita sub eodem respectu illa in pactum deduci possunt. Et adhuc verum est gratis dare quod gratis accepit; non secus ac (aiunt hic Salmanticenses) si quis habens gratiam gratis datam ad curandum aliquod morbi genus ac- cerferetur ad curiam Principis eo morbi genere laborantis ut eum curaret propositis magnis premiis, posset dicere se gratis dare quod gratis accepit, etiam si peteret necessaria ad iter illud peragendum, & dum esset in curia, expensis Principis alegeretur.

Ex his inferitur cum Salmanticensibus, honoraria pro Missa accipere posse quemlibet Sacerdotem non solum pauperem, sed etiam divitem, sive dives sit ex bonis patrimonialibus, sive ex beneficiis ecclesiasticis, ut docent cum D. Thoma quodlib. 6. art. dives.

Honora-  
ria Mi-  
ssarum  
habenda  
sunt tan-  
quam ob-  
lationes  
Fidelium  
non tam-  
quam  
pretium  
Missæ.

Honora-  
ria Missæ  
recipi  
possunt a  
quolibet  
Sacerdo-  
te sive  
pauper  
sit, sive  
dives.

art. 10. Navarrus, Sotus, Suarez, Lugo, Gonnet cum permultis aliis. Et ratio est manifesta, quia cum uterque in gratiam alterius offerat Sacrificium, ad quod exequendum non solum est necessarius panis, vinum, cera, &c. sed etiam necessaria est persona Sacerdotis sustentata; uterque potest sine læsione ulla æquitatis nolle ex suo dare illi quæ necessaria sunt, sed illa ab eo accipere velle, in cuius gratiam offerre debet Sacrificium: per accidens enim se habet, si Sacerdos sit dives, idest aliunde habeat, ut vitam suam sustentet. Unde

Nota cum Salmanticensibus, aliisve, quos hi sequuntur, quod sicut iustitiæ æqualitas non exposit ut Sacrificanti dentur integræ ceræ candelæ ad celebrandum, sed sufficit valor partis earum, quæ in Missa consumuntur, ita etiam stipendium Missæ secundum æqualitatem iustitiæ non exigit, ut Sacerdotibus detur integra sustentatio diurna pro sola Missa, quæ non est integrum, sed velut inadæquatum Sacerdotis ministerium, cum alias etiam actiones sacras exerceant, ratione quarum aliquid in sustentationem recipere possunt, v. g. agendo funus, seu officium defunctorum &c. Et insuper propter Missæ ministerium Sacerdos non impeditur, quominus alia honesta, ac decenti via aliquid aliud ad sustentandam vitam lucrari possit. Neque Ecclesia vult, quod Sacerdos ex sola Missa integram expectet diurnam sustentationem, ut cap. *Cler. 91.* ac propterea stricte cavet ne quis ordinetur sine Beneficio, vel patrimonio, ut in cap. *non licet*, cap. *Episcopus*, cap. *tuus*. Iustum autem stipendium illud est, quod a lege, vel a probata consuetudine constitutum est, quia tametsi tale stipendium non sit vere pretium, servat tamen proportionem pretii, quatenus in eo servari debet ratio iustitiæ, scilicet ut sicuti in pretio, in stipendio pariter non plus exigatur, ac accipiat, quam lege taxatum, vel communiter consuetudine receptum est; unde qui plus exigit, vel accipit, tenetur ad restitutionem, cum ille excessus non sit debitus, nec sponte, ac liberaliter dari censeatur. Quod si quis ex ignorantia iusti stipendii plus ultra offerat, monendus est; quod si taxam honorarii non ignoraverit, præsumitur excessum ex liberalitate elargiri.

Quando tribuitur honorarium pro Missarum celebratione in tali numero, loco, vel tempore, pro tali causa, &c. hæc omnia servanda sunt. Qui enim dat, non intendit transferre stipendii dominium, nisi sub

tali conditione; & sic recipiens hoc ipso se obligat ad omne id quod exquiritur, ita ut peccet graviter Sacerdos, si in aliqua harum conditionum deficiat, nec ius habet ut stipendium retineat. Hinc si quis ab aliquo honorarium recipiat ut sub tali die, vel plura intra tale tempus Sacrificia celebret, si defecerat, deficit in re gravi, quia interea iniuste privat eum magno spirituali fructu, apud quem se debitorem implendæ ipsius voluntatis constituit. Imo si ideo Missa non profuerit secundum specialem intentionem illius, qui honorarium præbuit, puta ad aliquem successum, cuius occasio ante celebrationem transierit, tenetur ad restitutionem, quia defraudavit intentionem, ob quam stipendium tributum est. Hinc non licet Sacerdoti plura stipendia accipere pro totidem Missis, dum prævidet eas nonnisi post multum temporis posse celebrare, nisi qui illas petit, expresse in id consentiat; alias enim contingeret, illas non amplius celebrari posse iuxta causam, ob quam optat, & intendit offerens, ut celebrentur, v. g. pro vincenda tentatione, pro infirmo qui antea convaluit, vel mortuus est, ut aliquod negotium prospere, seu favorabiliter contingat, pro aliquo alio beneficio, cuius consecutio non amplius locum habet, idest nequit amplius obtineri.

Illicitum est pro una eademque Missa, quæ iam promissa est, plura recipere stipendia, siue tenuia sint, siue pingua, & pluribus receptis stipendiis cum onere pro singulis, singulas Missas celebrare, unius celebratione satisfacere. Ita statuit Urbanus VIII. sua Bolla, quæ est 43. in qua sic habetur: *Præcipitur Sacerdotibus, ubi pro pluribus Missis, plura stipendia quantumcumque incongrua, & exigua collata fuerint, ut tot Missæ celebrentur, quot ad rationem tribuæ elemosinæ præscriptæ fuerint, etiamsi Ordinarius præscripserit elemosynam congruam iuxta qualitatem loci, personarum, ac temporum; ita ut alioquin ii ad quos pertinet, sive obligationi non satisfaciant, quinimo graviter peccent, & ad restitutionem teneantur.* Hoc confirmavit Alexander VII. qui damnavit hanc propositionem, quæ numero est 10. *Non est contra iustitiam pro pluribus Sacrificiis stipendium accipere, & Sacrificium unum offerre.* Nam licet valor unius Missæ sit infinitus secundum rem, quam continet, scilicet Christum, & eius merita; est finitus tamen ac limitatus secundum applicationem: Christi enim merita tametsi infinita, non applicantur secundum sui infinitatem, sed fini-

Illicitum est pro una eademque Missa iam promissa, ab aliis etiam honoraria pro eadem applicare recipere.



finito modo, quem Deus definit. Et esto etiam, quod Sacrificium pluribus applicatum prodesset singulis, ac si singulis applicaretur; nihilominus cum dantes stipendia intendant tot pro se fieri, & specialiter sibi applicari Sacrificia, & sub hac tacita conditione, ac pacto dantur, & accipiantur, talis fert conditio, ac pactum, ut ex stricta iustitia teneatur Sacerdos tot Missas celebrare, quot percepit elemosynas, idque ut per iterata Sacrificia cultus divinus augeatur, & seu vivorum, sive mortuorum, animarum multiplicatis precibus, & suffragiis adjuventur.

Nec ullatenus suffragantur privilegia a Summis Pontificibus Regularibus concessa, quia huiusmodi privilegia notat Lezzana, sacram Congregationem auctoritate, & de mandato Summi Pontificis revocasse in suo Decreto, ut in ipso §. 4. Id vero ut deinde observetur exactius, sacra Congregatio eadem auctoritate revocat privilegia, & indulta omnia quibuscvis personis, Ecclesiis, ac locis piis tam secularibus quam Regularibus cuiuscunque Ordinis, Congregationis, & Instituti quacunque ex causa concessa quibus indulgetur, ut certarum Missarum, vel anniversariorum celebratione, aut aliis Collectis, seu Orationibus plurium Missarum oneribus in futurum suscipiendis satisfaciatur.

Item nec dici potest, quod pluribus stipendiis vel ab uno, vel a pluribus acceptis iusto minoribus, seu infra quantitatem iustam lege, vel consuetudine taxatam, pro pluribus Missis, quis possit satisfacere unica Missa, vel reducendo illa inferiora stipendia ad iustam quantitatem paucioribus Missis, quæ stipendiis ad iustam taxam reductis correspondant; quia hoc gravissime verat suo citato Decreto sacra Congregatio, ac declarat, hoc fieri non posse sine gravi culpa, & debito restitutionis. Et ratio clare hoc probat, quia hoc ipso, quod quis minora accipit stipendia, iuri suo cedere censetur, & reliquum donare, ac tacite spondet se tot Missas dicturum. Obligatio autem servandi pacta gravis est; alias fides in humana societate periret. Hinc qui aliquo titulo obligatus est applicare certis diebus Sacrificium, ut Beneficiarius ratione Beneficii, Curatus diebus Dominicis, ac festis, non potest pro illo Sacrificio honorarium ab alio accipere, ut etiam pro illo idem Sacrificium applicet, iuxta citata Decreta Urbani VIII. & sacre Congregationis, ac definitionem Alexandri VII. in proscriptioe antedictæ propositio-

nis; ex quibus prohibetur multiplex, aut duplex stipendium pro eadem Missa recipere.

Item non potest Sacerdos duplici honorario a duabus personis accepto unica Missa satisfacere, applicando uni solitam partem, & alteri suam, seu fructum specialissimum, qui correspondet ipsi celebranti, cui ipse renunciat, & cedit: hoc enim repugnat praxi Ecclesiæ, ac sensui, & intentioni fidelium. Insuper hoc ipso quod Sacri applicatio alteri est debita, ei debiti sunt omnes fructus, quorum est capax. Tandem fructus ille, quod competit Sacerdoti sacrificanti, non potest alteri applicari, ut patet ex Alexandro VII. qui anno 1665. damnavit hanc quorundam recentiorum propositionem num. 8. *Duplicatum stipendium potest Sacerdos pro eadem Missa licite accipere applicando petenti partem etiam specialissimam fructus ipsimet celebranti correspondentem, idque post Decretum Urbani VIII.*

Item declaravit Sacra Congregatio, ut habetur ex Eagnano, eum, qui stipendium recepit ad celebrandum pro mortuo, & aliud stipendium pro alio iam vivente, puta pro infirmo, non satisfacere per unius Missæ celebrationem utrique obligationi, applicando fructum satisfactorium mortuo, & impetratorium infirmo; quia cum Missa pro aliquo celebrari debet, totus fructus, cuius est capax, ei applicandus est. Fructus namque impetratorius defunctis quoque prodest, quia poenæ debita peccatis expiari ac remitti possunt non tantum per modum, seu viâ satisfactionis, sed etiam per modum impetrationis.

Item vi ipsius Decreti non potest Sacerdos accipere duplex stipendium pro una Missa, unum pro applicatione fructus, qui tradenti elemosynam evenire solet, alterum pro applicatione Indulgentiæ altaris privilegiati, cui concessa sit liberatio animæ Purgatorii, quidquid dicat Bordonus auctor, & patronus oppositæ sententiæ, quia aliter agere, iuxta Bordonum, opponitur intentioni Summorum Pontificum huiusmodi Indulgentias concedentium; qui sine dubio hoc non intendunt, cum multum a talibus lucris, & sordidis negotiationibus abhorreant.

Sacerdos, qui Missas dicendas suscepit cum elemosyna maiori solita, sive respectu loci ubi eam recepit, sive respectu alterius loci, si eas per alium Sacerdotem celebrare faciat, non potest aliquid de dicto stipendio sibi retinere, dando alteri Sacerdoti eandem Missas celebranti stipendium iustum quidem secundum morem loci, ubi celebrantur, sed inferius accepto; cum vetitum sit per cita-

Quid de eo qui ex pluribus minoribus stipendiis a pluribus acceptis reddere unum iustum honorarium.

Vetitus est accipere duos stipendia unum pro solita parte alterius pro partem respicientem Sacerdotem.

Non potest Sacerdos duo accipere honoraria, unum pro fructu Sacrificii, alterum pro indulgentia.

tum Decretum sacre Congregationis Concilii, ut omne damnabile lucrum ab Ecclesia removeatur. Ille enim partem stipendii sine iusto titulo retineret, quia non ei gratis, ac liberaliter a dante donatum est, sed cum intentione, ut celebrans totum stipendium recipiat. Hinc Alexander VII. hanc damnavit propositionem quæ ordine est 9. *Post Decretum Urbani potest Sacerdos, cui Missæ celebrandæ traduntur, per alium satisfacere, collato ei minori stipendio, alia parte stipendii sibi retenta.*

Permittit nihilominus Urbanus VIII. administratoribus Ecclesiæ, ut aliquid ex honorariis Missarum retineant pro expensis ce-reorum, panis, vini, ornamentorum, dummodo tamen, ut declaravit sacra Congregatio, Ecclesia, & loca pia alios non habeant redditus, quos in usum earundem expensarum erogare licite possint, ac tunc quam portionem retinebunt, nullatenus debere excedere valorem expensarum, quæ pro ipsomet tantum Sacrificio necessario sunt subeunda; ac nihilominus eo etiam casu cavendum esse, ut ex pecuniis, quæ supersunt, expensis ut supra deductis, absolute tot Missæ celebrentur pro iis, qui talia stipendia dederunt.

Non videtur tamen prohiberi in laudato sacre Congregationis decreto retinere excessum pinguis stipendii, si Sacerdos a viro sibi amicissimo, non solum ad Missam attendendo, sed etiam ad personam sibi amicissimam, vel alia ratione coniunctam, quæ Missam celebrare debet, pingue honorarium accepit; secus vero si solo Missæ intuitu recepit. Sic Doctores communiter. Item non videtur adversari præfato Decreto retinere excessum stipendii, si Sacerdos qui dicturus est Missas, id condonet, seu donet alteri Sacerdoti, qui earundem Missarum celebrationem ordinat; ita tamen ut condonatio omnino sponte, & libere fiat, non vero ex metu aliquo, quia forsitan alias non sibi darentur illæ Missæ, vel in futurum aliæ non dabuntur, vel quid simile, quod tamen in praxi sine peccato vix fieri contingeret.

Diversimode vero dicendum circa Rectores Beneficii. Quæritur enim aliquando fuit a sacra Congregatione sub Urbano VIII. an Rector Beneficii, qui potest per alium celebrare, teneatur Sacerdoti celebranti dare stipendium ad rationem reddituum Beneficii. Es respondit, satis esse, ut Rector Beneficii, qui potest Missam per alium celebrare, tribuat Sacerdoti celebranti elemosynam congruam secundum morem Civitatis, vel Provinciæ, nisi in fundatione Beneficii

aliter cautum fuerit. Hæc sunt verba sacre Congregationis: *Ad octavum non habere locum, sed satis esse, ut Rector Beneficii, qui potest Missam per alium celebrare, tribuat Sacerdoti celebranti elemosynam congruam secundum morem civitatis, vel Provinciæ, nisi in fundatione Beneficii aliter cautum fuerit.* Et hoc docent etiam Suarez, Layman, Barbosa, Bonacina. Id quidem spectem iustitiæ præfert, quia Beneficiarius præter Missarum celebrationem habet alia onera, inter quæ est recitatio Horarum canonicarum, cui quoties deficiat, tenetur restituere elargiendo in elemosynam pauperibus portionem fructus Beneficii, quæ diebus quibus talem recitationem omittit, five in totum, five in partem, correspondet redditui talis diei, & parti Officii quod omittit: Et præter hanc altera etiam ratio est diversæ decisionis factæ a sacra Congregatione in hoc; & in priori casu de eo scilicet, qui elemosynam maiorem solita accepit, quia illi Sacerdoti elemosyna unice offertur pro celebratione Missarum. Unde si illam alteri committat celebrandam, nullus superest legitimus titulus, quo partem elemosynæ sibi applicare possit, ac proinde tale lucrum sacra Congregatio dicit *damnabile lucrum*. In altero vero casu, id est Beneficarii, non tenetur nisi ad traditionem elemosynæ iuxta morem loci, vel Provinciæ, quia fundator non assignavit redditus adnexos Capellanis præcise stipendio, seu honorario Missarum, sed simpliciter fundavit Capellaniam, eique assignavit eam cum onere aliquot Missarum celebrandarum, atque ita videatur titulo Beneficii, exsoluto hoc onere posse fructus excrecentes retinere. Et insuper præter Missarum celebrationem alia onera incumbunt Beneficiariis, & præcipue Horarum canonicarum recitatio. Van-Elpen.

Non licet anticipare Missæ celebrationem pro iis, qui stipendium postea daturi sunt pro Missarum celebratione. Cum enim Sacerdos in celebranda Missa habere debeat certam, fixam, determinatamque intentionem offerendi iuxta particularem intentionem personæ, pro qua offert, certe hoc fieri nequit, si pro ea offeratur, antequam statuerit in animo velle pro se Sacrificium offerri, & beneficium, quod ex tali oblatione a Deo consequi intendat; cuius occasio fieri potest, quod nondum esset, quando oblatum fuit Sacrificium, puta nondum commissum esset peccatum, pro cuius dolore, ac remissione petat sibi applicari Sacrificium, ac proinde hoc beneficium, seu effectum

Illiolum est auri. cipare missæ celebrationem pro daturis postea stipendium.

lectores beneficiarum satisfacere oblationi Missarum cum elemosyna.

Sum Sacrificii obtinere non posset; quia si ruri Deus non punit, nec remunerat anticipare ob ea quæ prævidet futura, sic nec confert anticipare effectum Sacramenti, vel Sacrificii; & maxime in hoc casu de propitiatione, & indulgentia peccati, quæ certe nonnisi pro commissis, minime pro committendis, obtineri potest. Hinc hanc praxim utpote redolentem cupiditatem, & avaritiam vetavit sacra Cardinalium Congregatio, approbante Paulo V. die 5. Novembr. an. 1605. *citius quoque celebrando peccatur; anticipata scilicet applicatione Sacrificii*; quæ anticipatio, ait Gavantus, veluti avaritiæ fomēs vetita fuit a Paulo V. in suo rescritto ad suum Nuncium in Hispania, ubi huiusmodi abusus contra antiquum Ecclesiæ morem, gravique fidelium scandalo, & incommodo invalescebat.

Sacerdos obligatus ex fundatione Capellæ, vel alio titulo celebrare Missam in tali Ecclesia, vel altari, peccat graviter, si absque legitima, & iusta causa, vel dispensatione sæpius alibi celebret, quia in re gravi defraudat fundatorem, vel dantem stipendium. *Necesse est*, ait S. Gregor. ep. 20. lib. 9. *ut defuncti dispositio modis omnibus conservetur*; nam talis ordinatio fundatoris non solum censetur spectare defunctorum animabus prodesse, sed etiam intendere potest alicuius imaginis, & altaris cultum, devotionem, & commodum populi, nempe ut possit ibi Sacrum audire, vel memoriam suæ familiæ, ad quam illa Ecclesia, vel altare, vel quid simile ordinatur. Sic Navarrus, Azorius, Enriquez, Barbosa, & alii. Dixi *absque legitima & iusta causa*, puta ob violationem Ecclesiæ, donec reconcilietur, vel si adeit inundatio aquarum, vel quid aliud simile; & tunc non peccaret, nec ulla adest obligatio supplendi, dummodo alibi celebret. Dixi *si absque dispensatione intercedente iusta causa fiat*; quia Capellanus, qui iuxta onus expressum in fundatione tenetur celebrare ad certum locum, & in tali altari, aut in tali hora, puta ad auroram, ab huiusmodi circumstantiarum debito eximi potest dispensatione Episcopi iusta de causa, puta, ut qui versatur in Academia ratione studiorum satisfaciatur oneri, celebrando in alio loco, tempore, & hora; quia in illa dispensatione solum voluntas testatoris committitur in accidentalibus, & altiori bono compensatur. Ita docent Enriquez, Barbosa 2. part. de Episc. potest. allegat. 24. num. 36. Dixi tandem, *si sæpius alibi celebret*; nam si raro id fiat, non ita facile erit gravis culpa pro-

pter parvitatem materie. Imo si raro contigisset ob rationabilem causam, non erit ne quidem venialis: non enim censendus est fundator cum tanto onore obligare voluisset suum Capellanum, ut recte advertit Lugo disput. 21. sect. 2. num. 36. Imo si Capellanus impediatur per paucos dies a celebrando, iuxta multos non tenetur supplere per alium, vel compensare ob rationem iam allatam, nempe non præsumi hanc fuisse fundatoris intentionem, cum ne quidem famulo, ait P. Antoine, ob huiusmodi causam imminui soleat suum stipendium; secus vero dicendum, si diebus pluribus fuerit impeditus. Sic P. Antoine.

Sacerdos obligatus celebrare in altari privilegiato, existimans se liberare posse animam pro qua celebrare tenetur, e Purgatorio per modum suffragii privilegio imaginis, vel calculi benedicti, non satisfacit suæ obligationi alibi celebrando, quia infideliter agit cum damno alterius, cum magis ac securius profit Missa in altari privilegiato celebrata, quam recitatio alicuius brevis orationis cum privilegio imaginis, vel calculi. Sic Navarrus, Azorius, Bonacina cum aliis.

Sacerdos qui ratione stipendii prius accepti, Beneficii, Præbendæ, Capellaniæ, &c. tantummodo est obligatus celebrare tali die, in tali loco, Ecclesia, Sacello &c. pro cultu Ecclesiæ, commoditate populi, &c. relicta sibi expresse facultate applicandi Sacrificium, pro alio, a quo stipendium acciperet, tunc illud iuste, ac licite accipere potest pro Missæ fructus applicatione, ut docent cum Suarez, Vasquez, Leander, Cardin. de Lugo &c. contra Gavantum in Rubric. Missalis tom. 1. part. 3. tit. 12. n. 5. & Dianam, qui post decretum sacre Congregationis Concilii sub Urbano VIII. sustinet non posse hunc Sacerdotem recipere alterum stipendium pro fructus Sacrificii applicatione. Decreti sacre Congregationis hæc sunt verba: *Sacerdotes, quibus diebus tenentur Missas celebrare ratione Beneficii, Capellæ, legati, aut salarii, si elemosynas etiam pro aliis Missis celebrandis susceperint, non posse eadem Missa utrique obligationi satisfacere*. Verum ex verbis huiusce Decreti nihil videtur declarare sacra Congregatio circa præsentem casum. Sacra enim Congregatio, ut ex ipsius verbis colligitur, non loquitur plane de tali Sacerdote, cui expresse relinquatur facultas a dante elemosynam, vel fundatore beneficii, seu Capellaniæ, expleto onere celebrandi in tali Ecclesia, Capella, tempore &c. applicandi Sacrificium cuicumque ipse

Sa-

Quid de eo qui tenetur celebrare in Altari privilegiato.

Quid de obligato celebrare titulo Capellæ in tali scilicet Altari si alibi celebret.

Sacerdos voluerit, contentis ipsis solummodo pro suo stipendio impletionis harum circumstantiarum. Etenim ex dictis verbis Decreti præsumi nequit, velle sacram Congregationem gravare eum in Sacrificii applicatione; dum ii, qui ius haberent, eum ad tale onus obligandi, expresse eximunt; ac proinde hoc Decretum locum non habet in casu nostro. Valeret quidem sacrae Congregationis declaratio in casu, quo qui dedit eleemosynam, vel fundavit Capellaniam, seu Beneficium, non se explicasset circa applicationem Sacrificii, ac exinde dubium esset an hoc quoque vellet, vel non, quia in dubio non præsumitur datum, vel reliquum Capellano pro cultu solummodo Ecclesiae, sed etiam pro applicatione Sacrificii, nisi aliud exprimatur. Sic Salmanticenses hic cum aliis.

Quid de Capella-  
no qui tenetur celebrare ter, aut quater in hebdomada, si celebret diebus feriatis, puta si fundator Capellaniam instituerit ubi nullum aliud celebratur Sacrificium.

Capellanus, qui tenetur singulis hebdomadis Missas aliquas celebrare pro fundatore, vel aliquibus defunctis, regulariter loquendo satisfacit illas anticipare in præcedenti hebdomada celebrando, ut cum multis aliis tradit de Lugo disput. 21. sect. 2. n. 44. quia anticipata solutio regulariter melius præderit quam si dilata fuisset in hebdomadam sequentem. Dixi *regulariter*; quia si forte fundator respexisset ad tempus illud determinatum propter aliquam specialem causam, vel quia nimirum pertinet ad honorem seu decorem suæ Capellæ, ut nulla hebdomada Sacrificium prætermittatur, vel quia determinavit certos statutos dies, puta dies dominicos, ut facilius possent fideles implere præceptum audiendi sacrum, dies Sabbati, ut propter devotionem B. M. Virginis habeant Parochiani Missam paratam, in tali casu voluntas fundatoris tanquam lex habenda est; sic Lugo, & alii. Itidem illa anticipatio admitti non debet, si cedat in alterius damnum, ut si Sacerdos celebrare debeat singulis hebdomadis pro defunctis alicuius Populi, vel Communitatis; nam ex tali anticipatione fit, ut illi qui decedunt hebdomada sequenti, careant illo suffragio, cum intentio fuerit fundatoris omnibus successive subvenire, ut advertit cit. de Lugo cum aliis.

Sacerdos, qui celebrare tenetur certis diebus, ut feria 6. & Sabbato, si fundator statuit illos dies sine mysterio, potest celebrare aliis diebus hebdomadae, cum ea circumstantia tunc sit mere accidentalis; secus vero dicendum, si ex speciali motivo, aut respectu dies designavit, puta feriam 6. in honorem passionis Domini, & sabbatum Infit. Theol. Moral. Tom. IV.

in honorem B. M. Virginis. Advertit tamen de Lugo non ita facile contingere, ut hic graviter peccet, præcipue si cum causa, & non multum frequenter id faciat.

Capellanus, qui tenetur celebrare ter, aut quater in hebdomada, satisfacit per se loquendo, si celebret etiam diebus feriatis; non enim gravandus est ultra voluntatem fundatoris, qui non plus imponat quam celebrationem trium, aut quatuor Missarum in hebdomada, relinquendo Rectoris arbitrio eas qualibet die sive feriali sive festivo celebrare. Ita Bonacina & alii. Per accidens vero fieri potest, ut teneatur celebrare diebus festis, puta si fundator Capellaniam instituerit ubi nullum aliud celebratur Sacrificium. Ex hac, aliisve circumstantiis est fundamentum præsumendi, fundatorem intendisse non solum sibi, sed etiam aliis prodesse, nempe ut fideles ibi morantes implere facile valeant diebus festis præceptum audiendi sacrum, nisi aliter tamen, ut advertit Bonacina, ex mente fundatoris colligatur.

Quid de Capella-  
no qui tenetur celebrare ter, aut quater in hebdomada, si celebret diebus feriatis, puta si fundator Capellaniam instituerit ubi nullum aliud celebratur Sacrificium.

Quando Sacerdos habeat Capellaniam, quæ obligat ad celebrationem diebus festis, nomine dierum festorum veniunt & intelligendi sunt tum dies festi præcepti ab Ecclesia, tum festi fori, dummodo aliud expresse non constet, quia verba accipienda sunt iuxta communem loquendi modum, secundum quem dies festi dicuntur illi quoque, qui sunt festi fori.

Capellanus & Beneficiarius simplex, cui ex sua Capellania, vel Beneficio incumbit Missarum celebratio, hanc supplere potest per alium, idest potest Missas debitas per alium celebrare: Nam iuxta commune essatum, qui per alium facit, per seipsum facere videtur, nisi aliter in institutione Capellaniz expresse disponatur, scilicet ut per se ipsum celebret. Dixi notanter *Beneficiarius simplex*, quia Rector Parochialis si ex. gr. propter infirmitatem, vel aliam gravem legitimam causam abesse debeat a Parochia, non potest per Vicarium a se designatum seu substitutum satisfacere suo oneri, sed deputandus est ab Episcopo, quia Rectori Parochiali præter Missæ celebrationem incumbit etiam onus curæ animarum; hinc a solo Episcopo ei substituendus est, quando opus sit Vicario, qui ipsius vices parochiales gerat.

Capellanus ægrotans, si infirmitas in longum protrahatur, tenetur interim dare alteri stipendium, qui suppleat oneri Missarum, ne fundatoris voluntas defraudetur: non

Quando Capellanus ægrotans tenetur

per a.  
lium s.  
tiam.  
cere.

non tenetur vero, si infirmitas brevis sit. Verum in definienda brevitate infirmitatis non conveniunt Theologi. Alii enim eam extendunt ad octo dies, alii ad quindecim, alii vero probabilius ad unum mensem; & huic extensioni favet in aliquibus locis consuetudo, & universim auctoritas Concilii Provincialis Mediolanensis 7. tit. de *Missis*, ubi sic habetur: *Si Capellanus saltem per annum functus sit munere celebrandi in aliquo loco, si etiam per mensem aegrotet, adhuc integram elemosynam iudicio Episcopi recipere potest.* Alii vero extendunt dictam breviterem ad duos menses, ut Navarrus, Leander, Lugo cum aliis, quia, dicunt ipsi, ita præsumi potest de mente fundatoris, nisi in contrarium significaverit. Et hoc honestum & iustum Doctoribus videtur; alias Sacerdotes peioris essent conditionis quam famuli conductitii.

Capellani obligati quotidie ad celebrandum, possunt in quolibet anno Missas quatuor, vel sex secundum Salmanticenses pro seipsum, vel pro aliquibus ipsis valde coniunctis ad speciale aliquam gratiam obtinendam, vel pro anima sui patris vel matris, vel charissimi amici, & benefactoris celebrare; quia creditur quod pius Missæ, vel Capellanæ quotidianæ institutor, si de tali casu cogitasset, vel interrogatus fuisset, minime hoc negasset. Sic Salmanticenses cum aliis, quos ibi citant. Et equidem currere non debet excellentissima Sacrificii actio cum aliis mundanis quotidianis operibus, quæ ab operariis locantur; ne Sacerdos æquandus est vili conditioni manualium mercenariorum. Potest etiam Sacerdos obligatus quotidie celebrare pro aliqua Capellania, maioris honestatis causa secundum aliquos semel in hebdomada Missam præcèrmittere, dummodo tamen celebret pro Capellania, cui ex fundatione fuit electus: ut si dicatur in fundatione, volo ut Missa quotidie celebretur in tali Ecclesia, vel Capella, tunc aiunt Salmanticenses cum Armilla, Sylvestro, Tabiena, Suarez, aliisque teneri celebrare quotidie sine ulla intermissione; eo tamen die, quo ob maiorem honestatem ommittere potest Sacerdos celebrationem, non potest pro alio celebrare, & multo minus stipendium accipere; alias quolibet anno pro quinquaginta Missis recipere posset duplex stipendium, quod est contra decretum sacre Congregationis, & Alexandri VII. & non honestatis causa, sed ex motivo turpis, ac perniciosi lucris Missam Capellanæ contra fundatoris vo-

luntatem committeret. Sic communiter Doctores.

Num vero simoniam committat Sacerdos qui certo die non habens stipendium statuit non celebrare; & mox aliquo stipendio offerente sese ad celebrandum determinat, res in gravi dubio versatur. Nihilominus tamen si se ad hoc determinans, vere ac sincere non moveatur ad celebrandum principaliter a stipendio, sed stipendium fuerit occasio quidem, non tamen causa primaria, qua impellatur ad sacrum faciendum; unde Dei gloria sit tamquam finis principaliter intentus, & occasio stipendii tamquam res necessaria ad sustentationem solum accessorie, & secundario intenta sit, simoniacus non esset, ut quodlib. 8. art. 11. resolvit S. Thomas de Canonico, ubi ad Ecclesiam properans respicit distributiones. Quisque idcirco in casu seipsum consulat, ut deprehendat, quid principaliter eum ad celebrandum moveat: nam certe nescio quomodo excusari possit a gravi simoniæ suspicionem ille, qui si stipendium habeat, celebrat, si stipendium desit, Missæ celebrationem omittit. Quomodo huic quæso non erit stipendium principaliter intentum? Et eo vel maxime quod, ut advertit D. Thomas opusculo 1. de officio Sacerdotis cap. 1. illicitum est Sacerdoti celebrare ut habeat unde vivat; non potest tamen, ait S. Doct. Sacerdos illa intentione celebrare, ut ex hoc pecuniam consequatur, quia peccat mortaliter; ita Gennetus.

Sacerdos, qui accepto stipendio ut unam Missam celebret, celebrationem illius sciens pergit; controversatur inter Doctores, num mortaliter peccet. Petrus de Navarra cum aliquibus aliis contendit pro parte affirmativa, eo quod unius Sacrificii privatione graviter concedens stipendium defraudatur, cum sacrum sit quolibet pretio, temporali estimabilis; Et hoc confirmat a pari cum Sacrificio, quod ex voto, iuramento vel ex præcepto Superioris debitum esset; cuius ommissio profecto induceret in mortale. Verum melius resolvere videntur, qui contrarium sustinent, ut Thomas de Sando, Facundus, aliique, casu quo tamen stipendium collatum non inducat culpam gravem in materia furti, quia censent esse parvitatem materię in ommissione unius tantum Missæ. Neque enim hic, aiunt, attendendum est ad damnum spirituale, ex eo quod Sacrificium quolibet temporali pretio sit dignius, alias promittens quamlibet orationem, & postea omittens peccaret mortaliter.

Quid d  
eo qu  
cum h  
tuerit  
non cele  
brare, de  
to sibi da  
pendio  
celebrat

mortaliter ; sed gravitas materię pensanda est iuxta gravitatem , seu quantitatem stipendii , quale pro unica Missa datum non attingit quantitatem sufficientem ad mortale. Neque currit paritas de Sacrificio debito ex voto , iuramento , vel Superioris pręcepto , quia in huiusmodi casu gravitas materię debet desumenda est ex cultu , & honore , qui Deo per Sacrificium exhibetur , qui revera est gravissimus ; ac ideo illius commissio grave peccatum inducit. Nihilominus tamen attendendę sunt circumstantię personę conferentis stipendium , num sit in aliqua gravi necessitate , pro qua curet offerri Sacrificium , quia in tali casu mihi videtur quod frauderetur in gravi ; eo vel maxime quod ab alio Sacerdote beneficium optatum consecuta fuisset , ac proinde si non quoad stipendium , saltem quoad gravem suam indigentiam in re gravi decepta fuisset , ac proinde non sine gravi culpa decipientis : nam tunc hic æquiparatur ei , qui licet damnum leve in se inferat proximo ; est tamen grave respectu personę , cui infertur , ut si furetur modicam quantitatem pecunię personę , graviter indigenti ; quę quantitas licet respectu alterius personę esset levis , respectu tamen graviter indigentis est gravis , cum talis quantitas licet levis , tamen grave damnum tali personę afferat .

Sacerdotes non possunt licite suscipere plures Missas celebrandas accepto stipendio , quas infra modicum tempus implere nequeant. Sic statuit sacra Concilii Congregatio ; ne aberretur in sensu verborum *infra modicum tempus* , intelligendo forsan plures menses , eadem sacra Congregatio circa hoc respondit , illud modicum tempus intelligendum esse ad summam extensione unius mensis , ut constet ex eius Decreto sub die 17. Iulii ann. 1655. ubi sic habetur : *Sacra Congreg. respondit , modicum tempus intelligi intra mensem* : lib. 19. Decretorum pag. 409. Sic refert , & tenet Cardin. Lambertinus , qui fuit Pontifex felicissimę recordationis Benedictus XIV. vol. 3. *Notificat. 15. & Instruct. elemosynę Missę , & retentione alius partis pro utensilibus* ; ita ut qui onus Missarum diu differat , graviter iniurius est dantibus stipendium , nisi ipsi ultro in dilationem consentiant , ut declaravit etiam citata sacra Card. Congregatio respondendo ad 12. quęsitum. Quinimo differendo celebrare Missas debitas , fieri potest , ut dant stipendium pro Missę celebratione fraudetur fructu ipsius , sicuti contingeret , si Missa petatur celebranda ad impetrandum aliquod a

Deo , & Missa dicatur elapso tempore necessitatis , vel ad impetrandum infirmo sanitatem , vel pro anima defuncti , & dicatur quando unus iam obiit , & altera a poenis Purgatorii iam est liberata ; quo in casu addunt Doctores , teneri Sacerdotem ad stipendii restitutionem. Hinc Urbanus VIII. in suo Decreto vetuit suscipere alia onera Missarum , donec antea accepta expleta non sint.

Sacerdos , qui stipendium accepit , Missam dicere tenetur sicut offerens postulavit , videlicet Missam talem , aut talem , votivam , vel de Requiem , nisi obstat ritus Ecclesię . Et quoad primum , quia alioquin virtus fidelitatis violaretur , simulque contingere potest , quod ob specialem offerentis devotionem , necnon speciales orationes magnus fructus impetrationis proveniat . Quoad alterum constat ex eo , quia voluntas , & ordinatio sanctę Matris Ecclesię pręvalere debet privatorum fidelium voluntati ; eo pręsertim quod hi non intendunt , nec rationabiliter intendere possint Ecclesię ritui contravenire . Iam Missa currente celebrata pro defunctis lucrari possunt Indulgentię altarium privilegiatorum pro animabus in Purgatorio existentibus , ut declaravit Clemens VIII. speciali Decreto die 23. Sept. 1599. emanatę , quod incipit : *Cum felic. recordat.* quo soluta fuit Doctorum difficultas qui communiter contrarium sentiebant .

Porro certum est , obligationem celebrandi Missarum ratione stipendii esse de genere iustitię commutativę , habentem adnexum onus restitutionis , si non adimpleatur , quia stipendium alias iniuste detineretur , ac proinde talis obligatio est gravis , ac obligans sub mortali .

Obligatio celebrandi Missam pro stipendio est de genere iustitię commutativę .

## S. XIX.

*De incommodis quę orta sunt ex honorario pro Missę celebratione .*

De incommodis variis , quę orta sunt ex introductione stipendii pro Missarum celebratione diserte agit insignis , & eruditissimus Canonista Lovaniensis Zegerus Bernardus Van-Elpen . Ex hoc enim ostendit , quam viliter in hominum æstimatione & Sacrificium , & Sacerdotium , cum & sanctissimum hoc opus redactum sit ad quamdam speciem sordidę mercaturę , & Sacerdos ad obiectionem vilis mercenarii , dum sæpe non plus quæratur in Sacrificii celebratione

bratione, quam temporale lucrum, & utilitas. Si hodiernum, ait cit. Canonista, plurimorum Sacerdotum, præsertim tenuioris fortunæ inter sæculares & Regulares, quorum Monasteria hinc Missarum honorariis visitant, modum agendi etiam leviter attendamus, verendum est, ne hodie verissimum sit, quod iam pridem deploravit Alvarus Pelagius lib. 2. *de planctu Ecclesiæ* art. 5. quod tot dicantur Missæ quæstuaris, ut apud Populum, & Clerum corpus Domini iam viscescat, dum plurimi hodie conspiciuntur Sacerdotes cursitare, ubi pinguiora se accepturos sperant stipendia, non secus ac opifices, & mercenarii, quique operum suorum pinguiores mercedes venantur. E contra vero perdificiles se præbent, ac renitentes, ut hora & loco quantumvis Populo valde opportunis, & subinde fere necessariis Missam celebrandam suscipere velint, si honoraria desint suæ congruæ cupiditati, quasi Sacerdotes non tam essent ordinati ad offerendum tanquam Ecclesiæ ministri divinum Sacrificium ad devotionem, ædificationemque fidelium, quam ut celebratione Missarum comparent honoraria, seu stipendia, ut ex his vivant. Quocirca huiusmodi Sacerdotes parum attendere solent num celebratione Missarum tempore, aut loco magis congruis fiat, dummodo hoc loco, aut tempore celebrando maius honorarium accipere possint, quæ apertissime indicant animum prorsus mercenarium in Missarum celebratione.

Et revera non pauci Sacerdotes conspiciuntur tum in secularibus, tum in Regularibus, more mercenariorum, & opificum commensurare, seu computare Missarum stipendia pro mensura laboris præcipue, & temporis in earum celebratione impendenda. Immo aliquando talem sordidam, indignamque taxam ex ipsis spiritualibus circumstantiis instituunt, cum familiaris sit maiora instituere stipendia pro illarum celebratione in hoc, vel illo altari, eo quod ob quandam populi devotionem erga sanctam Imaginem, Sanctum, indulgentiam, plura ad illud altare petantur fieri Sacrificia. Quo fit ut pluribus Sacerdotibus ad celebrandum concurrentibus, cum nonnunquam sit expectandum, ob talem moram expectandi Sacerdotes illi quasi mercenarii Missæ celebrationem sibi compensari volunt ampliori stipendio. Hoc quoque more mercenario prætendunt pinguius honorarium, si Ecclesiæ utilitas exigit, ut certis destinatis horis Sacrum peragatur. Unde patet ad eviden-

tiam, in oblatione Sacrificii non tam inspicere quod hic & nunc Ecclesiæ utilitas postulet, quam quod stipendii quantitas exigit.

Hinc ad hoc devenit hodie, ut advertit citatus Doctor Lovanienfis, mercenarius ille taxandi modus, ut ipsa Sacrificii solemnitas non a festi solemnitate Ecclesiæque præcepto, sed a quantitate stipendii perfoluti, aut perfolvendi desumenda videatur. Nam frequentissime nunc videtur Missæ Sacrificium pro cuiusque privato affectu, nulla publica causa, aut festi solemnitate occurrente, solemnissime peragi, modo stipendium ratione solemnitatis modo mercenario a ministris conventum, & taxatum offeratur. E contra vero, si desit huiusmodi stipendium, occurrat quantumvis magna solemnitas, non ritus sollemnis, sed ritus simplicior leviori stipendio proportionatus habeatur, nisi etiam contingat, ut iam aliquando videtur (quia stipendium quod tribuitur iudicio eorum est exiguum) ritum truncari, seu mutilari, aut perfundorie peragi. Nec mirandum, stipendia Missarum tam anxie a quibusdam inquiri, cum vel ipsi, si Sacerdotes sint sæculares, vel eorum Monasteria, si Regulares sint, his honorariis, sive stipendiis vivere cogantur. Quis igitur non horrescat ipsum tremendissimum, divinissimum, atque Religionis nostræ augustissimum Mysterium eo esse viliter redactum, ut ceu quoddam opificum quotidiano victui parando subservire debeat.

Unde hinc contingit, quod Sacerdotes ex honorariis Missarum visitantes, ex humano potius affectu, seu consuetudine, aut sane ex necessitate vitæ subsidia consequendi, quam devotionis affectu, & Spiritus sancti impulsu quotidie ad Missam celebrandam accedunt. Immo si horum Sacerdotum agendi ratio proprius attendatur, verendum est, ne cum Patribus Concilii Colonienfis anno 1536. part. 2. cap. 10. nostris quæque temporibus dicere debeamus: *terret, nec immerito nos sermo Dominicus, qui vocat nos sanctum dare canibus, & margaritas nostras proicere ante porcos, dum quosdam leviculos Sacerdotes illotis manibus pedibusque, ut in Proverbio est, audacius in hac sacratissima Mysteria, quam in profana irrumpere conperimus, quales sunt, qui humano affectu tantum, & potius ex more, quam devotionis ardore ad altare accedunt, quorum polluta est mens, & conscientia.* Et revera non sine magna Sacrificii irreverentia conspiciuntur hodie Sacerdotes, vitam otiosam, imo mult-

ris defectibus, ne dicam criminibus obnoxiam agentes, necessitate victum querendi ex stipendiis sacrorum quodammodo compulso accedere ad quotidianum Sacrificium, non secus fere ac opifices ad opus suum manuale lucri causa in dies properare solent. Hi plerumque sunt Sacerdotes, de quibus scribit Card. Bellarminus: *plurimi ordinari cupiunt pro utilitate sua, non Ecclesiae, & de celebratione Missae faciunt artem de pane lucrando*. Hæc tamen non minus quam in sacularium Sacerdotum ordine, timenda sunt etiam in ordine Regularium, præsertim illorum, qui ex stipendiis Missarum victum querere solent, omneque indiscriminatum, dommodo ætatem habeant, ad Sacerdotium mittere consuecunt, & Sacerdotio initiatos lucrandi causa quotidianum stipendium, ad quotidianam Missæ celebrationem adigunt.

Ex hoc mercenario agendi modo Sacerdotum contingit pariter, ut Sacerdotes submittant se magnatibus & divitibus, quibus celebrandi causa Capellanos se constituunt, quos hi ut servos admittunt, nec honestius plerumque tractant, quam opifices, qui ad opera sua locanda spe mercedis invitantur; gloriosum autumantes inter famulos, seu pedisequos suos, non tantum vile aliquod hominum genus, sed ipsos quoque Sacerdotes numerare. Profanationem hæc horrescens, ac timens S. Franciscus, ut ex Alvaro Pelagio, voluit, ut in quocumque loco Fratres contenti essent una Missa, præsciens Fratres se velle iustificare per Missas, & ad quæstum eas reducere. S. pariter Ignatius Societatis Iesu fundator part. 6. *Constitutionum* monet omnes qui sunt sub obedientia Societatis, ut *meminerint se gratis debere quæ gratis acceperunt, nec admittant stipendium, vel elemosynas, nullas, quibus Missæ, vel Confessiones, vel Prædicationes, vel lectiones, vel visitationes, vel quodvis aliud officium ex iis, quæ Societas nostra, nostrum Institutum exercere potest, compensari videantur, ut sic maiori cum libertate possint, & proximorum edificatione in divino officio procedere*.

De hac infami smercatura quorundam Sacerdotum valde conquisiti sunt Patres Concilii Toletani an. 1324. can. 6. dolentes de nimia sollicitudine in exigenda pecunia pro Missarum celebratione, ut iis, qui faciunt eas celebrare videantur tales ministri velle vendere divinam gratiam, quæ in Sacramento Missæ confertur, ac proinde districte interdixerunt huiusmodi exactiones, præcipientes, ut gratis dent quod gratis accipit. *Theol. Moral. Tom. IV.*

perunt. Hunc detestabilem abusum ex lordida Sacerdotum avaritia promanantem exterminare, & eradicare volentes etiam Patres Tridentinæ Synodi in decreto *de observandis, & vitandis in celebratione Missæ* stricte prohibuerunt cuiusvis mercedis pacta, & quidquid pro Missis novis celebrandis datur, necnon importunas atque illiberales elemosynarum exactiones potius quam postulationes, aliaque huiusmodi, quæ a limoniaca labe, vel certe a turpi quæstu non longe abunt. Hactenus citatus Vas-Espen.

## §. XX.

*De foundationibus Anniversariorum, & Missarum.*

Anniversarii vocabulum, licet latè sumptum importet quancumque annualem commemorationem, vel celebrationem, secundum tamen communem usum stricte accipitur pro ænuâ commemoratione defunctorum fidelium cum suffragiorum, Missarum, vel Officiorum, aliarumque precum celebratione pro illorum animabus, ut ex Gloss. in cap. *cum creatura de celebrat. Missar. dicitur quod pro defunctis fit anno revoluto a die mortis sue*. Quare in communi, & stricte sensu sumitur anniversarium pro onere, seu pro adimplemento oneris impositi ad suffragia singulis annis pro defunctis impertienda eo anni die, quo accidit, & recurrit mora institutoris. Anniversaria, & Missæ de requiem, quæ ex dispositione Testatorum quotannis cum cantu celebrandæ sunt, cantari possunt etiam si ipsorum obitus dies inciderit in Festum duplex maius, ut decrevit sacra Congregatio Rituum 22. Novemb. 1664. & Alexander VII. 22. Ian. 1667. in Decreto quod incipit *Credite*. Advertendum tamen est, Decretum loqui de anniversariis, & Missis candandis ex dispositione testatorum, non autem ad placitum vivorum. Anniversaria, & Missæ dici debent tertia die, septima, & trigesima, & ea impedita transferri possunt in sequentem diem. Ita sac. Congreg. Rituum 27. Sept. 1607. & 19. Maii 1614. Ut autem citius defunctus succurratur, anticipari possunt, ut vult Raymondus cum aliis. Unde patet, nullimode cani posse Missam de requiem ad solum placitum vivorum in duplicibus, & quando cumque currit Officium excludens duplicia, cum satisfieri possit pie eorum voluntati vel anticipando, vel transferendo in diem non

Quid eo-  
men An-  
niversa-  
rii.

Anniver-  
saria de  
requiem  
cani pos-  
sunt licet  
occur-  
rant in  
duplici  
maiori.



impeditam, ne violentur Rubricæ, & Decreta hoc vetantia.

Celebratio extremi diei Defunctorum culta fuit etiam a primis sæculis, ut testatur Tertullianus de *corona Militis* cap. 3. *oblationes pro defunctis, pro natalitiis annua die factimus*. Sic Cassianus *collat.* 19. cap. 1. habet de solemnibus anniversariis celebratione depositionis Abbatis. Est tamen incertum, an illa anniversaria Officia fierent semel tantum, aut perpetuo, ut testatur Mabilonius in *Præfat.* in 1. partem sæculi 3. Benedictionum n. 101. Sæculo 9. nota fuisse anniversaria annuatim recurrentia. Anniversaria Regum, & Abbatum celebrantur in Monasteriis. Quo ritu vero celebrarentur incertum est. Quod satis constat, est, non eodem ritu, nec eadem celebritate fuisse ubique peracta: Nam ex Decreto Eusebii Abbatum Fuldensis anniversarium celebrabatur cum Missa & Psalmorum cantu, & ita celebratum fuit anniversarium Sturmii Abbatis pariter Fuldensis. Aliquando vero minus solemniter, cum una scilicet vigilia, & uno psalterio. Et sic celebratum fuit a Monachis Fuldensibus pro eodem Abbate Sturmio ante Decretum dicti Abbatis Eusebii, ut constat ex monumentis Fuldensis Monasterii, & præcipue ex supplici libello oblato Carolo Magno. Et hoc anniversarium pro Abbate Sturmio annuatim celebrabatur, ut evincitur ex cit. supplici libello, ubi sic habetur: *Pro Sturmio quoque Abbate in anniversaria obitus die unam vigiliam, & unum psalterium per singulos annos legimus*. Osbernus autem Abbas Uticensis, ut habetur apud Uldericum Vitalem lib. 3. *historiæ*, statuit fieri singulis annis anniversarium pro patribus, matribus, fratribus, & sororibus omnium Monachorum Cœnobii Uticensis. In hisce autem anniversariis, ut habetur in decreto dicti Abbatis Osborni, signa dabantur cum campanis sero, & mane, ad Officium defunctorum diu pullabantur. Volumen mortuorum super altare dissolutum palam expandebatur, & prius deprecatio pro defunctis, postea pro vivis parentibus, benefactoribus, cunctis fidelibus offerebatur; & ab Eleemosynario tot pauperes, quot Monachi ipsa die in Monasterio colligebantur. Unde patet, non esse recens quod omnia signa, idest campanæ sero & mane ante Officium pulsantur. Habetur ulterius, quod in die anniversaria specialiter eleemosynæ in pauperes distribuebantur. In usu pariter fuisse videtur, ut in die anniversaria recurrente Fratribus amplior daretur refectio, ut

habetur ex Decreto Synodi Pistensis; & de hoc si revolvantur monumenta Capitularum, Canonialium, & Monasteriorum, plurima inveniuntur exempla; immo sæculo 11. usitata fuisse in Hispania convivia defunctorum, ad quæ cum Clerici, tum Laici conveniebant, ut colligitur ex Concilio Coniacenensi celebrato in Hispania anno 1050. ubi in can. 5. hoc pium habetur institutum. In Collegiis Canonicorum posteriori ætate hæc refectio inter Canonicos anniversario assistentes fere ubique conversæ sunt in distributiones.

Antiquitas anniversaria nonnisi pro fundatoribus, & benefactoribus agebantur, neque aliqua certa determinata summa, quæ celebranti, & ministris in honorarium cederet, assignari volebat. Postquam vero Missarum honoraria invaluerunt, etiam pro celebrandis anniversariis honoraria Sacerdoti celebranti, & ministris assistentibus assignari cœperunt; & id pro ratione celebritatis, quæ celebranda sunt, insuper & numerus aliquis fabricæ Ecclesiæ pro expensis in Sacrificium, & ornamenta faciendis cœpit constitui. Celebritas porro anniversariorum, nec non relictorum in pauperes, vel ministros Ecclesiæ, aliave pia opera distributio dependet ab arbitrio, & voluntate fundatorum, quæ illorum prima lex esse solet. Sicuti autem liberum tandem fuit cuique particulari, dato honorario, obtinere Missas sibi specialiter applicabiles, eadem quoque ratione invaluit, ut quilibet potuerit speciale anniversarium fundare, & sic postremis hisce sæculis anniversaria in immensum crevere. Van-Espen.

Multiplicationi anniversariorum accessere ulterius crebræ Missarum fundationes, vel quotidianæ, vel plures per mensem, aut hebdomadam, vel annum pro ratione stipendiorum, & voluntate fundatorum, qui Missas requirunt. Fundationis Missæ quotidianæ mentio occurrit in cap. 11. *§. de præbend.* ubi exponitur institutio præbendæ pro quotidiana Missæ celebratione de S. Maria facta a Præposito, & Capitulo Ecclesiæ collegiatæ Insulensis in Flandria, qui præbendam hanc dederunt cuidam Sacerdoti, ut quotidie, nisi infirmitate impediretur, Missam celebraret de S. Maria, & Ecclesiam nonnisi de consensu Præpositi, & Capituli non posset deserere, vel cuiquam anniversarium illius præbendæ delegare. Quæ concessio, seu institutio Sacerdotis in illam præbendam firmata fuit ab Alexandro III. addendo confirmationi circa quotidianam Missam

Antiquitas Anniversaria non celebrabatur nisi pro Fundatoribus, & Benefactoribus.

Incertum est ritus, quo olim Anniversaria celebrarentur.

fac celebrationem hanc exceptionem, seu restrictionem, salva honestate sua, & debita devotione. Ratio hujus restrictionis, quæ notanda est, assignatur a Panormitano, ac Prospero Fagnano his verbis: *Quia talis institutio præberet multis occasionem, seu materiam peccandi; cum facile non contingat Sacerdotem quotidie devotum existere ad celebrandum.* Animadvertit hic citatus Doctor Lovaniensis, quod si Episcopi & Prælati bene attenderent huic rationi, certe agnoscerent similes Missarum quotidianarum foundationes non facile admittendas, & multo minus Sacerdotibus quibuscumque esse committendas, cum paucissimi reperiantur, præsertim inter illos qui solent huiusmodi Missarum celebrationem suscipere ea devotione ac pietate, ut quotidie dispositi sint digne Sacris altaribus adstare, & tremendum Sacrificium offerre; eo vel maxime, quod huiusmodi certas securasque quærent provisiones quotidianæ Missæ officiatorum animo mercenario, ut tanquam ab officio necessaria habeant ad vitæ sustentationem. Hinc ignota est pluribus sæculis huiusmodi quotidianarum Missarum celebratio uni iniuncta Sacerdoti. Habetur quidem ex antiquis formulis foundationum, ac dotationum Monasteriorum, & Ecclesiarum, quod fundatores solerent bona sua in Monasteriorum foundationem, aut dotationem pro remedio animæ suæ, aut parentum suorum offerre; nullum tamen Missarum numerum prioribus illis sæculis expressum invenire contingit. Immo nec reperitur pristinis sæculis Ecclesiæ, vel in Monachorum regulis, vel in aliqua Episcoporum Synodo impositum fuisse Sacerdotibus Missam quotidie offerendi.

Quod primum de hac celebratione Missæ habetur, occurrit in quodam Concilio Compostellæ celebrato anno 1036. in quo inter alia ad Ecclesiasticam disciplinam spectantia præcipitur Episcopis, & Sacerdotibus omnibus, ut quotidie celebrent. De hoc Concilio habet Baronius ad eundem annum, & prout ibi expressum fuit, legitur tom. 9. Conciliorum Generalium pag. 1087. Fides tamen huius Concilii unice innititur schedis Antonii Augustini, ut notat hic cit. Doctor Lovaniensis. Ad statum huius Concilii Compostellani animadvertens Mabillonius in Præfat. ad a. partem sæculi 6. Benedictinorum n. 95. ait: *Hæc prima de hac re Constitutio legitur. Et quidem id maxime probandum, si modo Sacerdotum omnium mores tanti mysteriorum dignitati, ac sanctitati responderent, abes-*

*set sordidus quæstus, & lex consuetudinis, quæ in triviale usum degenerat.* Et revera quia onus quotidie celebrandi gravius visum fuit, Cælestinus Pontifex illam supra dictam præbendam in duas divisit, ut testatur Innocentius III. lib. 2. Regist. pag. 487. his verbis: *Verum prædecessor Papa memoratus uni Presbytero esse nimis onerosum offendens divina singulis diebus celebrare, præbendam ipsam in duas divisit.* Van-Espen tit. 9. part. 2. cap. 7.

Verum ut quoad anniversaria meliori modo quo breviter fieri potest latissiat, varia hic elucidanda sunt, quæ circa ea occurrere possunt. Habens iniunctum onus faciendi celebrare anniversarium certi numeri Missarum, puta quindecim, aut sexdecim pro anima fundatoris, non tenetur facere celebrare Missam cantatam, quia nisi aliter exprimitur in foundatione, tale anniversarium intelligitur de quindecim aut sexdecim Missis privatis eadem die anniversaria celebrandis in loco hæredi, seu beneficiato. Sic sac. Congregatio Concilii in Placentina 13. Ian. 1691. Ipsæ tamen Missæ anniversariæ legi possunt *de requiem*, si earum dies anniversaria incidat in duplici, vel quando sit Officium excludens duplicia. Sac. Congreg. 28. Aug. 1627. & 31. Ian. 1670.

Anniversarium ordinatum a Testatore pro anima sua sine declaratione, an pro una vice tantum, an in perpetuum, præsumendum est pro perpetuo, quia in dispositione indefinita, quando dispositum est iterabile, non intelligitur de una vice, ex Leg. *cum quid ff. de annuo legat.* prout explicat Cumanus in Leg. *Eum qui Kalendis in principio de verbor. significat.* Sic etiam tenent Lancellotus, Barbosa in L. *divortio §. quod in anno 11. ff. de solut. matrim.* Et sic non semel in simili quæstione definitum fuit, ut testatur Perez *de annivers. & Capell. l. 1. cap. 3. n. 9. & seq. & alii plures ab ipso citati.*

Onera in fundo imposita pro anniversariis transeunt cum eodem fundo, quia testator, ex quo fundum illum assignavit pro onere anniversarii, ut ex eius fructibus, seu redditibus onus eiusdem persolvatur, intelligitur fundum illum obligasse: per illam enim assignationem talis fundi quodammodo separavit ipsum fundum a corpore suorum bonorum, seu hæreditatis suæ, ut firmiori vinculo fundum illum obstringeret, ne obligatio anniversarii facile dilaberetur; & hoc constat a pari cum fundo assignato a testatore pro alimentis alicui præstandis; tunc

Varia exponuntur circa onera Anniversarii.

enim fundus ille intelligitur hypothecatus pro eiusdem alimentis, ut notat Glossa in L. *Locius de alimentis legatis* text. in L. 2. ff. eodem tit.

Anniversarium relictum a testatore, ut celebretur pro anima sua in Ecclesia, in qua statuit sepeliri, cessat, si testator culpabiliter seipsum occiderit, aut in puteum se proiecerit, cap. *pro obuentibus* 13. q. 2. ubi pro impijs, qualis esset qui culpabiliter se interficeret, expresse prohibetur orare his verbis: *Non tamen pro . . . quamvis Christiani fuerint, tale quid agere licebit*. Ex quo autem per hanc sanctionem Gregorii Papæ oritur prohibitio orandi, & implendi legatum, legatum ipsum definit L. *cum tale* §. *falsum* ff. *de conditione & demonstrat.* ex L. *si quis legaverit* §. *finali* ff. *de alimento legato*. Sic Suarez de anniv. & Capell. l. c. cap. 11. fere per totum Turriscremata, Covarruvias, & alii. Quod si testator ordinaverit legatum pro anima sua, & animabus suorum, non cessat, quamvis seipsum occiderit, quia tamen tale anniversarium habere nequeat suum effectum in favorem talis testatoris, potest tamen effectum suum consequi in favorem aliorum, in quorum quoque suffragium est institutum.

Anniversaria vero fixa, & alia similia, quæ ex expressa testatorum, & fundatorum voluntate prohibentur dari absentibus ex quacunque causa, & iubentur dari solummodo ipsis physice, & corporaliter interestibus, non participantur ab habentibus indultum a Papa, ut etiam in absentia possint participare omnes & quascunque distributiones ordinarias, & extraordinarias, & quocumque ordine nuncupantur. Testator enim hanc legem, & conditionem in suo testamento legatis, & rebus dare, & apponere vult L. *in re mandata* cod. *mandat.* L. *ex fact.* ff. *de hered. institut.* quæ non minus quam leges iuris communis servandæ sunt L. *plane* 94. §. 1. *de legat.* & contra eas non præsumitur Papa voluisse dispensare, ut sentit Lotter. *de re beneficiar.* lib. 2. c. 43. n. 63. Immo Papa potius adhæret piæ testatorum voluntati, quam præiudicet, ut notat Rota Rom. p. 7. decis. 158. n. 24. nec obstant verba illa generalia Indulto apposita, scilicet: *omnes & quascunque distributiones ordinarias & extraordinarias, & quocumque nomine nuncupantur*, quia hæc restringenda sunt ad ea solummodo, quæ debentur ex provisione iuris communis, non autem ex provisione hominis, quæ facit provisionem legis; & dum Papa huic homi-

nis provisioni speciatim, & expresse non derogat, eius rescripta, & indulta secundum dispositionem iuris communis semper interpretanda sunt cap. *cum dilectis*, & ibi Gloss. verb. *iure communi de consuetud.* Gonzalez, Passerinus, Pignatellus, Rota part. 3. decis. 194. n. 3. & alibi; & ita pluries decisum fuit a sac. Congreg. Concilii, & signanter in Neapolit. indulti, quod fuerat concessum Canonico Neapolitano causa studii 20. Febr. 1677. & sic alias semper declaravit.

## §. X X I.

*De Missarum reductione.*

Vidimus, quod inducto Missarum honorario, quo factum fuit, ut singuli offerentes velint pro se Missam specialem fieri, valde excrevit anniversariorum, & Missarum numerus. Hinc tempore Concilii Trid. tantum fundationes anniversariorum, & Missarum excreverant, & Ecclesiæ, atque Monasteria tot Missis onerata deprehendebantur, ut his omnibus persolvendis non sufficerent. Immo ex hac nova disciplina, quod tot celebrandæ essent Missæ, quot tribuerentur stipendia, quia multi requirebantur Sacerdotes, & Ministri, qui illis foundationibus satisfacerent, numerus Sacerdotum valde excrevit. Verum cum successu temporis fundationum redditus vel essent deperditi, vel decrescere pecuniarum valore, & e contra eorum pretio excrecente imminuti; & cum maior pars Sacerdotum ex huiusmodi Missarum stipendiis sustentationem caperet, ut nunc etiam fieri videmus; ob tenuitatem stipendii ad eorum sustentationem multum insufficientis via inveniri poterant Sacerdotes, qui fundationum onera suscipere velent. Unde duplici hoc titulo contingebat, ut deplorabant Trid. Patres sess. 25. cap. 4. *de reformat. ut deperirent piæ testamentorum voluntates, & eorum conscientias, ad quos prædicta spectant, onerandi occasio daretur*. Hinc tanto magis occurrere studens S. Synodus, ut pijs testamentum voluntatibus meliori modo quo fieri potest, satisfaceret, facultatem fecit Episcopis, ut in Synodo Diocesana, & Abbatibus & Generalibus Ordinum in suis Capitulis Generalibus, re diligenter perspecta, possint pro sua conscientia in prædictis Ecclesiis, quas hac provisione indigere cognoverint, statuere circa hæc quidquid magis ad Dei honorem, & cultum, atque Ecclesiarum utilitatem expedire viderint. Hinc conformiter ad Decretum Concilii in variis Diocesibus provisum fuit per eandem

Missæ.

Concedi-  
tura Tri-  
dentino  
Episcopi  
in Syno-  
do Dioc-  
cesana  
Abbatibus  
bus, &  
Genera-  
libus in  
Capitulis  
Generalibus  
faciatis  
reducen-  
di oner-  
Missæ  
rum.

Missarum reductionem, ut ita excrecente Missarum stipendio facilius invenirentur Sacerdotes, qui testatorum voluntates impleverent, & piis Missarum institutionibus satisfacerent. Unde ex Trid. Concilio constat Episcopos non nisi in Dioecessana Synodo, Abbates, & Generales Ordinum non nisi in Capitulis Generalibus, reducere posse Missarum onera. Decretum tamen Concilii Tridentini in aliquibus Diocesibus non fuit receptum; ita ut Episcopi sine Synodo fundationes Missarum reducerint, & reducant; quia, ait Diana tom. 1. tract. 14. resolut. 3. & 4. Episcopi id facere possunt ex iure communi, neque quoad hos Concilium statuit ius novum, sed antiquum ius statuit servari. Quod vero ad Abbates, & Generales ius novum constituit.

Verum cum in Curia Romana aliter sentiantur, ut advertit citatus Diana, nempe non competere Episcopis ex iure communi facultatem reducendi piis Missarum fundationes, ut contendit Fagnanus in explicando super cap. ex parte num. 20. & sequent. hinc sacra Congregatio Concilii iubente SS. Urbano VIII. sub die 27. Ian. 1625. declaravit, ac decrevit, non posse amplius Episcopos, ne quidem in Dioecessana Synodo, Abbates & Generales in Generalibus suis Comitibus, reducere, ac moderari Missas fundationum post Concilium Trid. receptas, nec impositas in limine foundationis, id est quae impositae sunt Capellis erectis in titulum Ecclesiastici Beneficii, sive ex prima fundatione testatorum, sive quacumque alia ex causa; sed pro his omnibus reducendis, ac moderandis, seu commutandis recurrendum esse ad sanctam Sedem, quae diligenter perspecta id statuet, quod magis in Domino expedire arbitrabitur ut legi potest in Bullario tom. 4. pag. 315. & hoc confirmatum fuit etiam ab Innocentio XII. 23. Dec. 1697. Poterit tamen Episcopus onera, & Missas reducere, ac moderari, si id ei concessum sit in fundatione Beneficii, ut constat ex responsione ipsius sacrae Congregationis.

Multo minus igitur reducere poterunt, aut moderari, aut commutare Missarum fundationes, & onera Presbyteri quicumque sint, sive simplices, sive Beneficiati, neque aliquis alius, etiamsi fructus fundi assignati deteriorati fuerint, ac tenuiores evaserint sine propria culpa, quia ex eadem sacra Congregatione pro talibus reductionibus omnino adenda est Sedes Apostolica, ut patet ex suis responsionibus, quae brevitate gratia hic non afferuntur.

Regulares quicumque nullo modo uti possunt, ut antea dictum fuit privilegio Iulii II. Constit. 7. Leonis X. Constit. 8. apud Concilium in Collectione privilegiorum extit. 19. de divinis officiis cap. 3. quo Generalibus Ordinibus Mendicantibus conceditur facultas dispensandi cum suis Religiosis, ut celebratione unius Missae cum novem Collectis satisfacere possint pro novem Missis; etiamsi particulariter de Requiem, vel de Sanctis essent celebrandae. Nec parvas elemosynas acceptas pro Missis coniungere possunt ad summam unius Iulii, & per unicam Missam omnibus satisfacere, cum in supra laudato Decreto Urbani VIII. & Innocentii XII. hoc veritum sit.

Qui Missas celebrare faciunt ab aliis minori elemosyna, quam ipsi receperunt, pro se eiusdem parte retenta, si sint laici, excommunicationem Papae reservatam incurrun, & si sint Sacerdotes suspensionem Papae item reservatam, quamvis Sacerdos, qui eas tali minori elemosyna celebrandas suscipit, expresse in id consentiat. Sic novissime declaravit felix record. Benedictus Papa XIV. Constit. quae incipit: *Quanta cura*.

Non habetur locus reductioni Missarum, si universa hereditas gravata fuit, ne heredi prodest fundi assignatio, quam ille ultro fecerit, si progressu temporis impares oneri reddantur eius proventus: sac. Rom. Rota in Roman. 16. Ian. 1602. §. 13. coram Cardinali Caprara, & alias sacra Congregatio Concilii in Roman. reductionis oneris Missarum 18. Aprilis 1633. apud Thesaurum Resolutionum sacrae Congregationis Concilii tom. 6. ubi alia huiusmodi Decreta afferuntur.

Non conceditur Missarum reductio, quoties pro earum celebratione non fuit assignatus certus fundus, sed gravari fuerunt haeredes certam pecuniarum summam solvere. Sac. Congreg. Concilii in Roman. reduct. oner. Missar. 22. Martii. 1632. & alias.

Locum non habet reductio Missarum, si per contractum receptum fuit earum onus; sed agendum esse coram iudice ordinario, ut cognoscat, num contractus ob laesionem, & iniustitiam rescindendus sit, pluries ita respondit sac. Congregatio Concilii, & signanter in Bononiens. die 1. Martii 1687. Contrariam tamen sententiam secuta est eadem sac. Congreg. Concilii die 8. Iulii 1724. in una Ordinis B. Mariae de Mercede, ubi praecise respondit in reductione ab Indulto permessa comprehendere etiam onera per contractum acceptata, Eademque declarationem

Abrogatur Re-  
guarium  
privile-  
gia, M C  
fas quo-  
modo.  
cumque  
reduca-  
di.

Quid de  
his qui  
faciunt  
satisfa-  
cere one-  
ra Missa-  
rum mi-  
nori elec-  
mosyna,  
quam  
ipsi rece-  
perunt.

In here-  
ditate u-  
niversam  
gravata  
locum  
non ha-  
ber redu-  
ctio Mis-  
sarum.

nem edidit 19. Aug. eiusdem anni 1624. quoad Patres Congregationis Reformatae S. Bernardi, ut refertur in Thesauro Resolutionum sacr. Congregat. Concilii tom. 6. in Rom. reductionis oner. Missar. 18. Aprilis 1683. quamvis ibi referantur aliae contrariae resolutiones. Itaque (ut ibi dicitur) non satis certum est, quid sacra Congregatio senserit circa interpretationem Indulti in se considerati; ac proinde in dubiis pro huiusmodi interpretatione ad ipsam recurrendum est, quæ iuxta diversas casuum circumstantias diversas etiam edere solet resolutiones, ut videri potest in cit. Thesauro, & signanter in resolutionibus anni 1633. & 1639.

## S. XXII.

*De fructu applicando a Sacerdote ei, a quo stipendium accepit, & de ipsius Sacrificii applicatione.*

Nota Missæ Sacrificium non secus ac orationes, & merita iustorum tripliciter valere, seu prodesse, nimirum triplicem habere fructum, ut supra diximus, scilicet generalem, specialem, & specialissimum. De fructu generali participes sunt fideles omnes tam vivi quam defuncti ab unitate Ecclesiæ non præcisi, unde prodest toti Ecclesiæ. Celebrans non secus ac orans neminem excludere debet, sed ex intentione saltem habituali omnes includere. Et revera, sicuti hoc divinum Sacrificium Deo offertur nomine totius Ecclesiæ, sic pro tota etiam Ecclesia offertur, & in ipso fit deprecatio. Fructus specialis, seu medius, qui relictus est liberæ applicationi Sacerdotis, hic est fructus ille, quem Sacerdos applicare debet personæ, a qua stipendium recepit, ut Missa ei applicetur. Fructus tandem specialissimus proprius est, ac personalis Sacerdotis sacrificantis. Sacerdos igitur non solum fructum generalem pro universis fidelibus, sed specialem quoque, seu medium Sacrificii applicare debet vel animabus Purgatorii, vel secundum mentem & intentionem eorum, qui impertuntur stipendium pro Missæ celebratione; & hic solus, nempe specialis applicatur eis, pro quibus offertur Missæ Sacrificium. Fructum vero proprium, seu specialissimum, ac personalem nullo alteri, ut iam notavimus, potest, vel debet applicare. Applicatio Sacrificii nihil aliud est quam intentio ministri, seu Sacerdotis applicare volentis Sacrificium, quod celebraturus est pro tali persona, anima, familia, &c. quibus applicat ministerialem fructum medium, seu specialem, id est

Sacrificium ipsum. Hæc autem applicatio Sacerdotis necessaria est, ut obtineatur effectus specialis. Et hæc est sententia communis. Nam ad eum spectat applicare hunc fructum Sacrificii, ad quem spectat sacrificare; & potestas applicandi involvitur; ac certe fundatur in potestate offerendi: Unde cum ad solum Sacerdotem celebrantem spectet offerre sacrificium, utpote qui solus in persona Christi Sacrificium pro aliis offert, fructus quoque eiusdem Sacrificii solus ille applicare potest, & debet. Dixi potest, et debet applicare, quia si Sacrificium quoad fructum specialem nemini applicetur, nemini in particulari ex opere operato prodest, sed communiter creditur, quod cum Deus velit Sacrificium istud inutile remanere, in tali casu vel profit ipsi celebranti, si per innoxiam distractionem applicare omiserit, vel si scienter, & mala voluntate applicare noluerit, a Deo acceptetur, & reponatur, ut aiunt, in thesauro Ecclesiæ suo tempore fidelibus applicando per Indulgentias. Et quidem fas est concedere hoc fieri.

Idemque dicito, si is, cui Sacerdos hunc fructum applicat, capax non sit, ut de eo participet, eo quod v.g. sit damnatus. Quocirca optimum est, si Sacerdos sub conditione quod Sacrificium non possit prodesse ei, pro quo offertur, nec aliud requirat intentio illius, qui oblatione stipendii petit, ut Sacrificium offeratur, specialem fructum Sacrificii applicet sibi, suis, vel aliis, qui capaces sunt, ne vel forte cum grandi irreverentia speciali suo effectu excellentissimum opus destituatur.

Ex his igitur inferitur, quod Sacerdos etiam obligatus ex voto, iustitia, charitate, vel obedientia, applicare Sacrificium certis personis, valide tamen, sed illicitè, idem Sacrificium applicare possit alteri contra intentionem, & applicationem Superiorum, vel Ecclesiæ. Ita Herinez, aliive communiter, quos hic citat Reiffenstuel contra Traxinellum, qui, ut refert Gavantus tom. 1. Comment. in Rubricas part. 3. tit. 12. n. 18. contendit, Prælatum Regularem posse irritare subditorum intentionem in Missæ celebratione, si hanc contra ipsius Prælati intentionem applicarent, ita ut valeat applicatio Superioris, & non subditi. Verum communis sententia ex eo patet, quia applicatio Missæ est actus potestatis Ordinis, qui non dependet a potestate Superioris Regularis, utpote quæ eiusdem potestati non subiaceat. Idcirco licet peccet subditus agendo contra obedientiam suo Superiori debitam, eius tamen applicatio irritari nequit per Prælatum, non

Quomodo se recte debeat Sacerdos in applicatione fructus specialis, ut alicui prodest.

Quid applicatio Sacrificii.

Prælati Regularis irritare nequit applicationem Sacrificii factam a subd. 10

non secus ac alia irritari nequeunt, quæ Ordini Sacerdotali sunt adnexa, ut patet in intentione conficiendi Sacramenta.

Applicatio  
sacrificii  
sufficit ut  
sit vir-  
tualis.

Applicatio Sacrificii non est necesse quod sit actualis, licet hæc optima sit, & idcirco optandum foret quod semper haberetur; sed sufficere potest applicatio virtualis procedens ex actuali intentione, quæ suo loco dicitur sufficere etiam ad Sacramentorum consecrationem.

Applicatio  
sacrificii  
facienda  
est ante  
consecra-  
tionem  
utriusque  
speciei.

Intentio, seu applicatio Sacrificii fieri debet saltem ante consecrationem utriusque speciei; quia cum iam ex dictis Sacrificii essentia consistat in consecratione, ut verificetur Sacrificii applicatio, hæc fieri debet ante consecrationem, vel saltem priusquam compleatur, nam ea completa fructus Sacrificii statim obtinetur qui suspendi nequit per celebrantis arbitrium non secus quam in Sacramentis, quibus utique positis statim quando nihil obstat, confertur effectus. Unde.

Invalida  
applicatio  
post con-  
secratio-  
nem.

Qui accepto stipendio ut pro aliquo celebret, non satisfacit suæ obligationi, si speciale fructum Sacrificii applicet postquam consecravit, quia tunc applicatio nulla est. Quocirca Sacerdos, præsertim quando stipendium accipit, ut pro aliis celebret, consultissimum est, immo iuxta aliquos etiam tenetur, facere applicationem, seu formare intentionem applicationis ante Missæ inchoationem, ut iis, pro quibus celebrat, obveniat etiam fructus precum, quæ per Missam nomine Ecclesiæ peraguntur, & hoc certissimum est, ac tutissimum.

Valida  
applicatio  
suo con-  
ditione de  
præsenti  
vel præ-  
terito,  
non de  
futuro.

Valida est applicatio sub conditione de præsentem, vel de præterito, v. g. applico pro Ambrosio, si vivat, si decesserit, &c. eo quia iam habeat obiectum ad quod determinate dirigatur, & evadit iam absoluta. Non valet autem sub conditione de futuro, puta si Antonius mense venturo Religionem ingrediatur, si iter fecerit, si obierit, quia deberet Deus tenere effectum suspensum, donec impleatur conditio, quo nihil absurdius, cum Deus non revelaverit se ita acturum; nec insipienter recurrendum est ad Dei præscientiam, cui futura omnia præsentia sunt, & manifesta, nam sicut Deus de præsentem non punit aliquem propter eius peccata certe prævifa, neque præmiat de præsentem propter bona eorum opera certo futura, sed suo tempore quando erunt: Ita nec effectus Sacramentorum, & Sacrificii conceditur illis, qui vel Sacramenta suscipiunt, vel pro quibus Sacrificia offeruntur, propter futura eorum opera, sed iuxta dispositionem quam habent in præsentem. Idcirco

testantur auctores cum Gavanto Clementem VIII. & Paulum V. damnaſſe talem modum applicandi & Concilium Trid. ſeſſ. 22. in principio illum reprobaſſe, ut conſtat ex Barboſa ad eandem ſeſſionem. Itaque non implet ſuam obligationem, qui pro futura opportunitate Sacrificium applicat.

Fructus, seu effectus, generalis obtineri poteſt ſine perſonali determinatione, ſeu applicatione Sacerdotis celebrantis cum Eccleſia illum applicet, prout ex verbis iſtis Miſſæ non obſcure colligitur. Idemque dicto de fructu ſpecialiſſimo, qui celebrantis proprius eſt, & quem quodammodo ex ipſa rei natura percipit, dum digne ſanctum hoc miniſterium peragit.

Fructus  
generalis  
haberi  
poteſt  
ſine ap-  
plicatione  
ni cele-  
brantis.

## S. XXIII.

### De Altari privilegiato.

Altare privilegiatum illud intelligitur, Quid Al-  
cui a Summo Pontifice conſeſſum fuit, ut tare pri-  
per Miſſam ad ipſum altare celebratam pro vilegiu-  
anima cuiuſcumque fidelis, quæ in charitate tom.  
Chriſti Deo coniuncta ex hac vita migrave-  
rit, de theſauro Eccleſiæ per modum ſuffra-  
gii indulgentiam conſequatur, ut eiſdem  
Domini noſtri Ieſu Chriſti, ac Beatæ Mariæ  
Virginis, & omnium Sanctorum meritis illi  
animæ ſuffragantibus a pœnis Purgatorii li-  
beretur, ut habet in Bullis conſeſſionis  
huiuſcemodi privilegii. Hoc altaris privile-  
gium, vel altare privilegiatum concedi ſolet  
a ſummis Pontificibus ad tempus vel in per-  
petuum, pro uno, vel pro pluribus, aut  
ſingulis hebdomadæ diebus iuxta numerum  
Miſſarum, quæ celebrari ſolent in Eccleſia,  
in quâ habetur altare illud, cui privilegium  
conceditur; & circa hoc attendendæ ſunt li-  
teræ conſeſſionis, pro cuius intellectu hic  
ſupponitur documentum Bullæ Clementis  
XII. tale privilegium ad tempus conceden-  
tis.

*Clemens Papa XII. ad futuram rei  
memoriam.*

Volentes Eccleſiam veſtram, in qua alta-  
re privilegiatum erectum non eſt, dummo-  
do in ea ſeptem Miſſæ quotidiè celebrentur,  
& in ea ſit Sancti vel Sanctæ N. N. nunc-  
cipatum, hoc ſpeciali dono illuſtrare, Dei  
miſericordia conſiſi quandocumque Sacerdos  
aliquis Miſſam & ad præſentem altare cele-  
brabit, ut anima ipſa de theſauro Eccleſiæ  
per modum ſuffragii indulgentiam conſequa-  
tur; ita ut Domini noſtri Ieſu Chriſti ſuf-  
fragantibus meritis a Purgatorii pœnis libe-  
re-

atur, concedimus presentibus ad septennium tantum valituris. Datum Romæ, &c.

Tempus septennium quod conceditur, ut in supradicto exemplari, incipit a die datæ Brevis, quidquid dixerint Theologi antequam super hoc definitum fuisset a sacra Congregat. Indulgentiarum sub die 18. Maii 1611. & hic est tenor Decreti: *Septennium incipere non a die publicationis, sed a die datæ Brevis: Et facta relatione SS. Domino Nostro per me Secretarium die 20. eiusdem mensis Sanctitas sua Congregationis sententiam approbavit. N. Cardinalis Gabrielus Præfatus: Raphael Cosmus de Ieronymis Secretarius. Romæ typis Cameræ Apostolicæ 1611.*

Clausula in Brevis apponi solita, dummodo in dicta Ecclesia tot Missæ quotidie celebrentur, intelligenda est iuxta declarationem datam de mandato SS. a sacra Congreg. Concilii ad sequentia dubia.

1. *An absentibus Religiosis causa prædicationis tempore Quadragesimæ, & Adventus, vel quando occasione Festivitatum, vel Funerum, aut similibus, a Superioribus ad celebrandum alibi transmittuntur Indulgentiæ concessæ cum certo numero Missarum, qui ob dictas causas adimpleri non potest, prorsus cessent, vel pro eo tempore quo dictus numerus Missarum non fuerit adimpletus sint suspensæ, vel potius remaneant in suo robore.*

2. *An idem sit statuendum, deficiente prædicto numero missarum ob infirmitatem Sacerdotum tam Regularium, quam secularium.*

3. *An pariter idem statuendum sit deficiente prædicto numero missarum ob absentiam ab Ecclesiis secularibus Canonicoꝝ, & Sacerdotum per aliquot dies, & menses.*

Sacra Congregatio Concilii Trid. &c. 30. Iulii 1601. respondit:

Ad primum quoad primam partem pro tempore adventus, & Quadragesimæ remanere suspensas, non autem in reliquis, dummodo raro contingat.

Ad secundum, remanere suspensas.

Ad tertium, provisum in primo.

Sub generali Indulgentiarum suspensione, quæ sit anno lubilæi, non comprehenduntur altaria privilegiata, nec aliæ Indulgentiæ pro solis defunctis concessæ. Sacra Congregatio Indulgentiis sacrisque Reliquiis præposita 24 Ian. 1700. *Altaria privilegiata pro defunctis non comprehenduntur sub clausula illa: volumus autem, ut si alias Christiani delictis dictam Ecclesiam visitantibus, aliqualis Indulgentia perpetua, vel ad tempus nondum elapsum durata concessa fuerit, presentes litteræ nullæ sint, nec sub alia clausula consimi-*

*li. Sacra Congregatio 13. Iulii 1666. Quod decretum utpote alia comprehendens, & editum de mente SS. Innocentii XI. huius per extensum asserere brevitas gratia omittimus, ea solum offerendo, quæ ad propositum nostrum faciunt. Sic enim habetur in Decreto respectu citatæ suspensionis Indulgentiarum anno lubilæi: Ea minime contineri altaria privilegiata pro defunctis, neque Indulgentias aut certo personarum generi concessas, ut Confraternitatibus, Regularibus, & Capitulis, aut certum pium opus in ipsa Ecclesia peragentibus ut Litanias, aliasve huiusmodi preces recitantibus, aut iis, qui in christiana doctrina erudiantur, vel alios erudiant, & qui sanctissimi Eucharistiæ Sacramenti expositioni cum oratione 40. Horarum intersunt, nec Stationum Urbis, & septem altarium Indulgentias infra septem altarium Basilicæ Vaticane concessas, nec demum quæ pro unica vice conceduntur. Ceterum, si alia Indulgentia siue plenaria siue non &c. .... ob adiectam clausulam esse prorsus irritas, ac nullas. Dat. die 23. Iun. 1676. De his autem facta relatione ad SS. Dominum nostrum die 16. Maii 1677. sententiam Congregationis approbavit. Card. Maximus, Michael Angelus Riccius Secretarius.*

Missæ celebratæ de Festo currente in altariis privilegiatis, diebus, quando non licet Missas de Requiem celebrare, habent eandem vim & Indulgentias, perinde ac si essent celebratæ Missæ de requiem, seu Defunctorum; & hoc siue altaria sint privilegiata in perpetuum, siue ad tempus, siue pro omnibus, siue pro aliqua solo, vel aliquibus tantum hebdomadæ diebus, siue ex obligatione, siue ex sola fidelium devotione diebus impeditis Missæ de festo celebrentur: & per huiusmodi Missas celebratas de Officio currente in altariis privilegiatis satisfactæ obligationibus, ac si ipsis privilegiatis altariis celebratæ fuissent Missæ de requiem, seu defunctorum. Sic expresse fuit definitum ab Innocentio XI. die 4. Maii 1688. in sua Constitut. quæ incipit *Alias*, sicut iam declaratum fuerat ab Alexandro VII. sua Constitutione quæ incipit *Credite* & a Clemente IX. Constitutione, quæ incipit *Cum felicit*.

Altare privilegiatum concessum fuit quotidie, & in perpetuum a Benedicto XIII. Patriarchalibus, Metropolitanis, & Cathedralibus omnibus Ecclesiis sua Constitutione quæ incipit *Omnium saluti*, data die 20. Iulii 1724. Translato altari privilegiato legitima auctoritate de loco ad locum, adhuc durat

Missæ celebratæ de Festo in Altari privilegiato habent vim eandem ac illæ de Requiem.

Sub generali Indulgentiarum suspensione non lubilæi non comprehenduntur Altaria privilegiata.

rat Indulgentia, si ipsa concessa sit altari in reverentiam alicuius Sancti, vel mysteriorum, in cuius honorem dedicatum fuit, ita ut censeatur idem altare, licet translatum: Immo etiam si imago sit alia eiusdem mysteriorum, vel Sancti, quia renovatur, vel restauratur representatio; moraliter enim censetur esse idem altare. Ita Gobat cum aliis, qui addunt privilegium remanere, etiam si destruat altare, dummodo tamen destruat paulatim, & simul paulatim reficiatur, & semper perseveret eadem dedicatio, seu denominatio v. gr. *Crucifixi*, *Annunciationis*, *S. Antonii*, &c. præcipue si Indulgentia fuerit concessa in reverentiam illius Mysteriorum, vel Sancti, quia formaliter semper remanet idem altare.

Quid de Sacerdote. Sacerdos, qui tenetur celebrare in altari privilegiato, & advertenter in eodem celebrare omittit, ut probabilis sentiunt Doctores peccat mortaliter, ac tenetur ad compensationem: Quia quoad primum, ut patet, proximum in re gravi decipit; & quoad secundum, quia proximo voluntarie damnum certe intulit. Igitur damnum compensare debet saltem applicando animæ defuncti, pro qua omisit celebrare in altari privilegiato, Indulgentias plenarias pro defunctis concessas, devotione qua poterit maiori, ut adæquet meliori modo, quo fieri potest certitudini Indulgentiæ, quæ confertur per celebrationem Sacrificii. Sic Bonacina cum aliis.

## §. XXIV.

*De dispositionibus requisitis in celebrante ad Missæ celebrationem.*

Cum in Sacrificii celebratione essentialiter concurrat cum consecratione etiam Sacrificii, nempe Hostiæ, seu Sacramenti Eucharistiæ sumptio, procul dubio ad participationem Sacrificii, nempe ad Sacramentalem Communionem requiruntur suæ dispositiones in ipso celebrante, ut digne, ac laudabiliter ante Deum actionem tanti Mysteriorum peragat, ac de ipso participet. Tres autem sunt præcipuæ dispositiones quæ in Sacerdote celebraturo requiruntur, videlicet sanctitas, pietas, affectus devotionis, seu Religionis in sacrum altaris ministerium respectu animæ; puritas, seu mundities; & naturale ieiunium respectu corporis. Si enim in percipientibus solummodo sacram Eucharistiæ triplex requiritur dispositio, multo magis plane necessaria erit in Sacerdote sacra facturo, ac de ipso Sacrificio participaturo. Et quia de his iam antea satis dictum

fuit, difficultas, quæ hic discutienda occurrat, versatur circa Sacerdotem, quæ remordeat conscientia lethalis peccati, cui ex officio ei sacrificare incumbet, nec copiam habeat Confessarii, cui confiteatur; sum possit sine prævia confessione licite celebrare, & circa illud mandatum Tridentini, quo præcipitur, ut si talis Sacerdos cum tali conscientia in necessitate celebret, quamprimum confiteatur, quomodo illud quamprimum intelligendum sit, an scilicet de prima quæ ei occurrat Confessarii occasione, an dum Sacerdos suo tempore confitebitur, sicuti quidam recentiores conati sunt offendere, non secus de querenda statim Confessarii copia, nec de ea, quæ paulo post se ultro offerat. Unde sit.

Sacerdos, cui ex officio (puta Parochus) die festo, ut populus Missam audiat, incumbit sacrum facere, dum gravatur conscientia lethali, nec habet copiam Confessarii, cui confiteatur, urgente necessitate, si conteratur de suo peccato, cum proposito quanto citius confitendi, licite celebrare potest, ut declaravit Concilium Trid. sess. 13. de Eucharistia cap. 7. ubi postquam statuit, quemcumque accedere volentem ad sacram Eucharistiæ prius debere seipsum probare, ita ut nullus peccati mortalis conscius accedere audeat, sed prius Sacramentali Confessione animam suam expurgare studeat, etiam si sit Sacerdos, cui ex officio celebrare incumbat, modo illi non desit copia Confessarii. Quod si, necessitate urgente absque prævia confessione celebraverit, quamprimum confiteatur.

Sed pro elariori intelligentia duo hic notanda sunt. Primum quoad necessitatem in textu expositam, ipsam nempe repeti debere vel ex circumstantia diei festi, quo urget præceptum audiendi Sacrum, vel ex casu quo desint Hostiæ consecratæ, & aliunde haberi nequeant pro communicando infirmo in extremis laborante, vel ex scandalo quod præberi potest a Sacerdote non celebrando, quod præcipue in domibus Religiosis facile contingere potest. Alterum vero, illud quamprimum Concilii Trid. non merum consilium, ut aliqui opinantur, sed verum præceptum includere; & præceptum intelligendum, non, ut alii conati sunt explicare, dum Sacerdos tempore suo confitebitur, cum contrarium utrique sententiæ interpretatus sit Alexander VII. qui duas sequentes propositiones 38. & 39. inter alias peremptorias damnavit. *Mandatum Concilii Trid. factum Sacerdoti sacrificanti in necessitate cum peccato mor-*

Quamprimum Tridentini non est merum consilium, sed præceptum.



to mortali confitendi quam primum, est constitutum, non preceptum: Illa particula, quam primum, intelligitur, cum Sacerdos suo tempore confitebitur.

Quamvis graviter peccet Sacerdos, grandeque sacrilegium committat, Missam scienter celebrans cum conscientia peccati mortalis, adhuc tamen gravius peccat, qui alia peragit, & consecrationem tantummodo simulat; sic declaratum habemus ab Innocentio III. cap. de homine de celebrat. Missar. ubi refertur casus de Sacerdote quodam incauto, qui propter conscientiam peccati mortalis, quo gravatum se noverat, nec Missam ob urgentem necessitatem omittere poterat, ceteris ritibus expletis, sed verbis omisis consecrationis, finxit se vere celebrare: Nam alter sacrilege celebrans cum conscientia mortalis peccati in solius misericordiae Dei manus incidit; iste vero (fide celebrans) non solum Deo, cui non veretur illudere, sed populo, quem decipit, se obstringit.

#### §. XXV.

De dispositionibus, quae ex parte audientium Missam requiruntur, & quinam arceri sint.

Prioribus Ecclesiae saeculis, quando vigebant poenitentiae canonicae, simul cum Cathecumenis excludebantur a Sacrificio Missae etiam poenitentes, qui nondum ad gradum pervenerant consistentiae. Poterant quidem tum Cathecumeni, tum Poenitentes sistere, donec fierent conciones, & preces, quae intra Missarum solennia habebantur. Hisce vero expletis, antequam deveniretur ad Corporis Christi consecrationem, Diaconus altiori voce proclamabat, *Exite poenitentes, exite cathecumeni*: Hinc illa pars Missae, cui & poenitentes, & Cathecumeni interesse poterant, dicebatur Missa poenitentium, & Cathecumenorum. Hoc autem fiebat ab Ecclesia cum huiusmodi hominibus ex necessitate, non quasi persuasum ei foret, necessarium esse statum iustitiae, seu charitatis actualis, vel habitualis ad Missam digne, ac legitime audiendam, cum ad hoc sanctissimum Religionis officium invitet, & admittat etiam peccatores improbiissimos, sed hoc agebat ex quadam disciplinae severitate. Nunc vero non admittuntur, immo ex lege Ecclesiae excluduntur excommunicati publici, ac nominatim denunciati, & ab omnibus vitandi, a sancto Missae Sacrificio, & ceteris Ecclesiae Sacramentis, ut dicitur suo loco, quando de Censuris. Hoc e-

nim fert ratio ipsa excommunicationis, utpote quae privat communione, seu societate cum fidelibus. Si vero non sint publice, nec nominatim per Iudicis sententiam denunciati, ex decreto Concilii Constantiensis, & Basiliensis tolerandi forent, ac posset Sacerdos coram ipsis sacra peragere.

Nullus vero qui simpliciter est peccator, idest non publice excommunicatus, & vitandus, repelli debet ab interessendo Sacrificio Missae; sicut gravissimis oneratus criminibus. Verum quidem est, quod si interfuerit cum voluntate firmata in malo, & cum affectu actuali peccati, idest sine saltem aliquo desiderio resipiscendae sine debita reverentia, novum contrahit peccatum. Et equidem certissimum est, quod nullus, quantumvis perditissimus peccator, non excommunicatus, a divino Sacrificio est arcendus, & ob preceptum, quod aliquando urget Ecclesiae interessendi Sacro, & quia Sacrificium est excellentissimum Religionis opus: Unde & Sacerdos qui offert, & peccatores homines, pro quibus offertur, valde utilis reportare valent ad salutem adiumenta, quando cum pia animi preparatione ad illud accedant.

Si ita est, dicit aliquis, quod novum grave peccatum incurrat peccator Missam audiendo cum voluntate firmata in malo, & cum actuali affectu peccati, magis expedit peccatori obstinato, ac preparato ad malum, non interesse Missae Sacrificio, quia sic se abstinet a novo peccato, non secus ac magis expedit peccatori taliter affecto tempore Paschatis ad sacram mensam non accedere. Resp. huiusmodi illationem valde absurdam esse, ac imprudentem, quasi ab oratione Dominica retrahendus esset, qui eo ipso quod animo pervicaci, ac rebeli divinae reluctatur, & contradicit voluntati, ac suis scandalis tremendum, sanctumque Dei nomen blasphemis exponit, petit ut fiat eius voluntas, ipsius nomen sanctificetur, cum mendaciter, & veluti mimice, seu illusorie hoc dicat, ut observat Bellarminus lib. 2. de bonis operibus cap. 6. & sic dicito de aliis spiritualibus officiis. Rectius igitur concluditur, ac verius, Ecclesiae preceptum eo modo implendum, quem Ecclesia imperat, ac Deum humiliter precandum, ut eum animi affectum inspiret, qui necessarius est ad dignam precepti observantiam; non enim ideo inculpandum est preceptum, aut negligenda eius observantia, dum peccat qui preceptum Ecclesiae indebite exequitur, sed potius inculpanda est ac castiganda perversitas,

guas, & malitia peccantia. Non enim propter abusus reiicienda sunt optima præcepta; sed emendandi, & tollendi sunt abusus.

Nihil autem facit ad propositum exemplum Paschalis Communionis, a qua consultius est abstinere, quam indigne ad eam accedere, quia præceptum Communionis Paschalis ita huic tempori est alligatum, ut differri queat, & debeat iudicio prudentis Confessarii. Non sic vero res se habet de præcepto audiendi Sacrum, quod singulis diebus dominicis, & festis stricte obligat, ac proinde non potest differri. Item sacrilegia Communio Eucharistiae nunquam Dei gratiam conciliari potest: e contra observantia præcepti ecclesiastici de audiendo Sacro, licet pure externa, mediantibus Ecclesiae precibus Deum movere potest, & flectere, ut peccatori indurato spiritualis gratia impertiat. Tandem nunquam desinit Ecclesia, permanente affectu peccati, Sacro intereundo peccatum esse: e contra certissimum est ex Apostolo, indigno Corpus & Sanguinem Christi sumentem, iudicium sibi manducare, & bibere. Incidit quidem in novum scelus, qui irreverenter Missam audit, sed hoc peccatum non est necessario connexum cum habituali affectu ad peccandum, quo obstrictus supponitur peccator, sicuti peccatum sacrilegii ob indignam sacram Eucharistiae sumptionem a tali communione est prorsus inseparabile. Ita difficultati respondet Tournelleus.

Verum ut reverenter, & cum fructu quis Missæ intersit, nonnullæ tum ex parte Corporis, tum ex parte mentis dispositiones requiruntur, & sunt sequentes.

Is, qui Missæ audiendæ sistit, opus est ut externum corporis decenter componat, id est modeste se conformet in vultu, in habitu, in veste: *Satis apparet*, ait Trid. Synodus sess. 22. in Decreto de observandis, *negatiantur*, (locorum Ordinarii) *sanctum hoc Sacrificium peragi, nisi prius qui interfuit, decenter composito corporis habitu declaraverint, se mente etiam, ac devoto cordis affectu, non solum corpore adesse*. Intendit Concilium, ut fideles omnes, qui Sacro interfuit, externo corporis situ, mentis attentionem, & pium cordis affectum probent. Hoc pariter monuit S. Carolus in suo Concil. Mediol. IV. tit. 10. *de iis quæ spectant ad sacrum Missæ Sacrificium*, ut clericus Sacerdoti interveniens circumspiciat modeste adstantes, & si quempiam videat enarem vel faminam incomposito corporis habitu, aut

alias contra præscriptas regulas a Provincialibus Conciliis, & eum iniuria, vel irreverentia illius sanctissimi Sacrificii interesse, moneat graviter, ut opus erit, neque Sacerdos ante Missæ initium faciat, quam omnes qui adlunt, decenter corporis habitu declaraverint, se mente etiam, ac devoto cordis affectu, *non solum corpore adesse*. Sic cautum fuit a Concilio Tronensi habito anno 1583. post Concil. Trid. quod vetat deambulationes in Ecclesia, inanes confabulationes, mundanum in mulieribus ornatum, & multo magis virorum, dum actioni divini Sacrificii interfuit. Imo Concilium Generale Constantinopolitanum habitum in Trullo decrevit excommunicationi eos subiacere, qui capillos ad videntium detrimendum nexibus adornarent, ac componerent, & infirmis animis eam ea ratione obicerent. *Utinam* (ait P. Iuveninus in suo Commentario Sacramentis) *ad eos Canones attenderent Presbyteri, qui absolutionem his mulieribus, ac adolescentulis impendunt, qui eodem cum apparatu, eodem immodesto vestitu, & capitis ornatu sistunt se presentes Sacrificio, ac si in choralis, & iudis, mundanisque cotibus versarentur*. Nec generaliter tantum agunt Concilia de externa corporis dispositione, seu situ, quo Missa audienda est, sed explicant insuper speciatim qualis esse debeat. Concilium enim Tolosæ celebratum anno 1590. cap. 6. declarat, & statuit, in Missis privatis toto tempore celebrationis orandum esse capite detecto, & genibus flexis: Rhemense habitum 1483. tit. *Eucharistia* n. 20. ait, morem fere communem esse apud catholicos, ut procumbentes divinam adorent Eucharistiam, & hortatur, ut si alicubi alicui sit, in ulu ponatur, *& stando Christi corpus in hoc Sacrificio adoret, procumbat deinceps, dum sacra mysteria proponuntur*. In Missis vero solemnibus satius est, ut fideles situm externum ad normam chori componant, id est sedeant quando chorus sedit, surgant quando surgit, dum legitur Evangelium (ita Concilium Rhemense), vel Prælatio, omnes surgant.

Veterum habitus seu situs corporis, dum insererant Sacrificio, erat, ut sederent, dum is qui præerat inter Liturgiam concionabatur, & completa concione, omnes assurgabant, ut Hymnos Deo perolverent, & Sacrificium offerrent. Sic rem describit S. Iustinus Martyr. in *Apologia* II. Loquitur hic tamen S. Iustinus de Sacrificio, quod celebratur die Dominico, qui dies Solis dicitur,

De V. te.  
rum ha-  
bitu ac  
sua, dum  
Missæ in-  
teresse  
bant.

tur, nam in feriis, exceptis, quæ sunt a Paschate ad Pentecosten, veteres si ad Sacrificium his diebus convenirent, precari solebant genibus flexis, non flectebant genua die Dominico, & tempore Paschali, (sicut hodie nunc ad plura Ecclesiæ officia adhuc mos servatur) ait idem S. Martyr quæst. 115. in signum, & designationem Resurrectionis Domini; Et hanc consuetudinem, ait ibidem, a tempore Apostolorum invaluisse.

Solebant etiam veteres fideles urgenti aliqua gravi calamitate strati in terra precari, cuius ritus exemplum habetur in illa Legione Christianorum; quæ sub Marco Aurelio Antonino (ut testatur eiusdem epistola ad Senatûm) sic Deum precata hostibus interuersionem, & Romanis militibus ultimo laborantibus discrimine salutem obtinuit. Solebant quoque iidem antiqui fideles expandere manus, & in altum tollere cum precabantur; & hoc famuliter ex Apostolica institutione: *Volo vivos*, (ait Apost. ad Timotheum) *orare in omni loco, levantes puras manus*. De hoc ritu loquitur etiam Tertullianus de corona militis cap. 11. *Nos vero, ait non attollimus tantum manus, sed etiam expandimus, & Dominicam passionem modulantes, & orantes consistimus Christo*. Addit hic etiam Iuveninus, sedendo orare extra disciplinam esse.

Circa Templi partem, qua oporteat stare laicos Missæ Sacrificio intereuntes, si ad priora Ecclesiæ sæcula recurramus, quisque sibi persuadere potest, nemini laico, dum sacra peragebantur, sive apud græcos, sive apud latinos chori ingressum tunc temporis patuisse, & iam reliquias illius antiquitatis nunc etiam in græcorum Ecclesiis servari conspicimus. Posterioribus vero, corruptisque sæculis, ut fere communiter nunc videmus in Ecclesiis latinis, Sacerdotum sedilia occupant multis in locis viri indiscriminatum, & mulieres, ipsique etiam Sanctuario cum altaris ministris sese associant. Concilium Turonense anno 1583. huic incommodo occurrere volens, sedulo cavet, graviterque prohibuit, ne deinceps hoc fieret. Sancivit enim primo, ne mulieres ad chorum admittantur. 2. ne laici intra cancellos altaris remaneant. 3. ne his etiam altaribus, quæ septa non sunt, inhæreant mulieres. Sic enim tit. 15. de Christi fidelibus laicis: ait: *Ab ingressu chori non tantum Cathedralium, sed etiam Collegiarum, Monasteriorum, & aliarum quarumcumque Ecclesiarum arcentur; & paulo ante sic lau-*

*data Synodus edixerat. Ut enim in Ecclesiæ sessionum decens ordo servetur, sancimus, laicis dum divina peraguntur officia, non licere chorum præcipue Cathedralium Ecclesiarum ingredi, & inter ecclesiasticos sedere, minusque dum Sacerdos sacris operatur, altaris ambitum, cancellosque ingredi, aut altaribus minime sepius & ambitis hære. Idem statutum est anno 1585. in Concil. Aquisgranensi tit. de celebrat. Missæ. Sic Iuveninus in suo Comment. historico Sacramentorum.*

Quoad mentis vero, seu animæ dispositionem in audiendo sacro, certissimum est non requiri, ut cum fructu Missam quis audiat, quod sit in statu gratiæ sanctificantis, unde etiam gravissimis peccatoribus licet sistere se præsentibus huic Sacrificio: Immo monendû sunt ut frequenter interfint. Conari quidem debent, ut in se excitetur conversionis desiderium; Deum ut hoc eis concedat, deprecantur, ac de suis peccatis pro viribus doleant, quæ est pœnitentia saltem inchoata, quam dicunt Theologi requiri, ut cum fructu Missæ interfint Sacrificio, & est ille devotus cordis affectus; recta fides, metus, atque reverentia, quibus ad divinum Missæ Sacrificium audiendum vult Concilium Trid. sess. 22. cap. 2. accedere peccatores, ut sicuti Sacrificium hoc est propitiatorium, divinam misericordiam consequantur, & gratiam inveniant in auxilio opportuno. Huius quippe oblatione placatus Dominus gratiam, & donum pœnitentiæ concedens, crimina, & peccata etiam ingentia dimittit. Hoc etiam docet Concilium Mediolan. III. tit. de iis quæ spectant ad Sacrificium Missæ. Ille vero pius affectus esse nequit in obstinato peccatore, qui nullo pacto de peccatis conteritur. Et quod exquirant Patres Trid. Concilii in peccatore, qui Missæ Sacrificio interfuit, ut fructum ex eo percipiat, & novam culpam aliter ipsum audiendo incurrat, constat etiam ex eo, quod oblatio Sacrificii sit species quædam tum orationis, & quidem præstantissimæ, tum externæ satisfactionis Deo pro offensa illi irrogata. In peccatum vero, & meram irrisionem vertitur oratio, & satisfactio illius qui quæram orat, & placare vult, offendere; ac irridere cogitat. Vere enim non orat, sed illusorie ille cui nulla ratione peccatum displicet, ac proinde magis ad iracundiam, quam ad indulgendum Deum sic accendit, ac provocat. Constat pariter, quia Ecclesiæ imponendo suum præceptum de audiendo sacro, non tantum merum opus externum, sed & modum internum quod illud sit im-

plen-

plendum, directe quidem opus externum, sed indirecte internum præcipit. Hæc invenimus loco cit. Tournely, & alii.

## APPENDIX.

## De Ritibus Missæ.

## §. I.

## De tempore, &amp; loco, quibus liceat Missam celebrare.

**I**nter alia, quæ in Missæ celebratione attendenda sunt, tempus protecto & hora ex Ecclesiæ præscripto & inveterata consuetudine sunt præcipue observanda. In prioribus nascentis Ecclesiæ temporibus, quando acriter sæviebant Gentilium persecutiones contra christianam Religionem, in nocte metu percussu consueverunt convenire fideles ad divina officia peragenda: Unde Tertullianus *de corona militis* illos *antelucanos* vocabat, & a Gentilibus, sicuti habetur apud Felicem Minutium in Octavio, dicebantur *latebrosa* & *lucifugæ natio*. Cæterum & ipsi antiqui fideles iudicabant suos Ecclesiasticos congressus ad sacra facienda, ubi hoc fieri possit, horis diurnis celebrandos; idcirco exprobrabat Tertullianus Valentinianis nocturnas initiationes, quæ ab ipsis fiebant. Et equidem pace reddita Ecclesiis, Missæ publice agebantur hora tertia, sexta, & nona, paucis exceptis diebus, in quibus noctu celebrabantur, idest in Nativitate Domini, Sabbato sancto, in Festo S. Ioannis Baptistæ, in collatione sacrorum Ordinum, in sabbato quatuor temporum; & in his quoque sicuti in aliis nunc diversa consuetudo servatur. Ioannes Belet de *divinis officiis* c. 10. Micrologus cap. 58. ac alibi, illis horis Missam, dicunt, celebrandam esse; quia *hora tertia* Christus linguis Iudæorum Crucifixus fuit, *hora sexta* mortis sententiam subiit, & *hora nona* spiritum emisit. Paludanus vero in 4. dist. 3. q. 2. ex hoc inferebat Missam celebrandam etiam in aurora; quia tunc Principes Sacerdotum concilium fecerunt adversus Iesum. Missa olim peragebatur diebus ieiunii hora nona ob ieiunantium communionem, & statim vespere sequebantur, ut constet ex Concilio Moguntino apud Ivonem p. 4. decreti cap. 35. quem morem hodieum quoque, quoad Vesperas, servat Ecclesia in Quadragesima exceptis diebus dominicis, quia his diebus non currit ieiunium: cæteris vero

*Insti. Theol. Moral. Tom. IV.*

diebus Missa celebrabatur ante meridiem, ut fideles sacro peracto domum ad prandium adirent. Nunc autem iure communi Missa absolvi non debet ante auroram, vel post meridiem inchoari. Ita S. Pius V. in sua Constitut. quæ incipit *Sanctissimus*, in qua etiam Missas vespertinas interdixit. Et sic etiam habetur in Rubricis Missalis.

Dixi *iure communi*. Nam cap. *Nocte sancta de Consecr. dist. 5.* licitum est nocte Natalis Domini a galli cantu Missam celebrare, uti fit per universam Ecclesiam in memoriam, ac reverentiam tanti Mysterii, & alicubi noctis initio ex Apostolico indulto, ut in quibusdam Ecclesiis Venetiarum, necnon in aliquo alio loco. Item ob necessitatem vel præveniri potest hora, puta si æger reficiendus esset sacro Viatico, & desissent particulæ consecratæ, aut populus peregrinaturus expectare non posset auroram; quam ob causam præcipue Regulares ex Superioris licentia celebrare possunt integra hora ante diluculum, seu ante primam aeris illustrationem, quæ solet præcedere ortum solis per horam alteram, & semihoram, plus, minusve; & hæc fufius videri possunt in Rotario l. 1. de *Sacramentis* cap. 2. puncta 11. n. 9. Vel differri potest post horam meridianam, ut si concio publica producta fuerit ultra meridiem; vel si Sacerdos die festo viarum difficultate detentus non potuit, ut sperabat, pervenire ante meridiem ad locum, ubi sacrificium erat facturus. Episcopus tandem ex rationabili causa dispensare potest, ut licite hora præveniat vel differatur; & talis præsumitur dispensatio expressa, vel tacita, aut consuetudo quibusdam in locis, ubi Missa celebratur tribus, aut etiam quatuor horis ante lucis ortum in gratiam opificum, aut similitum. Nomine vero auroræ intelligitur initium crepusculi diei, seu prima lucis irradiatio, quæ, excepto tempore utriusque æquinoctii, durat per horam cum dimidia, & aliquando per duas horas pro diversis mensibus. Unde una hora cum dimidia ante solis ortum celebrari licite potest. Nec merito possunt Novatores nobis apponere exemplum Christi, qui sero, idest post cœnam sacrificium hoc instituit, & obtulit; quia nulla lege nos voluit Christus obligatos, ut quæcumque ipse observavit in ultima cœna, nos quoque observaremus; semper enim ea lex viguit, ut non nisi a ieiunis, generaliter loquendo, celebraretur, ac fumeretur. Hanc Novatorum objectionem prævenit D. Augustinus in Epist. 54. alias 118. cap. 6. *Siquidem apparet* (inquit)

quit, quando primum accesserunt discipuli, corpus & sanguinem Domini non eos accepisse ieiunos. Numquid tamen propterea calumniandum est universæ Ecclesiæ, quod a ieiuniis semper accipitur? Ex hoc enim placuit Spiritui sancto, ut in honorem tanti sacramenti in os Christiani prius corpus Domini intraret, quam cæteri cibi: nam ideo per universum orbem mos iste servatur.

Num vero Missæ celebrationi præcedere debeat recitatio Matutini; ita ut qui aliter faciat peccet mortaliter, non una est Theologorum sententia. Rigidiores, ut Genetus, & alii dicunt peccare mortaliter Sacerdotem, qui sine rationabili causa Missam celebret, non prius recitato Matutino cum Laudibus, utpote quod in Rubricis Missalis hoc expresse tribus in locis præscribitur. Et hoc dicunt esse conforme consuetudini semper servatæ in Ecclesia. Reifensstuel vero cum Lessio, & plusquam triginta alijs, negat absolute; idest etiam non interveniente rationabili causa mortaliter delinqui celebrando Missam ante Matutini recitationem; quia nihil in iure circa hoc statutum reperitur, cum sive ex vi legis Ecclesiasticæ, sive consuetudinis, communiter concedatur obligatum ad horas Canonicas, in privata recitatione eximi a mortali, quando ante mediam noctem diei currentis eas persolverit; neque contraria consuetudo sub tali obligatione ac tanta recepta est. Immo verisimile est, hunc pium morem inductum fuisse ex mera devotione, & minime cum voluntate se obligandi. Nec obstat, quod Rubricæ Missalis tit. de præparatione Sacerdotis celebraturi tribus in locis memorent Missam celebrandam esse Matutino saltem, & Laudibus absolutis; cum verbum nullum contineant præcepti ad tam grave onus imponendum. Immo licet velit Gobat, non sine rationabili causa, ad praxim reducendam esse maiorem sententiam, eo quod recitatio officii sit optima præparatio ad sacrum peragendum, ne quidem tamen venialem culpam per se loquendo hic intervenire censet. Amort item recentior Theologus, & non ex benignis, iudicat nullum committi peccatum, nisi passim fiat ex negligentia, nihil definiendo de qualitate peccati, num mortale scilicet sit, vel veniale. Verum quidem est, quod prioribus sæculis, ut notat P. Chardonius in sua historia de Sacramentis, iuxta antiquam disciplinam non celebrabatur Missa nisi prius celebratæ fuissent nocturnæ vigilæ: sed hoc erat quoad publicam recitationem: immo quoad privatam,

quam disciplina illorum temporum iniungebat Clericis, qui ob aliquam causam publicæ interesse non potuissent, nihil eis præscribebat circa horam, non distinguendo Clericos a Sacerdotibus, quorum erat celebrare.

## §. II.

## De quotidiana Missæ celebratione.

Circa quotidianam Missæ celebrationem notant eruditissimi viri P. Mabillonius in præfatione ad sæculum secundum Ordinis Benedictini §. 4 n. 36. & P. Martene tom. 1. *De antiquis Eccl. Ritib. art. 3.* quod primis Ecclesiæ temporibus die dumtaxat Dominico Missæ Sacrificium celebraretur, ut satis innuit etiam S. Iustinus Martyr in *Apolo.* II. & S. Epiphanius in *Exposit. Fidei Catholicæ* tradit, tres dies in hebdomada statutos fuisse ab Apostolis; Dominicam nempe 4. & 6. Feriam; & hoc confirmat Tertullianus l. de oratione; & S. Basilius his adiecit etiam sabbatum in Ep. 289. ad Cæsaream Patritiam. Tempore tamen S. August. variæ in variis Ecclesiis inductæ erant consuetudines. Nam ut constat ex ipso S. August. serm. 58. de orat. Domini ad competentes in Africa ulus quotidiani Sacrificii invaluerat; sicuti etiam in Hispania, ut colligitur ex Concil. Tolet. I. anno 400. Can. *Presbyter*; sic in Ecclesia Constantinopolitana ut patet ex S. Chrysostomo in Epist. ad Ephes. Idemque asserit P. Martene contigisse sæculo V. in aliis Ecclesiis, & Monasteriis, ut habetur ex pluribus Patrum testimoniis allatis a Cardinale Bona l. 5. cap. 14. Constat igitur, sæculis præsertim V. & VI. Missæ celebrationem a piis Sacerdotibus frequentatam fuisse; immo Missas etiam privatas, si tamen excipias Fer. 6. & sabbatum maioris hebdomadæ apud Latinos, & omnes Ferias 5. Quadragesimæ in Ecclesia Mediolanensi; ac totum Quadragesimæ tempus præter Sabbatum, Dominicas, & Festum Annuntiationis apud Græcos. Verum post sæculum VI. hæc consuetudo celebrandi quotidie universalis fuit omnibus Sacerdotibus, ut asserit P. Martene l. 2. de *Monachor. Ritib.* cap. 6. §. 3. Immo non solum licita fuit olim quoque quotidiana Missæ celebratio; sed pluries etiam in die permissum erat celebrare pro cuiusque Sacerdotis arbitrio, ac devotione; ita ut alijs bis, alijs ter, alijs quoties ei libebat Missas eadem die iteraret; credebant enim tanto magis Deum ad misericordiam flecti, quanto crebrius passio Christi commemoraretur, ut tradit

Quotidiani  
prioribus  
sæculis  
non ubi  
que celebrabatur

Post  
sæculum  
invenit  
consuetudo  
quodammodo  
quodammodo  
celebrandi

dit Walfridus Strabo lib. *de reb. Ecclesiast.* cap. 25. qui refert, Leonem III. novies aliquando eodem die celebrasse. Verum huic Sacerdotum devotioni limites positi fuere a sacris canonibus, & prius limitaverunt ad tres tantum; & Alexander Papa II. qui obiit an. 1073. decrevit, ne plus quam semel in eodem die a Sacerdote celebraretur, ut habetur in decreto Gratiani *de consecrat. dist. 1. can. 53* ubi etiam rationem addit Pontifex; *quia semel Christus passus est, & mundum totum redemit. Non modica res (subiungit) unam Missam facere, & valde felix est, qui unam Missam dignam celebrare potuit.* Addit tamen idem Pontifex ibidem. *Quidam tamen pro defunctis unam faciunt, & alteram de die si necesse sit.* Hodie tamen neque pro defunctis, præter aliam celebratam eodem die, celebrare, præter solemnem diem Nativitatis Domini iuxta antiquum morem, permixtum est. Ritus enim semper fuit pro hac die ut quilibet Sacerdos tria peragere valeat sacrificia, ritibus & cæremoniis a S. Congreg. præscriptis. Et hæc praxis est communis utriusque tum orientalis, tum occidentalis Ecclesiæ.

Cæterum olim ex ipsius Ecclesiæ ritu non solum in Nativitate Domini (qui ritus in hac die iuxta Walfridum *de reb. Ecclesiast.* cap. 21. aliove quamplurimos derivat a Telephoro 2. Ecclesiæ sæculo, & est plane antiquissimus ut constat ex homil. 8. S. Gregorii M. quæ incipit: *Quia largiente Domino, Missarum solennia ter hodie celebraturi sumus*) sed etiam aliis diebus Festis plures Missæ eodem die celebrabantur a Sacerdotibus. Nam in die Circumcisionis Domini, seu Kalendis Ianuarii in vetustissimo Gellonenfis Monasterii Sacramentorum libro tres reperiuntur Missæ assignatæ 1. & 2. inscribitur in octava Domini; tertia inscribitur *ad prohibendum ab Idolis.* Secunda tamen est de Sancta Maria, ut indicant orationes. Frontonus in suis prænotatis ad Calendarium ab ipso editum §. 10. asserit, in die quoque Paschatis tres Missas celebratas fuisse. Primam sabbatinam de nocte; secundam de die; tertiam in concessione Ordinum, quæ non adnotatur; quia erat de communi. Verum editor S. Leonis in 6. dissertatione ad opera eiusdem S. Pontificis prætendit demonstrare, in Paschate collatos non fuisse Ordines. In veteri Missali Galliano in lucem edito a Cardinali Thomassio per totam octavam Paschæ adnotantur duæ Missæ, una matutinalis pro Neophyptis, altera de die. Tempore S. Augustini bis ce-

lebrabatur Fer. 5. in Cæna Domini, semel mane a ieiuniis, & semel sero a refectis. Verum in antiquo Codice Rhemenfi S. Remigii, & in Nonomenfi S. Mariæ, necnon in ordine Gelasiano tres assignantur Missæ in Cæna Domini. Prima pro reconciliatione pœnitentium, 2. pro Chrismatis consecratione 3. ad Vesperum de solemnitate; & etiam quarta additur in veteri Codice Bibliothecæ Regiæ Gallicanæ annorum circiter 900. Item ex P. Martene eruitur, quod in optimæ notæ M. S. libro Sacramentorum Ecclesiæ Turonenfis annos ante 800. exarato; tres pariter Missæ describuntur in Vigilia Ascensionis Domini præter eam, quæ est de Litanis Maiori, idest in Rogatione 1. die una, in 2. duæ, & duæ tertio præter eam quæ est de Vigilia Ascensionis. Præterea in aliis quoque solemnitatibus Domini, necnon Sanctorum reperiuntur plures Missæ, quæ eodem die ab uno eodem Sacerdote decantabantur, ut in Festivitatibus S. Ioannis Baptistæ & SS. Apostolorum Petri, & Pauli, ut refert Strabo *de Ecclesiasticis officiis*; cap. 21. Amalarius Fortunatus eodem titulo.

Nota 1. quod post Missam decantatam in media nocte Nativitatis Domini non possunt successive celebrari aliæ duæ Missæ; nec in ipsa ministrari potest Eucharistia; sic declaravit S. Congregatio 7. Decembris 1641. bene quidem id fieri potest post auroram.

Nota 2. celebrationem trium Missarum in die Nativitatis Domini privilegium esse non præceptum ac proinde liberum est Sacerdotibus unam tantum celebrare, quæ tamen debet esse conformis tempori, quo celebratur, idest si in nocte, debet esse prima, si in aurora secunda, si in die tertia. Et qui unam vult tantum celebrare, sive primam, sive secundam, sive tertiam, semper facere debet commemorationem S. Anastasiæ. Dixi *si celebret in nocte Nativitatis*, quia quilibet Sacerdos potest in illa nocte unam Missam celebrare; *de consecr. dist. 1. cap. Nocte Sancta.* In ipsa die Nativitatis satisfacere potest Sacerdos tribus obligationibus ex Decreto S. Congreg. Conc. in *Nullius* 18. Aprilis 1654. lib. 19. Decretorum fol. 336. Hinc obligatus quotidie pro Capellania, non tenetur nisi unam tantum Missam applicare pro Fundatore.

Hæ tres missæ tandem celebrari possunt etiam in Oratoriis privatis, ubi solemnibus diebus permittitur una missa celebrari in gratiam infirmorum, qui e domo egredi nequeunt.

T 2

In

In media nocte Nativitatis Domini non possunt celebrari aliæ duæ Missæ successive.

In aliis vero diebus Festis nunc præter Natalitios Domini fas non est Sacerdoti Missam iterum celebrare, neque ob deferendum Viaticum infirmis in deficientia particulæ consecratarum, neque in commodum iter agentium, neque ob celebrationem nuptiarum; cum huiusmodi casus absolutam necessitatem non afferant. In Regno tamen Aragoniæ viget mos, quem sequuntur etiam Regna Valentiniæ, & Cataluniæ, ut in die commemorationis omnium fidelium defunctorum Sacerdotes sæculares duas Missas, tres Regulares celebrent; quod alii affirmant sibi concessum a Iulio III. alii a Paulo III. Petierunt alii, ut Episcopus Pragensis, huiusmodi indultum a S. Sede sub Clemente XI. sed cum res revocata esset ad examen a Consultoribus S. Congregationis Concilii iussu summi Pontificis die 4. Martii 1711. petitio repulsam habuit.

In casu tamen necessitatis plures missæ eadem die celebrari possunt; puta si quis haberet duas, vel tres valde distitas Parochias. Si pauci essent Sacerdotes ut in terris hæreticorum in Anglia, Olandia &c. quando id exigat Catholicorum ibi morantium necessitas; quod tamen licitum non est, nisi in diebus Festis, quando urget præceptum audiendi Sacrum. Minime vero in alio quovis casu licitum est missam pluries una die celebrare. Qui autem sunt in supradictis casibus pluries in die celebrandi, debent se ieiunos servare, ut in die Nativitatis Domini usque ad ultimam missam.

Qualibet die licet celebrare, excepta Fer. 6. Maioris hebdomadæ, quæ dicitur in Parasceve. Illicitum est enim sub mortali sive publice, sive private hac die celebrare; quia cum Ecclesia tali die veluti præiens sub oculos exponat sacrificium cruentum, non videtur consentaneum per incruentum sacrificium illius commemorationem facere, tanquam rei præsentis. Feria vero 5. in Cœna Domini, licet olim vetitum non esset celebrare, ut docent Soto, & Suarez, & dicunt standum esse consuetudini Diocesium; nunc tamen non obstante quocumque privilegio, aut consuetudine prohibentur celebrari missæ privatæ; ita ut dici nequeat nisi unica tantum publica sollemnis, idest Conventualis in singulis Ecclesiis: Sic ex praxi Ecclesiæ, & summorum Pontificum decretis, præcipue novissimo edito a S. R. E. iussu Clementis XI. 20. Aprilis 1707. & tandem eiusdem vivæ vocis oraculo confirmatum die octava Augusti 1713. Occurrente vero Festo de præcepto, ut populus satisfaciatur præ-

cepto conceduntur celebrari aliquæ missæ. Notat P. Ferrari in sua Bibliotheca art. 5. n. 29. non posse hac die celebrari in Ecclesiis, ubi non asservatur SS. Sacramentum, & in sepulcro, seu capsula ad hoc decenti loco, & decenter ornato parata servari debere hoc augustissimum Sacramentum, ut declaratum fuit a S. Congregatione in una Neapolitana die 24. Iunii 1639. Pariter ob eandem rationem ac Fer. 6. in Parasceve, non est consentaneum celebrare Sabbato Sancto usque ad noctis crepusculum, quo stella in cœlo apparere incipit; tunc enim sollemnitas Resurrectionis Dominicæ, quæ nocte contigit canticis lætitiæ, & Missæ Sacrificio celebretur, ut ex ordine Romano, Rabano, Hugone Victorino, aliisque. Verum cum posterioribus sæculis refrigeraret Fidelium devotio, Ecclesia ad evitanda incommoda, quæ contingebant, ritum quoad tempus immutavit, seu anticipavit celebrare, ut etiam nunc facit, sollemnitatem Resurrectionis, circa meridiem Sabbati Sancti, ut statuit suis decretis; ac præcipue die 20. Aprilis 1707. prohibuit, ne ullæ Missæ privatæ eo die celebrarentur.

In Ecclesiâ vero orientali, seu apud Græcos Sacrificium non offertur ieiuniorum diebus, sed in his utuntur Liturgia, quæ dicitur *de præsanctificatis*. Talis vero Liturgia complectitur ritus omnes, qui adhiberi solent in celebrando, excepta consecratione, quæ in Quadragesimalis tantum peragitur in hebdomada, in Sabbato scilicet, & Dominica. *Præsanctificatum ministerium* (ait Theodorus Balsamon ad can. 52. Trullanum) *incruentum sacrificium non dicimus, sed oblationem prius oblatis, & perfecti sacrificii sacrique Mysterii*. Hic ritus adhibetur ab Occidentalibus tantummodo Fer. 6. in Parasceve, ad quem finem Celebrans Fer. 5. in Cœna Domini duas consecrat hostias, unam in actione illius diei sumendam, alteram servandam pro die sequenti ad missam de præsanctificatis, quam vocant etiam *missam siccam* eo quia in ea non sumatur vinum consecratum, ut habetur in ritibus Liturgiæ Latinæ Ecclesiæ. Huiusmodi Ritus Præsanctificatorum diebus ieiunii iam obtinuisse sæculo septimo apud orientales clare demonstrat Canon. 52. Concilii Trullensis celebrati an 692. *In omnibus sanctæ quadragesimæ diebus præterquam Sabbato, & Dominica, & Sancto Annuntiationis die, fiat sacrificium præsanctificatorum ministerium*. Eundem ritum ineunte 4. Sæculo præscribit Concilium Laodicenum.

De ritu  
Ecclesiæ  
Orientali  
circa  
celebra-  
tionem  
in aliqui-  
bus die-  
bus.

Non-

de insti-  
tutione  
ritus præ-  
sanctifi-  
cationum.

Nonnulli apud Græcos arbitrantur, hunc ritum præsanctificationum institutum fuisse si non ab Apostolis, saltem ab eorum discipulis, & hoc coniiciunt tum ex eo quod Laodicenum Concilium non novum videatur ritum instituere, tum ex eo quod notus videatur ex Fidelium etiam Laicorum communione, quæ fiebat diebus etiam ieiunii; cum enim hisce diebus Sacrificium non offereretur, antiqui ut populum ad devotionem excitarent, Liturgias, ac preces consueverunt recitare. Igitur, (ait Leo Allatius, qui secutus est hanc sententiam in dissertatione de missa præsanctificationum n. 15.) circa Apostolorum, vel Discipulorum subsequendum tempora cum omnes communicare solebant, Liturgia ista Præsanctificationum peragebatur,

Græci ieiuniorum diebus non celebrant Missam perfectam, seu quæ præter preces ac communionem, consecrationem quoque complectatur, eo quia missa quovis Ecclesiæ sæculo habita sit apud Græcos solemnitas hilaritatis, & gaudii; ieiunia vero moerorem & luctum importent. Hinc Orientalem Conciliis semper cautum fuit, ne festi dies in quadragesima peragerentur. Sic Iuveninus in suo commentar. Histor. de Sacram. Eucha. & alii.

### S. III.

#### De loco ad Missam celebrandam.

tempo-  
Apo-  
stolorum  
celebra-  
tionem  
era in  
privatis  
mi-  
is.

In Ecclesiæ primordiis tempore Apostolorum non statim existerent loca, seu Tempia ad Sanctum Sacrificium, alique divina officia celebranda, secundum morem illius prioris temporis, designata, ac statuta; sed illa celebrabantur in aliqua privata domo, ad quam Fideles conveniebant, ut illis interessent, sacram communionem reciperent, ac Dei verbum audirent; ut habet S. Lucas in Apostolorum Actibus cap. 20. de S. Paulo hoc Troade peragente in coenaculo cuiusdam privatæ domus. Non tamen multo post circa mediæ ætatis primi sæculi excitari cœperunt præcipue Romæ a divitibus Fidelibus templum, splendida opulentaque Tempia, ut narrat Eusebius citatus a P. Tomassino P. 3. l. 3. cap. 37. n. 7. & probat Baronius testimonio SS. Pii, & Evaristi Romanorum Pontificum, ut narrat P. Chardon in sua Historia Sacramentorum; & alibi refertur, domus Præxedis, & Pudencianæ in Ecclesiam a Principe Apostolorum conversas fuisse. Nec Romæ tantum; sed alibi quoque tum in Occi-

dentali, tum in Orientali Ecclesia illis temporibus erecta erant Tempia & sacra ta ad Dei cultum, & in sacris hisce locis celebrabantur sacrificia, sicuti habetur etiam ex S. Ignatio Martyre in sua Epistola ad Magnesianos ad an. Christi 97. quem dicitur P. Chardon ibi citat, ubi de Eucharistiæ Sacramento l. 3. cap. 19. Et equidem ædes, ad quas Apostolorum ætate conveniebant Fideles ad sacra, a privatis domibus distinguebantur. Et Philo apud Eusebium l. 2. Ecclesiæ Historiæ cap. 17. de Alexandrinis ad Christum conversis tradidit, habuisse in singulis locis consecratam orationi domum ac celebrasse castæ vite mysteria. Non multum tamen perduravit hæc Ecclesiæ felicitas; quia sæviente Gentilium Tyrannorum persecutione, & præcipue Diocletiani, diruta fuere illa Tempia, & complanata, ac votum Christianis tanto rigore convenire ad celebrationem huiusce mysterii, aliorumve Religionis officiorum, ut gravissimis suppliciis cogerentur patefacere, si umquam ad huiusmodi exercitia fierent inter ipsos congressus, ut constat ex actibus, & Martyrio S. Saturnini, & Sociorum, ubi narratur, S. Tetricum Martyrem confessum fuisse, se celebrasse collectam; nomine autem Collectæ illis temporibus Conventus significabatur Fidelium ad celebrandum sanctæ missæ mysterium, & nomen Dominici ipsam missam significabat. Quare dum perdurarunt hæc difficilissima tempora compellebantur Fideles agere suos coetus ad Liturgiam celebrandam in quibuscumque locis, quæ oculis paganorum essent impervia; videlicet vel in privatorum superioribus partibus domorum, ubi erant coenacula, vel in earumdem subterraneis, in cryptis, idest subterraneis speluncis, vel cæmeteriis, iisque locis, quæ sive a Græcorum more iuxta tumbras, quia in hisce locis sepeliebantur Fideles, & præcipue Martyres, vel a Latinorum cymba quia ad instar Navigii essent curva, & longiora, sive tandem Sabinorum Camba, unde censest Festus derivari cubiculum, Maiores nostri appellarunt, & hodie num appellatur ab ecclesiasticæ historiæ Scriptoris Catacumba. De hoc testantur acta S. Stephani Papæ, ex quibus colligitur, quod in latebris Martyrum frequenter celebrabantur missæ, & Concilia, ubi etiam celebrando caput ei abscisum fuit. Immo celebratio sacri habebatur etiam in Carceribus, in quibus Christi confessores includebantur, ut colligitur ex Epist. S. Cypriani ad Sacerdotes & Diaconos.

Tempia  
Christi-  
anorum  
diruta  
sæviente  
persecu-  
tione,  
præser-  
tim Dio-  
cletiani.



Templa  
denuo e-  
rigi coepe-  
runt sub  
Constanti-  
no Ma-  
gno.

Reddita tandem Ecclesiæ pax sub Constantino Magno, denuo erigi cœperunt, & consecrari Templa, & ædes ad Fidelium cœtus peragendos, Missasque celebrandas, quibus sacris ædibus veteres nomina apposuerunt Basilicarum & Dominicorum; quia in cultum supremi rerum omnium domini construebantur. Templum etiam vocare Oratoria Martyriorum, quæ nomina suam etymologiam deduxerunt a loco, qui cernitur, ac contemplatur ex omni parte, in quo oratur, & habetur Sanctorum memoria; tametsi Basilicæ communiter dicantur quasi ob magnificam, regiamque structuram ampliores Ecclesiæ, ut Vaticana, Lateranensis, quæ & *Aurea* dicta est propter ornatum, factorumque donariorum valorem, & numerum, atque amplitudinem. Oratorii tamen titulus hodie ad privata, & angustiora sacella arctari solet. Item *memoria* hæc sacras ædes vocatas fuere; quia in memoriam Sanctorum Martyrum erigebantur. *Titulus*, quia Christiani solebant demonstrare aliquo signo, ammirum Crucis, hæc domum divino cultui esse mancipatam, quemadmodum locus Fisco additus, aliquo titulo pota imagine Imperatoris, aut inscriptione denotabatur. *Templum*, licet hoc nomen potius Paganorum sacris, quam Christianorum ædibus iuxta Codicem Theodosianum convenire videatur. Numquam tamen dictæ fuere *Fanum*, vel *Delubrum*. Tandem communiter, ac frequentius *Ecclesia* vocantur, per quam vocem sumitur contentum pro re continente; Ecclesia enim idem est, ac Fidelium Congregatio, quæ apud Iudeos dicitur Sinagoga.

Ecclesiæ  
consecra-  
ntur  
ab Episcopis.

Hæc autem loca erecta in Dei cultum pro Sacrificiis, & fidelium Convenciis, merito ab Episcopis consecratione dedicantur. Nam si Templum Salomonis in lege veteri, quæ umbra erat, & figura novæ dedicationis, cœremonia Deo sacratum fuit, multo magis dedicandæ sunt Ecclesiæ nostræ, in quibus dignior ara statuitur (ait hic P. Berti) & immolatur Sacrificium longe veteribus præstantius. Et hic mos cœpit temporibus ipsis Apostolorum, cum S. Petrus Romæ in exquilis sacraverit, ut habetur ex Historia Ecclesiast. & testantur vetera Micrologia; nec non ab eodem Apostolo consecrata fuere in Ecclesiam ut iam diximus, Domus S. Prædix, & S. Pudencianæ, & S. Urbanus domum S. Cœcilie dedicavit. Post redditam vero Ecclesiæ pacem Eusebius l. 10. *Hist. Ecclesiast.* cap. 3. p. 370. commemorat Festivitates dedicationum per singulas urbes Oratoriorum recenter (ideest post

restitutam Ecclesiæ pacem) structorum, & l. 4. *de vita Constantini* cap. 43. narrat dedicationem Ecclesiæ Hierosolymitanæ, ad quam Augustissimus Imperator invitavit omnes Episcopos, qui ad Synodum Tyrii conveniant. Et alia habentur huiusmodi de Ecclesiarum dedicatione vetera monumenta. In his igitur locis, nempe in Ecclesiis, vel Oratorio dicatis a sæculo pacis Ecclesiæ non promiscue in omnibus, divina mysteria peragenda sunt, sicuti præcipitur tum a vetustissimis canonibus collectis *de consecratione* a Gratiano dist. 1. tum a Concil. Toletano 16. an. 698. c. 8. Romano an. 826. quibus accessere etiam Principum catholicorum Constitutiones Novella 57. Iustiniani, Capitularia Caroli M. an. 789. n. 901. aliorumque; nec non Canones proximis temporibus Concilii Tridentini, a quo hoc inviolabiliter servandum iubetur; itaut seculo prius privilegio, non licet sub mortali ob materiæ gravitatem celebrare, nisi in loco consecrato, vel auctoritate Episcopi benedicto, vel in Oratorio ad divinum cultum tantummodo dicato, ac per Episcopum designato. Ita Trident. sess. 22. & cap. 12. *de consecrat. dist.* 1. idque confert ad reverentiam tanto mysterio debitam, & ad Fidelium devotionem augendam.

Nec miretur aliquis, quod cum Deus ubique sit, ac proinde in terra universa in Spiritu & veritate coli possit Sacrificiis, & aliis Religionis, ac pietatis operibus; in solo nihilominus templo cum cœremoniæ pompæ & apparatu, Sacrificium offerre, ac cultus publico ipsum adorare licitum sit, cum Templa sint ea loca, quæ specialiter divino cultui sunt dicata. Sic in veteri lege in uno solo templo Ierosolymitano Iudæi celebrare poterant Pascha, offerre Sacrificium, aliave, quæ ad publicum Religionis cultum pertinebant officia adimplere. Cum autem omnia veteris legis, sicuti ipsa lex, essent figura & umbræ legis gratiæ, non minori ratione conveniens erat, ut in hoc statu quoque legis novæ seu Evangelii, & gratiæ, quæ est figuratum, haberent fideles sui Templa, seu sacras ædes Deo dicatas; quibus cum speciali modo assistat Numinis supremi maiestas; *Domus mea* (ait Christus Dominus Matth. 21.) *Domus orationis vocabitur*, in his ipsi redderent Christiani suum cultum, & Sacerdotes divinum Sacrificium offerrent.

Quatuor ob fines templa eriguntur, ex quo varie etiam denominantur. Videlicet 1. ad sacrificandum Deo, & hinc dicuntur *Templa*, Fines re-  
consecra-  
tur, qui  
bus Ec-

pla,

clesiæ seu  
Templa  
constru-  
untur.

pla 2. ad orandum; & hinc dicuntur *Oratoria* 3. ad reliquias Martyrum honorifice conservandas, & hinc etiam dicuntur *Basilicæ*, seu *memoriæ*, & *Martyria* 4. ad populum verbo Dei, & Sacramentis spiritualiter alendum, & hinc dicuntur *Ecclesiæ*. Ex his finibus nonnisi quartum agnoscunt Novatores. Putant enim nunc nullum dari Sacrificium, quod publice Deo offeratur. Anabatistæ vero, & Valdenses nequidem ad populum verbo Dei, & Sacramentis pascendum, templa erigenda esse impie autumant.

Templa non secus ac Altaria, & Sacrificia, cum sint protestativa supremi dominii, nonnisi Deo, qui est supremus Dominus duo priora erigi possunt, & dicari, & alterum offerri, sine gravissima Idololatriæ labe. Quocirca Templa, & Altaria, quæ vulgo excitata dicuntur sanctis, & Sacrificia ipsis oblata vere, & proprie priora dicata sunt, ac posteriora oblata semper & singulariter ipsi Deo; Sanctis vero tantummodo in eorum honorem.

In neces-  
sitate ce-  
lebrari  
potest et-  
iam in  
locis non  
consecra-  
tis.

Quamvis tamen divinum Sacrificium ordinarie loquendo celebrari nequeat nonnisi in Ecclesia, vel altero loco Deo dicato; potest tamen celebrari in casu necessitatis publicæ, puta dum Ecclesia est diruta vel deest, ne populus sacro careat, in Castris, in litore maris &c. cap. 30. *eodem*; immo nunc etiam in mari celebratur de licentia Papæ.

Missæ li-  
cite cele-  
brari ne-  
quit in  
Ecclesia  
violata.

Non potest Missa licite celebrari in Ecclesia violata, seu polluta; quia vetitum est ab Ecclesia. Violata autem censetur Ecclesia, quando eius sanctitas violatur, quod in quinque casibus contingit: videlicet primo per effusionem, & moraliter malum sanguinis effusionem. Dico *effusionem* idest copiosam: nam aliquæ guttulæ Ecclesiam non pollunt; & sufficit ad hoc, quod homo sit graviter vulneratus in Ecclesia, licet extra ipsam sanguinem fundat. Ita si e contra percussio fiat extra Ecclesiam, licet effusio fiat in Ecclesia, non erit violata 2. casus est homicidium voluntarium, & iniuriosum; nam si omnino casuale sit non polluitur. 3. est Adulterium, & voluntaria feminis effusio (involuntaria enim Ecclesiam non polluit) immo etiam copula coniugalitatis, quæ ibi fieri nequit. Hæc tamen debent esse nota & publica: quia per occulta non fit pollutio 4. per sepulturam infidelis, vel Hæretici, vel cuiuscunque alterius nominatim excommunicati cap. *Consuluit de consecrat. Dico nominatim denunciati*; quia licet vetitum sit etiam sub pœna anathematis, ut in Con-

cil. Turronensi an. 1583. sepelire in locofacro Hæreticum, si ille tamen non sit nominatim denunciatus, illius sepultura Ecclesia non polluitur. Non desunt qui prohibitionem hanc extendunt etiam ad Infantes non baptizatos, nisi tamen mortui sint in utero matris, & non extracti. cum ipsa sepeliantur; quia tunc ab ipsa non distinguuntur. Ecclesia violata Cœmeterium quoque, si contiguum sit, violatum censetur; locus vero si fuerit distans, ut paries interpositus illud ab Ecclesia disiungat. Econtra vero violato Cœmeterio violata non censetur Ecclesia, quia quod minus est, ut cœmeterium respectu Ecclesiæ, non trahit ad se maiorem; cap. *unico de Consecrat. Eccle. in 6.* Quintus casus est, si Ecclesiæ parietes magna ex parte igne absumantur, aut aliter funditus destruantur, vel si omnino non sint destructi parietes, omnis crustatio, aut eius maior pars destruantur; in utroque enim horum casuum Ecclesia censetur violata; idcirco non licet in ea celebrare; quia consecratio consistit in exterioribus parietum crustis; cum in his fiant cruce & Christum unctiones, nec eadem remanere censetur Ecclesia, si parietes maxima ex parte ruorent, ac destruerentur. Non ita tamen res esset, si his remanentibus, testa, vel aliqua ligna comburantur, aut corruerent: cap. *ligna de consecrat.* Innocentius III. definiivit, neque si maior pars parietum, aut crustarum subsisteret; quia tunc Ecclesia eadem subsistere censetur.

Hic tamen duo sunt observanda: primum, discrimen esse inter pollutionem Ecclesiæ, & execrationem: nam polluta ecclesia polluitur etiam altaria in ipsa erecta, & fixa; sicut e contra non potest Altare pollui, nisi Ecclesia quoque polluitur. Si vero execretur, combustis scilicet, aut destructis parietibus, non exinde execrantur Altaria, quæ integra ac illæsa remanent: sic Altari per fractionem execrato non execratur Ecclesia. Alterum, quod vetitum est dirutam Ecclesiam, quæ consecrata fuerat, ad profanos usus convertere: quia est regula generalis, ad usus profanos convertendum non esse, quod semel fuerat consecratum. Cap. *ligna de Consecrat.* ubi sic habetur: *Ligna Ecclesiæ dedicata, vel igne esse comburenda, vel ad aliam Ecclesiam ad profanum Monasterium esse addibenda.* Sed de his futius ubi hæc materia ex professo expendetur.

## S. IV.

*De Forma antiquorum Templorum seu Ecclesiarum.*

Incertum est, in quam figuram sacræ ædes prioribus sæculis desinerent. Nam scriptores sive Christiani, sive Gentiles illorum temporum, qui de Templis, de quibus hic agitur, locuti sunt, ut Lampridius in Alexandrum Imperatorem, Eusebius, nihil scriptis mandarunt, ex quo eorum figura colligi queat. Baronius ad annum Christi 57. ex eo quod in piorum Christianorum ædibus eadem peragenda essent officia, & misteria, eademque exercendæ functiones, coniecit fuisse eiusdem formæ, ac ea quæ in ædificatis post pacem Ecclesiæ a M. Constantino constructa fuere. Situs Templorum omnium prioribus sæculis talis erat, ut ad orientem solem verterentur, ut habetur ex his, quæ nomine Clementis I. inscribuntur l. 2. cap. 61. Hoc tradit etiam Tertullianus lib. *adversus Valentianum* cap. 2. Idemque probat mos veterum Christianorum, qui conversi ad orientem precabantur, ut tradit Tertullianus l. Apologetico cap. 16. Et Hieronymus l. 15. originum cap. 14. ita scribit : *Antiqui quando templum construebant, Orientem spectabant Equinoctialem, ut qui deprecaretur, rectum respiceret orientem.*

Quatuor  
partibus  
consta-  
bant ve-  
teres Ec-  
clesiæ.

Veteres Ecclesiæ quatuor constabant partibus, Porticu nimirum, Navi, seu Narthecæ, Ambone, Sanctuario. Porticus tectus erat humilioris situs, ab Ecclesiæ tecto, quod sublimius erat, distinctus, non muris quidem, sed arcubus, aut columnis sustentus. Hinc patebat solaribus radiis, aerisque iniuriis erat pervius. In eo stabant pœnitentes, quos flentes vocabant. Nonnulli censent, priorem partem Templorum merum fuisse atrium, spatium scilicet muris clausum, amplum, & quadratum, cuius medium apertum erat aeri. Verum præter tale atrium erat etiam Porticus templo adiacens; iis similis, quæ Romæ hodie ante plebsque sacras Basilicas cernitur. Navis seu Narthex illa pars est, quæ a Templi foribus expansa erat ad altiorem locum, quem veteres ambonem vocabant: in hanc vero partem a foribus transibant Pœnitentes qui *Audientes* tunc dicebantur. Post Audientes accurrebant *Prostrati*, id est nempe; quibus ad emundationem criminum in synaxibus manus imponebantur, quique ante offertorium edicente Diacono: *Sancta Sanctis*, cum energumenis, & Catechumenis

e templi limine pellebantur. *Prostratos* proxime præcedebant *Consistentes*, seu Pœnitentes, qui donati absolutione, ad Sacrificium quidem, non vero ad participationem Eucharistiæ admittebantur. Tandem immediate sanctuarium versus post Consistentes suam stationem habebant Fideles seu *participantes*.

Ex monumentis Antiquorum habemus viros a mulieribus, cum Sacri cœtus fierent, in Ecclesiæ Navi ab invicem separatos fuisse: aliquot nimirum cubitis a primis Ecclesiæ foribus ad Ambonem usque, tabulatus, seu murus assurgebat: Sic Philo Hebræus de *vita Contemplativa*, nec non Auctor Constitutionum, quæ adscribuntur Clementi Papæ l. 1. c. 2. cap. 57. ubi hanc separationem describit: Ex utraque parte ianua occurrebat, cuius præfectura ex parte mulierum ostiariæ Diaconissæ incumberebat; ex parte autem virorum ianuæ custodia erat pœnitens Clericos ostiarios. Immo adeo mirabilis erat ordo, ut non solum pœnitentes a fidelibus essent distincti, sed virgines quoque ac viduæ a nuptis, Monachi a cæteris. Virgines nempe ex parte mulierum stationem occupabant sanctuario proximior, sicuti ex viris Monachi, cum nondum ipsis concessum fuisset indultum, ut in privatis oratoriis soli sacras fynaxes agerent. Ut plurimum in Ambonibus erant portæ geminæ, ex quibus ad navim patebat aditus, respicientes sanctuarium, & dicebantur *portæ Sanctæ*: Horum custodia Subdiaconis credita erat: ut constat ex Concil. Laodicensi can. 22. in quo sic habetur: *Ministrum non oportet straria, nec Offia delinquere* Sic ex P. Thomasso in sua *Disciplina*. Quarta demum Ecclesiæ pars dicebatur vel Sanctuarium, Tribunal, vel secretarium, vel sancta Sanctorum, vel Presbyterium cancellis divisum a reliqua Templi parte, ut habemus ex Concil. Chalcedonensi actio: 1. & ex Eusebio l. 10. *Histor. Ecclesiastic.* cap. 4. agente de Basilica, quam Paulinus Episcopus Tyri consecraverat.

In sanctuarii medietullo Altare primum sub abside, seu fornice eminebat; in eo Sacerdos facie ad populum conversus Sacra peragebat. Eodem situ Altaria præcipua in quinque Basilicis Patriarchalibus etiam nunc videntur, nempe in Lateranensi; S. Petri in Vaticano, S. Pauli in via Ostiensis, S. Mariæ Maioris in exquilis, & S. Laurentii in agro Vaticano. Præter inter medium Altare duæ aliæ mensæ ad latera principalis collocatæ erant: in ea, quæ erat ad laevam,

Mulieres in Ecclesia non quiritas separatas erant a viris.

secon-

recondebantur vasa sacra cum quis velis, panis, & vinum pro consecratione, & communione fidelium destinata; in altera vero, quæ erat ad dexteram, Episcopi, aut Sacerdotis Sacrificaturi sacræ vestes reponebantur. Earum autem mensarum accessu Subdiaconos prohibitos fuisse probat Caba-  
futius ex can. 21. Concilii Laodicensi: sed canon ille, notat P. Inveninus in suo comment. *Histor. de Sacram.* potius intelligendus est de Pastophoriis, ut vocat Clemens in suis Constitutionibus, seu ut aiunt Latini de Sacristiis in Sanctuarii frontibus positis; Prior quarum erat locus Sacrorum vasorum, & vestium, quæ ad Sacrificium adhibebantur; in posteriore vero recondebantur Sacri libri. In interiori Sanctuarii circuitu erant subsellia Clericorum, & Presbyterorum, pro cuiusque gradu & dignitate. Episcopalis in medio seu intimo Sanctuario emyrido altior eminebat. Ex ea tamen Cathedra, quæ inserviebat pro celebrandis divinis officiis non habebat Episcopus sermonem ad populum, sed mobilem parabant excelsiorem gradum Altaris contra Ambonem, & Navim, idest coram populo. Hoc colligitur ex Gregorio Nazianzeno oratione 130. ubi ait, Sanctuarii Cancellus vim passus fuisse dum concionaretur.

## S. V.

## De Oratoriis privatis.

Certum est, ab ipsis Apostolorum temporibus, ut paulo ante dicebam, fuisse loca specialiter designata celebrandis Missarum solemnibus, ut non obscure indicat Apostolus 1. ad Corinth. cap. 11. ubi describit ritum sumendæ Eucharistiæ, & conventum populi ad celebrandum tam Sanctum mysterium: *Convenientibus* (ait) *vobis in Ecclesiam iam audio scissuras esse inter vos: & paucis interiectis. Numquid domos non habetis ad manducandum, & bibendum, aut Ecclesiam Dei contemnitis?* Hic Ecclesiam accipi pro loco, ubi congregabantur fideles ad sacra mysteria celebranda, & hanc ibidem privatis domibus apponi, non obscure indicatur, & ita istum exponant S. Basilius in *regulis brevioribus* interroga: 301. & S. Augustinus q. 57. in Leviticum & alii. Unde in eundem locum conveniebant Fideles, ut in unam quasi Ecclesiam coadunati; & qui se ab hoc publico deputato conventu separabant, unitatem Ecclesiæ scindere censebantur. Hinc olim vetitum fuit, præcipue a Synodo Gangrensi can. 6. & a Synodo

Laodicensi can. 58. extra publicum conventum ad Missam convenire. Sic enim habetur in cit. Canone Laodicensi: *quod non oportet in domibus fieri oblationes ab Episcopo, vel Presbytero.* Et hoc statuit etiam Imperator Iustinianus seculo 6. in suis Constitutionibus Novellis, & signanter Novella 58.

Cum vero sensim labentibus sæculis continuo excresceret Sacerdotum numerus, ac Missæ multiplicarentur, ditiores cœperunt habere Capellanos domesticos, ut tamquam alteri famuli mercede conducti, pro eorum nutu, & commoditate in aliquo sacello suis domibus propinquo celebrarent, male ferentes incommoda interessendi tali data hora Missæ parochiali cum reliquo vulgo, ibique per longiorem temporis moram in Missarum solemnibus, in quibus concio etiam habebatur, permanere. Quantum frequentes fuerint ii Sacellani domestici, & quam indigne habiti a suis dominis sæculo 9. S. Agobardi Episcopi Lugdunensis testimonium evincit, qui in tractatu de privilegio, & iure Sacerdotii cap. 11. ait: *increbuit consuetudo impia, ut pene nullus invenitur quantumluncumque anhelans, & proficiens ad honorem, & gloriam temporalem, qui non domesticum habeat Sacerdotem, non ut ei obediat, sed a quo incessanter exigat licitam simul, & illicitam obedientiam, non solum in divinis officiis, sed etiam in humanis: ita ut plerique inveniantur, qui aut ad mensam ministrant, aut sacata vina misceant, aut canes ducant, aut Caballos, quibus famina sedent regant, aut agellos provideant. Et quia tales, de quibus dicimus, bonos Sacerdotes in domibus suis habere non possunt (nam quis esset bonus Clericus, qui cum talibus hominibus deboneflare nomen, & vitam suam ferret) non curant omisso, quales Clerici illi sint, quanta ignorantia cæci, quantis criminibus involuti. Ipsis sufficit, ut missam qualitercumque eis celebrent, cuius auditione putant adimplere onus divini mandati, sanctificandi dies festos. Unde derelinquunt frequenter publica officia, & prædicamenta. Hic abusus (ait Van-Espen) sequentibus sæculis eo magis crevit ex honorario Missarum, quod invaluit, & ex multitudine Sacerdotum ex illo honorario sustentationem accipientium; Hinc Ecclesiarum Parochialium verbi Dei increvit neglectus, Sacrificii, & Sacerdotii contemptus, & vilipendium, ut ex hodierna experientia manifestissime constat.*

Præter privata Oratoria inductus fuit etiam

Cum privatis o-

ratosis  
inducta  
sunt quo-  
que Al-  
tia por-  
tatilis.

iam usus Altarium portatiliū, quod privilegium frequentius impetrari cœpit ab Apostolica Sede sæculo 13. quod indultum factum fuit ab Honorio III. Fratribus Prædicatoribus, & minoribus, ut ubicumque cum Altari viatico celebrare possent. Huiusmodi porro privilegio a Regularibus, & secularibus impetrato, vel apud S. Sedem, vel apud proprios Episcopos, Missa passim celebrabatur privatis in locis, & sæpius parum dignitati, & reverentiæ Sacrificio convenientibus. Huic tanto incommodo occurrere studuit Concilium Tridentinum, mandans Episcopis, ut ea omnia prohibeantur, idest, ut non patiantur in privatis domibus, atque omnino extra Ecclesiam, & ad divinum cultum dicata Oratoria, ab eisdem Episcopis designanda & visitanda. Sanctum Sacrificium a Sacerdotibus quibuscumque celebrari . . . Non obstantibus privilegiis, exemptionibus, appellationibus, ac consuetudinibus quibuscumque. Ex textu igitur Concilii Tridentini, clare evincitur privilegium indultum Prædicatoribus & Minoribus utendi Altari viatico, seu portatili, penitus sublatum esse, ut post Barbosa *de potest. Episcopi* p. 2. alleg. 23. aliove docet Fagnanus ad cap. in his 2. de privilegiis. Possunt tamen Regulares per privilegium non revocatum a Tridentino, ut notat P. Cuniliatus, celebrare in Oratoriis, aliisve locis honestis proprii Conventus; quandoquidem hæc loca non sint domus secularium, neque profana, de quibus loquitur laudatum Concilium in Decreto de observandis, & visitandis in celebratione missarum. Unde constat ex verbis Tridentini, mentem suam fuisse consulere reverentiæ Sacrificii, ut Ecclesiæ etiam disciplina exquirat, præcipiendo Episcopis, ut parce, nec nisi ex necessitate, gravisque de causis talem concessionem indulgeant, ut monet etiam D. Carolus in suo Concilio Mediolanensi. Ubi vult, dum ex necessitate, gravibusque de causis hæc Oratoria concedantur, ut Episcopi in his designandis, vel probandis, hæc servant; idest, non sint in interiorum ædium partibus, in quibus domini, vel familia versentur, sed commodo, & honesto loco, a cubiculis, tricliniis, & ab aula separato, & ad templi formam, & regulam propius accedant: nec ita angusta, ut qui Missam audierint, ad ostium vel fenestram stare cogantur, aut denique sacris interesse, ubi promiscue profanum aliquod exerceatur. Uterius, ne populus per hæc Oratoria a Parochialis Ecclesiæ frequentatione nimium distrahatur. Hinc de stylo

Romanæ Curiae, & etiam hodierno Episcoporum est, addere huic indulto, quod hæc concessio fiat sine præiudicio Parochialis, ut notat Barbosa *de offic. Episcoporum* p. 2. alleg. 23. & sic cavetur in formulatio Episcopali. De stylo ordinario in concessione Oratoriorum excipi solent præcipue per annum Festivitates, ut nimirum non liceat in illis ibidem celebrare, itaut non satisfiat præcepto Missam ibi audiendo; & id conformiter ad vetus Decretum Concilii Agathensis apud Gratianum. Insuper tali indulto stylo hodierno additur, ut alii, præterquam servitio personæ, cuius intuitu Oratorium conceditur, necessarii, ibidem Missam audientes, non satisficiant præcepto in die festo. Hactenus Van-Espen.

## §. VI.

## De Altaribus ad sacrificandum.

In quocumque loco celebretur, semper requiritur Altare lapideum ab Episcopo consecratum, quod proinde ad Sacrificandum ordinatur, & refertur. Quare cum Novatores reiiciant Sacrificium, Altaria quoque respuunt, & locum in quo suam celebrant cenam, mensam appellant, contra Apostoli Doctrinam, qui Hebræorum 13. Altare vocat illud, in quo divinum offertur Sacrificium: *Habemus Altare* (ait Apostolus) de quo edere non habent potestatem, qui tabernaculo deserviant. Ec similia habet 1. Corinth. 10. Nullus fere est, ut notat Tourneleius, veterum Scriptorum, qui Altaris, quod est in Ecclesiâ, non meminerit.

Altare hoc nomen in primis sortitum est: Unde nomen Altaris.  
apud Antiquos ab altitudine secundum Lotter *de re beneficiaria* l. 1. c. 30. n. 4. Barbosa *de offic. & potest. Episcopi* p. 2. alleg. 27. n. 20. & alios; in edificiis enim elevatis a terra sacra suis diis Gentiles faciebant; a Latinis vero dicitur a forma, & ritu, quasi alta res, alta ara; aut aræ, & describitur quod sit mensa, supra quam conficitur, & offertur Eucharistia sacrificium, & Sacramentum. Præ nomine vocata fuisse Altaria, ait Valafridus *de exord. Ecclesiæ*, quia ibi incense victimæ arderent, vel ab orationibus seu deprecationibus, quas Græci aras vocant; vel ut Blesensis, quia in ipsa ascherent victimæ, quæ super ipsa cremabantur, ut ara dicatur Altare ab arida. Altare significat Christum: hinc in eminentiori parte Ecclesiæ erigitur, ut voluit cit. Valasii. Bedæ *lib. de tabernaculo* Rupertus l. 5. *de divin. offic. cap. 30*. Quare antiqui-

tiquitas ad unitatem Christi significandam tantummodo in Ecclesiis Altare exigebatur, ut colligitur ex SS. Patribus, & præcipue Ignatio Martyre Epist. ad *Philadelph.* Feria 5. in cena Domini denudantur Altaria, ad significandam Christi nuditatem in eius passione. In Ecclesia vero Ambrosiana expoliantur Fer. 6. in Parasce. post lectionem passionis Domini. Et olim, ut meminit ordo Romanus exhibebantur ad illa verba Passionis Domini: *Partiti sunt vestimenta mea;* & hoc fiebat a duobus diaconis, & super Altare ita nudum consumabatur Eucharistia delata e capsula, vulgo dicta *sepulcrum*, ubi dei precedentem fuerat reposita. Insuper mos est in Basilica Vaticana, & apud PP. Dominicanos, ut ead. Fer. 7. laventur Altaria cum eubœhyssopi, & apud Græcos hic ritus fit per Metropolitans prius aqua benedicta, & postea rosacea, ut habent eorum Euchologia. Hæc caeremonia significat unctionem Magdalenz facta Christo biduo quam præteretur. Vinum vero, & aqua, quo lavantur apud Latinos, significat sanguinem, & aquam, quæ exierunt e latere Christi. Primi qui, post Noe, a quo erectum fuit Altare vero Deo, excogitaverint Altaria, fuerunt Ægyptii, ut *Genm.* l. 1. *de ritu Missæ cap. 122.*

In lege veteri Altaria alia. fuerunt *terrea*, ut legimus in exodo alia *lapidea*, ut commemorant cum exodo alia Scripturæ loca: aliud *Æneum* 2. Paralipom. 4: hoc cremandas hostias designabat; Unde adificatum de lignis ferreum tegebatur tabulis æneis, ne a flama læderetur; aliud *Aurum* Exodi 30. & hoc interviebat pro adolendo thymiamate, sive pro holocaustis ignem alebat. In lege vero nova aliquando pro tempore conditione lignea fuere & mobilia; aliquando lapidea, & stabilia. Prioribus Ecclesiæ sæculis furente Gentilium Principum persecutione contra Christianos, cum fideles non haberent fixum locum pro eorum Conventibus ad celebrationem mysteriorum, sed querere deberent loca secretiora, ut se suberabarent Tyrannorum furori (unde aliquando celebrabant sacrificium, alique divina officia vel in cæniculis privatarum domorum, vel in speluncis, vel in cæmeteriis, ut antea iam diximus; unde hinc, & inde transferenda erant altaria quatenus opus erat) altaria erant lignea; & Romæ in S. Præxede adhuc ligneum Altare servatur, in quo dicitur S. Petrum celebrasse. Sic ob talem reverentiam alia etiam Altaria lignea aliquo in loco servata fuere, & adhuc servantur, quamvis, cum in cæmeteriis Martyrum, seu in Criptis ad sacra

conveniebant, super martyrum sepulcra sacrificium celebrarent. In his autem locis, quæ nunc dicuntur Catacumbæ, uti loca non facile obvia infidelibus, a quibus profanari possent, exerebant Altaria etiam lapidea, & unum adhuc videtur vetustissimum in catacumbis, & aliud in Titulo Biquitii, in quo S. Sylvester sem sacram faciebat.

Reddita tamen Ecclesiæ pace, universim erigi cæperant Altaria, quidquid sit de castro, quod attribuitur S. Sylvestro, vocante Altaria lignea, & præcipiente lapidea, quod decretum non invenitur: pro certo habetur huic S. Pontificem unum Altare in Basilica vaticana lapideum consecrasse. Et licet etiam multo post S. Silvestrum plurima doceant Ecclesiarum monumenta, quod perderetur praxis construendi Altaria lignea, nihilominus generaliter erant in usu Altaria lapidea, ut constat ex oratione S. Gregorii Missæ in baptismo Christi, & ex aliis monumentis. l. n. *verum Liturgicæ præcepta* Cardin. Bona; atque iam ab anno 517. a Concilio Epinonensi statutum fuit, ut Altaria tantum lapidea chrismatis unctione sacrasentur. Altaria lapidea ut plurimum subter erant vacua, aut una tantum erat petra lata, & longa, posita supra unam, aut plures columnas: Præter hanc latam mensuram utebantur petra sacra, quam vocabant *tabulam Altaris*, aut *viaticum*, solummodo tamen inter Latinos; quia orientales loco petrz utebantur quibusdam panis itidem consecratis, quos vocant *Antimensiones*; & super hæc tabulas, quantum usus est vetustissimus, testatur optatus Millevitæus citatus a Card. Bona quod celebrant divinum mysterium. Altare etiam lapideum duplex erat; unum fixum, seu stabile & immobile, ut sunt Altaria, quæ communiter reperiuntur in Ecclesiis; Altarum portatile, seu mobile, quod pro commoditate, aut necessitate Sacerdotis seu aliorum, de loco in locum transferri potest, & ex hoc cap. ultimo de privilegiis dicitur Altare viaticum pro viatorum commoditate seu itinerantium. Utrumque autem Altare debet esse lapideum cap. *Altaria de consecrat.* dist. 1. ex Concilio Agathen. cap. 6. Ara, autem lapidea debet habere tantam saltem latitudinem, ut in ea commodè stare possit pæcalicis, & hostia consecrata, ut communiter DD. Altare portatili hodie non amplius uti possunt Regulares quicumque, quantumcumque olim privilegiati; immo neque Episcopi majoresque Prælati, etiam essent Cardinales ex novissimo Decreto Clementis XI. 15. Decembris 1703. in quo expresse derogat omni-

Altare duplex, fixum, & portatile.

De Altari-  
bus ve-  
teris le-  
gis.

Altaria  
legis no-  
væ.

omnibus, privilegiis etiam clausis in corpore iuris.

**Altare debet esse consecratum** sacro Chrismate ab Episcopo cap. *Altaria de consecrat.* dist. 1. & in 3. Decretalium. Attamen cum hæc dispositio circa ministrum consecrationis Altaris sit iuris Ecclesiastici, summus Pontifex ex plenitudine potestatis suæ concedere potest Abbati, & etiam simplici Sacerdoti facultatem consecrandi Altaria. Quod Altare consecratum esse debeat ratio ipsa suadet, ait P. Berti, quia non solum oportet ut sacer sit locus sacrificii remotus, qualis est Ecclesia, sed etiam proximus, in quo peragitur ipsummet Sacrificium.

Altare sive fixum sive mobile execrari potest, idest consecrationem amittere, ac non amplius aptum esse ad Sacrificium. Execratur autem fixum si motum fuerit a loco suo sine basi cap. *quod in dubiis de consecrat.* Mobile vero, seu portatile, quod vulgo dicitur *petra sacra* consecrationem non amittit, etiam si a ligno in quo inclusum est separatur, nisi forte in ligno locus reliquiarum inclusus sit. Nam in hoc casu secundum plures Theologos consecrationem amittit. Verum reliquias includi solent in ipso lapide. Item utrumque Altare, sive fixum, sive portatile, consecrationem amittit per enormem, seu notabilem effractionem, ut habetur in cit. cap. *Quod in dubiis*. Fractio autem censetur notabilis, si in nulla parte contractus lapis continere valeat repositum Calicem, & simul hostiam. Utrum autem ablato cornu, in quo signum Crucis unctione imprimi solet, altare execratum censetur, affirmant alii probabilius, negant alii, unde standum est Episcopi iudicio. Manet certe execratum, tamen si partes, quæ separatæ non sufficiant ad continendum calicem, & hostiam, calce aut alio modo coadunentur.

Advertendum. 1. hic occurrit, vetitum esse, cap. *ulti. dist. 2. de consecratione* in Altare, in quo Episcopus celebravit, eodem die ob Episcopi reverentiam quis celebrare præsumet, nisi Episcopus licentiam ei concedat, vel necessitatis casus urgeat. Iuveni: in opere alias cit. P. Berti, aliive, & præcipue S. Rituum scriptores, ut Gavantus &c. Immo in Altari maiori quatuor Basilicarum Patriarchalium Romæ nemini licet celebrare, ne quidem Cardinalibus sine Papæ dispensatione, quam petere solent, quoties hoc contingat.

Advertendum 2. Iuxta caeremoniale Episcoporum. l. 2. cap. 12. morem esse antiquissimum non celebrandi in Altari ubi asservatur

SS. Sacramentum; idcirco tenendum esse in Altari altero a maiori, uti fit in Collegiatis præcipuis, & in Cathedralibus; qui ordo multo magis servandus est, quando in Altari expositum est; unde reprobantur ii, qui in eodem Altari celebrant; ubi etiam dicuntur rerum harum scriptores, multo peius & indecens videri, tunc in eo Altari populum communicare.

Advertendum 3. quoad Altare portatile, seu petram sacram, ita esse collocandam (ut iam semper in Altaribus, de quibus non constat esse consecrata, adhibetur) iuxta monitum D. Caroli supra tabulam non consecratam, ut tantisper ipsi emineat, quo facilius celebrans cavere possit, ne calix sive hostia reponatur extra locum consecratum.

Num vero ad Altaris consecrationem necesse sit, quod in eo Sanctorum Reliquiæ recludantur, res est potius incerta. Multi Theologi contendunt, Altare consecrari non posse sine Reliquiis; consecratumque, si ex eo illæ tollantur, vel fracto sigillo loci ubi reconduntur, execrari, probare conantur ex cap. *adhuc de consecratione* in quo sic habetur. *Si Altare motum fuerit, aut lapis ille, qui sigillum continet contractus, aut etiam diminuitur, debet de novo consecrari*; tum ex can. 7. Concil. Nicæni II. ubi prohibetur, ne templa sine sacris Reliquiis consecrentur; tum ex praxi Ecclesiæ, quæ orare ita solet in Introitu Missæ; *Oramus te Domine per merita sanctorum tuorum, quorum reliquie hic sunt*. Alii vero, ut Suarez, Sotus cum aliquibus aliis, nolunt essentiale esse consecrationi Altaris, quod reliquie in ipso includantur; idcirco censent Altare consecrationem non amittere, si ab eodem Reliquiæ extrahantur, cum non pauca sine iisdem reliquiis inveniuntur consecrata; ac ideo movent Rubricarum expositores, dictam orationem in tali casu omittendam esse quod signum esse dicunt, necessarium, idest essentiale non esse ad Altaris consecrationem reliquias sanctorum in ipso reponi, ac adductos canones non vigere. Verum non ita facile recedendum videtur a communi Ecclesiarum praxi, firmata a communiori Theologorum sententia, nempe Altare sine Reliquiis non esse consecratum. Solliciti igitur esse debent Parochi, dum possessionem Ecclesiæ suscipiunt, & diligenter explorare, num Altaria integra sint, cum experientia iam constet, non paucos Sacerdotes in hac parte ita negligenter se gerere, ut celebrare soleant etiam in Altaribus quæ sunt contracta.

brandi  
Missam  
in Alta-  
ri in quo  
servatur  
SS. Sac.  
mentum

De reli-  
quiis  
Sancto-  
rum re-  
ponendis  
in Altari  
in eius  
consecra-  
tione.

Quomo-  
do Altare  
consecra-  
tionem  
amittit.

In Anti-  
q. in quo  
celebra-  
vit Epi-  
scopus  
nemini  
licet eo-  
dem die  
celebra-  
re.

Est ritus  
antiquis-  
simus  
non cele-

Anti-

Antiquitus signum erat adorationis sacro Altari, ob sacras reliquias in ipsis repositas, Altare circumire, ut habetur in vita S. Fulgentii, & in act. S. Othon. Hinc Altaria remota erant a muro ut videtur hodie; num in omnibus antiquis Ecclesiis, & talem morem servant Græci antiquorum Rituum tenacissimi, qui magnam habent reverentiam erga Altare; ita ut licitum non sit Laicis ad ipsum accedere. Hinc iure merito Balsamon arguit Latinos apud quos Laicis non solum, sed etiam feminis conceditur ad illud accedere. Quantum plus vero obstupuisse, si videre ei contigisset petulantiam mulierum nostrorum temporum, quæ non verentur sedere, blaterare prope Sacerdotem sacra facientem, ubi contremiscunt Cœlestes spiritus.

Ritus valde elegans apud antiquos in nocte Nativitatis Domini servabatur. Altare cooperiebant tribus velis, uno nigro significante tempus ante legem, & tollebatur ad primum Nocturnum, altero albo signante tempus legis, & removebatur ad finem secundi Nocturni, altero rubro figura legis novæ seu gratiæ, & levabatur post tertium Nocturnum: Ioan. Belet in rat. *de divin. offic.* cap. 69. Ita fiebat etiam in Paschate; & quia tunc unum tantum est officii Nocturnum, remotio velorum fiebat ad finem singulæ lectionis. In Hispania tempore Quadragesimæ ducitur velum ante Altare maius, dum diebus serialibus recitantur horæ canonicæ, & canitur Missa, quod tamen retrahitur ad elevationem Hostiæ, & Calicis, & dum canitur Evangelium, & dicitur ultima oratio super populum; prorsusque tollitur Fer. 4. maioris hebdomadæ, dum cantantur in Passione illa verba: *velum templi scissum est.*

In Ecclesiasticis Constitutionibus præfixus non est numerus Altarium, quidquid dicat Molinæus l. 2. *controv.* cap. 17. contendens unum tantum Altare extare debere in singulis Ecclesiis cum ex Apostolica Traditione, tum ex SS. Patribus, præcipue Hieronymo in cap. 62. *Osee* vers. 13. Etenim nunc quando in statu feliciore est Ecclesia ac amplior Sacerdotum copia, extare debet Altarium multitudo. Et cum hoc spectet ad disciplinam, secundum temporum locorumque conditionem variari potest. Et revera S. Gregorius M. l. 5. *Epist.* 43. ad Palladium 13. Altaria eiusdem Ecclesiæ suo tempore commemorat. S. vero Hieronymus cit. loco nomine *Altaris* intelligit fidem, & Christianam communionem, quæ phrasis usitata ha-

betur etiam in SS. Cypriano, & Augustino.

Altari constructio & consecratio ut in ipso rite celebrari queat, quædam ex Ecclesiæ præscripto requiruntur ornamenta; scilicet Crux exculpta, in qua imago Christi pendeat, pallæ, & toballeæ, lumen, pulvinar. Crux requiritur cum Christi imagine ante oculos posita, ut facilius in nobis Christi, eiusque passionis memoria excitetur, ac adoretur signum redemptionis nostræ. Sic tradit Amalarius lib. 1. *de Ecclesiast. offic.* cap. 14. aliique omnes, qui de sacris mysteriis pertractant. Crux in Altari ponenda est, etiam si in eo expositum esset SS. Sacramentum, ut decrevit S. R. C. die 14. Maii 1707. e contra necesse non est ut ponatur alia Crux (quidquid in contrarium scripserint alii cæremoniarum præceptores) quando adest in Altari magna statua Crucifixi, ut declaravit S. R. C. 16. Iunii an. 1663. Sic Habertus & P. Berti. Omitteretur tamen Crux sine gravi peccato, immo sine ullo, quando commode haberi non posset. Requiritur ut mensa Altaris habeat super se tres mappas extensas; & una saltem debet esse auctoritate Episcopi benedicta, altera potest duplicari, ac pro duabus reputari: & hæ tres toballeæ poni solent super Altaris mensam ex vetustissimo ritu, ut ex Optato Millevitano l. 6. num. 2. & infertur ex cap. *si per negligent. de consecrat.* Concors est Theologorum sententia, quod graviter peccaret Sacerdos, qui sine mappa, seu toballea celebrasset; nonnulli tamen excusant a mortali, si sine mappa benedicta celebraret, nec aliam habere posset. Lumen pariter requiritur, cum hoc præcipiatur cap. ultimo *de celebr. Missarum*; & secundum communem Theologorum hoc præceptum obligat sub mortali, & Rubricæ Missalis duas requirunt candelas; verum in necessitate una sufficit. Candelæ debent esse ex cera, non ex sebo, aut alia viliori materia. Neque pro candelis licet adhibere lucernas ex oleo. Meminit Gavantus cuiusdam decreti S. R. C., quo statuitur, ut in Missis privatis etiam Vicariorum Generalium, pliusquam duo cerei ardeant, ut consulatur modestiæ celebrantis. Monet quoque Concil. Trident. ne certus numerus candelarum ex superstizioso cultu adhibeatur. Pulvinar tandem, seu Lectorinum requiritur ad deponendum Missale. Habertus.

De orationis mentis, quæ requiruntur in Altari.

In Ecclesiasticis Constitutionibus præfixus non est numerus Altarium.



## S. VII.

## De Missæ Cæremoniis.

Novatores etiam in sacris Missæ cæremoniis, quibus Ecclesia Catholica utitur in hac divina actione, invenerunt quod calumniarentur, unde alie has exprobant, ut hominum supervacaneum, ac superstitiosum inventum, eo quod nullum de his habeatur in Scripturis fundamentum. Hæc tamen illorum calumnia soluta manet ex iis, quæ iam dicta sunt de sacra cæremoniarum natura, rectitudine, utilitate, effectu in consociendis Sacramentis, cum de his generatim ageremus. Nihilominus, prout hic quoque recurrit occasio, eorum errores diluentur.

Ex Novatoribus alii, ut Calvinus, cæremonias omnes Missæ reiiciunt l. 4. instit. cap. 17. §. 43. Agnoscit quidem Calvinus hæc cæremonias antiquissimas, & non longe ab Apostolorum ætate cœpisse; verum eas *rubiginem cœnæ Domini* audacter appellat, atque natas esse ex procacitate humanæ confidentiæ, quæ se continere nequit, quin in Dei mysteriis ludat, & lasciviet. Lutherani, qui Christum in Eucharistia realiter præsentem agnoscunt, non ita videntur abhorre a cæremoniis, quarum aliquas retinent, aliquas reiiciunt, inculpantque. Kemnitius pariter alias agnoscit ex Scriptura præcipi, & has vocat substantiales, ut accipere panem, benedicere, manducare; alias licet non præceptas in Scriptura, nec necessarias, bonas tamen, & pias esse dicit, si ad ædificationem exercentur, ut psalmi, lectiones, preces, fidei confessio per symboli recitationem; alias vero damnat vel ut superstitiosas, ut invocare Sanctos, offerre pro defunctis; alias ut indifferentes sicut vestes, vasa, ornamenta, & cætera quæ verbo Dei non repugnant. Quæ sunt primi generis docet esse omnino servandas; tertii ordinis prorsus abrogandas; secundi & quarti retinendas, sed cum libertate, & ut minime necessarias. Verum quantum aberret a vero Kemnitius, patet ex doctrina Concilii Tridentini sess. 22. cap. 5. ubi habetur, cæremonias, quibus utitur Ecclesia, *ex Apostolica doctrina, & Traditione descendere*; nec aliam spirituales virtutem in his agnoscunt Fideles, quam quæ ex consecratione, & precibus Ecclesiæ a Deo impetratur; & id factum est, *ut mentes fidelium*, ait cit. loco Tridentinum *per hæc visibilia Religionis, ac pietatis signa ( tamquam quædam adiumenta ) ad rerum altissimarum, quæ*

*in hoc sacrificio latent, contemplationem excitentur*; & ad hunc solum finem his utitur Ecclesia, nec alias ut in his reponat Dei cultum; ideoque nihil in his est superstitiosum, ut impie calumniatur. Et licet Concil. Trident. sess. 7. can. 13. vetet, ne quis minister pro libitu suo ritus illos omittat, aut ne per quemcumque Ecclesiæ Pastorem immutentur, non adimit tamen Ecclesiæ potestatem, ritus aliquos, si expedire iudicaverit, immutandi, neque omnis negligentia est apud Ecclesiam mortale; sed contemptus, aut notabilis negligentia in rebus gravioribus; excusat enim etiam in his a mortali levitas materiæ.

In duas Classes generatim distinguuntur sacra cæremoniæ Sacrificii Missæ, in illas nempe quæ præcedunt, & in illas, quæ comitantur Missæ Sacrificium. Quæ Missam præcedunt, quædam sumuntur a persona, ut vestes sacre; aliæ a loco, ut templa, altaria, de quibus iam egimus; sacra vasa, calix, patena, & istæ consistunt in rebus; aliæ consistunt in actione, & adhibentur inter sacrificandum; & ex Bellarmino ad quinque capita reducuntur; aliæ enim referuntur ad Deum, ut elevatio manuum, oculorum, adoratio per inclinationes totius corporis, aut per genuumflexionem; aliæ ad Sacrificium, ut elevatio, ostensio, fractio, commixtio; aliæ ad ministrum celebrantem, ut unctio pectoris, lotio manuum; aliæ ad populum, ut salutatio, dimissio; aliæ tandem ad ea quæ in Missa leguntur, ut Gloria in excelsis quæ dicitur Angelorum Hymnus, Symbolus seu professio fidei, Epistola, Evangelium, Præfatio &c. Præter illas autem nonnullæ sunt aliis rebus communes, ut signum Crucis, aspersio aquæ, thurificatio, osculum &c.

## S. VIII.

## De cæremoniis quæ Missam præcedunt.

Dum Christus Dominus in ultima cœna S. Eucharistiam instituit non alia planè usus est veste, nisi ea ordinaria, qua erat indutus, nempe communi, & vulgari; & secundum Tourneleium cum aliis, primi quoque Ecclesiæ Pastores quando furente persecutione metu latentes in Cryptis, ac locis subterraneis ibi sacra faciebant, non aliis tunc usi sunt vestibus, quam iis, quibus cæteri pro usu induebatur. Cardinalis tamen Bona in suo opere *de rebus Liturgicis* habet pro valde verisimile, quod licet Apostoli uteretur in celebratione vestibus

D'vissa  
Cæremoniarum.

De vestibus quibus utitur in Missæ celebratione. ne Apostoli & primarii Pastores.

isidem quoad formam, quæ erant in communi usu; non tamen isidem uterentur, quos ordinarie extra sacra Mysteria deferabant, sed aliis distinctis quibus reverentiam tanti mysterii. Non est credibile, quod cedere voluerint in decentia ministerio Nationis Hebrææ, a qua proficiebant, quæ sicuti nemo ignorat, utebatur in sacris functionibus vestibus ab ordinariis diversis. Huc, inquit cit. Cardinal: Bona, pertinet penula a Paulo relicta Troade, huc lamina, seu Mitra Episcopalis, quam gestasse Ioannem Evangelistam Polycrates Ephesi Episcopus auctor est apud Eusebium l. 3. *Hist.* cap. 32. Hinc insulæ, quarum meminit Tertullianus l. de *Monogamia* cap. 12. Et eundem apud omnes gentes semper fuit in usu ut splendida veste sua Sacrificia peragerent.

Certum est quatuor sacula extra vestes pro Sacrificio.

Quidquid tamen sit de Apostolorum ætate, & de tempore persecutionum, quorum nulla certa habentur monumenta est tamen certo certius, quarto sæculo Sacerdotes ubique Gentium aliis a communibus usos fuisse vestibus dum Sacrificium incruentum offerrent: *vestibus lineis* (ait S. P. Hieronymus in cap. 44. *Ezechielis*) *utuntur Egyptii Sacerdotes non solum intrinsecus, sed etiam extrinsecus.* Sed non solum Egypto asserit S. Pater fuisse hoc peculiare: Porro Religio divina alium habitum habet in ministerio, alterum in usu, utaque communis. Ex Chrysostomus describit initio Liturgiæ orationes a Græcis Sacerdotibus recitandas dum induunt sacras vestes.

Indumenta Sacrificii recensentur.

Indumenta quibus tum Episcopi, tum Sacerdotes Latini utuntur cum ad celebrandum accedunt, sunt *Amictus*, *Alba*, *Cingulum*, *Manipulus*, *Stola*, olim *orarium* *Planeta* seu *Capsula*, quarum significationes morales indicant præces, quæ in singulis induendis recitandæ ordinantur. Qui sæculo 8. & 9. scribere de divinis officiis, sigillatim hæc vestes recensent, & præcipue Amalarius l. 2. de *Ecclesiast. offic.* Alcuinus de *vestibus sacris*, Rabanus. Amictus est veluti Galea spiritualis, ut significet spem, & firmam Sacerdotis in Deum fiduciam. Amictus sæculo 12. Sacerdotes collum obducebant, quod tunc temporis nudum gestabant, caputque tegebant, dimittebantque in os capsulæ, ut nunc in usu est apud Monachos, aliove Regulares: Id tamen non apud omnes erat receptum. Illicitum esset celebrare capite tecto amictu; quia, ut nititur demonstrare Ioannes de Tour, ex præcepto Apostolico nusquam licuit in Ecclesia orare capite cooperto; ac ideo multo minus celebrare: morem tamen

Quid significet Amictus.

dicunt esse Parisiis, sicuti in Polonia, haberno tempore rigente frigore sacrum fieri capite amictu tecto. Nemini tamen ex S. R. C. 3. Augusti 1652. licet celebrare cum fista cæsario vulgo *parucca*.

Alba, quam Sacerdos induit, est alterum vestimentum, quod ad celebrandum præscribitur, ut notat Rabanus Maurus l. 2. cap. 26. ac S. Gregorius Nazianzenus orat. 3. quam habuit post suum e fuga redditum. Alba vocatur a Scriptoribus Ecclesiasticis etiam camisia, vestis talaris lineæ, Dalmatica: huiusce mentionem fecere Concil. Carthagin. celebratum an. 398. cap. 41. S. P. Hieronym. adversus Pelagianos, Gregorius, & alii: hac veste designatur perfecta mundities, seu vitæ innocentia, ornamenta virtutum, bonorum operum perseverantia. Cingulum, quod & baltheum, ac zonam appellant, indicium est castitatis ut docet Innoc. III. l. 2. de *Myster. Missæ* cap. 13. Rabanus l. 2. *instit. Cler.* cap. 23. Cingulo Alba constringenda renibus coaptatur. Congruentius est uti cingulo lineo, quam serico, ut S. R. C. 22. Ianuar. 1701. & hoc indicat oratio, quam ex praxi Ecclesiæ recitat Sacerdos, dum cingulo se adstringit.

Quid significet Alba.

Quid cingulum figuret.

Manipulus in sua prima origine mappula dicebatur, seu sudarium, quo sudor frontis, oculorum lacrimæ, & narium lordes tergebantur, & mystica significatione denotat poenitentiam, & secundum D. Bonaventuram, patientiam, atque humilitatem, quibus tamquam chypeo manumur ad spirituale certamen, & ideo ponitur in sinistra, quæ significat vitam præsentem transitoriam.

Quid significet Manipulus.

Stola, seu orarium, quod iam idem est, apud Latinos erat lintecolum quoddam circa collum appositum, ex utraque parte defluens, quo narium pituita excipi solebat: orarium autem derivatur, vel ab ore, cui mundando tamquam sudarium inserviebat, vel ab oratore. Orarium (ait Alcuinus l. de *divinis officiis*) idest stola dicitur eo, quod Oratoribus, idest Prædicatoribus concedatur, vel ab ora seu vestis extremitate, cum vestis scilicet in medio esset aperta extremitates orarium, seu Stola dicebantur. Stola vero aliquando sumitur etiam pro veste oblonga seu talaris, sine qua Clerici procedere non debet. Cap. *Nullam*. Hic autem accipitur pro veste, seu ornamento sacro, in quod conversum est orarium, quod prius adhibebatur, & contrahitur ad modum institæ seu fasciæ. Stola est vestimentum proprium Sacerdotum tantummodo, & Diaconorum, & nunc hoc ornamentum factum

Quid Stola seu orarium significet.

Am est tantæ dignitatis, ut signum sit ecclesiasticæ iurisdictionis, & honoris, quo premuntur humeri Pastorum Ecclesiarum: S. enim Antoninus, & Iurisperiti dicunt, stolam deferri in signum iurisdictionis, ideoque Summum Pontificem Universalis Ecclesiæ Pastorem semper procedere stola ornatum. Stephanus vero Eduensis, Durandus, alique plures ab eo laudati l. 2. *de Ritib. Ecclæ. Cathol.* cap. 9. docent, stola collo superposita demonstrari ministerium prædicationis. Stola symbolum est innocentie, seu iustitiæ & immortalitatis, quam amisimus in Adæ prævaricatione, per iugum Christi reparandæ. Graviter reprehendit quidam scriptor nostrorum temporum Sacerdotes illos, qui contra rubricarum præscriptum, proiciunt stolam super humeros longe a collo, circa quod collocanda est, utpote quæ significet funem, quo Christus in sua passione ligatus fuit, dum ad Sacrificium Crucis ducebatur. Et ita deferendam iussit olim Concilium Bracarense, ut monet Innoc. III. sub pœna anathematis, ac proinde sub gravi, l. 1. *de myster. Missæ* cap. 45. Ex decreto Concil. Bracarentis in canonem relatum cap. 9. dist. 21. Sacerdos sub pœna anathematis, dum accedit ad S. Communionem fer. 3. in cœna Domini, vel quando ei defertur in infirmitate, habere stolam ad collum appensam. Prædicatores Romæ stolam non utuntur, in reverentiam Summi Pontificis, qui semper eam defert.

Quid significet  
Capula.

Sextum, & postremum Sacerdotis indumentum ad divinum Sacrificium celebrandum est capula, quæ dicitur græce Planeta. Capula (ait Alcuinus *de divinis officiis* cap. quid significant vestimenta) quæ super omnia indumenta ponitur, significat charitatem, quæ virtutes alias excellit. Capula ideo dicta ait Isidorus l. 19. cap. 24. *vestis cucullata quasi minor casa, eo quod totum hominem tegat; unde cuculla quasi minor cella* Quando vero Scriptores dixerint casulam derivari a casa; quia ut casa totum hominem tegit, locuti sunt secundum veterem casularum formam, quæ totum revera Sacerdotem a collo ad pedes ambibant, atque adeo brachia ipsa & manus tangebant; unde quando accedebant ad sacra facienda, sive ad alios usus, necesse habebant casulam ad utrumque latus erigere, aut fibula cohibere debebant, ut observat etiam Rupert. l. 1. *de div. offic.* cap. 22. Quapropter quando Sacerdos, vel incensum adhibebat, vel hostiam sursum levabat, ministri casulam sublevabant, cuius quidem ministerii adhuc

vestigium remanet; ut honoris causa, ac reverentia, ubi hostia consecrata a Sacerdote elevatur, minister celebrantis casulam complicit; aut extollat; ita quod olim factum fuit ex necessitate, nunc pura est cæremonia. Quidquid vero sit circa id quod narrat Pater Tomassini in sua Hist. Ecclæ. Discipl. Casulam Dalmaticam in usu fuisse antiquitus etiam apud Laicos, utpote vestis ordinata ad declinanda phariæ incommoda; certum tamen est, inter sacras vestes, & Sacerdotis ornamenta numeratam fuisse, ut habetur ex Concil. Toletano IV. an. 633. Capula, ut antea diximus cum Rabano, symbolum est charitatis, & Stephanus Eduensis l. *de Sacram. Altar.* cap. 10. ait: *Capula undique integra unitatem fidei designat; charitatem designant verba Episcopi in ordinatione Sacerdotis; Accipe (inquit) vestem sacerdotalem, per quam Charitas intelligitur, & idem significant verba Sacerdotis ipsam casulam induentis; Domine qui dixisti &c.* Alii vero volunt significare quoque vestem Christi inconsutilem.

Casulam, quæ ut diximus, olim super brachia complicabatur, Latini ut facilius sacris operarentur cœperunt paulatim ad latera scindere, & decurtare, ut advertit Card. Bona l. 1. cap. 4. *Rerum Liturgicar.* sed tantum scinderunt & decurtarunt Casulam, ut non solum nihil fere nunc antiquam suam formam repræsentet, sed redacta est quædam vestiola vel parvulum scapulare.

## S. I X.

### De vestibus Diaconorum scilicet, & Dalmatica.

Quia ad Missæ celebrationem, præcipue solemnem, & publicæ sint ministri ad hoc ordinati & statuti, hinc de horum quoque vestibus agendum hic cœnsui, dum in Altaris ministerio celebrare inservire debent.

Diaconus præter amictum, albam, cingulum, manipulum utitur etiam stola, seu orario, & Dalmatica. Stola seu orarium, iam antea descripsimus quid olim fuerit, & nunc sit; quidve significet: hinc solum de ista remanet hic notandum, quod ut Diaconus a Sacerdote distingueretur usus invaluit, ut eam non gestaret circa collum sicuti Sacerdotes, sed in sinistro humero poneret, & lævum circa femur eam in modum crucis accommodando cingulo firmaret; quamvis in nonnullis locis, præsertim in Gallia, mos inolevit, ut circa collum illam diaconi sibi aptarent, ut observat eruditus P. Le-Brun, utraque extremitate, sicuti Episcopi &c

De indumentis  
Diaconi.

& Sacerdotes quando sine stola ea utuntur hinc, & inde defluente. Varius itaque fuit Ecclesiarum usus circa modum, quo stolam Diaconi deferrent; nam olim aliquando supra tunicam, aliquando subtus collocabatur. Concil. Bracara. H. an. 583. cap. 9. vult, ut supra, non infra tunicam eam ponant, quia sic latet, nec ullum apparet discrimen inter Diaconum, & Subdiaconum. Verum cum stola supra tunicam hinc, & inde moveretur, ac instabilis foret, invaluit praxis, ut infra poneretur, utraque parte simul alligata, ne foret amplius incommodo ad agendum seu ministrandum.

Præter stolam utitur Diaconus etiam Dalmatica, ut ex Isidoro l. 19. orig. cap. 22. qui dicit ita appellari, quia in Dalmatia primum reperta sit; dalmaticam factam esse in modum crucis docet antiqua Missa, quam vulgavit Mattheus Illiricus, Robertus de Flamborough Canonici S. Victoris in Pœnitentiali. Quidquid tamen sit, ut vult quidam scriptor Dalmaticam, Tunicam, & Casulam in usu fuisse etiam apud Laicos, quibus ministri quoque Ecclesiæ usi sunt, certum est, quod Ecclesia usu, & destinatione sectæ sacra ex prophanis, & semper retinuit his etiam temporibus, quando apud Laicos in dissuetudinem abierunt. Immo ita factæ sunt propriæ sacrorum ministrorum, ut ab aliis licite usurpari nequeant: & ex Isidoro ab ipso 6. sæculo Dalmatica pro sacra veste memoratur. Hinc Episcopus in ordinatione Diaconi eum Dalmatica induit his verbis: *induat se Dominus indumento salutis, & vestimento lætitiæ*. Unde Dalmatica est specialis sacra vestis quæ gaudii symbolum est, & lætitiæ.

Subdiaconis pariter dum ministrant assignata est specialis vestis; nempe præter amictum, albam, cingulum, manipulum, tuniculam, seu tunicellam gerunt, ac solo privantur orario, in signum eorum discrimen, & distinctionem a Diacono. Nonnullis in locis olim eis denegatus fuit usus manipuli, de quo conqueritur Lanfrancus in Epist. ad Ioannem Archiepiscopum Rothomagensis. Tunica Subdiaconi tamen si nunc sit eiusdem latitudinis, ac dalmatica Diaconi, secundum tamen eius usus institutionem, debet esse angustior.

Sacræ vestes præcipue Sacerdotales affirmant communiter DD. quod debeant esse benedictæ ab Episcopo, & hoc saltem, inquit, ex universali consuetudine in hac parte vim legis habente, quæ obligat sub mortali, a quo tamen nonnulli excusant, si

*Instit. Theol. Moral. Tom. IV.*

solum cingulum amiserit benedictionem. Benedictionem autem amittunt per eorum frangitionem, & immutationem, ut priorem statum, ac figuram non servant. Hinc non remanet benedictio si manica albæ diffuatur, licet mox denuo consuenda; si cingulum ita totaliter rumpatur, ut nulla pars ad erigendum sufficiat. Dixi *totaliter*; nam si antequam facta esset partium divisio, inter se connotentur, benedictione sua non privarentur. Contra vero si hæc vestes duplices sint, idest si duplici parte anteriori, & exteriori constantes, singulæ partes etiam separatæ benedictæ remaneant; quia suam integram retinent formam. Idemque dicendum si pars interior sit detrita, exterior vero integra, & viceversa; sola enim detrita execrata est. Sed observandum, hæc vestes posse esse ita laceras, ut licet formam servant, ac exinde benedictionem non amittant, his tamen uti sit illicitum.

Vestes detritas converti nequeunt in usus profanos, sed comburendæ sunt, vel sepeliendæ. Vasa vero vel argentea, vel aurea, igne transmutata possunt profanis usibus interservire; quia moraliter eodem non remanent cap. *Altaris* dist. 1. de consecrat.

Res profanæ, præsertim si earum mutetur forma, possunt Altaribus sive usibus sacris interservire; cum, ut advertit D. Augustinus, delubra Paganorum conversa sint in Christianorum templa.

Si forte deficiat aliqua vestis sacerdotalis, nec haberi possit, num Missa sine illa sit celebranda: videndum qualis ex una parte sit defectus, & ex altera qualis celebrandi necessitas; quia in communi seu vulgari vestitu certe non est celebranda; quia in tali veste nunquam celebrare licet, quod etiam est veritum, si def. Calix, Patena, vel Altare consecratum, vel etiam Corporale. Secundo si magna sit necessitas celebrandi, puta si populus frequens dimitti nequeat sine scandalo, tunc celebrare licet sine manipulo, aut cingulo; si vero tanta non sit necessitas, v. g. Si Sacerdos nequeat satisfacere præcepto audiendæ Missæ, ex S. Antonio melius est non audire, quam indecenter celebrare. Non enim communiter in casu necessitatis licitum esse uti stola pro cingulo, manipulo pro stola.

In vestibus induendis præscriptæ sunt pro singulis suæ preces, quas communiter docent DD. paucis repugnantibus, recitandas esse ex præcepto, nec omitti posse sine mortali culpa; quia ita expresse prescribunt Missalis regulæ. Levitas tamen materiæ, idest

V si una

Vestes detritas interservire nequeunt usibus profanis.

Vestes profanæ possunt sacris interservire.

e Tu.  
icella  
abdia.  
tai.

Vestes  
recipue  
cerdo.  
iles de-  
ent ef-  
bene.  
qz.

si una, vel altera non recitetur, excusare potest a mortali, quidquid aliqui in contrarium dicant,

## §. X.

## De Vasis Sacris.

Antiqui-  
tus ista  
vixit  
persecu-  
tione va-  
sa sacra  
fuerunt  
ligna,  
vitrea,  
& etiam  
argentea.

Calix est vas, quod creditur a Varrone in usu fuisse apud veteres in potionibus calidis. Isidorus censet ita dici a nomine *lignum*, cum vasa olim fierent ex ligno. Quidquid tamen sit de hoc nomine, certum est calices quibus nunc utimur ad Sacrificium, ptioribus Ecclesiæ temporibus ligneos fuisse, vitreos, stanneos pro temporum conditione, ut habetur a viris eruditione celeberrimis, sicuti sunt Card. Bona l. 1. cap. 25. Boedius de *Cæmeteriis* l. 1. cap. 39. aliive. Non desuere tamen etiam sæviante persecutione calices pretiosiores, ex argento scilicet, & etiam auro. Nam in cæmeteriis Romanæ Urbis inventi sunt calices argentei, & de vasis pretiosis illorum temporum testatur etiam Optatus Milevitanus l. 1. contra *Parmenianum*, Calices per antiqui adhuc in monumentum antiquitatis servantur in Ecclesia SS. Cosmi, & Damiani forro Boario, & in Basilica Lateranensi, Triburicensi Conc. celebratum ann. 895. cap. 18. ait Zephyrinum Romanum Pontificem statuisse, ut missa celebraretur vasis vitreis; Urbanum autem I. Sacra vasa fecisse argentea. Idemque Concil. decrevit, ut calix cum patena si non ex auro, omnino ex argento fiat; si autem pauperioris est locus saltem stanneum Calicem habeat: de ære, aut auriscalco non fiat, quia ob vini virtutem facit æruginem, & vomitum provocat. Nullus denique in ligno, aut vitreo calice facere sacrum præsumat. Sic in variis capitibus iuris Canonici præcipue cap. 44. *vasa* & seq. Erant & Calices Ministeriales ampliores, ac pleni vino, in quibus infundebat Archidiaconus paululum Sanguinis ad complementum communionis Laicorum. Hinc errant qui putant factam fuisse in huiusmodi Calicibus consecrationem, atque oblationem, ut colligit Hincmarus ex quibusdam versibus, quos in uno ex his calicibus inscribi iussit Remigius Remensis Episcopus: & ita etiam tradit Dominicus Georgii in Liturgia Romani Pontificis l. 1. cap. 3. de *usu calicis ministerialis*. Priores Christiani pingere seu efformare solebant in calleibus imaginem Pastoris ovem deportantis, ut Sacerdotes dum sacra peragerent, & fideles in hauriendo ex

his divino Sanguine, Christi in homines charitatis recordarentur.

Consecratio Calicis fit solo iure Ecclesiastico; hinc potest simplex Sacerdos ex Summi Pontificis dispensatione calicem consecrare. Hanc dispensationem habent nonnulli Abbates, & Superiores Regularium. Observandum tamen, hanc dispensationem habere tantummodo consecrandi Altaria, & Calices Oratoriorum sui Ordinis.

Quod dictum est de Calice, intelligendum est, ac dicendum de patena, quæ antiquitus *discus* dicebatur; uterque quorum debet nunc esse ex auro, vel argento inaurato, Calix in cupa, & Patena desuper ubi hostia reponitur. Patena non minus quam calix in usu fuit omni ævo ad celebrandum, ut habetur ex Concil. Carthagin. 4. can. 5. In Ecclesia tum Orientali, tum Occidentali duæ saltem erant Patenæ, quia plures *ostias* aliquando pro multitudine communicantium; una qua utebatur Sacerdos in celebratione, & dicebatur quotidiana, & altera grandior, in qua consecrabatur panis communicandorum fidelium per ministerium Diaconorum, & hæc vocabatur ministerialis. Sic habetur ex Liturgiis illorum temporum, cui postea substituta fuit *Pysis*, quæ hodiernum est in usu, in qua continuo pro eodem usu, & infirmorum servatur in sacris custodiis divinum Sacramentum.

Calix, & patena execratur per notabilem fractionem, ut si pes fixus separaretur a cupa, quod non est iudicandum de pede tornatili, quia ex separato calix contractus non censetur. Item si interior cupa non sit inaurata: quod si inaurationem deperderint ex longo usu, ut nihil auri remaneat, nenter suam amittit consecrationem. Sicuti etiam non amittunt, eo quia ab auribus tangantur, dummodo nulla facta sit fractio, nec mutetur superficies, sive in uno, sive in alia; & etiam in hypotesi, quod aliquis indigne iisdem usus fuisset in mensa comuni, quia nullo canone statuitur in hisce casibus *ex* execrari.

Nam vero si Sacerdos consecrasset, Altare, vel Calice non consecrato, illa consecrarentur per contactum Corporis, & Sanguinis Christi non conveniunt inter se Theologi. Affirmant enim alii ea per talem contactum consecrari, alii vero negant propter legem, consuetudinemque Ecclesiæ, quæ vult illa consecrari ab Episcopo per Christum unctionem, quorundamque verborum formam, non alias per solum contactum Corporis, & Sanguinis Christi. Alii vero di-

Conse-  
cratio  
Calicis  
est de  
iure Ec-  
clesias-  
tico.

Quod d  
Calice  
idem di-  
ciro de  
patena

Quom-  
do vasa  
sacra  
execra-  
tur.

distingunt inter Altare, & calicem, con-  
ceduntque Altare non manere consecratum  
ex Sacrificio super illud oblato, quia oppo-  
sita sententia nullo fultur iure, & aucto-  
ritate; Calicem vero consecrari ex contactu  
Sanguinis Christi & firmant hoc auctoritate  
S. Augustini in psal. 115. ubi sic habet :  
*Instrumenta habemus . . . in usu celebrando-  
rum Sacramentorum, quæ ipso ministerio  
consecrata Sancta dicuntur.* Hactenus ex Iu-  
ven. P. Berti, Haberto, & aliis.

## S. XL

*De Corporalibus, aliisque Sacris  
lintheaminibus.*

*Corpora-  
le & pal-  
la debent  
esse conse-  
crata ex  
lino, &  
Episcopi  
auctorita-  
te bene-  
dicta.*

Lintheamina sacra vocantur communiter  
*corporale, palla, & purificatorium*, quæ spe-  
ciali quodam modo sacra sunt. Corporale  
appellatur etiam a Scriptoribus Ecclesiasticis  
palla, ac pallium, quo Sacra munera con-  
teguntur. Sed mos invaluit, ut palla dica-  
tur parvum lineumque calicis operimentum.  
Et equidem Concil. Meldense apud Bruchar-  
dum l. 4. cap. 13. distinguit pallam a cor-  
porali. De corporali omnes interpretantur  
quod legitur apud Anastasium in Sylvestro,  
Sacrificium non in serico, aut panno tincto,  
sed in lineo tantum faciendum esse. Un-  
de corporale, & palla debent esse contexta  
ex lino solo, & auctoritate Episcopi bene-  
dicta cap. *Consulto de Consecrat. dist. 1.* Sa-  
tius est, & commodius si ineius extremita-  
te nullum sit ornamentum, sed mundities in  
primis est in eo servanda. Gravem immun-  
ditiem in corporalibus, & Calicibus vulgo  
DD. damnant peccati mortalis, ex Inno-  
cen. III. qui cap. *Præcipimus* munditiem in  
illis præcepit.

Corporalia, quibus Veteres utebantur, e-  
rant ampliora unde ipsis totum Altare te-  
gebatur; quia antiquitas, ut iam diximus,  
plures erant Calices, & Patenæ obtegendæ  
ad copiosam materiæ consecrationem pro  
communione Fidelium, quæ tunc temporis  
fiebat in Missa. Quocirca eam ampliori illo  
corporali exponi debet palla, non enim sa-  
tisfuerunt breviores nostræ pallæ ut tot Ca-  
lices, & Patenæ obtegerentur, quæ aliquan-  
do plures erant ob multitudinem communi-  
cantium Iuven. alias cit.

In Manticulo, quod *bursum* vocant, cor-  
poralem, & sindonem, recondi ex veteri con-  
suetudine habemus. Super hanc deferri ne-  
quit a Sacerdote lintheolus, quo manus ter-  
gantur ex decreto S. R. C. 1. Septem. 1073.

Velo Calicem in anteriori parte post com-  
munionem cooperiendum esse, alio Decretq  
1. Martii 1698. statuit eadem S. R. C. Hi-  
delbertus Cenomanensis explicavit significa-  
tionem horum Sacrorum instrumentorum *de  
Mysteriis Missæ* Bibliotheca PP. p. 163.  
Nempe Altare significare Crucem, Calicem  
sepulcrum, Patenam lapidem, Corporale  
sindonem, quæ Christi corpus obvolutum  
fuit in sepulcro. De velo autem notandum,  
nomine veli aliquando intelligi peristromata,  
quibus ornamenti causa templorum parietes  
exornantur; aliquando specialem cortinam,  
quæ sanctuarii foribus appenditur a Græcis,  
& ad istam speciem vel referendæ sunt ora-  
tiones, quæ in Liturgiis Ambrosii, Basilii,  
Chrysostomi, *Orationes velaminis* inscribun-  
tur: in iis nimirum orationibus Sacerdos  
gratias Deo reddit pro suo in sanctuarium  
ingressu. Apud Latinos vero non aliud ve-  
lum præter illud, quo Calix cooperiretur,  
quondam erat in usu. In illis locis vero ubi  
Chorus erat in medio templi ante Altare  
erectus, velum expandebatur, quo sanctua-  
rium a Choro divisum esset: idque nunc et-  
iam (notat P. Iuveninus in suo Commen-  
tario alias cit.) observatur Bisuntii apud  
Sequanos, dum intra maiorem hebdomadam  
passio Christi solemniter decantatur.

Palla qua sacra nunc obteguntur *Myste-  
ria*, cum sit pars quædam corporalis, olim  
indivisa, nunc autem separata, benedicenda  
est pariter Episcopi auctoritate eadem be-  
nedictione qua corporale, & ut iam supra  
notavi, confici debet ex eadem materia,  
scilicet linea, saltem ex ea parte quæ tan-  
git Calicem. Immo addit P. Ferrari in sua  
*Bibliotheca morali* *Ec.* quod nequidem a par-  
te superiore serico drapo cooperta esse pot-  
est ex S. R. C. 22. Iann. 1701.

Lintheolum quoque, quod dicitur purifica-  
torium, adhibendum ad interiorem partem  
cupæ Calicis abstergendam facta purificatio-  
ne, debet esse ex lino, vel saltem ex tenui  
canabe contextum, ac auctoritate Episcopi  
benedictum. Incertum est num apud anti-  
quos hoc lintheolum fuerit in usu. Iacobus  
Vicecomes Collegii Ambrosiani l. 7. *de Mis-  
sæ apparatus* cap. 5. dicit se ignorare quid  
sentire debeat de hoc lintheolo; eo quia a-  
pud nullum veterem scriptorem eiusdem men-  
tio reperitur. Et Card. Bona asserit, il-  
lud lintheolum apud Græcos non esse in usu.  
Addit insuper, quosdam Monachos Latinos  
olim non alium purificatorium adhibuisse,  
quam lintheolum in cuiusque Altaris cornu  
appensum, ubi etiam exigua piscina iace-  
bat,

*Explica-  
tio in-  
strumen-  
torum  
Sacrificii  
quoad  
corum si-  
gnifica-  
tionem.*

*Palla be-  
nedicen-  
da eadem  
benedi-  
ctione,  
& Ec  
corpora-  
le.*

*De lin-  
theolo, seu  
purifica-  
torio.*

bat, in quam altera Calicis ablutio prolicebatur. Habert.

De personis, quæ tangere possunt Sacramenta.

Circa personas, quæ tangere possunt Sacramenta, certum est, quod donec in ipsis continetur Corpus, & Sanguis Christi Domini, nullus præter Sacerdotem, & Diaconum tangere ea possit sine gravi peccato ex cap. *Non oportet* dist. 23. Quando autem sunt vacua, idemque dicto de corporali, palla, & purificatorio, nec a laico nec a foeminis, nec ab ipsis Sanctimonialibus etiam ea fas est contrectari. Cap. *etiam Sancta* dist. 1. de consecrat. & cap. *Sacratas* dist. 23. Huius tamen præcepti transgressio, si absit contemptus, est tantum venialis; immo nulla culpa, si adsit necessitas, & honesta causa. Nam cap. *Nemo de conservat* statuitur, ut corporalia, & purificatoria antequam dentur laicis, prius a Diacono laventur in pelvi ad id præparata. Olim concedebatur Acolythis contingere Calicem vacuum, sed standum est hodiernæ consuetudini. Alia vero ornamenta, quæ non tangunt Corpus Christi, cum debita reverentia tangi possunt a laicis.

## S. XII.

### De Cereorum usu in Missæ Sacrificio.

Est verum sit, morem accendendi in divino Sacrificio ab ipsis Ecclesiæ ineunabulis indutum fuisse etiam a necessitate, & utilitate locorum, ubi illis temporibus præcipue furente persecutione Sacra celebrare cogebantur Christiani latitantes scilicet in antris subterraneis, & obscuris, unde illis prorsus necesse erat ut cereis, ac luminaribus uterentur ad fugandas tenebras; sola tamen hæc necessitas, & finis non fuit præcipua illorum origo, sed mysticus finis etiam, & symbolicus, sicuti veterum tradunt monumenta; itaut talem usum habeat, servetque Ecclesia ex ipsa Apostolica traditione, ut declaratum fuit a Concil. Trid. sess. 22. ait enim Ecclesiam caeremonias instituisse; ut mysticas benedictiones, lumina, thymiamata, vestes, aliaque idigenus multa ex Apostolica doctrina, & traditione. Ex Apostolica igitur traditione luminaria cereorum adhibendi in S. Lurgia usus innotuit, nec secus ad usum mere profanum, & communem, quem non curat Ecclesia, sed sacrum, & divinum (S. Isidorus l. 7. origin. cap. 12. ait) sed ad signum lætitiæ, ut nempe sub typo luminis corporalis illa lux ostendatur, de qua dicitur in Evangelio Ioannis *lux vera, quæ illuminat omnem*

*hominem*; & eo vel maxime, quod non statim nascente Ecclesia, primo scilicet sæculo statim sævierint persecutiones, ut in latebris cryptarum impellerentur primi fideles sacra peragere, cum, ut vidimus, etiam illis prioribus temporibus templa haberent, ac proinde non cogebantur lumina ad effugandas tenebras accendere; sed accendebant cum mystico fine, & significatione: & Concil. Carthag. 4. iussit, ut Acolythis in eorum ordinatione Ceroferarium ab Archidiacono recipiant. Quod si in divinis peragendis cereis accensis usa sit Ecclesia, constat ex hoc igitur, quod semper in usu fuerint etiam Candelabra in Altari, super quibus cerei ponerentur. Duo autem genera Candelabrorum recensentur in antiquis monumentis, alia quæ in Altari collocarentur, alia quibus Sacerdos a Sacratio ad aram, vel ab ara ad Sacratio fagestumque, vel alio solemniter deduci solebat. Priora a maioribus nostris dicta fuere candelabra, posteriora Canchari cerostrati vocabantur.

## S. XIII.

### De Thure, seu incenso.

Non secus ac luminaria, thuris seu incensi usus etiam primitus inductus fuit ab Ecclesia in Sacrorum celebratione propter suam mysticam moralemque significationem (non secus, ut simpliciter purgaret fetidum odorem, qui erumpebat ex locis subterraneis, ubi, ut ante sæpe iam dixi, Christiani persecutionem fugientes sacra peragebant; qui mos postea ex usu iam inoleto retentus fuerit, ut iam consuevit Ecclesia in aliis, quæ in suis officiis antea adhibuit, cum usus thuris fuerit semper etiam apud Gentiles in officium Religionis, & cultus) & revera Deus ipse Exodi 30. thuris compositionem præscripsit expresse vetando, ne in aliam quam in templi usum huiusmodi thus usurparetur. Usus thuris, seu thurificationis perantiquus est in Ecclesia, ut probat Menander ad lib. Sacrament. S. Gregorii p. 195. Et de hoc habetur in 3. Canonum eorum, qui dicuntur Apostolici. Habet thus suam mysticam significationem. Deo thus adoletur in signum supremi eius in res omnes dominii, cui patriæ cultus debetur. Thure & odore fumant Altaria in honorem Sacrificii quod ibi offertur. Thuris honores exhibentur Cruci, & Sanctorum imaginibus, qui honos præcipue ad archetypa refertur, & tendit. Exhibetur quoque Sancto Evangeliorum libro in signum veneratio-

rationis, qua Verbum Dei prosequimur, & boni odoris, quem diffundere tenentur Christiani omnes pietate sua, ac bonorum operum exemplo. Oblationes pariter Altaris fuffito perfunduntur, ut consecrentur, gratæque fiant Deo, & acceptæ. Fidelibus tandem dum Sacris interfunt incensum exhibetur, ut moneantur orationes suas ad Deum dirigere, & bonorum operam odorem quasi thus acceptissimum circumquaque spargere ac diffundere, iuxta illud Plal. 140. 2. *Dirigatur Domine oratio mea sicut incensum in conspectu tuo.*

De debi-  
sub mor.  
ali ob.  
servandi  
accurate  
cæremo-  
niis.

Cæremoniæ vero sive ad nos advenierint ex traditione Apostolica, sive ab Ecclesia suprema qua pollet auctoritate a Christo Domino recepta institutæ sint, omnes profecto accurate observandæ sunt, itaut etiam aliqua earum voluntaria omiffio peccatum sit, & quidem mortale, si talis omiffio fiat in re gravi, nisi invincibilis ignorantia, aut inadvertentia excuset, quia hoc seculum est voluntaria præcepti violatio. Unde ex Concil. Trident. sess. 22. Decreto *de observandis* &c. incumbit Sacerdotibus omnibus, ut nullos ritus præter approbatos, & frequent, ac laudabili usu ab Ecclesia receptos, adhibeant in Missarum celebratione. Et S. Pius V. in sua Bulla, quæ habetur initio Missalis præcipit omnibus, & singulis in virtute S. obedientiæ, ut Missam celebrent iuxta ritum, & normam in dicto Missali traditam, ut quisque in cit. Bulla videre potest: quæ autem materia gravis censeatur, non est ita facile definire. Hinc valde periculosum est, ne quæ nobis videtur minoris momenti, oculis divinæ Maiestatis gravissima sint, & quæ in cæteris rebus levia haberi possunt, ea sint multo graviora collata cum augustissimo Missæ Sacrificio, cuius finis est supremus omnipotenti Deo cultus reddendus. Et equidem si dum tantillum aquæ cum vino admittere in Missa negligatur, DD. omnes reatum mortalis peccati definiunt huiusmodi omiffionem; non ita facile inveniri poterit voluntaria omiffio, vel immutatio alicuius ritus in divino Sacrificio, quæ levis sit. Conveniunt DD. omnes gravem materiam esse omittere Epistolam, vel Evangelium, Præfationem, hostiæ fractionem; non vero Canticum Angelicum, Symbolum, unam, vel alteram collectam. Non sunt tamen excusabiles, qui truncant, ac deglutunt magnam verborum partem, vix ullam collectam, ac orationem canonis pronuntiant; in quo peccant etiam superiores qui scienter tantam irreverentiam

*Instit. Theol. Moral. Tom. IV.*

non impediunt. Dixi præsertim Canonis, qui strictius obligat, licet in hoc pariter levitas materiæ excusare possit a mortali.

Advertendum, non solum non debere Sacerdotem nihil omittere, ritusque omnes accurate observare in Missæ celebratione, sed non posse insuper ullas proprias preces præscriptis in Missali addere; cum hoc quoque tum a Tridentino, tum a S. Pio V. veritum sit, nec esset excusabilis, ut vult Suarez, si etiam indirecte pro sua mera devotione, non animo ritum immutandi, hoc faceret.

Insuper non tantum satis est nullam omittere cæremoniam, sed requiritur ut illis detur etiam gravitas, quam exigunt, eas decenter peragendo, sine ulla præcipitatione, quæ eorum dignitatem contamine, si ve in crucibus faciendis super oblata sive in populo salutando, sive in genuflexionibus &c. sed omnia agenda sunt ea reverentia, quæ decorem afferat & devotionem conciliet apud fideles tanto mysterio; alias ad risum potius & contemptum comoverentur: ita ut levius videri potest peccasse qui aliquam cæremoniam omitteret, quam qui festinanter, & indecore eas perageret. Meminerint Sacerdotes, se in Altari personam Christi gerere, cæremonias institutas esse tamquam picturas, & signa latentium mysteriorum quæ sanctitatem sensibilibus signis repræsentant. Ad quod valde confert etiam pronuntiare voces singulas affectu, ut ex celebrantis corde exire videantur, sintque sinceræ internæ devotionis interpretes, qui animatus sacer Minister ad Altare accedere debet: distincte igitur syllabas singulas proferat, ac voce, quæ rerum repræsentandarum magnitudini correspondeat, ut attentionem sui ipsius movere possit, & adstantium pietatem accendere. Quod plane contingere nequit in iis, qui tali involubilitate aut quasi impatientia verba proferunt, ut non relinquatur libertas affurgendi ad cogitationem rei per eadem verba significatæ. Hinc debilitantur animi vires, devotio extinguitur, fideles qui interfunt male sentiunt de celebrante, dum eum in id intentum cernunt, ut quam celerrime absolvat. Unde tales Ministri sibi provocant vindices manus Dei, qui ait per Prophetam: *Maledicam benedictionibus vestris, quia non posuistis super cor.* Attendant igitur serio Sacerdotes, & omni studio, ac sollicitudine curent sancta sancte tractare. Ita Habertus, cum quo hactenus.

Nequit  
minister  
proprius  
preces  
addere in  
Missæ Sa-  
crificio.

Cære-  
moniæ  
in Sacri-  
ficio Mis-  
sæ, de-  
center  
peragen-  
dæ sunt.



## §. XIV.

*De Cæremoniis, quæ Missam comitantur.*

Ad tres classes reducuntur Cæremoniæ quæ in Missæ celebratione occurrunt, ed in actione consistunt ad tres Classes reduci possunt. In prima enim includuntur actiones omnes præscriptæ, ut sacrosanctum hoc mysterium cum decore, modestia, ac reverentia perficiatur. Ad hoc multum confert quod Sacerdos accedat ad Altare oculis demissis, incesu gravi, pectus dum in Confessione profert verba *mea culpa* contundat. Ad illa verba in unitate *Spiritus Sancti Deus* manus iungat, elevet dum dicit *sursum corda* cum spectet ad decorem, & venustatem, ut actio verbis conformetur. Se ad populum convertat dum illud salutando monet his verbis *Dominus vobiscum*, cum naturale sit, ut ad eum convertamur, cum quo loquimur. Non autem converti debet cum hæc verba profert in præfatione, ac in hostiæ fractione, quia tunc maior esse debet attentio ad propolita mysteria, ac dedecet ab his oculis avertere. In secunda classe sunt actiones, quibus Sacerdos testatur suum erga Deum cultum, & reverentiam, cuiusmodi sunt corporis inclinationes, genuflexiones, oculorum, ac manuum elevatio in Cælum; ad quod pariter tendit elevatio hostiæ post consecrationem, ut populo adoretur, necnon coniunctio digitorum, quibus corpus Domini tetigit Sacerdos, ne si forsan his particula aliqua hæreat, dispergatur. Item in signum reverentiæ osculatur Sacerdos Altare, Missale, & fideles communicaturi accipiebant olim, & dabant sibi invicem osculum pacis, quod erat testimonium amoris, & benevolentiae, de quo mentio fit in Liturgiis S. Cyrilli S. Chrysostomi in Ioannem. In tertia classe sunt omnes actiones illæ, quæ præscriptæ fuere ob moralem, aut mysticam significationem, quales sunt 1. translatio Missalis a dextera ad sinistram, & e contra. 2. mixtio aquæ cum vino, quæ significat coniunctionem populi cum Christo ex S. Cyrilliano Epist. 63. 3. ablutio digitorum in symbolum munda- tionis non digitorum, sed a peccatorum sordibus, ut ex S. Cyrillo *Cateche.* 5. 4. extensio manuum super oblata in testimonium, ait Eusebius l. 1. *demonstrat. Evangelicæ.* reatus nostri in hostiam translatis. 5. usus frequens signi crucis; quia, ut ait S. Thomas, consecratio huius sacramenti & fructus procedunt ex meritis Christi passionis. Significatio autem cuique cruci correspondens ex-

ponitur a rubricarum interpretibus. Signo Crucis non benedicit Sacerdos oblata iam sanctificata, sed adstantes commonet, virtutem crucis in hoc mysterio operari; maior enim, ait S. Thomas, non benedicitur a minori; & hic usus signi crucis est antiquissimus, ut testantur omnes Liturgiæ. 6. churificatio ad significandum bonum Christi odorem. In Missa solemniori ministri procedente Sacerdote ad Altare cum luminibus præcedunt. Fit denique fractio hostiæ quæ iuxta D. Thomam significat divisionem, quæ in passione facta est animæ a corpore. Nihil in his improbare possunt Novatores. Habertus & alii.

Porro tres cæremoniarum classes, quæ in Missa exercentur, ut paulo ante notavi, aliæ referuntur ad Deum, ut elevatio manuum, & oculorum, inclinatio corporis, & genuum flexio. Aliæ ad Sacrificium, ut elevatio hostiæ consecrandæ coram Domino, quæ fit in offertorio, ostensio Sacramenti ad populum, fractio, & commixtio hostiæ consecratæ cum sanguine, nec non mixtio aquæ cum vino. Aliæ ad ipsum Sacerdotem, ut tunisio pectoris in signum penitentiae in confessione, & ad preces Agnus Dei, lotio manuum ante consecrationem in signum puritatis, qua ministrum tanti mysterii esse convenit. Aliæ ad populum, ut salutatio per illa verba *Dominus vobiscum*, ipsiusque dimissio in illis verbis *Ite missa est*. Aliæ ad ea, quæ in Missa leguntur, ad quæ etiam cantus, organa, musica &c. referuntur.

Aliæ quoque adhibentur Cæremoniæ in Missæ celebratione communes, ut Aquæ benedictæ aspersio, quæ fit diebus Dominicis a Sacerdote ante initium Missæ solemnioris super populum, quæ aspersio, ait Bellarminus, est quedam expiatio, & præparatio ad Sacrificium, quæ significat puritatem, & munditiam tum animæ, tum corporis in his necessariam, qui volunt Sacrificio interesse. Omnes igitur hæc cæremoniæ institutæ sunt ut excitent ad pietatem, & reverentiam tum Celebrantem, tum Fideles interessentes huic Sanctissimo ac tremendo mysterio. Unde in actionibus, & verbis, quibus constat Ecclesiæ Liturgia, nihil revera iuxta Concil. Trident. definitionem si sincero oculo, seclusa nempe eorum mala affectione erga Romanam Ecclesiam rem inspiciant, deprehendent Novatores erroneum vel superfluum, sicuti ex livore & malignitate calumniantur Habert.

## §. XV.

§. XV.

De Missa, ipsiusque partibus.

Quid no-  
men  
Missa.

Missa non est vox hebraica a voce *Mis-  
sach*, quæ significat spontaneam oblationem,  
sicut *Amen*, *Alleluia*, sed Latina, ut contra  
aliquos sentiunt permulti insignes Scripto-  
res, ut Bellarminus l. 1. de *Missa* cap. 1.  
Cardinalis Bona de *rebus Liturgicis* l. 1.  
cap. 1. P. Le-Brun Congregationis Grælicæ  
Presbyter. l. 1. cap. 1. alique. Et revera si  
vocem *Missæ* ab hebræa *Missach* accepissent  
Apostoli, eam etiam Græci, & Syri reti-  
nuissent, non secus ac retinere voces *Amen*  
*Alleluia* *Babaath* &c. Græci enim actionem  
Sacrificii Corporis, & Sanguinis Christi *Li-  
turgiam*, idest publicum opus, seu largiam  
sacrum opus, aut mystagogiam summum mi-  
nisterium, ut Nazianzenus semper appella-  
runt, non *Missam*. *Missæ* nomen docet Ga-  
vantus esse antiquissimum; cum habeatur  
in pluribus Epistolis summorum Pontificum  
I. & II. Sæculi. Quidquid sit autem quod De-  
cretales Pontificum, qui præcesserunt Syri-  
cism a pluribus eruditissimis viris habeantur ut  
supposititiæ, saltem fidem facient illa Pii ad  
Iustum Viennensem Episcopum anno 166. &  
illa Cornelii ad Lupicinum Episcopum pari-  
ter Viennensem an. 254. utraque quarum  
habetur communiter ut genuina, cum in his  
Sacrificium Corporis, & Sanguinis Christi  
Domini *Missa* vocetur. Hanc vocem *Missæ*  
volunt aliqui ( & huius sententiæ est Ga-  
vantus ) vulgo potius inductam fuisse sum-  
pto vocabulo a publicis illis verbis, quæ in  
fine dicuntur: *Ite missa est*; ac proinde si-  
gnificat, ut alias diximus, missionem tum  
precum populi per Sacerdotem ad Deum ut  
vult Alcuinus de *divinis offic.* cap. de *celebr.*  
*Missæ*, tum Christi, qui missus est a Patre ad  
nos, ut Durand. *Ration.* l. 4. c. 1. tum eius-  
dem Christi a nobis ad pacationem inter  
Deum & hominem, ut Rupert. Abb. de *divi.*  
*offic.* c. 20. tum catechumenorum, qui post  
Evangelium mittebantur a Diacono ut Ra-  
banus; tum Fidelium, qui tamquam rei to-  
to Sacrificio, veluti cuidam iudicio assi-  
stunt. Unde & Canon *Missæ actio* dicitur,  
idest causa deducta in iudicium ab advoca-  
to Sacerdote; peracta vero causa dimittun-  
tur rei, Durandus l. cit. Dicta est etiam *Col-  
lectio*, & *Dominicum* ex Baronio an. 303.  
quia fideles colligebantur ad rem domini-  
cam. Aliis etiam nominibus appellata fuit

hæc sacra actio a SS. Patribus. Vox igitur  
Latina *Missa* significat verum incruentum  
Christi Domini Sacrificium ab eodem in ul-  
tima cœna institutum per illa verba: *Hæc  
facite in meam commemorationem*; & offer-  
tur Deo per legitimum ministrum certis ri-  
tibus, & cæremoniis, vel ad delenda pec-  
cata, vel ad gratias agendas pro beneficiis,  
vel ad opem invocandam, vel ad supremum  
Dei dominium profitendum, in quibus pro-  
pria ratio Sacrificii consistit.

Prima *Missa* post Christi Domini resurre-  
ctionem communis censent Scriptores, quid-  
quid alii in contrarium sentiant, quod cele-  
brata fuit a D. Petro Hierosolymis in cœna-  
culo Sion die Pentecostes post acceptum Spi-  
ritum Sanctum, idest postquam ad tam ex-  
cellens Sacrificium Apostoli dispositi fuere.  
Et equidem nonnisi die Pentecostes, quan-  
do lex Evangelica promulgata fuit decebat  
novum offerri Sacrificium, & minime ante,  
quando nondum novum Sacerdotium trans-  
latum erat. Quocirca non verisimilis est eo-  
rum opinio, qui primam novi Sacrificii ob-  
lationem tribuant D. Iacobo; sed ut docet  
Pamelius Tomo primo *Liturgie Ecclesie La-  
tine*, Petrus ordinem præscripsit, Iacobus  
evulgavit. Et de Petri prima celebratione ab-  
solute docent Clemens Epist. 2. Isidorus l. 1.  
de *offic.* cap. 1. Nemini quidem (advertit  
S. Leo serm. 3.) hæc prærogativa conven-  
ientius attribui potest, quam Petro consti-  
tuto a Domino aliorum Apostolorum Prin-  
cipe.

Licet autem verum sit præcipuos *Missæ*  
ritus pro maxima sua parte derivatos esse  
ab Apostolica traditione, & doctrina ut vult  
Grotius cum aliis; incertum tamen est, quo  
ritu, vestes, idiomate primam *Missam* S.  
Petrus celebraverit & cum ipso postea cæ-  
teri Apostoli illis nascentis Ecclesiæ primordiis.  
Censent super hoc Scriptores, initio  
sola dominica oratione & verbis consecra-  
tionis Apostolos Eucharistiam victimam ob-  
tulisse, & identidem crescente Fidelium nu-  
mero ac devotione ipsos Apostolos adieciisse  
sacram Scripturarum lectionem, preces,  
cæremonias; & ut eucharistici Sacrificii di-  
gnitas clarius elucesceret, & ut tam augu-  
sto Sacrificio devotionem conciliarent, non  
semper eandem formulam servasse, sed lon-  
giorem, vel breviorum pro temporum con-  
ditione, nempe breviorum quando pericu-  
lum imminerebat ne a persecutionibus inter-  
litandum deprehenderent, prolixiorum  
quando tale periculum abesset.

Quoad vestem primæ *Missæ*, quæ cele-  
bra-

Qui, &  
quando  
primam  
missam  
celebra-  
verit.

Iacer-  
tum est  
quo ritu,  
qua ve-  
ste ac  
idioma-  
te pri-  
mam mis-  
sam D.  
Petrus  
celebra-  
verit.

brata fuit in Cœnaculo a D. Petro, licet non solum credibile sit; immo pro certo tenendum, ut vult Cardin. Bona cum aliis hic relatis in cit. observat. super Gavantum, Apostolos adhibuisse in Missæ Sacrificio sacras vestes, sumpto a lege huiusmodi vestium usu, & hoc D. Petrum tradidisse; verisimile tamen est in illa circumstantiarum angustia celebrasse in vulgari veste, qua indutus erat, sicuti iisdem vestibus, & non aliis Christus Eucharisticum mysterium instituerat: immo quod D. Petrus, & alii Apostoli non tam cito singularibus indumentis, sed propria vulgari sacrum mysterium celebrarint, valde credibile est, postea vero cum precibus ac cæremoniis, sacram quoque vestem in Sacrificii celebratione adhibuerint ad conciliandam augustissimo Sacrificio venerationem & pietatem. Et talem ritum singularium vestium in hac sacra actione & D. Petrus, & alii Apostoli successoribus præscribere: qui usus statutus legitur etiam a S. Stephano I. ut notat cit. Card. Bona l. 1. cap. 5.

De lin.  
qua qua  
Apostoli  
celebra-  
verint.

Circa vero linguam, qua Apostoli celebrant, sapienter notat P. Martene l. 1. de *Antiq. Eccles. Riti*. art. 2. eos, eorumque successores celebrasse sine ulla restrictione ad aliquas linguas particulares, sed ea, quæ in singulis regionibus erat communis, & vernacula; cum revera, ut idem observat ex pluribus exemplis, varia idiomata adhibita fuerint in sacri mysterii celebratione, & multo post solummodo statutum fuerit, ut tribus idiomatibus iuxta præsentem Ecclesiæ disciplinam; idest Hebraica, Græca, Latina Missa celebraretur; & non nisi speciali privilegio ab hac lege aliquæ Nationes dispensatæ fuere, ut sæculo 9. permisit Ioann. 8. Sclavis tum ad fidem conversis, ut in suo idiomate sacra peragerent.

De pluri-  
bus gene-  
ribus  
Missæ  
sum re-  
censitis  
Scripto-  
ribus.

Plurima a Scriptoribus recententur Missarum genera ex diversitate auctorum, & Nationum, præsertim occidentalium, qui easdem liturgias instituerunt aut frequentarunt. Huiusmodi sunt Missa Romana, quæ instituta dicitur a S. Petro, & quæ hodie est in usu apud fere omnes occidentales Ecclesias. Verum ut notat P. Mabillonius l. 1. cap. 2. de *Liturgia Gallicana* n. 4. non perfecta fuit sicut hodie habetur a solo D. Petro; sed post ipsum amplificata fuit a Gelasio; & Gregorius Magnus ordinem Gelasianum correxit, & in meliorem formam, sicuti nunc est, reduxit. Missa, seu Liturgia Ambrosiana dicta etiam Mediolanensis instituta a S. Ambrosio, ut vult Strabo,

vel a S. Barnaba Apostolo, cuius ritus a S. Ambrosio fuit illustratus, amplificatus, & in meliorem formam redactus: idcirco post eius mortem Ambrosiana vocari cœpit, ut sentire videtur etiam P. Le-Brun. Missa, seu Liturgia Gallicana, quæ usitata fuit ante Pipinum & Carolum Magnum: Nam Carolus M. ex quo recepit ab Hadriano Papa I. Sacramentarium S. Gregorii ab Ecclesia Romana adhibitum, & Capitulare edidit, iussit ut ordine Romano in Gallia divinum Sacrificium imposterum celebraretur. Missa Mozarabica seu Morabum, quæ fuit in usu apud Hispanos, sic dicta ex quo sæculo 8. Arabes pene omnia illa Regna occuparunt, idest Christiani mixti sunt Arabis, & corrupto vocabulo Mozarabes vocati, ut vult Baronius ad ann. 1065. Huius Liturgiæ Mozarabice, seu Hispanicæ ritum volunt Scriptores instituisse, vel saltem amplificasse Isidorum Hispalensem. Officium Mozarabicum viguit in Hispania, & Gallia Narbonensi, donec Alexandri II. auctoritate abrogari cœpit, & eius loco Romanum subrogari; universum tamen non obtinuit, nisi circa tempora Urbani II. idest circa annum 1088. Verum Cardinalis Ximenes correctio Missali Mozarabico instituit Collegium Sacerdotum, qui in 4. Paræciis, & in Sacello a præfato Cardinali in maiori Toletana Ecclesia constructo quotidie officium divinum ac Missam, sicuti nunc etiam fit, ritu Mozarabico celebrarent. Hæ sunt 4. Liturgiæ, quæ in Ecclesia occidentali frequentatæ fuere, & excepta Gallicana, aliæ, ut Ambrosiana seu Mediolanensis, Mozarabica in 4. Paræciis Hispaniæ, & in Sacello Toletano, & Romana ubique adhuc frequentantur. Affricana Liturgia aliquando in usu fuit in Affrica; Prioribus tamen sæculis Ecclesia Affricana conveniebat cum Romana in Sacrificii ritu. Missa Hibernica olim usitata fuit apud Hibernos, & Britones: huius tamen ritus qualis fuerit nondum compertum est. Missa Clementina seu S. Clementis est illa, quæ invenitur in Constitutionibus Apostolicis, & quæ Clementis Romani Pontificis, & Apostolorum discipuli nomen præsefert. Missa Dionysiana illa est, quam Dionysius Areopagita tradit cap. 3. *Ecclesiastic. Hierarch.* quæ quidem Liturgia tamquam Apostolica censetur. Cæterum nunc Romana, seu Gregoriana apud omnes occidentales nationes est in usu. Discrepant quidem PP. Dominicani, Chartusiani, & Carmelites; sed adeo in paucis, ut distinctæ Liturgiæ appellandæ non sint.

Gene-

Antiqua  
divisio  
Missæ  
Catechu-  
menorum  
&  
Fidelium

Generaliter tamen apud veteres Missa distinguebatur in Missam Catechumenorum, & in Missam Fidelium. Missa Catechumenorum apud Latinos constat his ritibus omnibus, qui peraguntur ab Introitu ad offertorium usque: Nam his peractis dimittebantur Catechumeni, & Pœnitentes; post sermonem (inquit S. August.) fit Missa Catechumenorum. Sermo autem habebatur ad populum ante offertorium: sic habetur ex Concilio Valentimiano Hispaniæ celebrato. Foras mittebantur Catechumeni cum Pœnitentibus a Diacono elata voce ita iisdem indicente: *Procedite exite Catechumeni, exite Pœnitentes*: Dimittebantur primi; quia sacramentis Altaris adesse non possunt, qui nondum regenerati noscuntur ait Amalarius l. 3. de divinis offic. cap. 36. dimittebantur secundi, quia donec præscripta Pœnitentiæ studia, quæ eos a Sacrificio excluderant, complevisset, sacrificio interesse non poterant; sicuti a SS. Canonibus pro utrisque eorum statutum erat, ut notat S. Cæsarius Arelatensis. Ab hac Missa neminem SS. Canones excluderant, sive Gentiles essent, sive Iudæi, sive Hæretici, sive Pœnitentes, sive Excommunicati ut constat ex Concilio Carthagin. 4. can. 48. Huiusce specialis partis Missæ, non secus ac alterius Fidelium soli Episcopi & Presbyteri erant ministri, minime vero Diaconi, utpote qui non poterant in hac parte Missæ, sicuti fieri solebat, (dum erat solum officium Episcoporum, & Presbyterorum) manus imponere super Catechumenos, præcelque quæ manuum impositionem comitabantur super eos recitare. Hinc quando de tali munere agitur, numquam canones Diaconorum, sed solius Episcopi, & Presbyteri meminere. Hæc dimissio ad offertorium quæ solemniter fiebat a Diacono Catechumenorum, ac Pœnitentium desinit in Ecclesia occidentali circa annum 700. Apud Græcos vero Missa Catechumenorum desinebat, sicuti nunc desinit, citius quam apud Latinos; quia Græci longas preces ante offertorium recitare consueverunt, quæ nunc ad duas tantum redactæ sunt; quibus recitatis incipit Hymnus Cherubicus, scilicet *Sanctus* &c. qui apud Latinos recitatur post præfationem: tum solemnem pompa ex prothesi idest a parvulo Altari Sacerdos cum Diacono, & Clero ad Altare maius sacra dona proferunt, & nuda super Altare Deo offerunt. Ritibus dimittendi Catechumenos & Pœnitentes ad offertorium apud Græcos adhuc perseverat.

Missæ vero Fidelium ab offertorio usque ad ultimam benedictionem constituta est ut tradit Amalarius cit. l. 3. de divinis offic. idest ab offertorio usque ad *Be Missa est*. Et hoc conformiter veterum scriptorum communi traditioni. Advertendum tamen, quod quamvis prima Liturgiæ pars Missa appelletur Catechumenorum, debuerunt tamen Fideles festivis diebus illi etiam præsentem se sistere: quia utraque pars integram Missam constituit. Ita etiam præcepit Concil. Agatense can. 47.

## S. XVI

*De partibus omnibus Missæ integræ, idest tam Catechumenorum, quam Fidelium.*

Nunc restat brevissima percurrere sigillatim partes, ex quibus Missa coalescit, quatenus scilicet complectitur Missam tum Catechumenorum, tum Fidelium. Missa dividit solet in quatuor partes 1. ab initio usque ad offertorium, & hæc est ea pars, de qua satis iam antea diximus appellari Missam Catechumenorum; quia huic Catechumeni interesse poterant: 2. ab offertorio usque ad consecrationem: 3. a consecratione usque ad communionem: 4. a communionem usque ad finem.

Incipit prima pars Missæ a Psalmo; *Iudica me Deus*, quæ Psalmi recitatio est antiquior, ait eruditus P. Le-Brum, quam ab eruditis censetur. Non dicitur hic Psalmus in Missis defunctorum, & tempore passionis ob illa verba, notat Tourneleius; *quare tristis es anima mea* quia cum lætitiæ significent, qua affici debet Sacerdos quando ad Altare accedit, videtur non convenire Missis defunctorum, & tempori passionis. Post huius Psalmi recitationem, quia huius mysterii sanctitas exigit, ut cum magna humilitate, ac conscientie puritate ad illud accedat Sacerdos, ut gratia necessaria ad digne celebrandum ei concedatur, facit confessionem suorum peccatorum, non solum Deo a quo solo eorumdem remissionem, & sanctificantem gratiam expectare potest; sed etiam B. V. aliisque Sanctis, ut eam sua intercessione ipsi impetrent. Auctorem huius confessionis, alii volunt esse Damasum, alii Pontianum Damasum antiquiorem. Similis Confessio reperitur in Liturgia S. Iacobi. Præmissa confessione ascendit Altare, recitat, vel canitur a Choro Introitus ex vetusta consuetudine, quæ ante Sacrificium decantabatur Psalmi Davidis, quibus per Ho-

Missæ divi-  
didi solet  
in qua-  
tuor par-  
tes.

Quare  
non dic-  
tur  
Psal. In-  
dica me  
Deus in  
Missis  
Passionis,  
& Defun-  
ctorum.

ras

De Introitu & quare ita dicatur.

vas canonicis distributis, lecti fuerunt verficuli idonei ad excitandam devotionem, ut loco Psalmorum recitarentur; unde Introitus, qui a Psalmis non sunt deprompti, a pertractantibus res Liturgicas dicuntur *irregulares*. Hinc Introitus constat ex Antiphona ab aliquo Psalmo desumpta, & Gloria Patri &c. quæ clausula dicitur in fine cuiusque Psalmi. *Introitus* dicitur, vel quia initium est Missæ, vel quia canitur a Choro dum Sacerdos Altare ascendit, idest in Introitu Sacerdotis ad Altare. Introitu significantur oracula Prophetarum de Christo, vota Patrum, atque ipse Salvatoris adventus; ac ideo dum solemniter hoc sacramentum mysterium peragitur, cantari incipit, priusquam Sacerdos Christi typum gerens ad aram accedat.

De Kyrie Eleison  
lection  
in Introitu  
et; &  
hymni  
Apostol.  
61.

Introitus sequitur *Kyrie eleison* non ex Instituto S. Gregorii, ut quidam dixerunt, sed ex vetustiore consuetudine, de qua ante Gregorii tempora loquitur Concil. Valente celebratum anno 529. Hæc sunt verba Græca, quæ idem important ac *Dominus miserere*. Licet olim non esset definitus huiusmodi, & nunc etiam protrahatur in Missis Pontificis, ut notat P. Berti, donec perdurat reverentia Cardinalium Pontifici exhibenda; novies tamen repetitur *Kyrie eleison*, ut a tribus SS. Trinitatis personis imploretur misericordia adversus triplicem misericordiam ignorantie, culpæ, & pœnæ iuxta D. Thom. q. 83. art. 4.

Post *Kyrie Eleison* succedit Hymnus Angelicus. Hunc Hymnum alii attribuunt Telesphoro, alii Symaco, alii Hilario Pictavorum Episcopo; alii adscribunt Apostolis quia serè integer extat l. 7. *Apostolicar. Constitut.* cap. 47. Toletanum vero Concilium 4. anno 633. exceptis illis verbis *Gloria in excelsis Deo, & in terra pax hominibus bonæ voluntatis* (qui Hymnus dicitur Angelicus quia illa verba cecinerunt Angeli in Christi Nativitate) reliqua quæ ibi sequuntur, dicit, Ecclesiasticos DD. composuisse.

De cæremonia salutandi populum per verba Dominus vobiscum.

Orationi quæ sequitur post Hymnum Angelicum præmittitur *Dominus vobiscum*, quæ est populi salutatio: Episcopi vero dicere solent *Pax vobis*, & ad utramque respondetur: *Et cum spiritu tuo*. Hæc cæremonia salutandi populum in Missa est antiquissima, ut advertit Bellarminus ex antiquis Liturgiis Iacobi, Basilii, Chrysostomi, aliorumque, & sumpta dicitur ex Ritu Hebræorum, qui salutantes dicebant *Dominus tecum*. Oratio dirigitur ad Patrem & concluditur per *Patrem*, per quem accessum habemus ad Pa-

trcm. S.c. statuit Concil. 3. Carthag. Dicitur autem *Collecta*, quia nomine totius populi in unum collecti funditur, ac colligit singulorum vota, & attentionem. Unde Sacerdos præmittit *Oremus*, & in fine populus scilicet Minister illius nomine respondet, *Amen*, idest *fiat*. Huius cæremonie meminerunt Iustinus *Apologia* II. D. Hieronymus *Prefatio* in Epist. ad Gal.

Post *Collectam*, quæ alternando alias subsequentes habet, præmittitur Epistola cum Graduali *Alleluia*, vel Tractus: olim quippe factam fuisse in Missa lectionem Scripturarum sanctarum clare colligitur ex Iustino *Apolog.* 2. cap. 5. Tertull. *Apolog.* cap. 39. & Aucto. *Constit. Apostolicar.* l. 2. cap. 5. Scribunt Micrologus, Durandus, Martene, minus hoc olim demandatum fuisse *Lectori*, & Can. 4. Concil. Rhemenf. ann. 843. habemus, Subdiaconi ministerium esse Apostolum legere; sed difficultas solvitur ex cit. cap. 57. *Constitut. Apostolic.* & ex aliis, unde habemus, olim lectionem propheticam præ illam fuisse lectionem epistolarem D. Pauli; lectio Prophetiarum fiebat per Lectorem, seu per minores Clericos, lectio Paulinæ Epistolæ per Subdiaconum, secundum præscriptum canonis Concil. Rhemenf. & servatur hodiernam talis consuetudo, quando lectio præmittitur. Graduale nomen accepit ex quo caneretur dum Diaconus per gradus in Ambonem lecturus Evangelium conscenderet. *Alleluia* vox quæ idem sonat, ac *laudate Deum*, signum est tam laudis, quam exultationis; hinc ieiuniorum tempore præmittitur: sic sancivit Conc. Toletan. 4. immo testatur D. Augustinus Epist. 109. hunc 55. quod suo tempore non decantabatur, nisi diebus Dominicis in signum lætitiæ Resurrectionis Christi, & singulis diebus a Paschate, usque ad Pentecosten. Unde reprehensus fuit S. Gregorius, qui iussit ad Missas cani *Alleluia* in omnibus festis, exceptis his quæ occurrunt inter Septuagesimam, & Pascha, cui reprehensioni responderet Epist. l. 7. Epist. 63. illum usum a se non incepisse, sed introductum fuisse tempore Damasi. Loco *Alleluia* tempore, quod non est dicendum, Tractus supponitur, qui Tractus iuxta Innocenti. III. & Alcuinum significat gemitum Ecclesiæ. Inde sortitus est nomen *Tractus*, quod tractum, & graviori voce canatur.

In solemnioribus diebus Paschæ & Pentecostes canitur *sequentia* seu prosa scilicet versus quidam rithmici. Post Epistolam Graduale cum *Alleluia* vel Tractum, ex antiquis-

De Eadem & Graduali.

Quid sit leluia & quare præmittitur diebus ieiunii.

Quid sit Tractus & eius significatio.

quissimo usu Ecclesiæ, immo ex primæ institutione legitur Evangelium ut constat ex Coneil. Laodicensi, Carthagin. 4. Asafricanano, aliivæ Ecclesiasticis monumentis collectis a Card. Bona & Alcuino, & præcipue ex Liturgiis, quarum nulla habetur, quæ hanc lectionem non præscribat. Et equidem quid Christiane magis antiquius, & acceptum esse debet, quam ut propensius aures porrigat verbis & gestis Christi? Observantur laudari Bona, & Alcuinus, Evangelium recitari in sinistra, & Aquilonem versus, ad commostrandum quod lex Evangelii splenduerit Gentibus, non obstante quocumque Diaboli conatu.

Diaconus antequam ad decantandum Evangelium accedat benedictionem petit a Sacerdote ad digne Evangelium annuntiandum, atque populum excitat per ista verba frequentia *S. Evangelii secundum &c.* populus autem respondet, idest minister eius nomine, sive Chorus in Missa solemni, *gloria tibi Domine*, quæ caeremonia legitur in Missa S. Chrysostomi; & apud Amalarium l. de offic. Missa cap. 18. & Alcuinum l. de divinis offic. Post lectionem Evangelii Sacerdos illud osculatur in signum reverentiæ erga ea, quæ lecta sunt. Non osculatur tamen in Missis Defunctorum, neque coram Papa, Patriarchis, Archiepiscopis, Episcopis in suis diocesis, Legatis Sedis Apostolicæ, Cardinalibus. His enim osculandum deferretur. Olim osculandum deferrebat Principibus, Clero, & cuivis etiam de populo; verum Honorius II. vetuit sub pœna excommunicationis, ne cuiquam amplius deferretur, nisi sacro oleo inunctus fuerit. Evangelium audit populus stando, ut significet se paratum esse ad ea omnia perficienda mandata, quæ leguntur in Evangelio. Olim dum legebatur Evangelium, qui baculum habebant, in signum reverentiæ deponebant. Hodie vero Religiosi Ordinum militarium eo tempore vel manum gladio admovent, vel etiam e vagina illum educunt, ut declarent se paratos esse ad sanguinem pro Evangelii defensione fundendum. Post Evangelium semper mos fuit ut sermo haberetur ad populum festis diebus: & id derivatum est ab Hebræis, qui in more habebant post lectionem Legis, & Prophetarum sermonem facere ad populum. Hoc peracto antiquitus dimittebantur Catechumeni, energumini & publici Pœnitentes.

Post E.  
vangelium  
fermo habetur  
ad populum  
festis diebus.

Post 3. Post Evangelium sequitur recitatio, seu decantatio Symboli, & est quoddam signum professionis fidei; & merito notat Bellarmi-

nus, recitatur post Evangelium, quia fides est ex auditu verbi Dei. *Fides* (ait Apostol. Rom. 10.) *ex auditu*. Symbolum quadruplex est, idest quadrupliciter vulgo distinguitur: nempe Apostolicum quod ab Apostolis; Nicænum quod a Concilio Generali. I. anno 325. Constantinopolitanum quod a Concilio Constantinopolitano Generali. II. anno 381. Athanasianum, quod a S. Athanasio communis compositum creditur. Symbolo Apostolorum occasione erroris Arian, qui negabat consubstantialitatem Filii cum Patre maioris expositionis gratia aliquid Nicæni PP. addidere: sicut in Concilio Constantinopolitano aliqua explicatio facta fuit Nicæno ob errorem Macedonii, qui negabat Spiritum Sanctum tertiam Personam Trinitatis vere esse Deum: qui error occasio fuit, quare Symbolum in Missa recitaretur, cum prioribus sæculis antiquum nullibi legatur morem fuisse Symbolum inter Missarum solemnia recitari. Timotheus quippe Episcopus Constantinopolitanus primus fuit, qui inducit eadem ritum in Oriente, qui paulo post in usum transiit etiam in Occidente. Prius recitabatur Nicænum, postea iussu fuit recitari Constantinopolitanum a Concilio Tolitano 3. cap. 2. anno 589. in Hispaniarum Ecclesiis; & hic ritus acceptus fuit ab omnibus Ecclesiis; & cum mos esset solummodo idem Symbolum recitare, ex concessione Benedicti VIII. facta vocis Henrici Imperatoris, ut habemus ex Lambertino, cantari coepit. Genuflectitur ad illa Symboli verba & *Incarneratus est* &c. ut indicetur, quæ Christo pro nobis homini facta, crucique affixo adoratio debeat. Symbolum Apostolicum, ut iam diximus, ab Apostolis compositum fuit tamquam signum, tessera, seu summarium articulorum Fidei credendorum, & creditur hoc Symbolum litteris Apostolos non consignasse, ne Infidelibus notum periculo derisionis, & contemptus exponeretur. Athanasius postea, Basilius &c. reddita Ecclesia pace sub M. Constantini Imperio, quando nihil plus Ecclesia a Iudæis, & Gentilibus sibi timebat, litteris Symbolum prodiderunt. Nicænum Symbolum Osius Episcopus Cordubensis vir magnæ auctoritatis in eo Concilio, iussu aliorum Patrum composuit: Constantinopolitanum S. Gregorius Nazianzenus probante Concilio. Ad illa verba *venturi sæculi* Sacerdos signat se signo Crucis, ut totius Fidei professio sigillo Crucis quodammodo obligetur.

len de.  
cantatur.  
Symbo.  
lum quod  
est si.  
guum  
profes.  
sionis f.  
dei.

Unde  
cepit ri-  
tus reci-  
tandi  
Symbo-  
lum in  
Missæ.

## S. XVII.

De secunda parte Missæ, quæ incipit  
ab Offertorio.

De offer- Offertorium est altera pars Missæ, quæ se-  
torio a quitur post partem alteram dictam Cate-  
quo inci- chumenorum, & ita iam diximus fuisse vo-  
pit secun- catam; quia huic interessebant Catechume-  
da pars- ni, Pœnitentes, & excommunicati ad au-  
Missæ. diendas instructiones, quæ in hac parte Mis-  
sæ fiebant, & huic parti adesse debebant  
etiam Fideles, idest qui non erant in prio-  
ribus stadiis pœnitentiæ: & pro offertorio  
intelliguntur ea omnia, quæ peracta sunt  
ab illis verbis *Dominus vobiscum* post Sym-  
bolum, usque ad clausulam secretæ oratio-  
nis, quando Sacerdos dicit elata voce *per*  
*omnia secula seculorum* ante Præfationem.

Hæc pars Missæ nomen traxit Offertorii 1.  
a munerum oblatione, quæ olim post Evan-  
gelii lectionem, & sermonem ad populum,  
(tunc enim non recitabatur adhuc Symbo-  
lum) a populo fiebat, panis scilicet, & vi-  
ni. Has oblationes Fidelium comitabatur  
cantus alicuius Psalmi cuius unus, aut al-  
ter versiculus, qui in hodierna Liturgia  
superest, dicitur *Offertorium*. 2. nomine Of-  
fertorii intelligitur oblatio tum panis, tum  
vini, quæ ex populi muneribus selecta essent  
ad consecrationem. Illa autem oblatio fie-  
bat a Sacerdote, & nunc etiam fit per ora-  
nem, *Suscipe Sancte Pater* &c. De oblatio-  
ne Fidelium ad Offertorium habetur ex S.  
Cypriano *sem. de opere & elemos.* ex S.  
Augustino *Serm. de Temp.* ex Conc. Mati-  
scocensi II. habito anno 585. & alibi. A ta-  
li oblatione exclusi erant excommunicati  
pœnitentes Peccatores, qui dissidiis labora-  
bant, ut constet ex veteribus Patrum, &  
Conciliorum monumentis.

Varii ritus in hac oblatione servabantur.  
Nempe 1. ubi Cantores inceperant Psalmum,  
viri, deinde mulieres panem, & vinum offere-  
bant. 2. Sacerdotes, & Diaconi offere-  
bant; sed solum panem, & Cantores solum  
aquam. 3. Panes datos Sacerdoti sacrifican-  
ti Subdiaconus reponebat in syndone. quam  
duo Accolythi sustinebant. 4. Subdiaconus Ar-  
chidiacono porrigebat panes, quos ille im-  
ponebat Altari, tum idem Archidiaconus in-  
fundeat Calici partem vini oblatis, nec non  
aquam, quam Subdiaconus alter acceperat a  
Cantore primario. 5. selecta ex oblati-  
s, quæ consecrari debebant Archidiaconus da-  
bat in manus Pontificis, qui ubi thus ado-  
levisset, conversus ad populum; ut oraret

secretam orationem super illa oblata profe-  
rebat. Hæc omnia habentur ex Ordine Ro-  
mano. Laici numquam permixti sunt oblata  
offerre in Sanctuario. Usus antiquus obla-  
tionum ad Eucharistiam comparatus prorsus  
evanuit. Remansit tamen aliquo modo, si  
absque relatione ad Eucharistiam consideretur;  
quia loco panis, & vini successit re-  
tributio nummorum Sacerdoti celebranti unde,  
ut iam diximus, ortum habuit onorá-  
rium, seu stipendium Missarum.

Quando in oratione oblationis panis, quæ  
fit in offertorio, dicitur oblatio *immaculata*  
*hostia*, referuntur hæc verba non ad panem  
tunc oblatum, sed ad Christum in quem  
convertendus est panis. In fine orationis  
recitatæ in oblatione fit signum crucis,  
cum rebus oblati, ad significandum oblata  
super Crucem poni, ubi Christus pro nostra  
redemptione Patri se obtulit. Infunditur vino  
aliquid aquæ ex præcepto Ecclesiæ, non di-  
vino (qui ritus ex Patrum traditione est  
antiquissimus) ut advertatur, mundissime,  
ac studiose tractanda esse hæc divina myste-  
ria, & ut significetur iuxta D. Thom. p. 3.  
q. 74. art. 7. populus quem figurat aqua,  
adunatus Christo, quem significat vinum,  
& aqua quæ de eius latere profluxit. Sacer-  
dos aquam tantam benedicit, & non vi-  
num, quia hoc exprimit Christum, qui nulla  
indiget benedictione; aqua populum, qui  
cum in hac vita liber non sit omni prorsus  
culpa, indiget benedictione. Hæc vero be-  
nedictio non erat olim in usu. Non bene-  
dicitur aqua in Missa Defunctorum; quia  
hoc loco aqua populum significat Purgatorii,  
qui gratia & benedictione cœlesti fruuntur.  
In oblatione Calicis Sacerdos dicit *offerimus*,  
quia olim proferebat hæc verba cum Dia-  
cono, qui vinum in Calicem infuderat, &  
sanguinem tunc temporis populo ministrabat.  
Olim, sicut nunc etiam in Ecclesia  
Græca, in Romana quoque vigeat mos col-  
locandi hostiam ad latus Calicis: nunc po-  
nitur ante, idest inter Calicem, & Sacerdo-  
tem. Post oblationem & Spiritus Sancti in-  
vocationem Sacerdos manus abluit Psalmum  
recitando *Lavabo*; quia manus abluiere for-  
des detegere significat. Recitat in fine Psalmi  
versiculum *Gloria Patri* &c. qui cum signi-  
ficet lætitiā, omittitur in Missis defunctorum,  
& a Dominica Passionis usque ad Sab-  
batum Sanctum, quia in utraque Missa lu-  
stuosæ cœremoniæ continentur. Recitat post  
manuum abluitionem orationem, in qua men-  
tio fit Passionis, Resurrectionis, & Ascensio-  
nis Christi; ut totum Christi Sacrificium ex-  
prima-

De cere-  
monis  
ie obla-  
tione.

Quid si  
guis cer-  
parum a  
quæ, quæ  
ia obla-  
tione in-  
funditur  
a vi-  
am.

primatur, quod Passione, Resurrectione, &c. constat. Distis postea vel unam, vel plures, secundum cuiusque diei officii ritum, lecretis orationibus recitat elata voce Præfationem, quam incipit conclusione orationum *Per omnia* &c. Hæc oratio dicitur *Præfatio*, quod Sacro præeat canoni, & sit quædam præparatio ad Sacrificium. *Inlatio* dicitur a Mozarabibus, in Sacramentario Gallicano *Contestatio*, quod inferat Sacerdos ex fidelium verbis, & contestetur vere & iustum esse Deo gratias agere. Hæc oratio dicitur *Præfatio*, quia etiam significat proloquium, quo fideles, qui divinis adsunt mysteriis, excitentur, ac disponantur ad canonem, consecrationem, & communionem, scilicet ut animum sursum erigant ad tremendam Missæ actionem mox futuram consecrationis Corporis Christi; hinc dicit *sursum corda*, & populus, seu per ipsum minister respondet se cor iam ad Deum elevatum habere. Finita Præfatione recitatur Canticum *Sanctus Sanctus* &c. quod desumptum est partim ex hymno Angelorum audito ab Isaia cap. 6. partim ex cantico Hebræorum, quod Christo cecinerunt, cum in die Palmarum intraret in Ierusalem Matth. 20. Præfationum, quæ præter ordinariam variæ sunt, applicatæ diebus solemnioribus, Nativitatis scilicet, Resurrectionis Domini &c. B. M. Apostolorum, auctorem quidam volunt Gelasium I. sed istæ cum usu cantici sunt antiquiores, ut habetur in Liturgiis SS. Iacobi, Basilii, Chrysostomi, & apud S. Augustinum serm. 217. edit. Benedictinæ; ac proinde suspicari potest eius institutio, vel a SS. Apostolis, vel aliis qui eodem tempore floruerunt. Pulsatur campanula ad Hymnum Anglicum *Sanctus* &c. ut animi adsantium ad devotionem excitentur: Sacerdos non convertitur ad populum dum eum salutat in Præfatione, vel quia cum dixit eidem ante Præfationem ut oraret per ea verba, *Orate Fratres*, quodammodo populum dimiserit, vel quia ante Præfationem iuxta Liturgiam SS. Iacobi, Basilii, Chrysostomi, Sanctuarium claudabatur, & circum Altare velum pandebatur, ideoque opus non erat, ut in illa salutatione se ad populum converteret, quem iam videre non poterat.

## S. XVIII.

*De Canone qui est tertia pars Missæ.*

Quid no. *Canon* secundum nominis significatum idem importat, ac *regula*. Unde cum hic summa, tur pronorma, ad quam Sacrificium novi

Testamenti celebrandum est, totum complectitur ritum, ac regulam Sacrificii peragendi; unde & antonomastice dicitur; *Actio*, & a Concilio Eboracensi *secretum Missæ* appellatur.

De Auctore Canonis loquitur Concilium De Au. Trident. sess. 22. cap. 4. dum dicit: *Lenim* store Ca. *constat tum ex ipsis Domini verbis, tum ex Apostolorum Traditione, ac SS. quoque Pontificum piis institutionibus*: Quis autem omnium prior fuerit, qui formam aliquam celebrandi induxerit, collectis in unum Domini verbis, aliisve notatis a Tridentino, difficile est statuere. S. Ilidorus l. 1. de officiis cap. 15. credit, S. Petrum primum fuisse, qui dederit aliquam formam celebrandi Sacrificium, additis verbis Domini certis precibus, & ritibus: subinde Pontifices preces diversas adiungere usque ad Gregorium, qui fuit ultimus eorum, qui canoni aliquid addidit, ut vult Walfridus lib. de observat. Ecclesias. cap. 22. Unde licet per antiquus sit canon, sicuti tamen nunc extat apud nos, certum est ab initio Ecclesiæ non extitisse, cum identidem Pontifices aliquid adiunxerint præcipue usque ad laudatum Gregorium.

Canon Missæ complectitur orationes duplicis ordinis: aliæ præcedunt, aliæ subsequuntur consecrationem: aliæ sunt deprecatoriae, aliæ in gratiarum actionem pro beneficiis acceptis. Et hæc preces, paucis exceptis, cum toto canone recitantur voce submissa. Et recte hoc fecisse Ecclesiam non una ratio suadet: liquidem sacra mysteria servare in occulto dignitatem suam scribit S. Basiliius de Spiritu Sancto cap. 27. quidquid impie calumniando obmurmurent Novatores; cum Christus quoque offerens semetipsum Patri oraverit in silentio, septem verbis, idest septem sententiis exceptis, quæ alta voce, ut testantur Evangelistæ, protulit.

Deprecatur Sacerdos in hac prima parte canonis pro Ecclesia universa, pro Papa, pro Episcopo, pro Imperatore in aliquibus locis, pro Rege, pro quibus sacrificat, & pro Sacrificio interessentibus per illa verba, *Et omnium circumstantium pro quibus tibi offerimus*: dicit *offerimus*, non *offero* quia hac voce tum sua vota complectitur, tum populi, qui cum sit offerens simul cum ipso Sacerdote hinc subiungit *vel tibi offerunt hoc Sacrificium laudis*. Post applicationem Sacrificii, quæ fit per illa verba *Memento Domine*, recitatur oratio *Communicantes*, quod verbum significat communionem, ac consolat

De variis  
Oratio-  
nibus  
quas  
comple-  
ctitur  
Canon.

Orat Sa-  
cerdos in  
Canone  
pro Papa  
&c.



lationem sanctorum, qui regnant in cælo cum Fidelibus in terra peregrinantibus, quos iisdem sanctis coniungit Ecclesia, in hac actione, ac illorum intercessionem implorat; ut etiam per eorum merita divino protegamur auxilio: & per hoc nihil meritis Christi detratur quia quidquid Sancti possunt, hoc habent per merita Christi. Hæc oratio, ut habetur in antiquis Missalibus, olim dicebatur *Oratio super Diptycha*; quæ Diptycha erant quædam tabulæ divisæ in partes tres ita sibi coniunctæ, ut complari possent. In his inscripta erant, in una scilicet nomina B. M. V. SS. Apostolorum, ac Martyrum; in altera Fidelium qui viverent, & dignitate emerent, vel de Ecclesia benemeriti, ut Pontifex, Episcopus, alique primi ex clero: deinde Imperator, Magistratus, omnique fidelium cœtus: in tertia Defunctorum nomina, qui in Fidelium communione decessissent; & in Missis privatis a Sacerdote, in solemnibus a Diacono, vel Subdiacono recitabantur nomina, quæ in Diptychis scripta erant. Hic ritus Diptychorum perduravit ad sæculum II. postea inductus est mos ut Sacerdos morali oratione Deo commendet qui antea, Diptychorum recitatione, seu voce commendabantur.

De ritu  
iungendi  
& exponendi  
manus  
super ob-  
latam.

Facta Sacrificii applicatione, & Sanctorum implorata intercessione ultimam recitat sacerdos orationem consecrationi oblatarum præcedentem, quæ incipit: *Hanc igitur oblationem*, quam recitat manibus simul iunctis, & expensis super oblata, iuxta morem legis veteris, quo indicabatur Sacerdotem coniungi cum victimâ, ac tum ea consecrari; quatuor petitiones continet hæc oratio, nempe 1. ut Deus oblationem nostram placatus accipiat 2. ut dies nostros in sua pace disponat. 3. ut ab æterna damnatione nos eripiat: 4. tandem, ut in electorum suorum turba nos grege numerari. His peractis fit a Sacerdote actio consecrationis panis, & vini oblati, in corpus, & sanguinem Domini nostri Iesu Christi.

De actio-  
ne conse-  
crationis.

Actio consecrationis incipit ab illis verbis: *quam oblationem*: In hac oratione sunt quinque Crucis signa, quæ quidam putant significare, Christum secundum carnem in quinque sensibus passum esse; in visu cum ei facies velata est; in auditu cum est irrisus; in gustu cum fel & acetum ei propinatum est; in odoratu ex terro corruptorum corporum odore, quando in Calvario monte cruci affixus est; in tactu quando eius manus, & pedes transfixi sunt. Semel autem ducitur

crux super hostiam & calicem, vel ad duas Christi naturas significandas, vel ad ostendendum, Christum passum esse in anima, & in corpore. Tandem per verba, quæ sunt forma consecrationis utramque speciem consecrat Sacerdos.

Post consecrationem recitatis paucis precibus sequitur recitatio orationis Dominicæ, quæ est omnium præstantissima, utpote quæ formam præstetumque a Christo Domino acceperit. Unde appellatur a Tertuliano *brevarium totius evangelii*; & hic ritus servatur etiam apud Græcos, cum hac sola differencia, quod apud Latinos canitur hæc oratio a solo Sacerdote, & apud Græcos cum Sacerdote celebrante a toto etiam assistente populo. Quadam veluti præfatiuncula disponitur ad eam prænunciandam Sacerdos his verbis *Præceptis salutaribus moniti &c. Pater noster &c.* Antiquissima est illa præfatiuncula, cuius meminit S. P. Hieronymus l. 3. contra Pelagianos, & fere integra reperitur apud S. Cyprianum l. de *Oratione*. Recitationem orationis Dominicæ habent in suis Liturgiis omnes Christiani populi nationes ex Christi, & Apostolorum traditione.

Paulo post Dominicam orationem sequitur fractio hostiæ in tres partes, quarum una, ut quidam cecinit, significat, Christi carnem. 2. Sanctos Defunctos, 3. viventes, singuli quorum tacti sunt Sanguine Christi. Hæc hostiæ fractio est antiquissima ut habetur ex Clemente Alexandrino l. 9. *Stromatum*, Gregorio Nazianzeno Epist. 240. ad Amphiloctium, & in aliis. Post fractionem hostiæ una pars infunditur in Calicem & commiscetur cum vino consecrato, & hoc ut sicuti disunctio utriusque speciei adumbrat mortem Christi, in qua sanguis a corpore Christi fuit separatus, ita per commixtionem corporis, & sanguinis Christi significatur, Christum toto resumpro sanguine surrexisse a mortuis, non amplius moriturum. Sic Amalarius l. 3. de *Ecclesiæ offic.* cap. 91. Facta hostiæ confectione, & specierum commixtione dicitur ter *Agnus Dei*, ex institutione, ut fertur, Sergii I. Et apud Græcos hic ritus iam antea obtinuerat, ut ostendunt antiquæ eorum Liturgiæ. Ea tamen verba, quæ dicuntur in tertio, *dona nobis pacem loco miserere nobis*, quod dicitur in duobus prioribus, addita fuere posterioribus temporibus ad schismata Ecclesiæ tollenda, quæ verba auctorem agnoscunt Innocentium III. l. 5. de *mysse. Missæ* cap. 6. Hinc desideratur in veteribus Missalibus, nec recitantur in Basilica Lateranensi, sed etiam in tertio Agnus

De reci-  
tatione  
orationis  
Domini-  
cæ.

Quid si-  
gnificet  
fractio  
hostiæ.

gnus Dei dicatur *miserere nobis* ut scribit Card. Bona l. 2. cap. 16. n. 5.

De osculo pacis in Missa solemniori, quod significat.

Post Agnus Dei datur in Missa solemni osculum pacis ex antiquo Ecclesiæ more, quando Fideles communicaturi in eodem sacrificio secundum eorum temporum primum præmittantur Eucharistiæ communioni osculum pacis, quo mutuam inter se claritatem obsignabant, suum in divina mysteria consensum testabantur, ac mutuam in Christo unionem significabant, ut habetur ex Patribus, præcipue Iustino Martyre ad calcem alterius Apologiæ, Tertuliano, & aliis cit. hic a Iuvenino in suo comment. Histor. de Sacrament. Osculum pacis vult Albalpineus institutum fuisse a veteribus ad significandum potius effectum Sacrificii, qui est unio Fidelium cum Christo, quam ad disponendum populum ad communionem Eucharisticam. Verum mutata simplicitate priorum Fidelium in malitiam, necesse fuit, ut usus osculi pacis tolleretur, & eius loco succederet usus Fidelibus, & etiam Clericis Sacrificio adstantibus porrigendi tabellam, in qua picta esset, vel insculpta Christi imago, qui ritus hodie apud populum fit ad offertorium, & apud clerum suo loco, secundum antiquum morem post primam orationem, quæ sublequitur Agnus Dei. Apud Orientales olim datum fuisse osculum pacis ante consecrationem habetur ex eorum Liturgiis. Aliæ autem preces, quæ fiunt postea a Sacerdote, sunt dispositiones ad proximam communionem. Facta a Sacerdote communionem, id est sumptionem specierum pro se consecratarum, fiebat communio Fidelium. Hinc habetur in Missali quidam versiculus alicuius Psalmi, qui dicitur *communio*, & decantatur a Choro dum Sacerdos se communicat, qui versiculus est vestigium Psalmorum, qui decantabatur donec perdurabat populi communio.

Post communionem recitatur una, aut plures collectæ secundum ritum cuiuscunque diei, in gratiarum actionem beneficiorum, quæ per hoc Sacrificium conferuntur. Tandem facta a Sacerdote populi benedictione, eum dimittit per illa verba *Ite Missa est*, id est, ite quia Missa, completa est; nunc tamen finitur per recitationem Evangelii S. Iohannis.

Missæ, nisi gravis causa aliter exigat, debet esse conformis officio, tum quia reprobantur cap. *quidam de celebratione Missarum*, qui prætermisso ritu officii diei currentis, Missas, quas votivas vocant, frequentius celebrant, tum quia S. Congreg. prohibuit, ne in Festis solemnibus, & duplicibus Missæ

votivæ dicantur. Dixi *nisi gravis causa aliter exigat*, quia in exequiis præsentis corporis Missa de Requiem seu de defunctis est celebranda; sic quando Sacerdos ratione beneficii vel stipendii tenetur celebrare Missam de B. V. vel de Defunctis; non tamen in diebus Dominicis & festis duplicibus; quia in his etiam si fundator aliter disposuisset, non esset attendendus, cum laicus, aut quævis alia privata persona non possit velle, & præcipere, quod ritus Ecclesiæ immutetur; cum talis mutatio ad solam Ecclesiam pertineat, ac pro circumstantiarum, locorum, & temporum diversitate variare.

Post Missam olim fiebat Eulogiæ distributio; ex pane enim oblato per fideles ad offertorium pro Missæ Sacrificio, qui supererat ex accepto pro consecratione dissectus in particulas benedicebatur, a Sacerdote, & in fine Missæ distribuebatur iis, qui ob aliquod impedimentum non potuerunt fieri participes communionis Eucharisticæ: & tum de Latinis, tum de Græcis, apud quos adhuc hic ritus perseverat, testantur Balsamon, in can. 2. Concil. Antiocheni, Durandus, Bona, & alii. Et hæc erat veluti altera species communionis illorum temporum: & hæc particule panis benedicti dicebantur *Eulogiæ* vel *fermentum*, ad differentiationem panis azymi. Et quia non licebat in quadragesima ob ieiunium hunc panem benedictum distribuere, pro pane dicta est alia collecta supra populum, qui ritus adhuc servatur, ad hanc participationem populum invitando his verbis. *Humiliate capita vestra Deo*. Fideles enim semper solliciti fuere, ut secum invicem unionem, & communicationem servarent (ait Cardin. Bona l. 2. cap. 20. n. 2.) vel Eulogiæ seu Antidota, quod loco Domini dabatur perceptionis; vel saltem mutuo orationum consortio. In Dominicis vero quadragesimæ, quia ieiunium non servatur, dispensabantur Eulogiæ, nec dicebatur oratio supra populum.

Olim post Missam fiebat Eulogiæ distributio.

#### De Agapis.

Agapæ nomine intelliguntur certa convivia, quæ in Ecclesia statutis diebus fieri solebant ad mutuam fovendam charitatem, & ad pauperes refocillandos. Quod hæc convivia olim fuerint testatur Apostolus 1. Corinth. 11. ubi regulas præscribit, quibus peragi debebant huiusmodi convivia; vult nimirum, ut communiter servetur, quod Fideles sese ad invicem expectent, una discumbant, studeant frugalitatem. Et de usu Agapæ testatur etiam S. Chrysostomus in cap.

Quid Agapæ & quando fiebant.

II. I. ad Corinth. D. P. Hieronymus, & alii. Hæ autem Agapæ cum fierent, post Eucharistiæ communionem celebratæ fuere, aliquando mane, & ex laudatis PP. aliquando sub vespas, ut ex Tertuliano in *Apolog.* cap. 9. Agaparum charitatis convivium perduravit etiam post 4. sæculum; quando plurima exhibebantur huiusmodi charitatis convivia, nonnullis tamen de usu veteri immutatis. Primo enim vetitum fuit, ne fierent

mox post communionem Eucharisticam. 2. ne celebrarentur in Basilicis ob incommoda quæ contingere cœperant, ut ex Concil. Laodicensi in Oriente, & Chartagin. 3. in Occidente an. 394. idemque innovatum fuit a Concil. Trullano; & hoc multo ante interdixerat S. Ambrosius in Ecclesia Mediolanensi teste S. Augustino l. 6. suarum Confessionum cap. 2.

# FINIS TOMI QUARTI.

















